



S. BERNARDI CLAREVALLENSIS ABBATIS GENVS ILLVSTRE ASSERTVM.

Accedunt ODonis de Diogilo, IOHANNIS Eremitæ,
HERBERTI Turrium Sardinæ Archiepiscopi, alio-
rumque aliquot Scriptorum Opuscula, duodecimi post
Christum sæculi historiam spectantia: quorum seriem
proxima post Epistolam nuncupatoriam pagina dabit.

*Curâ & studio PETRI FRANCISCI CHIFLETII,
Societatis IESV Presbyteri.*



DIVIONE,

Typis PHILIBERTI CHAVANCE, Typogra-
phi Regij, viâ S. Iohannis, ad Insigne Pueri IESV.

M. DC. LX.

CVM FACULTATE SUPERIORVM.

Vencunt Parisijs apud Bernardinos.

2 7 331

REVERENDISSIMO PATRI, AC DOMINO,

D. PETRO HENRY,
ABBATI

CLAREVALLENSI MERITISSIMO.



*ULTA sunt (VIR REVERENDISSI-
ME) que hoc Opusculum Tibi vni pre
ceteris vindicant. Primum illa Sapientis
quasi lex ; Ad locum vnde exeunt flu-
mina reuertuntur vt iterum fluant.*

*Eccles. 1.
7.*

*ODONEM de Diogilo, HERBERTVM
Turritanum Archiepiscopum, IOHANNEM Eremitam, adeo-
que huius voluminis optima queque , de Clareuallensis Biblio-
theca penu dimitte accepi olim à decessore tuo beate memorie
CLAUDIO L' ARGENTIER. Ea ipsa Tibi à me po-
tiori iure redhibenda sunt ; quòd ille fecit quidem vt ad me per-
uenirent, Tu etiam vt publicum per me aspicerent. Deinde que
his continentur , non modo prodire è tuâ Claravalle, sed co-
eant maxime illustrant, docent que quantos hæc splendida vallis
(vt ad Sidonium alludam) miserit in cælum moixes. Ec-
quis asctarum tuorum his exemplis non inardescat , dum hic
legerit que veterum Patrum suorum sanctitas morum , quàm*

*In Euch-
ristico ad
Fauſtan.*

PISTOLA

familiaris cum Deo & superis consuetudo, qua morientium
 fiducia; qua exultatio, quæ triumphus, è lectulis suis recto tra-
 mite ad æternas Beatorum mansiones euolantium? Tibi nimi-
 rum hanc gratiam debebunt, qui has ipsas dignas cedro & sem-
 piteruis monumentis historias, de blattarum pulvere ac tene-
 bris in apertam lucem emergere voluisti. Quid plura? De S.
 BERNARDO in primis mira hic liber continet. Cui porro nun-
 cupandas, nisi Tibi, qui non modò Clareuallensis Abbatis no-
 men geris, sed & cumulatè tanti (quod caput est) mensuram
 nominis imple. Historicè loquor: nullus hic tropus, nulla
 auxesis. Tu à primo tyrocinio per omnes regularium officiorum
 gradus probatus, sic horum munerum partes expleuisti, sic tuis
 præluxisti, ut illi Patrem communem Te maximè optarent, cuius
 insinu acquiescerent, cuius regerentur consilijs, cuius vitæ
 ratione ac temperamento ad meliora incitarentur. Patere Tibi à
 me dici, quod non ad blandiendi libido, sed æqui, boni, verique
 amor e primit. Duo quedam præ alijs mirari licet in magno Ber-
 nardo, cuius obtines sedem. Hinc paternum erga suos affectum,
 & Φιλανθρωπίαν (quam vocant) ac suauitatem in congressi-
 bus: inde zelum & vigorem animi in carpendis vitijs, ac præ-
 sertim in exagitandis Ecclesie rebellibus. Hæc ipsa in Te amant
 qui te probè norunt. Sic se à Te diligi, sic foueri gloriantur tui,
 ut filios ab optimo parente. Sic in rebus gerendis Tui semper si-
 milis es, ut in Te comitas grauitate condita omnium oculos fe-
 riat. Nec idèò deesse Tibi dixerim, ubi res poscit, aculeum sa-
 ueritatis. Referam quod in Claramalle ante duos serè annos ge-
 stum est, quòdque ab oculatis testibus ipse accepi. Accumbebant
 mensæ tue graues aliquot viri, erátque cœtus conuiuiarum qua-
 si duodenarius. Ex his hospes vnus, ætate iuuenis, familià cla-
 rus, sendo appulsus est ad exerendum animi sui virus: erat

NUNCUPATORIA.

verò (ut ferunt) de laussienianorum damnatâ turbâ, & inter illos a quo solutior. Igitur cæco impetu quadam impiè in Sancto- rum reliquias, quadam in Sanctissimum Dominum nostrum Alexandrum Papam septimum irreuerenter effutijt. Non tuli- sti proterui hominis impudentiam. Erectus in pedes, silentium ei indixisti, temerariam eius audaciam seuerè redarguisti; mina- tus, ni desisteret, mox illum à Te & cœnaculo & domo cum dedecore exturbandum. Profuit iuueni tua hæc castigatio. Ille quasi de cælo tactus repenti obmutuit. Tu tuum de nostra reli- gionis sacris ac mysterijs sensum, atque erga Romanos Pontifi- ces intimam reuerentiam graui oratione testatus, sensus eosdem conuiuis, ac per eos alijs quàm plurimis impressisti. Macule his studiis, Abba Reuerendissime. Sic BERNARDUM quem officio representas, exhibere perges etiam moribus. Sic illi, ac cæteris decessoribus tuis iam cælo receptis, post vitam hanc benè bea- tæque transactam (quam Tibi diurnam apprecor) nonumfi- dus accedes. Hoc opto, hoc voveo Diuine, iv. Nonas Februarij, anno æræ Christianæ M. D C. LX.

REV. P. T.

Additissimus PETRVS FRANCISCVS
CHIFLETIVS Presbyter è Socie-
tate IESV.

ELENCHVS CONTENTORVM
in hoc volumine.

I		CHRONICON Clareuallen-	
P	PRÆFATIO in Odonem	se, ab anno Christi 1147. vs-	
	de Diogilo, de Ludouici	que in annum 1192. perdu-	
	VII. Francorum Regis profe-	ctum.	81.
	ctione in Orientem,		III.
	Itinerarij huius Opusculi τὰ	EPITAPHIA illustrium ali-	
	τμήματα, καὶ τὰ χρονικά.	quot virorum.	90.
	Epistola Ludouici VII. Regis		IV.
	data anno 1148. xix. Martij,	PRÆFATIO in Vitā S. Bernardi	
	ex Antiochiā Syriæ, ad Suge-	Abbatis Clareuallensis, à Iohan-	
	rium S. Dionysij Abbatem. 6.	ne Eremitā conscriptam.	94.
	ODONIS de Diogilo, de Lu-	VITA S. BERNARDI, au-	
	douici VII. Francorum Regis	ctore IOHANNE EREMI-	
	cognomento Iunioris profe-	TA	97.
	ctione in Orientem. opus sep-	Epistola I. Iohannis Eremitæ	
	tem libellis distinctum.	ad Petrum Episcopum Tus-	
	Epistola Odonis ad Abbatem	culanum.	97.
	suum Sugerium.	Epistola II. Iohannis Eremitæ	
	Libellus primus.	ad Herbertum Turritanum	
	Libellus secundus.	in Sardinia Archiepisco-	
	Libellus tertius.	pum.	102.
	Libellus quartus.	Liber primus.	104.
	Libellus quintus.	Liber secundus.	112.
	Libellus sextus.		V.
	Libellus septimus.	PRÆFATIO in vitam Beati Petri	
	Tempus eclipsus solaris, cuius	Prioris Iuliacensis.	112.
	Odo meminit libro IV. extræ-	VITA B. PETRI, Prioris Iu-	
	mo.	liacensis Puellarum mona-	
		sterij, & monachi Mohs-	
	II.		

Contenta huius voluminis.

- mensis. 114. videre solitus erat. 169.
- De anno & die obitus B. Petri Cap. 4. De Guillelmo, primū
Prioris Iuliacensis. 155. S. Albini Andegauensis,
VI. deinde Clareuallensī mona-
cho, cui multa diuinitus
PREFATIO in Herberti Turriū ostensa & reuelata sunt. 174.
Sardinæ Archiepiscopi tres Cap. 5. De Acardo Clarxual-
Libros de Miraculis. 158. lis monacho, mulcorum cce-
HERBERTI Turrium Sardi- nobiorum exstructore, qui
niz Archiepiscopi, de Mi- Herberto tum adhuc noui-
raculis Libri tres. 161. tio multa à se visa refere-
LIBER PRIMVS. bat. 183.
Cap. 1. De rinaldo, primū
S. Amandi, postea Clareual- Cap. 6. De Schocelino agri
lensī monacho, magnæ reli- Trepiensis Eremitæ, ma-
gionis viro, cui apparuit gnæ sanctitatis, & miræ re-
Beatissima Virgo Dei Geni- rum humanarum despicien-
trix MARIA, cum Sanctis tiz viro; quem etiam S. Ber-
Elizabethâ & Mariâ Magda- nardus inmisit per suos, &
lenâ fratres melliores inui- muneribus prosequutus est
sens: ac postmodum aliquot cuius corpus in eodem Bea-
ante eius obitum diebus can- tiz Mariæ castri Lucelebur-
dida ac pretiosa vestimenta à gi translatum, miraculis ce-
se præparata illi ostendit, qui lebrabatur. 186.
bus cum ad eam veniret, Cap. 7. De fratre laico & Con-
esset induendus. 161. uerso Clarxualis, pro ini-
Cap. 2. De Gerardo Sacristâ micis orare solito, cuius
Clareuallensī, quem pulsata pretiosæ morti diuina visio
inuisibili manu tabula mo- testimonium perhibuit. Qui-
nienrium, de imminente si- nam ex S. Bernardo cælum
bi obitu admonuit. 167. rectâ ingrediantur. 193.
Cap. 3. De Perro Tolosano, Cap. 8. Roberto Clareuallensī
monacho Clareuallensī, ab Abbati duo Angeli floribus
importunissimis carnis ten- chorum sternentes, cuius-
tationibus mirabiliter libe- dam monachi tunc morien-
rato: qui postea Iesum pue- tis meritum designant. 197.
rulum in hostiâ consecratâ Cap. 9. Visio apud Claramual-

Contenta huius voluminis.

- lem offensa in obitu fratris cuiusdam, bonæ quidem voluntatis, sed aliquantulum negligentis, 198.
- Cap. 10.* Fratres Igniacenses in visione angelicâ, liliorum emblemate exprimitur. 199
- Cap. 11.* Arnulphus de Maiorcâ, vir in sæculo præpotens, in Claraualle factus monachus, pro totius vitæ peccatis tres tantum orationes dominicas pœnitentiæ loco accipit à S. Bernardo: centuplum in hac vitâ se à Domino percepisse affirmat: sanctè moritur. 200.
- Cap. 12.* Quidam verberibus inuisibili manu inscriptis compellitur ad conuersionem in Claraualle. 205.
- Cap. 13.* S. Bernardi mandato differtur obitus cuiusdam monachi Clareuallensis. 207.
- Cap. 14.* Angeli sancti lectulum circumstant morientis in Claraualle monachi. 208.
- Cap. 15.* Fratri bubulco Clareuallensi apparet per quietem Christus Dominus, boues cum eo stimulans, stiuam premens, terramque aratio proscindens 208.
- Cap. 16.* Quidam Conuersus Clareuallensis, litterarum rudis, cum esset morti proximus, multa Latino eloquio de Scripturnis sanctis disseruit. 209.
- Cap. 17.* Conuersus è Claraualle tertiò egressus, & tertiò receptus, tandem verè & diù pœnitens, paulò ante obitum beatitudinem æternam prægustat. 210.
- Cap. 18.* Gerardo Conuerso de Moris, viro mitissimo & religiosissimo apparet paulò ante obitum Christus Dominus, cum duodecim Apostolis. 212.
- Cap. 19.* Cuidam Monacho Clareuallensi visi sæpe cacodæmones horrendis formis: visus S. Augustinus, à quo & ad loca pœnarum, & ad Beatorum sedes deductus est: visa anima monachi de corpore egressa, & in aëre tamdiù hæsitans donec sacerdotali commendatione muniretur: visus denique in Missâ paruulus Iesus flagitiosum Presbyterum auersari. 213.
- Cap. 20.* Ambiani Robertus Sacerdos, cauitatis amator & prædicator. Ibidem pudica quædam femina, infantulum Iesum tempore sacrificij videre solita, probis sponte illabentem, ab improbis

Contenta huius voluminis.

probis verò abhorrentem.
218.

Cap. 21. Matricularius Normannus videt in diuino sacrificio priuari Presbyterum osculo pueri Iesu, propter odium quo in compatrem commotus erat. Videt etiam in rogationibus, mulierum nugaces canilenas ab Angelis despicì, à dæmonibus cachinnis excipi.
220.

Cap. 22. Frater quidam Clareuallensis, ex Eucharistiâ perceptâ melleam in ore dulcedinem degustare solitus; aliquando amico seuerius obiurgato communicans, molestissimam tanquam absinthij amaritudinem sensit.
222.

Cap. 23. Alius frater Clareuallensis, die sancto Parasceues vidit Christum Dominum velut eâdem horâ crucifixum.
223.

Cap. 24. Seniori cuidam Clareuallis monacho in extrasi apparens Christus; Dimissa sunt tibi (inquit) peccata tua.
224.

Cap. 25. Iuuenis monachus malè interpretatus pias lacrymas Abbatis sui Crucem in Parasceue adorantis,

mox à dæmone de abiiciendo habitu monastico grauiter tentatur.
224.

Cap. 26. Idem Abbas vidit in choro dæmonem, singulis monachis vinum rubens in poculo propinquantem: quod vnus ex illis degustans, à spiritu fornicationis exagitatus est.
225.

Cap. 27. Visus dæmon in specie Simonis monachi, Christianum Conuersum è monasterio educit.
226.

Cap. 28. Monachus Clareuallensis defectionem à proposito cogitans, viso per quietem Sancto Malachiâ, Sancti quoque Bernardi baculo contusus, ad sanam mentem rediit.
227.

Cap. 29. Quidam Conuersus Clareuallensis, obedientie suæ confusus feliciter moritur.
228.

Cap. 30. In exitu religiosi cuiusdam fratris, auditi sunt Angelorum musici concentus. Boso, vnus de S. Bernardi filiis primogenitis, in mortuus toto vultu mirabiliter radiauit.
231.

Cap. 31. Paulò post obitum S. Bernardi, quidam ob carnis tentationum vehementiam egressum medita-

Contenta huius voluminis.

tus, illo sibi apparente confirmatur in proposito. 232.

Cap. 32. Galterus frater laicus iubetur per somnium à reuerendâ quâdam puellâ Missam celebrare: quam ille deinde memoriâ retinuit. 233.

Cap. 33. Oranti cuidam Abbati, & aliis nonnullis, miræ suauitatis odores narium, & saporis palato infusus. 234.

Cap. 34. Cuidam fratri apprensens Beatissima Dei Genitrix Virgo, semel & iterum certiorum illum facit de suâ salute. 237.

Cap. 35. Ex Aëlredo Rieuallensî Abbate refert de quibusdam sanctimonialibus, in contemplatione extra se rapi solitis. 238.

LIBER SECVNDVS.

Cap. 1. De Dominici apud Urbem Legionensem solitarij mirâ vitæ asperitate: & de malis ac bonis spiritibus penè indefinenter illi apparentibus. 241.

Cap. 2. Nouitio cuidam Clareuallensî apprensens Christus Dominus, ipsi, & vni ex eius sociis benedicit; tertium nomine & re Malignum præterit. Qui post

triduum ab Ordine desecit. 252.

Cap. 3. Postridie Paschæ monachus quidam Clareuallensî, dum esset in choro, vidit in sublimi fulgentem è medio dexteram, quæ signo salutiferæ Crucis semel atque iterum in aëre depicto psallentibus benediceret. 253.

Cap. 4. Cum Gaufrido conuertitur in Claraualle Andreas ex Archidiacono Virdunensî, vir nobilissimus & delicatissimus: cui de perseverantiâ desperanti visa sunt pisa exquisiti saporis, quamuis aquâ dumtaxat & sale condita essent. 253.

Cap. 5. Quidam Clareuallensî monachus à Christo Domino sibi apparente benedicitur. 256.

Cap. 6. Odor ac sapor mirabilis, cum cælesti visione cuidam fratri Clareuallensî infusus. 256.

Cap. 7. Videt nouitius in Claraualle Beatam Mariam Magdalenam ante altare stantem: ei verò negatur ad præsens visio Beatissimæ Dei Matris. 259.

Cap. 8. Oratio coniunctis, aut

Contenta huius voluminis.

- expansis manibus, aliquot
Christi apparitionibus cō-
probat. 259.
- Cap. 9.* De quodam adoles-
centulo Alemanno, qui in
Claraualle ad vitam mona-
sticam mirabiliter conuer-
sus, egregiā sanctitate, &
diuinis manifestationibus
clarus fuit. 260.
- Cap. 10.* Monachus quidam
Clareuallensis, S. Ioannis
Euangelistæ cultui addi-
ctissimus, de diuinis rebus
multa per eum cognoscit.
265.
- Cap. 11.* Asserit S. Bernardus
ex Dei reuelatione, mul-
torum animas statim à cor-
poris egressu, libero & ex-
pedito transitu cœlum pe-
netrare. Item quotquot in
Ordine Cisterciensi (vigen-
te nimirum disciplinā) per-
seueraturi essent, saluos fo-
re. Guidoni quoque fratri
suo prædixit fore, ut quia
rei Clareuallensis familiæ
nimium studeret, extra
Claramuallem moreretur.
268.
- Cap. 12.* Simoni Abbati Ca-
ziaci, de nigro Ordine Be-
nedictinorum, S. Bernar-
das quamdiū vixit, transi-
tum negauit ad Claram-
uallem : prædicens tamen
(quod postea euenit) ipsum
in Claraualle moriturum.
271.
- Cap. 13.* Gunnarius Sardinæ
Tetrarcha, ex prædictione
S. Bernardi, post eius obi-
tum fir monachus in Cla-
raualle. 272.
- Cap. 14.* S. Bernardus Romæ
degens per triennium, sub-
inde visitat suos in Clara-
ualle. Alia quædam de eo
mira. 274.
- Cap. 15.* Constantium sus-
pendio addictum, cum ad
patibulum duceretur, S.
Bernardus tortore prepu-
m, annuente Comite Theo-
baldo in Claraualle atron-
det, & vestem monasticam
induit. 276.
- Cap. 16.* Hæreticum oblo-
quentem S. Bernardus pru-
denti responso confutat.
277.
- Cap. 17.* Parisiis clericos ali-
quot quā verbis, quā la-
crymis & gemitibus ad san-
ctius vitæ institutum con-
uersos, secum in Claram-
uallem deducit. 279.
- Cap. 18.* Mediolani affirma-
uit quidam, vidisse se S.
Bernardum inter Aposto-
los. 282.

Contenta huius voluminis.

Cap. 19. Oranti S. Bernardo
apparens Christus crucifi-
xus, solutus à Cruce bra-
chiis eum amplectitur. 283.

Cap. 20. Monacho epileptico
impetrat S. Bernardus, vt
morbum præsentens lecto
decumbere, & repentini
casus elisionem vitare pos-
set. 284.

Cap. 21. Cuidam primùm
clerico regulari, ac postea
Clareuallensi monacho,
pluries apparuit S. Bernar-
dus haud multò post obi-
tum. 285.

Cap. 22. Alexandri ex Cano-
nico & Doctore Colonien-
si, postea Grandisiluz, ac
demum Cisterciensis Ab-
batis mira ad monachis-
mum conuersio, S. Bernar-
di ope. 289.

Cap. 23. Stephanus Abbas
Cisterciensis cognoscit
Deo reuelante, septem
psalmos pœnitentiales,
quos pro animâ matris suæ
S. Bernardus adhuc noui-
tius quotidie in silentio di-
cere consueuerat, fuisse
quâdam die ab eo præter-
missos. 291.

Cap. 24. De Stephano Cister-
ciensi Abbate, cui tres car-
rucas cum nouem equis

mirabiliter Deus suppedi-
tauit: quique regimine ab-
dicato, vidit immundum
spiritum Guidoni sibi sus-
fecto in os ingredientem.

292.

Cap. 25. Fastradus ex Abbate
Camberonensi Clareual-
lensis, indeque Cisterci-
ensis, reuerendi oris, & ma-
gnarum virtutum vir, etiâ
in obitu diuinitus com-
mendatur. 295.

Cap. 26. Admonetur coelitus
quidam Abbas, ne de excu-
tiendâ præfecturæ suæ sar-
cinâ ulterius satagat. Idem
grauissimis & creberrimis
capitis doloribus, mirabili
quasi massæ plumbeæ in
mediam eius frontem illap-
su liberatus olim fuerat.
300.

Cap. 27. Balduinus Miles, do-
minus de Guizâ, homo fa-
cinorosus, Igniaci moritur
in veste monastica: ac po-
stea Petro Igniacensi Ab-
bati sæpe apparens, tandem
eius & monachorum preci-
bus diu purgatus in cælum
recipitur. 302.

Cap. 28. De lue quæ Domus
Dei monasterium depopu-
lata est: & de Franconis
Abbatis, ac Bernardi mo-

Contenta huius voluminis.

- nachi felici ad Superostrā-
sitū. 306.
- Cap. 29.* Mira quædam de Ge-
rardo de Farfā, admirandæ
pietatis, & sanctitatis exi-
miz sene: cui mortis proxi-
mo apparuit S. Bernardus:
qui etiam questus est post
mortem, quodd præprope-
rē & adhuc spirans, fuisset
sepultus. 307.
- Cap. 30.* De Laurentio Con-
uerso Clareuallensi, qui
S. Bernardi ope multis sub-
ductus periculis, decem
bubalos in Claramuallem
ex Italiā perduxit. 311.
- Cap. 31.* De quodam monacho
mortuo in Burlancutte,
reuelatur vito sancto illum
Sanctorum Ioannis & Pau-
li Martyrum meritis coæ-
quari. 315.
- Cap. 32.* Vir quidam pius in
Meldenſi territorio, mor-
tuis repertus est, super ge-
nua sua, & super latus ma-
nus articulos nudā humo
perstans; dextram verò
quasi tundendo pectori ap-
plicatam tenens. 316.
- Cap. 33.* Monachus Ordinis
Cisterciensis, orationi ma-
ximè, & lectioni intende-
re solitus, videt primū S.
Ioannem Euangelistam, tum Beatissimā Dei Geni-
tricem Virginem Mariam,
& denique Christum ipsum
Dominum sibi animam
agenti occurrentes. 318.
- Cap. 34.* Fratri cuidam cum
morte luctanti apparet dz-
mon simiz speciei, ei illu-
dētis, & panni frustum
subinde lambentis, quod
ille absque Superioris licen-
tiā, detricto suo scapulari
assuerat. 319.
- Cap. 35.* Monachus præ fe-
brium æstu cucullam exu-
tus, indutus est scapulare:
quo in habitu eūdem esset
mortuus, eius animæ oclu-
sa est paradisi ianua, donec
illa corpori suo reddita &
cucullam poposcit, & pro eā
abiecit pœnitentiam sibi
iniunctam accepit. 320.
- Cap. 36.* De Abraham Abba-
te Prateæ in Biturigibus,
qui adhuc iuuenis edoctus
est, nihil quicquam, ne mi-
nimum quidem absque li-
centiā usurpare: ludæos ex
fœtore discrevit: atque ob
angelicam animi & corpo-
ris puritatem, ab ipsâ Dei
Genitrici Virgine Mariâ,
stupendis beneuolentiæ ar-
gumentis cohonestatus
est. 321.

Contenta huius voluminis.

Cap. 37. Monachus Fontencensis in ultimo morbo miraquædam videt, & obitum suum prædicat, & diuino splendore illustratur. 323.

Cap. 38. Hugo Prior Fontencensis, magnæ religionis doctor, & vir, ipso S. Augustini festo die (prout optauerat) sanctè moritur : eiusque felix anima, occurrente cum cœlitibus alijs S. Augustino in cœlum deducitur. 325.

Cap. 39. Pij Sacerdotis, in Albatræ monasterio nouitij felix obitus, cœlestibus aliquot oraculis commendatur. 326.

Cap. 40. In monasterio Fontis Mauriniaci, diœcesis Bituricensis, Robertus monachus, de beatâ morte quam quinto post die obiturus erat, diuinitus præmonetur. 328.

Cap. 41. Margareta Audomarensis, eximie formæ puella, ve nuptias vitaret, admirando sed non imitabili facinore, nasi pitulam, cum superiore labro libimet abscidit. 329.

Cap. 42. De sanctimoniali, quæ oculos miro decore radiantem ipsa sibi exsculpsit, ve

pudori suo cõsuleret. Guilhelmi Anglorum Regis nequitia, ex infelix exitus. 332.

Cap. 43. In Fontanis, monasterio de Ordine Fontis-Ebraldi, monialis, sociæ post mortem apparens, magnâ quiete se potiri testata est ; nondum tamen Dei conspectu frui, donec illa certo quem designauit die se illi adiunxisset, vt ambæ pariter in gloriam reciperentur. 335.

Cap. 44. De Mariâ, Carmenis monasterij puellâ, quæ primùm in ægrotis omni ope iuuandis diligentissima : exinde paralytica, tum lumine prophetico, tum alijs sanctarum animarum præclaris dotibus ac priuilegijs, & in morbo, & in obitu illustris fuit. 335.

LIBER TERTIVS.

Cap. 1. Pontio monacho (qui postmodum & Abbas, & Episcopus fuit) apparens post obitum quidam Grandisiluz monachus, magnæ vir perfectionis, mira nonnulla ei de statu suo reuelat. 338.

Cap. 2. Quidam à mortuis rediuius, inter alia dixit, à Beatissimâ Dei Genitrice

Contenta huius voluminis.

- Virgine Mariâ, Grandissil-
uz monasterium ter diebus
singulis visitari. 340.
- Cap. 3.* Monachus Grandissil-
uz in vigilijs dormitans,
de choro extrahitur. 341.
- Cap. 4.* Ignauus quidam, &
ad vigilias somnolentus
monachus, exterretur à
dæmonibus. 341.
- Cap. 5.* In Grandissilua multi
monachi breui tempore,
letifero morbo sublato, op-
timum se habere in cœlis
repositam gratiam demon-
strant. 343.
- Cap. 6.* Moriens monachus
in Grandissilua, præparatam
sibi gloriam prægustat, ho-
minum omnium merita
transcendentem. 343.
- Cap. 7.* Duorum in Grandi-
silua defunctorum appari-
tio, pro superstitum salu-
te. 344.
- Cap. 8. B.* Infirmitas paupe-
rum, vir religiosissimus,
videt paulò ante mortem
Christum ipsum Dominum
& locum sibi in cœlo præ-
paratum. 346.
- Cap. 9.* Gaufridus Sorensis
Episcopus, cum adhuc mo-
nachus esset in Claraualle
vidit cœlestium ordinum
sollemnem supplicationem
in valetudinarium tenden-
tem : qui Tecelini vene-
randi senis ac Sacerdotis
animæ egressum munitissè
crediti sunt. 349.
- Cap. 10.* Admiranda nonnulla
à Gaufrido Sorensi Episco-
po, vel de eo diuinitus vi-
sa. Repertum ab eo Corpus
Domini incorruptum. 350.
- Cap. 11.* De Hungero eiusque
patre, & fratre Rodulpho,
ad Ordinem Præmonstra-
tensem mirabiliter conuer-
sis. 355.
- Cap. 12.* Aquis præfocatus
infans, Beati Petri Apostoli
altari impositus reuiuiscit :
sit postmodum clericus,
tandemque monachus Ci-
sterciensis. 357.
- Cap. 13.* Clericus desertor &
apostata, letali morbo ad
extrema deductus, cum
tonsuram clericalem sibi
restitui precaretur, nullâ
industriâ attonderi po-
tuit. 359.
- Cap. 14.* Monachus Clareual-
lensis infirmus, in observa-
tione ciborum & procura-
tione medicaminum super-
stitiosus ; clementissimæ
Dei Matris prouidentia mi-
rabili, & vires recipit, &
nimiam sui curam deponit.

Contento huius voluminis.

- nit, 360. Hostiæ sacrosanctæ pars maior in carnem mutatur. 369.
- Cap. 15.* De Alquerio Clareuallensi monacho, sui quidem contemptore; sed amore Christi in procurandis ægrotis, præsertim pauperibus, diligentissimo: qui de Christi vulneribus benedictionem & salutem promeruit. 361.
- Cap. 16.* Cuidam fratri de peccatis suis turbato & contrito, ostendit Christus lacrymas & luctus pœnitentium quanti æstimat. 364.
- Cap. 17.* Eidem fratri Christus Dominus spem veniæ, & misericordiæ suæ, alio mirabili viso ingessit. 365.
- Cap. 18.* Eiusdem argumenti visio, eidem fratri ostensa. 365.
- Cap. 19.* In villâ territorij Tullensis, Domnomartino, Eucharistia cum sacrâ pixide, & corporali flammâ euasit, circumiectis omnibus tebus incendio absumptis. 366.
- Cap. 20.* Eucharistiæ Sacramentum in atcâ reconditum, & in carnem conuertitur, & diuini luminis indicio proditur. 367.
- Cap. 21.* In pago Carnotensi, Hostiæ sacrosanctæ pars maior in carnem mutatur. 369.
- Cap. 22.* Feriâ sextâ sacrificante Presbytero, Hostia eucharistica in carnem, Calix in sanguinem vertitur. 369.
- Cap. 23.* Celebrante Missam sacrilego Sacerdote, peractâ consecratione, paulô ante quàm communicare veller, Panis sacer è patenâ, & sanguis è calice momento euanuerunt. 370.
- Cap. 24.* In vico Belesmo territorij Catalaunensis, Eucharistia ad moribundam feminam latenter transmissa, à maligno spiritu publicatur. 372.
- Cap. 25.* Ad sceleratam hominem morti proximum allatâ Eucharistiâ; priusquàm eam ille perciperet, à dæmonibus in aëra sublatus, & ad terram elisus est. 373.
- Cap. 26.* Quidam Conuersus Becci, morti proximus, totius Conuentus precibus à dæmonum insultibus liberatur; & Sacramentis munus, in bonâ confessione è vigis excedit. 374.
- Cap. 27.* Longipontis Conuersus

Contenta huius voluminis.

- sus, qui denarium vnum, & buculam vnā absque licentiā retinebat; perceptā in Paschate Eucharistiā, prunam ardentem præcordijs iniecisse sibi visus est. 375.
- Cap. 28.* Ad porcorum salutem Eucharistia in stabuli limine occultatā, diuinitus reuelatur, & magnā ex parte in carnem conuersa reperitur. 376.
- Cap. 29.* Pauperculus rusticanus, exceptam in die Paschæ, & ore retentam Eucharistiā cū vestimento suo insuisset spe subleuandæ inopiæ suæ; ab eo postmodum ex morbo periclitante prodita, tota carnea inuenta est. 377.
- Cap. 30.* Apum alueati iniecta Eucharistia; post tres annos in summo calathō integrā & illæsa reperitur. 378.
- Cap. 31.* In Sardinia, cuidam Presbytero de pœnis alterius vitæ multa diuinitus reuelantur. 379.
- Cap. 32.* Sarracena puella christianæ religionis cupidissima, pro tuendâ pudicitia, à Christiano sed flagitioso milite obruncata, in Martyriū æanōnem refertur ab Alexandro Papâ tertio. 382.
- Cap. 33.* Igneo Spectro deterrentur monachi Burlencurtis, à thesauro quem quidam somniarat, effodiendo. 385.
- Cap. 34.* Margareta pia femina in episcopatu Rosqueliz, à barbaro marito diu vexata, ac tandem crudeliter interfecta; & sacri cadaueris integritate, & alijs miraculis diuinitus illustratur. 387.
- Cap. 35.* Cacodæmon, simulacri sui contrafacti & combusti iniuriā vlcisci conatur. 390.
- Cap. 36.* Christianā fide in Selauniam inductā, diffugiunt ex eā dæmones cum horrendo strepitu, velut exercitus prælio victi, & fusi ac fugati. 391.
- Cap. 37.* Aspersione aquæ benedictæ mulier gentilis ex-cruciata, ad Christi fidem conuertitur. 392.
- Cap. 38.* Rex Olauus (qui postea Martyr) cū per imprudentiam Dominicâ die virgam cultello dolaret, admonitus indoluit: & collectâ schediā cū in pœnam manui suæ imposita

exulisset, à flammâ tamen
illæsus fuit. 393.

Cap. 39. Episcopus ridicula
effutire solitus, apparet post
mortem ulcerosis ac tumi-
dis labijs : & septem fra-
trum seruatō per dies ali-
quot silentio liberatur. 394.

VII.

Diatriba de illustri genere S.
BERNARDI Abbatis Clare-
vallensis. 395.

Seçtio. 1. Non est derivatum
stemma Ordinis Cister-
ciensis à S. Bernardi insigni
gentilitio. 396.

Seçtio. 2. S. Bernardi nobilita-
tem ostendit, Humbelinæ
sororis eius, itémque fra-
trix, nempe Guidonis eius
fratris coniugis nobili-
tas. 398.

Seçtio. 3. Nec S. Bernardi ger-
mana, nec fratria, fuere
Cisterciensis Ordinis mo-
niales, sed Benedictinæ ni-
græ. 401.

Seçtio. 4. S. Bernardus ex patre
equestris ordinis fuit, quem
militiam tunc appellabant
& in eo gradu, antiquæ
puræque originis. 404.

Seçtio. 5. S. Bernardus per ma-
trē Alaysiam de Monte-
barro, ex Comitibus Tor-
nodorensibus, immò &

ex antiquis Burgundix
Ducibus originem tra-
xit. 409.

Seçtio. 6. De nobilitate Aaly-
sæ S. Bernardi matris, solu-
itur nodus ex eius die obi-
tus ad Kalendas Septem-
bres adnotato in Necrolo-
gijs Benignianis; in quibus
absque vllō clari generis ti-
tulo, laica dumtaxat un-
cupatur. 413.

Seçtio. 7. Confirmatur S. Ber-
nardi genus illustre, ex eius
familix varijs affinitati-
bus. 416.

VIII.

Probationes & illustrationes
Diatribæ de illustri genere
S. Bernardi Clarevallensis
Abbatis, à paginâ 411.
ad 619.

In his Probationibus quæ sunt
notatu digniora, Index
alphabeticus ad finem Li-
bri ostendet.

IX.

APPENDIX ad Diatribam de
illustri genere S. Bernardi
Clarevallensis Abbatis, in
quâ & Charta, Fontene-
tensis vulgò dicta excuti-
tur : & baltheus argenti &
coccini ductu gemino tes-
sellatus, quâ ratione ad S.
Bernardum pertineat, ostē-

Contenta huius voluminis.

ditur; & de torâ eius consanguinitate atque affinitate accuratius disputatur.

Prefatio de connexionependicis huius cum Diatribâ, & eius Probationibus. 619.

Caput. 1. Proponitur Tabula Fontenetenſis, S. Bernardi paternum & maternum genus repræſentans. 621.

Cap. 2. VVerricus de Castellione, nec fuit Comes, nec pater Tecelini: ad cuius Tecelini genus nihil etiam pertinet Godefridus Gertrudis maritus, Hugonis & Niuardi pater; neque Gerardus aut Milo Castellionenses; sed fortasse ex eadem familiâ Eva natus. 624.

Cap. 3. Rainardi de Montebarro Andreas non fuit filius; sed ex Bernardo filio nepos. Alter quoque fuit Andreas Rainardi frater, in Chartâ Fontenetenſi vel prætermiſſus, vel potius è materno S. Bernardi genere in paternum tranſlatus. 628.

Cap. 4. Godefridus Lingonensis Episcopus, non fuit frater Thecelini Sauri, sed Rainerij Militis, vel de

Acrimonte, vel de Rochâ. 630.

Cap. 5. Neptis Bernardi Montisbarri Domini, Comitiss autem Grinionensis filia, non fuit uxor Roberti Burgundiz Ducis: neque Montisbarri Comitatum in Burgundiz Ducis dominium intulit, ut habet Charta Fontenetenſis pars secunda. 633.

Cap. 6. Roberti Burgundi coniugis genus perpetam edixit Charta Fontenetenſis. 634.

Cap. 7. Expenduntur quæ de duobus Drogonibus de Melloro, & horum iunioris coniuge Eustachiâ refert Charta Fontenetenſis: ac via aperitur quâ Espissia toparchia è Montisbarri familiâ ad hos Drogones devenit. 635.

Cap. 8. Tabula I. paterni generis S. Bernardi, ex Alberico Trîumfontium monacho. 638.

Cap. 9. Tabula II. materni generis S. Bernardi. 641.


Cap. 10. Enarratio alterius partis Tabulæ huius secundæ; ubi de antiquis Comitibus Grinionensibus quædam notatu digna. 645.

Contenta huius voluminis.

- Cap. 11.* Tabula III. Somber-
nionensem antiquam gen-
tem in Ducum Burgundiæ
regiam familiam desisse
ostendens. 650.
- Cap. 12.* Tabula IV. Somber-
nionenses & Salionenses
Dominos de Fontanis re-
censens, vsque ad Mariam
richardis filiam & heredem.
652.
- Cap. 13.* Tabula V. familiæ de
Sauz, quâ Fontanensem
spectat. Quis V Vilhelmus
de Sauz, cuius vxor fuit
Belota de Fontanis. 654.
- Cap. 14.* Tabula VI. familiæ
de Marey, in S. Bernardi
paternam lineam insitæ per
Mariam de Fontanis. 658.
- Cap. 15.* Tabula VII. familiæ
de Sagniac in Fontanen-
sem insitæ, per Amioram de
Marey, filiam Mariz de
Fontanis. 660.
- Cap. 16.* Tabula VIII. familiæ
de Saffris, desinens in Isa-
bellâ Hugonis de Saigneyo
vxore. 662.
- Cap. 17.* Tabula IX. familiæ
de Cleron, cui Fontanen-
sis per Sagniacensem &
Saffrensem inserta hodiè
superest. 665.
- Cap. 18.* Opinio vulgi de S.
Bernardi gentilitio sym-
bolo. 667.
- Cap. 19.* Hugo Trecentis Co-
mes, Clarauallensis mona-
sterii fundator primus: lo-
cus ipse longè ante Cister-
ciensis coloniz aduentum.
Clarauallis vulgò dictus.
671.
- Cap. 20.* Annus & mensis fun-
datæ Clarauallis. 674.
- Cap. 21.* Quo tempore con-
fectæ sint tabulæ Hugonis
Comitis Trecentis de funda-
tione Clarauallis: tres eius
profectiones ad sepulcrum
Domini: tituli eius pro
tempore diuersi. 677.
- Cap. 22.* Quid factum Odo-
ne Campaniensi, Hugonis
Trecentis Comitis filio ex-
herede: & quomodò ille
Burgundiæ Comitum fa-
miliam consanguinitate at-
tigerit. 680.
- Cap. 23.* Corollarium de An-
drea Espissienfis, S. Ber-
nardi consanguinei profe-
ctione in Orientem aduer-
sus Mahometanos. 683.
- X.
- INDEX alphabeticus rerum
notabilium huius volumi-
nis. 687.


IN SEPTEM LIBELLOS
ODONIS DE DIOGILO,
DE LVDOVICI VII. FRANCORVM
REGIS PROFECTIONE IN
ORIENTEM,

PRAEFATIO.

 ST Diogilum (vulgò DVEIL) Parisiensis agri villa,
S. Eugenij Toletanorum primi Episcopi martyrio
nobilis, à quà ODO hic, monachus Dionysianus &
ortus est, & nomen tulit. Scribit de Regis itinere ad Abbatem
suum Sugerium, regni Franciæ administratorem relictum, ipse
Regi comes itineris, à sacris, & à secretis, Regisq; aded lateri
tantum non perpetuò affixus, ac eius non modò rerum gesta-
rum conscius, sed etiam consiliorum particeps. Tenuit ea pere-
grinatio annos omnino duos, quorum prioris cursum & casus
varios Odo tam accuratè explicuit vt scriptorum nemo alius.
Indidem autè scribit, vnde & Rex ipse ad Sugertium de eodem
argumento; nempe ex Antiochiâ Syriz, ad quam iam multa
passi appulerant die XIX. mensis Martij, quæ fuerat feria sexta
infra hebdomadam tertiam Quadragesimæ anni MCXLVIII.
Et nos regiam illam epistolam huic Relationi idcirco appendi-
mus, vt alteri ab alterâ lux affulgeat. Quod enim Rex integrâ
vix paginâ Sugerio insinuat, hoc ipsum Odo septem libellis
eidem exponit, quos diù desideratos, summèque expertos,
nunc tandem ex codice MS. Clareuallensi in publicum emit-
timus. Præfatur de Conuentu Episcoporum & Procerum apud
Bituricas, ad diem Christi Natalem qui anni MCXLVI. Dio-
nysiani caput fuit; vbi Godefridus Lingonensis Episcopus cum
de Rohes siue Edessæ depopulatione, Christianorumq; à
Turcis oppressione intolerabili perorasset, simul omnium

animos ad ferendum auxilium permouit. Legimus porro in Chronico Cisterciensi MS. & apud Robertum de Monte, compluresque alios, ad sanctum Sepulcrum peregrinationem illam susceptam ex voto à Ludouico Rege, compuncto ob incensam castri Vitriaci basilicam, cum mille & trecentis promiscuæ multitudinis quæ in eam confugerat, capitibus in eâ inclusis: quod Regis facinus, anno Christi MCXLII. S. Petri Catalaunenſis Chronicon vetus adſcribit. Ut ut ſit, ad eam expeditionem, Crucis ex more aſſumendæ dicta eſt Paſchatis proximi dies, quæ fuit Martij menſis prima & triceſima; locus Vezeſiacum caſtrum, Beatæ Mariæ Magdalenz olim reliquijs, & Gerardi Comitæ, Berthæque eius coniugis liberalitate inclutum: ubi Regis exemplo, & S. Bernardi Clareualleniſis Abbatis prædicatione accenſus populus ingens, ei ſe peregrinationi in annum proximum deuouit. Probatum maximè id conſilium Eugenio Papæ tertio. Interim Stampas indiſta ſunt comitia ad CIRCVMDEDERVNT ME, hoc eſt, ad Dominicam Septuageſimæ, quæ anno illo MCXLVII. die menſis Februarij ſextadecimâ euénit. Ibi ſacræ militiæ firmata vota, toriùſque exercitus luſtratio ad Metenſem ciuitatem, & Pentecoſtes quartam feriam ediſta. Traiectus eſt Rhenus Vormatiæ, Danubius Ratiſponæ: inde per Bauariam, Hungariam, & Bulgariam, in Græci Imperatoris Manuelis Comneni ditionem iter fuit. Is datæ Chriſtianis Latinis fidei immemor, aduerſus eos cum Turcis clanculùm fœdere inito, non Francicum modò, ſed & Germanicum Conradi Imperatoris florentiſſimos exercitus, datis amicitiæ obtentu viarum ducibus, per ſiluarum inuia, & montium confragofa circumduſtos, Turcorum deinde inſidijs exceptos, opibus, impedimentis, equis, armis, vitis nudauit, ac penè ad nihilum redegit. Quam tragœdiam, inſpector ipſe Odo Sugerio ſuo tantùm non oculis ſubijcit. Stupuit orbis terrarum, potentiſſimorum duorum Regum tantos apparatus, conatusque, paucorum menſium ſpatio in irritum cecidiſſe. Nec deſuère qui tum Bernardo huius belli incentori grauem ſtruerent calumniam: cùm nimirum (quæ vulgi imprudencia eſt) conſilia ex euentis æſtimarent. Sed eam abundè purgauit

perspecta viri sanctimonia, cuius etiam apostolico zelo diuina ipsa virtus signis multis, ac prodigijs patrocinata est. Scribatur Odo ad Sugertum eâ mente, ut hic, sicut Ludouici senioris, cognomento Grossi Vitam ac res gestas stylo explicauerat, sic & filij eius Ludouici Iunioris historiam posteritati commendaret. Sed ne integra prodiret, intercessit Sugertij obitus, anni æræ Dionysianæ MCLII, Idibus Ianuarijs vitâ functi: cui successor electus Odo de Diogilo, ad annos octodecim Dionysiano monasterio Abbas præfuit. Deprehendere aurem mihi videor ex præfatione vulgatâ Gestorum Ludouici VII. quæ in Regis huius, & Alienordis coniugis diuortio finiuntur, ea Sugertij opus esse, aut saltem ab illo inchoatum, quod vel Odo, vel recentiorum alius quispiam prosequutus, subinde interpolarit.



ITINERARII HVIVS OPVSCVLI

τὰ τοπικὰ, καὶ τὰ χειρικὰ.

1. **I**N Natali Domini, adedque primo ipso die anni Dionysiani 1146, apud Bituricas, in Episcoporum & Procerum cōuentu, Godefridus Lingonensis Episcopus orationem habuit de Rones, siue Edessæ depopulatione, & Christianorum orientalium oppressione à Turcis. Indicta sunt super eâ re Comiticia Vezeliaci in proximum Pascha.

2. Die Paschæ, XXXI. Martij anni eiusdem 1146. ad S. Bernardi Clareuallensis Abbatis prædicationem, Vezeliaci decernitur expeditio in Terram sanctam. Assumuntur Cruces primùm à Rege Ludouico Iuniore, atque ab eius coniuge Alienorde Reginâ; tum horum exemplo ab alijs innumerabilibus. Datur solidus annus bellico apparatui.

3. Anno 1147. Stampas Regis iussu conuocantur Episcopi & Optimates regni ad *Circumdederunt me*; hoc est, ad Domi-

nicam Septuagesimæ, quæ fuit XVI. Februarij. Eligitur via per Constantinopolim. Constituuntur qui Rege peregrè profecto regnum administrarent, Sugerius Abbas S. Dionysij, cum Guillelmo Niuernense Comite. Sed hic haud multò post in Cartusiam se recipiens, ibi monasticum habitum ex voto suscepit. Ad urbem Metensem concursus militiæ, & lustratio exercitus imperatur in imminentem Pentecostem.

4. Subinde Româ adueniens Eugenius Papa III. Pascha XX. Aprilis ad S. Dionysium celebrauit. Ibi Rex de eius manu vexillum regium, cum perâ & benedictione accipit. In quartam feriam Pentecostes profectio indicitur. Guillelmo Niuernensi Comiti Samson Remensis Archiepiscopus, & Rodulfus Viromandensis Comes regni rectores substituantur.

5. Rex per Viridunum Metas venit ad Penrecostem. Eò post paucos dies totus cõfluit exercitus: ducitur, Vvormatiam peruenitur Apostolorum Petri & Pauli festâ die, Iunij XXIX.

6. Vvormatiz trajecto Rheno, Herbipolim seu Vvirceburgum tridui itinere contenditur: indeque pari ferè distantia Ratisponam, vbi trans Danubium exercitus deportatur.

7. Ratisponâ secundo Danubio, tribus pariter diarijs ventum est Patauiam. Hinc in Nouam urbem, seu Neoburgum quinque circiter dierum itinere. A Neoburgo ad Portas Hungariæ, vnius non ampliùs diei iter fuit.

8. Per Hungariam diebus quindecim transitum est. Indèque occurrit in aditu Bogariæ, seu Bulgariz, Bellagraua Bogarensis; sic nuncupari solita, yt ab Hungariæ cognomine ciuitate distinguatur.

9. A Bellagrauâ vno tantùm diario abest Brundusium paupercula ciuitas. A Brundusio quintâ die peruentum est in Græciæ urbem, nomine Nit.

10. A Nit quatuor diebus in Hesternit: totidem hinc in Philippopolim. Philippipoli iam antè obierat Aluisus Atrebatensis Episcopus, VIII. Idus Septembris, Constantinopolim ad Græcorum Imperatorem præmissus Legatus à Ludouico Rege.

11. A Philippipoli Andronopolim diaria fuerunt quatuor; ab Andronopoli Constantinopolim quinque.

12. Constantinopoli Ludouicus Rex festum S. Dionysij cum Græcis celebravit.

13. Egresso Rege Constantinopoli in Romaniam post exercitum suum, Sol mediâ sui parte obscuratus est. die Dominicâ, VII. Kalendas Nouembbris. Quam defectionem illustrem fecit basilica S. Stephani Catalaunensis, cum primario altari, eo ipso die & horâ ab Eugenio Papâ III. alijsque tum Episcopis, tum Cardinalibus ritu sollemni consecrata, ut ex eius Ecclesiæ antiquis tabulis didicimus, quarum exemplar ad finem huius opusculi Lectori exhibemus.

14. Interim Alemannorum exercitu, (qui à Constantinopoli Antiochiâ versûs breuissimum per Iconium, sed periculosissimum iter arripuerat). Græcorum dolis, Turcorumque armis penè confecto; eorum Imperator Conradus, triginta millibus militum suorum amissis, venit ad Regem Ludouicum, opem ab eo & solatium quæsiturus: & cum eo ad lacum Nicænum, apud castrum Lupa colloquiû habuit sub initium Nouembriis.

15. Post festum S. Martini Rex ad castrum Esseron venit: hinc Demetriadem: tum denique Ephesum, Smyrnâ & Pergamo ad sinistram relictis. In valle Ephesinâ, quæ & Deceruon, Natale Domini cum ferijs aliquot sequentibus celebravit.

16. Itum hinc Laodiciam versûs per vada fluminis Mæandri: quæ ad vada, Turcorum magna est edita à Francis strages, haud quidem ipsis Incruenta: quippe eo loco inter cæteros Milo de Nogentiaci aquis præfocatus interiit.

17. Terrio pòst die peruentum est Laodiciam: vnde in montana eductus Francorum exercitus, Turcorum pariter & Græcorum circumseptus insidijs, mense Ianuario anni 1148. magnam partem disperijt. Acta est apud Satelliam à copiarum reliquijs Purificatio Beatae Mariæ: quæ vrbs antiquis Attalia, memoratur Actorum 14. 24.

18. Capto deinde consilio de petendâ Antiochiâ itinere maritimo, per quinque hebdomadas expectati sunt ventifereutes: tum hebdomadis tribus iter confectum, appulsûmque Antiochiam feriâ sextâ post mediam Quadragesimam, die mensis Martij XIX. Hinc datæ litteræ, & Regis, & Odonis de Diogilo ad Sugerium Abbatem.

EPISTOLA LVDOVICI VII.

FRANCORVM REGIS, COGNOMENTO

Iunioris ad Sugerium Abbatem S. Dionysij, & regni
Administratorem : data Antiochiz in Synâ, cùm ad
eam Rex nauigio peruenisset anno 1148. die Veneris
post mediam Quadragesimam, mensis Martij XIX.

Est inter Sugerij vulgatas Epistolas numero XXXIX.



LVDOVICVS Dei gratiâ Rex Francorum, &
Dux Aquitanorum, SUGERIO venerabili Abbati
S. Dionysij, Salutem, & gratiam.

COMPVLIT nos dilectio vestra, vt quàm citiùs potui-
mus, de partibus Orientis super statu nostro certa vobis signifi-
caremus. Scimus enim, scimus quoniam ad cognoscendum de
eo totis anime desiderijs auide suspiratis: nihilque vobis iocun-
dus esse poterit, quàm vt de nobis leta suscipiatis. Ex quo
regni nostri fines excessimus, benè prosperauit nobis Dominus
viam nostram, & vsque Constantinopolim sanos & incolumes
nos, cum magnâ letitiâ & incolumitate totius exercitus,
miseratio diuina perduxit. Ibi verò ab Imperatore gaudepter
honorificè que suscepti, cùm aliquantulum immorassèmus pro
his que necessaria visa fuerant apparandis, transfretauimus
ad Brachium, & per Romanie partes direximus iter nostrum.
In quibus sanè partibus, tum pro fraude Imperatoris, tum
pro culpâ nostrorum, non pauca damna pertulimus, & grauius
quidem in multis periculis vexati sumus. Non desuerunt
quippe nobis assidua latronum insidie, graues viarum difficul-
tates, quotidiana bella Turcorum, qui permissione Imperatoris,

in terram suam militiam Christi persequi venerant, & in detrimentum nostrum totis viribus incumbabant. Et quoniam in multis locis non poterant victui necessaria reperiri, graviter afflictus fuit per aliquantulum temporis populus fame: & in vna diebus, prout peccatis nostris exigentibus iudicium divinum permisit, plerique ceciderunt de Baronibus nostris. Fuerunt enim mortui in ascensu montane Laodicie minoris, inter districta locorum, consanguineus noster Comes de Guarenna, Rainaldus Tornodorensis, Manasses de Bulis, Gaucherius de Monte Gaij, Eurardus de Bretoilo, & ceteri quamplures, de quibus opportuniùs lator presentium annuntiabit, quia dolor nos loqui latius non permittit. Nos autem ipsi frequenter in periculo mortis fuimus, sed tamen ab his omnibus per Dei gratiam liberati, persecutiones Turcorum potenter euasimus: & usque Sataleiam, salvo exercitu, Domino protegente peruenimus. Ibi verò cum de proseguendo itinere diù multumque deliberassemus, Episcoporum ac Principum Commune nobis consilium dedit, ut quoniam nobis equi diutine famis ac laboris attritione defecerant, & maior adhuc via difficultas restabat, per mare Antiochiam in nauibus festinaremus. Eorum itaque sequentes consilium, die Veneris post mediam Quadragesimam cum maximâ parte Principum nostrorum, apud prædictam civitatem felici navigatione peruenimus, & inde vobis presentes litteras mittere curauimus. De cetero, omne opus nostrum in manu Dei est, qui (sicut in ipso confidimus) non derelinquet nos sperantes in ipsum, sed negotium suum ad gloriosum perducet effectum. Illud enim certissimè scitote, quoniam aut nunquam redibimus, aut cum gloriâ Dei & regni Francorum reuertemur. Restat igitur ut vos frequenter memoriam nostri habeatis, & Religiosorum orationibus semper & ubique nos

attentius commendatis. Et quoniam pecunia nostra in multis
& varijs expensis non mediocriter imminuta est, omnino nobis
necessarium est, ut ad colligendam eam studiosius intendatis, &
quàm citius poteritis, per fideles nuncios, quicquid coadunatum
fuerit, nobis mittere festinetis. Omnino namque negotium
Christi prosequi, nisi in multis expensis, & in multo labore,
non valeamus. Valete.

ODONIS



ODONIS
DE DIOGILO,
DE LVDOVICI VII.
FRANCORVM REGIS,

COGNOMENTO IYNIORIS
Protectione in Orientem , cui ipse interfuit.

Opus septem libellis distinctum.

Epistola Odonis ad Venerandum Abbatem suum Sugerium.



CCLESIAE Beati Dionysij venerando
Abbati Sugerio, monachorum eius
minimus Odo de Diogilo Salutem.

Velle adiacet mihi, perficere autem
non inuenio, vt de viâ sancti Sepulcri
vobis aliqua idoneè denotem, quæ
mandetis stylo vestro memoriae sem-
piternæ. Nam detentus adhuc in agone itineris, & im-
peritiâ præpedior & labore. Est tamen tentandum ali-
quando id etiam quod nequimus, vt nostro conatu viros
strenuos ad hoc quod volumus, & non possumus, inci-

temus. Ego igitur cùm in viâ sancti sepulcri , gloriosi Regis Ludouici beneficia vbertim senserim , & secretiùs familiaritati adhæserim , referendarum gratiarum affectû quidem habeo , sed non ministrant vires effectum. Sic hoc Beati Dionysij , cuius amore hoc fecit , & vestrum , quia monachum vestrum loco vestro suscepit. Vos tamẽ multum provobis debetis , quem specialiter in regno suo dilexit , & zelo ductus fidei propagandæ , ad tempus illud dimittens , vobis commisit. Ibi tamen vigilauit sibi , sua credens expertæ fidei , sapientiæ singulari. Vos patris eius gesta scripsistis , sed criminis erit fraudare posteros notiâ filij , cuius omnis ætas est forma virtutis. Nam cùm regnare cœperit penè puer , non fuit illi gloria sæculi materia voluptatis , sed dedit augmentum virtutibus eius & lucem. Vnde si quis gesta eius ab itinere Ierosolymitano describere cœperit , futuris Regibus exempli propositi à Deo , maximam partem truncabit. Nos enim magis miramur in puero Nicolao quartam & sextam feriam papillarum & reliquam indolem , quàm præsulatus eius admirabilem sanctitatem. Vos igitur cui iure debetur reuerentia scribendi de filio , qui prius patrem stylo traxistis in lucem , & qui iure debetis obsequium , abundantiori gratiâ functus amborum , incipite à pueritiâ vbi cœpit virtus oriri. Quod vos meliùs scitis , quia sicut nutricius secretiùs didicistis. Ego verò & si impeditus sermone , sed non scientiâ rerum quæ in viâ sancti Sepulcri gestæ sunt (quippe qui sicut Capellanus illi surgenti sæpius aderam , & cubanti) vt ita dixerim , quasi balbutiendo , summatim vobis offeram veritatem , litterali eloquentiâ venustandam. Nec ideo vos pigeat exe-

qui quod debetis, si hoc auditis à pluribus vsurpari. Im-
mò gratum habetote, si laudes habet multorum, qui
meruit omnium.

LIBELLVS PRIMVS.

ANNO Verbi incarnati millesimo centesimo qua-
dragesimo sexto gloriosus Rex Francorum, & Dux
Aquitanorum Ludouicus, Regis Filius Ludouici, cùm
esset viginti quinque annorum, vt dignus esset Christo,
Verzeliaco in Pascha baiulando Crucem suam, aggres-
sus est eum sequi. In Natali Domini præcedenti, cùm
idem pius Rex Bituricas Curiam celebrasset, Episcopis
& Optimatibus regni ad coronam suam generalius
solito de industriâ conuocatis, secretum cordis sui primi-
tùs reuelauit. Tunc religiosus vir Episcopus Lingonen-
sis, de Rohes, quæ antiquo nomine vocatur Edeffa, de-
populatione, & oppressione Christianorum, & insolentia
paganorum, sanè episcopaliter perorauit, & de fle-
bili materiâ fletum plurimum excitauit; monens omnes
vt cum Rege suo ad subueniendum Christianis, Regi
omnium militarent. Ardebat & lucebat in Rege zelus
fidei, contemptus voluptatis & gloriæ temporalis, exem-
plum omni sermone præstantius. Tamen quod serebant,
verbo Episcopus, Rex exemplo, non illicò messuerunt.
Statutus est ergo dies alius Verzeliaco in Pascha, quo in
Passione Domini omnes vnanimiter conuenirent; & in
Resurrectione, quibus foret cœlitus inspiratum, Crucis
gloriam exaltarent. Rex interim peruigil in incepto,

Romam Eugenio Papæ super hac re nuncios mittit. Qui lætanter suscepti sunt, lætantesque remissi, referentes omni fauo litteras dulciores, Regi obedientiam, armis modum & vestibus imponentes; iugum Christi suauè suscipientibus, peccatorum omnium remissionem, parvulisque eorum & vxoribus patrociniū promittentes; & quædam alia, quæ summi Pontificis sanctæ curæ & prudenti visa sunt vtilia, continentes. Optabat ipse tam sancto operi manum primam præsens imponere, sed tyrannide Romanorum præpeditus non potuit; Sancto verò Clareuallensi Abbati Bernardo curam istam delegauit. Tandem dies affuit Regi optatus. Abbas etiam Apostolicâ auctoritate, & propriâ sanctitate munitus, & conuocatorum maxima multitudo, loco & termino pariter affuerunt. Suscepit ergo Rex à summo Pontifice sibi missum Crucis insigne, & Proceres multi cum eo. Et quoniam in castro locus non erat qui tantam multitudinem capere posset, extrâ in campo fixa est Abbati lignea machina, vt de eminenti circumstantibus loqueretur. Hanc ascendit cum Rege Cruce ornato. Cùmque cœleste organum more suo diuini verbi rorem fudisset, cœperunt vndique conclamando, Cruces, Cruces expetere. Et cùm earum fascem præparatū seminaisset potius quàm dedisset, coactus est vestes suas in Cruces seindere & seminare. In hoc laborauit quamdiu fuit in villâ. Supersedeo scribere miracula quæ tunc ibidem acciderunt, quibus visum est id Domino placuisse: ne si pauca scripsero, non credantur plura fuisse; vel si multa, materiam videar obmisisse. Tandem edicto quod post annum progredierentur, omnes ad sua cum gaudio repedarunt. Abbas verò sub

tenui corpore, & penè præmortuo robustum tegens spiritum, vbique circumuolat prædicando, & multiplicati sunt super numerum in paruo tempore, Crucem portantes. Rex quasi iam nactus gaudium suum fidei propagandæ, de spe futuri exercitus copiosi, Apuliam Regi Rogerio nuncios mittit. Qui de omnibus rescripsit ad libitum. Insuper viros remisit nobiles, qui regnum suum in victualibus, & nauigio, & omni necessitate, & se vel suum filium itineris socium promittebant. Misit etiam alios Constantinopolitano Imperatori, cuius nomen ignoro, quia non est scriptum in Libro Viix. Hic in longo rotulo prolixam adulationem depinxit, & Regem nostrum nominando sanctum, amicum, & fratrem, promisit plurima quæ opere non impleuit. Sed hæc aliàs. Alemannorum & Hungarorum etiam Reges de foro & transitu requisivit; quorum nuncios, & litteras ad suam voluntatem recepit. Harum quoque regionum Duces multi & Comites, eius exemplo prouocati, de itineris illi societate scribebant. Sic ad nutum omnia procedebant. Interea fama volat, Angliam transfretat, & aliarum recessus penetrat insularum. Parant naues maritimi cum Rege nauigio processuri. Caterùm dum Rex lustrans omnia statum regni ordinat, dum subditis imposterum pacem firmat, omnes vndique nuncij Parisius conueenerunt. Reuertenti omnes pariter affuerunt: Imperatorum Sacras, & Ducum chartas offerunt, verbóque & litteris quicquid poposcerat pollicentur. Habet Rex optionem cui fidem habeat, in quo compendium credat. Sed illi mos erat, vt socij essent consilij qui forent & laboris. Omnes igitur ad *Circumdederunt me* Stampas vocat, vt

pariter eligerent, quod pariter tolerarent. Qui sicut fuerunt in veniendo alacres, sic vtiā essent in electione prudentes. Congregatā enim loco & termino, Episcoporum & Nobilium multitudine, tam gloriosā quā magnā, prædictus etiam Abbas & prædicandus præsentiam suam obtulit, & rumorem attulit, & utroque lætitudinem reddidit concionem. Nam de Alemanniā veniebat, Regēque & regni Proceres, militiæ Crucis Christi adiunxerat. Deinde diuersarum regionum leguntur litteræ, nuncij audiuntur, & hæc vsque ad vespertum protenduntur. In his duxerunt lætam diem; & quod superfuit, in crastinum distulerunt. Venit dies magis læta quā prospera. Interfuere congregatis, qui Græcos dicerent, sicut lectione & experientiā nouerant, fraudulentos. Rex autem & sui, qui meritō nullarum gentium vires timebant, fraudes vtiā timuissent. Sed quia non est consilium nec prudentia contra Deum, elegerunt viam per Græciam morituri. Sic secunda dies terminata est, non secunda. Tunc viri nobiles, Regis Rogerij nuncii, confusi abeunt, dolentium habitu domini sui satis expressē monstrantes affectum; de dolis Græcorum prædicantes nobis quod postea sumus experti. Nec mirum si Rogerius Rex potens & sapiens Regem optabat, si Francos diligit, nostrarum partium oriundus. Postremo reuoluit diem tertiam gratiā Trinitatis: & congregati, gratiā prius sancti Spiritus inuocatā, (quā pridie vtiā similiter inuocassent) deinde à sancto Abbate sermone habito spiritali, de regni custodiā prosequuntur. Rex autem more suo sub timore Dei reprimens potestatem, Prælati Ecclesiæ, & regni Optimatibus, eligendi indidit

libertatem. Eunt igitur ad consilium, & post aliquantulam moram, cum quod erat melius elegerent, sanctus Abbas præcedens reuertentes, sic ait. Ecce gladij duo hic. Satis est. Te Pater Sugeri, & Niuernensem Comitem monstrans. Quod valde placuit omnibus si soli Comiti placuisset. Sed se ille Cartosæ deuouerat, quod citò post effectui mancipauit, & nec Regis nec omnium diutinis precibus potuit reuocari. Imponitur tandem tibi soli onus amborum, quod inconcussa pace tulisti, & hoc esse onus Christi ex leuitate sensisti. Inter hæc indicitur dies in Pentecostem profecturis, & in optatis vndecumque Mettis glorioso & humili Principi congregandis. Post hæc ne aliquid deesset benedictionis aut gratiæ, Romanus Pontifex Eugenius venit, & Pascha Domini in ecclesiâ Beati Dionysij honore quo decuit celebrauit. Affluunt multi multarum partium vtrique miraculo, videlicet Regi & Apostolico peregrinis. Papa verò benè ordinata confirmat, enormia multa componit, dum Regis promotionem exspectat. Illo anno in quartâ feriâ Pentecostes edictum accidit. Sic Regi celebria cuncta succedunt. Dum igitur à Beato Dionysio vexillum, & abeundi licentiam petiit (qui mos semper victoriosis Regibus fuit); visus ab omnibus planctum maximum excitauit, & intimi affectus omnium benedictionem accepit. Dum verò pergeret, rem fecit laudabilem, paucis tamen imitabilem, & forsitan suæ celsitudinis nulli. Nam cum prius Religiosos quosque Parisius visitasset, tandem foras progrediens, leproforum adiit officinas. Ibi certè vidi eum cum solis duobus arbitris interesse, & per longam moram cæteram suorum multitudi-

nē exclusisse. Interim mater eius, & vxor, & innumeri alij ad Beatum Dionysium præcurrunt. Et ipse post modum veniens, Papam, & Abbatem, & Ecclesiæ monachos inuenit congregatos. Tunc ipse humillimè humi prostratus, patronum suum adorat; Papa verò & Abbas auream portulam referant, & argenteam thecam pàululum extrahunt, vt osculato Rex & viso quem diligit anima sua, alacrior redderetur. Deinde sumpto vexillo desuper altari; & perâ, & benedictione à summo Pontifice, in dormitorium monachorum, multitudini se subducit. Non enim patiebantur moras oppressio populorum, & mater & vxor, quæ inter lacrymas & calorem penè spiritum exhalabant. Sed luctum & planctum qui ibi inerat velle describere, tam stultum est quàm impossibile. Illo die retentis paucis suorum, in refectorio comêdit cum fratribus: & osculatis postmodum omnibus recessit, orationibus & lacrymis omnium profecutus.

LIBELLVS SECVNDVS.

TÆDIOsa est semper longa loquacitas pluribus occupato; vnde vereor ne nôstra oratio nimis prolixè sine respiratione cucurrerit. Sed date quaeso mihi Pater hanc noxam; Intereram lætis rebus, & patriæ meæ, nomina scribens, & rerum reminiscens, quod lætus videram, sine tædio diutius recolham. Non enim citò afferunt iocunda laborem. Modò verò nouo principio succingor ad aspera, intraturus exteras regiones, sicut actu fecimus, sic sermone; & laboriosa deinceps citiùs terminabo.

terminabo. Post discessum gloriosi Regis ab ecclesiâ Beati Dionysij, nihil in regno eius actum est memorandum, nisi fortè vultis scribi, quòd in regni curâ vobis dedit socium Remensem Archiepiscopum. Nescio tamen si Comes Rodulfus quia tunc excommunicatus erat, debeat à communione nostri sermonis excludi, qui (ne vobis duobus deesset gladius sæcularis) tertius additus est, vt triplex funiculus difficilè rumperetur. Mettis ergo, quia ibi conuenimus, stylum vertamus; vbi Rex cum iure dominij nihil suum inuenerit, omnes tamen inuenit ex gratiâ (sicut Verduno iam fecerat) quasi seruos. Fixis ergo tentorijs extra urbem, paucis diebus venientem exercitum expectauit, statuitque leges paci, cæterisque vtilitatibus in viam necessarias: quas Principes sacramentis & fide firmauerunt: sed quia ipsi non benè tenuerunt, eas nec ego retinui. Inde præmittit Vvornatiâ prudentes & religiosos viros, Aluifum Attrebatensem Episcopum, & Sancti Bertini Abbatem Leonem, vt in Rheno qui ibi præterfluit, nauigium subsequenti exercitui præpararent. Quod optimè compleuerunt, congregatâ vndique tantâ multitudine nauium, vt ponte non egerent. Huius cælus & populus ciuitatis, in sollemnitate Apostolorum Petri & pauli, Regem valdè sollemniter susceperunt. Hic primam nostri populi stultam superbiam sensimus. Transmearunt enim milites, inuentâque pratorum satis amplâ latitudine, venerabilem Episcopum Luxouiensem Arnulfum, cum suis Normannis & Anglis, Domino Regi placuit expectare. Affuebant nobis per fluuium ab vrbe victualia, & erat nostrorum & indigenarum assiduus commeatus.

Oboritur tandem rixa. Peregrini autem nautas in fluvium proiecerunt. Quo viso ciues currunt ad arma, & vulneratis aliquibus vnum illicò peremerunt. Turbantur hoc scelere peregrini, clamant ignem pauperes, tam ciuibus exitiabilem, quàm etiàm quibusdam nostris, diuitibus mercatoribus scilicet & cambitoribus. Sed utroque stultos Deo volente represserunt utrarumque partium sapientes. Ciues tamen adhuc timent, & subdolis utrique ripæ nauibus auferunt commearum. Sed religiosus vir Attrebatensis Episcopus, naui quâdam cum labore repertâ, cum quibusdam Baronibus transmeat, turbam sedat, & securitatem ciuibus pollicetur. Postea reductis nauibus commeant more solito, nobisque necessaria ministrantur. Huc usque quod de populo malum præsagium habebatur, hic primò expertum est. Exinde multi de turbâ se per Alpes à nobis separauerunt, quia omnia præ multitudine carius emebantur. Rex quoque castra mouet præmisso Ratissponâ venerando Attrebatensi, cum Cancellario & Abbate Sancti Bertini causâ nunciorum Imperatoris Constantinopolitani, qui ante multos dies Regem ibi præstolabantur. Ad hanc urbem omnes Danubium ponte optimo transferunt, inueneruntque nauium multitudinem copiosam, quæ sarcinas nostras, multumque populum usque Bogariam deportarunt. Bigas etiàm & quadrigas nonnulli nauibus imponebant, ut damnum præteritum in desertis Bogariæ compensarent. Sed prius & postea magis fuere spei quàm utilitati. Ad cautelam hæc omnia dicimus posterorum. Nam cum esset quadrigarum maxima multitudo, si offendebar vna, mora omnibus erat æqualis:

si verò plures vias inueniebant, omnes pariter aliquando sepiebant, & summarij vitantes earum impedimentum persæpe grauius incurrebant. Ex hoc erat mors frequens equorum, & de paruis dietis querelæ multorum. Huius populi ciuitatis, Regem valde regaliter susceperunt. Sed quoniam id totiens replicari non potest, quotiens illi gratis deuotionem sui animi demonstrarunt, dicendum semel est omnes villas, castella, & ciuitates vsque Constantinopolim honorem illi regium, magis & minus, omnes tamen pro viribus exhibuisse. Sed cum esset omnium par voluntas, magis & minus dico: quia non erat omnium idem posse. Fixis ergo tentorijs, & Rege hospitato, Imperatoris Legatarij vocati veniunt. Quo salutato, sacrisque redditis responsionem stantes expectant; non enim sederent nisi iussi. Post præceptum verò positis subsellijs quæ secum attulerunt, subsederunt. Vidimus ibi quem postea didicimus morem Græcorum, sedentibus dominis omnem pariter astare clientelam. Videas iuuenes fixo gressu, reclino capite, in proprijs dominis erectis aspectibus cum silentio, solo nutu ipsis parere paratos. Non habent amictus, sed vestibus sericis curtisque & clausis vndique diuites induuntur, strictisque manicis expediti, more pugilum semper incedunt. Pauperes etiam excepto pretio similiter se coaptant. Chartas autem plenariè interpretari, partim non decet, partim non possum. nam prima pars earum & maxima, tam ineptè humiliter captabat beneuolentiam, vt verba nimis affectuosa, quia non erant ex affectu, non solum Imperatorem, sed, etiam mimum dicerem dedecere. Et ideo pudor est,

tendentem ad alia talibus occupari. Non possum autem, quia Franci adulatorum, etiam si velint, non possunt Græcos æquare. Rex verò cuncta licet cum rubore prius exponi tolerabat, sed ex quo fonte procederent nesciebat. Tandem verò cum eum in Græciā nuncij frequentarent, & semper ab huiusmodi procæmio inchoarent, vix ferebat. Religiosus autem & animosus vir Lingonensis Episcopus Godefridus, quādam vice Regi compatiens, narrantisque, & interpretis moras non ferens, ait; Fratres nolite gloriam, maiestatem, sapientiam, & religionem eius tam frequenter iterare: Se ipse nouit, & nos benè nouimus eum, sed quod vultis, celerius & liberius intimate. Semper tamen, etiam inter quosdam laicos istud prouerbum notum fuit, *Timeo Danaos, & donaferentes.* Pars autem vltima chartarum quæ ad rem pertinebat, continebat hæc duo. Scilicet vt Rex Imperatori de suo regno nullam ciuitatē aut castrum auferret; immò restitueret ei si ab aliquo quod sui iuris esset Turcos excluderet. Et hoc sacramentis Nobilium firmaretur. Primum satis competens nostris sapientibus videbatur: pro altero verò diu est quæstio de iure ventilata. Quidam dicebant; quod sui iuris est potest vel pretio, vel ratione, vel viribus à Turcis expetere; à nobis autem cur non debet, si nos hoc viderit aliquā occasione possidere? Alij verò dicebant illud debere nominari, ne de propositione indefinita lites possent in posterum excitari. Inter hæc dies plures pertranseunt, & Græci moras causantur, verentes, vt dicebant, ne Imperator cauens sibi comburat pabula, destruat immunita; hoc enim facturum se prædixerat si nos (inquiunt) moraremur, quasi

sciens ex hoc quod vos pacifici non venitis. Quod si fecerit, postea nec ipso volente, in viâ plenariè necessaria inuenietis. Tandem verò quidam ex parte Regis de securitate sui regni iurauerunt, & ipsi forum idoneum, concanbium competens, & alia quæ nostris vitia visa sunt, pro suo Imperatore sacramento simili firmauerunt. Aliud autem quod inter ipsos definiri non potuit, mutux Regum præsentix referuarunt. Post hæc vnus eorum Demetrius nomine cum festinatione recedit, alius qui Maurus dictus est, nobiscum remansit. Eliguntur deinde qui cum eodem Mauro Constantinopolim præmittantur, (hoc enim inter alia litteræ requirebant) Aluifus Attribatenfis, Bartholomeus Cancellarius, Archenbaldus Burbonensis, & quidam alij. Procedunt igitur expeditiùs legatione susceptâ, subsequente Rege morosius, sicut ferre poterat constipatio populosa. In his quæ scribimus pro exemplo est descriptio probitatum, pro directione itineris nomina ciuitatum, pro cautelâ viatici qualitas regionum. Nunquam enim deerunt sancti Sepulcri viatores, eruntque (si placet) de nostris euentibus cautiore. Igitur Mettis, Vvormatia, Vvirceburgis, Ratispona, Patauia ciuitates opulentissimæ tribus dietis à se inuicem distant. A postremò nominatâ quinque dietæ sunt vsque ad Nouam urbem; ab hac, vna vsque ad Portas Hungariæ. Quæ interiacent, nemorosa sunt, & nisi deferantur de ciuitatibus, non sufficiunt exercitui victualia ministrare: riuus tamen abundans, & fontibus & pratis. Cùm transirem regionem istam, aspera mihi montibus videbatur, nunc autem planam iudico respectu Romanix. Hungaria ex hac parte aquâ

lutosa cingitur, ex aliâ verò à Bogariâ amne lucido separatur. In medio sui fluuium habet Droam, qui stanni more vnâ ripam procliuem habet, & alteram arduam, vnde modica pluuia effluit: & adiutus vicinis paludibus etiam aliquantò remota submergit. Audiuimus, eum multos Alemannorum, qui nos præcesserant, subito inundasse: nos autem vbi castra eorum fuerant, vix potuimus transuadere. In hoc paruas naues habuimus, & paucas, ideò fuit opus equos natâre, qui facile ingressum & egressum difficilem habentes, cum labore quidem, sed tamen Deo volente sine damno transibant. Cætera omnis aqua terræ huius, lacus sunt, & paludes, & fontes, (si tamen fontes sunt, quos paululum fossâ humo, etiam in æstate faciunt transeuntes): excepto Danubio qui hanc satis in directum præterfluit, & multarum regionum diuitias, nobili ciuitati Elstrigim nauigio inuehit. Terra hæc in tantum pabulosa est, vt dicantur in eâ pabula Iulij Cæsaris existisse. In hac pro voto nobis fuerunt & forum & concambium. Hæc dietas quindecim habet. Deinde Bogaria in ingressu castrum attollit quod Bellagraua dicitur Bogarensis, respectu cuiusdam quæ in Hungariâ est, eiusdem nominis ciuitatis. Inde ad vnâ dietam interposito quodam fluuiio, Brundusium ciuitatem pauperulam. Quod de illâ superest, vt ita dixerim, pratum est nemorosum, vel nemus pabulosum. Bonis abundat quæ sponte nascuntur, & cæteris est habilis, si colonos haberet. Non plana iacet, nec montibus asperatur, sed inter colles vineis & segetibus habiles, riuis & fontibus ludicissimis irrigatur. Caret fluuijs, sed nec vsque Constantinopolim exinde nobis

nauibz opus fuit. Hæc ad quintam dietam, primam
sed modicam, ex hac parte Græciæ ciuitatem Nit ostendit.
Nit, Hesternit, Philippopolis, Andronopolis ciuitates
sunt, quatuor dietis ab inuicem dissidentes, & ab ultimâ
vsque Constantinopolim sunt quinque. Quæ interiacent
plana sunt, villis & castellis, omnibusque bonis
redundantia. Dextrâ læuâque montes sunt, tam prope
ut videantur, & tam longè, ut lata, diues, & iocunda
planicies includatur. Hactenus hæc. Oporteret autem
nos vltro citrôque progredi, & reuerti. Multa enim scribenda se offerunt, sed non debet oratio rerum multiplici-
tate confundi. Collateraliter incedunt causæ, sed oportet
seruari consequentiam in sermone. Ecce enim Rex
& Imperator occurrerunt mihi memoriæ pariter Ratifponæ.
Sed cum Rex mihi sit principalis materia, me cogunt tamen de Imperatore pauca inferere facta eorum
communia. Nostrium Regem præcessit Alemannus loco
& tempore. Noster processit in Pentecostem, ille in Pascha;
noster de Beato Dionysio mouit pedem, ille de Ratifponâ:
hoc tamen nostro contulit quod ille præcessit, quia cum in terrâ eius multi fluuij sint, super ipsos, sine
proprio labore & sumptu nouos pontes inuenit. Ut autem
verum fatear, valde imperialiter egressus est & naturali
apparatu, & pedestri exercitu. Et benè; habebat enim
tunc Hungaros inimicos. Igitur Imperator animosus, naualis
& pedes, habens in nauibus copiosum militem secum,
& iuxta se per terram equos & populum, sicut oportuit
& decuit Principem ingressus & Hungariam. Erat autem
quidam Boricius nomine, qui ius hereditarium in regno illo
clamabat, & super hoc Stam-

pas Regi nostro litteras miserat, plenariè querimoniam exponentes, & humiliter iustitiam postulantes. Hic dum Regi nostro veniret obuiam, litteras suas sequens, offendit in quo confidere posset Imperatorem. Causam igitur suam illi exponit, multa promisit, immò (sicut audiuius) dedit, & ab eo spem sui iuris accepit. Rex autem Hungaricus sciens se posse vincere faciliùs auro quàm ferro, multam pecuniam inter Alemannos effudit, & eorum impetum euasit. Boricius autem spe frustratus inani, delitescens arte quâ potuit, Regis transitum exspectauit, & nescio quâ intentione furtiue se Francis immiscuit. Dicitur tamen hoc duos Principes scisse, & gratiâ Imperatoris Constantinopolitani, neptem cuius habebat, hunc illis satùs fauorabiliter adhæsisse. Tali velamine tectus & tutus, procedit cum exercitu per Hungariam. Inter hæc Rex Hungaricus nostrum timens & venerans, Legatis & muneribus eius gratiam conquirebat: sed interposito Danubio præsentiam deuitabat. Optabat autem eius colloquium quem fama sibi commendauerat, res monstrabat: sed cùm nauigare in nostram ripam timeret, humiliter supplicat Regi, vt ad suam ripam suâ dignatione veniret. Rex igitur, cui mos erat dilectione & humilitate faciliè superari, ductis secum quibusdam Episcopis & Ducibus, eius paruit voluntati. Deinde post oscula, post amplexus, statuunt pacem, firmanant amorem, & vt securi deinceps per Hungariam nostri peregrini transirent. Quo factò Rex noster Hungarum lætum dimisit. Prosequuntur eum regia munera, equorum, vasorum, & vestium, & parat adhuc Rex Hungarus nostrum, & eius optimates pro posse venerari: cùm

cum ecce intelligit inter Fracos esse Boricum. Mittit ergo qui Regi fœdus nouum dilectionis, & pacis prætenderent, & inimicum suum, qui latebat in exercitu, sibi tradi prece humili postularent. Hoc totum factum est nocte. Rex autem totius duplicitatis ignarus, id penitus non credebatur. Sed tandem illis constanter hoc asserentibus & precantibus adqueiuit. Illi ergo læti audacter amplius quàm prudenter incedunt, nam ille tumultu quærentium à lecto excitus nudus euasit. Vnde illi confusi redierunt. Fugitiuus autem non tamen stupidus dum tendens ad fluuium tentoria exisset, obuium habuit Armigerum super optimum equum, cum quo pro equo animosè confligit. Clamat Armiger, & resistit, & magis superat clamore quàm viribus. Confluunt enim vndique qui Boricum sicut latronem capiunt, & verberatum, luto sordidum, nudum exceptis femoralibus Regi adducunt. Omnes eum latronem putabant, ipse verò Regi prostratus, licet ignoraret linguam nostram, & Rex tunc interpretem non haberet, quædam tamen verba nota, barbaris vocibus inferens, & suum nomen sæpius iterans, quis esset aperuit. Mox igitur honestè induitur, & in crastinum referuatur. Hungarus autem Rex qui propè nos tentoria fixerat, & Boricum iam expertus metuebat, loco vicinus & timore curiosus, illicò sciuit quod gestum est. Hunc ergo à Rege sicut ab amico, & pro fœdere amoris quasi ex debito requirit, & insuper ob hoc multa, immò vix credenda promittit. Similiter prece & pretio sollicitat animos Procerum: sed non valet extorquere à Rege instantiâ precum aut munerum, nisi quod priùs iudicasset communis sententia

fapientum. Suum hunc fatebatur amicum, non tamen propter eum sibi faciendum esse quod dedeceret peregrinum. Episcopi tandem, & optimates alij conuocati, discussâ ratione iudicauerunt vt Rex Regi pacem seruaret, & viro nobili licet capto vitam seruaret. Quia scelus esset vtrumque, & morti hominem vendere, & amici sine ratione fœdera rumpere. Ergo Rex Hungarus se nostris non credens, sed tristis abscedens, tutiora & remotiora sui regni requirit, noster autem Borcium satis honestè secum habens, de Hungariâ educit.

LIBELLVS TERTIVS.

HVC vsque lusimus, quia nec damna pertulimus ex malitiâ hominum, nec pericula timuimus de astutiâ subdolorum. Ex quo autem intrauimus Bogariâ, terram Græcorum, & virtus laborem pertulit, & sensus exercitium. Ingressuri desertum, in Brundisio paupere ciuitate victualibus onustamur, quæ maximè Hungaria per Danubium ministravit. Erat ibi tanta nauium multitudo, quas Alemanni adduxerant, vt domibus ædificandis, & igni ciuibus in longum sufficerent. Harum minores nostri accipiebant, & transducto amne, de quodam castro Hungariæ non longè posito, necessaria connehebant. Hic primò cupream monetam & stannas offendimus; & pro vnâ earum, V. denarios, & pro XII. solidis marcam tristes dabamus, vel potiùs perdebamus. Ecce in introitu suæ terræ Græci periurio maculantur. Debetis enim iam dicta reminisci, illos scilicet pro suo Imperatore forum idoneum & concambium nostriis

intraſſe. Cæterùm deſerta tranſiuimus, terramquæ pulcherrimam & opulentiffimam, quæ ſine interruptione protenditur uſque Conſtantinopolim intrauimus. Hic primò cœperunt iniuriæ fieri & inueniri; nam cæteræ regiones quæ nobis neceſſariâ competenter vendiderunt, nos omninò pacificos inuenerunt. Græci autem ſuas ciuitates & caſtella obſeruabant, & per murum funibus uenalia ſubmittebant: ſed noſtræ multitudini non ſufficiebat victus tali morâ miniſtratus. Peregrini ergo in rerum abundantîâ penuriam non ferentes, prædis & rapinis ſibi neceſſaria conquirebant. Viſum tamen eſt aliquibus hoc Alemannorum nos præcedentium culpa fuiſſe, qui cùm omnia prædarentur, inuenimus eos inſuper aliqua ſuburbia combuſſiſſe. Nam (quod ægrè referendum eſt) Phlippipoliſ extra muros nobilem burgum Laïnorū habebat, qui ſuperuenientibus abundanter pretio neceſſaria miniſtrabat. Vbi cùm tabernis inſediſſent Alemanni, malo auſpicio affuit ioculator, qui licèt eorum linguam ignoraret, tamen ſedit, ſymbolum dedit, bibit. Et poſt longam ingurgitationem, ſerpentem quem præcâtum in ſinu habebat extrahit, & ſcypho terræ impoſito ſuperponit, & ſic inter eos quorum mores & linguam neſciebat, cæteris luſibus ioculatorijs ſeſe frangit. Alemanni quaſi viſo prodigio illicò cum furore conſurgunt, mimum rapiunt, & in fruſta diſcerpunt. Scelusquæ vnus omnibus imputant, dicentes quòd eos occidere Græci ueneno volebant. Turbatur vrbs tumultu ſuburbij: & Dux cum turbâ ſuorum vt ſedaret turbam foràs inermis ſed feſtinus egreditur. Turbatus autem à vino & furore oculus Alemannorum non arma uidet, ſed curſum; vnde

causâ pacis accurrentibus occurrunt irati, putantes à se homicidij vindictam exigi. Illi autem fugientes in urbem recepti sunt. Tunc sumptis arcubus, (hæc enim sunt arma eorum) denuò exeunt, fugant quos fugerant, occidunt, vulnerant, expulsiqûe omnibus de suburbio, cessant. Ibi multi Alemannorum occisi sunt, & maximè in hospitij, & pro pecunijs suis in speluncis projecti. Resumptis ergo animis & armis, vt vindicarent suam verecundiam, & aliorum necem, redierunt, & extra muros ferè omnia combusserunt. Nostis etiam erant importabiles Alemanni. Nam quadam vice quidam nostrorum regis multitudinis oppressionem vitantes, & ideò præeuntes, iuxta illos hospitati sunt. Itur ad forum ab utrisque, sed Alemanni non patiebantur vt Franci aliquid emerent, nisi postquàm ipsi exinde satîs habuissent. Inde rixa, immò garritus oboritur: vbi enim alter alterum non intelligens, cum clamorâ voce impetit, garritus est. Franci ergo percutientes & percussî, de foro cum virtualibus redierunt. Alemanni autem quia multi erant, paucorum Francorum superbiam dedignantes, contra illos arma sumunt, furiosè inuadunt, illique similiter armati animosè resistunt. Sed Deus illud nefas nocte citò superueniente finiuit. Nocte illâ ignis eorum nec exstingui potuit, nec consopiri, quia manè debacchantes acriùs surrexerunt. Sed sapientes eorum, stultorum genibus prouoluti, humilitate & ratione insaniam sedauerunt. Sic Alemanni præcedentes omnia perturbant, & ideò Græci subsequentem nostrum pacificum fugiebant. Conuentus tamen Ecclesiarum, & clerus omnis de ciuitatibus exeuntes, cum iconijs suis & alio Græco apparatu,

illum semper cum timore & honore debito suscipiebant. Dux quoque Hesternensis cognatus Imperatoris, in viâ Regi semper adhærens, & pacem indigenis, & ex parte forum fecit exhiberi peregrinis. Qui Regi de vi-ctualibus satis honorificè seruiebat, sed ipse inde sibi parum vel nihil retinens, modò totum diuitibus, modò pauperibus diuidebat. Ideoque cum illo pax districtiùs seruabatur, quia ibi minùs necessitatis & ampliùs erat timoris. Multæ verò illum præcedebant acies & sequebantur, vel de foro si poterant, vel de prædis quia hoc poterant, sibi abundantiam conquirentes. Tandem venit Philippopolim, vbi Aluissus venerandus Attrebaten-sis Episcopus, dum legatione Constantinopolim funge-retur, octauo Idus Septembris in sanctâ confessione ob-ierat. Hic post longam ægritudinem dum inter festum Sancti Bertini cuius monachus fuerat, & Natiuitatem Beatæ Mariæ acriùs vrgeretur, obortis lacrymis, quarum gratiam semper habuerat, monachis suis & clericis con-uocatis dixit: Carissimi, festum Sancti Bertini honore debito celebratis, sed quia sollemnitati Beatæ Mariæ vobiscum non interero, impendite mihi gratiam quam potestis, vt præoccupantes eam, sumptis libris omne mihi seruitium sollemniter decantetis. Illi autem flebili-ter obsequentes, diei & noctis omne seruitium morosius decantarunt. At ille quotienscumque illud Ave singula-re, vel nomen Virginis audiebat, in ipso mortis articulo, nisu debili sed deuoto surgebat. Post hæc reddidit Vir-gini animam, cuius ipsa tam deuotè iam tenebat memo-riam. Corpus autem eius extra urbem in ecclesiâ Sancti Georgij, ante altare venerandam habuit sepulchram.

Ad cuius tumultum Rex postmodum veniens, illum obiisse doluit, & cum suis Episcopis & Abbatibus ei lugubres exequias iterauit. Sciendum quoque est quod nos pro certo vidimus, febricitantes prius subtus feretrum, deinde supra tumultum obdormire, postmodum de sua sanitate Deo & defuncto Episcopo gratias agere. His autem paululum internissis, libet Alemannos Constantinopolim duci, immo etiam & transduci, debet enim res ordine quo gesta est recitari. Incedunt igitur satis audacter, sed minus sapienter, quia dum in terra illa vbique inueniunt opulentiam, & in ea non habent temperantiam, pedites eorum remanentes ebrij necabantur, & inhumatis eorum cadaueribus omnia foedabantur. Vnde Francis sequentibus minus nocebant armati Graeci, quam occisi Alemanni. Illi vero venientes Andronopolim, inuenerunt transitum Constantinopolim partim resistendo partim consulendo prohibentes, & apud Sanctum Georgium de Sisto, mare strictius & solum fertilius asserentes. Sed Imperator eorum resistentes & consulentes æquâ lance vilipendit. Tendens ergo quod coeperat, in medio fere itinere pratium inuenit, fluuiolo quodam vel torrente irriguum, & mari contiguo terminatum. Dum igitur ibidem fixis tentorijs pernoctaret, erupit pluuia super eos quidem (sicut audiuiimus) modica, sed in montibus tantâ inundantiâ, ut eos potius raperet quam aspergeret. Torrens enim tumidus, & rapidus tentoria sibi obuia, & quicquid continebant inuoluens & rapiens, in mare vicinum præcipitauit, & ipsorum multa millia submersit. Imperator autem & superstes multitudo, non sine dolore quidem, sed tamen velut

sine damno tantum malum perferentes, confurgunt, & quasi audaciores redditi pro euentu, Constantinopolim veniunt. Erat ante urbem murorum ambitus spatiosus & speciosus, multimodam venationem includens, conductusetiam aquarum & stanna continens. Ierant etiam quædam fossa & concaua, quæ loco nemorum animalibus præbebant latibula. In amœnitate illâ quædam palatia niniâ ambitione fulgebant, quæ Imperatores ad iocunditatem vernorum temporum sibi fundauerant. In hunc (vt verum fatear) deliciarum locum, Alemannus Imperator irrupit, & vndique penè omnia destruens, Græcorum delicias ipsis intuentibus suis vñbus rapuit. Imperiale namque palatium & singulare quod muris supereminet vrbis, istum sub se habet locum, & inhabitantium in eo fouet aspectum. Tamen si tale spectaculum Græco Imperatori stuporem attulit, vel dolorem repressit, & per suos Alemanni colloquium postulauit. Sed alius eorum ingredi ciuitatem, alius egredi timuit aut noluit, & neuter pro altero mores suos aut fastus consuetudinum temperauit. Rex interim Francorum, cui semper mos fuit regiam maiestatem humilitate condire, Imperatori Alemannorum cum multâ prece mandauit, vt eum citra Brachium exspectaret, & quorum voluntas eadem eundem laborem susceperat, eodem consilio fruerentur. Ipse verò feruore quo cœpit accelerat, & accepto à Græco Imperatore duce itineris, immo potiùs erroris & mortis, transmeat. Et licèt ego præscriperim, & verum sit, de illius exercitu infinitos iam obiisse, audiuius tamen à Græcis qui numerarunt transeuntes, eum

*Ferrè nona-
giuta.*

cum nongentis millibus & quingentis L X V I. trans-

fretasse. Venit ergo Nicomediam, ubi sui oborto scandalo schisma fecerunt. Imperator tetendit Iconium, frater autem eius Otto Frisingensis Episcopus, & Nobiles multi cum eo, maritima tenuerunt. Flebiles eorum euentus & celeres, loco & tempore referemus; sed ad nostros interim redeamus. Venerandus Mettensis Episcopus, & frater eius Renaldus Comes de Monçon, & Tullensis Episcopus Alemannos non ferentes, cum copioso exercitu aduentum pacifici Principis expectabant. Sed Græci quibus poterant iniuriis & maximè fori subtractione illos transfretare cogeant; dicentes, se pactum cum eorum Imperatore firmasse, quod nullum suorum ibi permitterent remanere. Regij verò nuncij qui adhuc in vrbe morabantur, hoc audientes, & verum esse credentes, litem illam tali pacto terminarunt, vt illi transmearent, & forum idoneum in aliam partem expectantes haberent. Quo facto pauci Franci qui superuenerant remanserunt. Quos cum alios sequi monerent, cogerent nec impetrarent, immensam multitudinem Pincenatorum & Cumanorum ad eos debellandos miserunt, qui etiam in desertis Bogariæ per insidias de nostris plurimos occiderunt. Illi autem quemdam terræ tumulum ascendentes, & in eo se bigis & quadrigis sepientes, viriliter restiterunt; Ibi nostri primâ perpeSSI sunt penuriam, quia forum non habebat, nec illi ab impugnatione cessabant. In vrbe verò regij nuncij tardè licet hoc scientes, Imperatorem adeunt nimia commotione ferentes. Cognito enim dolo scelere, de his qui transierunt pridie, conqueruntur, & maximè de his qui in vrbe Christianorum ab infidelibus impugnantur. Tunc Imperator quasi aliter Pincenatos inhibere

inhibere non posset, iubet nostros accedere propius, & subter se ad pedem palatii hospitari, & mercatum præberi. Igitur illi audito nuncio claustra sua qualiacumque exeunt, & quo iussi fuerant quasi nihil timentes incedunt, Cùm ecce illos Pincenatorum alij persequuntur, alij locum illorum occupare nituntur. Illi autem celeriter & viriliter reuertentes & persequentibus locum suum occupantibus animosè restiterunt. Ibi multi pedites vt expeditiùs fugerent, suarum rerum proicientes aliqua perdiderunt. Tunc quidam nunciorum ardentius inflammati, Eurardus videlicet de Britoilo, & Manasses de Bugues, & Ansellus Dapifer Flandrensis, & quidam alij iudicantes melius honestè pati mortem suam, quam turpiter videre suorum, armantur, ciuitatem exeunt, iunguntur suis, & participes efficiuntur discriminis. Magister verò templi dominus Eurardus de Barris, & Bartolomeus Cancellarius, Herchembaudus Burbonensis, & quidam alij Imperatorem aggredientes, eum quem tunc viribus superare non poterant, ratione vicerunt. Iurat ille se hoc nescisse, suis petit veniam, nostrosque facit iuxta palatium hospitari, & omni propulsâ inquietudine, mercatum facit præberi. Esset nuncijs satisfactum, nisi probarent scelus ex scelere: didicerant enim eum cum Turcis pacem habere. Et qui Regi scripserat ad debellandas gentes incredulas secum ire, & se de illis nouam & gloriosam victoriam habuisse, certum erat eum eisdem inducias duodecim annorum firmasse. Augebatur etiam ex hoc, & declarabatur perfidia, quòd per regnum eius sola incedebat multitudo secura. Episcopus enim Lingonensis, & Comes Vvarenensis, & quidam alii qui ad

atma sibi præparanda, ciborúmque viaticum Constanti-
nopolim paucos præmiserant, magna rerum damna pertu-
lerant, & suorum vulnera mortéſque dolebant. Et hoc
non semel accidit: ex quo enim terram ipsius intrauimus,
suorum latrocinia quia viribus erant impares, perpeſſi
ſumus. Eſſet hoc forſitan tolerabile, & poterat dici mala
quæ pertulimus, malis quæ fecimus meruiſſe, niſi blaſ-
phemia iungeretur. Nam ſi noſtri Sacerdotes Miſſas
ſuper eorum altaria celebrabant, quaſi eſſent profanata,
luſtrando & abluendo poſtea expiabant. Habent om-
nes diuites capellas proprias, picturis, marmore, & lamp-
dibus ſic ornatas, vt vnusquiſque eorum merito diceret,
Domine dilexi decorem domus tuæ, ſi lampas in eis or-
thodoxæ fidei coruſcaret: Sed proh nefas! audiuiſus
ſcelus eorum morte luendum, quia quotieſcumque
noſtrorum connubia contrahunt, antequam conueniant,
eum qui Romano more baptizatus eſt, rebaptizant. Alias
hæreſes eorum nouimus, & de more ſacrificij, & de pro-
ceſſione Spiritus ſancti. Sed nihil horum noſtram pa-
ginam ſordidaret, niſi noſtræ materiæ conueniret. His
enim de cauſis noſtrorum ineuerant odium, exierat
namque inter laicos etiam error eorum. Ob hoc iudica-
bantur non eſſe Chriſtiani, cædésque illorum ducebant
pro nihilo, & à prædis & rapinis difficilius poterant reuo-
cari. Sed reuertamur ad Regem, qui licet ferè diebus
ſingulis nouos Imperatoris nuncios habeat, cauſatur ta-
men moras ſuorum quia quid cum eis agatur ignorat.
Bona ſemper nuntiant, nunquam oſtendunt, & minùs
creduntur, quia omnes eundem adulationis ſemper ha-
bent procerium. Polychronius eorum ſuſcipit, ſed vili-

pendit : sic enim vocantur reuerentiæ quas non solum Regibus , sed etiam quibuslibet suis maioribus exhibent ; caput & corpus submissius inclinantes , vel fixis in terram genibus, vel etiam sese toto corpore prosternentes. Interdum Imperatrix Reginae scribebat, & tunc Græci penitus frangebantur in feminas , omne virile robur, & verborum & animi deponentes. Leuiter iurabant quicquid nos velle putabant, sed nec nobis fidem, nec sibi verecundiam conseruabant. Generalis est eorum enim sententia, non imputari periurium , quod fit propter sacrum imperium. Nec me putet aliquis odiosum genus hominum persequi, & odio eorum fingere quæ non vidi : requisitus enim quicumque Græcos nouerit, fatebitur quia quando timent , nimia sui dejectione vilescunt ; & quando præualent, graui subditorum oppressione superbiunt. Cæterum multo studio consulendo laborabant vt Rex ab Andronopoli ad Sanctum Georgium de Sisto gressum diuerteret , & ibi celerius & vtilius transfretaret. Rex autem noluit incipere, quod Francos audiebat nunquam fecisse. Igitur eisdem vestigijs, sed non eisdem auspicijs Alemannos subsequitur præcedentes. Et cum ad vnam dietam Constantinopolim propinquasset , suos nuncios habuit obuios , rumores de Imperatore quos iam ex parte retulimus reportantes. Tunc fuere qui Regi consulerent retrocedere , & terram opulentissimam cum castellis & urbibus capere, & interim Regi Rogerio qui tunc Imperatorem maximè impugnabat scriberet , & eius adiutus nauigio ipsam Constantinopolim expugnaret. Sed vix nobis, immo Petri Apostoli subditis omnibus , quod non præualuerunt

voces eorum. Processimus igitur & nobis appropinquan-
tibus ciuitati, ecce omnes illius Nobiles & diuites tam
cleri quàm populi, cateruatim Regi obuiam processe-
runt, & eum honore debito susceperunt; rogantes humi-
liter vt ad Imperatorem intraret, & de suâ visione & col-
loquutione illius desiderium adimpleret. Rex autem eius
timori compatiens, & petitioni obediens, cum paucis
suorum intrauit, & cum in porticu palatij satis imperiali-
ter obuium habuit. Erant ferè corui & cœquales, solis
monibus & vestibus dissimiles. Tandem post amplexus
& oscula mutuò habita, interiùs processerunt, vbi positis
duobus sedilibus pariter subsederunt. Circumstante
autem coronâ suorum, loquuntur per interpretem: re-
quirunt Imperator esse Regis & voluntatem, optans ei quæ
Dei sunt, quæ sua sunt repromittens; vtinam sicut hone-
stè, sic verè. Si gestus corporis, si alacritas faciei, si verba
cordis intima demonstrarent, circumstantes illum nimio
affectu Regem diligere comprobarent: sed tale argu-
mentum probabile est, non necessarium. Post hæc sicut
fratres ab inuicem discesserunt, & Regem foràs ad pala-
tium in quo erat hospitatus, imperij Nobiles conduxerunt:

LIBELLVS QVARTVS.

CONSTANTINOPOLIS Græcorum gloria, famâ
cuius & rebus ditior, ad formam veli naualis in tri-
gonum ducitur. In interiori angulo Sanctam Sophiam
habet, & palatium Constantini, in quo capella est quæ
sacrofanctis reliquijs honoratur: duobus autem lateribus

mari præcingitur. Venientes ad urbem, Brachium Sancti Georgij ad dexteram, & quemdam profluvium qui de ipso procedens, ad quatuor ferè millia tenditur, habebamus ad læuam. Ibi palatium, quod dicitur Blacherna, fundatur quidem in humili, sed sumptu & arte, decenti proceritate confurgit, & triplici confinio triplicem habitantibus iocunditatem offerens, mare, campos, urbemque visibus alternis despicit. Exterior eius pulchritudo ferè incomparabilis est, interior verò quicquid de illâ dixero superabit. Auro depingitur undique, variisque coloribus, & marmore studiofo artificio sternitur area; & nescio quid ei plus conferat pretij, vel pulchritudinis, ars subtilis, vel pretiosa materia. Latus tertium de trigono ciuitatis, campos habet, sed duplici muro munitur, & turribus, qui à mari vsque ad palatium ferè duobus millibus tenditur. Hic nec robore firmus est, nec turres in altum subigit, sed vrbs (sicut æstimo) in suâ multitudine, & antiquâ quiete confidit. Infra muros terra vacua est, quæ aratra patitur & ligones: habens hortos omne genus olerum ciuibus exhibentes. Aforis subterranei conductus influunt, qui aquas dulces ciuitati largiter tribuunt. Ipsa quidem sordida est & fœtida, multisque in locis perpetuâ nocte damnata. Diuites enim suis ædificijs vias tegunt, sordésque & tenebras pauperibus & hospitibus derelinquunt. Ibi cædes exercentur, & latrocinia, & quæ tenebras diligunt alia scelera. Quoniam autem in hac vrbe viuatur sine iure, quæ tot quasi dominos habet, quot diuites, & penè tot tures quot pauperes, ibi sceleratus quisque nec metum habet nec verecundiam, vbi scelus nec lege vindicatur, nec luce venit in

palàm. In omnibus modum excedit: nam sicut diuitijs vires alias superat, sic etiam vitijs. Multas quoque habet ecclesias, Sanctæ Sophiæ magnitudine impares, non decore, quæ sicut sunt admirabiles pulchritudine, sic sunt etiam numerosis Sanctorum pignotibus veneranda. Ad has intrabant qui poterant, alij curiositate videndi, alij deuotione fideli. Rex quoque Duce Imperatore loca sancta visitaui, & reuertens, cum eo victus precum instantiâ comedit. Conuiuium illud sicut gloriosos conuiuias habuit, sic apparatu mirifico, dapum delicijs, voluptuosos iocorum plausibus, aures, & os, & oculos satiauit. Timebant ibi Regi multi suorum, ipse verò qui Deo commiserat curam sui, fide & animositate penitus nihil timebat. Non enim citò credit sibi noceri, qui nocendi non habet animum; licet Græci nullum argumentum perfidiæ demonstrarent: credo enim illos non tam sedulum exhibuisse seruitium, si bona cogitarent. Suas verò dissimulabant iniurias, post Brachij transitum exigendas. Nec imputabatur eis si portas vrbs multitudini obserabant, quia multas eorum domos, & oliueta combusserant, vel penuriâ nemonum, vel insolentiâ & ebrietate stultorum. Faciebat eis Rex aures, manus, & pedes sapiùs detruncare, nec sic poterat eorum vesaniam refrenare. Immo erat necessarium alterum è duobus, vel multa millia simul occidere, vel eorum mala plurima tolerare. Forum igitur satis abundanter nobis afferebat nauigium; & ante palatium, vel etiam in tentorijs habebamus congruum (si duraret) concanbium: minus quàm duobus denarijs stammam vnâ, & earum triginta tres solidos propter marcam. Postquàm verò tribus diebus

urbem transiimus, pro vnâ quinque vel vi. denarios, & pro xi. solidis marcam vnâ perdebamus. Cæterùm dum Rex venientes per Apuliam exspectat inter Brundisium & Durachium transfretantes; sollemnitas Beati Dionysij accidit, quam ipse veneratione quâ debuit celebrauit. Nouit hoc Imperator; colunt etenim Græci hoc festum, & clericorum suorum electam multitudinem, dato vnicuique cereo magno, varijs coloribus & auro depicto Regi transmisit, & sollemnitatis gloriam ampliavit. Illi quidem à nostris clericis verborum & organi genere dissidebant, sed suavi modulatione placebant. Voces enim mixtæ, robustior cum gracili, eunucha videlicet cum virili, (erant enim eunuchi multi illorum) Francorum animos demulcebant. Gestuetiam corporis decenti & modesto, plausu manum, & inflexione articulorum, iocunditatem visibus offerebant. Referimus Imperatoris obsequia vt pateat dolus ipsius, qui prætendebat affectum quem solemus amicis præcordialibus demonstrare, & gerebat animum quem non possemus nisi mortibus nostris placare. Certè nemo Græcos cognosceret, nisi experimento vel spiritu prophetiæ. Episcopus verò Lingonensis eorum fidem improbens, contemnens obsequia, prophetans mala quæ postea sensimus, urbem capi suadebat. Muros fragiles quorum magna pars ante nostros corruit, inertem populum, sine morâ vel labore ruptis conductibus dulces aquas posse subtrahi comprobabat. Dicebat vir ille prudens animo, religione sacer, quod captâ illâ ciuitate non esset necessarium alias expugnare, quia gratuitum possidenti caput earum præberent obsequium. Addebat

etiam quòd ipsa rem Christianitatis non habet, sed nomen; & cùm deberet per se Christianis auxilium ferre, non illos prohibere, ante paucos annos Imperator Antiochenum Principem aggressus est expugnare. Priùs cœpit Tharsum, & Manultram; & castella plurima, terramque latissimam, expulsisque Catholicis Episcopis urbium, & hæreticis substitutis, obsedit Antiochiam. Cùmque deberet sumptis Christianorum copijs, paganorum viciniam propulsare, illorum auxilio nifus est Christianos exterminare. Deus autem horum cognitor, iudex, & vindex, voluit vt ipse sibi toxicatam sagittam infligeret, & modico vulnere vitam indignam finitet. Iste verò qui nunc regnat, heres quæstus & criminis, sicut iura Ecclesiarum sibi retinet, & alia quæ pater impiè conquisiuit, sic cæteris inhiat quæ ipse concupiuit: & iam Principibus extorsit hominum, & erigens altare contra altare, Patriarchâ Petri despecto, in vrbe statuit suum. Sit vestri iudicij utrùm illi parcere debeatis, quo regnante Cruci Christi & sepulcro nihil tutum, quo destructo nihil contrarium. Cùm perorasset Episcopus, placuit aliquibus quod dicebat. Plures autem quibus displicuit, hæc & similia respondebant. De fide istorum non possumus iudicare, legis ignari: quòd autem impugnavit Antiochiam, malum fuit; potuit tamen causas habere iustitiæ quas nescimus. Certum vetò est Regem nuper cum Papâ loquutum fuisse, & super hoc nec præceptum eius, nec consilium accepisse. Visitare sepulcrum Domini conuenimus nos & ipse, & nostra crimina præcepto summi Pontificis, paganorum sanguine vel conuersione delere. Nunc autem urbem Christianorum ditissimam expugnare

expugnare possumus & ditari, sed cædendum est, & cædendum. Si ergo cædes Christianorum peccata diluit, dimicemus. Item si nostris mortuis nō nocet ambitio, si tantum valet in itinere pro adquirēdā pecuniā interire, quantum summi Pontificis obedientiæ, & voto nostro intendere, placent diuitiæ, sine timore mortis discrimina subeamus. Talis erat eorum altercatio, & fauebant sibi de iure, assertores vtriusque sententiæ. Credo tamen quod vicisset Episcopus, nisi Græci magis præualerent dolis quàm viribus: qui nostras moras habentes suspectui, vrgere transitum non audebant, forum tamen ex parte subtrahentes, rumoribus Alemannorum nostros ad transitum concitabant. Primò retulerunt Turcos copiosum exercitum congregasse, & Alemannos de illis sine damno suorum, quatuordecim millia peremisse. Post diem alteram feliciori euentu, infaustum transitum amplius persuadebant. Dicebant enim Alemannos peruenisse Iconium, & ante aduentum illorum, eiusdem ciuitatis perterritum fugisse populum. Et quoniam ipsi festinant in antea, Imperator alter alteri scripsit vt veniat, & quod sine suo labore conquistum est, defendendo possideat. His stimulis exercitus agitur, & de morâ Regis commurmurat; dum quidam lucris eorum, quidam laudibus inuidebant. Victus ergo Rex, & Græcorum monitis, & suorum querelis, antequàm venirent quos expectauerat, transfretauit. Et Imperator sicut hoc ardentem voluit, sic velociter nauium copiam præparauit. Rex autem cū Brachium, * fecit dies quindecim partem sui exercitus expectando, vltra similiter quindecim, Græcorum versutias tolerando.

** Hic deest
transit, vel
quid simile.*

Habent illi locum quem expectauerant, & audent detegere quæ cogitauerant. Tamen nostrorum vesanix dederunt eis velamina suæ nequitix. Vnde dictum est à pluribus, quòd nobis fecerunt non esse malitiam sed vindictam. Ex parte iudicat qui rem nouit ex parte; sed non potest facere rectum iudicium, qui causam ex integro non cognoscit. Illi enim offendi poterant, non placari. Ecce pertransiuimus, & nos naues cibariæ cum cambitoribus subsequuntur: sternunt gazas in littore, fulgent auro tabulæ, vasisque argenteis quæ à nostris emerant honestantur. Veniunt de exercitu qui cambiunt necessaria, iunguntur & illis qui ambiunt non sua. Igitur vnâ die Flandrensis quidam dignus flagris, & flammâ, cernens immensas diuitias, & immoderatâ cupiditate cæcatus, clamat hauo, hauo, rapiens quod cupiuit; & audaciâ pariter, & prædæ pretio, sibi similes ad nefas animauit. Et quoniam vbique stulti eunt (in cambio enim quot occisi tot stulti) corruunt vbique qui pecunias in promptu habebant. Crescit clamor, furor, corruunt exedæ, conculcatur aurum & rapitur, metu mortis cambitores fugiunt spoliati, nauésque suscipiunt fugiuos, & subductæ littori, referunt ad urbem qui cibos emebant nostrorum plurimos. Verberantur illi & spoliantur: ciuitas quoque quos hospites habuit, quasi hostes spoliauit; Fiunt hæc nota Regi, succensûsque irâ requirit maleficum, qui à Comite Flandrensi redditus, in prospectu ciuitatis illicò est suspensus. Deinde festinat quærendo perdita, reddentibus donando veniam, celantibus comminando similem pœnam. Et ne suam præsentiam timerent vel erubescerent, iussit vt Episcopo

Lingonensi omnia redderent. Reuocantur in crastinum qui pridie fugerant, & quod se iurare poterant perdidisse, plenariè rehabeant. Requirebant plurimi amplius quàm deberent, sed Rex maluit quod defuit de suo restitui, quàm pacem sui exercitus violari. Quo factò eligit qui suos & quæ perdiderant ab Imperatore requirerent, & exercitui forum reducerent, Arnulfum Luxouiensem Episcopum eloquentiâ & religione præclarum, & Bartholomeum Cancellarium. Et quoniam Rex vrgebat qui semper festinus erat errata corrigere, satîs manè transfretauerunt, & adituûm gratiâ palatium intrauerunt, sed loqui cum idolo nequiuerunt. Illo die fuit alter alteri pro solatio, intuitus picturarum pro cibo, & instantinocte marmoreum pauimentum pro culcitrà vel lecto. Sequenti verò die cùm profanus ille circà tertiam surrexisset, vocati veniunt ante illum sobrij & insomnes, suam legationem absoluentes, & de satisfactione suorum, & de querelâ nostrorum: fecissetque eum Episcopus satîs tractabilem prudenti eloquentiâ & suauî, si posset serpens ille ab aliquo incantari; sed aspidis more surdus, & veneno turgidus, mutatus est ab illo quem antea viderant, immò detectus quem sub doli tegmine priùs non cognouerant. Tamen instat Episcopus, & ex parte præualet, habet forum exercitus, & peregrinis suis rebus perditis patet egressus. Dicit ille se adhuc cum Rege loquuturum, & citò nuncios præmissurum: vrget Episcopum regredi priuata necessitas, ne cum eo faceret triduanum ieiunium. Ille bonum adhuc simulat, vt amplius noceat; exhibens forum sed parcè; loquuturus cum Rege, sed tardè. Dum ergo mittit nuncios & remittit, plures dies

pertranseunt, & Franci quod ad viam præparauerant comedunt. Volebat Regem ad suum palatium regredi; Rex in suam ripam vel in mari ex equo colloquium fieri. Tandem quod cautè distulerat, per nuncios reuelauit, & Regis cognatā quam Regina secum habebat, cuidam suo nepoti coniugem, sibi que Baronum hominum requisit. Ob hoc duces itineris, & vbi que forum & concambium competens promittebat: vbi hoc non haberent prædarentur; si castrum vel ciuitas negarent huiusmodi, caperentur; si sumptis spolijs sibi vacuæ dimitterentur. Offerebat insuper Regi munera digna Rege, & Baronibus singulis suæ congruentia dignitati. His auditis fuit iterum opus morarum, tum quia Comes Morianensis, & Marchisus de Monteferrato, auunculi Regis, Aluernensis Comes, & plures alij quos exspectabamus, vltra urbem in conspectu nostro tentoria fixerant, tum quia Barones de Imperatoris quæstione dissentiebant. Græci autem qui solebant vrgere transitum, prohibendo tardabant. Igitur egregij milites per montana dispersi, moræ prouidentes & itineri, prædis replent exercitum, Græcorum damno suis euentes nauigium. Offerunt igitur quod prohibuerant, transductique recipiunt quos exspectauerant. Interea dum quod requirebat Imperator indubio est, Perticensis Comes Robertus, Regis germanus, cognatam suam Reginæ clam subripit, se cum quibusdam Baronibus, illius subducens hominio, & cognatam suam nepotis eius matrimonio. Sic præcedit Nico-mediam, & Rex cum Episcopis & alijs Baronibus, Imperatoris discutit causam. Dicebant quidam & maxime Lingonensis; Ecce impius patefacit quod antè celauerat:

vestrum requirit hominum, quorum seruus potuit existisse, promittens turpiter quod victoria debuit acquisisse. Nos autem (carissimi) præferamus commodis honestatem; obtineamus viribus, quod ipse quasi cupidus & timidus pollicetur; turpe est enim in præsentī tam gloriosum habere dominum, & infideli facere hominum. Alij verò, quorum numerus & ratio superauit, huiusmodi respondebant. Ex consuetudine post Regem plures dominos habere possumus, quorum feodos possidemus, sed illi fidem principaliter obseruamus. Si iudicamus hoc esse turpitudinem, deleamus consuetudinem. Nunc autem Imperator sibi timens nostrum requirit hominum. Si ergo turpe est nos ab eo timeri; si est inhonestum quod minoribus facimus nos facere Imperatori, dimittamus. Si verò metus Imperatoris, vel mos nostræ consuetudinis, nec Regi facit iniuriam, nec nobis verecundiam, adquiescamus nostræ consuetudini, pro nostro commodo illius parcamus formidini, velimus commoda prouidentes itineris necessitati. Nemo nostrum nouit hanc terram, igitur opus est duce: contra paganos properamus, Christianorum utamur pace. Dum hæc aguntur, omnes ferè quos Rex expectauerat, transfretarunt, quorum nomina mihi dolor est recitari, quia mortes eorum immaturas aspexi: & esset forsitan legenti tædiū, qui quærit utilitatis vel probitatis exemplum. Et quoniam solus Imperator erat vltèrius causa morandi, imperat Rex castra moueri. Quod ille audiens; præmissis nuncijs post eum properat, determinans quoddam castrum eorum colloquio; in quo sibi cauit vicini maris adunato nauigio. Rex autem Alemannorum æmulus, quorum bonam famam

latus audierat, & similem festinanter quærebat, nec morari voluit, nec colloquium respuit; Igitur exercitu præcedente reuertitur, ducens secum Baronum gloriam, & militum multitudinem expeditam. Ægrè tamen ferebat quòd ille suorum hominum requirebat, sed Dei seruitio putabat esse vtile quod promittebat. Si Christianus esset, illud sine aliquâ exactione deberet; sed dicebat quòd nostram gentem iam expertam suo regno timeret. Et essetante illos quicquid foret eis vtile fugiendum, si non eum facerent tali satisfactione securum. Rex autem contra paganos de festinatione succensus, ad illius voluntatem rigorem sui animi maluit inclinare, quàm Dei seruitium aliquâ occasione tardare. Conuenientes igitur, pactiones prius exponunt, videlicet quòd ei Rex nec castrum nec ciuitatem quæ sui iuris essent auferret. Satis est hæc rationabilis & modesta petitio, quam subsequitur æquè liberalis sed fallax promissio. Vt enim paci regiæ imperialis gratia responderet, adiecit quòd duo vel tres Optimatum suorum cum Rege procederent, quem recto itinere conducentes, forum competens vbique ministrarent. Vbi autem hoc deesset, prædationes castrorum, & vrbium captiones sine querelâ toleraret, si sumptis spolijs terra illivacua remaneret. Tunc temporis Rex Rogerius Apulienfis illum importunè, & feliciter impugnabat, & locis pluribus expugnabat. Contra quem si Regem nostrum sibi sociare potuisset, omnem illi thesaurorum copiam effudisset. Sed cum eum nequiret ad hoc flectere, vel assiduâ prece, vel incredibili promissione, de supradictis alter alteri mutuo sese fœdere sociari. Deinde sumpto Baronum hominio, & Rege cum illis donis satis

imperialibus honorato, hic post exercitum properauit, ille sacrilegus nouo periurio maculatus, exuto timore remansitforum longo tēpore necessarium paucis diebus exhibens, & promissos duces itineris nunquam reddens. Illo die Sol vidit scelus quod ferre non potuit, sed ne videretur illud æquare proditioni dominicæ, seruiuit mundo dimidius, & dimidius se abscondit. Cū igitur exercitus dimisso Rege procederet, & Solem in formā dimidij panis magnā diei parte conspiceret, verebatur ne ille qui super alios fide lucebat, dilectione feruebat, spe superna tenebat, proditione Græcorum aliquā portione sui luminis priuaretur. Sed aliud accidit æquē dolum. Imperator enim Alemannorum à duce suo proditus, & in concauis montibus clam relictus, multis suorum iaculis Turcorum confossis millibus, retrocedere compellus est sicut postea referemus. Quod postquam didicimus, quid significaret cœleste prodigium rectius exposuimus, dicentes, nostrum Regem & Alemannum vnum esse Solem, quoniam vnius fidei lumine coruscabant; & hunc lucere dimidium, & dimidij circuli radios abscondisse, quando Rege seruire solito tenente cursum, Alemanni retrocedebant.

LIBELLVS QVINTVS.

CONSTANTINOPOLIS superba diuitijs, moribus subdola, fide corrupta, sicut propter suas diuitias omnes timet, sic est dolis & infidelitate omnibus metuenda. Si autem careret his vitijs, aëre temperato, &

salubri fertilitate soli, & transitu facili ad fidem propagandam posset locis omnibus auteferri. Habet enim Brachium Sancti Georgij quod fecunditate piscium mare est & salsedine, fluuius quantitate, qui posset in die septies vel octies vltro citroque sine periculo nauigari. Vltrà Romania est, terra latissima, montibusque saxosis asperrima, meridianâ sui parte pertingens vsque Antiochiam, & in orientali habens Turciam. Quæ cùm tota esset iuris Græcorum, hanc ex magnâ parte Turci possident, illis expulsis aliam destruxerunt; vbi verò Græci adhuc munitiones obrinēt, redditus partiuntur. Tali seruitio retinent quod Francorum virtus qui Ierosolymam conquiesierunt liberauit: & perdidisset omnia populus iners, sed aurum auro redimens, diuersarum gentium conductis militibus se defendit. Semper tamen perdit, sed multa possidens, non potest omnia simul; non enim sufficiunt alienæ vires proprijs destituto. Quod nobis Nicomedia prima monstrauit, quæ sentibus & dumis confita, ruinis sublimibus antiquam sui gloriam & præsentium dominorum probat inertiam. Frustra iuuabat eam quidam maris profluuius, qui de Brachio confurgens, post dictam tertiam in eâ terminantur. Ab hac viæ tres dirigunt Antiochiam quantitate dispares, & qualitate dissimiles. Quæ vergit ad sinistram breuior est, si obstacula non haberet, & tribus hebdomadibus finiretur, sed post dies duodecim prætendit Iconium Solistani sedem, nobilissimam ciuitatem; & post quinque alios, præteritis Turcis, terram Francorum. Robustus autem exercitus fide munitus & multitudine ista contemneret, sed niuibuscum montium in hyeme terreretur. Quæ dexteram tenet, pacatior

pacatior est & abundantior, sed marinis anfractibus triplicem moram facit viantibus, habens fluuios & torrentes timendos in hyeme, loco niuium & Turcorum. Media verò partis vtriusque commodis & dispendijs temperatur; breuiori longior sed tutior; longiori breuior & tutior, sed pauperior. Igitur Alemanni qui nos præcesserant, facto schismate, plures cum Imperatore ad sinistram partem sinistro auspicio per Iconium tetenderunt. Reliqui verò cum fratre illius ad dexteram versi sunt, consequentes omnia sinistrorsum. Nobis autem fors media cecidit, vtriusque lateris infortunio temperato. Cùm igitur ad sinistram relictâ Nicæâ super lacum ipsius sederemus, Græcorum rumoribus stimulati, post Alemannos properare & properari, viri nobiles ab eorum Imperatore post Regem missi superuenerunt, qui nobis illos refugisse Nicæam, contra votum nostrum & æstimationem flebiliter retulerunt. Audientes hoc nostri cum stupore dolent, & cum dolore stupent, tam robustum exercitum tam subito defecisse; & inimicos Dei, & nostros, de nostris socijs tam leuiter triumphasse. Requiruntur illi ordinem, modum, seu causam tanti infortunij, sed omnia hæc forsitan dicuntur & improprie; siquidem confusio non habet ordinem, nec excessus modum, nec causam illud quod ratio aliqua non præcedit. Habuit tamen finem & principium malum vtrumque, sicut ij qui casum illum potuerunt euadere, docuerunt. Satis iustè primò erant accusatores sui ipsorum. Quòd nimium in proprijs viribus confidebant, qui Deum sapiùs, & solito ampliùs offendeabant. Deinde Constantinopolitanum idolum execrabantur, qui cùm dedisset eis viæ conductorem &

traditorem ; quantum in ipso fuit, Christianorum fidem strauit , paganisum stabiliuit , animos illorum timidos animauit , feruorem nostrorum frigidauit. Ducti enim Nicæam à duce suo, iussi sunt octo dierum cibarijs onustari, tali viatico Iconiũ peruenturi. Finitis autem diebus & escis, putabant viam similiter finiendam ; sed de illius infinitate , obsessi montibus , & eorum scopulis immerfi possent capere coniecturam. Tamen à duce, immò truce suo seducti, ampliùs de crastino in crastinum vsque in tertium patiuntur, & in montes inuios longiùs intruduntur. Tandem credens adhuc viuum exercitum iam sepultum proditor ille , nocte per compendia sibi nota fugit, & ad prædam, Turcorum maximam multitudinem cõuocauit. Diluculo igitur insequenti, cùm more solito signiferi præuium suum iam irati in eum, quærent nec inuenirent ; Turcos subitò vident scopulos montium occupasse, dolentes maximè, quem quærebant sine sui sceleris dignâ mercede fugissè. Fiunt hæc nota Imperatori, tam relatione suorum, quàm Solis. Consulit itaque in illo articulo sapientes suos, sed tardè, quia non erant de malo bonum, sed de malis leuius electuri. Procedendum erat vel recedendum , sed processum fames prohibebat & hostis , & incognita montium labyrinthus ; recessum æquè fames, & opprobrij metus. In hoc tamen erat spes aliqua euadendi, sed cum turpitudine, in alio certa mors sine veritate vel laude. Quid igitur faciet virtus ieiuna ? Fugiet in Dei seruitio quæ non solet in suo ? Item procedet, incassum , illicò moritura , quæ adhuc seruire Deo poterit conseruata ? Mallet certè mortem gloriosam quàm turpem vitam ; sed si vtramque maculat turpitude,

melius est strenuis actibus turpiter conseruari, quàm turpiter sine correptione finiri. Tali consideratione cedentes Alemanni faciunt quod non solent, recessum damnantes iudicio, concedentes pro tempore, correctionis intuitu: faciunt quòd possunt, volunt quòd debent. Armanantur itaque omnes ad tolerantiam contra famem. Habentes ad esum fessos & morientes equos, & quemdama Comitē egregium, Bernardum nomine solum cum suis ad miliciam contra persequentes inimicos. Dum sic redeunt ordinati, augent dietas cibos quærentes, & minuunt vires labor & esuries. Turci verò paulatim eos tentabant, & debilitate cognitâ, de die in diem acrius infestabant. Tandem Comes illustis, laude dignus & luctu, dum fessos exspectat, dum subportat debiles, exercitus quemdam montem pertransiit, & ipse nocte superueniente vltà remansit. Quem ibidem Turci à longè circujunt & sagittant, & sine damno suorum occidunt leuiùs quàm sperant. Carebat enim ille vir arcubus, & balistis, famelique & labor abstulerat equos veloces armatis. Nolebant Turci manu ad manum congregi, nec ille habebat arma quibus à longè posset defendi, nec armatos in hostes ferre poterant equi ieiuni. Plangenda nimis est iuuentus agilis, quæ sæpius extracto gladio, veruecum pelles habens pro scuto, dum velociter & audacter currit in hostem, in medio itinere offendit mortem volantem. Dum Papa Sanctus accipitres & canes prohibuit armisque militum & vestibus modum imposuit, sicut iussit sapienter & vtiliter, sic qui eius imperio non consensit, stultè & inutiliter. Sed æquè vtinam pedites instruxisset, retentisque debilibus, fortibus quibusque pro

perâ gladium, & pro baculo arcum dedisset: quia semper debiles & inermes suis sunt onus, hostibus præda. In crastinum Comes requiritur, qui ad defensionem suorum ultro se solebat offerre, & discitur illum serò ad exercitum non venisse, sed in viâ cum suis Turcorum iaculis interiisse. Plângunt omnes mortem illius, de cuius viribus & consilio plurimùm confidebant, & quia mors similis immineret vniuersis. Armantur itaque omnes qui poterant, & fame & hoste solito acriùs debacchante properant. Turci enim iam nihil á longè metuunt, ubi arcus non esse, & equos veloces agnoscunt. Ergo non solùm postremos urgebant, sed etiam primos & medios sagittabant. Non possum describere damna itineris, in quo ipse Imperator vulneratus duabus sagittis; ubi properantibus alijs remanent debiles, & in turbâ mediâ pluvia sagittarum necat inermes. Sic tandem venere Nicæam morientes. Ibi currunt ad escas famelici, quas sicut in tali necessitate poterant, nimium caras vendebant Græci, spatas & loricas requirentes, non aurum, ut penitus nudarent exercitum. Cuius pars maxima viribus consumptis, & rebus perditis repatriare volens, Constantinopolim iuit; sed antequàm possent habere vel forum vel transitum, eorum plusquam triginta millia (sicut audiuius) fames occidit. Imperator verò solatio destitutus humano, & præsumens adiutorium de diuino, constanti animo tendit post Regem, ad Dei seruitium eius expetens societatem. Quem ab eo præmissi nuncij, super lacum Nicænum sicut prædictum est inuenerunt, & ei quæ descripsimus retulerunt; rogantes ut occurrat obuiam subsequenti, præstaturus opem & consilium indigenti. Rex autem damnum locij

sicut proprium doluit, & cum multo Baronum comitatu, eius personæ & precibus libenter & celeriter obuiavit, Amplexantur igitur alter alterum, & infigunt oscula quærorabant lacrymæ pietatis. Tandem statuunt ut Rex Imperatorē ad castrum quod Lupar dicitur expectaret, & ille post istum sumptis in Nicæa cibarijs festinaret. Dehinc cœperunt Græci nostris forum subtrahere, sed illi non poterant videre opulentiam & esurire. Dispersi ergo plurimi rapiebant quod libentiùs emerent, & alij prædas emebant ab eis, quasi iustiores, si quoquo modo de suo viverent. Sic veniunt ad Lupar, ubi ex condicito Alemannos expectant, quos subsequenter (ut residuum bruchi locusta comederet) quotidie Græci rebus & vitâ spoliabant. Tandem fessus Imperator & eques, cum non possent euadere, licet pauci essent inimici, armis viriliter resistendo, descenderunt in viâ miserè procedentes animosius tolerando. Pauperes verò qui non impediabantur ad fugam sarcinis, post Regem properant, non timentes cupidos gratiâ paupertatis. Imperator etiam illi per nuncios supplicat, ut cum militari manu in obtiniam citò recurrat, vel eorum cadauera sepelire, vel semivivis vitæ particulam custodire. Igitur Conestabulus Iuo de Niellâ, Sueffionensis Comes, ad hoc utgente Rege festinando laboravit: sed fessos Alemannos Græcis fugientibus sine labore liberauit. Et certè, sicut ipsi postea ferebant, nisi Conestabulus tam citò venisset, omnes in horam & locum mortis inciderant. Heu quàm miseranda fortuna, Saxones, Batauosque truces & alios Alemannos quos in antiquis historijs legimus quondam Romanam fortitudinem timuisse, nunc dolis Græcorum inertium

tam miserabiliter interiisset! Referetur quoque suo tempore Francorum occasus, & erit intolerabilis geminus luctus. Et habebunt gentes utræque quod semper defleant, si filij mortes parentum non vindicant. Dat autem nobis, qui pertulimus Græcorum scelera, diuina iustitia spem vindictæ, & quòd nostræ gentes non solent, verecundas injurias diù ferre. His interim mœstos animos consolamur, & vt sciant posteri Græcorum dolosa facinora, nostra infortunia prosequemur. Imperatore igitur ad Regis tentoria conducto, & in partem alteram cuiusdam fluminis hospitato, Rex eundem nauibus transiit, & ad illum consolandum animosus & pius, virilis, & flebilis, pedes venit. Quem ille sicut naufragus portum tenens, verba eius nimis grateranter suscepit, & ab eo quibus egebat valde humiliter postulauit, euentusque suos sic incipiens, satis constanter exposuit. Domine Rex, quem natura mihi vicinum præstitit, & cognatum, & Deus seruauit in necessitate patronum, referre vobis meos casus me non oportet, quia superuacuum est monstrare alicui quod iam videt. Mali quidem sunt: sciatis autem quòd inde non irascor Deo, sed mihi. Deus enim iustus, ego verò & populus meus stulti. Cùm de meo regno numerosum exercitum, & pecuniosum educerem, si bonorum largitori dignas gratias redderem, forsitan qui dederat conseruasset. Intraturus barbaras regiones si de præsentī vitā corrigerem, & de præterito piā satisfactione deflerem, Deus correpta vitia non punisset. Cùm de Turcis victorias præsumebam, si de meo numero non tumerem, sed in Deo exercituum humiliter spem haberem, Deus non inuentam contumaciam non domasset. Adhucta-

men suâ gratiâ sanus sum, & diuitias habeo, & in voluntate sui seruitij perseuero, credens quia de tot periculis diues & incolumis non exissem, nec vos in mortis articulo ad meum suffragium inuenissem, nisi me Deus adhuc valere aliquid in suo seruitio prouidisset. Nolo itaque deinceps à vestrà societate seiungi, nec susceptus primus vel vltimus collocari, quia non possem hostes obuios propulsare, nec sequentes sine damno mediorum sufferre. His exceptis, quòd volueritis mea tentoria collocentur. Rogo autem vt de vestris socijs meus numerus augeatur. Cùm hæc interpretante Metensi Episcopo recenti dolore anxius perorasset, & ad fletum viscera omnium commouisset, Rex Episcoporum & Baronum consilio suos auunculos, Morianensem Comitem, & Marchisum de Monte ferrato, suosque cognatos Metensem Episcopum, & fratrem eius Comitem Renaldum, & quosdam alios sibi sociauit, & vt è vicino posset ab illo consilium capere, ambos simul hospitari debere iudicauit.

LIBELLVS SEXTVS.

REx igitur Imperatorem diligens pro personâ, penè sibi præferens pro ætate, venerans pro fortunâ, castra mouit, & post festum Beati Martini ad castrum quòd dicitur Esseron venit. Ego verò interim dum recens est dolor, dum adhuc obsequij regij recordatur, Regem adeo, iniurias quas Beato Dionysio faciebat de castro Estufin & Hefcelingis expono, & excommunicationem

quam de hoc Papam audierat in Pascha facere , ad memoriam reduco. Ille verò exultans quòd occasionem haberet suo patrono seruiendi , non differt , sed illicò iubet sibi possessores horum monstrari. Cui ego respondi , quòd ipse Imperator in castro turrem vnā habebat , & Dux Fridericus aliam , qui præsens aderat , & cætera singulariter possidebat. Hoc audito requirit vtrumque per se , per suos ; priùs priuatim , deinde publicè , pro se rogat , pro Deo placando & glorioso Martyre hortatur , ex hoc familiares Imperatoris sollicitans , & sollicitando frequentans. Ille verò priùs dubia respondebat , quia Regem cessare ab incepto , tædio fatigatum sperabat : sed ipse ab honestà & religiosā postulatione non destitit , donec ille quàm inreuocabilis ab errore , & quàm ingratus esset beneficijs , patefecit. Quamuis hoc non sit de nostrâ materiâ (Pater Suger) tamen congruit vt sciatis , quatinus pro illo qui vos præsens honorat , & absens diligit , deuotiùs supplicetis. Cæterùm Rex ex proposito Philadelphiam properabat , & erat vsque illuc plena via octo dierum , sed plenariè victualia non habebat. Quod intelligens Imperator , cùm Rex præsens & Barones adessent , de hoc sermonem habuit , in quo nobis de suâ fortunâ forsitan nescius plenè phialis propinauit , Sicut virtutis est , ait gesta fortia imitari , sic prudentiæ est de alieno infortunio cautum reddi. Cùm ego nuper exercitum haberem , cui nulla gens incredula restitisset , victus fame cessit his , quos habens victualia domuisset. In hoc autem nobis duobus est æqua conditio : sicut non timetis gentis alicuius potestatem , sic non habetis iacula contra famem. Ecce vobis proponitur duplex via , vna
breuior

breuior sed egea, altera longior opulenta; sed certè melius est in opulentia diu honestè viuere, quàm citò turpiter in egestate perire: est mora melior, quæ robustum exercitum in abundantia seruat, quàm illa quæ fessum vel famelicum recreat. Vnde vobis consulo, quatinus maritima teneatis, & robur vestra militiæ ad Dei seruitium licèt tardiùs veniat, conseruetis. Annuit itaque Rex sermoni magis verisimili quàm veraci, damna & pericula illicò perpeffurus, & ad Demetriam ciuitatem maritimam, quo pars exercitus quæ rectam viam tenuit, die venit dimidia, vix die tertià peruenturus. Deuiavit enim in quædam concaua, offendensque montium scopulos, dum eos circuit vel ascendit, non accedit quo volebat, sed alternis vicibus inferno & sideribus propinquabat. Manè tertio vidimus villulam habentem rusticos socios belluarum, quorum vnum fugientibus alijs cepimus, cuiusque beneficio eodem die, ad nostros socios de nobis valde timentes, ante Demetriam educti sumus. Primam verò iacturam & maximam fecimus in hos montes; mortuisque summanijs, auro & argento, armis & vestibus valde ditauimus Græcos siluestres, damnum hoc, quia euasimus, æquanimiter patientes. Inerat enim ibi torrens sinuosus & rapidissimus, quem oportebat in die no- uies vel octies transuadare; qui si modicâ pluuiâ paulò ampliùs tumuisset, nemo posset procedere vel redire, sed erat necesse quemque in loco suo lugendo peccata, vitæ terminum expectare. Post hæc sumus reddituri marinis anfractibus, saxosos montes & arduos ferè quotidie inuenturi, & torrentium defossos alueos quos erat labor etiam vacuos pertransiri; & si niuibz vel imbribz auge-

rentur, non esset possibilis eorum rapacitas ab equite vel pedite transnari. Ibi multas vrbes destructas inuenimus, & alias quas ab antiquâ latitudine supra mare Græci restrinxerant, munientes eas muris & turribus. Ab his escas habebamus cum labore quidem, propter nostræ multitudinis importunitatem, & nimis carè, propter illorum cupiditatem. Sed dicet forsitan aliquis qui non interfuit, has debuisse capi, & quod haberi non poterat iusto pretio, gratis rapi. Sed illi turre habebant, & muros duplices ad tutelam, & in mari naues ad fugam. Quis igitur fructus si nostri morâ, periculo, & labore harum aliquam expugnassent, & ciues sumptis vrbis spolijs aufugissent? Villarum quoque animalia in montibus abscondebant, vt villani domibus vacuatis, de nauibus escas ad suum libitum caras vendebant, & pauperes in tam longo itinere auro, & argento, armis & vestibus spoliabant. Illi autem si quando naues poterant inuenire, naufragio postposito duplici intrabant, ituri quocumque illos Græcorum fraudes vel hyemis tempestas vellet deferre. Alij quos conditio damnauerat seruituti, ducebant leuius in eorum seruitio remanere. Nec prætereundum nos in hac viâ stupentibus indigenis contra morem tres fluuios faciliè transuadasse, & vnumquemque post nostrum transitum illicò pluuijs inundasse; vnde habebatur pro miraculo contra solitum nobis imbres, & hyemem pepercisse. Sic tandem præteritis Smyrnâ & Pergamo venimus Ephesum, quæ inter ruinas antiquæ gloriæ, venerandas sui status habet reliquias, Beati Iohannis sepulcrum, in quodam terræ tumulo contra paganos muro circumdatum. Ibi Rex Imperatoris

nuncios cum litteris habuit, qui contra eum Turcos supra numerum congregatos dicebant: & ipsum refugere in illius castella suadebant. Cùm verò Rex Turcorum metum, & Imperatoris gratiam æqualiter contempsisset, obtulerunt alias sputo simili dignas, exponentes quæ Rex sibi fecerat damna, & quòd non posset suos homines retinere deinceps à vindictâ. His sine rescriptione despectis processit, volens in valle Deceruion Natiuitatem Domini celebrare; & Alemannus pœnitens quòd Constantinopolitanum Imperatorem non viderat, apud eum reuersus est hyemare. In vigiliâ itaque Natalis Domini fixis tentorijs in valle prædiuiti, Turci Græcis ductoribus, nostris equis pascentibus primas insidias tetenderunt; quibus egregij milites animosè & prouidè resistentes, de capitibus eorum læti primitias habuerunt, & illo terrore festis diebus pacem fecerunt. In his dum diuinis laudibus intendimus & quieti, aër obscurior, quasi vellet ante nostrum os diuinâ prouidentia defecari, (qui Deo volente non fuit nobis postea vsque Satelliam vel frigore horridus, vel pluuijs nebulosus) imbres emisit, quibus riuï vallium inundabant, & montes niuibus albescbant. Post quartum denique diem aquarum decursis tumoribus, & aëre serenato fugatis imbribus, Rex torrentibus timens intercipi, si vel niues liquecerent, vel alto imbres defluerent, vallem deserit Ephesinam, sumptis victualibus properans Laodiciam. Erat in hac viâ inter montes arduos Mæander fluuius profundus & latus de aquis proprijs, sed tunc inflator alienis. Hic cuiusdam vallis amplitudinem aluco suo mediam diuidit, statimque ripam copiosæ multitudini peruiam facit. In his Turci

seſe diuiſerunt, putantes hos ſagittis procedentem exerci-
tum infeſtare, illoſque vada fluminis tumida prohibere,
& utroſque quando noſtris cederent, de refugio montium
tutos fore. Venientes huc inuenimus Turcorum mani-
pulos montium ſcopulos occupaffe, alioſque ſe in plano
ad tentandum exercitum obieciſſe, & reliquos ſe vltra
fluuium ad prohibendum tranſitum conglobaſſe. Rex
autem ſarcinis ſuis, & debilibus in medio congregatiſ,
primos & vltimos & latera tegit armatiſ, ſic procedens
tutus, ſed parum proficiens duabus dietiſ. Aſtu enim
non viribus retardabant eum collateraleſ inimici, ad fu-
gam docti & facileſ, & ad perſequendum proterui. Cũ
igitur illiſ proteruè infeſtantibuſ, & doctè & leuiter reſu-
gientibuſ, pacem non poſſet habere, nec pugnam, tranſi-
re volebat, ſed nſciebat vadum in fluuiio, Turkiſque
prohibentibuſ non poterat tentari ſine periculo. Circa
meridiem verò ſecundæ diei, Turcorum pars vna (ſicut
condixerant) poſt exercitum, alia ſupra fluuium, vbi no-
ſtris erat ingreſſuſ facilis, & in partem illorum egreſſuſ
difficiliſ congregantur. Deinde tribuſ ſuorum tranſmiſ-
ſiſ, qui contra noſtroſ ſagittas mitterent, illiſ iacientibuſ
ambæ parteſ clamore vnanimi tonuerunt, illique viâ quâ
poterant reſugerunt. Sed egregij Comiteſ Henricuſ ſi-
liuſ Comitiſ Theobaldi, & Flandrenſiſ Theodericuſ,
Guillemuſ Maſiſconenſiſ, poſt illoſ more turbinis irru-
erunt, ripamque arduam, ſagittarum pluuiam, & Tur-
corum copiam dicto citiùſ penetrarunt. Rex quoque
fortunâ ſimili, á tergo ſagittantibuſ laxatiſ loriſ obuianiſ,
fugauit, ſecuit, & quibuſ equorum velocitaſ dedit ſuf-
fragium, in concauoſ montes reſuſit. Sic vterque no-

strorum impetus citò & facilè , de cadaueribus partis
vtriusque campos vsque ad latibula montium seminauit.
Ibi quidam Amiradus captus est , & adductus Regi audi-
tus est & occisus. Erat in præfenti quædam ciuitatula Im-
peratoris, Anthiochiæ nomen habens diminutiuum, quæ
paganis fugientibus patuit ad refugium , in quo ille de
dolofo proditore se in apertum transtulit inimicum.
Hanc expugnasset Rex vt reclusos caperet fugitiuos, sed
penè sibi deerant victualia; & in villâ paupere nulla cape-
ret spolia. Certè fuerunt qui dicerent, album quemdam
militem ante nostros ad transitum fluminis (quem non
viderunt priùs vel postea) se vidisse, & primos ictus in
prælio percussisse. In hoc ego nec fallere vellem, nec
falli: scio tamen quòd in tali districto tam facilis, & tam
celebris victoria non nisi diuinâ virtute fuisset, nec ad-
uersæ multitudinis ferrea pluuia, sine morte vel vulnere
cecidisset, dante nobis Deo victoriam sine damno, nisi
Milo de Nogentiacò in flumine suffocatus obiisset. In
nostrâ viâ habebant Turci cum Græcis terrarum termi-
nos, & nos vtrosque sciebamur nobis vnanimis inimi-
cos. Illi ergo suos plangentes mortuos, alios conuo-
cant è vicino ad vindictam die septimâ numerosius &
audaciùs reuersuris, nosque die tertiâ venimus Laodiciam
stolidâ præsumptione securi. Nunc venit in memoriam
Comes ille Bernardus, qui cum Imperatore reuertens de
Iconio pro fratribus suis animam suam posuit, quia
hìc cum Frisingensi Episcopo fratre Imperatoris, alius
Comes eiusdem nominis & fortunæ, simili proditione
interijt. Dux enim hujus vrbs cùm deberet illos educere
de montanis, per loca inuia superduxit eos Turcorum

insidijs; vbi Comite occiso cum pluribus, qui potuerunt euadere latitando fugerunt: Dux autem & Græci quos duxerat, cum Turcis spolia diuiserunt. Ille idem vel timens Regem pro suo scelere, vel nocere volens alio genere, urbem quibusque vtilibus vacuauit, frudémque deuitans iam cognitam, aliam æquè nociuam cogitauit. Sciebat impius quòd vsque Satelliam (quo vsque postea plusquam quindecim dietas fecimus) non possent alicubi victualia inueniri, & esset necessarium cunctos fame mori, si cibi non possent ab vrbe vacuâ vel emi pretio vel viribus extorqueri. Rex autem super hoc consulit Episcopos & alios optimates, qui quamuis nemo dubitaret de illius prudentiâ nisi ipse, semper tamen ordinabat multorum consilio res communes: & erat equidem prudens humilitas, si se solum pluribus, iuuenem senibus, æstimationem suam expertorum vsibus postponebat; & quòd posset vt dominus, quod sciebat vt sapiens, liberalitas fuit quòd subditis deferebat. Illi autem qui solebant de causis alijs disputare, & de conjecturis diuersarum rationum quandoque subtilitate superfluâ dissentire, modò stupebant non inuenientes idoneam rationem in isto articulo, & dolebant quòd non videbant exitum de communi periculo. Requirebant cibos in vrbe de industriâ vacuatâ, potentes viribus ad tollendum, & rebus diuites ad emendum; sed quia non est ibi quod quaritur, vtrumque ad hoc habetur in cassum. Consultum tamen fugitiuos ciues per montium deuia quæri, & firmatâ pace cum venalibus illos reduci. Quo facto ex parte, illi enim inuenti sunt non reducti, processimus in hoc perditâ vnâ die, Turcos & Græcos habentes in nostro itinere

præuios & sequentes. Erant ibi montes adhuc de cruore Alemannorum madidi, & parebant iidem qui eos occiderant inimici. Rex incassum doctior, videns horum agmina & aliorum cadauera, ordinat acies. In quo Gaufridus de Rancone rancorem meruit sempiternum, quem ipse cum suo auunculo Morianensi Comite miscrat primum. Circa meridiem secundæ diei mons execrandus faciliorem transitum habebat, quem Rex die integro transire disposuerat, non ibidem tentoria figi præceperat. Quò venientes primi satè citò, quia non erant ab aliquo impediti, Regis immemores qui tunc vltimos conseruabat, montem ascendunt, & sequentibus alijs tentoria circa nonam in partem alteram figunt. Mons erat arduus & saxosus, & nobis erat per cliuum eius ascensus, cuius cacumen nobis videbatur tangere cælum, & torrens in valle concauâ descendere in infernum. Crescit hìc superueniens multitudo, vrget inuicem, constipatur, ponit sedem, equo non præuider, hærens potiùs quàm procedens. Labuntur de rupibus præruptis summarij, obuios quosque sternentes vsque in profundum abyssi. Saxa quoque de locis suis mota stragem suam faciebant, sic dum vias quærentes latissimè se sparsissent, omnes lapsum proprium vel aliorum fulminationem timebant. Turci verò & Græci labentium erectionem prohibentes sagittis, in partem alteram congregantur, & de tali spectaculo spe vespertini commodi gratulantur. Inclinator dies, & semper crescit in antro suppellectilis nostræ congeries. Hostibus autem illud non sufficit sed ampliùs audent: in nostram partem transeunt, quia primos iam non timent, & postremos adhuc

non vident, feriunt & sternunt, & vulgus inerme pecudum more cadit aut fugit. Inde clamor oritur, quo cœlum & aures regia penetrantur. Rex autem de hoc fecit quod potuit, sed de cœlo nullum tunc adiutorium nisi nox venit: nocte autem veniente pestis cessauit. Ego interim qui sicut monachus hoc solum poteram, vel Dominum inuocare, vel ad pugnam alios incitare, mitor ad castra, rem refero, turbati currunt ad arma; festinarent regredi, sed vix ire poterant asperitate loci, & occursum venientium præpediti. Rex verò relictus in periculo cum quibusdam Nobilibus, non habens secum gregarios milites, nec seruientes cum arcubus, non enim se præmunierat ad districtum, quem erat ex conductu communi transiturus in crastinum, contemnens vitam propriam vt morientem liberet turbam, vltimos penetrat, & mactantibus penultimos viriliter obuiat. Aggreditur præsumptuosè gentem incredulam, quæ numero centies superat, & quam locus maximè adiuuat. Ibi enim equus non poterat non dicam currere, sed vix stare, & tardior impetus debilitabat ictum in vulnere. Vibrabant nostri hastas in lubrico suis viribus, non equorum, & illi sagittabant de tuto, innitentes scopulis arborum vel saxorum. Turba liberata fugit suas deferens sarcinas, vel ducendo ferentes, loco suo morti obijciens & Regem & Comites. Sed mori dominos vt serui viuerent esset lugendum commercium, nisi tale dedisset exemplum Dominus omnium. Marcescunt flores Franciæ antequàm fructum faciant in Damasco: quo relatu suffundor lacrymis, & de visceribus intimis ingemisco. De hoc tamen potest mens sobria tali remedio consolari, quòd hæc
eorum

eorum probitas & anterior mundo conuiuet , & finis correptis erratibus fide feruidâ martyrio meruit coronari. Pugnant, & quisquis circa se ne moriatur impune, stragem cadauerum facit , sed numerus impugnantium reparatus à multitudine non decrefcit. Occidunt equos , qui licet currere non possent , valebant tamen armorum pondera sustinendo , & loricati pedites inter densos hostes submerguntur velut in pelago , fundentésque nudorum viscera , diuisi sunt alter ab altero. In hoc Rex paruulum sed gloriosum perdidit comitatum: regalem vero retinens animum , agilis & virilis per radices cuiusdam arboris , quam saluti eius Deus prouiderat , ascendit scopulum. Post quem populus hostium vt eum caperet ascendebar, turba remotior eum ibidem sagittabat. Sed Deo volente sub loricâ tutatus est à sagittis, cruentoque gladio ne capi posset defendit scopulum , multorum manibus & capitibus amputatis. Illi ergo non cognoscentes eum, & sentientes capi difficilem , metuentes superuentum, reuertuntur colligere spolia ante noctem.

LIBELLVS SEPTIMVS.

AD HVC prope turba sarcinaria pertransibat , quia quò densius eò segnius per præcipitia fugiebat. Ad quam Rex veniens efficitur eques ex pedite , & ibat cum eis obscurato iam vespere. Tunc occurrunt ei de territorijs anhelæ cohortes militum , quem videntes solum , cruentum , & fessum , quod factum est gementes sine interrogatione sciebant, & absentes regios comites ferè

quadraginta sine consolatione plangebant. Videlicet Vyarenensem Comitem, & fratrem eius, Eurardum de Bretoilo, Manassem de Bullis, & Guacherium de Montegaio, & alios: sed non refero nomina omnium, ne iudicetur sine utilitate prolixum. Ardebant animo, & abundabant numero, sed nox erat, & hostes abyssi profundæ contrariam partem tenebant, & ideò locum vel horam persequendi ulterius non habebant. Venerunt itaque cum Rege ad tentoria nimis tardè, & qui timebant ibi, iam lugent certo dolore, sed domino sospite consolantur ex parte. Nox illa fuit insomnis, dum quisque suorum aliquem vel exspectat nunquam venturum, vel lætus damno postposito venientem suscipit nudum. Inter hæc populus omnis Gaufredum iudicabat dignum suspendio, qui de dietâ non obedierat præcepto regio, & forsitan eius auunculum quem habebat in culpâ focium habuit etiam de vindictâ patronum. Quia cum essent ambo rei, & esset parcendum Regis auunculo, non debebat alter sine altero condemnari. Illuxit dies craftina, mœroris tenebras non depellens, & apparet exercitus hostium, lætâ & diuiti multitudine montes tegens. Nostri verò ab heri pauperes, suos plāgentes & sua, tardè prouidi, ad residua seruanda ordinati procedunt securitate depulsâ. Rex verò Nobilium paupertatem non ferens, & mediocribus pio animo condescendens, tam largiter egestatem expulit utrorumque, quasi esset immemor se cum eis aliquid perdidisse. Iam fames vexabat equos, qui diebus pluribus herbarum parum, & annonæ nihil comederant, iam cibus deficiebat hominibus, qui duodecim dierum adhuc iter habebant, hostesque nos sicut

fera quæ sanguine gustato fit trucior, hoc cognito securius, & post lucrum auidius infestabant. Quos contra Magister Templi dominus Eurardus de Barris, religione venerandus & ad militiam exemplar probitatis, cum fratribus suis vigilanter & prudenter conseruabat res proprias, & tuebatur pro posse viriliter alienas. Rex quoque illorum diligebat & libenter imitabatur exemplum, & ad hoc voluit conformari exercitum, sciens quod si eius robur fames valida infirmaret, & debiles vnitas animi confirmaret. Indicitur itaque communi consilio, vt omnes mutuam, & cum illis in hoc periculo fraternitatem statuerent, firmantes fide diues & pauper quod de campo non fugerent; & magistris ab illis sibi traditis per omnia obedirent. Accipiunt itaque magistrum nomine Gislbertum, & ille socios quibus assignaret milites quinquagenos. Iubentur pati vsque ad præceptum qui nos vexant, quia citò refugiunt inimicos, & cum iussi restiterint, illicò regredi præmonent reuocatos. Cognitâ lege, docentur & gradum, ne qui de primo est, vadat ad vltimum, vel ne se confundant custodes laterum. Illi verò quos natura fecerat pedites vel fortuna (multi enim Nobiles rebus perditis vel expensis, more insolito ibant in turbâ) ordinati sunt extremi omnium, vt habentes arcus resisterent sagittis hostium. Rex quoque legum dominus, volebat obedientiæ legibus subiacere, sed nullus ausus est ei quicquam ex præcepto iniungere, hoc excepto quod aciem copiosam haberet, & sicut dominus omnium, & prouisor, imbecilles quosque missis de illâ socijs roboraret. Fiebat iuxta præceptum processio, & de plano descensis montibus gaudebamus, & proteruos

assultus hostium, vallati tutoribus, sine damno ferebamus. Erant autem in viâ duo riuï, vno milliario distantes ab inuicem, lutosâ profunditate transitum habentes difficilem. Primum transiuimus, in partem alteram vltimos expectantes, & de luto summarios debiles manibus subleuantes. Vltimi quoque milites & pedites, hostibus ferè mixti, transierunt sine damno mutuâ probitate defensi. Tendebamus ad secundum, inter duos scopulos transituri, de quorum verticibus poterat turba gradiens sagittari. Ad hos Turci ab utrâque parte festinant, sed vnum eorum milites nostri præoccupant. Illi verò alium ascendunt, & capellos de capitibus ad pedes proijciunt, quo signo dictum nobis est præmonstrari, illos de tali loco nullo timore moueri. Sed illa significatio tunc falsum vel nihil significauit, quia turba nostrorum peditem illos illicò propulsauit. Sed dum illi de montis vertice contendebant, milites posse fugam illorum inter duos amnes intercipicogitabant. Vnde datâ licentiâ à magistro omnes vnanimiter illos inuadunt, & quos possunt consequi, mortes suorum & damna propria vindicantes occidunt. Quorum multi venientes ad lutum, in loco idoneo mortem sortiti sunt & sepulcrum. Dum perimit fugitiuos ira impetus, & fuga longior erat, omnibus fames leuior & dies lætior. Sed Turci & Græci modis pluribus de nostro interitu cogitabant: ad hoc enim cum prius essent inimici fœdus inierunt. Illi ergo congregatis vndique pecoribus & armentis, depascentes fœdabant ante nos quicquid non poterat vrere ignis; Ob hoc fessi, vel mortui equi remanebant in viâ, & eorum onera, tentoria, vestes, & arma, & alia multa, quæ

nostri ne remanerent hostibus comburebant, exceptis his quæ pauperes adsportabant. Comedebat igitur exercitus. (& has abundanter habebat) carnes equorum ; & qui non erant habiles ad portandum, contra famem dabant remedium : quibus dapibus contenti erant etiam diuites quando habebant de farinâ subcineritium. Tali providentiâ temperata est fames, & fraternitate præscriptâ, quater fugauimus, & semper vicimus hostes, & usque Satelliam sine damno viribus illato, labore prouido tutati sumus, excepto illo die quo Gaufredum de Rancone mortis & damni præuium fecimus. In hac vrbe nuncius Imperatoris Landulfus, qui cum Turcis, sicut ipse fatebatur, partim illic venerat, ex voto præstolabatur nostrum interitum, vel venientibus, si de Imperatore quæreremus, excusationis præparabat respõsum. Sed quia nemo veniret in ius, cessauere querelæ, erat enim victualibus opus famelicis, fessis quiete. Ille ergo conscius sceleris, causâ fori cogit iterum Nobiles pacem firmare Imperatori. Tunc quæ nobis in viâ pepercerant inundantissimæ venere pluiiæ, quas sentientes subtus & desuper, in paruis tentorijs, quia maiora remanserant, celebrauimus Purificationem Beatæ Mariæ. Nam certè Rex in totâ viâ, nullâ die Missam vel Horas perdidit, nec inundatione imbrium, nec oppressione hostium. Habebamus, licet solito cariùs, ciborum abundantiam, sed equis qui remanserant, nullo pretio inueniebamus annonam, Græcis hoc dolosè agentibus, sicut nostrorum multi dicebant. Illi autem sui loci monstrantes asperitatem, se non habere dicebant. Erat extra urbem usque ad quemdam fluuium saxosa planities, & hostes ultra, forum veniens à foris &

pabula prohibentes ; vnde nec etiam herbas habebant equi , nisi eos ducerent . & reducerent armati milites . Videns ergo Rex paucos equos qui remanserant non quietè refici , sed fame mori , nec in vrbe venales aliquos inueniri , loquitur de processu Baronibus conuocatis ; dicens , vbi fame moriuntur equi , non habere milites locum quietis . Insuper pœnitentis esse pro quiete votum tardare , & deuoti , fessum & ægrotum ad metam propositi festinare ; & coronari vt Martyres quorum Deus animas de tali sumit labore ; Illi verò seruantes obedientiam domino , & possibilem solucentes perseuerantiam voto , dixerunt ; Sicut Regis est iubere fortia , sic prudentis est militis audere possibilia . Omnes vestri exercitus gregarij milites , his diebus armis proiectis pedites sunt effecti , & cum eis de nobilioribus multi . Alius horum non potest equos emere , quia sua omnia perdidit vel expendit , alius cui superest , venales non inuenit . Illi didicerunt ab istis ciuibz esse per mare vsque Antiochiam tres dietas , de portu in portum , paruas , opulentas , & tutas : & per terram quadraginta torrentibus inuias , hostibus obstitas , & egestate continuas ; ob hoc nolunt se mari committere , & cum eis copia peditum , quibus iam deest virtus ad laborem , census ad victum , & Græci omnibus de vicinis villis & insulis superabundans promittunt nauigium . Nos autem vobiscum mori , & viuere volumus , & libenter secundum hoc quod vobis placuerit audiemus . Rex igitur illis regio more , suoque respondit . Me diuitem nullus vir probatus egebit ; nec probatus erit qui non mecum paupertatem in necessitate patienter petulerit . His ergo electis , & de nostro reparatis inermem turbam

naugio commitimus, quæ semper nobis nocuit, pro quâ victus carior, & gressus tardior exstitit. Et nos nostrorum parentum gradiamur iter, quibus mundi famam & cœli gloriam, probitas incomparabilis dedit. Ad hæc illi, Non, inquit, volumus deprimere, nec possumus, laudem parentum, sed leuius cum eis huc vsque actum est, quàm nobiscum. Cùm enim illi Constantinopolim & Brachium pertransissent, voti compotes, Turcos & eorum terras illicò reppererunt, & de exercitio militiæ alacres, & de captione urbium & castrorum sese diuites seruauerunt. Nos autem Græcos fraudulentos in locis illorum inuenimus, quibus malo nostro velut Christianis pepercimus, otioque torpentes, tardio & molestijs ægrotautes, ferè omnia nostra expendimus. Alij stultâ securitate, vel asperâ paupertate arma etiam vendiderunt, vel equis morientibus reliquerunt. Tamen hoc quod iubetis honestum est, sed supradictis de causis tutum non est. Sed nos illud labore & timore postposito faciemus, si equos ad reparandos milites inuenire poterimus. Qui requisiti, cum paucitate non sufficerent, & debilitate nihil valerent, coëgerunt Regem vellet nollet, marina naufragia experiri, vt periculis in mari, periculis in solitudine, periculis ex gentibus, periculis ex falsis fratribus, sicut & Pauli, permitteret Deus eius patientiam exerceri. Denique Dux urbis, & nuncius Imperatoris super hoc negotio consuluntur, qui respondent ad placitum, nauesque citò venturas toto exercitu pollicentur. Hiems interim exercet quod distulerat, pluit, ningit, tonat & fulgurat, & differtur ventus vsque ad quinque hebdomadas, quem citò sperabamus à Domino, nauesque ampliùs, quas

exspectabamus de Græcorum promisso. Græci autem scientes quoniam modicum tempus habent, omnem quam possunt malitiam exercent, rebus in foro nos spoliantes, & quantum possunt suis consilijs vitâ priuantes. Inueniebant sanus & æger quidquid requirebat eorum qualitas, sed grauabat eos pretij quantitas. Habebant gallinam pro decem solidis, & ouum vnum pro sex vel quinque denarijs, vnum cœpe vel allium pro septem vel octo, secundum grossitudinem pretio temperato, nuceſque duas habebamus pro vno; quibus equus vel mula remanserant, eos pro panibus cambiebant, vel more boum in macello vendebant. Hæc enim nostra fuit cum Græcis conditio, vendere sine pretio, & carè emere sine modo. Itaque Turci militibus equos deesse Græcis referentibus didicerunt, & hac vſi securitate ad inuadendum exercitum se vnanimiter parauerunt. Quod notum factum est Regi, & contra illos abscondit secum viros ditiores, qui dextrarios suos quamuis famelicos adhuc seruauerant, & fratres Templi. Venientibus que apparens, subito coëgit eos occidendo sine ponte fluuium retranſire, & credere deinceps in exercitu equos optimos abundare. Parant interim Græci naues, sicut res alias, pretio inaudito: dabat vnus homo quatuor marcas vsque Antiochiam, quò venturi eramus sicut ipsi prædixerant, in die tertio. Ex pauca & parua Regi quasi donum gratuitum à Duce & Imperatoris nuncio præsentantur, & ab eo Episcopis & Baronibus diuiduntur. Voluit eas habere stamen pretium ægrè tulit, & querelas inuites tegens silentio, reliquo exercitui sicut promiserant, naues quærit. Illi verò dum diuites expectant pauperes, illud diu

diu procrastinant, & rebus utrosque tali latrocinio spoliabant. Credo autem quòd quietem carius emimus huius vrbs, quàm labores totius itineris. Dicturi verò sunt ignari talium, hanc urbem debuisse capi, & vindictam sumi de dolis ciuium. Recogitent illi, dextrâ læuâque priuatis & extraneis hostibus, sine victualibus nos obsessos, & esse impossibile turres arduas sine machinis ruere, vel citò posse suffodi duplices muros. Poterant quidem Dux, & Imperatoris nuncius capi quando veniebant ad Regem, sed ciues pro illorum suspensio non redderent ciuitatem. Eratque Regi abominabile, contra morem suum hanc proditione capi, & commune periculum sine captione tentari. Parcat Deus Alemanno Imperatori, cuius fortunam vitantes, & indocto consilio adquiescentes, in hæc mala deuenimus; sed Græco quomodò parceret iustus Iudex Deus, vel homo, qui dolosâ crudelitate tot Christianos occidit vtriusque exercitus? Populus ergo nouorum pauperum affectus tædio, spoliatus argento, corruptus morbo, cognitoque de nauibus Græcorum mendacio, ad Regem veniunt, cui suam voluntatem & paupertatem his & similibus verbis exponunt. Domine Rex, in vestræ maiestatis præsentiam meritò astamus confusi, tamen illud audemus de vestrâ bonitate confisi. Quando enim Græcis credentes, vobiscum per terram ire noluimus; in hoc inertes, in alio decepti sumus: modò verò paupertate cogente illud volumus facere sine duce. Vadimus in mortem, sed Deo volente valere poterit vitare præsentem. Tolerabilior erit forsitan Turcorum gladius, quàm post discessum vestrum, istorum ciuium dolus. Quibus Rex solitâ miseratione con-

doluit, & eorum egestati tam largâ effusione consuluit, vt crederes eum nihil antea expendisse, vel de cætero curam domus propriæ contempsisse. Deinde volens eos in itinere tutos fore, pactum facit cum nuncio Imperatoris, & Duce, vt ab eo quingentas marcas acciperent, & suos vltra duos fluuios qui erant prope, cum magnâ manu conducerent, & postea darent eis competentem comitatum, qui posset eos securos ducere Tarsum. In vrbe verò debiles & infirmi susciperentur, quousque conualescentes, inuento nauigio alios sequerentur. Illi ergo de argento cupidi, & contra Turcos timidi, prius cum illis locuti sunt, & sicut tunc putauimus, cum eis pretium diuiserunt, & reuersi sumpris secum diuitibus ciuitatis, pactum simul sicut prædictum est iurauerunt. Redditur argentum, & illi iubent debiles ciuitatem intrare, & alios ad iter se in crastinum præparare. Adhuc suis Rex prouidet, equos quos inuenire potuit congregans, & probatis militibus eos donans. Fraudemque timens vbi sæpius illam inuenerat, Comitem Flandrensem, & Archenbaldum Borbonensem vsque ad processum illorum dimisit, & ipse cum benedictione remanentium naues ascendit. In crastinum pedestris exercitus duces itineris expectabat, & ecce Turcorum populus Regem discessisse per Græcos edoctus, quasi ad certam prædam contra illos veniebat. Quos contra Comes Flandrensis, & Archenbaldus Borbonensis acies suas ordinant, animosas sed pigras, quia paucos & debiles equos habebant. Hostibus occurrunt, configunt, dant terga qui veniebant ad spolia. Sed quoniam non fuit qui posset illos velociter insequi, pauci sunt illorum occisi. Post hæc Ducem, nunciumque Imperatoris &

ciues de pacto requirunt quod Regi iurauerant: & illi tunc primum de impossibilitate, (Turcos monstrantes & hycemem) se excusant. In hoc dies aliquos & verba plurima perdiderunt, nec illos iure, ratione, vel honestate vicerunt. Tandem querelâ depositâ de conductu, vix concedunt nostros infra murum propugnaculi hospitari, & eis ibidem vsque ad nauigium forum præberi. Quo facto viri regij vadunt ad naues, eo quòd suas iniurias non possunt vindicare dolentes. Deinde Turci vrbi approximant, intrant & exeunt, & apertè Græcis communicant. Vident inter duo genera hostium & murorum suos hostes densos includi, sicut pecudes in ouili, & eos qui non audent exire vel ingredi, posse ibidem sagittari. Erat murus humilis & inflexus, & ei non poterat inhærere tam densus populus, vnde remotiores patebant vulneribus. Turci ergo de locis congruis sagittas immittunt, & vulnerant aliquos vel occidunt. Tunc probati inuenes cœperunt de muro sumptis arcubus prosilire, suam suorumque vitam tueri, vel mortem vendere, quærentesque pacem viribus, hostes longiùs cogunt refugere. Haberent pacem, sed eos Græci sine vulnere perimebant, qui sanos cum ægris in arcto & immundo loco recluserant, & dum hos fames occidit nummis deficientibus, luesque corrumpit alios vicinis cadaueribus, corruunt multi, Græcis non inferentibus mortem, sed expectantibus. Ob hoc virorum fortiû dux turmæ trium & quatuor millium ne morentur sunt mortuæ, iudicantes idem, foràs mori & intus viuere. Qui sumptis armis exeunt duos fluuios transaturi, loco vicinos sed magnitudine dispari. Primum facile transierunt, sed ad secundum duplici obstaculo re-

stiterunt. Annis enim non nisi natando, nec hostis ibi congregatus nisi pugnando poterat pertransiri, sed vtrumque simul non poterat exerceri: & ideò reuertentes fugati sunt, capti, vel mortui. Sanguine istorum sitis Turcorum exstincta est, & dolus Græcorum in violentiam conuersus est. Illi enim reuersi sunt eos videre qui remanserant, & deinceps agris & pauperibus largas elemosynas faciebant. Græci verò cogentes fortiores ad sua seruitia, loco mercedis verberabant. Quidam Turcorum à suis socijs nostras monetas emebant, & inter pauperes plenâ manu diuidebant: Greci verò illis quibus aliquid remanserat auferebant. Vitantes igitur sibi crudeles socios fidei, inter infideles sibi compatiētes ibant securi, & (sicut audiuius) plusquam tria millia iuuenum sunt illis recedentibus sociari. O pietas omni prodicione crudelior! Dantes panem fidem tollebant, quamuis certum sit quia contenti seruitio, neminem negare cogebant. Deus autem execrans ciuitatem, tam districte ciues eius subitâ morte percussit, vt multæ domus in eâ vacuæ remanerent, & viui stupentes & timentes, eam omnino relinquere cogitarent. Imperator quoque Deo contrarius in iudicio, eò quòd illa Regi forum parauerat & nauigium, illam penitus auro & argento spoliauit. Sic Deus & ille contraria sentiebant, tamen hanc vterque puniuit. Rex autem cum in hac quinque compleisset hebdomadas, quibusdam, suorum nauibus contractis vel cassatis, non tamen Deo volente submersis, vsque Antiochiam naufragando consummauit tres alias. Grauiasunt quæ pertulit damna & pericula (Pater Suger) sed ipso debetis sospite consolari. Illi etiam proderit laborasse,

qui scitur in periculis tutus, & post damna lætus, cōstanter
& prudenter omnia pertulisse. Sola illi grauis erat ad-
uersitas subditorum, quibus semper pro posse consuluit;
putans esse Regis, non sibi nasci sed vtilitatibus aliorum;
& sicut Regis est habere pietatem, sic eiusdem esse nun-
quam timere paupertatem. Ad probitatem cautelam
regiam postponebat, & tutelam primam vel vltimam,
& excubias noctium vicibus alternis faciens, algorem
noctium dierumque feruorem sub loricâ tolerabat. In tot
laboribus seruatus est incolumis sine medicinâ, pro exer-
citio sanctitatis. Quia semper à diuinis Sacramentis obuia-
bat viribus hostium, & reuertens ab hostibus requirebat
Vesperas, & Completorium, Deum semper faciens alfa
& omega suorum operum. Sic liberalis vt Rex, animo-
sus vt Princeps, acer vt miles, vt iuuenis alacris: ma-
turus vt senior, locis & temporibus & virtutibus singulis
se aptabat, & de probitate fauorem hominum, de reli-
gione diuinam gratiam conquirebat.



TEMPVS ECLIPSIS SOLARIS,
CVIVS ODO MEMINIT LIB. IV.

extremo, suprà, pag. 47.

Ex veteri membrana Cathedralis Ecclesiæ S. Stephani Catalaunensis,
cuius exemplar de manu Reuerēdi Domini CVISSOTÆ eius Ecclesiæ
Decani acceptum ad nos misit R. P. Henricus BACRO,
Collegij Catalaunensis Rector.

IN nomine sanctæ & indiuiduæ Trinitatis, Patris,
& Filij, & Spiritus sancti. Ne obliuionis obscuri-
tas per desuetudinem humanis mentibus ingeratur,
quo auctore ecclesia nostra consecrata fuerit, scripturarum an-
notationibus committimus; quatenus secutura posteritas habeat
quid futuris temporibus euidenter agnoscat. Cuius rei gra-
tiâ, rogatu venerabilis Bartholomæi Episcopi nostri, Papa
EUGENIVS tertius veniens in hanc ciuitatem, honestè
receptus est. Quem comitati fuerunt Cardinales Episcopi,
Albricus Cardinalis Hostiensis Episcopus, Himarus Cardinalis
Tusculanus Episcopus. Iordanus Presbyter Cardinalis Sanctæ
Susanne, Iulius Presbyter Cardinalis Sancti Marcelli, Hugo
Presbyter Cardinalis Sancti Laurentij; Vuido Cancellarius,
Diaconus Cardinalis SS. Cosmæ & Damiani, Gregorius Dia-
conus Cardinalis Sancti Angeli, Hyacinthus Diaconus Cardinalis
Sanctæ Mariæ in Cosmidin, Humbaldus Cardinalis SS. Iohan-
nis & Pauli, Sigibertus Cardinalis Sancti Marci, Ostaui-
anus Diaconus Cardinalis Sancti Nicolai in carcere, Odo Dia-
conus Cardinalis Sancti Georgij, Vuido Presbyter Cardinalis
Sancti Laurentij in Damaso, Vuido Diaconus Cardinalis

*Sancta Maria in Porticu, Iohannes Diaconus Cardinalis Sanctae Mariae nouae, Vuido Diaconus Cardinalis Sanctae Potentianae, Haribercus Diaconus Cardinalis Sanctae Anastasiae, Iohannes Cardinalis Sancti Adriani Martyris. Bartholomaeus noster Episcopus, Theobaldus Parisiensis Episcopus, Bernardus Altitodorensis Episcopus, Hugo Niuernensis Episcopus. Praedicti vero Episcopi, ecclesiam circumueundo intus & foris, asper-
sione aquae benedictae consecrauerunt. * Papa vero consecrauit
majus altare in honore sanctae Trinitatis, & Sanctae Mariae,
& Sancti Protomartyris Stephani, & Sancti Iohannis Bapti-
stae, & Sancti Valerii & S. Vincentii Martyrum, & SS.
Chrysanthi & Dariae. Et rogatu venerabilis Episcopi nostri
Bartholomaei, de reliquijs Nymphae Virginis, quas secum dese-
rebat, in altari cum altero sanctuario recondidit. His pera-
ctis Missam sollempniter celebrauit. Noster quoque Episcopus,
& Hugo Niuernensis Episcopus, fuerunt Praecentores in Missa.
Quam citò Missa fuit inchoata, Eclipsis Solis manifestè
apparuit. Post celebrationem Missae Apostolicus perrexit cum
Episcopis & Cardinalibus in iardum Episcopi, ubi habuit
sermonem ad populum de festo praesentis diei.*

*Actum publicè Catalauni, septimo Kalendas Nouembris,
anno ab Incarnatione Domini M. C. XLVII. regnante in
Gallijs gloriosissimo Rege Ludouico, Ludouici Regis filio. Et
ipse eodem anno, inspirante Dei clementia, peregrè profectus
erat cum uxore sua Helionorde venerabili Regina, & maximo
exercitu, ad liberationem Hierosolymitanae Ecclesiae.*

ANNOTATIO.

ROBERTVS de Monte in Appendice ad Sigebertum , ad annum 1147. *Eclipsis Solis fuit octavo Kalendas Nouembrii, die Dominicâ, ab horâ secundâ usque ad horam quintam.* Legendum *septimo Kalendas*, quam & Dominicam fuisse ostendit illius anni littera E. Apud Claudium Robertum in Galliâ Christianâ, in Bartholomæo 55. Episcopo Catalaunensi. *Eo presente Eugenius III. dedicauit maiorem basilicam 1147. VII. Idus Nouembrii.* Lege VII. Kalendas. Sammarthani in Galliâ Christianâ auctiore annum habent 1148. ex tabulis (vt aiunt) Catalaunensibus. At in istis annus notatur 1147. De horâ & de quantitate nouilunij hujus ecliptici, quod & Catalauni & Constantinopoli obseruatum legimus, rogatus à me R. P. Petrus Courcier Societatis nostræ Theologus, & Astrologus insignis, sic respondit datis litteris Mussiponti, XI. Iunij, 1658. *Defectionis eius medium euenire debuit Catalauni hora IX. matutinâ, minutis XX; cuius ibi quantitas fuit amplius quàm decem digitorum & semis. At Constantinopoli contingere debuit eius medium, summaque obscuratio, horâ de meridie primâ, cum XII. minutis; quantitas ibidem sex penè digitorum fuit.* Quæ omnia bellè quadrant cum oculatorum id xui scriptorum testimonijs. Nam Robertus de Monte, deliquij hujus durationem protendit ab horâ secundâ ad quintam: nempe horis vtens antiquis, & inæqualibus (vt in Euangelio) à Solis ortu deductis; quarum ided horarum tertia & semis, medium defectionis obtinuit; secunda initium, sub quod Missam sollemnem ab Eugenio Papa III. Catalauni ad S. Stephani altare primarium inchoari contigit. Hora tum erat à mediâ nocte ferè octaua. Porro cùm refert Odo, visum Constantinopoli *Solem in formâ dimidiij paruû*, ac luxisse *dimidium*, & *dimidiij circuli radios abscondisse*, quantitatem eclipsæ senûm digitorum distinctiùs expressisse non potuit.

CHRONICON

CHRONICON
CLAREVALLENSE
AB ANNO CHRISTI
M.C. XLVII.

VSQVE AD ANNUM M.C. XCII.
perductum. Auctore anonymo
Clareuallensi monacho.

Ex veteri codice eiusdem monasterii.



ANNO Domini M. C. XLVII. Beatus Bernardus Abbas Claraualis, in Alemanniâ Crucem prædicauit : virtutes multas & magnas fecit , inter quas & mortuum illum resuscitauit, de quo habetur in libro

Miraculorum domni Herberti.

Anno Domini M. C. XLVIII. Beatus Malachias apud Claramuallē obiit.

Anno Domini M. C. LIII. Beatus Bernardus obiit. Abbas Robertus tribus annis & dimidio præfuit.

Anno Domini M. C. LIII. mortuus est Rex Siciliæ Rogerius : & Iudex Sardinie Gunnarius Clarauali se reddidit.

Anno Domini M. C. LV. Florebat Sanctus Milo Teruanensis, de quo sic habetur in Vita domini Norberti

In Norberto fides, in Bernardo caritas, in Milone Tarvvanensi Episcopo resplenduit humilitas.

Anno Domini M. C. LVII. mortuo apud Claramuallem Abbate Roberto, electus est Abbas Fastraudus Camberonensis; de cuius vitâ & promotione miraculosâ continetur in libro Miraculorum domni Herberti. Eius primo anno mortuus est in Claraualle Abbas Berlo quondam Sauvignienfis, qui cum triginta abbatijs ad Ordinem venit, & Beato Bernardo se reddidit. Iste est qui iuxta Abbatem Robertum cum alijs personis requiescit.

Anno Domini M. C. LIX. cœpit generale schisma inter Papam Alexandrum & Octavianum, quod per annos ferè decem & nouem perduravit.

Anno Domini M. C. LXI. Episcopus Lingonensis Godefridus, quondam Prior Claraualis episcopatum dimisit, & Claramuallem est reuersus, ad amplexus suæ Rachelis.

Anno Domini M. C. LXII. Episcopus Beluacensis Henricus, frater Regis, & monachus Claraualis, factus est Archiepiscopus Remensis: & Abbas Claraualis dominus Fastraudus promotus est in Abbatem Cistercij. Abbas quoque Igniaci dominus Gaufridus, promotus in Abbatem Claraualis quadriennio circiter præfuit: & quia litteris erat optimè institutus, opus insigne super Cantica Canticorum fecit, & plures libros alios, & sermones scripsit.

Anno Domini M. C. LXIII. De tribus Regibus, qualiter venerunt de Mediolano Coloniam, per Archiepiscopum Renaldum, sub Imperatore Friderico. Eodem.

anno assignamus ea quæ referuntur in libro Miraculorum domni Herberti, de mortalitate quæ facta est in abbatiâ Grandisiluæ sub Abbate Poncio.

Anno Domini M. C. LXIV. obiit Parisius in præsentia Papæ, sanctus Abbas Fastraudus Cisterciensis. Et eodem anno mortuus est apud Claramuallem Episcopus Godfridus quondam Lingonensis, VI. Idus Nouembris.

Anno Domini M. C. LXV. Episcopus Alanus Autisiodorensis episcopatum dimisit, & apud Ripatorium reuersus est: & frequenter morabatur apud Claramualle, ubi postmodum obiit. Eodem anno Abbas Clareuallis dominus Gaufridus, videns contra se, siue iuste, siue iniuste quorundam odia concitata, abbatiam dimisit: & factus est Abbas Clareuallis vir nobilis & religiosus, Poncius Aluernensis, qui erat Abbas in Grandisilua. Et iste quinquennio præfuit.

Anno Domini M. C. LXVI. feruebat procella schismatis, inter falsum Papam quem tuebatur Imperator, & Papam Alexandrum cui fauebat noster Ordo: unde contigit monachos nostri Ordinis ab imperio, maxime verò à Burgundiâ expelli, & abbatias Franciæ dispersiri.

Anno Domini M. C. LXX. finiente, Abbas Clareuallis Poncius, factus est Claromontensis Episcopus in Aluerniâ. Abbas quoque de Fossanouâ dominus Geraldus, in Abbatem Clareuallis est assumptus. Hic est de Aluerniâ oriundus. Quinquennio præfuit. Huius Vitam habemus.

Anno Domini. M. C. LXXI. incipiente, Beatus Thomas Cantuariensis martyrizatus est: & eodem anno Sanctus Gundricus Eremita requieuit in Angliâ, cuius Vita habetur.

Anno Domini M. C. LXXII. Gislebertus quondam Abbas de Hoilandâ in Angliâ , qui fecit Sermones super, Cantica Canticorum in modum Beati Bernardi , apud Ripatorium obiit.

Anno Domini M. C. LXXIII. obiit Sanctus Haymo - Sauignienſis monachus, cuius Vita apud Claramuallem habetur.

Anno Domini M. C. LXXIV. obiit Sanctus Petrus Tharentaſienſis Archiepiſcopus , anno XXIII. ſui pontificatus. Eius vitam ſcripſit domnus Gaufridus , Abbas quondam Clareualleniſis. Eodem anno facta eſt dedicatio eccleſiæ Clareualleniſis: & canonizatio Beati Bernardi: & eleuatio eius, ubi adfuit domnus Vvichardus Lugdunenſis Archiepiſcopus, Abbas quondam Pontiniaci. Et ſequenti anno , in Capitulo generali receperunt cantum Beati Bernardi, & cantum de Trinitate.

Anno Domini M. C. LXXV. decimo ſeptimo Kalendaris Nouembris , apud Igniacum martyrizatus eſt Abbas Geraldus Clareualleniſis.

Anno Domini M. C. LXXVI. Abbas Altacumbæ domnus Henricus, in Abbatem Clareualleniſem promotus, quatuor circiter præfuit annis. Iſte quàm citò filius ſuus Abbas domnus Geraldus de Foſſanouâ factus fuit ante eum Abbas Clareuallis , domnum Gaufridum quondam Clareualleniſem Abbatem, tunc contemplationi vacantem , in Foſſanouâ præfecit. Et item quando ipſe de Altacumbâ ad Claramuallem aſſumptus eſt, eundem Abbatem Gaufridum ad Altacumbam loco ſui promouere curauit.

Anno Domini M. C. LXXVIII. mortuus eſt apud

Claramuallem venerabilis Gaufridus, Episcopus Soranus in Sardinia, in dedicatione Claraualis, & iuxta Godefridum Episcopum est sepultus: cum quibus paulò post adiunctus est Episcopus Alanus Autisiodorensis. Et hoc anno domnus Herbertus monachus Claraualis, qui fuerat Abbas de Moris, librum Miraculorum apud Claramuallem conscripsit. Vnde si quando in eodem libro inuenitur, Ante tres annos, vel ante quatuor, vel ante septem annos contigit hoc vel illud, debemus ab isto anno incipere, & ita superius ascendendo computare. Testimonium domni Gossuini monachi quondam Claraualis, qui apud Chiminum diu mansit, & in Burlencuriâ requieuit. Hic ergo scripsit quemdam librum Miraculorum, ad Abbatem Euerbaci Gerardum, & in prologo suo ait; Iohannes Prior Claraualis, pulchrum volumen fecit componi, in quo miracula diuersorum & visiones, ad ædificationem legentium continebantur descripta. Præterea & domnus Herbertus, qui aliquando capellanus domni Henrici extitit Abbatis, magnum satis diuersarum visionum & miraculorum edidit volumen: qui postea Dei providentiâ Sardinia fuit Archiepiscopus. Hæc Gossuinus. Cum eodem vero Herberto quidam abiit monachus Claraualis Ancherus, qui factus est Soranus Episcopus, & post eundem Herbertum fuit Archiepiscopus Turritanus. Apud Burlencuriam sepulta est hoc tempore virgo Christi Emelina, de qua domnus Gossuinus prædictus quædam mira retulit.

Anno Domini M. C. LXXIX. facta est reconciliatio inter Papam Alexandrum, & Imperatorem Fridericum: & idem Papa Concilium magnum tenuit Romæ in palatio.

Lateranensis, in quo Concilio Abbas Claraualis dominus Henricus factus est Albanensis Episcopus Cardinalis. Et eodem anno Rex Philippus Remis coronatus, XLIV. circiter annis regnavit. Electus est in Abbatem Clareuallensem Abbas Petrus Igniacensis Monoculus, cuius vitam habemus. Septem annis præfuisse inuenitur.

Anno Domini M. C. LXXX. apud Tresfontes, tempore visitationis quam faciebat Abbas Petrus Clareuallensis, intrante Martio, contigit venerabilem virum Abbatem Alardum à quodam hypocritâ monacho interfici.

Anno Domini M. C. LXXXI. apud Claramualleni mortuus est venerabilis Eskilus Danorum Archiepiscopus, sumpto habitu Ordinis: qui diu manserat in Claraualle, & sibi substituerat Archiepiscopum in Daciâ, Absalonem nomine. Albanensis autem Episcopus Henricus, missus in Burgundiam Legatus, duos Archiepiscopos, Lugdunensem & Narbonensem deposuit: castrum hæreticorum quod Vallis dicitur, per miraculum cepit apud Cistercium generali Capitulo præfuit: & anno sequenti ad curiam reuertitur tempore Papæ Lucij.

Anno Domini M. C. LXXXII. à Claraualle missus est conuentus, ad fundandam abbatiam de Boccan, in Hungariâ.

Anno Domini M. C. LXXXIII. Usque ad hæc tempora vivebat Sanctus Hugo Abbas Bonæuallis. Iste est qui mulierem inferratam, primò ab acubus ferreis liberavit: quam postea Sanctus Petrus Tharentasiensis à sudibus, id est brochis ligneis de brachio eius exeuntibus perfecte sanauit. Aliud miraculum eidem Sancto Hu-

goni assignatur, & in libro domni Herberti continetur; de Cursore, qui post mortem ei peccata sua plorando confessus est. Reliqua de vitâ eiusdem Sancti (domne Prior) si habere volueritis, colloquium, Deo dante, nobiscum habebitis.

Anno Domini M. C. LXXXIV. In domo monialium, sitâ iuxta Burlencuriam, sub providentiâ eiusdem domus, floruit hoc tempore in maximâ opinione, quædam virgo Christi Ascelina, eiusdem loci Priorissa: de cuius vitâ excellentissimâ, breuiter hic aliqua occurrunt inferenda, ex narratione domni Gosluini satûs proluxâ. Mater huius Ascelinæ, Beati Bernardi & Episcopi Godefridi fuit consanguinea, de villâ iuxta Firmitatem super Albam procreata. Cùm esset annorum circiter XXX, sub potestate viri constituta, Dominum rogauit, ut ab eâ tollere dignaretur quicquid salutis suæ obsistere videbatur. Et mortuo viro suo, cum filiâ quinquenni sæculum reliquit, submittens se consilio Beati Bernardi. Hæc de matre. Ascelina verò puella adhuc quinquennis, in secretiori loco extensis ad cælum manibus, leuans oculos Dominum rogauit, ut virginitatem sibi traditam deinceps conservare dignetur: quod in magnâ tunc fuit admiratione. Item. Dum mater prægnans esset, à quodam viro qui visus est in habitu candido, audiuit quòd filiam gestaret quæ magni apud Deum futura esset meriti. Et Sancta Glodesindis Metensis apparuit matri, & dixit; Filia, ait, tua mihi procul dubio comparata, æquabitur in meritis, &c. Abbatia Burlencuriæ Cisterciensem Ordinem recepit: & mater cum filiâ, de licentiâ Sancti Bernardi, in abbatiam monialium de Polengeio transferunt. Cui-

ctas ibi sorores Ascelina suo illustrauit exemplo. Abbatissa loci, erat filia fratris Beati Bernardi, &c.

Anno Domini M. C. LXXXVI. mortuus est apud Claramuallem vir reuerentissimus, Abbas Petrus Monoculus; cuius Vitam (domne Prior) credo vos habere, & idcirco de eo breuiter pertranseo. Et Abbas Albæripæ Garnerius, in Abbatem Clareuallensem promotus, sex annis præfuisse dinoscitur.

Anno Domini M. C. LXXXVII. terra Hierosolymitana fuit perdita.

Anno Domini M. C. LXXXVII. dominus Henricus Albanensis Episcopus, à Papâ Gregorio VIII. constitutus Legatus, cum diligentia omnimoda officium sibi iniunctum peragebat. Et primo quidem, secundum mandatum sibi datum, instituit ut à præsentis anno in quinquennium, per omnes sextas ferias esset fidelium populus in cibo quadragesimali: & ut feriâ quartâ, & Sabbato omnes incolumes abstinerent à carnibus. Dominus verò Papa, sibi & fratribus suis Cardinalibus, & famulis, etiam secundâ feriâ per eosdem annos usum carniū interdixit. Venit autem dictus Legatus (post colloquium Regis, & Imperatoris quod fuit apud Yuodium) exinde Moguntiam: ubi Cruce signatus est Imperator, cum LXVIII. magnis Principibus. Inde venit Leodium, ubi Radulfum Episcopum Cruce signauit: & clericos LXVI, qui præbendas suas in manu suâ resignauerant, ita de vnâ Ecclesiâ ad aliam commutauit per suam prouidentiam, ut & simoniam euaderent, & præbendas non amitterent. Et hoc anno assignantur ea, quæ in paruâ historiâ Vvallie continentur, de Archiepiscopo Cantuariensi Balduino, qui


qui fuit de Ordine Cisterciensi, & de legatione eius.

Inter hæc autem, & ista, Albanensis Episcopus, dominus Cardinalis Henricus, quemdam tractatum ad suos Clareuallenses edidit. Laborabat autem pro pace inter Regem Franciæ, & Regem Angliæ: inter Comitem Philippum Flandrensem, & Ecclesiam Atrebatensem. Et ista lucerna talis exstinguitur apud Atrebatum Kalendis Ianuarij. Cuius corpus Claramuallem cum gloriâ relatum, tumulatum est in medio duorum Sanctorum, retro maius altare: inter Sanctum videlicet Malachiam, & Sanctum Bernardum.

Anno Domini M. C. XC. contigit insigne miraculum, de imagine gloriosæ Virginis Mariæ, & imagine infantuli filij sui; quam inuenies in fine Miraculorum libri Clareuallensis, de armario Psalteriorum.

Anno Domini M. C. XCI. in partibus transmarinis ciuitas Acra recuperata est à Christianis. Inter alios Principes, qui ante Acram mortui sunt, mortuus est etiam nobilis Comes Flandriæ Philippus: cuius ossa Claramuallem relata, posita sunt decenter in lapideo sarcophago, in propriâ ipsius capellâ.

Anno Domini M. C. XCII. Canonizatio Beati Malachiæ. Lingonensis Episcopus Manasses à partibus transmarinis cum Rege Franciæ reuersus, eodem anno moritur, & apud Claramuallem sepelitur. Et Abbas Claramuallis Garnerius in Episcopum Lingonensem eligitur. Apud Coloniam hoc tempore mortuus est, reuerendus & religiosissimus Presbyter Euerardus: de cuius vitâ & obitu, & de locorum transitu animæ eius post mortem, ipse qui hæc vidit in spiritu, dominus Gossuinus multa retulit.



ILLVSTRIVM ALIQVOT VIRORVM EPITAPHIA

EX MS. CODICE MONASTERII CARITATIS,
diœcesis Bifontinæ, Ordinis Cisterciensis.

*EPITAPHIVM LVDOVICI FRANCORVM
Regis, compositum à Magistro Stephano, Abbate
Sanctæ Genovefæ Parisiensis.*

Hoc Epitaphium Ludouici (vt dicitur) VII. seu Iunioris refertur à
Duchefnio tomo IV. rerum Francicarum, pag. 444.
sed absque auctoris nomine.

TRANSIT in heredem pius ille prior Lodouicus,
Nomine, sede, fide, nec pietate minùs.
Seruula, tristis, inops aliquo sub Rege, sub isto
Floruit Ecclesia, libera, lata, potens.
Rex humilis, Rex pacificus, David, & Salomonem
Prætulit exemplo, seque, suosq; regens.
Quantùm coniugij permisit copula, castus,
Quantùm iustitiæ regula, mitis erat.
Ieiunans, vigilans, orans, deuotus ad omnes
Diuini cultus, obsequiique modos.
Lingua preces viuas, lacrymas pia palpebra fudit,
Pauperibus solidos officiosa manus.
His meritis rapuit cœlum violentia Sancti:
Rap t us & à cœlo te tibi terra refert.

*Versus magistri Symonis, cognomento Capra aurea, Cantuarii
Sancti Victoris Parisiensis, summi, & celerrimi
versificatoris, quos composuit precibus
Comitis Henrici.*

Epitaphium Sancti BERNARDI Abbatis Claræuallis.

*Hoc Epitaphium editum est cum Operibus Sancti Bernardi,
tacito nomine auctoris.*

ECCĒ latet Claræuallis clarissimus Abbas,
Qui summis summus, qui sibi paruius erat.
Religionis apex, lux mundi, laus monachorum,
Vox Verbi, pacis sanctio, iuris amor.
Instructus, velox, sublimis, pauper, abundans,
Artibus, ingenio, sanguine, veste, bonis.
Laudis eget titulo, cuius laus non fit ad omnes,
Cuius honor, cuius crescere fama potest.
Hunc verò quem plangit adhuc, quem prædicat orbis,
Si laudare velim, laus mea laude caret.
Dura, malum, cunctos, tulit, horruit, ædificauit,
Vana, Deum, requiem, speuit, amauit, habet.

*Item eiusdem versus de Episcopo Antisiodorense HVGONE
quondam Abbate Pontinnici.*

E P I T A P H I V M.

AUTISIODORI Præsul præclarus in orbe,
Mente polum scandens, membra reliquit humi.
Sensu, stirpe, bono, præstans, illustris, honestus.
Hugo, brevis, largus, nomine, voce, manu.

Et locuples, & inops, pauper sibi, diues egenis.
 .Et nullis impar, & sibi nullus erat.
 Hunc â iustitiæ normâ reuocare nequibant,
 Obsequium, terror, gratia, dona, preces.
 Sola triumphabat virtus pietatis in illo,
 Cùm post iustitiam debuit esse pius.
 Bis quinos Octobre dies claudente, dierum
 Finem clausit, habens nunc sine fine diem.

*Item eiusdem versus de Abbate Sancti
 Dionysij SUGERIO.*

DECIDIT Ecclesiæ flos, gemma, corona, columna,
 Vexillum, clypeus, galea, lumen, apex,
 Abbas Sugerius, specimen virtutis & æqui,
 Cum pietate grauis, cum grauitate pius.
 Magnanimus, sapiens, facundus, largus, honestus,
 Iudicijs præsens corpore, mente sibi.
 Rex per eum cautè rexit moderamina regni:
 Ille regens Regem, Rex quasi Regis erat.
 Dumq; moras ageret Rex trans mare pluribus annis,
 Præfuit hic regno, Regis agendo vices.
 Quæ duo vix alius potuit sibi iungere, iunxit,
 Et probus ille viris, & bonus ille Deo.
 Nobilis Ecclesiæ decorauit, reppulit, auxit,
 Sedem, damna, chorum, laude, vigore, viris.
 Cui rapuit lucem lux septima Theophaniæ,
 Veram vera viro Theophania dedit.

Item eiusdem versus de Comite THEOBALDO.

TRANSIT ille Comes Theobaldus, clarus ubiq;
Ecclesie matris filius immò pater.
Magnus honore, potens armis, spectabilis ortu,
Mente sagax, verbis lucidus, ore decens.
Exiguus parvus, timidus ferus, asper iniquis,
Simplicibus simplex, omnibus omnis erat.
Lætis, pauperibus, monachis, agrisq; parabat
Incessanter opem, munera, templa, domos.
Huius erat servare bonos, punire nocentes,
Huius erat iuste vivere, iusta loqui.
Omnes virtutes in eo lucere videres;
Certabantq; simul mirificare virum.
Gallia nostra gemens, tanto viduata patrono,
Sicut eo stabat stante, iacente iacet.
Ergo dies decimus lani, fuit ultimus illi,
Cui Deus est melior millibus una dies.

Epitaphium EVGENII Papæ Romani.

VRBIS, & orbis honor, sed iam dolor Urbis & orbis,
Rector in orbe potens, pulvis in Urbe iacet.
Hoc in vase sacro, pia pleni gratia fontis,
Infudit gratis munera grata polo.
Magne Deus, dare magna potens, per te fuit illi
Lingua docere fidem, rem dare doctæ rarus.
Mores angelici, deuotio, finis honestus
Hunc tibi dant famulum: da requiem famulo.

IN VITAM S. BERNARDI
CLAREVALLENSIS ABBATIS,
à IOANNE EREMITA conscriptam

P R A E F A T I O.

IOANNES, non conditione, opinor, sed cognomine Eremita (nam huius appellationis plures in Gallijs familias etiamnum superesse accepimus) libros duos scripsit de Vita S. Bernardi, Petro Cardinale Episcopo Tusculano & Herberto Turritano in Sardinia Archiepiscopo hortatoribus: utroque ipsi amicissimo, unde & Petrum appellat *Patrem dilectissimum*, & Herbertum *Miletem Christi*, quem & sibi fiducia & caritate arctissime deiunctum fuisse significat. Fecit autem (ut videtur) cognominis Evangelistae exemplo: nam sicut iste Euangelium nouissimum scripsit (ut ait Hieronymus in libro de Scriptoris ecclesiasticis), nempe ut à prioribus praetermissa colligeret, sic etiam ille quæ de S. Bernardo nondum alij adnotarant, in commentarium retulit. De tempore quidem scriptionis huius, vel ex Petra argumenrari licet, quem constat creatum fuisse ab Alexandro Papâ III. Cardinalem Episcopum Tusculanum anno Christi MCLXXVIII. mense Decembri: qui Ioanni Eremitæ tum primùm innotuisse videtur, cum haud multò post venit in Gallias Legatus Apostolicæ Sedis, & inter alia de Sancti Cirici Puellarum monasterio abusus nonnullos sustulit, ut nos docet Stephani Tornacensis Epistola LXXXVIII. ad G. Archiepiscopum Senonensem. Aberat sanè Româ antiò MCLXXIX, quarto Kalendas Maij, quâ diè datam vidimus Bullam Monialibus de Vlmeto, ab Alexandro Papâ III. Laterani, absente Petro Cardinalibus alijs subscriptis. Et Petrus ad Lucij Papæ III. electionem iam in Urbem reuersus mense Augusto anni MCLXXXI, moxque Vicarius Urbis ab eodem Pontifice constitutus, exinde Romæ ad multos annos assiduus

fuit. Sed annum quo scribebat, distinctius aperit Ioannes ipse Eremita libro primo Vitæ S. Bernardi, circa medium, cum ait, accepisse se quæ tum scribebat, à Roberto Abbate, qui sobrius erat S. Bernardi, & *magis quàm sexaginta septem annis in monasterio, sub iugo regularis disciplina vixerat.* Nam si Robertus anno MCXIII. (vt verisimile est) cum S. Bernardo Cistercium intrauerat, annus eius monachismi LXVII, fuit Christi MCLXXX. Frustrà sit igitur qui hunc putet Ioannem Eremitam, de quo Angelus Manrique in Annalibus Cisterciensibus ad annum Christi 1115. qui Morimundi fundationem promouerit, cellamque incoluerit vliginoso loco, ac penè inaccesso, haud procul Acrimonte oppido, in Cāpaniæ & Lotharingæ confinijs. Nam hic Ioannes longè inferioris æui; ne visum quidem à se S. Bernardum refert, sed tamen de eo aliquid scribere idèd rogatum, *quod ego* (inquit ipse in Epistolâ ad Herbertum) *apud quosdam discipulorum eius, olim asiduum fueram, adhuc puer.* At nisi me fallit coniectura, fuit hic Ioannes, Prior Clareuallensis; idem ipse de quo Gosvvinus Claruallis quondam monachus, in Prologo libri Miraculorum ad Gerardum Euerbaci Abbatem; *Ioannes, inquit, Prior Claruallis, pulchrum volumen fecit componi, in quo miracula diuersorum, & visiones, ad edificationem legensium continebantur descripta.* Fallor autem ego, si non ipsummet cuius meminit Gosvvinus, Ioannis Prioris volumen, Reuerendissimi Domini Claudij L'Argentier piz memoriz Clareuallensis Abbatis singulari humanitate mihi exhibitum, his manibus versaui; in quo cum Vitâ S. Bernardi auctore Ioanne Eremitâ, & Vitâ Beati Petri Iuliacensis Prioris, habentur Herberti de Miraculis libri tres, & visiones aliz ac miracula anonyma quamplurima. Huius ergo codicis Ioannem Priorem collectorem asserens Gosvvinus, auctorem non negauit; & cum ex varijs opusculis conflatus sit, partim Ioannis Eremitæ, partim aliorum stylo conscriptis, ego Ioannem hunc Eremitam, Priorem ipsum Claruallis affirmare non dubito: ac fortasse eundem, cuius memoriam ad mensis Maij diem XXI. Menologium Cisterciense adnorauit. Ad vltimum monendus es, mi Lector, codicem illum Clareuallensem,

Ioannis Prioris curâ & iussu compactum, dictum fuisse à nonnullis *Librum Herberti de Miraculis*; quia nimirum huius argumenti opus, ab Herberto tres in libros distinctum, longè maximam eius voluminis partem obtineret. Itaque in aliquor editionibus operum S. Bernardi, refertur ex Libro Herberti Abbatis, mirum illud de volumine quorundam miraculorum S. Bernardi, quod illibatum repertum est, cum per imprudentiam sub dio relictum, ibique vnus circiter mensis spatio magnis & assiduis imbribus expositum iacuisset. Citandum autem fuerat ex Epistolâ Ioannis Eremitæ ad Petrum Episcopum Tusculanum, quæ est præmialis ad Vitam S. Bernardi ab eo conscriptam: habeturque in eodem codice Clareuallensi cum Libro Herberti de Miraculis; sed aliâ manu, diuersoque stylo exarata. Nam Herbertus ipse eâ de re nullum verbum facit.



VITA

VITA
S. BERNARDI
 ABBATIS
 CLAREVALLENSIS,
 AVCTORE
 IOHANNE EREMITA.

Ex MS. codice Clarenallis.

Incipit Epistola IOHANNIS Eremitæ ad PETRUM Tusculanum
 Episcopum, De Vita Beati Patris nostri BERNARDI,
 primi Claruallis Abbatis.



VITA petitionem & desiderium vestrum
 (Pater dilectissime PETRE) ad vestram &
 aliorum ædificationem, pro modulo nostro
 Vitam Beati Bernardi, primi Claruallis
 Abbatis, litteris commendare duximus
 dignum; ut per eius imitationem & exempla, ad æter-
 nam beatitudinem peruenire possimus. Sine dubio di-
 gnus est Sanctus iste, de quo volumus facere mentionem,
 laudari & coli: quoniam cum Sanctis & electis Dei,
 regni cœlestis adeptus gloriam, in medio Ecclesiæ lau-
 dem habere meruit & honorem: vnde nomen sancti-
 M

P.L. II. 11.

tate sortitus est, & in benedictione viuit eius memoria. Scriptum namque est; *Pretiosa in conspectu Domini mors Sanctorum eius.* Verè iustus est iste Sanctus, & fidelis inuentus in numero Sanctorum, quasi ignis effulgens, & quasi vas auri solidum, ornatum omni lapide pretioso. Ideoque fecit illum Dominus crescere in plebem suam, & semē eius multiplicauit sicut arenam maris. Sermo eius non frustra humanis auribus insonabat, sed rebus & factis causas rerum faciendarum inferebat, signis & virtutibus gloriosus. Multi etiam inuenti sunt in numero Sanctorum, quos ipse per Euangelium genuit. Numerum verò miraculorum quæ per eum facta sunt, si volumus explicare, ad hoc non sufficiet ingenij nostri paruitas. De cætero, si ea ad plenum & sciremus & possemus euoluere, dicentibus fortasse non crederetur. Vnde, pauca in præsentibus quibus fides neganda non est, volumus explicare.

Monachus quidam, venerandi Abbatis verax dilector & sincerus, fortè cum quodam laico fratre, Humberto nomine, per virgultum adiacens monasterio Clareualensi deambulabat, librum Miraculorum sancti Patris tenens in manibus; exponens ea secundum idioma Romanæ linguæ, tam suæ quàm illius ædificationis causâ. Contigit ergo eos, modicæ pausationis gratiâ confedere sub arbore piro, secus viam per quam quotidie vadunt & veniunt laborantes in horto. Cumque non post modicum tempus consurgerent, supradictus monachus obliuione subripiente, sicut multotiens fieri solet, librum quem paulò antè in manu tenuerat, humi per improuidentiam depositum reliquit. Abijt itaque; & regularis disciplinæ studijs occupatus, cum tandem reduceret ad

memoriam, quomodo, ubi, & quando perdidisset illum, nullam omnino spem recuperandi concipiens, (tum quia propè viam dimiserat, tum quia interim tanta fuerat facta inundatio pluviarum, vt etiamsi reperiretur, nihil amplius quàm perditum valere crederetur) post aliquantum tempus ab illius inquisitione cessauit: immò etiam penitus desistere visus est; maximè tamen constrictus, quòd per negligentiam suam Miraculorum sancti viri volumen amisisset. In hunc modum transigens vnum circiter mensem, cum post modicam per hortum deambulationem, sub arbore prædictâ resedisset; non tamen proposito quærendi, vel spe recuperandi quod perdiderat; miro & inaudito modo librum tanquam ab aliquo conseruatum, & tunc de recenti, & ex industriâ iuxta se positum, subito in medium proferri miratus est. Et vt mirabilius esse credatur quod contingit, tam charta quàm scriptura adeò sana & incorrupta permanserat (nisi quòd pauculis guttis exterius operimentum respergi videbatur) ac si cum cæteris libris in bibliothecâ liber lidem fuisset repositus. Quid super hoc audientibus visum fuerit, nescio: ego autem pro parte meâ asseuerare non dubito, rem talem tamque insolitam, nequaquam sine miraculo contigisse: quod siquidem beati viri meritis ascribere & ratio persuadet, & veritas compellit.

De quodam Fratre illiterato.

NOCTURNI temporis silentio, cum post fatigationem diurni laboris, modicæ repausationis gratiâ recubuisset in lectulo, apparuit ei vigilanti vir venerabilis, amictus stolâ niueâ, & staturæ mediocris, ætate gran-

deus, crine candidus, angelicâ facie reuerendus. Is in manibus suis duos libros tenere videbatur. Accedens itaque ad fratrem suprâ memoratum, porrexit ei vtrumque, dicens: Accipe, vide, & lege. Qui repentinâ visionis horrore (sicut fieri solet) attonitus, securitatem tamen ex affatu benigno, aspectu tranquillo, vultu quoque angelico sumens, respondit: Domine Pater, nescio litteras. Simplex & illitteratus quomodò legam? At ille: Fili, noli timere: Ecce Dominus tecum est, & docebit te, & me intercedente benè erit tibi. Huiusmodi piâ ammonitione confortatus frater, vtrumque volumen accepit, euoluit, & legit: mirans & obstupefcens in semetipso, quonam modo id fieret. Persona deinceps assistens quasi alterum volumen secum deferens, alterum fratri relinquens, valesaciens ei datâ benedictione disparuit. Quid igitur? Mirabile quidem dictum est quod dicemus. Quid enim mirabili hoc mirabilius? Fratrem nouimus omnes quotquot sumus. Laicus quidē erat paulò antè, nec etiam alphabetum nouerat. Deo tamen illuminante etus intelligentiam, & quibusdam fratrum suffragantibus, in breui ad hoc profecit, vt non solùm legere, verùm etiam cantare sat̃s decenter & conuenienter sciret. Exinde tam vsu quàm gratiâ coöperante, dictionum significationes aliquatùm intelligere cœpit, & in huiusmodi scientiâ paulatim proficere. Visionem itaque supradictam scripsit in spe adiutorij diuini, & subuentionis beati viri, quem credimus ei apparuisse. Nonnulla miraculorum ipsius, quæ vel scriptoribus ignota, vel per negligentiam fuerant prætermissa, tam decenter, tam benè, tamquē eleganter litteris commendauit, vt subinde rapti in admirationem,

dicamus cum Prophetâ Dauid : *A Domino factum est istud,* ^{Psalm. 117.}
et est mirabile in oculis nostris. Quis ergo neget hoc mi-
 raculosè factum esse ? Quod apertius , quod evidentius
 miraculum ? Aseribimus igitur in primis gratia Dei illud ,
 attribuiamus deinde meritis Sancti , assignamus denique
 fidei & obedientiæ fratris.

Quid plura ? Reuerà Sanctus iste magnus est in nu-
 mero Sanctorum , inter Angelos & Archangelos , inter
 Apostolos & Martyres , inter Confessores & Virgines ;
 quia nunquam fuit pollutus , sed semper virgo permansit
 & immaculatus. Semper eius menserat in Deo , & Deus
 erat cum eo. Totum in eo disciplinatum , totum in signe
 virtutis. Mortuos suscitauit , dæmonibus imperauit , claudis
 gressum reddidit , mutis loquelam , ægrotis sanitatem.
 Semper apud se erat modicus , apud summos magnifi-
 cus , scriptis & famâ mirificus , placidus bonis , malis terri-
 ficus , clarus meritis , exemplar morum , lux & speculum
 Christicolarum , maxime monachorum & omnium reli-
 giosorum : Lex Dei in corde ipsius , & doctrina sua sicut
 Sol in diebus ætatis fulgens in Ecclesiâ Dei. Baculus
 fuit claudis , oculus cæcis , compatiens ægrotis , munifi-
 cus pauperibus & benignus , iocundus ad omnes , fons sa-
 pientiæ , & columna iustitiæ , Pater Ordinis Cisterciën-
 sium , & virtutis forma. O pietas Conditoris nostri !
 ô benignitas Iesu Christi , qui talem triumphatorem nobis
 tribuisti ! Venite , carissimi , bibite & inebriamini ; potus
 quippe & cibus animæ sunt exempla sancti Patris , quo-
 rum nonnulla referimus adiuvante Domino nostro Iesu
 Christo. Rogo vos , Pater , vt oretis pro me eundem
 Dominum nostrum , qui est Alpha & Omega , vt

inchoator sit & consummator huius operis.

Explicit Epistola prima.

Incipit Epistola secunda ad HERBERTVM Turritanum
in Sardinia Archiepiscopum.

PETIS à me (Miles Chrſti H.) ſiduciâ & caritate quâ me diligis , vt de vitâ vel actibus venerabilis Patris Beati Bernardi (propter quod ego apud quosdam diſcipulorum eius olim aſſiduus fueram , adhuc puer) aliquid tibi per litteras edam ; quatinus memoriam ſuauiſſimæ eius , os tuum frequenter eructet , & ſcriptura de operibus tantæ ſanctitatis expreſſa , tuos iugiter viſus & auditus oblectet. Ego autem licet multa & magna viderim in actibus viri Dei , quæ & memoratu digna ſunt , & imitatione digniſſima ; ea tamen , ex parte non modicâ , potuerunt ſubripi , & à memoriâ meâ excidere , vel facilitate ipſâ lubricæ ætatis effluere , vel puerilis animi teneritudini non hære. De cætero ſi quid exinde mihi vel ſtupore miraculi , vel operis dignitate non excidit , quis ſum ego , qui inertem ſtylum laudibus tanti Patris enucleandis admoueam , & in præconia viri Dei labijs incircumciſis erumpam : Illis narranta dentur geſta Sanctorum , quos non dubites doctos à Domino , quibus dedit Deus linguam eruditam , vt ſciant in tempore proferre ſermonem. Mihi autem inenarrabiles ſunt amici tui Deus ; ita vt tutius elegerim , virum ſanctum non tam prædicare quàm colere ; relinquens prudentioribus explicandum quod fecit , contentus ipſe vel æmulari quod docuit. Cæterum ne ſpes tua quam (ſicut arbitror) de affectione , magis quàm de eruditione

meâ conceperas, vsquequaque fraudetur, accipe breuiter de moribuspij Patris, quod ipse iam noueras: & dum apponis in eius narratione scientiam, appone tibi pariter ab eius actionibus disciplinam. Erat enim vir ille mirâ simplicitate purissimus, ita cœlestibus intentus oraculis, vt iuxta euangelicam fidem, vniuersum mundum æternorum amore contemneret, & nihil hic retinens præter corpoream mansionem, mente & animo in cœlestibus habitaret. Hic est in cuius pectore patientia ædificauit sibi domum, adeò vt omne gaudium existimaret, quotiens robur animi sui, actus cuiuslibet aduersitatis impeteret. Humilitas in eo supra humanum modum, tantquam iurasset eius virtutis perfectione recuperare se cœlum, cuius defectu diabolus lapsus est in infernum. Hunc in omni vitâ suâ nec temperantia, nec fortitudo deseruit; ne in prosperis per læta dissolutus efflueret, nec fractus aduersitatibus elangueret. Corpus eius candor castitatis induerat, mentem caritas inextinguibilis inflammabat, vt esset foris lucidus, intus accensus, & totus desiderabilis. Iesu bone! quanta illi in obediendo sollertia, in imperando modestia, in exhortationibus grauitas, in executionibus disciplina! Non illi de magisterio typhus, non de reuerentiâ fastus; sed ita se submittebat omnibus, qui omnibus eminebat, vt illius se probaret esse discipulum, qui non vt ministraretur, sed vt ministraret aduenerat. Blandus, pius, affabilis: non omittens in hilaritate censuram, non admittens in distictione sæuitiam. De fide verò ipsius, & piâ credulitate, quid dicam? Hæc est per quam meruit vt reuelarentur ei sapiens arcana cœlestia, & per effectus visibiles diuina illi sese proderent sacramenta.

Explicit Epistola. II.

INCIPIT PROLOGVS IN VITA SANCTI BERNARDI.

Sap. 1. 11.

QVI Vitas Sanctorum (fratres carissimi) vult scribere, debet se primùm de mendacijs & iniquitatibus emendare. Non enim amant Sancti mendacia, sed damnant eos qui ea loquuntur. Ipsi enim sunt qui potiùs asserunt quod scriptum est : *Os quod mentitur, occidit animam.* Offendit is qui Vitas Sanctorum scribit, sicut & ille qui byssum texit, si & manus habet maculatas; quia opera eorum coinquinantur. Texere byssum est, Vitas Sanctorum scribere. Manus maculatas habere est, vanâ gloriâ vel conscientiâ prauâ deprauari, per quam mendacia confinguntur. Qui mendacium habet in mente, quomodo potest recta loqui de operibus Sanctorum? Dico vobis, dilectissimi, quia multum me coartat hic labor, scilicet Vitas Sanctorum scribere. Nec immerito: me namque nec propria commendant merita, nec scientia ornat. Malo tamen temeritatis notam subire, quàm pudoris inordinati nebulâ, laudes Sanctorum contestas silentio præterire. Contestor igitur diuinitatem, quæ omnia nouit, quia nihil friuolum, nihilque humanæ laudis, vel auaritiæ causâ scribere propono; sed quæ vera, simplex, & sancta confirmat relatio seniorum; quibus credere tam pium est, quàm non credere impium. Seruis & amicis Dei scribo, quos fallere periculosissimum est? Sancti viri gloriâ pariter & virtutibus delictatus, quem etiam me tacente præconizant homines, miraculorum eius magnitudinem vehementer ammirantes. Nemo itaque contemnat quæ legantur; quia licet rationem & possibilitatem humanam excedat magnitudo dicendorum,

rum, tamen omnia possibilia sunt apud Deum, & nihil est impossibile credenti. Verumtamen qui de his hæsitauerit, piè potiùs ignoscat, quàm mendacij me arguat. Nihil est enim in rebus humanis quod non possit aliquo modo infamari, vel sinistrâ interpretatione perueni. Ecce in quo humanum iudicium vel falli vel fallere nequeat. Quare? Quia & rei certitudo ambiguitatem remouet, & mendacium (sicut ait Seneca) tenue est, & Epist. 79. ut vitrum perlucet. Item dico vobis, fratres, quia minùs affligit me hic labor; sed Dei (ut spero) erit adiutorium, quo benè impleri possit quod incœptum est. Te igitur inuoco, Verbum per quod omnia creata sunt, ut des mihi (sicut decet) de beato viro dicere quæ vera sunt.

Explicit Prologus.

INCIPIT VITA SANCTI BERNARDI.

I. **B**EATISSIMVS igitur BERNARDVS, in pago Lingonensi, Fontanis oppido patris sui, dignâ propagine oriundus fuit; carnis quidem prosapiâ nobiliss, sed culmine mentis nobilior. Genitor eius TESCELLIVS nomine, genitrix verò AALAYS, filia Bernardi Montisbarri domini, viri potentis & magni secundum sæculi dignitatem, & ex antiquorum (sicut asserunt multi) Burgundiæ Ducum generositate trahens originem. Sed quia de eius genere historiam in præsentiarum explicandam non suscepimus, ad id quod potiùs dicendum est, reuertamur. AALAYS igitur filiam suam idem Bernardus, (auus scilicet Beati Bernardi) litteris erudiri voluit; ut in futuro monacham faceret. Sed Dei providentia aliud de eâ disposuit. Nam cum ad quintumdecimum ætatis

sux annum peruenerisset, à Tescelino Fontanensis oppidi domino, viro nobilitate, & dignitate conspicuo, & in rebus sæculi satis locupletissimo, requisita est ad coniugium. Pater verò eius, quoniam honestè negare non potuit, requisitam concessit.

II. QVÆ postquàm coniuncta fuit viro suo lege conjugali, dedit ei Deus gratiam, vt de fructu ventris sui poneret super mensam suam; sicut & fecit. Sex namque filios, & vnā filiam genuit, non tam viro suo quàm Deo; sicut pius Dominus demonstrare dignatus est in sanctis operibus eorum. De suo namque sanctissimo Spiritu mentes eorum illuminauit. Illi verò degustatâ spirituali dulcedine, militiam diaboli & pompam sæculi abnegantes, cooperante piâ ammonitione fratris sui Bernardi, (qui erat lux ardens, sed adhuc sub modio, non super candelabrum) ad fortissimam vitam cœnobarum in eremum venerunt, & monachilem habitum susceperunt. Omnes itaque monachi facti, vitam Deo placitam simul aggressi sunt. Filia verò monacha facta in monasterio lulleij. O beatus venter qui tales portauit! O beata vbera quæ lactauerunt tales! O beati generis origo, vnus vteri gloriosa fecunditas! Vos ergo vnanimiter (viri Deo digni) pro cœlesti gloriâ præsentia contempsistis, & magis elegistis cnm Christo æternaliter viuere, quàm in hoc mundo infelici, feliciter ad tempus viuendo gaudere. Sed hoc de conuersatione vestrà, quoniam plura dicere stylus historię non permittit. Ad natiuitatem (à quâ dicendi initium sumpsimus) reuertentes, cœpta prosequimur in hunc modum.

III. IN ordine filiorū primogenitus fuit GVIDO, homo

disciplinatus & à Deo dilectus, sapiens in verbis simul & opere. Secundus GIRARDVS vir vitæ venerabilis, honestus moribus, sapientiâ clarus, consilioprouidus. Tertius BERNARDVS, lux & speculum fratrum suorum, & sanctæ Ecclesiæ columna sublimis. Quartus ANDREAS, vir simplex & rectus, ac timens Deum, & recedens à malo. Quintus BARTHOLOMEVS qui primæuæ indolis florentibus annis, senum anticipans vitas, ætatem immaculatam mentis sinceritate decorauit. Sextus NIVARDVS, qui terrenâ hereditate contemptâ, cœlestia prælegit. Femina verò Beatum Bernardum nascendi ordine subsequuta, in sacro Baptismate HYMBELINA nomen accepit. Hos omnes Deo, vt dictum est, non sæculo mater generans; singulos mox vt partu ediderat, in illâ ipsâ angustia & afflictione corporis, & in contritione cordis, de terrâ proprijs manibus eleuans sursum, Domino offerebat. O mulier firma in fide, & stabilis in Dei dilectione, perseuerans in oratione! Felix es, felixque vterus tuus, feliciorque fructus ventris tui. Alias verò mulieres quæ ad partum eius conuenerant, sicut mos est, oblationem supradictam facere non permittebat. Scripturas enim nouerat, & maxime Daudicum psalmum, vbi canitur; *Sacrificium Deo spiritus* Psal. 50. 1. *contribulatus, cor contritum & humiliatum Deus non despicies.* Beatissimum verò Bernardum non tam citò quàm alios, sed in prouectiore ætate Domino obtulit. Obtulit vtique, & hoc deuotissimè fecit: & vt ille erga Dominum deuotior existeret, litterarum studijs eum tradidit instruendum. Iis ergo in hunc modum decursis, simul ad vtrumque parentem tam gloriose sobolis stylum reflectamus.

IV. FVIT in partibus Burgundiæ, vt suprâ texuimus, vir vitæ laudabilis, TESCELINVS nomine, & vxor eius AALAYS. Fueruntque ambo generosi secundum sæculi dignitatem, clariores tamen fide & operatione; & quantò altiores, tantò humiliores, sicut scriptum est; *Quantò maior es, tantò te humilia in omnibus.* De fide, spe, caritate, iustitiâ, & alijs virtutibus eorum, cuncta narrare difficillimum est. Pauca tamen eruditionis causâ ponemus. Cùm quodam tempore vir memoratus diuersis emergentibus causis, (sicut inter sæculares frequenter contingere solet) cum quodam sibi aduersante, multò inferiori genere, & substantiæ minoris, monomachiâ firmauerat decertare. Adest statuta dies, & præfixa certamini. Conuenitur vtrimque. Recordatus autem vir venerabilis Tescelinus timoris Dei, & iudiciorum diuinorum, in quibus dicitur; *Iuste iudica proximo tuo*: & item; *Quod tibi non vis fieri, alij ne feceris*: quamvis fortior & potentior esset, & hostem superare, & de victoriâ lucrum maximum reportare valeret; vltro tamen se pacauit cum aduersario; quicquid erat in controuersiâ, sine disceptatione resignans & relinquens. O magna pietas, magna viri clementia! Magna sunt quæ narramus, sed maiora quæ sequuntur.

Leuit. 19. 15
Tob. 14. 16.

V. VENERABILIS quoque AALAYS vxor eius consueuerat inter cætera virtutum insignia, circuire domos, exquirere pauperes, infirmos, & egenos, eisque de suo proprio erogare quod necessarium erat. Claudorum etiam atque debiliū maximam habebat curam; non seruis, non alijs vtens ministris ad hæc officia peragenda, sed per semetipsam hoc agens, ad eorum habita-

cula veniebat, & unicuique quod opus erat præbens, per Ecclesiarum xenodochia deuotissime discretis infirmis ministrabat; ollas eorum extergens, cibos porrigens, calices diluens, & alia cuncta faciens, quæ seruis & ministris mos est seruiliter operari. Quid plura? Volumus omnes virtutes eius narrare? Minimè, quia nobis non crederetur: vnus tamen relatu dignissimum proferemus in medium; rem videlicet plenam miraculo, nec sine admiratione à nobis auditam, referente quodam Abbate religiosissimo, nomine Roberto, qui magis quàm sexaginta septem annis, in monasterio sub iugo regularis disciplinæ vixit; nepos siquidem eiusdem matronæ de quâ volumus pertractare, filius autem sororis suæ; ad quem etiam Beatus Bernardus primam Epistolarum suarum dirigit.

VI. MATER, inquit, sancti Patris nostri, religiosissima exstitit. Consuetudo autem eius erat per singulos annos in sollēnitate Sancti Ambrosij, * vniuersos clericos, quos inuenire poterat, congregare, eosque in eadem die, ad honorem Dei, & Beatæ Mariæ, & memorati Sancti, omniumque Sanctorum, cibo & potu sollempniter reficere. Deus autem honorem quem illa Sancto suo exhibebat annis singulis, eidem remunerare volens, mortis suæ quæ in anniuersario eiusdem festiuitatis die futura erat, illam præsciam fecit, die quadam ante festum. Vnde ipsam Spiritus prophetiæ participem fuisse non incredibile est. Illa autem viro suo, & filiis suis, & omni familiæ suæ, quod sibi reuelatum fuerat, indicauit. Cunctique ammirantes, & primò non credentes contingere sicut prædixerat, postea magis ammirati sunt. Porro vigi-

* Immò
Ambrosi-
niani.

liâ festiuitatis imminente, febris artus occupauit. Die autem festo, post celebrationem Missæ, Corpus Domini sibi offerri deuotissimè petijt. Quod & factum est. Deinde sacrosanctæ Vnctionis munita Sacramento, cum accepisset Eucharistiam, vniuersos clericos secundum consuetudinem ad cœnam conuocari fecit. Illis autem recumbentibus, filium suum Guidonem primogenitum aduocauit; intimans ei, & sollicitè inculcans, vt statim clericos refectione completâ, ante se conuenire faceret. Ille autem benignæ matri suæ benignissimè obediens, post refectionem clericos in vnum conuocans, fecit vt mater petierat. Adfunt Clerici: quibus congregatis, in spiritu congratulans ancilla Christi, nunciat dissolutionem sui corporis imminere. Illi autem Dominum pro eâ suppliciter exorantes, letaniam inceperunt: cum quibus ipsa, quousque vltimum exhalaret spiritum, deuotissimè psallebat. Cum verò chorus psallentium iam peruenisset ad illam letanix supplicationem: *Per Passionem scilicet, & Crucem tuam libera eam Domine*, necdum cessans à supplicatione, in ipso mortis articulo, in manus Domini commendans spiritum suum, eleuatâ manu signans se signaculo sanctæ Crucis, in pace reddidit spiritum: procul dubio receptum ab Angelis, collocatum à Deo cum animabus sanctis, expectantem cum magnâ felicitate & quiete resurrectionem corporis sui, in die generalis resurrectionis, quando Iudex & Aduocatus noster Christus Iesus adueniet iudicaturus viuos & mortuos, & sculum per ignem.

VII. IN hunc modum sanctâ illâ animâ de templo sancti corporis egressâ: manus sicut erat, erecta ad indi-

candum signum Crucis , videntibus & ammirantibus cunctis qui aderant , sic remansit. O feminam igne diuini amoris incensam , fide robustam , spe patientissimam , caritate deuotam ! O felix mulier & beata , quæ talem honorem erga Deum acquisisti , vt & diem depositionis tuæ prænosceres , & in tuo felici transitu adeò euidenter super te claresceret signum redemptionis nostræ ; signum , inquam , in quo Deus ac Dominus noster pius Iesus , pro salute humani generis pati dignatus est. Fit itaque de migratione felici animæ gaudium Angelis in cælo ; è contrâ dolor & luctus pauperibus Christi, viduis & orphanis, quorum mater erat in sæculo.

VIII. F A M A autem nunciante circumquaque obitum illius, Abbas Sancti Benigni Diuionensis, Gerannus nomine , vir vitæ venerabilis statim aduenit, sacrum corpus petijt , reliquias eius thesaurum reputans gloriosum. Impetrato ergo quod petierat ; tum pro reuerentiâ suâ, tum filiorum cooperante beniuolentiâ , ipse & qui cum eo erant, pietatis affectu lacrymis, vbertim fluentibus, corpus sanctum tanquam thesaurum pretiosum , submissis certicibus secum reportantes , ad castrum Diuionense tandem perueniunt. Et ecce omnis populus exierat obuiam eis, cum Crucibus, & cereis atque ingenti gaudio & veneratione, sacri corporis glebam vsque ad basilicam beatissimi atque præclarissimi Martyris Benigni , prosequentibus ibidem vniuersis, cum magnâ reuerentiâ illam sepulturæ dederunt. Post hæc prædictus Abbas super sepulturam ipsius, sex imagines, in memoriam sex filiorum suorum, fabricari fecit ; sicut vsque in hodiernum diem euidenter ostenduntur. Illa verò deinceps per quinque

annos apparere consuevit filio suo Andreae, sicut narrat historia domni Guillelmi hominis Dei. Et cum de conuersione suâ tractare inciperent fratres, apparuit Beato Bernardo, dicens; Fili Bernarde, noli timere, sed viriliter age, & efficaciter imple quod inchoas, quia opus Dei est. Ex hoc enim beatos vos dicent posterius. Ego verò exspecto vos in gloriam Dei. Quo dicto disparuit, & Beatus Bernardus magis ac magis in Dei seruitio proficiebat.

Explicit Liber primus.

INCIPIT PROLOGVS IN SECVNDO.

PAUCA de virtutibus Beati Bernardi, primi Abbatis Claraualis piâ intentione, ad medium deducere volumus, ut per eius exempla possimus gaudere cum gaudentibus, laudare Deum cum laudantibus. In parte opusculi primi, ingressum natiuitatis illius protulimus: hic verò nonnulla miraculorum conferimus, quæ Deus per manus eius operari dignatus est. Sed quid nobis agendum est? Possimus omnia comprehendere? Nequaquam, quia nobis non crederetur. Peruersi sunt filij Adam, sicut fuerunt ab initio. Sed quid inde? Debemus propter incredulitatem eorum silere? Non. Quin potius nobis pro posse nostro laborandum est in agro dominico. Ex abundantia cordis os loquitur. Nos autem quod habemus in corde prolatione dignum, prout ad propositum nostrum pertinet, stylo colligabimus.

Explicit prologus.

INCIPIT LIBER SECVNDVS.

I. **B**ONÆ indolis puer BERNARDVS, iam tamē euolutus (vt à Patribus nostris accepimus) viginti duorum annorum spatio eremum petens, fortissimum monachatus propositum, cum socijs à Deo sibi datis assequutus est, apud locum cui nomen Cistercium. Vbi tanta erat tunc temporis penuria temporalium, vt vix possent habere vestes ad vtendum ordinatè qui ibi conuenerant. Enimuerò ante aduentum eius, eo in loco habitare cœperant nonnulli viri religiosi; sed paucissimi quibus pius Dominus noster à tempore illo & deinceps, procul dubio propter seruum suum Bernardum, quem ad eos miserat, benedixit, & sanctificauit locum ipsum; & omnibus inibi commorantibus quicquid necessarium fuit, satīs abundè largitus est. Igitur cum esset iuuenis sanctissimus in cellâ nouitiorum, quidam de parentibus suis venerunt vt visitarent eum, & loquuti sunt cum eo. Post signum verò horæ nonæ, reuersi sunt vnusquisque ad sua, & religiosissimus iuuenis ad opus Dei in ecclesiam. Tunc secundum consuetudinem eleuans oculos ad cœlum, putans se inuenire gratiam Dei sicut & prius, non inuenit. Excogitauit itaque in seipso hoc sibi pro qualicumque delicto seu peccato contigisse, & non comperit nisi vanas fabulationes quibus paulò antè per imprudentiam se exposuerat. Quâ de causâ cum se culpabilem intellexisset, prostrauit totum corpus suum iuxta altare, dicens cum Propheta: Domine, ne in furore tuo arguas me &c. Et cum hoc fecisset per viginti & quinque

dies, apparuit ei gloria Domini, & repleuit eum, & dedit ei scientiam Sanctorum, ut in bonum consummarentur opera eius. Sed & alij venerunt visitare eum, & acceperunt licentiam ab Abbate Stephano ut ad eum loquerentur. Et cum ad eosduceretur, accepit stipas, & misit sub capucio in aures suas; ita ut hoc artificio ab inani confabulatione se conseruare posset immunem: sicque venit ad hospites, & fuit cum eis per totam horam, & nihil audiuit; non loquutus est, nisi pauca verba de ædificatione. Tunc pulsata campana gaudens & relinquens eos venit in ecclesiam, gratia sua sibi taliter a Deo conseruata. O virum præcipue sanctitatis, & dignum memoria, qui sibi in hunc modum prouidendo, audientes adhuc ædificat, & ædificabit usque in finem; non sibi solummodo, sed infinitis proficiuus existens!

II. POST non multum verò temporis Abbas Stephanus honestate morum conspicuus, secundum dispositionem Dei, nouellæ illius plantationis Pater, de fructu quem sibi Deus dederat, cum multiplici augmento, oblationem Deo facere decernens, transmissio Conuentu, inchoauit abbatiam, Firmitatem dictam. Duas quoque alias in breui, Pontiniacum scilicet & Vallem Absinthialem, quæ nunc Claraualis dicitur; cui ordinauit Abbatem, iuuenem sanctæ conuersationis, Bernardum nomine, qui fuit ibidem cum socijs suis, multis diebus degens & orans, in fame, in siti, in ieiunijs, in vigilijs, in frigore & nuditate, in laboribus plurimis, in diuersis angustijs animæ & corporis; diuinorum tamen eloquiorum meditationi incessabiliter intentus, de die in diem sensus suos vigilanter emundans; & animam liberans ab omni

passibili affectu , impassibilitatis lumine illustrabat. Tancum in primis qui ibi fuerant congregati, passi sunt penuriam, vt cibis eorum esset panis; non de auenâ, (pretiosum namque tale edulium reputarent,) sed de misturâ qualicumque multò viliori, immò vilissimâ, vtcumque conglobatus potius quàm confectus. Folia quoque arborum cocta, in æstate pro pulmentis habebant, in hyeme verò radices herbarum. O quot labores, quot angustias, quot ægritudines, quantas tribulationes, quantasque anxietates, quàm graues infirmitatis & indigentiae passionibus in loco prædicto sustinuit vir beatissimus, & qui cum eo missi fuerant fratres ! Fagina, & cæteri fructus siluestres, & quædam alia quæ terra sponte procreare solet, ferula illis erant meliora; cùm carnem, & omnem pinguedinem, oua, & caseum, & vinum omninò non gustassent. Indumenta verò eorum tam in æstate quàm in hyeme, cuculla & tunica, quæ rarissimè innouabantur. Caligis quoque utebantur vilibus, & calceamentis frequenter diùque diruptis manentibus & dissutis antequàm repararentur, quæ præ nimiam corij paupertate ligabant funiculis. O viri generosi & magni in sæculo ! Quis ad hæc loca arida & periculosa vos adduxit, nisi ille qui diues erat in cœlis, & pauper humilisque in terris in præsepio recubuit; cui vnumquemque vestrum felix mater vestra cùm produxisset in lucem, cum maximâ deuotione obtulit ! Quis ergo inseruit vobis animum, vt relinqueretis possessiones vestras, villas scilicet & castella, seruos & ancillas, cognatos & affines, coniuges & liberos; nisi ille qui Angelorum & Archangelorum conditor, humanam naturam assumpsit pro salute humani generis?

III. In illâ tantâ penuriâ de quâ suprà diximus, inter cæteras necessitates, sal die quadam defuit eis. Et vocauit sanctus Abbas vnum de fratribus suis, Guibertum nomine, dixitque ei; Fili Guiberte accipe asinum, & vade ad mundinas, & eme nobis salem. At ille respondit; Vbi est pretium? Ad quem homo Dei. Crede mihi, fili, quia nescio tempus, quòd aurum vel argentum habuerim. Sursum est enim qui habet peram meam, & thesauros meos in manibus suis. Tunc frater ille quasi subridens ait; Si vacuus perrexero: vacuus redibo. Cui ait Sanctus; Noli timere, fili mi, sed vade securus. Ille enim qui habet thesauros nostros, sicut iam dixi tibi, erit tecum in itinere, & præbebit omnia propter quæ mitto te. Ad hæc verba, sumptâ pij Patris benedictione, perrexit cum asino ad mundinas, ad castrum cui nomen Risnellum, plusquàm oportet incredulus. Sed pius & clemens Dominus non respexit suam incredulitatem, sed considerauit serui sui fidem, & tribuit ei omnem rem pro quâ missus fuerat. Itaque cum castro appropinquasset, & venisset ad quamdam villam, obuium habuit quemdam Presbyterum, qui salutauit eum, dicens; Vnde es, frater? aut quòd pergis? At ille respondens, exposuit ei diligenter itineris sui causam, & paupertatem loci, in quo habitabat Pater sanctus cum filiis suis. Quæ cum audisset Presbyter, vehementissimè compunctus est. Et duxit fratrem in domum suam, deditque illi medietatem modij salis, & quinquaginta solidos vel ampliùs, sicut sæpe narrare consueuerat idem Guibertus. Quibus acceptis, cœpit gratias agere Deo immensas, & dicere in animo suo; Procul dubio verus est sermo quem audiui à Patre

meo : sed in hoc peccaui erga eum peccato magno, quia ei non credidi, sed incredulus veni huic. Et valesaciens Presbytero, reuersus est ad monasterium : quod cum ingressus fuisset, cucurrit ad hominem Dei, & retulit ei omnia quæ sibi in viâ contigerant. Cui dixit Pater sanctus ; Dico tibi, fili, quia nulla res tam necessaria est omni Christiano quam fides. Habe ergo fidem, & benè tibi erit omnibus diebus vitæ tuæ. A die illâ & deinceps, tam frater ille quam alij, verba sancti Patris in maiori habuerunt reuerentiâ. O bone Iesu, fidem quam habuit iste Sanctus, quis enarrare potest ? Scio Domine, scio, & in me agnosco, quia hoc facere non possum. Si quis tamen super hoc sollicitus est, eat ad bibliothecam, & legat in Scripturis sanctis : quarum lectione plurimum dignoscere poterit, quàm caritativus fuerit Sanctus iste & timoratus, ut non offenderet erga Salvatorem suum. Ego enim in præsentî historiâ non suscepi laudes eius scribere, sed tantummodò quædam miraculorum siue operum mirabilium referre, quæ Dominus per eum mundo palàm facere dignatus est.

IV. QUIDAM de Clementiniprati fratribus adueniens, visitandi gratiâ nouellam Christi plantationem, honorificè susceptus est prout fieri potuit. Cui, qui in promptu erat, oblatus est dimidius panis auenaceus. Quo suscepto, & cum magnâ admiratione quia de tali viuerent, reportato ad Clementinumpratum, omnibus ibi habitantibus annunciauit seruorum Christi voluntariam in maximâ paupertate abstinentiam, in abstinentiâ patientiam, in egestate liberalitatem munificam. Statimque vehementer compuncti, & compaſcentes Clementini-

prati fratres, in eorum subsidium communiter assenserunt. Tunc Magister loci illius, Odo nomine, vir venerabilis, dilectus à Deo & hominibus, oneratis equis & asinis panes & cibaria in quadrigis detulit. Tunc verò à die illo usque in hodiernum diem, tanta fuit fraternitatis communio inter Claramuallem & Clementinum pratum, quòd quando fratres Clementini prati Claramuallem adueniebant, ita eis deferabatur, sicut vni Clareualensium in spiritalibus & humanis. Defunctis etiam vicissim reddebatur obsequium. In hunc modum pius Iesus magis ac magis providebat seruis suis.

V. ADVENT etiam mulier quxdam centum solidos afferens, quibus contexta est pedum eorum nuditas. Cunctis animalibus carebant, excepto asino quo Abbas ad visitationes suas deferabatur, lignaque ad necessitates comportabantur. Coacti verò fame, frigore, & alijs indigentijs Abbati suo conquesti sunt, quòd pro nimia paupertate discedere cogerentur. Quo audito Abbas, blandè ac leniter consolans eos, Dei timorem & amorem, spem quoque vitæ æternæ & remissionis diuinæ quantum potuit insinuauit. Illi verò maximè angustiat, & angustiat dolore multiplici, nullatenus volebant consentire, sed magis volebant Cistercium reuerti. Cumque vir Dei desperationem illorum vidisset, demum conuertit se ad orationem.

Quo facto, audiuit vocem de celo dicentem sibi coram omnibus: Surge Bernarde, exaudita est oratio tua. Quod cum audissent fratres, glorificauerunt Deum & Sanctum suum Bernardum: dixeruntque ad eum: Dic nobis, Pater, quid petisti à Domino. At ille respondit:

Quid vultis scire, modicæ fidei? State hic, & sciētis postea. Et cū fabularentur ad inuicem, modicum temporis indulgentes fabulis, non fabulis sed sermonibus sanctis, venit quidam & obtulit sancto Patri decem libras. Nec mora, Barrensis quidam, cuius filius vsque ad desperationem vitæ præ nihili aegritudine cogebatur, attulit ei tredecim libras, suppliciter postulans vt miseretur filij sui. Quem sanctus Abbas hilarem dimisit, pollicens filium suum sospitem ab eo inueniendum. Reuertens homo, inuenit filium suum sanitati restitutum, sicut promiserat vir Dei. Quā de causā, postmodum seruo Dei vberes gratias exsoluit. Modico tempore interiecto, copiose ac benignè Dei misericordia super hos respexit, vt abundantes æternis & temporalibus subsidijs nihil eis deesset in vllā gratiā, secundum illud: Nihil deest timentibus Deum.

Psal. 115. 102

VI. POST DVODECIM annos fames in partibus Burgundiæ exorta est adeò valida, vt homines membra propria penè consumerent. Eādem verò necessitate urgente, maxima multitudo pauperum ad portam Claraualis deuenit. Vnde pro tantā multitudine, sanctus Abbas & fratres eius inierunt consilium, & ex consulto duo millia acceperunt sub signaculo, quatinus & alijs eleemosyna daretur; sed minor. Non enim habebant substantiam vnde omnes sustentari possent vsque ad messera. Quā tamen pius Dominus sic multiplicauit, vt sufficeret eis post messem, trium scilicet mensium spatio. Acceperunt itaque duo pueri signaculum, matre eorum non accipiente. Quæ penitus ignorans quid faceret, cogitauit tandem quasi puerum pannis involutum

formare de ntusco , vt hac arte se ab inimitenti famis periculo redimeret. Quod & fecit. Accepit itaque aliquandiu hoc modo eleemosynam , donec dolus denique deprehensus est. Quâ imminutâ cum non sufficeret sibi quod accipiebat , postmodum tam famis angustia , quam morbo periclitans , de medio facta est. Quâ defunctâ sanctus Abbas prætergradiens , audiuit pueros ciulantes pro morte matris suæ , & vnumquemque ex itinerantibus causam planctus inquirere iussit. Pueri verò ordinem rei exposuerunt. Quo audito vir beatus locum subiens in quo corpus iacebat , ad orationem se prostravit. Quo orante , mulier tanquam á somno expergescens , cunctis videntibus & audientibus qui præsentibus astabant , vitæ reddita est ; gratias agens Deo & Sancto suo , cuius meritis & precibus ad vitam redierat ; prænunciens etiam quanta tormenta pro culpâ suâ sustinuisset.

VII. QVADAM die distribuebatur pauperibus in latere montis eleemosyna , pluuiâ ingruente. Vbi fortè Sanctus Dei assistens , manu eleuatâ , signum Crucis opposuit. Quo facto visa est pluuiâ á dextris & á sinistris inopinatum sui ipsius pati discidium , ita vt nec gutta quidem tangeret eos. Rursus tempore messis contigit hoc miraculum. Quadam nocte dormiens vir beatus monachis circumquaque dormientibus , audiuit Angelos in ecclesiâ voce clarâ & delectabili Deum collaudantes , & Beatam Virginem Mariam. Quos cum audisset , occultè surrexit , & pedetentim profectus est ad ecclesiam ; vt in proximo constitutus , videret manifestius quidnam esset. Vidit itaque Sanctam Dei Genitricem in medio duorum Angelorum , quorum vnus in manu suâ thuribulum aureum ,

aditum, alius incensum tenerè videbatur. Horum altero eum deducente, vir sanctus quasi à dextris Gloriosæ Virginis incedens, ad altare vsque peruenit. Vbi voce angelicâ audiuit decantari antiphonam, *Salve Regina*, ex integro vsque ad finem. Quam corde tenens, & postea scripsisse, atque Domino Papæ Eugenio transmisisse refertur, ut ex præcepto auctoritatis apostolicæ per Ecclesias sollemnis haberetur, in honore Beatæ & Gloriosæ Virginis Dei Genitricis Mariæ. Quod & factum est, ut adhuc plerique testantur. In dedicatione verò Ecclesiæ vir Deo dignus proposuit filiis suis sermonem valdè probabilem in Capitulo Claraualis; ostendens mirabiliter, illo suo modo admirabili, quid dedicationis tam sollemne mysterium prætenderet in rerum sacratarum superficie, & in actionibus consecrationis tam deuotæ. Quædam præterea verba retulit, quæ in ecclesiâ de recenti acciderant: Nunc, inquit, sancti Angeli sollemnizationi vestræ interfuerunt, & vos diuinitus in suæ curâ custodire susceperunt: adiungens etiam quædam verba quibus dabatur intelligi quòd antequàm lapidem lapidi in constructione superedificasset, idem locus designatus fuisset. Alio quidem tempore sedens in Capitulo Claraualis, dixit mirabile & valdè consolatorium verbum; verbum siquidem amabile, verbum gaudio plenum & consolatione, & valdè necessarium. Fortassis namque aliquis erat quem de recordatione transgressionum, & peccatorum suorum nimietate peniteret & paueret. Vnde, inquit, desolationem habetis, fratres, & filij mei? Dico vobis in veritate Christi, si ludas hic esset qui tradidit Deum, ubi vos estis; & ipse misericordiam consequeretur.

VIII. BVRGVNDIAM adibat, Comitem Forensensem & Comitem Viennæ pacificaturus. Transiens autem per quamdam villam, audiuit ab incolis loci illius, duas feras immanissimas, quæ vulgò dicuntur Varoli, in nemore proximo deservire. Quod cum audissent socij eius, rogauerunt eum regredi, quia malebant duabus dietis vel multò ampliùs diuertere, quàm se periculosè feris obijcere. Quibus nolens consentire, respondit, se nunquam diuertere tali causâ. Nec morâ; & ecce feræ progredientes in planum, occurrerunt eis terribili hiatu, quasi ad deuorandum. Quas ubi vident fratres, præ timore nimio cuncti mox ad sanctum virum fugerunt, latitantes circà eum, clamaueruntque vnâ voce; Pater sancte libera nos. At ille; Quid timidi estis modicæ fidei? Ad hanc vocem manu eleuatâ, signum Crucis feris opposuit. Quæ statim factæ sunt, tanquam lapides, tanquam nullam penitus habentes nocendi potestatem. Quo signo viso, omnes qui aderant, gratias exsoluerunt viro Dei immensas. Hoc verò audito, vicini valdè lætificati sunt: præ timore enim ferarum, egredi non audebant pauciores quàm duodecim. Proficiscens inde Sanctus Bernardus, venit ad dictos Comites. Qui cum pacem ab eis quæsisset, Forensis Comes ei humiliter consensit. Comes autem Viennæ, improbè refragatus est, dicens, quòd nunquam esset cum aduersario pacem habiturus, donec eum exulare coegisset. Collectoque exercitu terram illius aggressus est. Tunc Forensis Comes timore perterritus Sanctum Bernardum exorauit, quatinus ab omnipotente Deo victoriam impetraret. Beatus verò Bernardus victoriam ei confidenter promisit.

Hac fide confortatus hostes suos inuasit, cœpitque Comitum; & hostium tantum numerum prostravit, ut vix aliquis viuis euaderet. Huiusque victoriæ gratias reddidit Sancto Bernardo.

IX. QVADAM die sedens vir sanctus in suo Claræuallis Capitulo, fecit magnum & mirabilem sermonem. Dixitque inter cætera quoddam verbum, in quo omnes qui audierunt valdè lætati sunt. Non, inquit, expaueatis (vos qui præcepta mea tenetis) tormenta gehennæ, nec vos terreat labor quem sustinetis: dico enim vobis, si perseueraueritis usque in finem, in die iræ Domini, reddam animam meam pro animabus vestris. Quo audito fratres gratias exsoluerunt Deo immensas, qui talem Patrem dedit eis. Tunc verò à die illâ & deinceps, omnes qui hoc audierunt, firmiter eius præceptis obtemperauerunt. Et vos, dilectissimi, qui eum non vidistis, scrutari debetis eius præcepta, & illis diligenter obsequi, ut eius interuentu ad paradisi gaudia peruenire possitis. Vigilate igitur, & orate ne in tormenta veniatis: nam ille qui circuit quærens quem deuoret, quærit vos. Scit enim quia per eius instituta, Deo auxiliante liberati estis de manibus suis. Ait enim Apostolus; Sobrii estote, & vigilate, quia aduersarius vester diabolus, tanquam leo rugiens circuit quærens quem deuoret. 1. Pet. 5. 8.

X. MONACHVS quidam nomine Christianus, plantauit vineam in vertice montis, qui proximus est Claræuallis. Et venerunt fratres venerabilis Patris; Guido scilicet, & Gerardus, & excommunicauerunt eam: dixeruntque ei; Frater Christiane, ubi est mens tua, & ubi cor tuum? Quare non considerasti scripturam dicentem,

quoniam vinum non est monachorum? At ille; Vos fratres spirituales estis, & vinum bibere non vultis; ego peccator sum, & volo bibere vinum. Tunc dixit Girardus; Dico tibi, frater Christiane, non videbis fructum eius. Post hæc verba reuersi sunt in monasterium. Ille verò vineam suam fodit, & excoluit multis temporibus. Denique mortuus est, & non vidit fructum eius. Post multum verò temporis, venit custos vineæ ad Sanctum Bernardum, & dixit ei; Pater, vinea nostra anathema est, nec potest facere fructum. At ille. Quare fili? Respondit; Fratres tui excommunicauerunt eam, & deinceps fructum non fecit. Ait illi; Affer mihi aquam in pelui. At ille obtulit ei. Tunc vir sanctus fecit signum Crucis, & sanctificauit aquam. Vade, inquit, fili, & sparge per totam vineam. Recessit frater, & fecit iuxta præceptum Abbatis; & vinea creuit & multiplicata est, ita vt videntes mirarentur.

XI. DVM NAVIGARET aliquando per Ligurim, nauicula eius fortè concussit ponticulum, cui puer supererat: qui statim in fluium delapsus est, & necatus. Et excitati accurrerunt vicini, defunctum puerum plangentes: quem sanctus vir iussit sibi afferi. Eoque defuncto oblato, orauit Sanctus. Puer itaque videntibus cunctis qui aderant, & Deum vnâ voce collaudantibus, ad orationem Sancti statim suscitatus est. Tunc à die illâ & deinceps hominem Dei, vt patrem filius affectuosissimè diligens, postea profectus in Claramuallem, ibi Conuersus factus est; dictus Tescelinus Nascardus, quia de aquâ fuerat sublatuS, & piscatus sicut piscis.

XII. CVM PERTRANSIRET die quâdam

circà horam sextam vir venerabilis, sinagium de villâ cui nomen Columbeium in fossâ, inuenit fontem in itinere suo, à pecoribus conculcatum. Cumque ibi consisteret, iussit sibi & discipulis suis panem ministrari in eodem loco. Illi verò quia locus ille iphonestus videbatur, volebant potius in alium locum transire: dixeruntque ad hominem Dei; Non est, inquiunt, Pater, hic locus idoneus ad manducandum. Transcamus hinc, donec ad locum veniamus, vbi honestius manducare possimus: locus enim iste coinquinatus est à pecoribus, & iuxta viam quotidie tritam ab itinerantibus. Vir autem Domini noluit acquiescere sermonibus eorum. In proximo autem erant viri quidam magni nobilitate & opibus, qui obuiam occurrerunt ei de villâ predictâ, volentes eum ducere in domos suas. Qui nullatenus voluit eis assentire, præcipiens magis ac magis, in prædicto loco escas sibi præparari. Tunc verò vnus ex discipulis suis, Hemericus nomine, dixit ad eum. Quid est hoc, Pater, quod vis facere? quia hic locus fœtet, & à pecoribus est coinquinatus, & tu vis in eo manducare? Hunc igitur sermonem cum audisset vir Dei, vltra sustinere non potuit, sed aperuit os suum, & prophetare cœpit coram omnibus, dicens. Audite me, fratres, & qui mecum estis omnes. Dico vobis in verbo veritatis, quia veniet tempus in quo multi hunc locum requirent, vt in eo ab infirmitatibus varijs eurentur. Sanctus est locus, vtpotè à Domino sanctificatus. Hoc cum audissent discipuli, acceperunt panes & cibaria: comederuntque cum eo & alij multi: plures namque venerant obuiam ei, vt suprâ diximus. Tunc vir Dei eleuans manum suam, signo Crucis super fontem edito,

benedixit eum , & sanctificauit , dixitque ministris ; Haurite , propinate comedentibus. Ministri autem hauerunt aquam , & impleuerunt scyphos , & versa est in vinum : biberuntque omnes qui aderant , & gratias exsoluerunt Deo immensas , dicentes cum gaudio magno ; Verè homo iste sanctus est , verè Spiritus sanctus habitat in eo.

XIII. I G I T V R vir beatus post cibum , quemdam virum de prædictâ villâ , nomine Iohannem vocauit , qui diues & abundans erat valdè : præcepitque ei vt prædictum locum curaret , & à sordibus mundaret , & de lapidibus muniret , ne pecora illum coinquinarent. Adiecit etiam dicens ; Si hoc , inquit , adimplere nolueris , scias te ante obitum talem penuriam pati ; quòd in morte , ubi reuolui possis panniculum non habebis. Illo autem pigritante , immò nolente iussâ beati viri adimplere , res prout Sâctus ei prædixerat subsequuta est. Nam in morte , de totâ possessione suâ sudarium habere non potuit , iuxta verbum hominis Dei. Quis hæc sine Spiritu prophetiæ virum sanctum prædixisse dubitet ? Multa quoque dum adhuc viueret prophetauit , quæ in effectum succedere vidimus , longo tempore post gloriosum transitum eius. Nam de fonte prædicto , sicut prædixerat , multa euenerunt miracula. Nunc etiam , si cuiuspiam corporis membrum quolibet dolore grauatum , ex aquis fontis illius fidei deuotione fuerit perfusum , cognitum est à multis , in melius reformari. In potu quoque sumptæ , diuersarum infirmitatum incolumitati profunt. Nam & si quis febris graui laborans incommodo , inspirante Confessore Christi Bernardo , desiderium habuerit hauriendi , pro-

tinus vt hauserit cōualefcit, & ita exstinguitur vis febrium, ceu si videas super immensum rogam proiectis vndis vniuersa incendia repente exstingui. Tertianarum, quartanarum febrium ignibus accensis, vt potatæ fuerint, dolores compescunt.

XIV. FVIT VIR quidam religiosus, Odo nomne, cuius pars corporis per aliquantum tempus penē mansit emortua, adiacentis incommodi contractione. Is post mortem beati viri ad eundem fontem perrexit. Cumque eo infirmitatis locum perfudisset, sanus & incolumis redijt. Alius dolore capitis immaniter vexatus, & omnino sensu priuatus, fonte irrigatus sanatus est. Alius per septennium languerat, qui a parentibus ad sanctum fontem ductus, sospes factus est. Alius quidam, Suynus nomine, longo tempore febre quartanā laborauerat, qui potu fontis eiusdem sanitatem recepit. Quidam verò maximā infirmitate grauatus, cū gustasset de eādē aquā, vermiculus quidam similis locustæ, per os illius omnibus videntibus egressus est, & statim conualuit. Mutus etiam, vt aiunt qui viderunt, ad fontem venit, & loquelam recepit. Hæc & multa alia tā a nobis quā ab alijs visa, quibus non credere impium est, ne fortē narrationis prolixitate audientibus fastidium generetur, perstrinxisse sufficiat.

XV. IGITVR apud Barrum super Albam erant duæ feminae, quas duo dæmones vexabant. Deinde parentes adduxerunt eas ad hominem Dei in Claramuallem, vt ab eo curarentur. Et cū portæ Clarauallis appropinquassent, dixit vnus ex diabolis ad alterum diabolum per os mulieris; Oportet me exire dehac muliere. Quare, inquit alter dæmon, oportet fieri? Qui ait;

Bernardum, inquit, non possum videre, nec vocem eius audire. Cui ille; Quam ob rem? Qui ait; Cùm esset Bernardus in sæculo, volui eum tentare, & virginitatem eius auferre. Et cùm hoc facere tentarem, dixit mihi; Vade retrò satana. Adiuro te per Iesum, ne me lædas, nec me unquam videas. Et propter hanc coniurationem, oportet modò me exire. Et confestim egressus est de muliere, & sanata est ex illà horâ. Qui verò præsentes erant, laudantes Deum, dicebant; Verè sanctus est homo ille, & Spiritus sanctus habitat in eo. Et cùm hæc dicerent, venit seruus Dei ad portam, & narrauerunt ei omnia quæ audierant & viderant de his duobus dæmonibus. Quæ cùm audisset vir Dei, gratias agens Deo, dixit; Gratiâs tibi ago, Domine Iesu Christe, quia numquam dereliquisti me. Tu es Deus solus, tu facis mirabilia magna solus. Tu creasti cælum & terram, mare & omnia quæ in eis sunt. Exaudi Domine orationem meam, & clamor meus ad te veniat. Post hanc orationem conuersus ad alteram mulierem, dixit ad dæmonem; O dæmon inimice Dei, exi de feminâ. Ad hanc vocem egressus est de muliere, & sanata est ex illà horâ. Tunc omnes qui aderant, benedicentes Deum, gratias exsoluentes Sancto Bernardo immensas, dixerunt; Non est in hoc sæculo, & non fuit post Apostolos, qui posset facere quæ iste facit.

XVI. BEATVS BERNARDVS cùm esset die quâdam in cellâ suâ cum paucis discipulis, & vngeret sandalia sua secundum consuetudinem suam, apparuit ei diabolus in similitudinem monachi nigri, dicens ei; Abba, quomodò te habes. Ego de longinquis terris veni

veni ut te viderem, & te calceos vngentem inuenio. Non debuisses hoc facere, sed serui & ministri tui. Cui respondit vir Dei: Ego, inquit, seruos non habeo, nec volui vnumquam habere. Filios habeo, quos genui Christo per euangelium; qui mihi ministrant cum magnâ caritate & mansuetudine; & ego illos in veritate diligo, & viam regni cœlorum doceo, humilians meipsum exemplo summi magistri, dicentis: Qui se humiliat, exaltabitur. Ipse autem multimodâ humilitatis exhibitione, immò Luc. 14. 11. summè & præcipuè sese humiliando, nobis reliquit exemplum, ut sequamur vestigia eius. Imitando igitur Dominum meum, vilia & seruilia opera pro amore ipsius exequi, non tantum non grauat, sed & plurimum delectat. Vade, & dic Abbati tuo ut faciat similiter. Cui respondit diabolus; Da mihi sandalia ut vngam. Et respiciens eum vir beatus, cognouit Spiritu sancto reuelantè, quòd esset diabolus; & ait ad eum, cum indignatione insultando illi; Non est rectum, ut ille qui ab initio in summâ beatitudine & pulchritudine creatus fuit à Deo, vngat calceamenta mea, cum sim pulvis & cinis. Et adiecit; Vade retrò satana. Adiuro te per Iesum Christum, ne mihi vel filiis meis in aliquo noceas. Quò dicto statim transfigurauit se in similitudinem minuti animantis, cunctis videntibus qui aderant, & statim euanuit ab oculis eorum. Hæc narrare nobis solebat dominus Abbas Morensis, Girardus nomine, vir sanctus & verax in verbis suis: cuius verbis fidem non adhibere, quasi ipsi veritati repugnare est.

XVII. IGITUR cùm esset quadam die vir beatus in suo Clareuallensi Capitulo, facta est conquestio de

quodam monacho, qui scutellas in coquinâ, secundum Ordinis instituta, cum septimanarius esset, lauare negligebat. Ad quem vir sanctus; Fili, inquit, adeo negligens es, ubi maiorem deberes habere diligentiam. Ad hæc ille confusus, ineptum quiddam & puerile submurmurans, excusandi se gratiâ, vile & sordidum nimis esse dicebat coquinæ officium. Cui vir beatus respondit; Fili nunc quid non audiuiſti quid super hoc asseueret benedictæ institutionis nostræ promulgator Benedictus? Dicit etiam Apostolus, quod unusquisque recipiet secundum suum laborem. Et adiecit homo Dei, zelo sancto suggerente; O pessima superbia, peccati initium, radix omnium malorum! unde tibi permittitur contaminare quaecumque sacrosancti gregis mei particulam? Egre-
 1. Cor. 3. 8. dere, egredere Deo adiuuante: hinc tibi nusquam & nunquam locus. Fuge, refuge ad eum qui tecum & per te de cælo descendit. His dictis, iidem monachum taliter aggressus est; O miser homo, immo miserrime hominû, nisi tibi propicietur omnipotens! Vbi est mens tua? ubi est religio tua? Vide ne seductor humani generis in superstitionem trans-
 Luc. 14. 11. formeretur. Vnde tibi tanta tamque enormis negligentia? O quam periculosa, quam abominabilis exaltatio! Quare non attendis illud euangelicum; Qui se exaltat, humiliabitur? & ab oppositis, qui se humiliat, exaltabitur. Fili, audi sermonem meum. Dico tibi in verbo veritatis, testem proponens Deum & conscientiam meam, quod si ex radice veræ humilitatis huiusmodi humiliatio procederet, lucrum salubrius atque gloriosus operareris animæ tuæ, scutellas & cochlearia lauando, & cætera quæ ad officium coquinæ pertinent diligenter exequendo, quam

frequenter (prout plerisque contingit) assistendo siue ministrando altari. Labora, fili, labora, & in mansuetudine operare quod tibi secundum Ordinis instituta, & ordinem vicis tuæ iniunctum est. Quantò enim vilior erit labor tuus in conspectu filiorum hominum, tantò pretiosior erit in conspectu Angelorum. De cætero, secundum apostolicam traditionem laborare nos ex necessitate condecet. Air namque Apostolus; Qui non laborat, non manducet. Item idem de eodem; laboret unusquisque operando manibus suis quod bonum est. Et quid melius quàm seruire in commune fratribus suis? Eph. 4. 18. Hoc siquidem faciunt coquinæ hebdomadarij. Esto igitur, fili, esto promptus ad lauandum scutellas, sicut strenuus es ad manducandum quæ tibi in eis apponuntur. Labora, & sic securiùs manduca: scriptum est enim; Psal. 127. 2. Labores manum tuarum manducabis; beatus es, & benè tibi erit. Huiusmodi verbis sancti Patris, & ille in quem facta est iniectio de cætero correptus, & cæteri qui præfentes aderant, plurimùm ædificati fuerunt.



IN VITAM BEATI PETRI,
PRIORIS IULIACENSIS PVELLARVM
MONASTERII, ET MONACHI
MOLISMENSIS.

P R A E F A T I O.

DESCRIPSIMVS olim hanc Vitam ex codice monasterij Caritatis, diœcesis Bifontinz, Ordinis Cisterciensis, eamque postmodum cum codice Clareuallensi contulimus, in quo tamen decrat præfatio: atque horum codicum manus, auctorem proderi nobis visa est, ipsi de quo scribere, Beato PETRO supparem. Cum autem vero quam similem sit, Petrum hunc Stephani popularis sui (qui tertius Cisterciensium Abbas fuit) contubernalem, fuisse ex illis vno & viginti Molismensibus monachis, qui Cisterciensem inchoarunt familiam; vnum quoque ex illis qui Molisium cum Roberto Abbate post biennium redierunt; adeoque Petrus & Benedictinum & Cisterciensem Ordinem spectet; mirum videri potest, diem eius anniuerſariæ memoriæ consecratam, nullo in alterutrius Ordinis Martyrologio seu Menologio adscriptam reperiri: cum ad totius sanctitatis ornamenta nihil ei deſit; nisi fortè auctoritate apostolicâ vindicatus non est (de quo non constat); certè præcipuum locum mereri videatur inter Viros illustres non vindicatos, qualibus reserpsi sunt Benedictinorum & Cisterciensium Fasti. Verùm huius silentij ratio in promptu est, direptio Molismensis archiui, & Iuliacensis Parthenonis (cuius hodie, præter solum, & ædiculam cum virilis Prioratus titulo, nihil superest) excidium vetus; quibus casibus & Petri sacræ exuuiæ periire, & quicquid de illo in Kalendarijs aut Necrologijs adnotatum erat; adeo ut præter Vitam hanc velut è naufragio collectam, ad eum

pertinens appareat nihil. Quæ sanè Vita cò maioris est pretij quòd rarissima, & ne quidem Angelo Manrique Cisterciensium Annalium conditori nota, qui ea quæ de HVMBERGÆ siue HVMBELINÆ S. Bernardi sororis felici ad Superos transitu (ex his certè Beati Petri Gestis deriuata) retulit, ex Gallico scriptore Guillelmo Flamengo accepit, qui hac ipsâ B. Petri Vitâ vsuserat. Purius hauries, mi lector, ex fonte ipso. Sed aduerte capite XI. ad codicis Clareuallensis prauam lectionem, vbi Rex Philippus Theobaldi Campaniæ Comitis filiam, ex B. Petri varicinio vxorem duxisse legitur: falsè vtique; nam AALIS Theobaldi filia, vxor. tertia fuit Ludouici Regis VII. cognomento Iunioris, mater autem Philippi Augusti. Quare, Ludouici nomen ex codice Caritatis, in textu retinimus.



VITA
 SANCTI PETRI,
 PRIORIS
 IULIACENSIS
 PVELLARVM
 MONASTERII,
 ET MONACHI MOLISMENSIS.

PROLOGVS.



DVOTIESCVMQVE Sanctorum
 sollemnia aniuersario curriculo cele-
 bramus, aliqua ex eorum gestis ad
 vtilitatem fidei christianæ conueniētia,
 in Christi laudibus recitare debemus.
 Nam re, verā Christi muneris est quid-
 quid in Sanctis eius laudabile est. Denique laude San-
 ctorum eius desuescimus esse filij iux, & assuescimus
 esse filij misericordiæ: atque eisdem Sanctis, quibus
 merito actionis æquiparari nequimus, pro merito laudis
 ac venerationis ipsorum, ipsis interuenientibus assimi-
 lari vtumque valebimus. Participeſq; eorum recom-
 pensationis, diuinā fauente clementiā nos fore credimus,
 quorum diuam memoriam pro cultu celebrare satagi-

mus ; dum scilicet in veneratione iustorum eiusdem Domini capitis veneramur presentiam, qui ait *Qui accipit siquem misero, accipit eum qui misit illum.* Quem admodum ^{102n. 13. 10.} & in laude iustorum, eundem Dominū nos laudare non ambigimus, vt Propheta innuit dicens ; *Laudate Dominum in Sanctis eius.* ^{102l. 150.} Laudare igitur debemus viros gloriosos in generatione suā, homines magnos virtute, prudentiā prāditos ; quorum corpora quolibet sint occasu prāuenta, in pace tamen quiescunt, & nomina eorum viuunt in generationes generationum. Horum sapientiam, & populis narrare, & in Ecclesijs laudem eorum celebriter nunciare debemus ; Ex quorū collegio Beatum PETRUM Iuliaci Priorem luculentioribus prāconijs attollamus ; de cuius gestis & virtutibus plurima volumina conscribi potuissent, si non eius concōnobitas negligentix comes obsedisset desidīa. Illi enim secularibus curis irretiti, opus veneratione dignissimum silentio damnofo deprefere. Sed deuotæ ipsius filix, quibus Deo donante prāfuit, & inter quas defunctus sepulturam habuit, de Vitā ipsius pauca quæ superfuerunt fragmenta sibi collegerunt, quæ nos diuinā auxiliante gratiā, ne perirent, in codicellum redegimus ; vt in ore hominum, dulci commemoratione viuat in terris, quem cum Domino spirituum manifestè regnare constat in cœlis.

Explicit Prologus.

INCIPIT VITA.

I. **I**GITUR Beatus PETRVS Anglicæ regionis indigena, nobilibus parentibus secundū sæculi dignitatem procreatus est. Qui peractis infantix annis, libera-

Eccli 14 19.

lium artium studiis ingenio capaci cœpit dare laborem; quem per omne pueritiæ vel adolescentiæ tempus exercens, vsque ad virilem ætatem vberiori intentione mentem defixit. Tantâ igitur exercitatione discendi, diuinæ sapientiæ cibum hauriebat, vt quò magis replebatur, eò magis esuriret; sicut ipsa Dei Sapientia loquitur, dicens. *Qui edunt me, adhuc esurient, & qui bibunt me, adhuc sitient.* Ecclesiarum etiam conuentibus frequenter intererat, & quæcumque ibi ex diuinis Scripturis recitabantur, cordis armariolo recondebat; ita vt cùm recessisset, ea quæ didicerat, meditatione intentissimâ ruminare. Itaque adhuc in tenerâ ætate, cœpit in horreo cordis diuini seminis grana recondere, vt haberet gratiæ vasculum penès se, quo famelicum spiritum reficeret, aut vnde conseruis suis spiritualis tritici in tempore mensuram erogaret. Et cùm puer scholas cum pueris frequentaret, puerorum deuotans lasciuia; non oria appetens, sed propriæ vtilitati consulens, quodammodò se claustralem exhibebat magis quàm scholarem; ea libentissimè legens, quæ mores instruerent, nutrent deuotionem, mundi parerent contemptum, & cordi eius disciplinam imprimerent sanctitatis. Induerat sibi faciem disciplinam, & honestam totius corporis compositionem; ita vt eum amabilem cunctis, ac venerabilem redderent ea, quæ deforis in ipso apparebant, virtutum insignia: scilicet negligentior cultus corporis & vestium, sermo rarior, vultus hilarior, verecundior aspectus, incessus maturior, & continentia decus. Denique Euangelij magisterio se tradens, non surdus auditor, cœpit in pueritiâ ædificium boni operis in petrà firmiter collocare, quod in senectute feliciter consummauit.

II. Igitur

II. **I**GITVR Beatus PETRVS cor suum apponens ad legem vitæ & disciplinæ, cœpit intētissimè declinare à malo & facere bonum. Et meritò ; In his nempe duobus officijs vniuersa Lex pendet & Propheta. Et audiens Dominum in Euangelio vias vitæ demonstrantem, & dicentem ; *Qui non reliquerit patrem & matrem, fratres, & sorores, & omnia quæ habet, non potest meus esse discipulus ;* velut alter Abraham, de terrâ, & de cognatione suâ, & de domo patris sui peregrè proficisci deliberat : & post vtriusque genitoris decessum, fratribus & sorori unicæ valefaciens, relictis omnibus quæ habebat, Christum vocantem se sequutus est ; decantans in corde suo & dicens ; *Dirige Domine in conspectu tuo viam meam. Vias tuas Domine, demonstra mihi, & semitas tuas edoce me, Dirige me in veritate tuâ, & doce me quia tu es Deus Saluator meus, & te sustinui totâ die ; & illud ; Deduc me Domine, in viâ tuâ, & ingrediar in veritate tuâ : Letetur cor meum, vt timeat nomen tuum.* Itaque natali solo egressus, mari Anglico Deo gubernante transmissus, mente cœlum inhabitans, Beatus Petrus peregrinus & hospes deuenit in Gallias. Vbi aliquandiu demoratus, oratoria Sanctorum peragrans, Religiosorum frequentans consortia, non diebus, neque noctibus, à colloquijs diuinis & oratione cessabat : Demùm pius sanctorum locorum explorator, Burgundiæ partes subintrans, quemdam continentissimæ vitæ reperit adolescentem, natione Anglicum, Stephanum nomine, qui eodem desiderio ductus, quo & Petrus, in hanc se contulerat regionem ; Cuius vitam, & mores videns, & approbans Petrus, sese ei coniunxit familiarem & socium. Ambo igitur sanctę societatis inito fœdere comman-

Luc. 14. 46.

Psal. 1. 9.

Psal. 24.

V. 4. 5.

Psal. 25. 11

nentes, honore inuicem se præuenire contendebant, ab omni iniquitate & immunditiâ carnis impetum cohibentes, proprias concupiscentias interimentes, illicita desideria mactantes. Omni custodiâ seruabant corpus suum, scientes quoniam ex ipso vita procedit. Orationi adeo instanter inserviebant, ut quotidie psalterium ex integro alternatis versibus psallerent. Tandem diuiniûs inspirati, orationis gratiâ Romam profecti sunt; ubi Apostolorum Petri & Pauli introeuntes oratoria, vitulos labiorum & cordis hostiam oleo inîmæ deuotionis impinguatam, diuinæ maiestatis conspectui obtulerunt; Aliorum quoque Sanctorum peragantes ecclesias, ubique diuinas aures instantissimâ prece pulsabant, ubique holocaustum medullatum ex integro offerebant, pro minuendis suis suorumque piaculis, pro adipiscendis supemæ promissionis muneribus. Ut verò propriæ deuotioni satisfecere, Vrbe egressi, rursus in Burgundiam, vnde aduenerant reuersi sunt; & Domini providentiâ Molisimum peruenierunt. Ibi itaque comam capitis deponentes, & veste seculari in habitum religionis commutatâ, sese diuinis obsequijs ex toto mancipauerunt.

III. **B**EATVS igitur PETRVS monasterium ingressus, in omni conuersatione suâ, quasi Lucifer inter astra refulgens, instar magnæ lampadis emicuit. Perfectos amulabatur ad bonum: Sanctorum virtutes sibi proponebat ad exemplum: studebat se vas sanctificatum exhibere, ut habitatozem Deum in mentis suæ hospitio posset recipere. Non seminauit mala in sulcis iniustitiæ, nec messuit scandala fructus eorum. Erat velox ad audiendum, tardus autem ad loquendum, & tardus ad

iram. Nulla in eo radix auaritiæ, nullus superbiæ vel arrogantia tumor. Oris sui septa ab otioso & vano eloquio compescuit, à derogationibus perpetuo silentio abstinuit. Certis temporibus lectioni, certis instabat orationi: & quia consuetudo monasterij non admitteret, ut cum socio suo Stephano Psalterium percurreret, sicut in sæculo consueuerant, hanc sibi indixerunt legem, ut alter eorum quotidie medietatem Psalterij psalleret, alter verò reliquam medietatem compleret: quam consuetudinem Beatus Petrus ferè vsque in finem vitæ suæ retinuit.

QVODAM tempore cum Beatus Petrus, missus ab Abbate, in vnâ cellarum quæ ad abbatiam pertinent moraretur, accedit, ut nouella illa Cisterciensis plantatio, quæ populorum tumultum, & sæculi turbinem fugiens, in solitudine soli Deo vacare contendebat, Patre simul orbaretur & Pastore. Quæ ad matris pia suffragia recurrent, consilio virorum Deum timentium, prænominatum Stephanum regulariter in Abbatem sibi ordinavit. Pro cuius prosperitate & salute, Petrus in conspectu Domini deuotissimè assiduabat preces: & perpendens, amicum diuersis sollicitudinibus implicatum, Psalterij illam medietatem quæ se contingebat, non posse implere, totum sibi pro se & socio adimplendum egregius orator assumpsit. O virum caritate suffultum! ò verum Christi discipulum, & Apostoli imitorem, dicentis; *Alter alterius onera portate, et sic adimpleritis legem Christi!* Gal. 6. 2.

IV. CONTIGIT aliquando, ut vir Dei quorundam secularium causis impeditus, quotidianum reddere Psalterium plùs solito moraretur. Et ecce, post

horam sextam votiui debiti memor, secessit in quēdam
 feriatum & secretum locum; & ueniam pro negligentia
 petens, solitum cœpit psallere Psalterium. Cumq; illud
 maximâ ex parte compleisset, & versum illum (scilicet;
 Psal. 103. 30 *Emitte Spiritum tuum et creabuntur,*) pronunciaisset, vidit
 à sinistris adstantem eum qui se transfigurat in Angelum
 lucis: & accedens ad Petrum, codicem quem manu te-
 nebat, velut lecturus accepit: Et huc illucq; discurrens, &
 quædam ore putido submurmurans, serui Dei animum
 ab oratione impediēbat. Cumq; in eo diutius Petrus in-
 tenderet, ecce adstitit à dextris eius Angelus Domini,
 ante cuius conspectū malignus ille aufugit, & Psalterium
 quod indignus tenebat proiecit. Tunc Beatus Petrus ab
 Angelo lucis confortatus, vehemenūssimè flere cœpit;
 tum quia Dominus eum visitare dignatus sit, tum quia à
 maligno spiritu eum liberauerit. Ex quo tempore dis-
 cretionem spirituum possedit, & diuinis reuelationibus
 cœpit insigniri. Et ex eo tempore, orationi, lectioni, &
 contemplationi attentius operam dedit.

SOLLICITABATUR aliquando vir Dei pro quâ-
 dam sorore suâ, quam cum fratribus suis in sæculo
 dimiserat, orabatq; Deum vt Spiritum consilij illi tribue-
 ret. Quâdam igitur nocte, vidit se in visu duci ab An-
 gelo in patriam suam. Et introducens eum in quoddam
 cimiterium, ostendit ei recentem sepulturam, dicens;
 Hic sepultum est corpus sororis tuæ, anima verò eius Do-
 mino spirituum assistit: noli amodò sollicitus esse pro illâ.
 V. CVM apud Alemanniam, in cellâ Molisimensis
 Cœnobij quæ Ysodenges dicitur, Beatus Petrus
 adhuc nouitius moraretur, & pro sanctitatis merito ab

omnibus amaretur & veneraretur, accidit quemdam Præfectum nequissimum subitanè morte mori, cuius vxor virum Dei plurimùm diligebat: Quæ accurrens rogabat obnixè, vt pro viro suo Dominum exoraret. Cuius dolori Beatus Petrus compatiens, genua in oratione inclinauit, & deuotissimè orauit. Reuerfa autem mulier in domum suam, inuenit virum suum viuum, quem defunctum reliquerat, qui summo desiderio rogabat virum Dei ad se venire. Ad quem cùm Beatus Petrus venisset, confessus est inter cætera, quòd eum suspectum de vxore suâ habuisset. Sanctus autem Dei indixit ei pœnitentiam, & viaticum tradidit: Qui dispositâ domo suâ, tertiâ die migravit ad Dominum.

ALIO tempore cùm in Firmitate Galcherij idem Beatus maneret, & nocte Marci Papæ, libro aperto, candelâ accensâ, Matutinos cantaret, Psalmumq; *Deus laudem* reuolueret, astitit ei antiquus hostis, cantans Psal. 108. cum eo. Cumq; Sanctus irasceretur ei, eò quòd disturbaret eum, dixit ei malignus, Respice Petre, monachum qui in dormitorio furatur vestimenta fratrum. Respiciens ergo Sanctus Dei, licèt muris interpositis, spiritalibus oculis intuitus est furem, cuncta quæ rapere poterat asportantem; egressumq; de monasterio, cum his quæ abstulerat, in tuto loco latitantem. Ad quæ cùm Beatus Petrus intenderet, accidit diabolicâ fraude, vt candela quam manu tenebat, super librum corrueret, & folium libri concremaret: quod vsque hodie in approbationem miraculi demonstratur. Percantatis autem Matutinis, redeuntes fratres ad lecta sua, & quæ ibi reliquerant vestimenta minimè reperientes, turbati sunt; & ad virum

Dei concurrentes ; sua furto esse sublata conqueſti ſunt. Ille verò annuit eis , vt vſque manè ſilerent ; Die autem facto narrauit eis quæ nocte viderat , & vbi fur , cum eis quæ abſtulerat , lateret , indicauit. Qui abeuntes inuenerunt omnia , ſicut vir Dei prædixerat.

VI. **I**N eâdem cellâ , clericus quidam , cui à Priore denarij debebantur , furatus eſt calices & thuribula monaſterij , & in vicino loco abſcondit. Quod cùm cognouiſſent monachi , multùm diuſq; quæſierunt , nec inuenire potuerunt : vnde conturbati , ad virum Dei venerunt ; & velut à Prophetâ , ab eo reſponſum quæſierunt. Ille autem dixit eis ; Ego vobis vbi ſit indicabo , ſi eum mihi reddideritis illaſum. Quod cùm ei promiſſent , vbi lateret fur , indicauit : illi verò euntes , quæ perdiderant inuenerunt , & furem ad virum Dei , ſicut promiſerant , adduxerunt intactum. Ipſe verò eum paternè corripuit , caritatiuè refecit , & in pace dimiſit.

DE C O Q V E B A N T V R aliquando piſa ad reſectiorem fratrum : Et aduocans Petrum quidam de monachis , præcepit vt concitè piſa puraret. Petrus verò , qui obedientiam certatim tam maioribus , quàm minoribus exhibere conſueuerat , nihil cunctatus , accepit ollam feruentem nudis manibus , & eiecit aquam ardorem non ſentens : obedientiâque ſe protegente , vtraque manus apparuit illaſa. Monachus autem qui hæc ei iuſſerat , videns quòd non ſenſiſſet incendium , pœnitens quòd malè egiſſet , pedibus eius aduolutus , veniam ab eo poſtulauit. O quàm merito ignis materialis eum non nocuit , cuius mentem contra omnem concupiſcentiam carnalem , munierat gratia Spiritus ſancti.

QVIDAM puer, eius familiaris, subitâ infirmitate præuentus, toto corpore intumuit. Qui veniens ad eum, sibi postulat subueniri. Cuius dolori homo Dei compassus, orationem fudit, & quædam Christi nomina ei in potu temperauit: quem potum cùm haurisset, statim sanus factus est.

VII. **D**IVINIS reuelationibus ità constat fuisse insignitum, vt de facili prædixerit multotiens, quid in longinquis regionibus ageretur; Cùm enim Dominus Firmitatis Galcherij, Helias nomine, Hierosolymam adisset, & mater eius pio affectu orationibus & eleemosynis pro eo insisteret, quâdam die solito tristior venit ad virum Dei, sciscitans qualiter ageretur circa filium suum. Sciebat enim virum spiritalem, de absentibus veram notitiam habere. Sed inuenit eum in oratione positum, & in extasi raptum. Cumq; eum tertio pulsasset, nec à dulcedine contemplationis eum auellere posset, ad propria redire festinabat. Cui cùm Prior domus obuissset, audissetq; ab eâ causam tristitiæ suæ; volens eam consolari, secum redire coëgit: & inueniens virum Dei adhuc in oratione positum, dixit ei; Frater Petre, præcipio tibi in nomine obedientiæ, vt huic Dominiæ dicas quid tibi Dominus reuelauerit de filio suo. Qui quasi de somno euigilans, respondit; Nisi tam citò me à visione reuocassetis, penitus scissem omnia quæ circa illum aguntur; scitote tamen quia iacet in mari de febre acutâ, & modò terminauit: & quæritur ei gallina ad manducandum, quæ vno aureo eis venditur; & de infirmitate conualecens, in proximo veniet, & tibi pecten eburneum, mihi verò scyphum optimum deferet. Recessit matrona audita

responsione viri Dei ; nec est fraudata à desiderio suo ; nam modico tempore euoluto , secundum quod audierat , filium suum sanum , & incolumem recepit.

VII. **Q**UOD AM tempore , idem Sanctus , Tertiâ celebratâ , in oratorio remansit , vt oraret. Quidam verò monachus , præteriens ante eum , intuitus est eum in oratione ridentem. Quâ completâ , quæsiuit secretò ab eo monachus , quare in oratione risisset : ipse verò volens secretum suum latere , dixit ei ; Ab hodie in vnum annum dicam tibi. Euoluto autem anno , redijt monachus , & dixit ei ; Rogo (Pater) imple quod promissisti : annus iam præterijt : eia , dicito , quare in oratione risisti : Cui ait ; Horâ Tertiâ expletâ , remanserunt duò fratres in sedilibus suis , verbis vanis , & otiosis intendentes. Vidi ergo dæmonem , retrò altare iuxta parietem , sedentē & scribentem scurrilitates , & verba otiosa quæ loquebantur. Dum verò deliberarent surgere , & regulares Horas cantare , (tertio enim id fecerunt) hebetatus diabolus ignorabat quid ageret , vel quid scriberet. Tandem surgentes , & orationi operam dantes , pœnituerunt coram Deo , eò quod malè egissent. Cumque diabolus vidisset , tantas negligentias tam parvâ satisfactione esse deletas , indignâs & furore plenas , chartam quam scripserat , manibus & dentibus discerpens , adeò fortiter traxit , quod ceruicem suam retrò percussit ad parietem , & validè allisit. Hac , inquit , de causâ me ridere vidisti.

ALIO tempore præteriens quidam frater ante illum , vidit eum abigere à se quosdam spiritus inuisibiles , & in despectu illorum festucas detruncare : inde alios ad se vocare , assurgere , & congratulari. Oratione autem completâ ,

completâ, interrogauit eum frater ille, quid hoc feciſſet. Cui Sanctus; Illi, inquit, ſpiritus quos abiiciebam, dæmones erant, volentes impedire orationem meam; & illi quibus applaudebam, Angeli ſancti erant, qui me conſolabantur.

No c t u quâdam, dum poſt Matutinos orationi vacaret, apparuit ei anima Abbatis Nigellæ, benedictionem, & orationum ſuffragia poſtulanſ ab eo; eadem quippe horâ migrauerat à corpore; Ipſe autem eam deuotiſſimè Deo, cui omnia viuunt, commendauit: manè factò, indicauit Priori, & fratribus, quòd Abbas Nigellæ migrauerit à ſæculo. Qui ad monaſterium prædictum mittentes, inuenerunt Abbatem eadem horâ defunctum fuiſſe, quâ viro ſancto apparuerat anima ipſius. His & alijs quàm multis virtutibus, Beatus Petrus longè lateq; celeberrimus habebatur.

IX. **I**N territorio Lingonenſi exſtat monaſterium feminarum famoſiſſimum, quod Iuliacum à Iulio Cæſare dictum eſt. Huius monaſterij ſacraſſimus conuentus, Patre ſpiritali orbatus, ab Abbate Molifinenſi (ad què locus ipſe pertinet) Beatum Petrum ſibi in Paſtorem dari ſummis votis efflagitare cupièſ cum Sancto ſanctus eſſe, & cum viro innocente innocenter viuere, Verùm Abbas Guido, qui tunc Molifinenſi præerat Eccleſiæ, petitioni huic noluit præbere aſſenſum; loco illi volens præficere alterum. Tandem verò illuſtris Comitſ Theobaldi, & Andreæ Domini Baldementi precibus deuictus, conceſſit, & eum ad ſe venire concitè præcepit. Qui vicino pede obedientiæ iter arripuit, & verſus Molifinum ire feſtinauit. Et cùm die iam inclinâtâ, ad vadum Riceij,

(qui locus à Molisimis duobus milliarijs distat) venisset, & transuadare voluisset, incurrit in gurgitem, qui fundum non habere dicitur: in quo mox vt puer eius pedem posuit, aquis interceptus non comparuit. Quod cum vidisset vir Dei, manu sanctâ eleuatâ, signum Crucis edidit & statim famulus emerfit, & alacriter cum illo ad ripam transiuit. Tunc obuius factus est ei Robertus Miles, eiusdem loci Dominus, qui viri Dei præsentiâ lætus effectus, in domum suam deduxit, & splendide refecit. Videns verò puerum eius madidum, interrogauit per quem locum transuadasset. Vir autem Dei narrauit qualiter periculum euasisset. Stupefactus Miles gratias egit Deo, qui Sanctum suum liberauerat; asserens, quòd nemo vnquam per locum illum transisset. Die autem sequenti venit Molisimum; & commissa est ei ab Abbate cura & prouidentia Iuliacenſis Ecclesiæ. Ad quod veniens, velut Angelus Domini de cœlo missus, cum gaudio & deuotione susceptus est. Ingressus est itaque Iacob noster tabernaculum suæ Rachelis; ingressus est in locum tabernaculi admirabilis, & vsque ad domum Dei sui. Sic sic coniuncta est humilitatis viola rosæ pœnitentiæ & martyrij, & lilijs pudicitæ & virginitatis, quæ plantauerat in horto Iuliaci dextera hortulani cœlestis. Nempe floribus Iuleij nec rosæ, nec lilia desunt. Sic sic recordatus Dominus misericordiæ suæ, & veritatis suæ, secundum quòd promiserat per Prophetam, dedit in solitudine spinam, & cedrum, myrtum & lignum oliuæ. Spinam nempe se exhibuit Beatus Petrus, peccatores redarguendo; cedrum, cœlestia contemplando; myrtum, infirmis compatiendo; oliuam, misericordiam miseris impen-

dendo. Itaque Beatus Petrus locum ſibi à Deo prædeſtinatum ingreſſus, proficiebat de virtute in virtutem, de virtute actionis in virtutem conſurgens contemplationis. Tantam denique gratiam Dominus ſeruo ſuo contulerat, vt multotiens, tanquam verus Propheta, quæ futura erant, indubitanter enunciaret. Si quis quoque peccata ſua illi confiteri voluiſſet, aliquodque peccatum oblitus fortè fuiſſet, ille Spiritu ſancto præſcius, in continenti reuelabar.

X. **I**NFIRMATA eſt aliquando quædam ſanctimonialis in prædicto monaſterio, & infirmitas eius ad mortem. Quæ conſeſſa viro Dei peccata ſua, vnum per negligentiam oblita fuit confiteri delictum. Quod Beato Petro non poſt multum tempus reuelatum eſt, cum pro animâ illius oraret. Quadam verò nocte ei apparuit præſata monialis, cum tanto clamore conſitens peccatum ſuum, vt vir Dei æſtimaret, illam auditam fuiſſe ab omnibus qui aderant. Sanctus autem indixit ei pœnitentiam tanquam ſi adhuc viueret, ſeptem ſcilicet pœnitentiales Pſalmos, quos ipſe pro animâ eius recitauit coram Deo cum tantâ cordis compunctione, vt riuus lacrymarum eius, omnibus manifeſtaret vbi in orationem procubuſſet.

FECIT ergo ſibi oratorium iuxta eccleſiam, in cimiterio; vbi orationi, & contemplationi, vigilijs, & ieiunijs vacabat die ac nocte: veniebantque frequenter ad eum animæ pœnitentium, orationum ſuffragia depoſcentes. Ibi quoque viſione & colloquio ſanctorum fruebatur Angelorum, qui eum ſæpiſſimè de cœleſtibus inſtruebant, & futura prædicebant.

CUM sancta HVMBERGA soror Beati BERNARDI qui primus Abbas Clarauallis existit, longâ infirmitate fessa, finem vitæ præstolaretur, venerunt ad eum fratres sui, & alij quamplures religiosi viri, cupientes eius sanctissimo transitui interesse. Inter quos aderat Beatus Petrus : qui tertiâ die, post Completorium visitans eam, & videns quòd nondum migraret, benedicens ac signans eam, cubitum reuertebatur cum Vincentio Capellano suo. Obuius ergo factus est ei Angelus Domini, in locutorio claustrî, dicens; Reuerte cito, quia modò migrabit sancta illa anima de corpore. Respondit ei Sanctus; Quid faciam, quia foris sunt religiosi viri, qui ad hoc venerunt, vt videant finem eius, & iam dormiunt. Cui Angelus; Ego, inquit, vadam excitare illos, tu cito reuerte. Regressus ergo Angelus Domini, percussit super tabulam tam valide, vt qui obdormierant, excitarentur, & tremefacti surgerent. Concurrentes igitur ad videndum sanctæ animæ illius egressum, deuotissimè conuenerunt.

XI. IGITUR beati viri fama per vniuersam Burgundiam crescebat; ita vt multi ad eum nobiles viri, ac femine benedictionis gratiâ conuenirent. Inter quos aduenit quædam nobilis matrona, vt confiteretur peccata sua; quam sequebatur canis niger, quem nemo videbat nisi solummodò Pater sanctus. Quæ cum peccata confiteretur, percussit eam virgâ Sanctus Dei, pœnitentiamque iniunxit; ac sic dæmon qui in similitudinem canis videbatur, disparuit.

SED ille magnus, ac venerabilis Theobaldus, Comes Campaniæ, cum magno apparatu venit ad eum, orans, & petens benedictionē ab eo. Et cum ab eo latus disces-

fisset, misit denuò ad eum uxorem suam in utero habentem: quam cum Sanctus intuitus fuisset, denunciavit ei, quòd filiam pareret, quæ Franciæ Domina futura esset. Quod postea factum est: nam gloriosus Rex Ludouicus, * illam duxit uxorem, & secundum verbum viri Dei, dominium regni obtinuit.

*Clar. Philippus. VI. de praefationem.

SED, & illud non prætereundum, quòd sanctis altari-
bus insistentibus, sæpè visus est nonnullis, quasi cubitum à terrâ in sublime eleuari: Angelorum sine dubio manibus sustentatus, quorum vitam in terris positus imitabatur.

QVIDAM Conuersus, Geraldus nomine, de alto corruens, totus corpore comminutus exanimatus est: Cuius corpus in sacco posuerunt, & Beato Petro obtulerunt. Qui lacrymis & orationibus ad eum fufus, vitam ei & sanitatem obtinuit.

DE quodam sanctæ Parasceues, post peracta sollemnia, Vincentius Capellanus eius dixit ei: Vidi hodie, serue Dei, dum sancta mysteria celebrares, lumen splendidum circà te fulgere, & cereos clariori quàm solent igne rutilare. Cui Sanctus: Præcipio tibi, ait, in nomine obedientiæ, vt quamdiu vixero, hæc nemini loquaris. Iam quippe hominum gloriam deuitabat, quòd virtutes suas vt vitia latere volebat.

XII. CVM igitur Beatus Petrus, quamplurimis virtutibus atque miraculis effulisset, auctore Deo, de eo aliquid melius disponente, cecidit in infirmitatem, quâ & mortuus est. Tunc frequenter vocabat ad se virgines quibus præerat, consolans eas, & docens de regno Dei. Audientes autem eum agrotare plurimi viri religiosi,

conuenerunt ad eum; inter quos fuit Hatto Prior Molis-
mensis, qui cum eo mansit quamdiu superuixit.

QVADAM ergo die, dum idem Hatto intraret ad
eum, vidit omne cubiculum, in quo iacebat, claritate
nimia splendere: quæ statim ut idem vir pedem intro-
misit, disparuit. Qui cum requisisset ab eo causam
claritatis, respondit; Gratias ago Deo meo, qui mihi
præbuit testimonium visionis meæ. Angelus enim
Domini astitit mihi; præcipiens ut mandem Comiti
Theobaldo, ne transeat mare, abiens in Angliam, acci-
pere sibi regnum; quia non est eià Deo prædestinatum.

AUDIENS autem Comes Theobaldus, quod ægro-
taret homo Dei, misit ad eum Capellanium suum visi-
tationis gratiã; per quem vir Dei mandauit ei multa se-
creta; prædicens ei, quod cum Rege Francorum guer-
ram post paucos annos haberet, de quâ victor existeret,
si Ecclesias, & res earum ab inuasiõne custodiret.

INTERVM cum quadam die intraret ad eum prædictus
Hatto, increpauit eum vir Dei, & dixit; Quare tam
citò ingressus es? Tres virgines, nuper in hac domo
defunctæ, super torale monasterij stabant modò ante me,
tenentes in manibus ramos & flores suaueolentes; & lo-
quebantur mecum de secretis cœlestibus, & gloriã vitæ
æternæ. Post hæc in exta si raptus est, & dixit se vidisse
duos Angelos, tenentes vexillum Crucis in manibus, &
cantantes; *Popule meus.* Deinde subiunxit se vidisse
dæmones, sagittas igneas contrà se iacentes, & è con-
trario sanctos Angelos sagittas lucis emittentes, & sagittas
diaboli extinguentes.

XIII. **V**T VERO diem ultimum sibi imminere sensit, conuocans ad se filias, quas in Christo genuerat, hortabatur eas ad perseverantiam, ad temptationum tolerantiam; dicens, quia per multas tribulationes intratur in regnum cœlorum. Cumque filix eius spiritales coram eo flerent, rogarentque eum ut vitam sibi à Domino, usque ad tempus impetraret, dulciter consolans eas, respondit; Carissimæ filix meæ, nolite impedire desiderium meum; quia si modò non obiero, ad festiuitatē Sancti Iohannis non habebitis me præsentem: si verò inter vos migrauerò, scitote quia pro vobis ante Deum intercessor existam. Sed & hoc de Dei misericordiâ confisus promitto, quòd nulla ex his quibus dedi velum, amittet regnum cœlorum. Post hæc præfatus Hatto eum monuit quatinus secundum morem Religiosorum, redderet claues prioratus sui antequàm obiret. Qui respondit; Nequaquam; sed feram prioratum meum ante Deum, eroque pro illis intercessor, quas curæ meæ commisit Dominus: & protegam locum hunc, & habitatores eius. Et quia tempus meæ resolutionis instat, oleo sancto, secundum morem inungere me festinate. Itaque olei sancti vnctione perunctus, & Corporis dominici perceptione munitus, familiæ suæ ultimùm valefaciens, simulque benedicens, Beatus Petrus plenus sanctitate, & clarus miraculis, de exilio ad regnum, de terrâ ad cœlum, & de corpore feliciter migravit ad Christum. Cuius corpus Molismenses monachi transferre disponebant, ut apud Molisum sepeliretur; donec dispositione diuinâ per manum Henrici secretarij lugubri conuentui sanctimonialiũ clanculò redditum est.

Quod illar, velut mannâ de cœlo excipientes, super illud irruentes lacrymis rigare contendebant; plangentes se amisisse Pastorem piissimum, qui tactu suo illas sanabat, orationibus Deo reconciliabat, colloquio fouebat, meritis protegebat. Celebratis igitur circâ corpus de more vigilijs, post peracta Missarum sollemnia, cum maximo honore, à viris Religiosis, iuxta altare sanctæ Dei Genitricis, semperque Virginis Mariæ tumulatur; vbi florent orationes eius, atque beneficia, præstante Domino nostro Iesu Christo, cui est honor & gloria in sæcula sæculorum Amen.

XIV. **P**OST transitum Beati PETRI Prioris Iuliaci, cœperunt multi vtriusque sexus, ad eius tumulum concurrere, optantes eius meritis peccatorum indulgentiam adipisci, & infirmitatum variarum consequi sanitatem. Puer ergo quidam in officijs monasterij deputatus, diabolo instigante sensum amisit; qui cum magno labore, ad Sancti Petri sepulcrum adductus, mox vt ibi quieuit, sensu recuperato, ad propria gaudens & hilaris remeavit.

MVLIER quædam è vicino, sensu similiter priuata, adducta ad sepulcrum Patris sancti, mox vt illud tetigit sanata est.

QVÆDAM monialis Iuleij, Prisca nomine, cum pomum comederet, quoddam frustum eiusdem pomi adhæsit in gutture eius; ita vt nec sursum, nec deorsum declinare posset. Quæ cum periclitaretur, ducta est ad bustum beati viri: & statim exspuit particulam illam pomi, & liberata est.

PETRVS Maior Castellionis, correptus validis febribus

bribus, venit Iuliacum, qui cū subter tumulum Sancti dormisset, sanitati redditus est.

HENRICVS Capellanus de Fontanis, exhaustus validissimis febribus, sperans ibi vitam finire, fecit se portare Iuliacum. Qui cū ad tumbam Sancti venisset, & quieuisset, redditus est sanitati: in crastinum verò cū Missarum sollemnia celebrasset, latus remeavit ad propria.

QVIDAM vir de viciniâ Iuliaci, à dæmone arreptus, vlulabat vt lupo, rugiebat vt leone, vt bos mugiebat: & omnium imitabatur voces bestiarum: qui vix à pluribus hominibus ligatus, ad sancti viri memoriam adductus est: ibique diu quasi canis latrans, & seipsum discerpens, & inania loquens: tandem meritis serui Dei, post paucos dies à dæmone liberatus, donum salutis adeptus, Dominum glorificans, ad propria remeavit.

XV. **A**RCHEMBAVDVS de Rauerijs, habebat nodum infirmitatis in guttore, ita vt nullum liquorem glutire posset. Diuturno itaque ieiunio afflictus, mortis periculum metuens, tumulum viri Dei, eius beneficia exposcens, deuotus adiit: & cū ibi modicum soporatus quieuisset, expergefactus, infirmitatem illam cum sanguine exspuens, ad propria cum salute reuersus est.

RAYNALDVS Presbyter de Saniueio, insanus; & diabolo plenus, clamans, & vlulans, & blasphemias loquens, ad bustum viri Dei adductus est. Qui paucis diebus demoratus ibi, Beati Petri orationibus sanitati redditus est.

PVER quidam de Molismis, latrocinio deprehensus, missus est in boias vt in crastinum suspenderetur. Qui tota

nocte inuocans auxilium Beati Petri, manè liberatus est, & glorificabat Deum.

DOMINA Caelina de Barro super Albam, venit Iuliacum cum oblationibus: Sancti sepulcrum adiens, pro sospitate cuiusdam neptis suæ orabat (erat enim officio eundi priuata.) Cùm autem reuersa fuisset in domum suam, inuēnit neptim suam ambulantem; & interrogans cognouit, quia die illâ & horâ conualuerat, quâ apud Iuliacum posita, beato viro illam vouerat.

DIE Apostolorum Petri & Pauli, puer quidam de grangijs Iuliaci, manè surgens, antiquum hostem obuiam habuit; qui paulatim ei visus est crescere, & caput suum vsque ad nubes porrigere: & arripens puerum, nitbatur eum trahere ad se. Exterritus autem puer, & sine sensu factus, retraxit ad se manum suam; quæ adhæsit ei retrò post dorsum, ita vt nec mouere manum vel brachium posset. Adductus ergo ad Beati Petri memoriam, statim vt ibi dormiuit, manus & brachij sui officium recepit.

MATRONA quædam per singulos annos, in anniuersario beati viri, Conuentum Iuliaci pascere consueuerat. Quodam verò anno, cùm præfata dies immineret, præcepit ministro suo vt videret si in arcâ tantum frumenti esset, quantum ad refectionem Dominarum sufficere potuisset. Qui reuersus nunciauit non haberi in arcâ plus quàm vnum cartallum de frumento. Quod illa audiens, valde tristis effecta est. Casu autem in crastinum abiit ad arcam, & inuēnit eam frumento plenam. Quæ lætior effecta, anniuersariū Beati Petri deuotissimè celebrauit, cuius meritis repererat in arcâ suâ abundantiam frumenti.

QUÆDAM mulier non longè à monasterio habitans, habebat filium paruulum; cui irata dixit; Diabolo te commendo, puerorum infelicissime. Antiquus verò hostis, ad vocem matris manum pueri arripens, cœpit eum trahere ad se. Quod puer sentiens, manum suam ad se perterritus retraxit; quæ tam firmiter pectori eius adhaesit, vt inde nullo modo posset auelli. Quod videns mater eius, flens, & eiulans, adduxit eum ad beati viri sepulturam. Qui mox vt ibi dormiuit, manus læsæ sanitatem recepit.



De anno & die obitus Beati Petri Iuliacensis Prioris,

OBSERVATIO.

DIEM anniuersarium quondam celebrem, Natalis B. PETRI Iuliacensis, notatum haberemus in Iuliacensi Martyrologio seu Necrologio, si quod reliquum fecissent tumultus bellici, quibus ipsum etiam Iuliacum monasterium funditus euersum est. Coniectura tantum superest ex eius Vitæ capite XIII; vbi morti proximus, adstantes suas in spiritu filias, quarum precibus detinebatur in languido corpore, sic alloquutus refertur. *Carissima filia mea, nolite impedire desiderium meum; quia si modò non obiero, ad festiuitatem Sancti Iohannis non habebitis me presentem.* Ipsa igitur eius festi vigilia, adeoque die mensis Iunii XXIII. videtur ad Superos emigrasse.

Annum obitus ex eius Vitæ capite XII. deprehendimus; vbi ex ultimâ agitudine decumbens, Hattonem Priorem Molisemensem sic alloquitur; *Angelus Domini astitit mihi, pra-*

ciens ut mandem Comiti Theobaldo, ne transeat mare, abiens in Angliam accipere sibi regnum; quia non est ei à Deo prædestinatum. Obierat sine legitimâ prole masculâ Rex Anglorum Henricus I. anno Christi 1135. Kalendis Decembris, quæ tum in Dominicam incurrebant, ut notat Ordericus Vitalis libro Historiæ XIII. Regis soror Adela, Stephano Blesensî Comiti Theobaldum & Stephanum genuerat. Horum minor natu Stephanus vacuum auunculi sui regnum inuaserat; magnòque omnium ordinum consensu, Londoniæ à Guillelmo Cantuariensî Archiepiscopo Rex susceptus & coronatus fuerat, XVIII. Kalendas Ianuarij. Pupugit scilicet hæc rerum mutatio, Stephani noui Regis fratrem priùs genitum Theobaldum, cognomento Magnum, rei politicæ pariter & militaris scientissimum; qui cum auunculo suo Henrico Anglorum Rege iunctis viribus, Ludouici Grossi regnum Francicum non semel peruaserat, ut refert Sugerius in Grossi Vitâ. Dum ergo transitum in Angliam cum exercitu meditatur Theobaldus, ecce admonetur Beati Petri Iuliacensis nomine, ratum ac placitum Deo esse ut eius expeditionis consiliium deponat. Videtur hoc spectasse Ordericus, cum ait libro illo XIII; Normanni autem Tedbaldum fratrem eius (nempe Stephanum iam tum Regis) apud Nonumburgum conuenientes, sibi præferre voluerunt. Sed in ipso conuentu, à quodam monacho qui Stephani Legatus erat, audierunt quòd omnes Angli Stephanum suscepissent; eique obedire, eumque sibi Regem præficere vellent. Mox omnes annuente Tedbaldo decreuerunt vni domino militare, propter honores quos in utrâque Barones possidebant regione. Tedbaldus igitur, cum maior natu esset, indignatus quòd regnum non habuerit, ad magna negotia qua in Gallijs eum urgebant, festinauit.

Ex his igitur Beatum PETRUM anno Christi 1136. & quidem mensis Iunij die XXIII. è viujs abiisse statuimus. Vnde videre est, longè à scopo aberrasse Angelum Manrique in Annalibus Cisterciensibus, anno Christi 1141. cap. 4. numero 1. vbi ait vixisse adhuc Humbelinam S. Bernardi sororem anno 1140, & haud procul anno 1141. piè in Domino obdormiuisse.

Nam qui ei morienti adfuit Pétrus Prior, ſi obiit Iunio anni 1136. quomodo illa quinto poſt anno adhuc in viuis fuit ? Scio obijci poſſe ex Orderico Vitali, libro XIII. delatum fuiſſe Theobaldo Comiti regnum Angliæ cum Normanniæ Ducatu, anno 1141. cùm frater eius Stephanus Anglorum Rex in cuſtodiam teneretur : quod ille regnum ſi B. Petri monitu adire noluit, nihil erit quodd Annales Ciſterciennes de Humbelinæ tranſitu circa annum illum aſſignato redarguantur : nec B. Petri obitus in anno 1136. erit deſigendus. Pugnauit certè, captuſque eſt rex Stephanus in Hypapante, die ſecundâ Februarij, quæ anno 1141. (vt obſeruauit Ordericus) incidebat in Dominicam Sexageſimæ. Vide autem quid addat hic auctor ; *In medio Quadreſima Principes regionum, Moritonia conuenerunt, & colloquium de negotijs reipublica habuerunt. Ibi Hugo Rotomagenſis Archiepiſcopus, atque Normanni THEOBALDVM Comitẽ adierunt, eiꝛue regnum Angliæ & Ducatum Normanniæ obtulerunt. Ille verò tantarum, vt prudens & religioſus, pręgranari curarum pondere reſutauit : ſed Ioſſredo Henrici Regis genero, interpoſitis quibuſdam conditionibus regium ius conceſſit. Ita videlicet, vt Turonicam urbem quæ de ſeudo eius erat, ſibi dimitteret : fratremque ſuum Stephanum Regem de vinculis abſolueret, & priſtinum honorem, quem viuente auunculo ſuo habuerat, ipſi & heredi eius ex integro reſtitueret.* Ex his intelligere eſt, ad annum 1141. B. Petri obitum non petitiuiſſe, cùm ab eo grauiter ægrotante monitus ſit Comes Theobaldus per menſem Iunium ; hic verò in medio Quadreſimæ, circâ Idus Martias delatum ſibi regnum in Gauſfredum Andegauenſem, Henrici Anglorum quondam regis generum deriuari. His adde, prædixiſſe B. Petrum morti proximum Theobaldo Comiti, fore vt poſt paucos annos beſſo peteretur à Francorum rege : hoc verò bellum (ex Roberto de Monte) cœpit anno 1140. & triennium tenuit ; quod examuſſim quadrat cum oraculo ante paucos annos edito, anno ſcilicet 1136. quo (ex noſtris calculis) B. Petrus è corporis ergaſtulo ad Cælites euoluauit.

IN HERBERTI TVRRIVM
SARDINIÆ ARCHIEPISCOPI
TRES LIBROS DE MIRACVLIS,

P R A E F A T I O.



HVISSE Herbertum natione Hispanum, patriâ Legionensem, colligi videtur ex eius libro secundo de Miraculis, capite primo, ubi refert, se *vidisse frequenter & familiariter cognovisse* Dominicum quemdam, ex Carzedæ Monasterij cœnobitâ solitarium, *in regione Hiberia, haud procul ab urbe Legionensi.* Carzedæ seu Carracetæ domus, candorem vestium cum regulâ Cisterciensis non nisi anno 1203. accepit, ut me docent Annales Cistercienses, ad annum Christi 1127. cap. 6. numero 8. Erat ergo ex nigris Benedictinis admirandus illo senex Dominicus; quem non raro conveniens Herbertus, gemitus viri sancti, & vberes lacrymas spectans, *totus in lacrimarum & fletum cum illo* resolvebatur. Atque hæc, ni fallor, fuit Herberto vitæ perfectioris semina: qui deinde in Claraualle sumpto habitu monastico, inter S. Bernardi discipulos educatus, ex illorum, aliorumque religiosorum (quorum maxime consuetudinem requirebat) consortio, primæum sacri Ordinis Cisterciensis spiritum hausit. Per id tempus, *pluribus annis* (ut ipse ait lib. 2. cap. 25.) Fastrado Abbati *in suâ mensâ ministravit*: viro omnium virtutum, qui ex anno 1157. post Robertum S. Bernardi successorem proximum, Clarauali ad quinquennium præ-

fuit; ac deinde anno 1162. creatus Abbas Cisterciensis, post duos denique annos, nempe anno 1164. sanctitatis famâ inclytus è vivis abiit. Herberto ætate ac rerum experientiâ iam maturo delatum est regimen abbatiæ de Moris: vnde postmodum in Claramuallem reuersus, cùm esset capellanus Henrici Clareuallensis Abbatis (qui paulò post Cardinalis Episcopus Albanensis constitutus est) scripsit de Miraculis libros tres anno Christi 1178. annis quinque & viginti post S. Bernardi obitum, vt colligitur ex libro 1. cap. 31. & lib. 2. cap. 13. Quare, vt monet auctor Chronici Clareuallensis, ex hoc vno anno reliqui inuestigandi sunt, si quando ante tres annos, vel ante septem aut plures hoc vel illud contigisse memorat. Promotus est haud multò post in Archiepiscopum Turrium Sardinæ: moxque Iohannes Eremita quædam illi obtulit de Vitâ & rebus gestis S. Bernardi, prætermissa à senioribus, quæ ex nonnullorum eius discipulorum ore accepta, illius hortatu ediderat. Apud Chrysostomum Henriquez in Menologio, & in Fasciculo Sanctorum Cistercij, itemque apud Angelum Manrique in Annalibus Cisterciensibus, permulta occurrunt citata ex libro Exordij Ordinis Cisterciensis, eiusque Appendice, vel ex libro de Viris Illustribus Ordinis Cisterciensis, vel ex Iohanne Eremitâ in Vitâ S. Bernardi, quæ ex his Herberti libris descripta sunt. Vnde est quoddam Vitæ S. Bernardi per Iohannem Eremitam longè plura capita ab his auctoribus laudata reperies, quàm quæ nos ex autographo veteri hic prorulimus: quia scilicet Herberti opus ἀντίγραφον, quod Iohannis Eremitæ lucubrationi proximè subiectum erat, ipsi Iohanni ab incautis attributum est, ac pro Vitæ S. Bernardi quadam continuatione habitum. Fontem ipsum damus; quem mitabitur lector tamdiu latuisse in membranis Clareuallis, cùm & ad fidem auctoris, & ad eius narrationum grauitatem vtilitatemque animum adiecerit. In codtce M. S. quia trium librorum capita arithmeticis dumtaxat notis, non etiam titulis distincta erant, nos

omnibus inscriptiones proprias ex ipsismet singulorum argumentis elicitas præfiximus. De Herberti obitu, rebusque ab eo in episcopatu gestis docebit nos fortasse aliquando Sardinia, cœli grauitate infamis : de quâ dixit Poëta ; cum mors venerit , *in medio Tibure Sardinia est.* Audeo verò ego dicere, cùm in eam insulam appulit Herbertus (quæ erat eius virtutum amœnitas) *Sardinia in mediâ Tibur fuit.* Solidam eius historiam dabit liber Vitæ, in quo legunt Beati (inquit Augustinus) *sine syllabis temporum, & nunquam claudetur codex eorum.*

HERBERTI

HERBERTI
TVRRIVM SARDINIÆ
ARCHIEPISCOPI,
DE MIRACVLIS
LIBER PRIMVS.

CAPVT I.

De Rainaldo, primùm S. Amândi, postea Clareuallensi monacho, magnæ religionis viro, cui apparuit Beatissima Virgo Dei Genitrix MARIA, cum Sanctis Elisabetâ & Mariâ Magdalenâ fratres messoris inuisens: ac postmodum aliquot ante eius obitum diebus, candida ac pretiosa vestimenta à se preparata illi ostendit, quibus, cùm ad eam veniret, esset induendus.

FVIT IN cœnobio Clareuallis monachus quidam nomine Rainaldus, vir bonæ simplicitatis, timens Deum, & retinens innocentiam suam ab infantia vsque ad senectam. Qui licet ante conuersionem suam per triginta annos viueret in habitu sæculari, non tamen sæculariter vixit, sed operibus pietatis semper insistens, in corpore suo glorificare & portare Deum sollicitus fuit. Nam inter cætera quæ corde integro faciebat, etiam corporis integritatem Domino dedicauit, cuius opitulatione, ab utero matris vsque ad diem mortis, incen-

tina libidinum & carnis spurcitas impolluto calle transiit. Suscepto autem habitu monachali in monasterio Sancti Amandi, viginti & eo ampliùs annos ibidem in sanctâ conuersatione peregit, vbi & sanctitatis suæ non paruum specimen omnibus dedit. Inde majori virtutum ardore flammescens, ad domum Claraualis, Dei æmulatione se contulit; antea tamen præmonitus à Deo reuelationibus multis. Quantos verò labores, quantâsue molestias à fratribus Ordinis illius, dum felicibus eius actibus inuiderent, & propositum istiusmodi euertere cuperent, Beatus iste pertulerit, supersedeo dicere, dum legentium tædio velim consulere. Susceptus autem in Claraualle, illicò ad nouam militiam viriliter se accinxit, & ex milite veterano, fortissimum denuò nobis sese tironem exhibuit, in laboribus, in vigilijs, in ieiunijs, cæterisque sanctæ disciplinæ obsequijs, seipsum totâ die mortificans. Habebat autem incessanter orandi studium, & in oratione mirabilem affluentiam lacrymarum.

Quâdam igitur die, cùm ad laborem triticæ messis cum cæteris exisset, segregatus paululùm à conuentu, cum magnâ animi delectatione cœpit intueri mētentes secum reputans pariter & ammirans, quia videlicet tot sapientes, tot nobiles & delicati ibidem viri, propter amorem Christi laboribus atque ærumnis seipsos exponerent, & feruentissimum Solis illius ardorem cum tantâ alacritate susciperent, ac si in horto deliciarum suauissimè fragrantia poma decerperent, vel in mensâ lautioribus epulis plenâ delicioissimè conuiuarent. Inde ergo protensis in cælum oculis ac manibus grates Domino referebat, quòd eum tam sanctæ multitudini quamuis indignum & peccatorẽ

adiunxerat. Dum hæc & similia animo volueret, & præ immensitate lætitiæ seipsum vix caperet, en subito apparuerunt ei tres quasi matronæ uenerabiles, vultibus roseis & candidis vestibus renitentes; quarum vna quæ præcebat, veste fulgentior, formâ venustior, & staturâ priorior erat. Descendebant verò de monte propinquo, & appropinquabant conuentui fratrum, in ipsius montis latere fruges metentium. Quas cum ille vidisset, præ nimiam admiratione turbatus, & obstupefactus, erupit in vocem eiusmodi; Domine Deus, inquit, quænam istæ sunt feminæ formosæ, tam reuerendæ, quæ præter aliarum consuetudinem feminarum conuentui nostro appropriant? Et dum talia diceret, astitit ei quidam venerandâ canitiæ, & stolâ candidâ coopertus, qui dixit ad eum; Maior illa quæ cæteras anteuadit, ipsa est Virgo Mater Iesu Christi Maria. Aliæ quæ sequuntur sunt Sancta Elisabeth, & Sancta Maria Magdalena. Ille igitur cum audisset matrem Domini nuncupari, commota sunt omnia viscera eius super pietate nominis illius quam vehementer amabat; iterumque percunctatus est dicens; Et quò tendit, Domine mi, quò tendit obsecro Domina mea? Cui ille respondens ait, Ad visitandos messores suos venit. His itaque dictis persona quæ loquebatur repente disparuit. Quo viso vir Dei, plus magis intrâ se stupuit: & reductis oculis ad Sanctam Dei Genitricem, & ad comites eius, attonito visu intendebat in eas. Illæ autem moderatis gressibus incedentes, venerunt vna post aliam vsque ad conuentum. Quem cum introissent, separatæ ab inuicem deambulare cœperunt tanquam gratiâ visitationis huc atque illuc inter monachos, & Con-

uerfos ; & dum ita facerent , tandem ab oculis intuentis euauerunt , se se que in cœlos vnde venerant receperunt. Porro vir Dei hærebat fixus , & de loco moueri non potuit , vsquequò miraculum finiretur. Quantum verò de huiusmodi visitatione profecerit , quântumque in amorem Dei & ipsius Beatissimæ Genitricis excreuerit , æmulanda conuersatio eius , & quotidiana virtutum incrementa monstrabant.

Multas quidem & alias reuelationes ipse diuinitus , accepit quas tamen ad deuotandum cenodoxie cœnum reticere quàm dicere maluit. Nam & istam suprà memoratâ , quam per octennium ferè presserat , paruo tempore , id est , quadraginta diebus ante obitum suum , inuitus & quodammodò coactus , mihi licet indigno tali occasione patefecit. Quadam siquidem die , cùm de salute animarum nostrarum ambo familiariter loqueremur , ego sciens eum virum iustum & sanctum à Domino sæpius visitatum , in eâ confidentiâ quâ illum diligebam & me ab illo diligi sentiebam , ausus sum sciscitari & petere aliquid ab eo. Itaque propter amorem Christi , & propter miserationes eius cœpi illum medulliter obsecrare , & vehementer insistere , vt ad honorem Dei vnâ aliquam ex suis consolationibus mihi manifestaret ; illam scilicet de quâ me magis ædificandum censeret. Tali ergo obsecratione compulsus , supradictam visionem mihi narrauit. Sed quo tandem affectu ? Testis est ipse Deus quanto timore & tremore , quantâ lacrymarum inundatione eam protulerit ita vt gemitus & singultus à fundo cordis erumpentes , vocem loquentis frequentius interromperent , tanquam si eâdem horâ ipsam cerneret visionem. Euo-

Iutis autem postea diebus quatuordecim, apparuit ei per visum ipsa eadem Regina cœlorum, Domina Angelorum, incidens ac præparans ei ornamenta candida & pretiosa, quibus in proximo vestiendus erat. Quæ cum præparasset, colligauit in vnum, & recedens detulit ea secum. Quod cum ille vidisset, subsequutus est eam, & clamitabat post tergum eius, dicens: Ei mihi, Domina mea desiderantissima, quando habiturus sum ista, quæ mihi præparare dignata es ornamenta? Cui sanctissima Dei Genitrix ait: Quando venies, inquit, ad me vt recipias ea. O visio læta! ô promissio certa! Quæ utique tantò certior, & tantò lætior exstitit, quantò celerius exhibita fuit. Manè igitur factò introiuit ad me ille Dei seruus, tanquam infirmum visitaturus. Ego verò tunc ægrotabam penè ad mortem, & erat languor fortissimus, adeò vt de sospitate meâ, etiam medici desperarent; & ob hoc die præcedenti fueram inunctus oleo infirmorum, quia credebant me quamcitò moriturum. Ille ergo cum venisset ad me, multo pietatis affectu compassus est mihi; & vt posset aliquatenus consolari, retulit mihi istam quam in eadem nocte viderat visionem; reputans secum atque denunciâns, quia non propter ipsum sed propter me facta fuisset ad eum. Erat enim humillimus corde, & nihil tale præsumens de suâ sanctitate. Cui ego mox ita respondi; Noli, obsecro, Pater amantissime, noli benedictionem tuam interpretatione sinistrâ à te alienare. Ornamenta quæ tibi sunt cœlitus præparata nunquam alterius erunt, sed miserante Deo salua tibi & integra permanebunt. Tu verò piissimam illam visitatricem tuam & instanter efflagita, vt in

beneplacito misericordiæ suæ, alia quæcumque voluerit mihi præpararet indumenta. Potens enim atque benigna est, diues in omnes qui inuocant illam. Quid multa? Ego qui morti proximus æstimabar, vellem nollem reuocatus sum ad tolerandas vitæ huius ærumnas: ipse verò qui sanus videbatur atque incolumis, non amplius quàm x xv. diebus postea superuixit. Qui tandem cursu vitæ feliciter exacto, corruptibilis carnis indumenta deposuit, & stolam immortalitatis per Beatissimam Dei Matrem, cui deuotè seruierat, iuxta fidem promissionis illius, absque dubitatione recepit.

Non est autem silentio prætereundum, quòd iste vir Dei ante diem sextum suæ depositionis, dum post Completorium in ecclesiâ solus oraret, repente pulsata est in auribus eius tabula defunctorum, duobus ictibus tantum. Quo ille audito statim exiliit, & petiit infirmitorium, putans ibi aliquem esse defunctum. Sed dum verè cognosceret quia nullus ibi tunc mortuus esset, venit ei in mentem quòd ipse citiùs moreretur, & quòd in sonitu tabulæ suæ sibi migratio mortis signaretur. In hac igitur memoriâ mortis subito totus infremuit, inuasitque eum timor atque horripilatio carnis, & cœpit illicò febricitare, & ingrauescente morbo tandem ad extrema peruenit. Porro Beatæ Mariæ salutationem quàm antea frequentare solebat, quamdiu lecto decubuit, penè incessanter corde & opere voluebat; & cum verbis eiusdem oraculi felicem animam exhalauit. Contigit autem Conuersum quemdam, religiosæ conuersationis & boni testimonij virum, ipsâ die migrare ad Dominum, ita vt amborum exequiæ simul celebrarentur, & in eodem

mausoleo ambo pariter tumularentur. Et dum ista fierent, viro cuidam spiritali demonstratum est in visione, quòd duo pulcherrima tēpla fabricarentur in Claraualles; vnum in infirmitorio monachorum, alterum in infirmitorio Conuerforum. Sed primum illud hoc altero longè nobilius erat atque venustius. Constat igitur quia in geminâ constructione templorum, & in gemino ictu tabulę mortuorum, designata sit euidenter pretiosa in conspectu Domini mors amborum. Templorum autem differentia, meritum distantiam indicat, quia quamuis vtrumque sanctum, tamen alterum altero sanctiorem existere credimus apud Deum.

CAPVT II.

De Gerardo Sacristâ Clareuallensi, quem pulsata inuisibili manu tabula morientium, de imminente sibi obitu admonuit.

II. EODEM itaque mense quo prædictus Dei seruus Emigravit ad Dpminum, contigit ibidem tale aliquod factum. Erat in eodem monasterio Sacrista quidam nomine Gerardus, vir bonis moribus pollens, & benè religiosus. Hic iuxta Prophetę consilium, iugum Domini portauit ab adolescentiâ, & leuauit se super se; quoniam adhuc ætate tenellus & fragilis, manum suam ad fortia misit. Lactatus itaque mammillâ Regum, & castâ disciplinâ feliciter educatus, creuit atque profecit semper in melius, & magno Dei munere, carnis corruptionem (vt aiunt) nunquam fuit expertus. Appropinquante autem horâ quâ de mundo ad Deum transire

debebāt, die quādam cū in ecclesiā post Completo-
rium more solito remaneret, factus est repente sonus in
auribus suis, ac si tabula morientium crebris ictibus percu-
teretur. Quod cū ille audiret, putauit vt fratrem quis-
piam in infirmitorio tunc obiret. Post paululum vbi cer-
tissimē comperit quia sonitum illum nullus hominum
fecerit, subiit animus eius tabula illa prognostica, quam
vir Dei Rainaldus ad indicium suę dormitionis audierat :
iam enim exierat sermo iste inter fratres, & passim diu-
ulgabatur ad omnes. Et dum ista recogitaret, ascendit
in cor eius, quod ipse de mundo iamiamque migraret.
Tunc subito pili carnis eius inhorruerunt, timor ac tremor
venerunt super eum. Protinus ergo inuasit eum peremp-
toria febris, & infra decimum diem morte consumptā,
feliciter emigrauit. De cuius piā deuotione illud silere
non possumus, quod quasi diuinitus factum ab eo vel po-
tius in eo miraculum vidimus, & gratulati sumus. Nam
cū vltimum spiritum traheret, & iam vires loquendi
non haberet, tribus aut quatuor fermē horis manus iun-
ctas atque protensas tenuit immobiles contra Crucem,
ac si aliquo tunc colligatę essent. Et cū cætera corporis
membra huc & illuc virgente dolore crebrius iacticaret,
manus tamen quas, vt diximus, tendebat ad Crucem,
nunquam ab inuicem separauit, nunquam ampliùs ad se
retraxit : & quod viuens sæpius actuaasset, etiam mortuus
indicauit.

CAPVT III.

*De Petro Tolosano, monacho Clareuallensi, ab importunissimis
carnis tentationibus mirabiliter liberato : qui postea*

*IESVM puerulum in hostiâ consecratâ
videre solitus erat.*

III. **A**LIVS QUIDAM senior in eodem monaste-
rio exstitit, Petrus nomine, cognomine Tolosa-
nus, vir magnę puritatis, multumq; deuotus. Huic vnum
semper à puero studium atque desiderium fuit, seipsum
crucifigere mundo, & mundum sibi. In iuuenili verò
ætate antequàm Cisterciensi Ordini sese submitteret, ha-
bitauit in solitudine, ieiunijs & laboribus multis veterem
hominem in se mortificans, & sacrificium spiritus con-
triti, quotidie Deo immolans. Denique herbis agresti-
bus & pane lexiuiâ confecto iugiter vtens, multo ibi tem-
pore Christo militauit, innumera bella tentationum à
spiritibus malignis potegente se Deo fortiter tolerauit,
Postmodùm autem compertâ celebri famâ de sanctitate
Sancti Bernardi, atque ipsius monasterij Clareuallensis,
vbi in tantâ congregatione iustorum, velut in tabernaculo
Dei, & in securitatem, absconditus à turbine, & à pluuiâ
tutior viueret, ad eundem locum sub disciplinâ prædicti
Patris cum magno animi feruore se contulit, & per mul-
tos ibidem annos vsque ad exitum vitæ perseuerauit.

Huic autem cùm adhuc ætate iuuenior esset, per visio-
nem apparere dignatus est Deus, residens in throno su-
blimi, & Sanctorum millia cum eo. Videbatur autem ei
quòd ad iudicium coram Deo duceretur. Ad quod cùm
venisset, pauidus ac tremebundus procidit ad pedes eius,

flagitans vt sui misereretur. Dixit autem illi Deus : Quid tibi vis faciam ? At ille. Domine, vt saluus fiam : & Deus ad eum : Vade, conuertere citò ad seruitium meum, & in eo iugiter perseuera, quia non deerit tibi salus æterna. Hac ergo tam felici promissione firmatus mundum perfectè deseruit, & se totum diuinis obsequijs mancipauit. Accinxit itaque fortitudine lumbos suos, & roborauit brachium suum, ad expugnandas nequitias spirituales, quæ illum postea multis diebus & annis acriter impugnabant. Super omnia verò spirituum fornicationis infestissimum tolerabat, qui eum tam dormiendo quàm vigilando magnis tentationum aculeis iugiter stimulabat. Propter quod sibimetipsi vehementer indignans, in labore & ærumnâ, in vigilis, in ieiunijs, aliisque pœnitentiæ cruciatibus carnem suam incredibiliter affligebat : ita vt mente turbatus & anxius, abscindere sibi virilia plerumque proponeret, cum aliunde tentationis remedium inuenire non posset. Sed neque hoc silendum, quòd hostis ille antiquus multoties & multiformiter ab eo videbatur. Vnâ siquidem vice apparuit ei sub humanâ effigie in choro Clareuallensi, oculis ardentibus, & vultu terribili. Erat autem statura enormis atque deformis valdè. Qui etiam indutus erat cucullâ hispidâ atque nigerrimâ, cuius manicę decurtatę erant, & vix vsque ad cubitos pertingebant : reliqua verò brachiorum pars discooperta erat. Venit ergo & stetit ante hominem Dei ille malignus apostata, superbo oculo despiciens illum, & quasi indignans quòd monitis eius suum negaret assensum. Porro vir Dei stupidus animo, & tanquam victus tenebatur, vt se mouere non posset. Tandem visitante se Deo ad

signum dominicæ Crucis perniciosum monstrum euauit; & nihil nocuit eum, nisi quòd temptationis illius auxit incendium. Euolutis autem diebus paucis, apparuit loco eodem in figurâ belluæ monstruosæ, partim sæuo leoni, partim rapaci aquilæ similis. Qui illi acriter imminens rabido hiatu efferabatur in eum, quasi viuem deuoraturus. Sed diuinâ virtute reprimebatur, vt eum tangere non valeret. Tunc denum ad memoriam nominis Christi phâstastica bellua repente disparuit. Quâ recedente, illicò vir Dei tantum supradictæ passionis incendium pertulit vt euidenter agnosceret, ibi fuisse præsentem illum de Isaiâ tartareum fabrum, qui sufflat in igne prunas. Vnde quia vidit violentiam temptationis, patientiæ suæ modum excedere, definito consilio statuit seipsum abscideres malens in hac parte apud Deum periclitari, quàm in barathrum luxuriæ labi. Iamque nihil aliud exspectabat, nisi vt nouaculam vel aliud quodlibet ad hoc idoneum ferramentum reperire posset. Verùm misericors & miserator Deus, ille adiutor in opportunitatibus, in tribulatione; ille qui solus sanctus, & solus Dominus, famulum suum noluit in tanto agone deferere, sed fecit cum temptatione prouentum vt posset sustinere. Itaque dormienti apparuit Angelus Domini, in formâ iuuenis, dicens se esse medicum peritum, & eius rei gratiâ aduenire vt eum secaret, atque ab illâ passione sanaret. Quod ille gratanter accepit, & voluntati eius in continenti seipsum exposuit. A quo dum incideretur, tolerabat in omni patientiâ secantis manum, & doloris acerbitatem. Cumque enigilasset, putauit amputationem illam in se esse veraciter & materialiter factam. Tandem verò cognouit, membra quidem cor-

poris integra sibi manere, sed tentationem ita in se radicatus abscisam, ut nihil omnino molestię postmodum ex eâ sentiret. Ab hoc itaque tempore extinctis in eo passionum carnalium incentiuis, cœpit illum Deus in benedictionibus dulcedinis suę copiosius visitare, & implere splendoribus animam eius, ita ut ex sententiâ dicere posset.

Psalm. 93. 19. Secundum multitudinem dolorum meorum in corde meo, consolationes tuę latificauerunt animam meam. Ex tunc ergo & deinceps increpante Deo feras arundinis, quieuerunt ab eo penitus stimuli carnis, & requieuit super eum spiritus immensę consolationis. Magnificauit enim Deus misericordiam suam facere cum illo, thesaurizans super illum iocunditatem atque exultationem, atque in bonis omnibus satians desiderium eius. Et quem diu potauerat vino salubris amaritudinis, postmodum inebriauit vberius nectare suauissimę contemplationis.

Inter cetera autem Dei dona spiritalem acceperat deuotionis gratiam in oratione, precipuè verò in dominici Corporis & Sanguinis consecratione. Vnde fratres qui ei ad Missas ministrabant, satıs superquę mirabantur in eo redundantiam lacrymarum, quā totus ibidem affluere solebat. Reuelabat ei Deus de secretis cœlestibus multa & magna, atque innumeris consolationibus eum seu dormiendo, seu vigilando, seu & mente excedendo creberrimè visitabat. Quę si omnia litteris mandarentur, multorum voluminum comprehenderent quantitatem. Vnde quia longum mihi est atque onerosum, etiam illa quę de eodem beato viro comperta sunt mihi, vniuersa stylo mandare, vnum ex eis saltem quod stimulantē conscientia penitus reticere non audeo, sicut ab ipso ore

audiuī, simpliciter refero : quod quidem tale ac tantum est, vt ex vno hoc á fidelibus auditoribus cætera credi vel æstimari faciliè queant. Vereor siquidem, & multùm vereor Deum nostrum offendere, si rem gloriosam atque mirabilem, quæ vel mihi soli, vel fortè rarissimis, quorum tamen nullum hodie superesse existimo, ab eodem Dei homine credita est ; in quâ etiam & Deus glorificari, & multorum fides atque deuotio crescere potest, silentio meo perire permittam. Igitur dum sacris altaribus offerens Sacramenta vir beatus astaret, in ipsâ perceptionis horâ tenenti in manibus super Calicem, sacrosanctum Dei Corpus, apparebat in specie paruuli speciosi, paruulus ille speciosus formâ præ filiis hominum, verus Deus & verus homo, Deus Iesus Christus, ille mitis & humilis corde qui seipsum sapientibus & elatis abscondere, & paruulis reuelare consuevit. Quod cùm ille cerneret tremefactus ac stupens, primitus præ fulgore ac reuerentiâ maiestatis illius, clauderat oculos suos : non enim audebat respicere contra Deum. Qui etiam tunc clausis oculis videbat eum, sicut apertis. Cùm declinaret vultum suum in alteram partem, & aliquamdiu maneret palpebris obductis, facie sic auersâ videbat eum nihilominus sicut ante se positum, aliquando super manum, aliquando super brachium suum : miro videlicet atque ineffabili modo, tanquam si alios oculos haberet in occipitio vel tempore defixos, quibus eum intueretur. Hac igitur tam dulci tamque mirabili reuelatione, non semel ac secundò, sed frequenter atque innumeris vicibus ille vir Dei latificatus est, adeò vt plerumque per quatuor aut quinque menses singulis ferè diebus illi appareret.

Quòd si interdum solito amplius tardare videretur, tanta inerat illi cum Deo familiaritas, tanta de eius pietate fiducia, ut ipsius sacrificij consummationem diutius prorelaret, nec facile veller illud explere, donec reddita sibi lætitiâ, Saluatoris Dei consuetam benedictionem mereretur accipere. Hæc ego, sicut iam dictum est, fideliter, ac simplici veritate narraui, quemadmodum ipso referente cognoui. Nam cum ei familiari affectu, propter sanctitatem ipsius adhærere satagerem, multumque de eius solamine atque allocutione penderem, hanc ab ipso visionem, sicut & alia multa, precibus magnis, & quâdam violentiâ caritatis extorsi; eâ tamen conditione, ut nulli ante obitum eius præsumerem indicare. Quod & facile potui obseruare; nam paruo postea tempore superstes, tandem felici agone completo collectus est ad patres suos, cum quibus nunc propitio Deo in Claraualle quiescit, ubi religiosè conuersans, supremum quoque claudere diem ardenti deuotione semper optauit.

CAPVT IV.

De Guillelmo, primùm S. Albini Andegauensis, deinde Clarauallesi monacho, cui multa diuinitus ostensa & reuelata sunt.

IV. **E**RAT in eodem tempore & loco alius quidam vir venerabilis, nomine Guillelmus, ætate pariter & religione prouectus. Hic annis fermè quinquaginta in habitu monachali Deo seruiens, carnem suam cum vitijs & concupiscentijs assiduè crucifigebat, longumque quotidie martyrium trahabat: qui priusquam Cisterciensi

Ordini se contulisset, multo tempore vixit in monasterio Sancti Albini Andegauensis, vbi religiosè conuersando, formam bonorum operum seipsum exhibuit, & magnæ sanctitatis specimen imitatoribus suis ibidem demonstrauit. Vnde etiam à suis contubernalibus, necnon & ab ipso Abbate in magnâ reuerentiâ habebatur, & diligebant eum miro caritatis affectu. Erat autem in possessione monasterij quidam locus, qui magis solitarius, magisque quieti religionis videbatur accommodus. Ad hunc igitur cum paucis fratribus annuente Abbate se contulit, vbi in cellulâ angustâ reclusus annis plurimis habitauit, vt & artiori continentia seipsum affligeret, & de austeriori conuersatione suâ infirmioribus fratribus molestiam non inferret. Itaque ieiunijs & orationibus dies noctesque congeminans, non modò carnis edulium & lautiores epulas quibus interdum fratres ex pristina monasterij consuetudine utebantur, funditus recusabat, verùm etiam cibo quadragesimali & ipsius aquæ potusæpius abstinens, parcissimo victu corpus debile sustentabat. Hanc autem continentia virtutem non sine magnâ difficultate obtinuit, sed post longam inedia cruciatum, post inenarrabiles gemitus & singultus, cooperante gratiâ Dei tandem genuinas ventris & gulæ illecebras cum cæteris vitijs à proprijs sedibus exturbauit.

Quadam itaque die cùm venisset ad eum salutandum vnus de senioribus monasterij, præcepit ei carniû refectiõnem apponi, eò quòd debilis & longo itinere fatigatus esse videretur. At ille respondit, se nullo modo comedere carnes, nisi ipse qui ministrari iusserat, secùm inde reficeret. Hic itaque familiari amore & persuasione

coactus , atque ipsius , vt postea fatebatur , obsonij quantulacumque auiditate, vt comederet acquieuit; finitoque prandio hospes valefecit & abiit. Quo recedente illicò frater ille ad se reuersus, cœpit à fundo cordis alta suspiria trahere , & ingemiscere vehementer quòd tanti temporis propositum tam friuolâ occasione fregisset. Vix talia cœperat cogitare , & ecce repente quidam ad fenestram cellulæ pulsans : cui cùm aperuisset , tremefactus in aspectu illius obstupuit. Erat enim persona euerrendissimi vultus & habitus , ac supra humanum modum mirabilis , cui similem in omni elegantia non viderat. Vestimenta eius candida & pretiosa , & capilli capitis sicut lana alba , & sicut nix facies illius singulari venustate refugens , Angelum potius quàm hominem indicabat. Verba oris eius plena suauitate & gratiâ erant , & supercœlestem sapientiam mirabiliter redolebant. Denique quicquid apparebat in illo homine , videbatur supra hominem esse. Nudis tamen pedibus incedens dicebat se peregrinum, & de remotis partibus visitandi gratiâ venisse ad illum. Qui blandâ salutatione præmissâ , cœpit eum super ijs quæ mente voluebat, familiari & amicâ increpatione , tanquam cogitationum illius cognitor atque conspector esset, conuenire, & dicere : Meritò quicquid ingemiscis , meritò plangis super excessu tribulationis, quo nunc diuturnum laudabilis parsimonix propositum deliciôsâ caritate rupisti. Non bona caritas quæ destruit caritatem. Improbanda est pietas illa quæ animas lædit vt corpora foueat. Et nunc audi exemplum quod tibi propono. Erat in partibus Hispaniæ sanctimonialis femina reclusa . quæ pane & aquâ vel semicrudis interdum oleribus

oleribus utens, conuersatione sobriâ, & castâ petulantiam carnis viriliter edomabat. Huic aliquando instinctu diaboli desiderium incidit, ut carnem comedere vellet. Qui diu multumque tentationi reluctans, cum iam à facie eius sustinere non posset, manibus ei datis trahitur ad consensum. Iubet itaque carnis edulium sibi præparari. Quâ super mensam positâ, antequam gustare præsumat posternitur in oratione, voce lacrymabili Deo supplicans, ut non ei permittat præparatum tangere cibum, si animæ illius nouerit esse damnosum. Surgensque ab oratione ad mensam ingreditur, & datâ benedictione operculum sum mouet quo carnis ferculum velabatur. Et ecce pro carnibus quæ appositæ fuerant, tres pulli coruorum in disco vagientes, & sine plumis apparuerunt. Quo viso sanctimonialis expauit, & accitâ sorore quæ illi ministrabat, rei veritatem inquiri. Illa verò sub obtestatione tremendi examinis respondet, sese in eodem mensali non implumes auitulas, sed tria frustra carnis cocta apposuisse. Erat autem cellula ipsa super ripam magni & violenti cuiusdam fluminis sita, quod de saxeis montibus erumpens, & confragoso itinere ruens, præcipiti cursu labitur ad inferiora. Igitur ancilla Dei exultans & gratias agens quòd exaudita esset oratio eius, præcepit ut ibidem pulli iactarentur cum eodem catino in quo continebantur. Qui proiecti in amnem, nullatenus potuere sequestrari ab inuicem, sed fluitante vasculo super undas, tandem deuoluti sunt in proximum eiusdem habitaculi sinum, ubi ingentis saxi cõcauitas copiosam aquarum congeriem stagnat. Ibi ergo iam per multorum temporum curricula assidue rotantur, & vsque hodie in

testimonium miraculi huius, in ipso vasculo super aquas fluit are cernuntur.

Hæc & similia viro perorante, frater isdem compunctus est de illius gratissimâ sermocinatione. Et cadens in faciem, fufis lacrymis veniam postulavit: acceptaque pœnitentiâ non modò absolutionem de reatibus suis, sed etiam consolationem plurimam ab eo suscipere meruit. Cumque iam fiducialiter illi loqueretur, percunctari cœpit ab eo quis esset & vnde veniret. Cui respondit heros; Non est tuum scire modò quis ego sim, neque agnoscere vnde veni, aut quo vado. Tunc ille; Obsecro, inquit, Domine mi, vt hodie saltem ingrediaris ad nos, & ministremus tibi. Et ille respondens ait; Ego quidem vestro non pane, non veste, non lare indigeo, sed abundo omnibus bonis, & habeo cibum manducare quem vos nescitis. Tantummodò sollicitus sum de vestrà salute, & vos nihilominus inde solliciti estote. Tunc vale dicto cum festinatione recessit, & ita repente subtractus est ab oculis intuentis, vt magis visus sit euanuisse quàm abiisse. Ille verò quantociùs accitis fratribus qui ei assistebant, iubet eos instanter prosequi recedentem, & precibus multis ad hœspitium cogere. Qui celerrimè abeuntes cùm hac illacque discurrerent, ne vllum quidem ipsius vestigium reppererunt. Vnde vir Dei certissimè Angelum Dei, vel potiùs ipsum Angelorum Regem & Dominum Iesum credidit affuisse, qui talia dicere, & cordis ipsius arcana potuit agnoscere. De cuius beatâ præsentiâ tantum deuotionis & gratiæ mente fecundatâ concepit & peperit, vt post annos fermè viginti, cùm mihi ista referret, præ nimio pietatis affectu etiam tunc à lacryinis abstinere non posset.

Processu itaque temporis cum ad ipsius noticiam, Beati BERNARDI celebre nomen, & virtutum eius magnalia, famâ vbique præconante venirent, non potuit requiescere spiritus eius, donec felicissimo illius magisterio gubernandum se dederet, vt de feruentiore feruentissimum & de sanctiore sanctissimum redderet. A quo tandem benignè susceptus, & desiderato Clareuallensi collegio sociatus, tanta in eo virtutum gratiâ radiavit, vt in omni sanctitate mirabilis appareret, etiam quibusque perfectis. Huic ergo multas & magnas consolationes per Spiritum suum pius Deus immittebat, multaque illi (quod pro certo comperimus) de secretis cœlestibus reuelabat. Ipse tamen quia cenodoxiæ pestem incurrere metuebat, de multis paucissima, ipsaq; paucissimis referebat.

Factum est autem in vnâ dierum, cum Prima cantaretur in choro, & ipse coniunctus psallentibus stabat in ordine suo. Et ecce apparuit ei vigilanti atque psallenti Sanctus Malachias, qui in eâdem ecclesiâ iacet honorificè tumulatus. Residebat verò in cathedrâ iuxta altare, anulo, baculo, mitrâ, cæterisque pontificalibus infulis magnificè adornatus, tanquam Missarum sollemnia post finem illius Horæ celebraturus. Erat autem tunc anniuersaria dies depositionis eiusdem Sancti, qui etiam Omnium fidelium defunctorum dies est sollemnis. Apparuit quoque cum eo Beatus Bernardus eiusdem Ecclesiæ felicissimus Pastor atque Patronus, qui & ipse erat vestibus pretiosis & candidis micans atque mitratus, minimè tamen infulatus. Et meritò quidem. Erat enim paterfamilias, in propriâ domo deferens atque congratulans venerando ac spiritali hospiti suo, dignoque

honore præueniens amantissimum, cedebat ei libentissimè sollemnia Missarum, eâ potissimùm die quâ Sanctus ille Pontifex curiam supernam ingressus, & cœlestibus hymnis primò fuerat honoratus. Vnde etiam ipse beatus Pater officiosum ac sedulum sese circà eundem Sanctum Episcopum, & circà ipsius altaris ministerium exhibebat. Porro beatus Antistes defixa lumina, baculo pastorali in-nixus, versùs chorum assiduè tenebat. Sanctus verò Bernardus modò Episcopum, modò conuentum, modò ipsum altare tanquam sollicitus omnium respiciebat. Hæc visio ita manifesta & corporeis oculis subdita, tamdiu eide-
dem famulo Dei intuenti apparuit, quamdiu psalmus vnus in eadem horâ Primâ durauit. Finito itaque psalmo finita est visio, sed in corde videntis deinceps finiri non potuit visionis illius pia deuotio.

Aliâ quoque die apparuit ei nihilominùs isdem Beatus Bernardus, vultu & habitu gloriosus. Quem cùm ille vidisset, procidit ad pedes eius, orans & petens aliquid ab eo. Cui Sanctus ait. Quid tibi vis faciam? Et ille; Domine Pater, si inueni gratiam in oculis tuis, indica mihi obsecro utrùm saluus fieri debeam. Et Sanctus ad eum; Numquid parua res ista quam postulas? Hodie cùm egrederer de paradiso, quam multa millia hominum foris ad ianuam reliqui, qui adhuc istiusmodi timore torquentur; ignorantes utique utrùm amore an odio digni habeantur. His ita præmissis dedit ei responsionem super verbo quod implorauit. Sed quid ei definitè responderit, incertum est nobis. Erat enim vir ille circum-spectus & grauis in locutione, multumq; cauebat ne aliquid diceret, quod suam ipsius gloriam redoleret.

Verumtamen ex fiducia sermōnis & vultus illius hilaritate satis dabatur intelligi, quia iocundum à Sancto super huiusmodi verbo responsum acceperit.

Alio quoque tempore cū iste famulus Dei premente molestiā corporis in infirmitorio esset, nocte quādam post Matutinas quiescentibus alijs, ipse, vt erat fequentissimus, more solito vigilabat & orabat in lecto. Et ecce per ostium domus dæmonium intrans oculis eius manifestè apparuit, investitu & vultu formosæ mulieris. Quæ coram eo transiens circuibat oberrans, & quasi aliquem quærens. Erat autem in medio domus lampas accensa, quæ copiosè refulgens petulantis illius monstri motus & gestus lasciuiosos apertè videri faciebat. Ibat ergo phantastica meretrix, obtutu girouago cuncta perlustrans, & singulorum penè lectulum explorans, quis dormiret, quis vigilaret, si quem fortè de suis ibidem agitaret, si quis blandienti ac lenocinanti consentiendo occurreret; illum citò præteriens, hunc morosiùs intuens, illum de longè visitans, illi magis appropians; manus quoque interdum vsque ad ora quiescentium molliter applicans, nihil intactum, nihil indiscussum relinquere volebat; & quæ per suggestionem semper interiùs actitat, id modò impudentibus signis exteriùs figurabat. Tandem verò quem quærebat offendens, sistitur ante lectum. Erat autem iuuenis monachus, & nouiter monachatus. Tunc illa procaci manu iniectā, à parte capitis opertorium parumper amouit, & tactu leni pulsans dormientem, clarā voce sic ait; O homo insensate, quid habes hīc facere? Surge celeriter, & sequere me, & dic etiam socio tuo vt exeat post te. Ego autem foris ad ianuam præsto-

labor vos. Hoc itaque dicto, peruicax bellua festinatò recessit, & per ostium quo intrauerat exijt: expergefactus verò iuuenis resedit in lecto, & frontem manibus fricans, huc illucq; respiciebat, scire cupiens quis eum excitarat. Qui cum neminem cerneret, capite iterum reclinato obdormiuit, sed non in Deo. Manè igitur facto vir Dei qui talia viderat, Abbati Roberto rei gestæ ordinem intimat. Ille verò iuuenem super cogitationibus suis secretè conueniens, accepit ab eo quòd nullà turpi cogitatione aliquatenus pulsaretur, sed ad perseverantiam propositi sui voluntate firmissimâ traheretur. Erat enim iam cordi eius præsidente diabolo aditus confessionis obstructus, ne per pœnitentiæ portam venia salutaris ingrederetur. Cùm ergo Abbas prædicto viro iuuenis responsum insinuasset, ille respondit; Expectate paulisper, & ex facti fine probabitur verum esse quod dixi. Quid multa? Non multi fluxere dies, & ecce iuuenis ille libidinum furijs agitatus, professionis vinculum rumpit, & ad vomitum sæculi reuersus, vilis apostata efficitur. Porro socius ille quem iussus erat secum educere, ipse cum eo nouitiatus, ipse cum eo fuerat monachatus. Qui ad aliam transmissus abbatiam, cùm audisset socium suum iugum Ordinis abieciisse, tunc & ipse rupto professionis vinculo, non distulit cum eo etiam apostatate. Vnde patenter innotuit, quòd spiritus fornicationis iuxta præfatæ visionis modum, utrumque subduxit. Hic sanctus vir plenus dierum ac virtutum migravit ad Dominum.

CAPVT V.

*De Acardo Claranallis monacho, multorum cœnobiorum ex-
structore, qui Herberto tum adhuc nouitio multa
à se visa referebat.*

- V. **I**N eodem quoque monasterio exstitit religiosus quidam monachus, nomine Acardus, vir quidē genere nobilis, sed conuersatione nobilior. Hic autem Beato BERNARDO Abbate suo iubente atque mittente, plurimorum cœnobiorum initiator atque exstructor fuit. Qui dum adhuc esset in probatione, iūdem Pater beatissimus Bernardus vnâ die venit ad nouitios consolandos, ut saepe solebat. Terminato itaque sermone, prædictum Acardum cum alijs duobus nouitijs traxit in partem, & præmonuit in spiritu prophetico, ita loquens. Futurum est, inquit, ut nouitius ille (designauit autem eum ex nomine) ante diem crastinum furtiuè recedat. Vos igitur vigilate, & estote parati, ut fugientem cum rapinis effugere non sinatis. Et si miser à nobis exierit quia non erat ex nobis, spolia tamen quia nostra sunt retinebitis nobis. Quo audito mirati sunt illi, & cum silentio præstolati sunt exitum rei. Profundâ verò nocte duo ex illis cum fugitiuum in lecto firmiter dormientē conspicerent, tunc & ipsi dormire cœperunt: erant enim oculi eorum grauati, illudente eis utique spiritu erroris. Verum tamen Acardus quia certissimè credidit verbum à sancto Patre prolatum haud posse irritum fieri, somnolentiæ spiritum qui ei molestissimus erat, virili constantiâ repellēbat. Et nunc frontem, nunc tempora fricans, modò pilos barbæ

& capitis vellicans, modò manus & faciem lotitans, nunc de loco ad locum ambulando se excitans, tandem fallacia somnum quo premebatur euicit. Cùmque iam prope esse vt signum ad Vigiliis pulsaretur, ecce duo quasi gigantæ Æthiopes, nigerrimis cappis amicti, per ostium domus visibiliter ingrediuntur. Is verò qui præcedebat, gallinam assatam in spico portabat. Porro in ipso veru coluber ingens per caput & caudam infixus erat, qui gallinam eamdẽ hinc inde cingebat. Cum tali itaque ferculo accedit ad locum nouitij, & gallinam fumantem naribus applicat dormientis. Quo statim expergefæcto dæmones egrediuntur, & per iter quo venerant reuertuntur. Ille verò quantociùs surgit, & vestimentis onustus post dæmones exit. Veniensq; ad ostium armarij quod erat in claustro, machinamentis suis moliebatur firmaturam effringere, ac secum tollere libros. Porro prædictus Acardus celestimè socios excitat, & prophetatam apostatæ fugam insinuat. Tunc recedentem pariter insequentes, reperiunt illum pessulum ostij concutientem. Quos vt ille præsensit, illicò datis saltibus euolat; & præcipiti cursu per ostia pomarij ruens, murorum tandem septis retinetur atque reducit. In crastinum autem cùm malorum impœnitens resipiscere noller, quia iam datus erat in reprobum sensum, dimissus est tandem vt abiret in locum suum. Eadem verò die arreptus á diabolo dementiam incurrit, & vsque ad mortem furere non cessauit. Hæc nobis nouitijs ipse dominus Acardus, cùm iam esset ætate decrepitus, plenâ fide narrauit, vtpote qui omnia nouerat, & perspexerat oculis suis.

Isdem verò confessus est nobis, quòd in primordio couersionis

conuerſionis ſux multa dæmonum bella, multa flagella
pertulerit, multaque eorum phantaſmata viderit. Sæpius
quidem etiam cùm eſſet in eccleſiâ pſallens atque orans,
copioſa coram eo luminaria quaſi cereos & lampadas
accendebant, quæ protinus ad inuocationem nominis
Chriſti tanquam vanitas diſparebant. Quadam denique
vice apparuit ei diabolus, gladiatorio cum eo conflictu in
modum palæſtritzæ decertans, cui crebros iſtus & vulnera
inſlegebat, atque viciffim recipiebat; ad vltimum verò
ſubaſtum dæmonem collifo capite excerebrauit. Quem
dum traheret per capillos, partem capitis conſracti, cum
carne & oſſibus euulſam manu retinuit. Moxque ex eâ
tam intolerabilis putor exiuit, vt poſſibilitatis humanæ
modum ferè videretur excedere. Quamcùm à ſua manu
longiùs excuſſiſſet, conſeſtim olidum monſtrum quod
videbatur euanuit, veſtigia tamen immunditiæ ſux altiùs
impreſſa reliquit. Nam per vnus anni ſpatium ex eadem
manu tantus fœtor iugiter exhalauit, vt præ anguſtiâ cor-
dis vix eam valeret vel ori apponere, vel naribus admo-
uere. Hic ergo benignus & magni ſolaminis vir, multa
nobis cùm eſſemus nouitij narrabat exempla, vnde nos
in amore virtutum ſæpius accendebat. De quibus & nos
vnum ſaltem ſtylo mandare decreuimus eo quod ipſum
affectui noſtro ardentius inhærere ſentimus.

CAPVT VI.

De Schocelino agri Treuirensis Eremitâ, magnæ sanctitatis, & miræ rerum humanarum despicientie viro ; quem etiam S. Bernardus inuisit per suos, & muneribus prosequutus est : cuius corpus in eadem Beate Maria castri Luceburgi translatum , miraculis celebrabatur.

VLEGO, inquit, dum aliquando conuersarer in episcopatu Treuerensi pro construendo cœnobio quod Claustrum nominatur , largiente supernâ gratiâ merui videre & agnoscere hominem sanctum, hominem verè diuitem , & verè beatum , nomine Schocelinum. Qui videlicet eò diuor, eò beatior fuit , quò fallaces mundi diuitias tanquam vanitates & insanias falsas veriùs despexit , & longiùs abiecit. Verè enim non qui plus habet sed qui minus cupit diues est. Tanto namque feruore hic beatissimus Eremita mundum deseruit , tanto Christum ardore dilexit , vt temporibus & regionibus nostris neminem fuisse putemus , qui ei in contemptu visibilibus & carnis mortificatione possit æquiparari. Vitam quippe illius omnes possumus mirari, multi etiam æmulari, sed nullus imitari ; vnde & necesse est ampliùs venerari. Iste enim pro Christo quotidie moriens , non vnâ tantùm sed innumeras cruces & mortes sustinuit , quia quor diebus in eremo vixit, quasi tot martyria duxit. Quis namque hominum in hac vitâ mortali, quantumcumque profecerit, vel sine humano cibo, vel sine tecto, vel sine indumento, vel sine omnibus his diutiùs viuere possit ? Porro vir iste virilis , vir veræ virtutis , naturam

supergressus humanam, cum careret omnibus istis, confortante se Deo per multa tempora non defecit. Annis siquidem quatuordecim soliuagus ac toto corpore nudus, montibus & siluis pro Christi amore oberrans & latitans perdurauit, cœlum habens pro tecto, aërem pro vestimento, pecorinum victum pro cibo humano. Herbis namque agrestibus & crudis, earumque radicibus, interdum quoque saginâ & glande pro magnis delicijs utebatur, qui utique brutorum animalium pastus magis quam esca hominum esse probatur. Huius ergo rigorem propositi inexorabili seueritate per decennium integrum custodiuit. Postmodum autem quatuor ferè annis ante suam dormitionem, in corde hyemis, brumâ sæuiente aspersimâ, cum tellus niuibus obruta, & gelu acriore coercita, nec herbas foris exereret, nec radices effodi sineret, tunc à facie famis & huius frigoris sustinere non præualens, tandem ut homo iam ferè præmortuus, & obeso corpore, pelle solâ circumdatus, cogeatur interdum deserta deserere, atque ad proxima rura volendo nolendo descendere. Veniens autem ad excretorias eiusdem viculi casâs, si quem ibi pauperculum & honestæ conuersationis hominem manere cognosceret, ad eum libentiùs diuertebat: diuersorium tamen ipsius ingredi recusabat, sed reclinato capite quiescebat in laribus domatis, vel potiùs in medio curtis. Hoc autem maximè procurabat ut profundâ iam nocte accederet, horaque antelucanâ recederet.

Porro homines illi qui digni habebantur tanto hospite nobilitari, magnam ei reuerentiam deferebant, ita ut nemo de inhabitantibus auderet ad eum accedere, aut in

colloquio molestus existeret : nisi fortè ab illo permissus, aut etiam vocatus : nimirum metuentes ne ad ipsos amplius non diuerteret, si quietem illius aliquis ibidem importunè turbaret. Interdum tamen applicabant ei pro foribus modicum straminis, aut veterem sacco, si vel in eo fortasse requiescere consentiret. Porrigebant nihilominus fragmentum ei aliquod hordeacei vel furfurei panis, scientes utique quòd aliud nihil acciperet: de quo videlicèt pane modicam aliquotiens crustulam ruminabat, residuam verò partem ad multorum dierum refectiōnem secum ad eremum deferebat. Habebat quoque vir ille locupletissimus circumligatam renibus semicinctiam vilem atque breuissimam, quæ verecundas solummodò corporis partes operire vix poterat, cùm eum hominibus apparere compelleret ista tam ineuitabilis causa. Possidebat nihilominus & sacculum paruissimum collo vel renibus appensum, quo supradictas alimonias inferebat. En tota diuitis istius viri proprietas, en gloriosa serui Christi hereditas, & nobile patrimonium, cui verè fideli totus mundus erat diuitiarum. Ipse enim tanquam nihil habens & omnia possidens, in tali nihilo totum obtinuit, quandoquidem qui in vili semicinctiâ totum mundum inclusit, de toro & pro toto mundo semicinctiam solam elegit. Denique quid aliud cuius hominum confert copia thesaurorum, atque infinita possessio rerum, nisi ut præsentem vitam ducere, & aliquamdiu producere possit? ad quam videlicèt transigendam huic pauperi nostro vna vetusti panniculi scissura suffecit.

Beatus itaque BERNARDVS auditâ virtute conuersationis illius dedit nobis præceptum adeundi & salutandi ex

nomine ipſus virum, mittens etiam ei pro ſigno caritatis
nōnulla munuſcula; hoc eſt, tunicam & caligas, vt pro eius
amore indueret illas. Nos ergo profeſti ad eaſdem partes,
vnā die cū adhuc tenebræ eſſent intrauimus locum vbi
quieſcere putabatur. Et non inueniētes, ſciſcitati ſumus ab
hoſpite vbinam ille eſſet. Ille verò reſpondit; Hæc nocte,
inquit, apud nos in curiā manſit. Cui ſolito tempeſti-
uius recedenti & valefacienti reſpondimus; Cur Domine
Pater tam citò egrederis, cū media noctis adhuc vix
hora tranſierit? Et ille; Modò, inquit, venturi ſunt huc
propter me viri quidam religioſi; à quibus nolo me ad
præſens reperiri. Hæc autem ſæpius & propter alios fecit,
quos ad ſe nihilominus venturos eſſe prædixit. Quo
audito ſatis ſuperque mirati ſumus, quòd tam citò in
aſtutiā noſtrā ab eo deprehenſi fuerimus. Callidè nam-
que ſatis putauimus nos egiſſe, & incautum antequam
ſurgeret præueniſſe. In quo videlicet factò manifeſtè in-
notuit quòd etiam prophetico ſpiritu non caruerit. Nos
ergo ſcientes quòd abſque beneplacito ſuo reperiri non
poſſet, per prædictum hoſpitem ei mandare curauimus;
obnixè rogantes vt gratiā ipſius qui nos ad ipſum direxe-
rat, ſuam nobis præſentiā indulgeret. Quo tandem
annuente clementer, venimus & vidimus eum, non quaſi
terrenum hominem, ſed ſicut Angelum cœleſtem, cuius
conuerſatio tota in cœlis & de cœlis erat. Tunc eulogijs
præſentatis cū ſalutationem Patris humiliter & cum
reuerentiā ſucepiſſet, ipſa que indumenta ſibi applicuiſſet,
mox iterum ea depoſuit, & ait; Benediſtus Deus qui
dedit in corde Apoſtolicī viri, vt peccatoris & miſeri ho-
minis memoriā habere dignetur. Et nunc pro amore

ipsius vestimenta transmissa obedienter accepi, & indui diutius tamen ea portare non valeo, quia nec opus est mihi, nec ipse mandauit. Dico autem vobis amicis meis carissimis, quia nihil est mihi molestius, quàm vt curæ carnis sarcinam odiosam, cum tantâ difficultate depositam, lassatis & dolentibus humeris denuò imponere cogar.

Nos itaque videntes hominem benignum atque affabilem, cùm iam ei fiducialiter loqueremur, sciscitatumus ab eo, cum reuerentiâ tamen, vrûmne adhuc de carnis illecebris vel dæmonum irritamentis aliquid molestiæ toleraret. Tunc ille vt erat homo iocundus, & boni solatii, cùm paululùm subrisisset, ita loqui exorsus est. Iam diù est, amantissimi fratres, ex quo per gratiam Dei à passionibus vitiorum sentio me non mediocriter exoneratum; sed quoniam tentatio est vita hominis super terram, quis gloriatur castum se habere cor? Si enim dixerimus quia peccatû non habemus, nos ipsos seducimus, & veritas in nobis non est. In medio siquidem laqueorum ambulantes & hostilibus gladijs circumquaque patientes, nisi scuto diuinæ protectionis assiduè muniamur, nunquam cauere poterimus ab his qui sagittant in obscuro etiam rectos corde. Confidimus tamen in Domino, quia fidelis est, & non patietur nos tentari supra id quod possumus. Et nunc vobis aliquid exempli gratiâ refero, in quo poteritis aduertere cuiusmodi tentationibus aliquoties inquietor. Quadam itaque die cùm brumalis asperitas solito intensiore pruinâ rigesceret, & nix copiosa de nubibus flueret tunc torpentibus membris in terrâ iacebam. Verum tamen rerum sator omnipotens, qui dat

niuem sicut lanam, & nebulam sicut cinerem spargit, ipse mihi pro laneo amictu qui deerat, niueum opertorium dederat; magnum quidem & amplum, atque ad vnius cubiti mensuram ferè condensum. Quo circumquaque latius expanso ita operiebar, vt de corpore meo nihil penitus appareret. Tantummodò circa faciem meam, virga fumantis anhelitus ab ore procedens, superiectam niuem paulatim vndique reliquabat, & modicam fecerat aperturam. Interea lepusculus quidam ante faciem frigoris & niuis fugitans, atque ad pausandum latebras quaritans, casu venit ad ipsum foramen. Qui suauitate caloris illectus illicò substitit, & super caput meum ibidem accubauit. Tunc ipsa nouitas rei subridere me compulit, & subripiente mihi leuitate deiectus est animus meus à statu solitæ grauitatis, & prolapsus in gaudium vanitatis. Non solum autem, sed & desiderium incidit eundem lepusculum (vt faciliè poteram) manu iniectâ corripere; non vt eum occiderem aut retinerem, sed quia est animal innocens atque lenissimum, vt contrectatione & visu illius aliquamdiu delectarer, & dicatum poenitentiae tempus hac ineptâ lxtitiâ interim consumere non vererer. Diutius autem suggestori relictans, desiderium vanum donante Deo superauit; tranquillòque corpore manens, pauidam bestiolam securè quiescere feci, donec tandem vltroncâ voluntate recessit. En id est vnum de maioribus tentamentis quæ à multis retrò diebus tolerasse me memini. Quod videlicet quamuis iocose, & velut exhilarandi vos gratiâ fortasse videar vobis alacrius quàm oportuit retulisse, erubesco tamen & doleo cogitationes meas interdum à vanitatibus istis.

velut à muscis volitantibus inquietari, etiam sine consensu vanitandi.

Cùm hæc & similia nobis ædificandi & solatiandi causâ vir ille mirabilis enarraret, tunc beatum Patrem Bernardum legatione nostrâ humillimè resalutauit, seseque orationibus eius deuotissimè commendauit. Moxque benedicens ac valesaciens nobis, tanquam ceruus emissus à Deo liberis saltibus ad opaca saltuū recucurrit, & veluti auis de manu tenentis elapsa, laxatis in aëra pennis ad auianemorum cantando reuolauit. Nos igitur videntes, & spiritum loquendi vltteriùs non habentes, in comparatione talis ac tantæ perfectionis, assimilauimus nostras turres fauillæ & cineri; & qui antea putabamus nos aliquid esse cùm nihil essemus, tunc vniuersas iustitias nostras quasi pannum menstruatæ existimauimus; sicque percutientes pectora nostra humiliati atque compuncti nimis ad propria remeauimus. Referuntur & alia penè innumera de viro illo magnalia, quæ quoniam à nobis tanquam longè remotis diligentius inuestigata non sunt, silencio claudimus; illa tantummodò proferentes quæ fide oculatâ percepimus. Hic itaque ter Beatus cùm reuelante Deo diem dormitionis suæ iamiamque imminere conspiceret, ad vnâ de propinquioribus villis accessit, ibique percepto dominici Sacramenti viatico latantibus Angelis, angelicæ puritatis animam reddidit. Ad cuius exequias venerandas viri religiosi, & populi innumerabiles cateruatim vndique confluentes, corpus eius honorificè sepelierunt, & super ipsum nouam ecclesiam construxerunt. Postea verò translatus est inde corpus eius apud quoddam nobile castrum, quod nominatur Luceleburgum, & in ecclesiâ

ecclesiâ Beatæ Mariæ honorificè tumulatum. Porro ad ipsum tumultum eius, miracula frequenter vsque hodie sunt, & sanitates ac beneficia multa ipso interueniente fideliter postulantes accipiunt. Hæc & similia nobis neophitis dominus Acardus sæpius referebat exempla, quibus rudimenta tirocinij nostri magnificè roborabat, atque in amore virtutum non mediocriter accendebat. Ad postremum autem etiam ipse deficiens, in senectute bonâ migravit ad Dominum, & sepultus est in sepulcro fratrum suorum.

CAPVT VII.

De fratre laico & Conuerso Clareuallis, pro inimicis orare solito, cuius pretiose mortis diuina visio testimonium perhibuit. Quinam ex S. Bernardo cælum rectâ ingrediantur.

VII. **F**RATER quidam laicus & Conuersus, in eodem cœnobio exstitit, vir religiosus ac summæ mansuetudinis, qui Deo magistrante didicerat esse mitis & humilis corde. Huic omnes testimonium perhibebant quòd nunquam visus fuisset irasci, nunquam quibuscumque iniurijs affectus ad impatientiam prouocari. Hic inspirante Deo statuerat firmiter in animo suo, vt quotiens à quibuscumque fratribus suis iuste siue iniuste proclamaretur, totiens pro illis oraret, & pro singulis *Pater noster* primâ vice ad minùs diceret. Cuius exemplo salubriter instructi multi Clareuallensium fratrum, eamdem consuetudinem vsque hodie quasi pro lege custodiunt. Quâdam

itaque die cùm esset in viâ directus , necesse habuit transire per fauces cuiusdam nemoris solus. Contigit autem ibidem eum incidere in latrones , qui eum despoliantes , caballum quoque cum sarcinulis rapuerunt, & nihil ei penitus præter solam caritatem dimiserunt. Illa verò quia non fuit in sitarciâ, neque in forulo foris incautè relicta , sed firmissimæ patientiæ nodis intus in intimo cordis sapienter astricta , sicariorum violentiam timere non poterat. Saluâ igitur caritate nihil Dei seruus amittere potuit, quia pro nihilo illi erat quicquid eâ remanente amisit. Recedentibus verò latrunculis ipse cùm paululum processisset, prosternitur ad orationem, obsecrans Deum ut hanc eis remitteret impietatem. Quidam ex ipsis à longè subsequutus , curiosius observabat, volens scire quid ageret; & videns eum orationi diutius insistentem, celeri cursu reuertitur ad socios , percutiens pectus suum & dicens, Væ nobis miseris & damnatis. En moriemur omnes qui hunc tam sanctum hominem , & tam sancti monasterij fratrem , (siquidem ipso reuelante cognouerant quòd esset de Claraualle), nostro malo tam malè tractauimus. Hic enim ex quo recessit à nobis, non cessat orare cum gemitu & lacrymis : nec dubium est quin ipse Dominum roget etiam pro suis inimicis. Quod audientes compuncti sunt animo, & venientes inueniunt illum adhuc in oratione flexis genibus intentum. Cui mox vniuersa restituunt, & veniâ suppliciter postulatâ, in pace dimittunt. Quo viso, gauisus est frater ille gaudio magno, Saluatori Christo immensas gratias referens de compunctione prædonum, magis quàm de receptione spoliorum.

Hic ergo vir bonus cū in sancto proposito perseverasset, tandem vocante se Deo collectus est ad populum suum, recepturus à modò cum eis præmia meritorum. De cuius glorificatione visio talis apparuit, eadem quā defunctus est die. Erat in quodam monasterio longius à Claraualle remoto, monachus quidam religiosus & magnæ opinionis vir, quem pro suâ sanctitate omnes sinceriter diligebant, omnes singulariter honorabant. Hic igitur eodem die quo prædictus frater mortuus est, etiam ipse moriens ad extrema devenit. Cumque iam morti proximus videretur, raptus est ab humanis, ita ut omni membrorum officio destitutus, à manè usque ad Nonam in extasi positus, tandem ad seipsum reuertitur & virtute receptâ, lingua tantum in verba laxatur. Stupentes verò qui aderant, causam ab eo repentinae discessionis, ac reuersionis efflagitant. Quibus ipse respondit. Hodie cum à sensibus corporis in spiritu subleuatus abstraherem, inueni me subito introductum velut in paradiso voluptatis, in loco glorioso atque præclaro nimis; cuius aptitudinem, pulchritudinem, atque amœnitatem humani sensus angustia æstimare non sufficit. Ibi pretiosa vasorum congeries atque ornamentorum; ibi infinita præparatio deliciarum, quomodò fieri solet in aduentu cuiuspiam potentissimi Regis aut Imperatoris. Erant igitur Sancti innumerabiles immensâ gloriâ coruscantes, quorum alij iam aduenerant, alij adhuc de cunctis partibus veniebant, quasi ad grande spectaculum certatim properantes, & velut ad diem sollemnem undique confluentes. Audiebatur etiam ibi suauitas armoniæ cœlestis, & resonabat undique gratiarum actio & vox laudis. Ego verò cum

nimis obstupuissem sciscitatus sum ab Angelo ductore meo super his quæ videbam. Ipse autem respondit; Hæc est celebritas noua, noui cuiusdam Sancti hodie de domo Clareuallensi assumpti, & in gaudia ista modo sollempniter introducendi. Hoc itaque dicto iussit me citius egredi, atque ad humana reuerti. Quod cum ego nimium detererer, obsecrabam medullitus, vt ab illâ felicitate ad miseras corporis amplius non remitterer. Ille verò respondit; Modis omnibus oportet te ad fratres tuos regredi, donec annuncies quæ vidisti. Quo facto protinus reuerteris, & æternæ istius lætitiæ participium obtinebis. Huius rei gratiâ missus sum ad vos, indicare ista quæ vidi, vt & ipsi benefacientes proficiatis, & perseueretis in bono, scientes vtique quia non deerit merces operi vestro. Et cum ista dixisset, valescivit, atque obdormiuit in Domino. Planxit autem cum omnis congregatio monasterij, vtpote sanctissimum & magnæ utilitatis virum; de cuius exemplo omnes erant informati, & de cuius consilio pendebant vniuersi. Illi ergo sollicitè tēpus horamque notantes, cum requisissent in Claraualle, cognouerunt fratrem supra memoratū eādem die quā visio demonstrata est fuisse defunctum. Cuius nimirum inuenta est talis ac tanta conuersatio, vt fidem facillè faceret tali & tanto miraculo.

Beatus verò BERNARDVS cum quidam de fratribus suis hanc visionem coram eo cum grandi admiratione referrent, ita respondit; Et vos fratres ista miramini. Ego verò magis admiror in vobis incredulitatem & duritiam cordis, qui adhuc minimè creditis, aut minimè fortè aduertitis vocem illam quā de cælo clamatur; *Beati mortui*

*qui in Domino moriuntur : amodò iam dicit Spiritus ut
requiescant à laboribus suis, opera enim illorum sequuntur illas.
Mihi siquidem luce clarius, & vita quâ viuo certius con-
stat, omnes qui in cordis huius puritate obedientes &
humiles perseverauerint, mox ut carnem exuerint, ab
omni miseriâ protinus exuendos, & immortalitatis gloriâ
vestiendos.*

CAPVT VIII.

*Roberto Clareuallensi Abbati duo Angeli floribus chorum ster-
nentes, cuiusdam monachi tunc morientis
meritum designant.*

VIII. **R**OBERTVS venerabilis Pater, Abbas quon-
dam Clareuallensis, vir religiosus & per cuncta
laudabilis, quâdâ vice cum in lecto suo quiesceret, vidit in
somnia quasi duos ephebos adolescentes, vultu & habitu
insigniter relucêtes; qui quasi lilia, rosas, & violas ac diuer-
si generis flores in choro Clareuallensi copiosè spargebât.
Quo viso miratus est, & dixit ad illos; Quid vobis vi-
sum est (ô boni iuvenes) contra consuetudinem nostram
pauimentum hoc floribus sternere, & monasterio nostro
huiusmodi nouitatè inducere? Illi verò dixerunt ad
eum; Noli ista mirari, nec molestè accipias, quia modò
iam in choro isto celebrabitur noua noui cuiusdam San-
cti festiuitas. Eadem igitur horâ defunctus est in infirmi-
torio religiosus quidam & boni testimonij frater. Cum-
quē pro eo tabula pulsaretur, excitatus à somno isdem
venerabilis Pater, properanter venit ad eum cum cæteris

fratribus, & magnâ deuotione commendauit animam eius; certissimè credens atque confidens, quòd hic erat nouus ille Sanctus, de quo in requiem assumpto Angeli sancti nouam festiuitatem, & nouum gaudium essent illicò celebraturi.

CAPVT IX.

Visio apud Claramuallem ostensa in obitu fratris cuiusdam, bonæ quidem voluntatis, sed aliquantùm negligentis.

IX. **A**LIVS quidam frater vidit in visione pretiosa quædam de palleis & sericis indumenta, in infirmitorio Clareuallensi incidi atque præparari. De cuius rei nouitate cùm multum obstupuiſſet, dictum est ei; Ornamenta ista de quibus miraris, præparata sunt cuidam de filiabus Abbatis Clareuallensis, quæ modò procedit ad nuptias: & quia minùs habet pulchritudinis in se quàm conueniat generi suo, oportet vt habeat saltem pretiosarum vestium fragrantiam atque decorem, vnde placeat viro. Eadem igitur horâ pulsata est tabula, & defunctus est frater quidam; de quo inuentum est, quia quamuis bonam voluntatem habuerit, tamen in operatione aliquantulùm negligens & remissus exstiterit. Vnde necesse erat vt cui gratiam absoluti decoris, propria merita non præstabant, ei nimirum fratres de orationibus suis copiosiore ornatum impenderent.

CAPVT X.

*Fratres Igniacenses in visione angelicâ, liliorum emblemate
exprimuntur.*

X. **S**IMILITER apud Igniacum (quod est de filijs
Claræuallis non ignobile monasterium) cuidam
approbatæ conuersationis viro ostensa est huiuscemodi
reuelatio. Aspiciebat in visu noctis ; & ecce duo Angeli
é cœlis aduenientes de multis lilijis quæ in cimiterio ip-
sius monasterij apparebant , quatuor præciderunt , &
eadem secum ad sidera detulerunt. Quod cùm ille vi-
deret, dixit ad eos ; Quare, obsecro, succiditis lilia nostra?
Qui respondit. Noli inde mirari (frater) quia nostra
sunt lilia : & quidem ista quatuor ad præsens nobiscum
asportabimus, reliqua verò paulatim deinceps cùm op-
portunum fuerit colligemus : & ne vnum quidem pote-
nt remanere quin omnia transferamus. Mox igitur in
eodem cœnobio defuncti sunt quatuor fratres boni &
religiosi ; de quibus certum est quòd per quatuor lilia de
cimiterio præcisa fuerint designati. Verùm in eo quod
dictum est , nullum ibidem fore relinquendum quin
omnia transferretur in cœlum, non parua relicta est con-
solatio nobis paruulis & infirmis , qui inter infirma Chri-
sti membra gementes, de nostrâ imperfectione dolemus,
& dolendo clamamus in auribus Patris misericordiarum,
quoniam ipse cognouit figmentum nostrum : & illud ; Si
iniquitates obseruaueris Domine, Domine quis sustine-
bit. Quia apud te propitiatio est. Item, Imperfectum
meum viderunt oculi tui, & nemo in eis : subaudiendum
est, peribit, vt Beatus BERNARDVS exponit.

CAPVT XI.

Arnulfus de Maiorcâ, vir in seculo præpotens, in Claraualle factus monachus, pro totius vitæ peccatis tres tantum orationes dominicas penitentie loco accipit à Sancto Bernardo: centuplum in hac vitâ se à Domino percepisse affirmat: sancte moritur.

XI. **A**RNVLFVS de Maiorcâ, vir diues & delicatus Animis, natione Flandrensis, Beato BERNARDO se secretè reddidit. Fuit autem vtriusque consilium rem silentio tegere, propter quædam sæculi impedimenta, vsque ad vltimam diem quâ egressurus esset de terrâ & de cognatione suâ. Erat enim magnus paterfamilias, ornatus filiis & fratribus, tantisque diuitijs irretitus, vt absque suorum damno & scandalo graui abrumpere sese non posset, nisi priùs domum sapienter & cautè disponderet. Interim ergo dum silentium illud tenerent omnia, & arcani huius causam negotij ipsi duo soli in mundo cognoscerent, factum est verbum Domini ad quemdam rusticum armentarium, cùm boies minaret ad aratrum, dicens; Vade, dic Arnulfo de Maiorcâ, vt te secum ducat in Clarauallem, quo proximè iturus est ad conuersionem, & cum eo conuertere. Audiebat autem vocem, sed neminem videbat. Quod cùm factum fuisset, cœpit attentius orare, vt si à Deo sermo fuisset egressus, reuelaret iterum auriculam eius, & adijceret iterum loqui ad ipsum, repetens eundem sermonem. Accepto itaque secundâ iam vice oraculo venit ad prætaxatum virum, & ait; Verbum mihi ad te Dominum meum. A quo cùm fuisset

fuiſſet ductus in partem, procidit ad genua illius, dicens: Obſecro te per Chriſtū, vt ducas me tecum ad Claram- uallem tuam, & ſalues tecum animam meam. Et; ſi ſcire deſideras, ſic & ſic nunciatum eſt mihi. Auditā autem reuelatione miratus & lætatus eſt valde: & ac- cepto homine, ad ſeipſum conduxit, & habuit indiuidu- um comitem itineris & conuerſionis; habiturus etiam, vt credimus, conſortem æternæ retributionis.

Veniens itaque vir venerabilis, ad prædictum mona- ſterium, multa de ſuis facultatibus tam ipſi quàm alijs pluribus contulit. De quo etiam Beatus BERNARDVS talem in commune ſententiam protulit; De conuerſione, ait, fratris Arnulfi, nec minùs admirandus, nec minùs glorificandus eſt Chriſtus, quàm de reſurrectione Lazari quatriduani; eò videlicet quòd in delicijs tantis clauſus atque ſepultus velut in tumulo iacebat, quaſi viuens mortuus erat. Huic autem conſitenti cum gemitu & la- crymis multis, delicta vniuerſa quæ in mundo contraxe- rat, Beatus BERNARDVS intuens cordis eius amarissi- mam contritionem, & ad omne opus bonum ſpon- taneam voluntatem, iniunxit ei vt *Pater noſter* tribus vici- bus diceret, atque in ſuo propoſito deinceps uſque ad obitum perduraret. Quo ille audito, quaſi ſubſtoma- chans ait; Ne (quaſo) irrideas famulum, beatiffime Pater. In quo te (ait) irrideo. Reſpondit. Ieiunia ſeptem vel decem annorum non ſufficerent mihi, etiam humi- liato in ſacco & cinere; & tu mihi præcipis *Pater noſter* tertio dicere, & in Ordine perſeuerare. Et Sanctus ad eum. Ergone tu meliùs me, noſti, quid te oporteat facere, & vnde ſalueris? Ille verò reſpondit; Abſit ab animā

meâ tam iniqua præsumptio. Sed propter Deum obsecro, ne mihi parcas in præfenti, vt parcas melius in futuro: & talem nunc impone pœnitentiæ pœnam, quatinus post mortem carnis, ad requiem sine pœnâ perueniam. Cui beatus Pater ait; Fac vt loquutus sum, & securum te facio, quia depositâ mole corporis, mox ad Deum sine molestiâ peruolabis. Hoc itaque responso quasi diuinitus accepto confortatus est nimis, adeò vt nullâ deinceps tentationum violentiâ, nullâ infirmitatis molestiâ posset â cursu desiderij sui, quo totus in Deum pergebat, aliquatenus retardari. Erat autem circâ custodiam cordis sollicitus, ac timoratus nimis; ita vt neminem vidisse me recolam tam studiosum conscientiæ propriæ mundatorem. Mirabantur siquidem omnes, præsertim confessionum illius auditores, quotidianam instantiam, vel potiùs importunitatem, quâ eos quiescere non sinebat, sicut nec ipse quiescere poterat, confitendo, plangendo, plorando, non modò de otioso sermone aut signo, siquando illi vel rarò subriperet, verùm etiam super vanâ & leui aliquâ cogitatione; quod cæteri hominum (vt per paucos excipiam) aut parui aut nihili penderent, in quo seipsum scrupulosissimè diiudicabat, & quasi de crimine arguebat.

Quâdam itaque die cùm in ecclesiâ Vesperæ cantarentur, & ipse stabat in retrochoro, iuxta quemdam monachum, virum æquè sanctissimum. Et ecce Angelus Dei apparuit ibi in specie pulcherrimi monachi adolescentis, cucullâ indutus niue candidiore; ipso tamen Arnulfo non vidente neque sciente. Qui dum solito more ad gloriam psalmi inclinaret, Angelus coram eo

stabat, & supplicantis caput suppositis manibus sustentabat. Quem cum prædictus monachus cerneret, & præfulgore vultus & habitus Angelum esse deprehenderet lætatus est valde super angelico aspectu, accessitque vi apprehenderet eum, & deuotè amplexaretur. Cumque expansis manibus vellet eum tenere atque astringere sibi, ille subito euanesceus recessit ab eo, & subito iterum apparens stetit in alio loco. Videns verò monachus, de nouò cucurrit ad eum, & simili modo nitebatur apprehendere illum. Sed mox Angelo disparente, & protinus alibi reapparente frustratus est homo à conatu suo. Quod cum pluries factum fuisset, tandem Angelus ex toto disparuit, & qui se videndum obtulerat, teneri omninò non pertulit.

Quia ergo veraciter scriptum est, quoniam diligit Deus correptionem, flagellat autem omnem filium quem recipit, nunquam huic venerabili viro paternæ miserationis correctio defuit, semper in eo carnis vitia resicans, & virtutes animæ vsquequaque multiplicans. Denique per plurimos annos vsque ad obitum suum grauib; ac diuturnis incommodis flagellatus est; quæ non solum æquanimiter tolerabat, verum etiam gloriabatur in illis sicut in omnibus diuitijs. Quadam itaque vice cum doloribus viscerum, quibus nimium laborabat, solito durius artaretur, angustiat; est penè vsque ad mortem, ita vt aliquamdiu mutus atque insensibilis permanens, de vitâ desperaretur, & ob hoc etiam oleo infirmorum inungeretur. At vbi respirare primum potuit, subito erumpens in iubilum, ait; Vera sunt omnia quæ dixisti, Domine Iesu. Et hæc idem sæpius repetebat. Stupen-

tibus verò qui aderant, & percunctantibus quomodò se haberet, & quare ista diceret, nihil aliud respondit nisi quia vera sunt omnia quæ loquutus est Deus. Quidam ex ipsis dicebant quòd præ acerbitate doloris, cerebro turbatus esset, & quasi aliena loqueretur. Quibus ille respondit: Non ita est (fratres) sed sano capite & mente sobriâ dico, quia vera sunt omnia quæ loquutus est Deus. At illi responderunt. Et nos ista cognoscimus: sed quare hæc dicis? Respondit: Dominus in Euangelio dicit, quia quisquis pro eius amore hæc & illa dimiserit, centuplum accipiet in hoc sæculo, & vitam æternam in futuro. Ego itaque vim sermonis huius in præsentī experior, & centuplum meum iam nunc in hac vitâ recipio. Siquidem immensa vis doloris istius adeò mihi sapit, adeò mihi sedet, propter spem diuinæ miserationis quæ in eo reposita est, vt hac ipsâ caruisse me nolim pro centuplicatâ mundi substantiâ quam reliqui. Quòd si ego peccator & indignus ità à Deo confortor atque latificor etiâ in angustiis meis, quomodò putamus sancti & perfecti viri tripudiant & exultant in consolationibus suis? Verè etenim spiritale gaudium quod modò est in spe, centies millies exuperat sæculare gaudium quod modò est in re. Et qui centuplum istud necdum accipere meruit, profectò cōstat quòd adhuc omnia perfectè non reliquit; sed ex propriâ voluntate, quæ est mala proprietas, retinet aliquid. Hæc illo dicente mirati sunt vniuersi, ab homine laico & illitterato talem sententiam esse prolatam; nisi quòd manifestè dabatur intelligi, quia Spiritus sanctus qui eum flagellari grauiter in corpore permittebat, intus in animâ suauiter vngebat: cuius nimirum sacratissima

vnctio quemcumque tetigerit hominem, docet de omnibus quæ operatur. Iste ergo vir sanctus, cùm iam de manu Domini recepisset duplicia, pro omnibus peccatis suis tandem longo martyrio cruciatus, & tanquam aurum in fornace probatus, pacatissimo somno obdormiuit in Domino. De quo certissimè credimus, quia iuxta Beati BERNARDI sententiam, mox vt à corpore exijt, ad Deum sine poenâ peruenit.

CAPVT XII.

Quidam verberibus inuisibili manu inflictis compellitur ad conuersionem in Claraualle.

XII. **E**ST IN EODEM cœnobio vir venerabilis & religiosus, cuius nomen quamdiù superest exprimere nolumus; qui dum esset clericus & iuuenis delicatus, intentus erat interdum actionibus ludicris cum cæteris cœqualibus suis. Quâdam igitur vice cùm ad aliquam domum iocandi causâ multi confluerent, vt theatricis plausibus & nugis diem ipsum solito more consumerent, accessit illuc etiam præfatus iuuenis, vt ipse pasceret oculos suos de spectaculo vanitatis. Erant autem illic aleatores quidam cum aleis ludentes, quos vt melius ex alto prospiceret, super mensam ibidem appositam pronus accubabat. Et facta est subito super eum quasi hominis manus, ipsum inuisibili flagello diutiùs vapulans, quæ caput illius ac dorsum tutum veluti pilo desuper feriente crebris ictibus tundeat. Ipse verò iacebat immobilis, quid faceret, & quò se verteret igno-

rans: volebat autem præ nimia doloris angustia in voce clamoris & planctus erumpere, sed præ pudore propter circumstantes populos non audens, molestiam verberum ægrè ferebat. Arguens verò semetipsum, loquebatur in amaritudine animæ suæ, dicens; Hei mihi, Domine Deus, nunc inuenerunt me peccata mea; & ecce iam morior, & ad inferos cum dolore descendo, carens pœnitentiæ fructu. O si mihi concederes spatium emendandi, quanta est mihi voluntas tibi in omnibus obsequendi! Dum hæc & similia in corde coram Deo loqueretur, facta est vox ad ipsum, dicens; Si Claramuallem conuersionis gratiâ adire volueris, & in animâ & in corpore saluus eris. Ad quod ille respondit; En trado me seruum Deo, & domui Clareuallensi. At ubi in corde suo hoc firmâ voluntate proposuit, mox recedente flagello, etiam dolor totus euauit. Quod cum ille vidisset, continuo non adqueuit carni & sanguini: & ne vnus quidem horulæ morulam sustineret, nisi quòd ita ad manum equitatura non fuit: quâ die eadem comparatâ, in crastinum summo manè iter arripiens, domum, familiam, agros, redditus, census, & cuncta quæ habebat, pro Christo arbitratus ut stercora, dereliquit; & veniens ad Claramuallem, ibique vsque hodie permanens, satis in suâ conuersatione demonstrat, quòd prima illa conuersionis eius vocatio, verè ab illo fuerit qui eos quos amat, arguit & castigat; omnemque filium quem recipit, paternâ pietate flagellat.

CAPVT XIII.

*Sancti Bernardi mandato differtur obitus cuiusdam monachi
Clareuallensis.*

XIII. **Q**UID AM de fratribus eiusdem loci, cū
esset positus in extremis, ingressus est ad eum
visitandum Beatus BERNARDVS post Completorium,
& videns hominem morti proximum, iamiamque mi-
graturum, ait: Nosti (carissime frater) quia conuentus
noster modò fatigatus est de labore, & iam postmodum
habet ad vigilias surgere. Quòd si te iterum obdormi-
ente, oporteat illum suam interrompere dormitionem,
nimium vexabitur, & prægrandes vigilias minùs cele-
briter exequetur. Vt ergo benè sit tibi, & longo viuas
tempore super terram, ad quam ingrederis possidendam,
in nomine Christi præcipio quòd vsque ad horam diuini
officij exspectes nos. Cui ille respondit: Faciam Domine,
vt imperasti, si tamen voto meo tuis precibus suffrageris.
Quid multa? Abijt Pater in dormitorium, & frater non
obiit ante terminum constitutum. Moxque vt signum
ad vigilias pulsari cœpit, pulsata est tabula, & ille decessit.
Quod non modò de illo fratre, verum etiam de pluribus
alijs pluries accidit, vt vno pluribusue diebus protelare-
tur finis eorum ad ipsius Patris imperium & votum.

CAPVT XIV.

*Angeli sancti lectulum circumstant morientis in Claraualle
monachi.*

XIV. **C**ONVERSVS quidam de supradicto cœnobio, homo religiosus & bonæ operationis, cùm iam ad extrema deuenisset, apertis oculis vidit Angelos sanctos præsentem assistere lectulo suo. Qui statim circumstantibus fratribus ait ; Numquid non aspiciatis Angelos Dei qui modò aduenerunt ; Pulsate quancumque tabulam, quoniam ipsum præstolantur exitum meum. Et cùm ista dixisset, protinus egressa est anima. Nec dubium quin eam susceperint Angeli sancti, quos præuidisse meruerat.

CAPVT XV.

*Fratri bubulco Clareuallensi apparet per quietem Christus
Dominus, boues cum eo stimulans, stiuam premens,
terramque aratro proscindens.*

XV. **A**LIVS QUIDAM frater, bubulci gerens officium, in eodem monasterio exstitit, homo purus ac bonæ simplicitatis. Hic igitur quâdam vice vidit in somnis iuxta se Dominum Iesum Christum, iocundo nimium spectaculo illâ suâ manu dulcissimâ tenentem aculeum, atque ex aliâ parte temonis boues minantem secum. Quòd cùm ille vidisset, illicò correptus ægitudine, lecto decubuit, & post dies sex laborem

laborem & dolorem cum morte finiuit. Beatus verò BERNARDVS qui conscientiam hominis puram ac simplicem nouerat, cùm visionem hanc ipso referente cogitaret, plurimùm inde gratulatus est. Defuncto autem fratre, pronunciauit de ipso confidenter, quoniam cum Deo ambulauit, etiam verè cum ipso operatus est: ideòque transtulit illum Deus; nec potuit miserator omnipotens seruum suum in supremo agone deferere, cui dignantissimus comes & cooperator fuerat in labore.

CAPVT XVI.

Quidam Conuersus Clareuallensis, litterarum rudis, cùm esset morti proximus, multa Latino eloquio de Scripturis sanctis disseruit.

XVI. SOLENT frequenter fratres infirmarij Clareuallenses cum gaudio atque admiratione referre, de quodam honestæ vitæ Conuerso, qui cùm deuenisset ad mortem, cœpit loqui Latino eloquio. Et cùm nunquam Latinas litteras didicisset, mira quædam de Scripturis sacris luculento sermone disserbat; nihil penitus proferens, nisi quod sanæ doctrinæ congruebat. Præterea quasdam suaues cantilenas, quæ nusquam audiri consueuerant, modulatis vocibus depromebat; ità vt videntes miraculi nouitate obstupescerent, & cantuum suauitate mulcerent. Qui dum hæc aliquamdiu faceret, tandem in bonâ confessione animam reddidit, & extrema lucis illius gaudium occupauit.

CAPVT XVII.

Conuersus è Claranalle tertio egressus, & tertio receptus, tandem verè & diu pœnitens, paulò ante obitum, beatitudinem æternam prægustat.

VII. **P**ÆTEREA quidam alius Conuersus, cùm de eadem domo leuitate suâ tertio fuisset egressus, tertioque receptus; tandem grauiter ingemiscens, & doloribus vulnerum, dolores medicaminum superaddens, præsentibus lamentis præterita mala delere, & veluti clauum clauo expellere satagebat, simulque diuersis respectibus stantes ne laberentur, lapsos ut erigerentur salubri exemplo informabat. Et ne quid illi fortè deesset ad integram salutis æternæ recuperationem, disponente Deo ingressa est putredo in ossibus eius, & percussus circa femora vlcere canceroso distabit, ita ut carnibus vndique corrofis ossa nudata patescerent, & vulnera vermibus scaturirent. Crescebat in dies angustia languoris, & annis plurimis in grabatulo carceratus, quot horis viuebat, totidem penè interitionibus subiacebat. Erat ergo patienti animæ miserabilis dolor & angor, simulque seruitoribus eius à facie tabidi vlceris ingens fœtor & horror. Sed erat nihilominus laboris ac patientiæ huius remuneratio copiosa penes Deum vtrisque reposita. Satagebat autem infirmus gratias agere semper in pressuris istis, credens & confitens sese recipere longè adhuc imparia meritis. Et quoniam veraciter scriptum est; *Aufer rubiginem de argento, & egredietur vas purissimum*, cùm iam excocta fuisset ad purum scoria peccati, educta est tan-

dem anima illa de conflatorio purgationis, & velut argentum igne examinatum munda & nitida, cum cæteris misericordie vasis translata est ad palatium summi Regis.

Sed antequàm de lacu miserie & de luto facis egredieretur, meruit prævvedere gloriam suam, & prælibare nescio quid ineffabile de illâ dulcedine supernâ, ad quam sine fine fruendam erat in proximo admittenda. Quâ perceptâ protinus erupit in iubilum præconij cælestis, & serenata facie cœpit cum suaviissimâ melodiâ quosdam novos multùmque delectabiles hymnos ac modulos cantare de canticis Syon. Factâ autem hac voce, convenit multitudo fratrum videre cum grandi miraculo hominem positum in dolore & morte communi, mortis tamen oblitum & nescium doloris, immò qui morti in morte insultans iam quasi dicebat; *Absorpta est mors in victoria?* *Vbi est mors victoria tua?* *Vbi est mors stimulus tuus?* 1. Cor. 15. 54 Ille igitur modulizans & glorificans Deum, in ipsâ horâ tristitiæ omnia prospera, omnia iocunda ceinebat, & veluti iam citharizaret incitharâ suâ cum cæteris Sanctis, ita lætabundus & laudans in voce exultationis & confessionis animam ad Deum emisit. De cuius felici consummatione Beatus BERNARDVS multùm exhilaratus fuit. Vnde etiam sermonem deuotissimum in Capitulo faciens, commendavit in eo pœnitentiæ fructum, & mirabilem patientiam eius omnibus proposuit in exemplum.

CAPVT XVIII.

*Gerardo Conuerso de Moris, viro mitissimo & religiosissimo
apparet paulò ante obitum Christus Dominus,
cum duodecim Apostolis.*

XVIII. **C**ONVERSVS quidam nomine Gerardus, vir valdè religiosus fuit in domo quæ dicitur Moris, homo timoratus, & corporis sui castigator admodum durus. Hic tantò animi seruire contra vitia luctabatur, vt quando illicitis motibus pulsabatur, super vtricâ sese in terrâ volutaret, & ex eis corpus suum ac membra confricaret. Hoc verò sæpissimè faciens petulantis carnis stimulos fortiter reprimebat, & incentiuâ libidinum pœnali incendio salubriter exstinguebat. Hic erat homo mitissimus, multumque satagebat vt inter fratres viveret sine querelâ. Qui dum extremâ ægritudine laboraret, vocato ad se vni de suis seruitoribus ait: Recolo, carissime frater, offendisse me nudiustertius virum illum talem; (designauit autem illum ex nomine) meâ vt vereor culpâ. A quo tamen illicò prostrato corpore veniam petij & impetraui, sed vtrum ex cordè dimiserit, incertum est mihi. Vade quæso ad illum, & iterum vice meâ propter Deum efflagita vt pleno affectu supplicanti indulgeat. Quod cum obtinuisset, benedixit Deum, & ait: Iam latus moriar, quia pacatis (vt arbitror) vniuersis pacem bonam & dilectionem cum omnibus habere me credo, & omnibus id ipsum quod mihi desidero. Igitur instante migrationis illius articulo exhilaratus vultu & animo, circumstantibus dixit; Eia fratres

mei, gaudete in Domino & gratulamini mihi, quia Dominus Iesus Christus Filius Dei Patris, modò venit ad me cum duodecim Apostolis suis. Et ecce nunc in ecclesiâ nostrâ manet, præstolans exitum meum; nec inde recedet donec ego cum ipso recedam. Cumque finisset huiusmodi sermonem, illicò finiuit & mortem. Nec dubium quin ab illo fuerit in pace receptus, à quo ineffabili dignatione fuerat expectatus. Hæc mihi frater quidam nomine Iosbertus, vir ætatis decrepitæ, & emeritæ sanctitatis, sub diuinâ testificatione narrauit, sicut ab eodem G. cui morienti assistebat, audiuit.

CAPVT XIX.

Cuidam monacho Clareuallensi visi sæpe cacodæmones horrendis formis: visus S. Augustinus, à quo & ad loca pœnarum, & ad beatorum sedes deductus est: visa anima monachi de corpore egressa, & in aëre tandiù hesitans donec sacerdotali cõmendatione muniretur: visus denique in Missâ paruulus Iesus flagitiosum Presbyterum auersari.

XIX. **N**OVIMVS quoque alium quemdam de filiis Clareuallis, virum æquè sanctissimum, cuius nomen, quoniam præsentì subiaceret vanitati, exprimere nolumus. Hic ab adolescentiâ mundo renunciâns, quadragesimum (ni fallor) in monasterio supergreditur annum. Vbi in omni sanctitate & iustitiâ Deo seruîens, etiam corporis integritatem magno Dei munere à matris vtero conseruat.

Hunc autem Dominus Iesus in testimonium genuinæ

puritatis multis consolationibus releuat, & multa illi de
 arcanis celestibus reuelat. Accepit quoque gratiam spi-
 ritalem à Domino quam perpauci hominum assequuntur.
 Nam quotiens penè voluerit intentius luminibus inten-
 tis in aëra sursum aspicere, solitus est videre corporeis ocu-
 lis per diem globos dæmoniorum stipatis agminibus
 passim vbique vagantium; quorum tanta est infinitas,
 vt præ immensitate estimari non valeat. Qui cum multi-
 formiter soleant apparere, vna est tamen forma vel potius
 informitas, in quâ frequentius eadem conspicatur. Igitur
 secundum corporum lineamenta monstruosi homines
 esse videntur, staturâ gigantes, colore Æthiophes, agili-
 tate angues, leones feritate. Capitibus verò grossis, ac
 turgidis ventribus prominentes, corporibus curti atque
 gibbosi sunt. Colla quoque producta habentes, atque
 exilia, brachia nihilominus & crura longissima profe-
 runt. Quando autem alicubi in aëre sistuntur, tunc eorum
 corpora membratim facile discernit. Quando verò dis-
 cursu mobili huc illucque vagantur, tunc nihil ex eis nisi
 tantummodò laruales vmbrae, & turbinum glomeres
 deprehendit. Serenis quoque diebus quando Sol in
 virtute suâ lucet, tunc visiones huiusmodi frequentius
 cernere, ac melius discernere solet. Quâdam itaque vice
 cum diutius protelatis vigilijs, in quodam diuersorio
 solus oraret, inhorruerunt subito pili carnis eius, & præ-
 ter solitum turbati cœpit à facie nocturni timoris. Et ecce
 turba dæmonum glomeratim per ostium irruens, &
 quasi se inuicem à multitudine introeuntium compri-
 mens, totam domum impleuit; ita vt vndique perstre-
 pens, ipsum quoque orantem hinc inde concuteret.

Quod ubi ille persensit, illicò signo Crucis armatus, crebras venias petere cœpit, & Beatę Marię salutationem frequentius iterans, phantasmatum turbines ab oratorio suo celeriter exturbavit. Nocte verò sequenti cùm eundem locum orationis gratiâ repetisset, ecce iterum contrarię potestates in impetu furoris accelerantes, ipsius domicilij parietem lapideum ictu valido percusserunt, quomodo percutit aries ad murum applicatus; ita ut totum ædificium quateretur. Cumque vir Dei leuaret oculos suos contra fenestram magnam in eodem pariete apertam, vidit in eâ consistere pennatum dæmonem quemdam, instar gryphis aut strutionis, qui ei minaciter imminebat, quasi mox ruiturus in eum atque deuoraturus. Quo viso machinamenta zabuli animaduertit, & inuocato nomine Saluatoris, efferato prodigio signum Crucis opposuit, ac fugauit. Multa eiusmodi ludibria atque certamina passus, usque hodie feriri & referire non desinit luctator egregius.

Quādam itaque nocte cùm extra domum positus in curiā staret ad orationem, viditante se lampadem claram in aëre suspensam; ad quam cùm accederet, illa sursum ferebatur, ut comprehendi non posset. Cumque ille se paululum amoueret, lampas iterum descendebat, atque in eodem loco manebat. Quod cùm sæpius fieret, tandem quod videbatur euauit, & quid sibi veller apparitio illa non satis apparuit.

Sed neque hoc silendum existimo, quod Beatus Augustinus quodam tempore ei per visionem apparuit, dicens illum per innumera loca pœnarum, & usque ad ipsum putei gehennalis ingressum. In quem ex alto

prospiciens tremantibus membris, & palpitante animâ præ pauore intolerabili, vidit illam tartaream ardentis abyssi voraginem, plenam clamoribus horrendis, & ululatibus miserorum, vitâ execrandâ semper in igne deuorante viuentium, quibus est mors amarissima, mors omnium mortium pessima, mori non posse. Inde reflexo gradu, eductum de loco horroris & tenebrarum, transtulit ad regiones feliciû gaudiorum; ostendens ei lucifluas sedes & mansiones beatissimas animarum, vbi corporibus exure viuebant, atque in pace Christi quæ exuperat omnem sensum felicissimè quiescebant. Tunc ait illi Sanctus Augustinus; Ecce, vidisti fines vltimos boni & mali: elige quod bonum est in oculis tuis. Si viam iustitiæ quæ in libris meis copiosè digesta est, tenere decreueris, portionem habebis in terrâ viuentium, in gloriâ cum omnibus istis. Si verò post concupiscentiam tuam ire volueris, numerandus es cum iis qui sunt in anathema obliuionis. Finitâ itaque visione cum fuisset ad se reuersus, homo totus infremuit, totus vehementer inhorruit; duplici nimirum timore constrictus, tum ne bonorum gloriam amitteret, tum ne pœnam reprobatorum incurreret. Ex tunc verò & deinceps cœpit beatissimum Doctorem Augustinum dulciùs amare, & dicta illius sapidiùs retractare.

Contigit autem aliquando vt infirmaretur in Domo Dei, quæ est abbatia ordinis Cisterciensis. Porro ibidem tunc ægotabat ad mortem alius quidam frater honestæ conuersationis, qui cum iam in arcâ positus esset, casu accidit vt infirmarijs absentibus spiritum exhalaret. Prædictus verò frater cum ibi stratu suo recubans, graui corporis

corporis molestiâ langueret, reuelante sibi Domino, vidit manifestè corporeis oculis, animam illam longo tractu à corpore exeuntem, & quasi fumum incensi de thuribulo procedentem. Quæ cum tota fuisset egressa, collegit se in vnum globum, & stetit supra corpus in aëre suspensa, altitudine quatuor aut quinque cubitorum. Erat autem spiritus eius tanquam nubecula condensa atque perspicua, & quasi ad mensuram vnius modij obpanfa. Mansit ergo ibidem immobilis, vsquequò fraternis orationibus comitata, & sacerdotali commendatione munita, periculosi atque ignoti itineris ducatum accipere mereretur. Quod cum frater ille videret, sonitu & voce quâ potuit, infirmarios euocauit. Qui protinus accelerantes, tabulam defunctoriam pulsauerunt, & fratres ad exequias vndique concurrerunt. Præsente verò Conuentu cum Cruce, & aquâ benedictâ, cum iam sacramentalis commendatio esset initiata, tunc anima illa quasi iam secura processit, & nebula fumi quæ videbatur euauit.

Alio quoque tempore accidit vt prædictus frater die Dominicâ diuinis interesset officijs in quâdam ecclesiâ parochiali. Dictâ itaque Offerendâ, cum iam ministratio panis & calicis sacræ mensæ fuisset imposita, protinus apparuit ei Dominus Iesus, stans super eandem aram in formâ paruuli valdè formosi, ita manifestè atque morosè, vt vsque ad consummationem sacrificij propemodùm visio perseveraret. Verumtamen Presbyter eiusdem loci, qui Missam celebrabat, homo inhonestæ vitæ atque flagitiosus erat. Quamdiù ergo Sacerdos ille, siue oblationes fidelium recipiendo, siue sermonem, (vt in die

festo fieri solet) ad populum proferendo, seu aliquid aliud faciendo, dorsum ad altare habebat, tamdiu sanctus infans ante calicem stabat. Quamdiu verò; Sacerdos ad Sacramentum faciem tenebat, tamdiu sacer ille paruulus tanquam immundi Presbyteri halitum abhorrens, longè remotus ab eo post calicem consistebat. Quod cum frater ille conspiceret, compunctus est vehementer; ita vt inundatio lacrymarum interdum á visione visum præpediret. Completâ autem reuelatione glorificauit Deum, qui sibi dignatus est talia demonstrare: & verè cognouit quòd distantia meritorum, non facit differentiam sacrificiorum; quoniam Sacramenti effectus nullatenus constat ex virtute & merito Sacerdotis, sed ex institutione & gratiâ Redemptoris.

CAPVT XX.

*Ambiani Robertus Sacerdos, castitatis amator & prædicator.
Ibidem pudica quædam femina, infantulum Iesum
tempore sacrificij videre solita, probis sponte
illabentem, ab improbis verò
abhorrentem.*

XX. IN CIVITATE Ambianensi noscitur habitare quidam honestæ vitæ Sacerdos, præcipuus castitatis amator atque prædicator, nomine Robertus, qui pro suâ singulari sanctitate & sapientiâ ab omni plebe diligitur, & honoratur. Huic autem venerabili viro cura & efficacia multa probatur inesse, fidelibus subditis calibatus amorem verbo & vitâ persuadere; adeò vt ex eis

quamplurimi , non modò ab illicito , verùm etiam à coniugali toro , alij frequenter , alij quoque indefinenter abstineant. Est ergo ibidem deuota mulier quædam , quæ pudicitie desiderio flagrans , torum suum ipso marito renitente reliquerat. Qui prædictum adiens Sacerdotem , interpellare cœpit aduersus vxorem. A quo mulier conuenta atque increpata , cùm monitis eius acquiescere nollret , audiuit ; Vnum é duobus eligere te oportet , aut coniugij legibus obedire , aut mariti consensum precibus intentis à Domino impetrare. Cui illa respondit ; Primùm quidem istorum mihi omnino intolerabile , sequens verò nimis desiderabile. Igitur acceptis à Sacerdote octo dierum inducijs cùm ieiunijs & orationibus lacrymosis ardentè insisteret , miseratus est Dominus ancillam suam , & deprecationem illius exaudiens , ita mariti animum infra septimanæ circulum ad affectum continentie inflammauit , vt iam deinceps ad amplexus femineos pertrahi non valeret , etiamsi mulier consentiret.

Est & alia quædam mulier sancta in eadem vrbe , & pudorata , quæ marito fauente iam plurimis annis in eodem castitatis proposito perseuerat. Huic autem de Sacramento altaris Dominus magnalia reuelare dignatur quæ paucissimi hominum videre merentur. Cùm enim in ecclesiâ celebrarentur sacrosancta mysteria , solita est videre sapissimè Dominum Iesum Christum , supra sanctum calicem in aëre stantem , in effigie paruuli super Solis radium coruscantis ; ita vt oculi eius à fulgore luminis reuerberarentur. Horà verò perceptionis ille sacer infantulus in os Sacerdotis cum ipsâ communionē ingreditur , & nihilominus ad eandem benedictam feminam

veniens, visibiliter ac sensibiliter ori eius illabatur; ita ut fauces ac viscera eius, ineffabili suauitate & gaudio repleantur. Tres verò tantummodò sunt in eadem ciuitate Presbyteri, super quos istiusmodi gratiam descendere conspicit. Sacrificante verò aliquando quodam inhonestæ vitæ Presbytero, vidit mulier eundem puerum apparentem obscurum, & per totum corpus quasi cruore aspersum: qui etiam ad Sacerdotem accedere, atque in os illius dedignabatur inttare. Quod cum illa videret, cæpit vberimè flere; intelligens nimirum & plāgens hominem letali vulnere interiùs esse confossum, pro quo exterius apparebat ita terribile signum.

CAPVT XXI.

Matricularius Normannus videt in diuino sacrificio priuari Presbyterum osculo pueri Iesu, propter odium quo in compatrem commotus erat. Videt etiam in Rogationibus, mulierum nugaces cantilenas ab Angelis despici, à demonibus cachinnis excipi.

XXI **V**IRO SANCTO ac venerabili Richardo quondam Abbate Sauigniacensi referente cognoui quod narro. In prouinciâ Normannorum erat quidam Presbyter honestus, habens parochianum quemdam, virum æquè iustum & timoratum, quem Ecclesiæ suæ fecerat matricularium. Hic in magnâ cordis simplicitate Dominum quærebat; & ideò consequutus est quod optabat. Cum autem prædictus Sacerdos diuina mysteria celebraret, ille matricularius quotidie

fermè videbat infantulum quemdam gloriosum, apparentem super altare. Dumque Sacerdos pacem populo daturus, hostiam sacram more quorundam oscularetur, ille facer infantulus Sacerdoti appropriabat, & pacis ei osculum ore propitio porrigebat. Factum est autem ut Sacerdotis illius fabariam, pauperis cuiusdam compatriis atque conuicanei sui porca frequenter ingressa, dum eam coercere negligeret, tandem à canibus & clientulis eiusdem Sacerdotis aggressa necaretur. Vnde etiam ambo iurgium conferentes, irati ab inuicem recedunt, & iracundiâ odium pariente, aliquanti dies absque satisfactione prætereunt. Inde Sacerdoti subtrahitur gratia: & iam matricularius ille solitam super illum benedictionem descendere non videbat; unde secretius alloquens, conuenit hominem super damno conscientie sue, sciscitans ab eo quid mali commisisset, & nihilominus indicans quid diuini muneris amisisset. Qui vehementer exterritus, compatriis sui læsionem iacturæ huius causam esse fatetur: cui festinans reconciliari, gratiam quam amiserat vix tandem recipere meruit.

In diebus verò Rogationum cum clerus & populus processionem longius procedendo extenderent, consuetudo erat, ut pausantibus interdum clericis, mulieres vicissim modulando succederent. Porro prædictus ecclesiæ custos, Domino reuelante videbat in aëre binas bonorum atque malorum spirituum turbas à se inuicem separatas, quæ ipsam processionem indiuiduo comitatu lateratim prosequerentur. Cum itaque clerici psalmos hymnodiamque repeterent, fugientibus apostatis angelis, boni cominus accedebant, & plurimâ congratulatione

diuinis modulis applaudebant; mulierculis autem nugaces cantilenas reciprocantibus, spiritus benigni sublimiùs euolabant; & maligni propiùs accedentes, cantibus & plaufibus ineptis, miris cachinnationibus illudebant.

CAPVT XXII.

Frater quidam Clareuallensis, ex Eucharistiâ perceptâ melleam in ore dulcedinem degustare solitus; aliquando amico seueriùs obiurgato communicans, molestissimam tanquam absinthij amaritudinem sensit.

XXII. **F**RATER quidam de Claraualle cùm in quâdam die Dominicâ solito more sacram Communionem acciperet, visum est illi tunc & per totam deinceps diem, quòd fauum mellis dulcissimum in ore teneret. Sequenti verò Dominicâ cùm similiter accepisset Eucharistiam, per continuum triduum similes expertus est gratias. Tertiâ quoque Dominicâ diuinam nihilominùs alimoniam recepit, & iam totâ hebdomadâ semel indultam suauitatem sentire promeruit. Ex tunc ergo & deinceps, hanc benedictionem dulcedinis multipliciter & multo tempore sensit, modò rariùs, & modò crebriùs, prout datori gratiæ placuit. Factum est autem aliquando, vt quempiam de amicis suis pro culpâ illius obiurgans, iustæ inuectionis modum supra modum excederet: cumque pacificam Hostiam necdum fratre pacificato perciperet, visum est illi quòd amarissimum absinthij pabulum iniecisset. Hæc nobis secretiùs is cui

contigerat indicavit: quod quidem verum esse non ambigimus, cum similem gratiam pluribus & pluries accidisse, hodiéque accidere non ignoremus.

CAPVT XXIII.

*Alius frater Clareuallensis, die sancto Parasceues vidit
Christum Dominum velut eâdem horâ
crucifixum.*

XXIII. **E**ST ET alius quidam de filijs eiusdem monasterij monachus, homo atate & religione prouectus, quadagesimum (ni fallor) annum in Ordine Cisterciensi superprodegiens. Qui dum aliquando sederet in claustro, die sancto Parasceues, librum ante se habens, apparuit illi Dominus Iesus Christus manibus & pedibus in Cruce expansis, ac si eâdem horâ fuisset crucifixus. Quâ scilicet visio felicissima, quanquam breuis & penè momentanea fuerit, adeò tamen manifesta atque efficax exstitit, vt visionis illius deuota memoria de corde videntis ampliùs deleri non possit. Et hunc quidem virum nominatim exprimere possem, nisi ab illo prohibitus essem: quem utique tantæ puritatis esse cognosco, vt pro animâ suâ non confunderetur dicere veritatem.

CAPVT XXIV.

*Seniori cuidam Clareuallis monacho in extasi apparēs Christus:
Dimissa sunt tibi (inquit) peccata tua.*

XXIV. **A**LIVS quidam eiusdem loci senior, vir religiosus & omni honore dignissimus, cum esset aliquando positus in oratione, factus est in mentis excessu. Et ecce apparuit ei Dominus Iesus Christus, & dixit ei: Dimissa sunt tibi peccata tua. Finita autem visione cum fuisset ad se reuersus gratias egit Deo, & consolatus est nimis: erat enim tunc sollicitus & mœrens pro eiusdem erratibus suis.

CAPVT XXV.

*Iuuenis monachus malè interpretatus pias lacrymas Abbatis
sui Crucem in Parasceue adorantis, mox à demone de
abijciendo habitu monastico grauiter
tentatur.*

XXV. **E**ST QUIDAM venerabilis Abbas de filijs Sauigniaci, homo sanctus & valde spiritualis, cuius nomen aut monasterium ad præsens dicere nolumus, ne forsitan inde grauaretur. Hunc itaque Dominus tanquam seruum fidelem & benè operantem sapiùs visitat, & de arcanis suis multa reuelat. Qui dum aliquando in Parasceue Crucē Domini deuotè adoraret, deuotionis suæ lacrymas etiam in propatulo cohibere non valebat. Quod videns iuuenis quidam, carnali animo
cœpit

cœpit interpretari lacrymas illas, iudicans hypocritales, & nihil puritatis habentes. Moxque suadente diabolo inciditei desiderium vehemens, proiecto habitu monachali sæcularem resumere, Crucem sibi assuere, & iter Ierosolymitanum assumere. Hæc eo cogitante, reuelatum est Abbati diuinitus, quid mali iactasset in corde neophyti fratris, ille zizaniorum seminator antiquus. Vidit enim & ipsum inuisibilem aduersarium coram eo stantem, instar alicuius Ierosolymitani, palmâ, perâ, & baculo insignitum, atque scilicet coopertum, qui cum eodem iuvene disputabat, acriterque illi insistent, usque ad buccam digitum importabat. Peraçto itaque diuini officio, sollicitus fuit Abbas eundem fratrem secretius conuenire; præcipiens in virtute obedientiæ, vt diceret quid in illâ horâ sanctissimâ ante Crucem Domini fascinato corde proposuisset. Sentiens autem frater à viro spiritali se deprehensum, verecundè cuncta fatetur, & se deinceps emendaturum humiliter pollicetur. Tunc verò & ipse Abbas eidem fratri quæ viderat, intimare non distulit, eumque de cætero circà cogitationes suas cautum & timidum fecit.

CAPVT XXVI.

Idem Abbas vidit in choro demonem, singulis monachis vinum rubens in poculo propinantem: quod vnus ex illis degustans, à Spiritu fornicationis exagitatus est.

XXVI. **A**LTERA autem vice isdem venerabilis vir vidit iterum manifestè demonē in choro lustrantem, atque in poculo vitreo quasi temetum rubi-

cundum monachis per singulos offerentem. Quod dum singuli respuerent, vnus tantummodò recepit & ebibit; continuòque phantasticus illufor euauit. Conuentus itaque frater ab Abbate, & in virtute obedientiæ coactus vt diceret, quid in illâ tali horâ turpitudinis animo pertraxisset, confessus est & non negauit, se à spiritu fornicationis vehementer tunc fuisse tentatum; ita vt apostatate, & propriæ voluptati satisfacere iamiamque omnino disponderet. Tunc indicante Abbate quæ sibi fuerant reuelata, frater ille compunctus, à malo quod intenderat fortiter resiliuit, acceptâque pœnitentiâ statuit in corde suo firmiter, iam non ampliùs cedere tentatori.

CAPVT XXVII.

Visus demon in specie Simonis monachi, Christianum Conuersum è monasterio educit.

XXVII. **N**ARRAVIT mihi Albertus faber, & frater Burlandicurtis, homo bonus & benè credibilis; quia dum staret aliquando ad vigilias in quodam ipsius monasterij angulo, vidit spiritum malignum in specie cuiusdam monachi, nomine Simonis, de choro monachorum egredientem. Qui cùm ad eundem angulum venisset, Conuersum quemdam nomine Christianum, qui iuxta eundem Albertum stabat, per cappam apprehendit, & de basilicâ extraxit. Existimauit ergo de illo frater Albertus, quatinus pro aliquâ instanti necessitate à monacho fuisset eductus. Transacto itaque grandi intervallo, & neutro reuertente, cùm prædictum Simo-

nem in choro cantantem aduerteret, ammiratus est vehementer. Cumque adhibito lumine venisset ad eiusdem Conuersi lectum, inuenit eum cum magnâ indumentorum sarcinâ aufugisse. In crastinum uerò cum prædictum Simonem interrogaret, utrûnine Conuersum illum de Matutinis extraxisset, ille (ut verè constabat) protestatus est se minimè id fecisse. Postea verò consumptis omnibus quæ abstulerat, reuersus est ad ianuam ille desertor infamis, & misericordiam ut reciperetur obtinuit. Porro cum frater Albertus sciscitaretur ab eo utrûm vidisset eum qui se de oratorio extraxerat, respondit: Ego quidem neminem vidi: scio tamen quia cum diutiùs reluctatus essem, tandem à propriâ concupiscentiâ abstractus & illectus, zabulo cessi: sed conscientiâ iugiter remordente, sine grandi timore non recessi. Susceptus itaque miser, cum iam de cætero stabilem se fore promitteret, iterum eâdem septimanâ retrorsum post satanam se trahentem abire non timuit. Sed mox per ægritudinem validam, ab incessabili Christi miseratione retractus, languidus & miserabilis redijt; denuòque receptus, infra diem tertium confessus & pœnitens obiit.

CAPUT XXVIII.

Monachus Clareuallensis defectionem à proposito cogitans, viso per quietem Sancto Malachiâ, Sancti quoque Bernardi baculo contusus, ad sanam mentem redijt.

XXVIII. **Q**UIDAM de fratribus Clareuallensibus, cum instinctu diabolico in mente corruptus esset ut iam ad sæculum apostatare disponderet, vidit
Ec ij

in visu noctis Beatum BERNARDVM , Sanctumque Malachiam in dormitorio deambulantes , & eos qui ibi pausabant, visitando benedicentes. Qui cum in ordine visitationis , ad eius lectulum deuenissent, ait. Sanctus Malachias ; Homo iste peruersus nihil omnino boni in corde versat , sed diabolo suadenti iam dedit assensum ut ad vomitum sæculi proximè reuertatur. Quo audito Beatus BERNARDVS dixit ei ? Tu ergo fugere quæris ? Et quò fugies miser , á facie Domini ? Crede mihi , quia malo tuo talia cogitasti. Neque enim delectabit te amplius fuga, quando iam euaseris de manu meâ. Et his dictis , cœpit eum crebris ictibus tundere baculo quem tenebat, & ait ; Ecce stipendia quæ mereris. Surge nunc, & fuge si poteris. Euigilans itaque frater, inuenit se tusionibus illis ita dolentem atque confractum , ut in infirmatorium ductus , lecto detineretur. Qui accersito Priore confessus est malitiam quam intenderat , & pœnam quam inde pertulerat. Acceptâque pœnitentiâ perfectè resipuit , & non apprehendit eum ultra desiderium fugiendi.

CAPVT XXIX.

Quidam Conuersus Clareuallensis , obedientie sue confusus feliciter moritur.

XXIX. **C**ONVERSVS quidam de fratribus Clareuallensibus cum grauiter ægrotasset, tandem ad extrema deuenit. Introiuit autem ad eum Beatus BERNARDVS gratiâ visitationis , & confortans

illum ait ; Confide fili quia iam migraturus es de labore ad requiem sempiternam , de morte ad vitam. Ille verò cum ingenti fiducia respondit ; Quidni pergam ad Dominum meum ? Verè credo atque confido quia citò visurus sum bona Domini in terrâ viuentium. Porro beatus Pater , vt erat medicus sapiens , Pastorque sollicitus , timens nimirum homini rusticano , ne tam fida responsio magis de præsumptionis temeritate quàm de conscientiae puritate procederet , ait ; Signa cor tuum frater , signa cor tuum. Quid est quod loquutus es ? Vnde tibi subripere potuit tantæ præsumptionis audacia ? Enimuero , num tu es ille pauperculus , miserabilis homo ? Quondam fortè sine caligis & calceis , vel etiam seminudus incedere solebas : & cum esses forsitan fame & frigore afflictus , confugisti ad nos , multis precibus tandem aditum impetrando. Nos verò causâ Dei collegimus inopem , & parem te fecimus in victu atque vestitu , ceterisque communitatibus , ijs qui nobiscum sunt sapientibus atque magnatis viris , & factus es quasi vnus ex illis. Quid ergo retribuisti Deo pro omnibus istis ? Et ecce , non sufficit ingratitude tuæ gratis accepisse tot beneficia de manu Dei , nisi & regnum ipsius hereditario iure vendices tibi , quod nullus Regum aut Principum quantislibet auri & argenti ponderibus potuit vmquam acquirere ? Ad hæc ille respondens , placido vultu & tranquillo animo dixit ; Benè Pater carissime , benè vtique perorasti , & vera sunt omnia quæ dixisti. Verumtamen si iubeas , loquar ad te Dominum & Patrem meum , & paucis aperiam vnde mihi pauperi & misello suggeri potuit tantæ præsumptionis vel potiùs deuotionis occasio. Nam si vera est prædicatio

illa quam nobis crebrius inculcatis, regnum Dei non carnis nobilitate, non terrenis diuitijs possidetur, sed solâ obedientiæ virtute acquiritur. Hanc vnam lectionem tanquam verbum abbreviatum á Domino, sedulâ commemoratione retinui, ponens eam quasi signaculum super cor meum, assidue meditando; & super brachium meum, sollicitè operando. Quærite, si placet, ab omnibus magistris aut socijs, quibus me obsequi ac seruire iussistis, si cuiquam illorum aliquando inobediens fui, si de fratribus meis quempiam verbo aut signo aut quolibet alio modo, quod in me est, contristavi. Quod si operam dedi omnibus in Christo obedire, omnibus seruire, omnesque diligere per Dei gratiam, quis me prohibere potest vt de ipsius misericordiâ non confidam? Beatus itaque Pater cùm tale responsum ab homine rusticano accepisset, gaudius est gaudio magno, & ait; Verè beatus es, fili carissime, quia caro & sanguis non reuelauit tibi sapientiam hanc, sed Pater cœlestis ipse te docuit, ipse posuit animam tuam ad vitam, & rectissimo tramite perduxit ad patriam. Iamque securus ingredi, quoniam patefacta est tibi ianua vitæ. Defuncto itaque fratre, & exequijs celebratis, venerabilis Pater de conuersatione fratris sermonem in Capitulo luculentum suâ illâ deuotione & facundiâ perorauit; omnesq; illius exemplo ad amorem obedientiæ mirabiliter animauit. Vehementer namque affectus in responsione illius, & magis congratulabatur ei super obedientiæ virtutem, & super ipsius animi puritatem, quàm si vidisset eum signis & prodigijs coruscantem.

CAPVT XXX.

*In exitu religiosi cuiusdam fratris , auditi sunt Angelorum
musici concentus. Boso, vnus de Sancti Bernardi
filijs primogenitis, mortuus toto vultu
mirabiliter radiavit.*

XXX. **N**ON PVTAMVS silentio prætereun-
dum esse virum venerabilē Bofonem, genere
& moribus insignem. Hic vnus de primogenitis filijs
quos beatissimus Pater noster BERNARDVS in Christo
per Euangelium genuit , sat̃s in suâ nobili conuersatione
monstrabat, quàm regiâ mammillâ lactatus , & quàm
angelicę disciplinę rudimentis ab initio fuerat imbutus.
Hic homo patiens & filius pacis , ita benignus , ita man-
suetus omnibus apparebat, vt nunquam aliquis nostrum
viderit cum iratum, neque turbatum; sed inter aduersâ &
prospera tranquillo iugiter animo persistebat. Qui dum
esset ætate decrepitus , & ita viribus fractus esset vt baculo
sustentante vix posset incedere , nunquam tamen otio
indulgere , nunquam corpori quietem impendere ac-
quiescebat ; sed semper in horto, vel in domo, vel vbi-
vbi quippiam operis actitans, panem otiosus comedere
nesciebat. Cumq̃ue vocante se Domino, in pace in id-
ipsum velut obdormiens spiritum emisisset, tantâ sereni-
tate & gratiâ subito refulsit, tamq̃ue mirabili quadam
immutatione facies eius glorificata apparuit, vt deuotione
omnium attestante , beatorum Angelorum præsentiam,
atque ipsius Dei nostri respectum serenissimum ibi adesse
nullo modo dubitaremus. Nunquam enim in aliquo

morientem vel mortuo talem transformati vultus claritatem aspeximus. Ille ergo vir venerandus cum aliquando secretius colloquentes de quorundam fratrum desiderabili ac pia dormitione quam sæpius vidisse contigerat, mutuâ collatione inuicem pasceremur, protestatus est nobis quia in exitu cuiusdam religiosi fratris, beatorum spirituum choros audierunt, suavi melodiâ in aëre modulantes, atque ipsius defuncti animam ad gaudia cum gaudio deferentes. Qui quanto sublimius ascendeabant, tantò magis eorum voces inferius rarecebant, usquequò tandem aurarum intercapedine nimia totus ab aure sonus excluderetur.

CAPVT XXXI.

*Paulò post obitum S. Bernardi, quidam ob carnis tentationum
vehementiam egressum meditatus, illo sibi apparente
confirmatur in proposito.*

XXXI. **A**LIVS QUIDAM eiusdem cœnobij frater, vir honestus & religiosus mihi de seipso narravit, cum verecundiâ tamen, quòd scilicet in primordio conuersionis cum anxie stimularetur à spiritu fornicationis, deliberavit animo cedere tentatori, & proiecto religionis habitu ad sæculum reuerti. Qui dum iam opportunitatem recedendi sollicitè aucuparetur, astitit ei per visionem Beatus BERNARDVS paulò antè defunctus; increpans illius socordiam, & arguens super iniquitate quam mente conceperat, & actu perficere satagebat. Cui cum ille respondisset, sese diutius reluctasse, & iam
tentationis

temptationis violentiam ferre non posse ; ait Sanctus ad illum ; Scito prænoscens , quoniam adhuc multa certamina te manent. Sed age viriliter , & noli deficere , quia Dominus aderit tibi tanquam adiutor in opportunitatibus , vt eruat te. Vnde tibi polliceor quòd si in Ordine vsque in finem perseveraueris , saluus eris. Quòd si forsitan aliquis tibi nocere tentauerit , in die nouissimo ego respondebo pro te , & animam meam pro animâ tuâ ponam. Hac ergo pollicitatione frater ille corroboratus , deinceps à stabilitate suâ moueri non potuit : qui etiam nunc in Ordine complens annum quinquies quintum , viriliter vsque hodie decertat , multâque victoriâ iam potitus , salutem repromissam certiùs opperitur.

CAPVT XXXII.

Galterus frater laicus iubetur per somnium à reuerendâ quâdam puellâ Missam celebrare : quam ille deinde memoriâ retinuit.

XXXII. **V**ESTIARIIVS Clareuallensis nomine Galterus , qui ante paucos annos defunctus est , homo erat honestus & religiosus , laicus tamen , atque illitteratus : qui dum aliquando pausaret in lecto , puella quædam reuerenda dormienti apparuit , & ducens in oratorium , Missam cantare præcepit. Indutus itaque sacerdotalibus ornamentis , Missam de Spiritu sancto præ magnâ deuotione per somnium celebrauit. Cùmque euigilasset , eamdem Missam quam antea penitus (vtpote litteras nesciens) ignorabat , corde tenus sciuit , & eam deinceps per plurimos annos in memoriâ tenuit.

CAPVT XXXIII.

*Oranti cuidam Abbati, & alijs nonnullis, mira suauitatis
odores naribus, & sapores palatio infusi.*

XXXIII. **Q**UIDAM venerabilis & religiosus Abbas, cuidam de monasterijs Sauigniacy in Angliâ præesse cognoscitur, de quo nobis certissimè constat quòd speciali prærogatiuâ sanctitatis & gratiæ præditus existat. Qui licèt in sæculo carnaliter vixerit, postmodùm tamen ex toto corde conuersus ad Dominum, ac toto desiderio suspirans indefinenter ad ipsum, Beati Apostoli sententiam meruit in seipso feliciter experiri, quâ dicitur: *Ubi abundauit delictum, superabundauit & gratia.* Nam dum insistit orationi, aspirante gratiâ supernâ sentire solitus est influentem naribus eius peregrini cuiusdam odoris nectaream suauitatē, cinnamomi, thuris & balsami, omniumq; odoramentorum fragrantiam longè exuperantem. Non solùm autem, verùm etiam sentit faucibus suis infundi quasi cœlestis manne dulcedinem, omnem in se saporem, & omne delectamentum suauitatis habentem; quod veluti fons viuus in ore illius scaturiens, indeq; ad interiora corporis & animæ profluens, vtrumque ipsius hominem dulcore mirabili perfundit & afficit; ita vt ex sententiâ dicere possit; *Quam dulcia faucibus meis eloquia tua, super mel ori meo.* Huic ergo animæ in talem gratiam à Deo receptæ, potest etiam non immeritò adaptari suæ illud epithalamicum de Canticis canticorum; *Fauus distillans labia tua sponsa: mel & lac sub linguâ tuâ, odor orationum tuarum super omnia aromata.* Et non solùm oranti, verùm etiam psallenti,

Rom. 5. 10.

Psal. 118.
103.

Cant. 4. 11.

legenti, meditati, atque operanti, semel indulti muneris copia persæpe refunditur. Hac itaque geminâ benedictione dulcedinis anima illa præuenta à Deo, & nunc vnam, nunc alteram, nunc verò alterutram simul experiens, tota in iubilum rapitur, & mirâ iocunditate atque suauitate interiùs perfruens, iam veluti primitias quasdam ex paradisi delicijs, etiam in corpore corruptibili prælibare cognoscitur. Hoc autem quod de præfato viro referimus, venerabili ac sancto Patre Richardo quondam Abbate Sauigniacensi reuelante comperimus, qui hoc ipsum se audisse ab eodem testificabatur.

Quòd si quis forsitan incredibile iudicat, sciat nos quoque similia de pluribus audisse. Verumtamen de ipsis plurimis vnus est notissimus, de quo indubitanter agnoscimus quòd hanc eandem & omnino indissimilem gratiam à Deo frequenter accipiat, sicut ipso indicante comperimus; cuius vtique assertioni nihil minùs omnimodò credimus quàm oculis nostris: Talem namque ipsius puritatem esse confidimus, vt priùs sese gladio transuerberari permetteret, quàm in talibus mentiri præsumeret. Quocircà cùm multos atque innumerabiles Sanctos, olim à Deo huiusmodi gratiam accepisse credamus, mirum valdè quòd ab ijs qui eorum Vitas descripserunt, aut raram aut nullam mentionem inde fieri comperimus. Quod duabus ex causis euenisse coniicimus. Autenim iidem Sancti iuxta Prophetam, secretum suum sibi cùm Deo retinentes, alijs non indicauerunt, aut ipsi forsitan actuum eorum relatores, memoratam gratiam paruipendentes, relatu memorabili dignam minime censuerunt. At mihi pro meo sapere plurimi constat.

neque minoribus donis illud æstimo comparandum, quod cuicumque vel ybicumque superuenerit, carnalia desideria potenter exstinguit, spiritualia vehementer accendit, ipsamq; animam totam igne diuini amoris liquefcere facit. Præterea verò malignorum spirituum fugam insinuat, sanctorum Angelorum præsentiam indicat, & præoptatum diuinæ clementiæ respectum tam felici quàm veraci experimento denunciat. Quis ergo iam incredibile iudicet, quod de Sancto BERNARDO audiuius; quia videlicet Angelum cum incensario viderit lustrantem in choro qui orantes atque psallentes thurificabat, negligentes autem atque somnolentos præteribat, cum videamus idipsum nunc in animâ eiusmodi, non modò spiritualiter, sed etiam sensibiliter fieri? Quæmadmodum enim si puella aliqua visibilis eidem animæ oranti ac sitienti Deum, quasi cum thuribulo cœlesti frequenter assistat, & multorum aromatum incensa coram facie eius adoleat, sic illa nimirum tempore visitationis miris odoribus afflata reficitur; ita vt etiam aërem ipsum quaquaersum se vertat, talibus odoramentis repleum inueniat. Felix anima quæ non modò in seipsâ, verum etiam in suo corpore, quamuis adhuc corruptibili, iam gustare & videre meruit quoniam suavis est Dominus. Felix cui datum est ex sententiâ dicere: *Quàm magna multitudo dulcedinis tuæ Domine, quam abscondisti timentibus te.* Verè beatam dixerim animam; peccatricem quidem, sed contentam, & verè pœnitentem, quam tu (clementissime Iesu) non modò à peccatis emundas, verum etiam tuâ illâ ineffabili dignatione toties visitas, consolaris, & reficis de illo mannâ abscondito, quod nemo nouit nisi qui accipit.

CAPVT XXXIV.

*Cuidam fratri apparens Beatissima Dei Genitrix Virgo, semel
& iterum certiore illum facit de suâ salute.*

XXXIV. **N**OVIMVS & alium quemdam in eodem cœnobio, religiosum ac deuotissimū fratrem, Christum ab infantia sinceriter diligentem, qui præcipuâ corporis & animæ munditiâ pollet, & speciali-
morum benignitate cunctis amabilem se exhibet. Iste ergo dum adhuc nouitius esset, & pro salute animæ suæ Dominum & Sanctos eius attentius obsecraret, factus est aliquando in mentis excessu. Et ecce apparuit ei beatus Apostolus Paulus, sacerdotalibus ornamentis indutus, & ait: Noli timere quia salutem quam desideras, plenius obtinebis. Hic itaque memoriam beatissimæ Dei Genitricis singulari deuotione semper amplectitur, & multis ab eadem Dominâ nostrâ consolationibus recreatur. Apparuit autem ei quâdam vice ipsa Beatissima Virgo, quæ manu illius dignantissimè apprehensâ, deducebat eum quadam regiâ viâ. Cumq; venissent ad quamdam imperialem & lucifluam mansionem, Beata Mater intus ingrediens, iussit expectare pro foribus, dicens: Hic te interim manere foris oportet, quia necdum interius admitti idoneus es. Aliâ verò vice apparuit ei nihilominus eadem misericordiæ Mater, magnificè consolans, & dicens: Viriliter age, & noli timere; quia vbi ego sum, ibi & tu futurus es mecum.

CAPVT XXXV.

Ex Aelredo Rieuallensi Abbate refert de quibusdam sanctimonialibus, in contemplatione extra se rapisitis.

Aelredus
Ser. 4. in c.
13. Isaac.

XXXV. **L**IBET huic loco inserere narrationem venerabilis Abbatis Rieuallensis, quam ipse in Commentario suo super Isaia oneribus edito ponit, ita dicens; Scio, in monasterijs Virginum, quæ sub venerabili, & cum summâ reuerentiâ nominando sancto Patre Gilleberto, vberes pudicitiae fructus quotidie transmittunt ad cælos, quamdam fuisse vel adhuc fortasse superesse Virginem Sanctam, quæ cum omnem mundi amorem, & carnales omnes affectus, curamque corporis omnem & exteriorum sollicitudinem à suo pectore exclusisset, cœpit quodam mentis æstu & fastidire terrena, & desiderare cœlestia. Accidit autem aliquando, ut cum more solito orationi incumberet, mira quædam suauitas superueniens, omnes animi motus, omnes cogitationum excursus, omnes insuper spirituales quos circa amicos habebat, exstinxit affectus: moxque anima eius, quasi omnibus quæ in mundo sunt valedicens, rapitur supra se, & ab ineffabili quâdam atque incomprehensibili luce excepta, nihil aliud videbat nisi quod est, & quod omnium esse est. Neque enim lux illa corporea fuit, aut aliqua corporis similitudo: nec distendebatur, nec diffundebatur, ita ut ubique videretur; nec ipsa tenebatur, & tenebat omnia; & hoc miro & ineffabili modo, sicut esse tenet quicquid est, veritas quicquid verum est. Hac igitur luce perfusa, ipsum Christum quem prius nouerat

secundum carnem, cepit iam secundum carnem non nosse; quia Spiritus ante faciem eius Christus Iesus, in ipsam eam induxerat veritatem. In hoc ergo excessu cum ei hora non parua praterisset, pulsata a sororibus vix potuit ad corporales quos reliquerat sensus redire.

Itaque cum hoc ei sapius contigisset, & multum rogata tandem ipsius modum excessus ceteris exposuisset, ceperunt plurimae visionis huius excellentiam amulari. Vnde se ab omnibus curis, & sollicitudinibus mundanis abstrahentes, lacrymis, orationibusque continuis vacantes, plures eandem gratiam sortite sunt; & ita, ut inter sororum conuenticula sapius hac luce perfunderentur etiam inuitae.

Erat ibi Virgo quaedam, magnae discretionis femina, quae omni spiritui sciens non esse credendum, totum hoc aut morbo aut phantasticis illusionibus credidit assignandum, sororibusque quantum potuit talis visionis frequentiam dissuasit. Inquirenti autem ab illa quae in ijs superior habebatur, cur sibi nihil tale accidisset, respondit illa; Quia fidem nobis non adhuc habes, nec in alijs diligis virtutem quam ipsa non habes. Roga (inquit) Deum, ut si ex ipso est, mihi hoc ipsum eueniat. Cumque aliquot diebus orassent, & nihil profecissent, requisita iterum quae supra, & vnde supra, respondit; Oportet te (inquit) omnibus mundi huius, cunctorumque mortalium renunciare affectibus, & circa solius Dei memoriam occupari. Quid, inquit illa? pro amicis & benefactoribus non orabo? Cui illa; Eo tempore quo volueris ad superiora mentis contemplatione conscendere, necesse est ut omnes quos diligis, Deo commendes atque committas, &

quasi profectura de mundo, omniq; omnino creatura val-
ledicens, ad eius quem diligis suspires aspectum. Ad-
huc illa non credens rogat vt orationibus eius, si ex Deo
essent ista, voti sui mereretur effectum. Nolo tamen,
inquit, vt anima mea ita sustollatur, rapiaturq; á cor-
pore, vt á mente meâ omnium rerum, maximè amico-
rum deleatur memoria. Sufficit autem mihi scire vtrum
ex Deo sint ista. Itaque die Parasceues cùm anxij
cogitationibus fluctuaret, subito ipsa quam diximus,
luce perfusa cœpit in eam modo ineffabili subuehi, & ad
altiora sustolli. At illa radiantem in se lucem illam inac-
cessibilem oculo infirmiori non ferens, ad dominicæ
Passionis intuitum reuocari se vt potuit postulauit. Cùm
ergo vidisset quasi raptim, id esse quod est, á superioribus
ad inferiora delata, in aliam quamdam spiritualem visio-
nem transfertur: & videt in spiritu Dominum Iesum in
Cruce pendentem, confixum clauis, lanceâ perforatum,
sanguinemq; per quinque foramina profluentem, ipsam
miuissimo oculo respicientem. Tum illa resoluta in la-
crymas, & in se tandem reuersa, fidem sororibus habuit,
& se huic luci minùs idoneam æstimauit.

HERBERTI
TVRRIVM SARDINIÆ
ARCHIEPISCOPI,
DE MIRACVLIS
LIBER SECVNDVS.

CAPVT I.

*De Dominici apud Urbem Legionensem solitarij mirâ vitæ
asperitate : & de malis ac bonis spiritibus penè
indefinenter illi apparentibus.*

IN REGIONE Hiberiæ, haud procul
ab vrbe Legionensi constat esse solitarium
quemdam, virum sanctitatis excellentis-
simæ, virum planè Dominicum non mi-
nùs re quàm nomine, qui non seruire
nouitio de mundi conuersatione recenter egrediens, ad
pugnam eremiticam prodijt, sed de domo Carzedæ
(quæ est famosum & magnæ religionis cœnobium in illâ
regione) vbi sanctissimè fuerat à puero conuersatus,
cùm iam prouectæ ætatis & perfectæ virtutis existeret,
annuente Prælato tanquam strenuus miles ad singulare
certamen egressus est, vt Goliâ prostrato, tandem de

manibus Allophylorum pro centum præputijs quæ promiserat, ducenta reportaret. Ille ergo vir frugi atque abstemius sub tantâ parcitate victum corporis redigit, ut singulis diebus præter Dominicam omni tempore ieiunans, ad vespèrû panem & aquâ reficiatur. Quia verò dentes ei præ senio penè omnes elapsi, seu laxati sunt, ut solidum aliquid masticare non valeat, aquâ calidâ vitur, quâ panem aridum infundat. Interdû tamen, licet rariùs accidat, apponitur ei pro pitantia magnâ, semicrudi oleris aut leguminis tantummodò sale condita succositas, in quâ panis ipsius duritiâ molliens glutire prævaleat. De cætero carnem, piscem, caseum, ouum, oleum, vinum, & quæcumque huiusmodi nutrimenta, tantâ suo corpori pertinaciâ interdicit; ut homo debilis & grandævus modum discretionis in hoc excedere videatur; & propter tolerantie huius rigiditatem, à plurimis non carneus homo, sed quasi lapideus aut ligneus iudicetur. Cilicij quoque asperitate, corporis penitentiam aggrauat, ne quâ victus siue amictus suavitare caro lascivies insoleat.

Porro quietem solitudinis ob contemplationis studium adeò sectatur & diligit, ut omnium ferè hominum, præcipuè secularium frequentationes & colloquia magnopere fugiat, & mense aliquoties integro, vel quantum amplius potest, à confabulatione mortalium, causâ diuine collocactionis absteineat. Quem si grauis necessitas tandem loqui compulerit, ab otiosis & non necessarijs semper sollicitè caueas, breuiloquus esse contendit, sæpiusque sermonem orditum præcidere quàm prætexere satagit. Moxque recluso caueat in quâ se viuum sepeliuit, ostio clauso, mundo nihilominus oculos claudit, & ita proinus in

id ipsum obdormit & requiescit. Mirā namque & inenarrabili iocunditate (sicut ab eius ore audiui) in illo silentio fruitur, & mens eius semper in Deo, semper in cælo cum Angelis & Sanctis speculari deliciarum, & perennium honorum quadam primitiuali dulcedine (quam paucissimi credunt, & multo pauciores in præfenti tempore sentiunt) velut ab vberare domus Dei, & torrente voluptatis inebriatur. Iam verò centenaria & millenaria, veniarum, quibus supplicando & orando Deum, quotidie se afflicti, quis enarrare sufficiat: Præterea quoque in prætermisſi vigilandi, orandi, psallendique instantia, in qua seipsum martyrizando, hostiam viventem, sanctam, & Deo placentem quotidie exhibet, nec facile dici, nec facile credi potest. Nam præter quotidianam diuini officij pensionem, quam die noctūque regularibus horis tripliciter aut quadrupliciter reddit: ex quo ad vigilas surgit, psalterium integrum antelecano tempore deuotione incredibili decantare, vel potius deplorare consuevit. Quid enim aliud dicere possim, cum tota illius oratio, atque cantatio, vel etiam confabulario, igne caritatis in altari cordis semper ardente, sine lacrymis & suspirijs esse vix possit? Multos siquidem virtutum viros Deo donante cognoui, sed (vt verum fatear) in nullo mortalium talem & tantam compunctionis gratiam vidisse me memini, sicut in isto homine Dei.

Sæpiſſimè verò accidit, vt orando siue psallendo, ignitum vehementer eloquium Dei sentiens, repente totus ignescat, & à fundo cordis ardentissima suspiria trahens, vi compunctionis obſtante cogatur intermittere

quod dicebat, & vacate gemitibus inenarrabilibus, quibus anhelu spiritu vehementer exastuat. Tunc verò crescente in camino pectoris eius, diuini amoris incendio, sanctorum quoque virtutum ibidem desideria vsque quaque feruescunt, & quasi de cacabo bulliente inundantes lacrymæ foras vberius erumpunt. Quemadmodum enim mater affectuosa, vnica: prolis quam tenerrimè diligebat, occisum, immoderato luctu & eiulatu plangere solet; ita vir iste perfectus defectum ac sterilitatem animæ suæ quam reputat, exilij quoque præsentis prolongationem quam molestissimè tolerat, necnon & diuturnam à Christo separationem, quem ardentissimè amat, ægro animo ferens, miserabili planctu atque rugitu lamentatur & deflet. Hæc ergo tempestas commotionis magnæ, quam tumultus interioris quasi gemitus, & singultus cum diluuiio aquarum multarum, exterius indicant; cum ita fuerit suscitata, vix per multum temporis spatium sedari potest. Et quod ampliùs est mirandum, hoc non semel, aut secundò, sed multis vicibus in die simul & nocte, siue oranti, siue legenti, siue colloquenti, seu quidpiam aliud agenti contingere solet. Quod cum ego sæpius cernerem (siquidem datum est mihi diuinitus virum illum Dominicum vidisse frequenter, & familiariter cognouisse): cum ergo inspicerem talia, vellem nollem totus in lamentum & fletum cum illo resoluebar: nimirum obstupefcens atque admirans supra modum, quomodò senile fractumque corpusculum tot & tantis ieiunijs, vigilijs, cæterisque laboribus exhaustum, tantæ cordis contritioni, tantæ lacrymarum effusioni sufficeret: præsertim cum ab incunte conuersione suâ dicatur id

ipsum ferè semper egisse, quod vix aliquis creditur vel per modicum tempus facere posse. Sed luce clariùs patet quia virtutum omnium Deus, qui tam mirabilem compunctionis gratiam deuotæ animæ contulit, ipse etiam corpori fessò ac defæcato, vt eidem dono sufficiat, non minore miraculo, idonei roboris valentiam indulsit. Transectâ autem horâ contritionis & anxie lamentationis, redit iterum serenitas cordis. Et factus in mentis excessu, iocundâ Dei præsentia per contemplationem suauissimè fruitur. Sic ergo famulus Christi, modò calamitatem propriam intuens, modò diuinam bonitatem inspiciens, viâ regiâ tutissimè semper incedit, vt neque tentationum molestijs deijciatur, nec virtutum successibus extollatur.

His igitur de sancti viri conuersatione breuiter insinuat, videndum est quibus aduersarijs iugiter impugnetur, quibusque auxiliarijs mirabiliter robetur. Nam sicut eidem piè in Christo viuenti nunquam desunt tribulationes, ita & per Christum semper in eo superabundant consolationes. Quadam itaque nocte dum adhuc in monasterio habitaret, surgens ad vigilias fratrum, solito more venit in chorum. Et ecce inuenit spiritum immun- dum in stallò suo, similan-tem fratri qui iuxta se manebat in choro: quem cum esse putaret, innuit ei vt dato sibi loco, in aliud stallum sese transferret. Quod cum diutius faceret, & ille non moueretur, tandem sub stomachans tædio, protensâ manu tetigit eum, vt quasi non videntem ad se conuerteret, & abire faceret in locum suum. Et apprehendens eum per vestimentum, cum aliquantulum traheret ad se intuendum, protinus ille malignus

euanuit, & redijt ad nihilum quod nihil ante fuit.

Alio quoque tempore cū esset in itinere, occurrunt ei tres spiritus nequam, quasi latrones gladijs accincti, qui arcus etiam & sagittas manibus gerentes, ad feriendum ac diripiendum videbantur esse parati. Volebant enim (vt arbitror) Dei hominem detertere, territūque in fugam conuertere. Quos cū ille vidisset, arbitratus esse sicarios, aliquantulū timuit, non tamen ab itinere deflexit, aut restitit. Et cū propius accessisset, protinus ab oculis eius phantastici prædones euauerunt.

Innumera sunt eiusmodi ludibria atque molimina, quibuseum fallaces & erronei spiritus quotidie irritabant. Sæpe (cū esset in speluncā suā) laruali effigie apparētes, aut etiam inuisibili modo circā illum grassantes, modō terrores incutiebant, modō verbera inferebant. Sæpe nocturnis horis, dæmonum globus acsi turba latronum, subito irruentes, & velut effractis foribus tumultuose ingredientiēs, cum furore ac strepitu grandi in eum efferebantur; sed signo Crucis armato nocere non permittebantur.

Factum est autem aliquando cū sederet in diuersorio suo, vt erectis in cælum obtutibus contra radium Solis, ipsius iubar attentē intueretur. Et ecce leuiathan ille tortuosus, in specie draconis ardentis apparens, ac per eundem Solis radium descendens, subitaneo lapsu irruit in faciem eius, tanquam viuū deuoraturus. Quod cū ille cerneret, tremefactus in visu luridi anguis, totus inhorruit, ac penē exanimatus, nomen Christi anhelis uocibus inelamitabat, & Crucis dominicæ vexillum ferali bestia opponebat: quæ cælesti virtute repulsa,

cùm eum lœdere non valeret, importunè tamen circà illius faciem volitabat, & ei tergiueranti vndique acriter imminebat. Cùmque vir sanctus proteruiam dæmonis declinare non posset, claudebat oculos, & vultum vestibus operiebat, nec tamen aliquid inde proficiebat. Quod enim dictu mirabile est, larvalem illam effigiem ita palpebris obductis, sicut apertis oculis intuebatur; nec aliquo vestimentorum obice, natura illa subtilis ac penetrans arcebatur. Cùm ergo videret quòd aspectum belluæ terribilis non liceret effingere, tandem aperiens oculos, liberè videre permisit quod aliquo modo non poterat non videre. Ecce autem & alij atque alij dæmones, serpentibus & varijs animantibus similes, cateruatim apparuerunt, totūque domicilium à summo vsque deorsum protinus impleuerunt. Quorum omnium tanta erat in quantitate disparitas, in qualitate diuersitas, atque in formâ deformitas, vt enarrari nullatenus queat. Igneus autem color multis eorum inesse parebat. Tunc irruentes in hominem Dei, circumdederunt eum sicut apes, & exarserunt sicut ignis in spinis; iracundis motibus impetentes, & verberibus multis afficientes. Sed quamvis ignei viderentur, vim tamen vrendi habere minimè ab eo sentiebantur. Cùm enim circà illum rotatu girovago, & mobilissimo discursu per aërem oberrantes, sapissimè capiti & corpori eius illuderent, atque in ipsam faciem frequenter impingerent, multis quidem modis Dei famulum affligebant, minimè tamen (vt dictum est) vstione aliquâ cruciabant. Postea verò cùm vir sanctus vsque ad ostium foràs procederet, vt ab eorum infestatione paululùm respiraret, apparuerunt ei nihilominus infinitæ

dæmonum multitudines, conglobatis turbinibus in aëre peruagantes, & quaquaersum á terrâ vsque ad cælum vniuersa replentes. Erant autem & isti tantâ inæqualitate dissimiles, tantâ enormitate terribiles, tantâ que informitate deformes, vt tot monstrorum manerías, tot furiarum laruas humanus omnimodò sensus ferre non posset, nisi eum virtus vranica defensaret.

Dicebat verò prædictus vir (quod prætermittendum non est) quia videlicet spiritus immundi formas illas spiritales, in quibus ab eo semper in aëre videbantur; pro signo Crucis non deponebant: eas autem in quibus se phantasticè transformabant, ad signum vitæ protinùs exuebant. Ab illo igitur die vsque in hodiernum, ille Dei famulus visionem huiusmodi quotidie, vel potius totâ die videre vigilando non destitit, tam die quàm nocte, tam in tenebris quàm in luce, tam clausis oculis quàm apertis. Verumtamen terrores & afflictiones quas ab eis in primordio agrè sustinuit, iam per Dei gratiam funditus euasit. Et quamuis in circuitu eius semper impij ambulent, & tanquam apparitores improbi sese illi visibiliter atque impudenter ingerere non cessent, adeò tamen nunc eorum peruiacem instantiam vilipendit, vt multò plus á pulicibus atque á muscis volitantibus metuat, quàm ab illis.

Nam quia veraciter scriptum est; *Immitte Angelus Domini in circuitu timentium eum, & eripiet eos*, ille magni consilij Angelus, ille virtutum cælestium Dominus, cum deuorum sibi militem in tantâ malignorum congregatione aliquamdiu probari permisisset, tandem misericordiâ motus delegauit de exercitu cæli auxiliares
fortes

fortes, quorum beatâ præsentia roboratus, amodò securus
in acie dimicando persisteret. Igitur aperti sunt oculi
eius, & vidit innumeram Angelorum atque Sanctorum
multitudinem iuxta se astantem, atque immenso lumine
coruscantem. Quos ubi conspexit, exultavit in gaudio
magno, & gratias agens Deo ait intrâ se: *Verè castra Dei*
sunt hæc. *Et nunc experimento didici quia Dominus mecum*
est tanquam bellator fortis. Iam si diaboli castra consistant
aduersum me, non timebit cor meum. Dominus enim
mihi adiutor, & ego despiciam inimicos meos. Ab illo
itaque tempore iidem non cessant lucisui spiritus hunc
Dei famulum dignantissimè visitare, & magnis consolati-
onibus ineffabiliter recreare. Modum verò apparitio-
nis istius, in quibus videlicet corporibus aut formis eos
conspicere meretur, nunquam mihi voluit euidenter ex-
primere, etiam obnixè rogatus. Valde namque suspe-
ctum iactantiæ vitium semper habebat, & ob hoc etiam
ista in timore & tremore cum multis lacrymis proferebat,
ne subripiente aliquâ vanitate Deum offenderet, & ipsius
gratiæ detrimentum vel ex modicâ parte sentiret. Illud
tamen apertè dicebat, quia iocundam eorum visitatio-
nem atque præsentiam in magni luminis claritate fre-
quenter ac penè iugiter suscipiebat. Vnde etiam in loco
obscuriore solitus erat orare frequentius, eo quòd istâ
luce (quasi indifferenter, siue clausis siue apertis oculis
aspiciebat) copiosius ibi perfunderetur. Hoc etiam mihi
vir sanctus innotuit, quia idem Dei omnipotentis mira-
bile donum, quod iam per annos plurimos obtinuerat,
nunquam apertè alicui antea reuelarat. In quo etiam
magna ipsius apparet humilitas, qui ad reprimendum

cenodoxia morbum, ita diuturno silentio preffit tantæ eminentiæ donum.

Quid ergo dicamus, fratres? Quid putamus quantæ sit dignitatis & gratiæ, hominem adhuc corruptibili carne circumdatum, in prospectu suo bonorum & malorum spirituum præsentiam semper habere; illos à dextris ne commoveatur; istos à sinistris ne fortè extollatur. A sinistris est virga correctionis vnde erudiatur, à dextris est baculus sustentationis vnde roboretur. In malis agnosceat quid improbandum sit, & quid fugiendum; in bonis intelligat quid amandum sit & quid appetendum.

Sciendum verò est quia vir iste (sicut ab eo partim accepimus, partim experimento cognouimus) hanc spiritalem habet à Deo gratiam, ut prophetico spiritu multa prævideat, & vix circa se præcipuum aliquid agatur, quod non sibi antea diuinitus reueletur. Adeò namque iam per Spiritum sanctum serenata est conscientia eius, & natura ipsius corporis defæcata, ut etiam soporatus, aut partim aut nihil phantasmatica perturbationis atque illusionis sentiat; & vix quicquam aliquando somniet, quod ei aliquid non portendat. Præterea silendum non arbitror quod idem Dei famulus instar illius qui ait; secretum meum mihi, secretum meum mihi, auditati meæ verbum quoddam arcanum quasi ad odorandum apposuit, quod tamen ad gustandum exponere noluit. Siquidem innotuit mihi, scire se hominem, qui iam per triennium integrum de cælo accipiebat diebus singulis rationem. Cumque rogatus multum, tandem se hominem illum esse fateretur, petrexi etiam quærere cuiusmodi ratio erat illa quæ sibi cœlitus mittebatur. Ipse verò respondit,

sermonem hunc esse profundum & clausum, nullique ab eo in presenti absque Dei nutu aperiendum. Hoc autem vnum existere, quod in donis spiritualibus sibi collocatis primum & maximum reputabat, & vnde se Deo magis obnoxium iudicabat.

Hæc de sancti viri conuersatione mirabili, prout in eo videre vel etiam ab ipso audire meruimus, simplici narratione perstrinximus. Nec dubium quin alia sint multa, & multò forsitan mirabiliora magnalium eius insignia, quæ relatu memorabili dignissima forent, si aliquo modo sciri potuissent. Quis enim æstimare sufficiat, quantis ille quotidie virtutum successibus prouehatur, quantis in animâ splendoribus repleatur, quàm denique noua atque ammiranda de die in diem visu & auditu percipiat, qui præsentis sæculi affectu & vfu penè depositus, iam inuisibilis mundi & alterius sæculi quodamodò capax, atque inhabitator efficitur: & cum incorporeis naturis quasi corporaliter conuersando, rerum inuisibilium certitudinem oculatâ fide comprehendit, & sensu corporis experitur? Verè beati omnes qui timent Deum. Verè felices qui in eo confidunt. Et nunc in isto homine Dominico manifestè cognoscimus, quoniam gratia & misericordia Dei est in Sanctos, & respectus in electos illius.

CAPVT II

*Nouitio cuidam Clareuallensi apparens Christus Dominus,
ipsi, & vni ex eius socijs benedixit: tertium nomine
Esre Malignum præterit, qui post triduum
ab Ordine defecit.*

II. **F**RATER quidam religiosus, & magnâ præd-
itus gratiâ, nomine Anfulsus, cùm adhuc esset in
Claraualle nouitius, vidit in visione apparentem sibi
Domini nostri Iesum Christum in Cruce. Erant au-
tem (vt sibi videbatur) ibidem alij duo nouitij, qui
secum adhuc erant in probatione. Cùm ergo suppliciter
adorasset, ille misericordiâ motus respexit & benedixit
eum, & alterum etiam cum eo supradictorum nouitio-
rum. Quod cùm ille vidisset, cepit eum rogare vt &
tertium illum simili modo benediceret. Respondit autem
Dominus nequaquàm illum esse benedicendum, sed
magis ad massam pertinere maledictorum. Post diem
itaque tertius tertius ille neophytus vt tristem sui nomi-
nis etymologiâ malè gerendo exprimeret, (Malignus si-
quidem vocabatur) Ordine derelicto reuersus est ad vo-
mitum vite secularis, & factus est apostata vilis. Reli-
qui autem duo, qui à Domino benedicti meruerunt, ipso
miserante benedictionem hereditate possidebunt. Quo-
rum scilicet prædictus Anfulsus iam sancto fine quieuit:
alter verò quia ad sortem benedictorum pertineat, in
proposito suo iuste & piè perseverando declarat. Hanc
autem visionem suam quam præmemoravi, ipse mihi qui
viderat indicauit.

CAPVT III.

*Postridie Pasche monachus quidam Clareuallensis, dum esset
in choro, vidit in sublimi fulgentem è medio dextram,
qua signo salutifera Crucis semel atque
iterum in aëre depicto psal-
lentibus benediceret.*

III. **N**OVIMVS & alium quemdam in eodem
monasterio fratrem, qui vidit huiusmodi visio-
nem; sed utrùm dormitans aut vigilans viderit, nescit;
magis tamen vigilando & in extasi positus vidisse se cre-
dit. Igitur secundâ feriâ Paschæ cum esset ad vigilias in
choro Clareuallensi, facta est super eum manus Domini.
Et ecce sursum in aëre contra medium chori, apparuit ei
dextera refulgens atque gloriosa, quæ præsentem fami-
liam confitentem nomini eius sancto benedixit, & Crucis
benedictæ signaculum semel ac secundo super eam in-
pressit. Spiritus autem reuelans mysteria loquebatur in
corde videntis, atque dicebat; Istud est brachium domi-
nantis; ista est dextera Dei omnipotentis.

CAPVT IV.

*Cum Gaufrido conuertitur in Claraualle Andreas ex Archidia-
cono Virdunensi, vir nobilissimus & delicatissimus: cui de
perseuerantiâ desperanti visa sunt pisa exquisiti saporis,
quamuis aquâ dumtaxat & sale condita essent.*

IV. **E**ADEM itaque die conuersus est ibi vir nobilis-
simus, Andreas nomine, Virdunensis Archidia-
conus, qui causâ visitationis illuc aduenerat, nec tamen

aliquid ad præsens conuertendi propositum habebat. Sed cum orationum suffragia petiturus, Capitulum introisset vidit sanctæ illius multitudinis ordinem, & velut angelicam conuersationem, compunctus est vehementer, & insiliente subito in eum Spiritu Domini, illico in virum alterum mutatus est: tantoque fetuore mundum deseruit, vt ne ad horam quidem vel pro amicis salutandis, vel pro domo rebusque disponendis ad suos remearet; sed in continenti omnia, rumpendo magis quam soluendo reliquit, vt Christo citius adhereret. Vt autem gemina Crucis impressio euidentius appareret, alius quidam clericus, Gaufridus nomine, cum eo se reddidit; genere quidem humilior, sed probitate morum & generosâ conuersatione forsitan non inferior. Ambo igitur intrantes, ambo in ordine perseverantes bonam militiam militarunt, atque consummato certamine, benedictionis æternæ participes existunt. Sciendum tamen quia præfatus Andreas multa in probatione sustinuit tentamenta. Erat enim quasi tenerrimus ligni vermiculus, mollis & delicatus nimis: utpote qui à matris vtero fuerat enutritus in inuolumentis & curis multis. Cumque teneritudinem pristinæ conuersationis ægrè dedisceret, & nouiter inchoatæ laborem nimis arduum reputaret, cogitauit vt Loth quia egressus de Sodomis, non posset animam suam in monte saluare: vnde & proposuit ad aliquem remissioris obseruantie Ordinem declinare. Quod cum Abbati loci domno Roberto iam sapius indicasset, tandem vnâ die victus à pusillanimitate spiritus & tentatione, dedunciauit ei quia iam nullo modo poterat amplius sustinere. Tunc Abbas precibus ac blanditijs

multis extorsit ab eo vt sibi ipsi vim faceret, & vsque in diem tertium solummodò sustineret. Quo vix tandem impetrato, orationem statuit in Conuentu fieri ad Deum pro eo.

Eadem itaque die cùm isdem nouitius ad mensam accederet, pisorum edulium appositum reperit: quod genus leguminis ita præ cæteris omnibus fastidire solebat, vt etiam nauseam ei interdum prouocaret. Quod cùm gustare cœpisset, mirabilem quamdam in eo comperit suauitatem, ita vt carniū esum saporis illius præstantia vinceret. Quod vbi persensit, arrepto proginus cochleari admouit propius & catinum, moxque oblitus parsimonie, coctionem leguminis vorauit vsque ad fundum. Inter edendum autem digitum frequenter in ore ponebat, existimans se deprehendere posse cremia lardi, in quo legumen idem fixum esse putabat. Finita autem refectioe festinauit Abbatem sollicitè percunctari, verumnam præcepisset pulmentum illud sagimine vel quauis aliâ pinguedine propter ipsum ex industria condiri. Illo vero negante, conuerti sunt etiam super hoc pulmentarij. Tunc & ipsi protestati sunt in veritate, se nihil in eo præter salem & aquam apposuisse. Quo audito neophytus ille diuine circa se visitationis miraculum letus aduertit, & gratias agens Deo, deinceps à proposito Ordine moueri non potuit. Cumque secunda & tertia die & multo postea tempore prædictam suauitatem in eiusmodi cibarijs persentiret, tandem magistrâ experientia didicit quia potens est Dominus cùm voluerit ad consolationem seruorum suorum, eandem saporis gratiam conferre leguminibus & oleribus, quam carnibus & piscibus indidit.

Vnde & sæpe dicebat quòd magis nunc delectabatur in comestione pisorum & olerum, quàm antea faciebat in comestatione altitium & venationum.

CAPVT V.

*Quidam Clarenallensis monachus à Christo Domino sibi
apparente benedicitur.*

V. FRATER quidam eiusdem cœnobij cùm se ad querendum Dominum magno desiderio conuertisset, vidit illum aliquando sibi in visione apparentem. Sollicitus autem de sua salute flagitabat obnixè salutiferam eius benedictionem, dicens; Obsecro (Domine) benedic mihi vt saluus fiam. Et benedixit eum in eodem loco. Quod cùm ille vidisset, gaudius est gaudio magno. Et amplexatus beatissimam manum, à quâ benedici meruerat, cum ingenti deuotione osculabatur eam, atque dicebat Domine Iesu Christe, gratias tibi ago quia benedixisti mihi, & saluus ero.

CAPVT VI.

*Odor ac sapor mirabilis, cum cœlesti visione cuidam fratri
Clarenallensi infusus.*

VI. IN SVPRADICTO quoque monasterio nouimus existere quemdam monachum, valitudine acutà olim grauiter laborantem. Qui priusquàm ad diem criticum peruenisset, factus est in agone & per dimidium

dimidium ferè noctis quasi extra se fuit, multa videns & audiens quæ modò longum est replicare. Eadem verò nocte defunctus est ibi quidam adolescens religiosus, miræ mansuetudinis ac patientiæ monachus, qui languore maximo cruciatus, quamplurimis annis durum ac diuturnum martyrium duxit. Hic itaque moriens, & flatum nouissimum diutius protrahens, præ acerbitate doloris crebros gemitus plangendo emittebat. Porro prædictus ager cum eum plangentem audiret, dicebat intrà se: Planctus ille citius conuertetur in cantum, & doloris istius extrema iamiamque occupabit gaudium sempiternum. Cùm hæc & similia cogitaret, en quasi personâ quædam inuisibilis ante lectulum eius assistens, & diutissimè commanens, ad singulos ferè planctus quos ille moriens emittebat, mirabili atque inexpertâ quadam fragrantia ac suauitate nares eius & fauces vberius indulcabat. Tunc verò sentiebat quasi quamdam coelestem virtutem, sensibiliter ac manifestè in seipsum introeuntem, & penetralia cordis eius suauissimè perungentem. Cùm hæc ergo diutius fierent, ecce repentè apparuit ei quædam apertura in cælo, per quam videbatur sibi videre vsque ad tertium cælum. Et facta est in auribus eius vox clamans, & dicens de excelsis; Sileat omnis terra, discedat omnis malignitas; Christus venit. Tunc ergo visum est ei, quòd Dominus Iesus Christus ibi descenderet, ac totam domum illam suâ benedictione repleret. Ipse verò tantâ suauitate & gratiâ perfusus est, vt se in paradiso esse reputaret, & diceret; Domine Deus noster, en ista vita æterna quam nobis promissisti. Hæc est illa felicitas, illa suauitas, quam in tuâ dulcedine præpa-

raſti. Et nunc ſi reuelatis oculis, bonum iſtud quod ſentio, & quod teneo, mihi videre ac ſemper habere liceret, iam gaudium meum plenum atque perfectum eſſet. Mox imminente exitus hora, poſſata eſt tabula: & conuenientibus cunctis ad fratris exitum muniendum, aſſumpta eſt anima illa, atque liberata corpore mortis huius, & æternâ lætitiâ ſubintrante fugit ab eâ dolor & gemitus. Credo, & verè conſido, quia non dedignatus eſt eam introducere in requiem ſuam, qui propter eam ad terras venire dignatus eſt Ieſus Chriſtus Dominus noſter.

Dum autem corpus ipſum ſepulture traderetur, alius quidam frater religioſus atque deuotus, reuelante Deo apertis oculis (ſicut ipſe proteſtatus eſt nobis) quaſi quoddam ſerètrum vidit de monumento procedens, ſurſum ad æthera tendens. Porro prædictus eger ab illâ valitudine Deo volentis conualuit, & ex ijs quæ acciderant, magnificè conſolatus gratias egit. Vt autem de illâ reuelatione quam in abitu fratris acceperat certior fieret, proceſſu temporis collatum eſt cœlicus ei vt ipſam benedictionis dulcedinem, quam tunc in odore aut ſapore præſtantiſſimo fuerat expertus, poſtmodum poſt dies & annos plurimos non quidem continuè, ſed tamen frequenter atque copioſè ſentire mereretur, prout ille benignus ac ſuauiſ Spiritus, qui vbi, & quando, & quantum vult ſpirat, pauperi ſuo miſericorditer inſundere dignabatur. Et non modò per ſomnium, aut per exceſſum, ſopitis vel attonitis ſenſibus corporis (vt in illâ forſitan agoniâ contigerat) ſed corpore vigilante ſenſuque vigente, orando, pſallendo, legendo ſeu quidpiam aliud agendo, eandem ſuauiſſimæ gratiam diuinitus ſentiebat.

CAPVT VII.

*Videt nouitius in Claraualle Beatam Mariam Magdalenam
ante altare stantem : ei verò negatur ad præsens
visio Beatissima Dei Matris.*

VII. **F**RATR I cuidam religioso atque deuoto, dum
adhuc nouitius esset in eodem cornobio, datum
est videre in spiritu Beatam Mariam Magdalenam, splen-
dido vultu & habitu ante altare stantem. Quà visâ, re-
pletus est frater ille lætitiâ magnâ. Cumque cogitaret
animo, orando & supplicando, vt ei Beatissima Dei
Genitrix visibiliter monstraretur, facta est vox ad eum
in ipsâ visione, dicens; Nosse te conuenit, quia necdum
idoneus es ad eam intuendam. Satage ergo & perforce
quantum poteris vt eam quandoque videre merearis.

CAPVT VIII.

*Oratio coniunctis, aut expansis manibus, aliquot Christi
apparitionibus comprobatur.*

VIII. **A**LIVS verò quidam in eodem loco nouitius
frater, cum ex toto corde Dominum quærere
proposuisset, solitus erat vbi opportunè potuisset, coniun-
ctis siue expansis manibus frequenter orare. Quâdam
iraque nocte in principio vigiliarum, cum esset in choro,
clausis oculis, manibusque protensis ad Deum intendens,
subito affuit ibi Dominus Iesus Christus loquens ad eum,

& dicens; Porrige mihi manus tuas. Ad hanc itaque vocem cū aperuisset oculos frater ille multū obstupuit, & vtrum dormiens an vigilans hoc audisset, non facile discernere potuit. Ex hac autem voce multam deuotionem atque feruorem mente concipiens, ipsam formam orandi seruare deinceps sollicitus fuit. Post aliquantū verò temporis cū iam monachus factus, in quodam eiusdem ecclesie angulo foret, intento animo iunctisque manibus stans & orans, subito fuit in spiritus & ecce affuit ei Dominus Iesus Christus suppositis atque expansis manibus suis manus illius suscipiens, & quasi ad professionem admittens. Quo facto cū fuisset homo reuersus ad se, gaudius est gaudio magno valde. Iamque felici doctus experimento, certissime credidit, vbique diuinam esse presentiam; maxime verò vbi (vt ait Sanctus BERNARDVS) siue orando, siue psallendo assistimus.

CAPVT IX.

De quodam adolescentulo Alemāno, qui in Clareuallē ad vitam monasticā mirabiliter conuersus, egregiā sanctitatem, & diuinis manifestationibus clarus fuit.

IX. **E**GREGIVS quidam adolescentulus de partibus Alemannie oriundus, studiorum gratiā, comitante didascalo suo Parisius adibat. Qui cū transitum haberent per domum Clareuallensem, magister ille videns loci conuentum, & ordinem, nescio quo Dei iudicio compunctus ad horam, petijt & obtinuit vt susciperetur ad conuersionem. Cumque rogaret adolescentulum vt

secum remaneret, penitus non acquieuit : multum siquidem abhorrebat à consortio, etiam & colloquio Cisterciensium monachorum; sapiusque rogauerat Dominum, nunquam sibi dari ad Ordinem illum velle conuerti. Proinde roganti magistro, & fratribus monasterij adhortantibus eum, durâ ceruice resistens, nullis prædicationû machinis poterat expugnari. Eâdem igitur nocte dum eorum monita mente reuolueret, facta est vox diuinitus ad eum, dicens : Si hinc recesseris, & Parisius veneris, vsque ad Pentecostem morieris, & sine dubio morieris. Ad hanc itaque vocem iuenculus ille multum obstupuit; necdum tamen potuit duricia cordis illius emolliri.

Porro sequenti nocte cum sopori membra dedisset, videbatur sibi esse demersus in limo putei profundi. Cumque desperatus ibidem iaceret, subito apparuit desuper ad horam putei Beatus Iohannes Euangelista, in vultu & habitu Beati BERNARDI, cum alio quodam Sancto, cuius nomen excidit mihi, qui & ipse simillimus erat cuidam religiosissimo viro nomine Gerardo, portario Clareuallensi. Quos cum ille vidisset, rogabat obnixius vt sui misererentur. Cui Beatus Iohannes respondit : Tu sano consilio acquiescere contemnens, opem flagitas à nobis? Cumque ille promitteret, se esse facturum quicquid ei placeret; Vis ergo, inquit, fieri monachus in monasterio Clareuallensi? Etiam, Domine mi; libentissime volo. Quod cum firmiter pollicitus esset sese citius implendum, protinus eductum de profundo liberum abire dimiserunt. Manè igitur facto postulauit præsentari quantocius Beato BERNARDO. Quem cum antea non vidisset, continuò illum in vultu & habitu deprehendit;

ipsum esse pro certo recognoscens, quem in nocte transfactâ, sub conditione conuertendi, liberatorem habere meruerat. Proinde miratus vehementer atque compunctus, protinus eidem sancto viro se reddidit: à quo benignè receptus, mox in ætate teneriori, grauitatis & sapientie canos cunctis mirantibus induit. Porro prædictus magister eius à proposito bono citius corruens, & eundem secum euertere satagens, fundatum in Christi amore iuueniculum mouere non potuit.

Hic ergo delicatus atque tenerrimus adolescens cum esset annorum quatuordecim, manum suam ad fortia mittens, latantibus Angelis atque hominibus iugum Christi portandum aggreditur, & quasi agnus ad aratrum suscepti Ordinis applicatur. Sed mox miserante Deo iuueni fortitudinem induens, & agni mansuetudinem retinens, tantâ charismatum eminentiâ à primis annis enituit, vt conuersationis ipsius elegantia atque fragrantia contubernales eius vehementer affecti gratularentur, ipsumque veluti paradisi vernantissimum florem, mirantes intuerentur. Quidam verò religiosus ac spiritualis eiusdem cœnobij frater protestatus est mihi, quod aliquando vidisset visionem huiusmodi. Aspiciebat eundem adolescentem inuiatorium ante altare canentem. Porro imago Crucis quæ erat in altari, quasi melodiam ipsius delectata, de Cruce descendit: veniensque expansis vlnis dignanter amplexata est eum, tenere sibi alstringendo, ac deosculando eum. Quod cum frater ille vidisset, animaduertit in hoc, animam illam sanctam & Deo placentem existere, & apud illius clementiam, magnæ familiaritatis accessum spiritualiter obtinere. Hic

ergo amantissimus Domini totâ die cum illo velut in thalamo morabatur, & beatâ ipsius præsentia per contemplationem suavisimè fruebatur.

Quâdam itaque nocte apparuit ei in somnis Angelus Dei, & introduxit eum in quemdam thalamum gloriosum, in quo videbatur Dominus Iesus Christus in Cruce pendere, & Beata Mater eius Maria cum Iohanne Evangelistâ iuxta Crucem illius stare. Quem cum ingressus esset, tantæ suavitatis fragrantiam sensit, ac si cellam aromaticam respersam omni pulvere pigmentario introisset. Prostratus verò in faciem suam Dominum adoravit, & benedictionem illius accipere meruit. Cumque excitus à somno fuisset, suaveolentiam quam dormiendo præsenferat, tribus postea diebus continuis vigilando persensit. Aliâ quoque nocte cum esset orationi intentus, meruit audire corporeis auribus angelicas voces, harmoniâ dulci atque præclarâ in æthere personantes. Quarum videlicet vocum tanta erat altitudo, vt quantalibet humanarum intentio ad eam non posset ascendere. Cumq; fuisset in eis aliquamdiu delectatus, sublata est tandem ab auribus eius hymnodicæ celestis amœnitas, sed diutissimè remansit in corde conceptæ devotionis immensa iocunditas: ita vt sæpe memoriam abundantæ suavitatis illius eructans, mirâ deuotione afficeretur, & totus in gaudium verteretur.

Præterea quâdam vice cum esset ad vigilias in ecclesiâ Clareuallensi, ipsâ die Paschæ, cœpit attentius cogitare de passione & resurrectione Domini, ita vt ardente pietatis affectu, totus in lacrymas solueretur. Et ecce repente is qui in eius corde ignem succenderat Dominus Iesus

Christus, iugulanti & stenti apparens, stetit ante illum in medio chori, manus suas expandens, & quasi ostendens ei. Porro in eius beatissimis palmis loca clauorum euidentissime apparebant, ita vt de ipsis plagis recentibus sanguis manare videretur. Viso itaque Domino frater ille gaudius est gaudio magno valdè, sed obstupescens, & quasi extra se factus, nesciebat in arto temporis quid agere deberet. Volebat namque in medium proflire, & pedes apprehendere Saluatoris, sed retinebat eum pudor & reuerentia Conuentus, ne velut insaniens putaretur. Nam & hoc ignorabat, vtrum videlicet apparens Dominus, ab eo solummodò, an & ab alijs pariter videretur. Flebat autem vberissime, eratque cor eius in semetipso pietate liquescens, præ immensâ dulcedine amoris illius quem intuebatur. Verum in ipsâ horâ canebatur responsum illud in ecclesiâ; *Angelus Domini*: & tamdiu apparitio illa perseverauit vsquequò dictiones istæ; iam surrexit, venite, & videre, à choro cantatæ perficerentur.

Factum est autem in die Pentecostes dum cantaretur ad vigilias hymnus ille, *Te Deum laudamus*, versu illo prædicto *Sanctus, Sanctus, Sanctus Dominus Deus Sabaoth*, post inclinationem quæ tunc fieri solet, frater isdem se erigens meruit apertè videre visionem quamdam gloriosam atque mirabilem de Trinitate quæ Deus est, quam cæteris omnibus quas vmquam videre meruerat, excellentiorem esse credebat. Modum tamen visionis eiusdem, quæ vel qualis extiterit, mihi nullatenus explicauit; asserens quòd nunquam eam alicui auderet exponere, nisi fortasse prius voluntatem diuinam super hoc ei daretur agnoscere. Vtrum verò deinceps eam alicui reuelauerit, incertum

incertum est mihi. Nam & de cæteris visionibus quas
suprà memoravi, dicebat se non modicè poenitere, quòd
eas cuiquam indicasset; timens utique ne hoc ipsum
Domino displiceret: iamque propositi sui esse, alia multa
quæ viderat, vel si qua deinceps videre contingeret, pe-
renni silentio sepelire. Hæc ergo omnia quæ superius
retuli, aliæque quamplurima, quæ licèt magna existimem,
tamen brevitatis amore reticui, ab eodem Dei famulo
arcanâ relatione cognoui; eâ videlicet conditione ut
usque ad obitum eius, apud me secretis tenerentur. Sed
quia iam vocante se Domino, expletis in Ordine annis
xxvi. quàm sinceriter vixit, tam feliciter obiit, ego solutus
à nodo polliciti huius, præfatas revelationes in quibus
non modicè consolatum fuisse me memini, ad aliorum
æquè solamen præsentî paginæ intuli.

CAPVT X

*Monachus quidam Clarendallensis, S. Iohannis Evangelistæ
eius additissimus, de divinis rebus multa
per eum cognoscit.*

X. SCIMVS quoque in eodem existere loco mo-
nachum timentem Deum, qui dum in eodem
cœnobio degeret, quâdam die, Vigilâ Omnium San-
ctorum cum alijs stabat in choro. Hic verò Beatum Io-
hannem Evangelistam præcipuo diligebat affectu; in
cuius etiam scripturâ atque memoriâ multum delectaba-
tur. Cumque de more legeretur ad Missâ Epistola illa
de Apocalypsi, mirâ dulcedine fruebatur in eisdem

Apoc. 1. 12.

verbis. Tandem verò in ultimo versu quo dicitur: *Dignus est Agnus qui occisus est, accipere virtutem, & diuinitatem, & cætera quæ sequuntur, tota in ipso liquefacta est anima eius igne diuini amoris; tantæque iocunditatis affluentia perfusus est, vt præ immensitate lætitiæ seipsum vix caperet. Proinde totus in iubilum raptus, totus extra se fuit, solum Christum quasi præsentem cordis oculis intuens, & brachijs interioribus amplectens. Dum verò ibidem staret, & tantam illà cœlesti mentem abundè reficeret, necdum finitâ Misa sopor Domini irruit in eum; tenuis quidem, sed delectabilis, sed suavis. Statim namque præsentiam suam dignanter exhibuit dormienti, qui supradictam iocunditatem infuderat vigilanti Dominus Iesus Christus, cum eodem Apostolo suo, alloquens eum audiente fratre, & dicens; Hanc ego reuelationem dudum tibi ostendi, non propter te solummodò, cui iam de meâ virtute & dilectione certa cognitio, certaque fiducia inerat; sed maximè propter cæteros qui me similiter diligunt, vt & ipsi gloriam meam agnoscantes, similiter in me confidant. Cùm hoc ergo frater ille audisset, aperiens statim oculos, repletus est gaudio magno, tum propter indulgentiam gratiam dominicæ visitationis & consolationis, tum propter ipsius Dei attestatorem de veritate Apocalypsis; pro eo maximè quia dolens audierat, quosdam hæreticos ausos fuisse quondam eidem sancto libro detrahere, blasphemantes atque dicentes, eum à Sancto Iohanne Apostolo scriptum non esse.*

Euolutis autem postea diebus circiter quindecim, cùm supradictus frater pro peccatis suis valde sollicitus atque compunctus esset, astitit ei per visionem Dominus

Iesus Christus cum eodem Apostolo suo. Tunc verò isdem beatus Apostolus prior loquutus est dicens; Qui voluerit à Domino perfectam consequi veniam, oportet eum instanter peccata sua flendo ac poenitendo punire. Respondens autem Dominus ait; Si quis ad me peruenire voluerit, oportet eum idipsum ardentè optare. His & huiusmodi frater ille commonitus, didicit iam cum Moabiride Ruth buccellam suam in saceto semper incingere, & panes azymos cum lactucis agrestibus comedens, exultare Domino cum tremore. Postmodum autem die natali eiusdem Sancti Iohannis, cum vigilijs interesset, vidit iterum in mentis excessu eundem Apostolum ante proprium eius altare, sacerdotalibus ornamentis indutum, quasi Missam celebraturum. Cumque post modicum intervallum, modicus ei somnus obrepisset, repente transijt coram eo Dominus Iesus Christus cum gloriosa Matre sua; quibus statim intrantibus palatium quoddam, in quo dicebatur esse paradysus, ianua remansit aperta. Illo verò mirante quòd porta eadem minime clauderetur, dictum est ei; Hæc est ianua vitæ, quæ ingressu per eam Domino cum sua Matre, cunctis fidelibus usque ad diem iudicij patet. Quo ille comperto ait intrasse; Ergo & mihi patet aditus paradisi. Ingrediar itaque in locum tabernaculi admirabilis usque ad domum Dei. Quo cum intrare cœpisset, excepit eum quædam inenarrabilis iocunditas atque suauitas. Somno verò excussò cum iam aliquamdiu vigilasset, putabat se adhuc esse in paradiso; nimirum perseverante in eo diutius illà iocunditate, quæ satis indicabat, auctorem iocunditatis ibidem affuisse.

CAPVT XL.

Afferit S. Bernardus ex Dei reuelatione, multorum animas statim à corporis egressu, libero & expedito transitu cælum penetrare. Item quotquot in Ordine Cisterciensi (vigente nimirum disciplinâ) persecuturi essent, saluos fore. Guidoni fratri suo prædicit fore, vt quia rei Clarenallensis familia nimum studeat, extra Clarenallensem moretur.

XL **BEATVS BERNARDVS** Abbas Clarenallensis intrauit aliquando solito more ad solatianos nouitios fratres, qui eo tempore erant in probatione, centenarium numerum excedentes. Quos cum in exhortatione & consolatione multâ illo suo ardenti eloquio ad amorem cœlestium vehementius accendisset, ad vltimum intulit, dicens eis; Beati eritis (fratres) si perseuerare volueritis in disciplinâ Ordinis quem tenetis: quoniam hæc est profectû via regia, via sancta, via securâ, quæ recto tramite ducit ad gaudia sempiterna. Dico enim vobis in veritate, vidisse me pluries, non modò in somnis (vt assolet) aut per visionem, sed orando & vigilando, per manifestam reuelationem; monachorum, Conuersorum, ac nouitiorum animas ab istâ lacrymarum valle, mox ubi de corporibus egressi fuerant, libero & expedito transitu ad summa conscendere, & sine impedimento cœli peruia penetrare. Quod si vos ista lætificant, audite lætanter: adhuc lætiora subnectam. Factum est aliquando in monasterio isto, audiente me Missam cum cæteris in Conuentu, vt ablundendis manibus Sacerdotis neglectu ministrantium aqua deesset. Quæ dum

interim quaritur & affertur, remorata est propter hoc explendi sacrificij actio plusquam oporteret. Quo facto, apparuit mihi protinus in ipso choro quidam ex monachis nostris, vir venerabilis ac religiosus, non longè antea defunctus. Stans ergo & intuens me, cœpit mouere caput, veluti si esset aduersum me aliquâ indignatione permotus. Quem ego vbi cognoui, percunctatus sum illicò quidnam sibi vellet quòd tam subitò & inopinatè apparens, contra me caput agigaret. Ille autem respondit, dicens; Si fratres vestri cognoscerent, quot & quantos habeant in cœlis socios & amicos, multùm vtiq; sibi ab omnibus negligentij præcauerent, ne illos offenderent; maximè quia omnes ad eorum consortium pertinent. Quod cùm lætis auribus percepissem, protinus inspirante Deo venit in animum mihi frater quidam acediosus, qui præ cæteris negligentior videbatur; & de illo sciscitatus sum, dicens; Quid igitur? Putas quia frater ille (designaui autem illum ex nomine) poterit aliquo modo fieri saluus? Ipse verò respondit; Et iste saluabitur, & cæteri omnes sine dubio saluabuntur. Cùm hæc ille dixisset, euanscens ab oculis meis, in cælum vnde venerat se recepit, meque indicibili gaudio pro tantâ consolatione repleuit.

Vos autem (filioli) non putetis ad illos tantummodò fratres, qui in ipso tempore hic intus morabantur, hanc cœlestis oraculi reptionem singulariter pertinere, sed etiam vosmetipsos cum cæteris qui in demoistâ, vel in isto Ordine vsque ad finem Deo seruiunt, credite firmiter, ac sperate, miserante Deo curâtos esse saluandos & ab illo nuncio cœlesti omnes pariter designatos. Hanc

Beati BERNARDI narrationem plurimi ex eis qui audierunt, hodięque suspensiores cum gaudio recolunt: maxime Iohannes, vir religiosus, & eiusdem cœnobij prouisor idoneus, qui prædicto sermone lætus interfuit: ipsumq; fuisse præcipuum suæ ipsius perseverationis in Ordine stabilitamentum constantissime asserit. Multa verò similiter astruunt, quod hæc eadem verba de visionibus animarum, quæ suprà retulimus, iste Dei seruus dum aliquando sermonem in Capitulo faceret, etiam presentibus ipsis interloquendo consolationis gratiā recitavit. Hic autem Dei famulus cum audisset aliquando quemdam de filiis suis spiritualibus virum bonum & religiosum, missum ab eo in Normanniam, desperatā ibidem ægitudine laborantem; decrevit mittere, & reducere eum ad se; ut deuotus frater in nidulo suo moreretur, & desideratā sibi sepulturā non priuaretur. Verumtamen quidam de fratribus eius carnalibus, nomine Guido, nitabatur huic obuiare consilio, quia cum esset vnus de prouisoribus Claravallis, intendebat (ut credo) parcere sumpui & labori. Qui cum pertinaciter huiusmodi dissuasioni insisteret, dixit ad eum Beatus BERNARDVS; Numquid maior est tibi cura de pecuniā vel iumentis, quā de fratribus tuis? Quia ergo non vis ut fratres nostri nobiscum requiescant in valle istā, nec tuipse requiesces in eā. Et factum est ita. Nam isdem Guido quam aliās vir bonus & religiosus foret, tamen ut sermo Sancti impleretur, non est consummatus in Claravalle, sed apud Pontiniacum præueniens ægitudine, lecto decubuit, ibique disponente Deo, & terminum vitę, & sepulture locum accepit.

CAPVT XII.

*Simoni Abbati Caziaci, de nigro Ordine Benedictinorum, S.
Bernardus quādiu vixit, transitum negavit ad Claram-
uallem : predicens tamen (quod postea euenit)
ipsum in Claraualle moriturum.*

XII. **V**IR VENERABILIS Simon quondam Abbas Caziaci, (quod est non ignobile monasterium nigri Ordinis monachorum) magno cordis affectu Beatum BERNARDVM diligebat; adeo vt de consilio & voluntate eius totus pendere videretur. Huic autem desiderium magnum inerat curam pastorem deferere, & fieri monachus in Claraualle. Verumtamen Beatus BERNARDVS sciens viri virtutem, & gratiam quā commissio cōnobio valde idoneus & necessarius erat; quamdiu vixit in carne, nunquam ei voluit super huiusmodi petitione prebere consensum. Quādam igitur die dixit ad eum isdem Abbas; Domine Pater, ego iam senex & penè decrepitus; fatiscens in corpore membris, & vrgētibz vndique morbis iamiamq; resolui me sentio. Quod si extra Clarauallem defecero, erit mihi dolor inconsolabilis, & irreparabile damnum. Vnde necesse est vt vel nunc abire me iubeas, & satisfacere votis meis; quia mors accelerans, moram ampliùs facere non permittit. Cui vir Dei respondit; Mane in loco tuo, & noli timere. Ego securum te facio, quod morieris in Claraualle. Credidit homo sermonibus Sancti, & mansit interim in suā prelacione securior pluribus annis. Post transitum

verò famuli Dei, cùm iam desiderij sui stimulos nullo reprimente, tolerare nequiret, dimisso regimine Claramuallem se contulit; vbi etiam magno Dei dono, magnòque miraculo septennium superuiuens, mirabile prorsus in tali ætate vel infirmitate, feruoris ac deuotionis exemplum nobis omnibus in fine reliquit.

CAPVT XIII.

Gunnarius Sardinie Tetrarcha, ex prædicatione Sancti Bernardi, post eius obitum sit monachus in Claramualle.

XIII. **S**IMILI modo Gunnarius vir illustris, quondam iudex & Dominus Sardinie Tetrarchalis, cùm venisset aliquando orationis gratiâ ad Sanctum Martinum Turonensem, in reuertendo transitum habuit per Claramuallem: vbi à Sancto BERNARDO deuotè susceptus, & de salute animæ copiosè præmonitus, conuerteri ab eo minime potuit, quamuis beatissimus Pater ipso ibi præsentè, & multùm gratulante cecum quemdam illuminasset. Cumque recessisset, dixit ei Sanctus: Ego rogavi Dominum instanter pro tuâ conuersione, sed ad præsens exaudiri non merui: & nunc abire te patior, quia retinere non licet inuitum. Verumtamen, scias te huc iterum de Sardinia reuersurum. Abije ergo vir in terram suam, de ignito viri Dei colloquio scintillam æmulandæ paupertatis & religionis secum reportans; quæ in eius pectore per cogitationē interim coalescens atque exflans, opportuno tempore postmodum in flammam operis erupit. Cumque reuersus fuisset in Sardiniam, stimulabant eius

eius animum incessanter verba illa prophetica, quæ de ore sancti viri prolata, quasi cœleste oraculum retinebat; & cum quiescere non sinebant, iuxta quod Salomon ait: *Verba sapientium quasi stimuli, & quasi elai in alium defixi.* Post modicum verò tempus audito transitu sancti viri, consternatus est animo vehementer; arguens semetipsum & poenitens, quod ad illius prædicationem conuersus non fuisset. Sed quod ipso viuente non egit, post eius obitum implere festinauit. Mox ergo dispositis omnibus quæ necessaria videbantur, primogenitum suum Barasonem in regno suo principari constituit, cæteris tribus liberis patrimonio suo communiter distributo. Quorum etiam prior natu, vocabulo Petrus, illic post discessum patris, regnum Caralicanum coniugio sortitum potenter obtinuit, hodieque nobiliter regit. Ipse verò Gunnarius dum adhuc quadragenarius esset, ætate corporis & animi vigore præpollens, relictâ Sardinia, omnique gloriâ mundi depositâ, pauper & humilis ingressus est Claramuallem. Vbi iam annum quinquies quinum peragens, in disciplinâ suscepti Ordinis assidue militat, & exspectat donec veniat immutatio eius. Qui cum tanta pro Christi amore reliquerit, nihil omnino se reputat amisisse; quin potius gratulatur, & magni lucri existimat pro cœlesti terrenum abiecisse.

Ecclef. 11.
11.

CAPVT XIV.

Sanctus Bernardus Rome degens per triennium subinde visitat suos in Claraualle. Alia quedam de eo mira.

XIV. **I** S D E M quoque venerabilis Abbas cum aliquando per annos tres moratus fuisset in vrbe Româ, atque in partibus italicis pro sedando schismate Petri Leonis, (in quo videlicet opere eundem famulum suum Christus magnificè honestauit): tandem reuersus Clarauallem, statim post factam orationem Capitulum fratrum introiuit: & quia fatigatus ex itinere, diu loqui non poterat: breuem quidem sermonem, sed plenum consolatione protulit eis, dicens: Benedictus Deus qui vos mihi reddidit, & me vobis. Et ego quidem filioli quamuis per triennium hoc visus fuero longe remotus à vobis, non tamen putetis me semper absentem fuisse. Sciatis enim quòd tribus vicibus interim reuersus sum ad vos, visitans domum istam, officinasque perambulans: & semper exhilaratus, semper consolatus abcessi; cognita nimirum vnanimitate atque instantiâ vestrâ in proposito Ordinis vestri. Innumera sunt illa quæ iste Dei famulus dixit & fecit; in quibus manifestius apparebat, eum prophetali gratiâ præditum, multotiens ibi esse præsentem, vbi absens corpore videbatur; multaque abscondita & etiam longius posita Deo reuelante cognoscere, quæ ipsum latere putabantur. Hæc autem signauit nobis dominus Girardus quondam Abbas Longipontis, qui vnus ex antiquis senioribus Clareuallensibus, dicta erus, & facta studiosè rimari sagacebar.

Ipsa quoque referente audiimus, quòd ille Dei Sanctus dum in quodam monachorum Capitulo verbum Domini prædicaret, duo ex fratribus illis qui aderant, viderunt eum cum subsellio in quo sedebat in aëre suspensum, & quasi mensurâ vnius pedis à terrâ subleuatum. Hic ergo venerabilis Pater, cum esset aliquando in itinere, haud longè à castro Pruinenſi, reuelatum est ei diuinitus quemdam de filiis suis Clareuallensibus tunc migrasse. Statimque de vehiculo descendens, fecit obsequium pro defuncto, commendans animam eius Deo. Cumque vespere diuertisset ad oppidum quod Cantamerula nominatur, domina ipsius loci quæ illum in hospitio suo deuotè susceperat, obtulit ei filiam suam quartano incommodo iamdiu laborantem, vt ei benedicendo manum imponeret, & benè haberet: ipse verò benedicens, eam atque consignans ait: Adhuc vnam accessionem passura es filia, & liberaberis. Atque ita contigit ei. Alià autem vice cum isdem vir beatissimus de Lauiniaco, nobili villâ in episcopatu Meldis posita, egrederetur, oblata est ei grandiuſcula puella quædam surda & muta. Quam cum imposuissent super collum iumenti sui, respiciens in cælum breuiter orauit. Cumque saluâ suâ liniſſet labia eius, atque auriculas, benedixit illam; præcipiens vt vocaret Sanctam Mariam. Mox ergo puella quæ nunquam fuerat locuta, aperiens os suum clamauit, & dixit: Sancta Maria. Rogerius ergo quidam, vir religiosus & monachus Clareuallensis, cum adhuc esset in sæculo, videns miraculum istud factum in oculis suis, compunctus est valdè, & hæc erat (vt nobis asseruit) maxima causa, pro quâ seipsum reddidit in Claramuallem.

CAPVT XV.

*Constantium suspendio additum, cum ad patibulum duceretur,
S. Bernardus tortori ereptum, annuente Comite
Theobaldo in Claravalle attondet, &
vestem monasticam induit.*

XV. **C**ONTIGIT autem aliquando eundem Dei
scamulum pro quibusdam negotijs adire Comi-
tem Theobaldum. Cumque appropinquasset oppido vbi
ille tunc erat, obuiam habuit turbam hominū copiosam,
qui iubente Comite latronem quemdam facinorosum
atque famosum ad supplicium pertrahebant. Quo viso
clementissimus Pater, apprehendens manu suā lorium quo
erat miser allectus, ait tortoribus eius: Dimittite mihi
sicarium istum: ego enim volo manibus meis suspendere
illum. Audiens autem Comes aduentum hominis Dei,
festinauit illic occurere ei: miro nāque deuotionis affe-
ctu semper eum dilexit ac honorauit. Cumque videret in
manu eius funem, quo latronem post se trahebat, ex-
horruit multum, & dixit: Heu venerabilis Pater, quid est
quod facere voluisti? Vt quid enim furciferum istum mil-
lies condemnandum, a portā inferi reuocasti? Numquid
eum saluum facere potes qui iam totus diabolus factus
est? Desperata est penitus illius correctio, nec vquam
benē facere poterit nisi moriendo. Sine igitur, sine perdi-
tionis hominem perditum in, quoniam de pestiferā vitā
eius multorum vita periclitatur. Respondens autem ve-
nerabilis Pater, dixit: Scio quidem, virorum optime, scio

hunc esse latronem sceleratissimum; omniq[ue] tormentor[um] accibitate dignissimum. Non me ergo existimes huiusmodi peccatorem impunitum velle relinquere, quin potius cogito eum tortoribus tradere, & dignam castit[ud]inis ultionem ex eo, quæ utique tantò dignior erit, quanto diuturnior. Tu illum decreueras breui supplicio & momentaneo interitu consummare; sed ego eum faciam diuturno cruciatus, & morte longissimâ mori. Tu fureis appensum, per vnum aut per plurimos dies mortuum in patibulo manere permitteres, ego cruci affixum per annos plurimos faciam in poenâ iugiter vivere, & pendere. Quo audito Princeps Christianissimus filioit, nec ausus est amplius contradicere sermonibus Sancti. Protinus ergo benignissimus Pater exutâ tunicâ suâ induit ex eâ captiuum; & attonsa comâ capitis eius, sociavit eum ouili dominico; de lupo faciens agnum, de latrone conuersum. Qui veniens cum eo ad Claramuallem, factus est illi deinceps obediens vsque ad mortem, triginta (ni fallor) & eo amplius annos in Ordine superuiuens. Vocabatur autem Constantius, quem nos etiam vidimus, & cognouimus.

CAPVT XVI.

*Hereticum obloquentem Sanctus Bernardus prudenti
responso confutat.*

XVI. **A**LIO QVOQVE tempore cùm Legatus Domini Papæ, alijq[ue] Episcopi pro confutandâ hæresi Manichæorû, ad partes Tolosanæ traherent illum

hominem Dei secum, paraerunt ei fratres equitaturam solito meliorem, quæ tam longo itineri sufficere posset. Qui cum ad illam terram comitantibus Episcopis deuenisset, Henticus quidam, quondam monachus niger, tunc vilis apostata, & eorundem hæreticorum Princeps, cognito aduentu famuli Dei, veritus est à facie eius, sciens quia non posset resistere sapientiæ & Spiritui qui in eo loquebatur. Proinde maturatâ fugâ delituit, & minime potuit vsquam eo tempore reperiri. Ibi quoque glorificauit seruum suum Deus in conspectu totius populi, & Principum terræ, faciens quotidie per manus illius signa & prodigia magna in plebe. Nec faciliè credi potest quanta turbarum infinitas apostolicum virum totâ die prosequeretur, dum alij eruditionem, alij curationem, vniuersi benedictionem ab eo postularent.

Quadam igitur die, præsentē innumerabili hominum multitudine, cum eos copiosius de fide catholicâ conseruandâ, & de immundâ hæresi percauendâ monuisset, contigit adesse quemdam de hæreticis illis, qui potentior cæteris, atque prudentior videbatur: qui cum amaro oculo cerneret venerationem, quam Dei famulo populus impendebat, moliebatur aliquid agere vnde claritatem opinionis eius aliquatenus obnubilaret, & daret maculam in gloriâ illius. Iamque expletis omnibus quæ ad præsens necessaria putabantur, vir Dei super equum suum ascenderat vt abiret: & ecce prædictus hæreticus quasi coluber erecto capite venit ante hominem Dei, & clamans coram omnibus, ait; Domine Abbas, scitote quia caballus magistri nostri qui tam malus vobis apparet, non ita ceruicatus & pinguis est, sicut iste sonipes vester. Quo

audito vir mitis & patiens respondit ei mox tranquillo vultu & animo, dicens: Non diffiteor, amice, quod astruis: verumtamen scire te convenit quia iumentum istud de quo mihi insultas, brutum est animal: vnum utique ex illis quæ natura, prona atque ventri obedientia finxit. Quod si pro libitu suo comedit ac pinguescit, nihil inde iustitia lædatur, nihil Deus offenditur, quia iumentum quod suum est facit. Proinde nō erimus arguendi in iudicio Dei, ego & magister tuus, de ceruicibus iumentorum, sed vnusquisque de suo collo iudicabitur. Nunc igitur, si placet, respice collum meum, & vide: & si grossius est collo magistri tui, inde me forsitan reprehendere poteris. Hoc itaque dicto caputium exiit, & capite denudato vsque ad humeros, apparuit ipsius collum (vt erat) productum, & gracile, quod quamuis esset carnis exesum & tæne, erat tamen ex dono cœlesti pulchrum & candidum nimis, sicut collum oloris. Quod cū viderent vniuersi qui aderant, latati sunt latitiā magnā, benedictes Deum, qui dedit in ore famuli sui ita paratum, & ita conueniens responsum, vnde confunderetur, & obstrueretur os loquentis iniqua.

CAPVT XVII

Parisijs clericos aliquot quæ verbis, quæ lacrymis & gemitibus ad sanctius vitæ institutum conuersos, secum in Claramuallem deducit.

XVII. **Q**VADAM præterea vice cū iste vir Do-
mini, causā exigente Parisius adisset, rogatu
clericorum ingressus est de more scholas eorum. Quibus

ostendens formam veræ philosophiæ, monebat eos attentius de mundi contemptu, & subeundâ pro Christo Domino paupertate. Explicito verò sermone cum nemo ex eis conuerteretur, tristis egressus est, eò quod præter votum & præter solitum id ei accidisset: veniensque ad domum cuiusdam Archidiaconi, qui eum ad hospitium suum traxerat, secessit in oratorium ibidem constitutum. Cumque cœpisset orare in spiritu vehementi, ita mente compunctus est, ut gemitus & singultus quos cohibere non poterat, sonis audiri contingeret. Quo comperto præfatus Archileuita à socijs eius inquirere cœpit, quænam illi existeret tanti causâ mœroris. Respondens autem vñs ex eis, vir religiosus, quondam Abbas Fusniaci, nomine Renaldus, qui secretorum famuli Dei magis conficius erat, & cuius etiam relatu ista cognouimus, dixit ad illum; Homo iste mirabilis, totus igne caritatis accensus, totus in Deo absorptus, nihil aliud in mundo desiderat nisi tantummodò ut valeat errantes ad viam veritatis reducere, & eorum animas Christo acquirere: & quia modò verbum vitæ seminavit in scholis, & de conuersione clericorum fructum temporaneum non recepit, Deum sibi putat iratum, cuius hodie non pensavit in suâ prædicatione respectum. Hinc ista procella gemituum, hinc profusio lacrymarum. Proinde nunc certissimè spero quòd hodiernam sterilitatem, crastinæ sationis vberitas grandi sænore compensabit. Manè itaque factò cum scholas repetisset, egregius prædicator ad nutum Domini nauem cogitationis duxit in altum, & verborum retia laxauit in capturam. Finito verò sermone plurimi ex eisdem clericis per manū illius sese Domino reddiderunt.

Quos

Quos ille protinus de mundi periculo, tanquam de marinis fluctibus extractos, & vehiculis conductis impositos, in saluatorium Claruallis inferre non distulit. Tandem egressus de ciuitate, cum comitatu suo vsque ad villam Sancti Dionysij venit, ibique pernoctauit. Summo verò mane cum eum recto itinere profecturum fratres illius existimarent, dixit; Redeundum est nobis omnino Parisius, quia sunt ibi adhuc aliqui ex nostris, quos etiam oportet nos inde abducere, & iungere huic ouili dominico, ut fiat vnus grex & vnus pastor. Cum ergo cœpisset introire in ciuitatem, vidit à longè clericos tres in occursum eius venientes: dixitque ad socios suos; Expediuit nos Dominus, iamque in viam nostram proficiscemur. En isti sunt clerici, propter quos venimus. Illi verò accedentes cum eum adesse cognoscerent, gauisi sunt gaudio magno, & dixerunt; O quàm desideratus aduenis, beatissime Pater; quia propositum nostrum erat adire te, & vix putabamus abeuntem consequi posse. Qui respondens ait ad illos; Et ego noueram, dilectissimi. Propterea festinabam cum panibus occurrere fugientibus vobis. Gradiamur itaque simul, eroque per gratiam Dei ductor itineris vestri. Adiuncti ergo cæteris suprâ memoratis, secuti sunt hominem sanctum, adherentes & obsequentes ei vsque ad obitum suum.

CAPVT XVIII.

*Mediolani affirmant quidam, vidisse se S. Bernardum inter
Apostolos.*

XVIII. **E**ODEM quoque Renaldo indicante cognouimus, quod iste Dei famulus cum venisset aliquando Mediolanum pro reconciliando schismate Petri Leonis, cum tantâ exultatione vniuersorum fuit ibi receptus, vt tota ciuitas ferè per vnâ leugam rueret in occursum eius. Multi verò eorum per quatuor aut quinque millia processerunt. Ita denique sibi in ipso complacuerunt, vt cum eum antea non vidissent, ingressum in urbem mox in Archiepiscopum vnanimi consensu raperent potius quàm eligerent. Quod cum ille recusasset, parati erant omninò vim facere vsque ad mortem, nisi fugâ latenter euasisset. Cum ergo ibi sederet in quadam amplissimâ domo, tanta circâ eum erat hominum multitudo, vt nullus ingredi posset. Interea quidam de ciuibz illis, vestitu & vultu honorabilis, cum Dei hominem adire omnimodò cuperet, & nusquam aditum reperiret, ascendit in turbam, manibus & pedibus repens, & super colla sedentium gradiens, quousque peruenit ad eum. Cumque apprehendisset pedes eius, cœpit eos mirâ deuotione amplecti ac deosculari. Quod vidēs, supradictus Renaldus qui propius assistebar, accessit vt amoueret eum, sciens vtiq; quia vir sanctus huiusmodi venerationibus & obsequijs nimium grauabatur. Ille verò conuersus dixit ad eum; Dimitte me, ob-

secto, dimitte me videre & tangere hominem Deo proximum, & verè apostolicum virum. Dico enim tibi, & in fide christianâ testificor, quia vidi illum inter Apostolos. Quod audiens monachus ille, miratus est: & cupiens plenius nosse, volebat ab eo inquirere modum visionis huius; sed præ pudore propter astantes non fuit ausus. Verumtamen magnam existisse reuelationem ipse certissimè credidit, pro quâ vir ille tam vehementer affectus erat erga famulum Dei.

CAPVT XIX.

Oranti S. Bernardo apparens Christus crucifixus, solutis à Cruce brachijs eum amplectitur.

XIX. **D**OMNVS Menardus quondam Abbas de Moris, vir religiosus & piè recordationis, mirabilem quamdam visionè quasi de alio retulit nobis, quam tamen sibi merè euenisse putamus, ita dicens. Notus est mihi monachus quidam, qui Beatum BERNARDVM Abbate aliquando reperit in ecclesiâ solum orantem. Qui dum prostratus esset ante altare, apparebat ibi quædam Crux cum suo Crucifixo, super pavementum posita eoràm illo. Quem isdem vir beatissimus deuotissimè adorabat ac deosculabatur. Porro ipsa maiestas separatim brachijs à cornibus Crucis, videbatur eundem Dei famulum amplecti, atque alstringere sibi. Quod dum monachus ille aliquamdiu cerneret, præ nimia admiratione stupidus hærebat, & quasi extra se erat. Tandem verò metuens ne Patrem offenderet, sicum veluti secretorum

suorum exploratorem, ita sibi de proximo imminere conspiceret, silenter abcessit; intelligens nimirum ac sciens de illo homine sancto, quod verè supra hominem esset tota ipsius oratio atque conuersatio.

CAPVT XX

Monacho epileptico impetrat S. Bernardus, vt morbum presentiens lecto decumbere, & repentini casus elisionem vitare posset.

XX. **E**XIIIT aliquando Pater sanctus ad visitandum fratres suos metètes in agro. Qui quoniam infirmus erat, & pedes ire non poterat, petrexit in asello. Porro monachus quidam cum eo tunc ambulans, atque a sinu minans, cum ab olim pateretur caducum morbum, subito coram eo in ipso itinere corruit; & cepit ab eadem epilepsia grauiter torqueri. Quo viso vir sanctus condulit ei; vnde & deprecatus est pro eo Dominum, vt passio illa non apprehenderet amplius improvisum. Igitur aeger ex eo tempore vsque ad diem mortis, per viginti & eo amplius annos quibus postea superuixit, datum est ei quod antea non habebat, quodque cæteris epilepticis vix aliquando contingit, quotiens ex eodem morbo cadere debebat, per aliquantum temporis spatium præsentire, ita vt opportunè posset lecto decumbere, & repentini casus elisionem iugiter præcauere. Et quidem vir sanctus qui hoc ei à Domino minus impetrauit, credimus quia perfectam illi sanitatem obtinere potuisset, si salutis animæ eius expedire cognosceret. Sed quoniam ille ho-

mo grauis moribus ad portandum , & duri admodum cordis erat, cui saluando & virga correctionis, & baculus consolationis semper necessaria videbantur, concessum est ei misericorditer, vt subitanei casus periculum praesciendo iugiter declinaret , & salutiferi morbi stimulo non careret.

CAPVT XXI.

Cuidam primum clerico regulari, ac postea Clareuallensi monacho, pluries apparuit S. Bernardus haud multo post obitum.

XXI. FRATER quidam de Ordine regularium clericorum, cum esset proficiendi cupidus, atque amulator charismatum meliorum, desiderabat desiderio magno Beati BERNARDI magisterio subijci, & Clareuallensi collegio sociari. Hic itaque per quatuor dietas a Claraualle remotus, eadem die & hora qua praedictus Dei famulus de mundo migravit, somnolentia pressus praeter consuetudinem, super scamnum obdormiuit. Erat autem quasi secunda hora diei. Et ecce apparuit ei per visionem magna quaedam & speciosa processio candidi Ordinis monachorum, qualem nunquam antea viderat, quae sanctum fuit quasi ab illo loco in quo praefatus Pater obiit, in ecclesiam honorifice deferens, debitum sepulturae officium celebrabat. Quinta vero postmodum luce, cum ad illius aures de morte sanctissimi viri rumor tristissimus peruenisset, animaduertit illico eum illa hora de mundo transisse, in qua

præfatam viderat visionem. Et verè sic erat. Tunc verò diri vulneris nouitate percussus, consternatus est animo vehementer, miserum atque indignum se clamitans, quòd voti sui compos fieri non meruisset. Proinde laxans fletibus habenas, se totum contulit in lamenta. Vespere autem factò, antequàm mero confectos oculos somnus exciperet, cœpit attentius cogitare de illo homine sancto, vtrum in pace receptus à Domino cœlesti beatitudine frueretur, iamque cum Sanctis omnibus esset exorandus; an fortasse de mundano puluere secum aliquid trahens, adhuc orationum suffragijs indigeret. Dum hoc ergo animo volueret, atque idipsum magnopere scire desideraret, subito factus extra se, vidit in spiritu stellam fulgidam de terrâ surgentem, atque rectissimo cursu cœlorum ardua penetrantem. Moxque signatum est ei hanc esse Beati BERNARDI animam, quæ tanquam sidus eximium pura & nitida, ad cœli fastigia confedebat.

Evolutis autem diebus paucissimis, cùm esset ante altare orationi intendens, & pro eiusdem sancti viri animæ defunctorum officium deuotè persoluens, venit in mentis excessum: & ecce apparuit illi iterum isdem Dei famulus, pontificalibus infulis insigniter adornatus, qui etiam de terrâ consurgens, recto itinere in cœlum ferebatur. His & huiusmodi reuelationibus frater ille præmonitus, ab illo tempore consuevit de eodem beatissimo viro singularem memoriam agere, ipsumque inter amicos Dei maximos computando spiritualiter honorare, nihil hæsitans de ipsius glorificatione. In ipsis quoque diebus apparuit illi denuò per visionem isdem Dei famulus, quasi strenuus laborator, præcinctus ad operan-

dum in agro latissimo, in quo manipuli triticeæ messis innumerabiles erant, ex quibus multitudinem copiosam iam in aceruum magnum congesterat. Reliquis verò qui multò plures supererant, comportandis & coaceruandis adhuc pertinaciter insistebat. Quod cum vidisset, intellexit illicò congeriem illam manipulorum, figuram tenere multitudinis fratrum, quam isdem egregius prædicator, quamdiu vixit in carne, Christo Deo aggregarat: adhuc autem restare innumeros qui eius meritis & exemplis ad saluationis gratiam essent perducendi. Vnde multum exultans, seque vnum ex illis fore non desperans, Claramuallem quàm citiùs potuit adiit, postulans & impetrans se admitti.

Qui dum adhuc ibidem nouitius esset, ac beati viri memoriam penè incessanter atque insatiabiliter animo volueret, quadam Dominicâ die circà finem vigiliarum fatigato illi, & modis pluribus afflicto cæpit obrepere sopor. Et ecce apparuit ei per visum isdem Dei famulus, dignâter eum alloquens, & monens de dirigendâ ad Deum iugiter intentione cum quotidianâ lacrymarum effusione. Quod si faceret, diuinam miserationem, & suam ipsius visitationem securus exspectaret. Et cum ista dixisset, recepit se in tumultum suum quod ibi positum erat. Quæ videlicet receptio ita euidentis fuit, ut frater ille nesciret vtrum dormitans an vigilans hoc vidisset. Cumque aperuisset oculos, & piissimi Patris ammonitionem dulci recordatione pensaret, subito iterum apparuit illi iam plenè vigilianti, & corporeis oculis intuendum se obulit. Stabat igitur cominus coram ipso, ita ut manu tangi facile posset, diligenter eum considerans, & quasi explorans

utrum dormiret an vigilaret ; more videlicet eorum qui
excitant ad vigilias dormientes. Erat autem indutus ha-
bitu monachali , propemodum simulans monacho qui
iuxta eundem novitium stabat in choro. Quem ipsum
forè existimans, mirabatur admodum de eo novitius cur
ita defixis obtutibus eum intueretur. Cumque reflexo
lumine eundem monachum iuxta se manere cōspiceret,
protinus ille qui videbatur evanuit. Tunc ergo reuelante
Spiritu frater ille cognovit, ipsum eundem Dei famulum
affuisse, qui desideratam præsentiā suā pauperi atque
desolato dignatus fuerat exhibere. Nam cum ab eo eua-
nuisset, visum est illi quoddam sensibiliter præcordijs
eius illapsus fuisset : vnde vehementer accensus in amo-
rem Dei & beatissimi viri, illico totus in iubilum raptus, &
quasi extra se fuit. Denique sequenti nocte cum vigilijs
fratrum similiter interesset, talem & tantam divinæ visita-
tionis gratiam ibidem expertus est, qualem & quantam
in vitā suā nunquam antea senserat : quod totum utique
meritis eiusdem Sancti obtinuisse se non dubitavit. Cum-
que per dies plurimos memoriā abundantie suavitatis
huius recolendo frequentius eructaret, fundebat vberim
dulces & pias lacrymas, quibus die noctuque satiasi non
poterat.

CAPVT XXII.

*Alexandri ex Canonico & Doctore Colonienſi, poſtea Grandiſ-
ſilue, ac demum Cifterciienſis Abbatia mira ad mona-
chiſmum conuerſio, S. Bernardi ope.*

XXII. ACCIDIT autem aliquando, vt iſdem Dei famulus iubente Beato Eugenio Papâ Alemanniam ingrederetur, Ieroſolymitanum iter Conrado Imperatori & populo terre prædicaturus. Cumque ibidem ſignis & virtutibus innumeris coruſcaret, videns Imperator mirabilia magna, quæ per eum Dominus ostendebat, Crucis ſignum de mari illius accepit, Ieroſolymam profecturus. Nec diſtulit idem facere infinita hominum multitudo: ita vt incredibili fidei ardore ſuccenſi, ſciſſuras & ſimbrias de veſtimentis famuli Dei, quæ propter hoc ipſum noua frequenter accipere cogebatur, vndique certatim diriperent, ſequæ infelices arbitrentur quicumque de indumentis eius Cruces habere non mererentur. Multi quoque ex eis nobiles ac ſapientes viri, per manum illius ſeſe Deo reddiderunt, qui in Claraualle ab eo deducti, & ab eo monachi facti, maximum deinceps in Eccleſiâ Dei fructum attulerunt. Ex quibus etiam exſtitit vnus Alexander, vir venerabilis, tunc Canonicus, Doctôrque ſamoſus in vrbe Colonienſi. Quem cum beatiſſimus Pater de conuertendo ſeſe ad Ordinem monuiſſet, ille ſæculari ſcientiâ vel opulentiâ tumens reſpondit, ſe nihil ad præſens minus velle, vel cogitare quam habitum ſumere monachalem. Eadem igitur

nocte cum membra sopori dedisset, apparuit ei per visionem isdem vir venerandus, erigens eum de grabato in quo grauitur languens iacere videbatur, ac restituens sanitati. Deinde tulit habitum suum quo erat ipse indutus, & ex eo contexit Alexandrū. Qui cum eundem habitum semel & secundò reiectum ab humeris indignanti animo repulisset, tertiā tandem vice collo eius iniectum & corpori valenter astrictum compulsus est retinere. Tunc verò beatus Pater baculum etiam quem tenebat, in manu eius tradens, futurā praelationis gratiam denotauit, & ita abire præcepit. Euigilans autem Alexander, nihil adhuc pro huiusmodi reuelatione mollescere poterat, sed in eadem animi duritiā persistebat. Eodem verò die cum ille beatissimus Abbas ad mensam recumberet, oblatu est ei piscis qui perca nominatur, vt ex eo reficeret. Quo viso vir Domini erectis in cælum luminibus, super eundē piscem diutius orauit: & benedicens illum, præfato Alexandro pro pitantiā transmisit. Quē dum ille gustare inciperet, ad primum illic morsum meruit in seipso feliciter experiri, quantæ virtutis esset oratio famuli Dei. Nam repente mutatus in alterum virum, compunctus est valdè, & cœpit vberim super eundem cibum lacrymas fundere. Mirabatur verò seipsum, nesciens quid haberet, aut cur fleret. Tandem recordatus visionis quam nocte præteritā viderat, intellexit, à Domino gratiā eius miseratione se esse præuentum: vnde supernæ vocationi gratias agens, beato Dei famulo in continenti se reddidit: à quo in Claruallē monachus factus, & deinceps Grandissimæ Pastor effectus, adeò in sanctitate vitæ profecit, vt postmodum fieret Cister-

ciensis cœnobij Pater, & Abbas patriarchalis. Hæc nos itaque sicut ab eodem Dei famulo Alexandro audiimus, fideli relatione deprompsimus.

CAPVT XXIII.

Stephanus Abbas Cisterciensis cognoscit Deo reuelante, septem psalmos penitenciales, quos pro animâ matris sue S. Bernardus adhuc nouitius quotidie in silentio dicere consueuerat, fuisse quâdam die ab eo pretermisissos.

XXIII. **D**VM BEATVS BERNARDVS adhuc nouitius esset, solitus erat quotidie pro animâ matris suæ septem psalmos penitenciales in silentio dicere. Die verò quâdam cùm dictos psalmos post Completorium inchoasset, omisit eos, per incuriam nescio, an per obliuionem, antequàm perdixisset: veniensque ad stratum suum obdormiuit. Abbas verò Stephanus cognitâ per spiritum negligentia, die posterâ conuenit eum, dicens; Frater Bernarde, vbi nam quæso illos tuos psalmos hesternâ die post Completorium dimisisti? aut cui eos commendasti? Quod audiens adolefcens (vt erat verecundus & timoratus) erubuit, prociditque ad pedes eius.

CAPVT XXIV.

De Stephano Cisterciensi Abbate, cui tres carrucæ cum nouem equis mirabiliter Deus suppedit aut: quique regimine abdicato, vidit immundum spiritum Guidoni sibi suffecto in os ingredientem.

XXIV. **H**IC itaque venerabilis Stephanus quâdam die vocauit vnum ex fratribus suis, & loquens ad eum in Spiritu Dei, dixit; Vides carissime, quia magnâ coartati inopiâ, propè est vt fratres nostri fame & frigore, & cæteris molestijs periclitentur, nisi eis concitè subueniatur. Vade ergo ad nundinas Verzelliaci, quæ proximè instant, vt compares ibi quadrigas tres, & earum singulis ternos equos fortes atque tractores, quibus maxime indigemus ad nostra onera comportanda. Cumque quadrigas illas pannis & alimentis, aliisque rebus necessariis oneraueris, adducens eas tecum; cum prosperitate & gaudio reuerteris. Respondens autem frater dixit ei; Paratus sum (Domine Pater) vt tuis iussionibus obsequar, si pretium dederis ad illa subsidia comparanda. Respondit ei Abbas; Ecce denarii tres, qui soli reperti sunt in istâ domo. Tolle igitur, si volueris, eos; reliqua enim quæcumque defuerint, tibi Dei nostri misericordia providebit. Securus itaque vade, quia mittet Dominus Angelum suum tecum, & prosperum faciet iter tuum. Profectus itaque frater cum Verzelliacum peruenisset, à quodam viro fideli & timorato, hospitio receptus est. Qui dum itineris eius causas & fratrum indigentias co-

gnouisset, abiit in instanti ad quemdam locupletissimum hominem, finitimum suum, qui desperatè languens, ac penè iam moriens facultates suas pauperibus erogabat. Cumque Cisterciensium monachorum, quorum iam in partibus illis sanctitas celebris habebatur, eidem infirmo penuriam indicasset, vocatus est ad domum eius supradictus frater; tantamque pecuniæ summam in eleemosynâ ab ipso moriente recepit, ut cuncta quæ iniunxerat Abbas, ex eâ sufficienter compararet. Acceptis itaque tribus rhedis, cum nouem quadrigarijs equis, onerauit atque ornauit eas cunctis quæ fraternis vsibus necessaria esse cognouit; & ita qui vacuus venerat, plenus ad suos remeavit: Cisterciôque propinquans, nuncium misit qui Abbati significaret ipsius aduentum pariter & prouentum. Quo audito venerabilis Pater exultauit in Domino vehementer, & conuocatis in vnum fratribus ait; Deus miserationum Dominus, Deus misericordiæ liber ac liberaliter egit. Verè nobiliter, verè eleganter egisti nobiscum, Domine procurator & pastor noster, aperiens manum tuam, & implens benedictione penuriam nostram. Tunc ordinatâ processione, occurrerunt obuiam venienti fratri usque ad portam; ita ut ipse Abbas procederet indutus vestibus sacris, cum pastoralis virgâ: ministris similiter indutis, ac præcedentibus eum cum Cruce & aquâ benedictâ. Exceperunt ergo sollemniter, atque cum multâ gratiarum actione eleemosynam illam, non ut ab homine præstitam, sed tanquam cœlestis missam benedictionem à Domino, & misericordiam à Deo saluari suo.

De beato autem viro legitur in Gestis Anglorum,

Petro, po-
stea Iuliaci
Prior.

294

Herberti de Miraculis

quod dum adhuc esset in saeculo iuuenis, profectus est aliquando Romam cum quodam socio suo causa orationis. Quamdiu vero fuerunt in itinere illo, soliti erant diebus singulis sine intermissione psalterium integrum decantare. Tandem vero ingressus monasterium Molismense, isdem venerabilis Stephanus feruentissimo studio laborauit, ac modis omnibus instituit, vt locus & Ordo Cisterciensis institueretur, cuius ipse postmodum ordinante Domino Pastor & doctor eximius erat instituendus. Hic itaque longo senio confectus, cum iam caligassent oculi eius, & videre non posset, curam pastorem deposuit, vt sibi met ipsi & soli Domino iam vacaret. Successit autem ei quidam indignus honore, nomine Guido, qui donis exterioribus instar sepulcri dealbati non mediocriter pollens, interius erat vitiorum putredine sordens. Cumque in ipso suae promotionis primordio, fratrum professiones de more suscipere, isdem Dei famulus Stephanus vidit immundum spiritum ad illum venientem, atque in os eius ingredientem. Vix mensis praeterierat vnus, & ecce reuelante Domino denudata est impuritas eius, & eradicata est mox de paradiso Dei plantatio spuria, quam Pater coelestis non plantarat.

CAPVT XXV.

*Fastradus ex Abbate Camberonensi Clarenallensis, indi-
que Cisterciensis, reuerendi oris, & magnarum virtutum
vir, etiam in obitu diuinitus commendatur.*

XXV. **V**ENERABILIS ac pie memorie Fastradus, quondam Cistercij Abbas, vir eximie sanctitatis; nobilis quidem genere, sed morum elegantia nobilior fuit. Qui liberalibus studijs non mediocriter initiatus, sacris tamen litteris ardentiori desiderio semper inhæsit; ita ut postmodum cum sapientia & ætate proficeret, eam præ oculis & manibus incessanter haberet, & ne ad mensam quidem sine lectione diuinâ discumbere vellet. Quod non modò faciebat in propria domo, verum etiam in scholis peregrinando. Hic dum esset Abbas Camberonensis, decedente pie memorie domno Roberto, qui Beato BERNARDO successerat, electus est ad regimen Claruallis. Ad quam tamen electionem venire dissimulauit, quamuis ex nomine vocaretur; timens utique ne hoc illi accideret quod semper accidere verebatur. Verumtamen antequam Legati Clarenallenses ad eum requirendum peruenire potuissent, garrulâ famâ prauolante cognouit, quia in eius personam omnes vnanimiter conuenissent. Hoc itaque rumore turbatus & anxius, fugam arripuit, veniensque ad domum Vallis Sancti Petri, (quod est monasterium Ordinis Cartusienensis) per dies aliquot ibidem latitauit. Vbi cum die noctuque in oratione persisteret, factus est in mentis

excessu. Et ecce apparuit in magnâ gloriâ Virgō puerpera, Domina Angelorum, portans in manibus Regem gloriæ, paruulum suum Iesum. Quam cū ille vidisset, procidit ad pedes eius, obsecrans vt sui miseretur. Cui Beata respondit: Quid turbaris, ô homo? & impōnense ei in vlnas suas, velut alteri Simeoni, nobilem illam sarcinam quam gestabat, ait; Accipe filium meum, & serua mihi illum. Quo factō sublata est visio ab oculis eius: & rediens ad seipsum, intellexit quoniam à Domino egressus est sermo, & quia verē filij Dei, & membra Christi essent quicuius prouidentie committebantur. Hac igitur tam lætâ visione pramonitus, iam nōn est ausus vltiā recalcitrare, ne videretur ordinationi Dei velle resistere.

Suscepto autem præfato regimine, quā sollicitum, quā discretum, quāque benignissimum Pastorem exhibuerit se, non est mex simplicitatis exponere. Nam quemadmodū alios præcellebat officio dignitatis, ita etiam precedebat religionis exemplo, & merito sanctitatis. Castus, pius, & humilis, mansuetus atque modestus super omnes quos in diebus eius vidisse me memini. Parsimoniam verō (ait ille Seuerus de Beato Martino) non est necesse in eo laudare, cū adhuc in sæculo positus ita frugaliter vixerit, vt non iam scholasticus, sed monachus putaretur. Nam sicut ipse quibusdam intimis suis secretē innotuit, biennio ante conuersionem suam, licet ætate nondum adules, ita abstinentiæ operam dedit, vt nunquam voluerit saltem pane & aqua saturari. Carnium autem edulium, quauis in ipso tempore ad mortem penē agrotasset, nunquam sumere acquieuit. Iam verō monachus

monachus factus, quàm sobriè viuendo, immò quàm rigide abstinendo corpus in seruitutem redegerit, supersedeo dicere; quia (vt verum fatear) vehementior fuit in hac parte. Satis etenim illum super huiusmodi noui atque notauì, quippe qui pluribus annis eidem in suâ mensâ ministrauì. Nam cùm in seipso vitia carnis sine miseratione persequeretur, ipsi quoque misere carni, cui naturaliter in situs erat, minus quàm oporteat, compati videbatur.

Ceterùm in exteriori habitu & cultu, pro officij dignitate, quàm humilis & quàm temperans existit, hoc vno quod dicturus sum, facìle aduertere erit. Quadam siquidem die cùm vestiarius monachus in lectulo eius cucullam nescio, an tunicam, quâ ipsum indui vellet, solito meliusculam apposuisset, increpauit eum audiente me Pater, & dixit; Quid est (dilecte mi frater) quod facere cupis, vt à communione fratrum nostrorum me separe, & notabili habitu decolores. Ecce qui mollihus vestiuntur, in domibus Regum sunt. An quia Abbatis nomine censeor, propterea monachus esse non debeo? Numquid idcirco constitutus sum minister & seruus aliorum, vt lautioribus epulis debeam saginari, & cultioribus ornari? Si ergo me diligis, si pacem meam quaris, si praeceptis meis obedire non despicis, precor atque precipio ne id ampliùs facere velis. Nam cùm ego sim apud Deum indignus, & omnium minimus, magnum est mihi si communi omnium victu atque vestitu fuero honoratus. Ex quo enim assumptus sum ad regimen animarum, hoc vnum est quod prae ceteris timui semper, & timeo; ne occasione huius amministrationis,

pauperem vitam quam professus sum deseram, & monachi premium perdam. Hic itaque dilectus à Deo & hominibus, & charissimum donis principaliter adornatus, non solum verbo & exemplo proficiebat, verum etiam gratissimâ corporis habitudine, mirâ deuotione intuentes afficiebat. Tanta siquidem Spiritus Paracliti gratia in ipsius vultu angelico radiabat, vt vix posset fidelium aliquis desiderabili eius aspectu satiari: præsertim qui puritatem animi eius, & singularem mansuetudinem cogitabant, quam in exteriori homine velut in proprio sigillo diuinâ manu impressam cernebant. Qui videlicet vitæ venerandus, cum iam factus esset Cisterciensis cœnobij ac totius Ordinis Pater vniuersalis, magnum in eo (vt credimus) fructum fecisset, nisi peccatis nostris exigentibus tam citò subtractus fuisset. Sed quia eius sanctissimâ vitâ diutius frui digni non fuimus, præcisa est velut à texente, dum adhuc ordiretur. Verumtamen ipse consummatus in breui, expleuit tempora multa, placita enim erat Deo anima eius, & angelico consortio digna.

De cuius felici transitu mox futuro, beatæ memoriæ Petro Tolosano (de quo superius multa retulimus) facta est huiusmodi reuelatio. Videbat in visu noctis: & ecce in nubibus cœli Filius Dei, Sanctorum frequentia comitante de cœlo adueniens, & in ipso aëre consistens, in throno gloriæ residebat, & splendor ex eo procedens mundum illuminabat. Porro ad dexteram maiestatis illius monumentum quoddam gloriosissimum in aëre suspensum apparebat, quod miro opere fabricatum, intuentium oculos admodum delectabat. At verò ante fores basilicæ Clartuallis, multitudo promiscui sexus innumerabilis

assistebant, qui sursum erectis vultibus Regem gloriæ
Dominum nostrum Iesum Christum, ipsumque mauso-
leum intentè respiciebant. Præfatus autem monachus
P. accedens ad eandem turmam, de sepulcro illo quod
coram Domino apparebat, cœpit interrogare quid esset,
aut quid signaret. Tunc vnus ex eis respondit ei taliter,
dicens; Sepulcrum istud de quo sciscitatis, constat esse
sanctissimi cuiusdam viri de terrâ proximè assumendi.
De cuius recessione magna in partibus istis longè latèque
desolatio erit: cuius etiam mors futura est in conspectu
Domini pretiosa, & in conspectu hominum præclara.
Euolutis postea viginti circiter diebus, cum dictus sanctus
Abbas Parisius pro negotijs monasterij ac totius Ordinis
sui, Domino Papæ Alexandro assisteret, correptus ægri-
tudine lecto decubuit, & infra diem quintum sancto sine
quieuit. Tandem apud Cistercium corpus eius cum
ingenti honore reductum, magnâ deuotione conditum
est. Ferunt in regione Angliæ quemdam religiosum, ma-
gnæque virtutis virum existere, qui in ipsâ die quâ Beatus
BERNARDVS Abbas in Claraualle de mundo migravit,
cum esset in Angliâ, vidit in spiritu maximum quemdam
Angelum de cœlo transmissum, maximam nihilominus
animam quamdam de terrâ assumentem, & eam cum in-
genti gaudio secum ad astra deducentem. Postmo-
dum autem cum ipse Beatus Fastradus Abbas exiret à
corpore, eâdem die vidit ille qui supra, supradictum
Angelum ad terram venientem, assumptamque ex eâ
quamdam animam ad cœli fastigia subleuantem. Quæ
quamuis maxima videretur, prioris tamen animæ magni-
tudini non æquiparabatur.

CAPVT XXVI.

Admonetur cœlisus quidam Abbas, ne de excutiendâ præfectura sua sarcinâ ulterius sataget. Idem gravissimis & creberrimis capitis doloribus, mirabili quasi massa plumbee in mediam eius frontem illapsa liberatus olim fuerat.

XXVI. **Q**UIDAM sanctus Abbas de filijs Clartuallis, dum Christi amore totus arderet, modis omnibus satagebat pastoralis officij curam deponere, vt quieti contemplationis liberiùs posset intendere. Quâdam igitur vice egressus de monasterio suo, quasi iam minimè reuersurus, diebus paucis ad aliam quamdam sese contulit abbatiam, absolutionem prædicti regiminis magnopere expetens & exspectans. Quâdam itaque nocte cum interesset vigilijs, vigilans cum alijs, & psallens, vidit in mentis excessu Beatum Bernardum sibi apparentem. De cuius visione exhilaratus multum, cepit ei obnixius supplicare, vt ipsum dignaretur ducere ad Dominum Iesum Christum, cuius felicissimam præsentiam nimio desiderabat ardore. Quem mox beatissimus Pater secum assumpsit, perductumque quò voluerat, præsentavit Domino Saluatori. Ad quem cum introductus fuisset, procidit ad pedes eius, adorâs & flagitans vt sui miseretur. Cui respondit Dominus: Si volueris habere me misericordem, fac mihi ergo professionem. Quo ille audito, libentissimè annuit, & iunctis manibus in manus illius se tradidit, profitens ac promittens obedire se illi vsque ad mortem. Factâ igitur professione, &

reuelatione transactâ, cùm esset ad se reuersus, vacillante animo turbabatur, nec pro certo sciebat quid sibi per illâ visionem, aut promissionem innueretur. Suspicebatur tamen à suo desiderio se esse fraudatum, & eiusdem professionis vinculo itâ innodatum, vt pastoralis officij sarcinam, quam ægrè tolerabat, iam absque diuino nutu deponere non auderet. In crastinum verò cùm altari assistens, sacrosanctum Corpus in manibus haberet, medullitùs cœpit Dominum exorare, vt beneplacitum suum super hoc ei dignaretur euidenter ostendere. Et ecce in ipsâ perceptionis horâ, facta est diuinitùs vox ad eum, dicens; Quamdiù vixeris, successorem habere non poteris. Tali itaque responso certificatus, pedem à fugâ cohibuit, & diuino arbitrio proprium supponere studuit.

Hic itaque venerabilis Pater, in primordio conuersionis ac iuuentutis suæ, cùm magno dolore capitis frequentius vrgeretur, magis tamen animo grauabatur quod spiritum in eo promptissimum ad ardua quæque virtutum, caro infirma pro voto subsequi non valebat. Quâdam itaque Dominicâ cum sollemnibus vigilijs interefset, sentiens se prefato incommodo solito amplius stimulatum, cogitauit exire de choro, & exire pausatam. Sed inspirante Deo recogitauit mox vt sibi vim faceret, & vsque ad Primam diei sustineret. Primâ verò transactâ quamuis doloris immensitas non cessaret, proposuit iterum vsque ad Missam tolerare maiorem, vt sacram accipere posset communionem. Cumque iam communicaturus ad gradum altaris accederet, & solitam veniam ibidem flexis genibus peteret, ecce repente de vertice eius lapsa est quasi plumbea massa, quæ illi per medium frontis veniens,

& cadens in pavementum, non parvam collisionem fecit. Ipse verò eiusdem molis concussionem atque ruinam apertissimè sentiens, & nullam speciem videns, de tantà nouitate miratus, vehementer obstupuit. Moxque perceptà communione sacrà, ab illà infirmitate eàdem horà conualuit; & ità perfectè curatus est vt nullam deinceps molestiam ex eà sentiret. Hæc autem omnia quæ de memorato viro retulimus, ipso nobis secretiùs ibi indicante cognouimus.

CAPVT XXVII.

Balduinus Miles, dominus de Guizà, homo facinorosus, Igniaci moritur in veste monasticà: ac postea Petro Igniacensi Abbati sæpe apparens, tandem eius & monachorum precibus diu purgatus in cælum recipitur.

XXVII. **M**ILES quidam nomine Balduinus, dominus castri quod Guiza nuncupatur, in territorio Remensi, cum esset homo bellicosus & strenuus armis, postposito timore Dei multa quotidie perpetrabat rapinis, incendijs, caedibus, cæterisque similibus frequenter insistens. Hoc solummodò boni in eo esse videbatur, quòd virum sanctissimum Petrum Abbatem Igniaci, cum totà ipsius domo sinceriter diligens, magnificè honorabat, multumque de eius meritis confidebat. Neque verò id frustrà, quemadmodum declarauit exitus rei. Nam dum adhuc esset in ætate virili, contigit eum letali ægritudine pressum, ad extrema perducì. Proinde misit & vocauit ad se prædictum Abbatem: qui concitè

veniens, inuenit hominem iam penè consumptum, & linguæ officio destitutum. Sed orante sancto Abbate indulta est protinus ægro, magno munere Dei, & loquendi facultas, & gratia confitendi. Quo facto voluit incontinenti deferere mundum, & habitū religionis assumere. Sed prohibente coniuge suā, quæ corpus illius plusquā animam diligebat, dilatum est interim votum; donec illa de sospitate illius desperata penitus, tandem dedit assensum. Tunc ergo ductus est ad supradictam Igniaci domum, futurus ibidem monachus, si vixisset. Sed morte accelerante soluta est protinus anima eius, ingemiscens ac poenitens vehementer, quod tempus poenitentiae sine poenitentia transgisset. Cumque defunctus esset, factæ sunt de eo reuelationes multæ præfato Abbati, cæterisque senioribus loci. Quas quia longum est enarrare, pauca è pluribus annotare curauimus.

Eadem igitur nocte quā defunctus est, apparuit in visione cuidam viro religioso, quasi de lecto se erigens. Cui cum ille amminiculum ferre satageret, ait; Non est mihi necesse (frater) vt te ipsum fatiges. Sanctus namque Benedictus adiutor est mihi fortissimus: & ipse me mittit ad Dominum Petrum Abbatem vestrum, vt ab eo monachus fiam. In ipsa nocte cum isdem venerabilis Abbas, pro eo sollicitus & anxius valde existeret, coepit animo pertractare, qualiter homini mortuo, tantā peccatorum mole grauato succurrere posset. Hæc illo cogitante, subito astitit ei quidam, cuius vultum non agnoscebat, quem tamen fuisse Angelum Domini existimat: respondens cogitationibus eius, & dicens; Magno adiutorio indiget. Haud dubium verò quin de ipso mortuo diceret.

Et his dictis confestim euauit. Accepto ergo diuinitus huiusmodi responso, totus illic ò orationi incubuit, Sanctorum altaria circueundo, eorumque suffragia pro salute defuncti medullitè implorando. Interea cœpit ei, quasi mœsto & fatigato somnus obrepere: Cumque obductis palpebris, nec plenè vigilans, nec plenè dormiens sibi videretur, repenè apparuit ei Satan minaciter fremens aduersus eum, & dicens; Quid? Balduinum auferes mihi? Et cùm hoc dixisset, insilijt in eum, coartans & comprimens vehementer. Qui statim expergestus ita se membris omnibus allicitum reperit, vt ea mouere non possët; sed verbum Dei non fuit alligatum. Dixit ergo vir Dei ad Satan; Adiuro te, spiritus immunde, per sanguinem Iesu Christi, quem pro nobis miseris & peccatoribus fudit, & per gloriolam eius Genitricem & Virginem Mariam, quatinus huic animæ confesse & pœnitenti nocere non præsumas. Et cùm ista dixisset, reliquit eum diabolus, & fugit. Ipse vero in suâ relaxatione, defuncti liberationem intelligens, resumptâ orandi constantiâ iterum magis ac magis precibus insistebat. Tantâ namque in illâ horâ deuotionis gratiâ perfusus est, tantamque de Dei miseratione fiduciam mente concepit, quantam in vitâ suâ nunquam fuerat expertus. Vnde non dubitauit, suas, suorumque fratrum supplicationes pro eodem mortuo diuinitus exaudiri.

Tunc verò statuens in commune fratribus, orationes multas & diuturnas, ipse quoque per dies triginta penè quotidie sacrificium nostræ redemptionis pro eius animâ offerre curauit. Porro per totum tricenarium illud, vix aliquadies præterijt, quin memorato Abbati seu dormienti
 seu vigilanti

seu vigilanti isdem mortuus appareret; interdum etiam flexis genibus, & iunctis manibus supplicans, ut pro se orare non desisteret. Contigit autem in ipso tempore, Abbatem quemdam nigri Ordinis monachorum, quem aliquando isdem Miles grauiter iniuriauerat, domum Igniaci hospitandi gratia diuertere. Quod videns supradictus Abbas eiusdem loci, duxit etiam ad supradicti mortui tumulum; obsecrans in Christi amore ut eum absolueret ab illa iniuria, quam suadente diabolo in ipsum commiserat. Quod ubi factum est, ecce in ipsa nocte mortuus isdem praedicto Abbati Igniaci gratulabundus apparuit, exhibens ei corpus suum purgatum & mundum a lepra, qua sese ab olim contaminatum fuisse monstrabat. Praterea quoque apparebat in facie eius imitens vulneris penitus obducta cicatrix, cuius sanitas recens deletum ostendebat esse piaculum, quod commiserat in Abbatem. Post haec autem in ipso die sancto Parasceues, iam inchoato circa horam nonam diuino officio, cum isdem venerabilis Abbas Igniaci indutus sacerdotibus, iuxta altare resideret, apparuerunt ei duo iuuenes praeclaris vultibus & vestibus sericis renitentes, qui eundem Militem de xtra lauamque incedentes vsque ad altare deduxerunt; & transeuntes etiam coram Abbate, dixerunt; Ecce dominus Balduinus. Erat autem ipse defunctus nigris indumentis, sed tamen bonis & decoris amictus, quae quasi de ysembruno esse videbantur. Quod videns venerabilis Abbas, laetatus est valde; nimirum intelligens in vestibus nigris poenitentiae signum, & in representatione ipsius ad altare, certum reconciliationis indicium. Iam vero deinceps mortuo non apparente,

factus est Abbas in hoc etiam certior de illius absolutione. Hæc ab eodem Dei famulo multis prius à nobis precibus flagitato, seriatim extorsimus: cuius assertioni decredere, omni religioni detrudere est.

CAPVT XXVIII.

De luc que Domus Dei monasterium depopulata est: & de Franconis Abbatis, ac Bernardi monachi felici ad Superos transitu.

XXVIII. **I**N ABBATIA Domus Dei, quæ una est de filiabus Claræuallis, facta est in isto anno mortalitas magna, ita ut infra triginta & quinque dies non minoris numeri fratres de medio tollerentur, & una die interdum quatuor aut quinque sepelirentur. Tantâ verò alacritate & desiderio, ad mortem, immò ad portum mortis & vitæ ianuam ferebantur, ut & morientes viuentibus condolerent, & viuentes morientibus inuiderent. Inter quos subtractus est venerabilis & sanctæ memoriæ Franco Abbas eiusdem loci, qui die sancto Parasceues Christo Domino felicem animam reddidit. Ad cuius etiam tumulum iam de vicinis partibus populi cateruatim undique confluunt, propter sanitates & beneficia multa quæ se ibidem à Domino consequi sentiunt. Quarto autem postea die, hoc est, secundâ feriâ paschalis hebdomadæ, defunctus est ibi monachus ætate quidem iuuenis, sed religionis maturitate prouectus; de quo etiam asserunt, quod florem virginitatis usque ad mortem Domino largiente seruauerit. Hic verò spe mirabili confortatus, ita

cupiebat dissolui & cum Christo esse, vt nihil timere videretur, nisi adhuc á morte differri, & in corpore remanere: multumque doleat si aliquis ei com meatum vel promitteret vel optaret. In ipsa verò die migrationis suæ apparuit ei Beatus BERNARDVS cum supradicto Abbate F. qui dixit ad eum; frater Bernarde (sic enim iuuenis vocabatur) ecce adduco tibi sanctum Patrem nostrum BERNARDVM, vt te in manibus illius reddam. Beatus verò Pater elementi dexterâ suscipiens eum ait illi; Hodie mecum eris in Paradiso; & his dictis euauerunt. Tunc monachus ille quæ viderat & audierat, fratribus indicauit, atque subiunxit; Si vsque in crastinum vixero, non sum vera locutus. Quòd si hodie migrauerò, fidem faciat dictis ipsa migratio. Defunctus est itaque frater in ipsâ die, vt perficerentur in eo omnia quæ dicta fuerant illi á sancto Patre.

CAPVT XXIX.

Mira quadam de Gerardo de Farfâ, admirande pietatis, & sanctitatis eximie sene: cui mortis proximo apparuit S. Bernardus: qui etiam questus est post mortem, quòd præproperè, & adhuc spirans, fuisset sepultus.

XXIX. **D**ILECTVS á Deo & hominibus Gerardus de Farfâ, cuius memoria in benedictione est, quemque pro suâ singulari puritate & sanctimoniâ Beatus BERNARDVS singulari gratiâ præ cæteris honorabat, mirabilis atque amabilis nimis omnibus apparebat. Qui dum adhuc esset monachus in Farfâ, quæ est Tusciæ

nobilis abbatia, reuelante Domino vidit in spiritu se transpositum in Claravalle; idque gerentem officij, ut cum duobus bacinis singulas officinas circueiens, fratrum manibus ablundis aquam infunderet. In quo nimirum designatum fuisse rei exitus docuit, quod ipse futurus esset qui fratrum illorum excessus quotidianâ immo penè continuâ oculorum inundatione ac si duobus infusorijs ablueret. Sic enim deuotio pietatis in Christi desiderio pectus illud impleuerat, ut quasi duo fontes pupillæ eius quæ tacere non poterant, ferè vbique, præsertim in celebratione diuini mysterij magno lacrymarum profluvio faciem illius madidarent. Habebat autem gratiam singularem tam apud Deum quàm apud homines, quam vniuersi mirabantur; & intuebantur vultum eius tamquam vultum Angeli stantis inter illos, atque dicebant; *Hic est fratrum amator & populi Israël; Hic est, qui multum orat pro populo, & vniuersâ sanctâ ciuitate.*

a. Mach. 15.
24.

Huic autem Deus multas consolationes in abscondito faciebat; ipse autem, ut pote verecundus & humilis, virtutes suas latere malebat, & nullus ei super huiusmodi percussione, propter sanctitatis illius reuerentiam, molestus fieri audebat; & cum esset nimium corpore debilis, utpote iam ferè nonagenarius, quotidie tamen infatigabilis animi feruore iuuenescere videbatur; ita ut vix ægritudine compellente posset in infirmitorio decineri, vix posset etiam à labore messium retineri. Qui dum aliquando grauissimâ valetudine pressus, in quadam secretiori domunculâ lecto decumberet, nocte quadam contigit extinguî lampadem quæ ibi ardebat. Quo viso, frater quidam qui ei tunc temporis ministrabat, surrexit

& abiit reaccendere illam. Cumque reperisset clausas vndique officinas sine igne, reuersus est inutilis; & firmato ostio cellulari, iterum recubans obdormiuit. Profundâ verò nocte cum sanctus ille vir ad necessaria surgere vellet, assurrexit frater dolens quod ei luminare deesset. Respiciens autem ad fornaculam præsentem, in quâ per octo dies antea focus non fuerat, vidit ibidem prunarum ardentium non paruam congeriem: accensaque ex eis lampade, cum statim ad eandem fornaculam oculos verteret, non modò prunas illas non reperit, sed ne vllum quidem in eâ caliditatis vestigium deprehendere potuit.

Novitius autem quidam, nomine Iulianus, honestæ vitæ Sacerdos ac religiosus, qui de Ordine Regularium clericorum Clarauali sese contulerat; vidit aliquando spiritum immundum instar hædi pernegantem in choro. Qui cum venisset coram eo, aliquamdiu subleuit, & cepit eum rictu patulo subsannare, obscœnum caput contra illum exagitando, & dentes ad inuicem minutissimè concutiendo. Cumque recessisset ab eo, venit & stetit ante hominem Dei Gerardum, & cepit eum similiter petulcum animal pudendis gestibus irridere: à quo magis irrisum atque exfussatum, illicò tanquam fumus evanuit, & vltra eum novitius ille non vidit. Qui mox acceptâ colloquendi licentiâ percunctatus est eum, vtrum in choro aliquid in illâ tali horâ conspexisset. Confessus est autem ei senior se vidisse phantasticum hædum, qui ludens motibus, & se & illum pariter subsannaret. Quod audiens novitius ille, miratus est valde, ac per hoc intellexit quòd multa huiusmodi cerneret, quamvis pauca inde referret.

Huic autem viro iam posito in extremis Beatus BERNARDVS angelico vultu & vestibus albis decoratus apparuit, in eâ tamen consistentiâ & habitudine corporis, quâ ante obitum fuit. Quem cum ille inspiceret ad se ingredientem, & veteranos ac venerandos artus baculo sustentantem, manu ac voce quâ poterat suis seruiuentibus innuit, ut Sancto venienti assurgerent, & locum sedendi citius præpararent. Illis verò mirantibus ac querentibus de quonam Sancto ille loqueretur, premente se ægritudine non poterat respondere. Postmodum verò receptâ virtute loquendi, cum id ipsum denuò sciscitarentur, confessus est se vidisse Beatum BERNARDVM blando ipsum alloquio consolantem. Qui cum benedixisset eum, benedixit etiam totam domum, subiungens hæc eadem verba, & dicens; Hæc est domus mea quam ædificavi. Dominus custodiat eam in æternum, & in sæculum sæculi. Cumque vir ille sanctus in Domino quievisset, aliquanto postea tempore elapso apparuit in visione cuidam religioso Conuerso, nomine Laurentio, latus atque præclarus, & pretiosis vestibus decenter ornatus; indicans quia per Dei gratiam gaudium sempiternum obtineret, & gloriam. Fratri autem solo tenus supplicanti, ut eius benedictionem atque suffragia mereretur, benedixit, atque ita respondit; Ego orare non cesso non modò pro te, verum etiam pro ipsius vniuersitate Ecclesiæ. De hoc tamen conqueror aliquantum, quod fratres adhuc viuentem & spirantem me præ nimia festinatione sepelirunt.

*De Laurentio Conuerso Clareuallensi, qui S. Bernardi ope
multis subductus periculis, decem bubalos in
Clareuallensem ex Italiâ perduxit.*

XXX. **I**GITUR quòd de prædicto fratre Laurentio
in mentio incidit, referendum existimo aliquid
quod de illo cognoui. Erat ego vir ille quod omnes
agnouimus, homo spiritualis, orationi atque compun-
ctioni mirabili pertinaciâ semper insistens; ita ut per plu-
rimos annos cum sanctorum Confessorum Bernardi,
atque Malachie corpora in secretario die noctuque ser-
uaret, vix vnquam aliquâ horâ posset ibidem aliter in-
ueniri, nisi semper orationi incumbens, & diurnis
fletibus pauimentum aspergens. Porro vir iste in pri-
mordio conuersionis cum multis tentationibus vexare-
tur, nocte aliquâ finitis Matutinis erat in quodam domici-
lio solus: & ecce, spiritus immundus mugiens & plan-
gens discursu girouago circâ eum rotabatur. Ipse verò
imposito fronti suâ signaculo sanctæ Crucis, quisnam
esset interrogauit. Respondit autem damon: Ego sum
qui tentauit & flagellauit Iob. Quod audiens frater, cum
adhuc nouitius esset, timuit à facie damonis, & fugit, &
eum ulterius non audiuit. Post transitum autem Beati
BERNARDI, contigit ut isdem frater à venerabili Philippo
Clareuallensi Priore ad Regem Sicilia Rogerium mitte-
retur, pro negotio ipsius Ecclesiæ. Qui cum Romam
fuisset ingressus, comperto quòd idem Rex nuperimè
mortuus esset, consternatus animo est, & quid facere de-
beret prorsus ignorabat. Conuersus ergo ad orationem

cum gemitu & lacrymis Beatum BERNADVM inuocabat, dicens; Pater mi, currus Israël, & auriga eius, vt quid dereliquisti nos? Heu me, Pater sancte, quid dicam? vel quid faciam ego pauperculus & misellus, & ego omni solatio destitutus? Te viuente, teque iubente securus procedebam longius sæpe ad exterarum nationes, & vbique recipiebar ob gratiam tuam, cum gratiâ multâ; deferens nimirum salutationes & litteras tuas, quas Reges & Præsules, cum cæteris omnibus, tanquam cœlitus missam benedictionem suscipiebant, & eulogijs tuis sese nobilitari nobiliores quique gaudebant. Nunc autem te defuncto, defuncta est tecum pariter & gratia mea: nec erit iam qui peregrino & inopi manum adiutorij porrigat: & ecce, mortuus est Rex qui te sinceriter amabat; surrexitque pro eo puer filius eius, qui forsitan te ignorat. Quem adhuc tam longè remotum si adire voluero, & repulsam ab eo pati contigerit, & opera & impensa perditæ erit. Si verò incontinenti reuertens, negotium intentatum reliquero, torporis & insipientiæ argui pertimesco. Porrigere precor auxilium, præbe consilium indigenti, & ne despicias gemitum seruulimiserandi.

Eadem itaque nocte apparuit ei isdem beatissimus Pater, & magnificè consolatus est, dicens; Quid tibi visum est (frater) ita de Dei misericordiâ & meâ ipsius interventione diffidere? Quando enim vel ubi sensisti defuisse tibi amminiculum meum in necessitatibus tuis? An fortè impotentiorum modò me autumas quàm olim in sæculo fuerim, qui iam introductus sum in potentias Domini? Vade ergo securus, quia prospera cuncta euenient, & in hoc ipso scies quòd ego ipse te miserim. Hæc & alia plura Sancto

Sancto loquente, frater ipse præ nimio pietatis ardore totus in animâ liquecebat; & corde eius immensam paturiente lætitiâ, foris quoque deuotionis lacrymæ erumpebant. Cumque euigilasset madentibus oculis atque maxillis, etiam puluillum in quo caput reclinarat eodem lacrymarum profluuio vndique perfusum esse cognouit. Summo igitur manè iter arripiens, cùm de vrbe fuisset egressus reperit cuneum institorum mercimonij gratiâ Siciliam adeuntium. Qui cognoscentes eum esse de Claraualle, mox in suo conductu atque conuictu gratanti animo receperunt, & quæque necessaria gratis quotidie ministrarunt. Tandem ingressus ad Regem Siciliæ, inuenit gratiam magnam in oculis eius; & non solum de negotio pro quo fuerat ad patrem destinatus, prosperum euentum obtinuit, verum etiam Rex pro eiusdem patris sui animâ apertis thesauris suis, ad ædificationem nouæ basilicæ Clareuallensis non modicam auri summam per eundem fratrem magnâ deuotione transmisit. Reuersus itaque Romam prædictus frater, talem nihilominus ibidem gratiam reperit, vrde donarijs Cardinalium, aliorumque Romanorum alteratâ consuetudine plurimam acciperet benedictionem; ita ut etiam largientibus illis, ex eadem vrbe vsque ad decem bubalos educeret, & vsque ad domum Clareuallis non sine ingenti omnium stupore perduceret. Quis enim satis mirari sufficiat, quod homo debilis ac veteranus cum duobus puerulis tantum, tantæ enormitatis ac ferocitatis animantia, quæ etiam boues duplâ aut triplâ corpulentia & fortitudine superant, per tanta locorum discrimina, per tanta prædonum latronumque molimina, à Româ

vsque ad Claramuallem minare potuerit; præsertim cum id genus animalium citra Alpes (vt asserunt) in toto Occidente hæctenus visum non fuerit? Vix enim vel vnâ die malignantium occurfus ac violentias poterat declinare; quæ tamen omnia pertransiuit indemnus, Deo & sancto Patre BERNARDO fidelem famulum vbique tutante.

Factum est autem vt transire cogetetur per quoddam municipium, cuius principatum latronum principes obtinebant, & quorum fauces immunis euadere nemo poterat, nisi qui fortè viribus præualebat. Manè verò iam rutilante aurorâ, cum de aliquo prato in quo cum animalibus pernoctarat egredetetur, rogabat attentius Deum Sanctumque BERNARDVM, vt ab imminente periculo erueretur. Et ecce apparuerunt ei procul quasi duo viri obuiam venientes, & singulos cereos accensos in manibus præferentes: qui paulatim veniendo cum iam penè ad illum peruenissent, subito ab eius oculis euanuerunt, multamque fiduciam euadendi Dei famulo contulerunt. Ingressus itaque illum diaboli nidum illicò sistitur, atque ad prædam diripiendam vndique curritur. Superuenientes autem eâdem horâ quidam venerabiles viri, cum eum Claraualensem esse cognoscerent, de manibus irruentium liberarunt, & cum suis omnibus abire fecerunt. Tandem verò perueniens ad Claramuallem, mirantibus vnîuersis noui generis bestias intulit, quæ multiplicatis fœtibus quotidie propagantur, atque ex eo loco per multas iam prouincias dilatantur.

CAPVT XXXI.

*De quodam monacho mortuo in Burlancurte, reuelatur viro
sancto, illum Sanctorum Iohannis & Pauli
Martyrum meritis coaquari.*

XXXI. **R**ELIGIOSVS quidam frater de Burlancurte, nomine Gerardus elephantium morbum incurrens, & multo tempore scortum ab alijs degens, ita flagellum Patris æquanimiter tolerabat, ita semper in gratiarum actione perseverabat, vt in eius prædicabili patientiâ cæteri mirificè delectati atque ædificati Deum glorificarent, & eum quasi Martyrem reputarent. Tandem felici agone peractò, dolorem pariter & mortem euasit, & cum Beato Lazaro in sinu Abrahæ recipi meruit. Eàdem igitur nocte, dum funus in ecclesiâ seruarietur, fratribus circà ipsum solito more psallentibus, vni ex eis viro sanctissimo, & Abbatis administratione longo tempore functo, facta est reuelatio talis. Videbat in mentis excessu: & ecce tres personæ venerabiles, in multâ gloriâ circà defuncti corpus apparuerunt. Quarum vna cum corpus ipsum virgâ flagellasset, egressa est ex eo columba, auolans, & petens superiora. Tunc vna ex eisdem personis dixit: Quasi columba petit supernos fontes. Secunda verò subiunxit: Absque impedimento penetrat cælos. Tercia nihilominus ait: Meritis Sanctorum Iohannis & Pauli coaquatur. Quod vbi dixerunt, protinùs ab oculis intuentis euauerunt. Cognouit ergo vir sanctus, quòd magni meriti esset anima illa, quæ tantis Martyribus fuerat in meritis sociata.

CAPVT XXXII.

Vir quidam pius in Meldensi territorio, mortuus repertus est, super genua sua, & super laeue manus articulos nudâ humo persistans; dextram verò quasi tundendo pectori applicatam tenens

XXXII. **I**N territorio Meldis, vico quî Betunbasoas dicitur, ante hoc fermè septennium defunctus est quidam famulus Christi, rebus quidem transitorijs pauper, sed virtutibus diues: qui licet habitu seculari indueretur, vitam monachicam opere sectabatur. Ille dum adhuc esset in ætate viridiori, amicis adhortantibus, vxoriâ cõpede passus est se artari. Compare autem celeriter de medio factâ, digamiam inire minimè acq̃uieuit, sed virtuti continentia: membra deinceps vsque ad senectam & senium dedicaui. Erat ergo ieiunijs & obsecrationibus die ac nocte Domino seruiens, cæterisque diuinis obsequijs iugiter insistens. Habebat autem in consuetudine, per decennium ferè ante obitum suum, singulis diebus Dominicis communicare. Ecclesiam verò; quamvis à suâ ipsius mansione longè remotam frequentiùs adire non desistebat, multumq̃ue temporis & laboris in hoc opere expendebat; vtpote senex atque decrepitus, quem tribus pedibus incedere oportebat. Quâdam verò Dominicâ cum ad ecclesiam multo grauamine veniens, sacrosancta mysteria solito percepisset, viribus corporis cæpit repentè destitui, ità vt ad suum tugurium repedare non possêt. Proinde diuertens in domicilium viri cuiusdam in proximo commorantis; per totam diem illam lecto decum-

bens, grauiter agrotauit, & nocte sequenti vocante se
Domino in pace quieuit. Facto itaque manè cum ingre-
rentur ad eum uisitandum, inuenerunt illum in oratione
positum; ibique defunctum hoc modo. Egressus siqui-
dem de grabato, & carens operimento, præter femoralia
tantum; super gēua sua, & super læuæ manus articulos
nudâ homo perstabat; dextrani uerò superiùs quasi ten-
dendo pectori applicatam tenebat. Potrò corpusculum
erectum atque immobile stabat, & resupinato capite fac-
ies in cælum respiciebat. Itâ ergo cadauer extinctum
diuinâ virtute subsistens, & uiuenti magis quam mortuo
simulans, satis euidenter post obitum indicabat, quid
ante occubitum facere consueuerat. Accurrunt undique
populi festinantes, videre tam pium, tamque cœleste
miraculum: quod non magis utique in corpore mortuo,
quàm in ipso homine uiuente, uel potiùs moriēte constat
esse mirandum. Quid enim mirabilius est, mortalem
hominem orando & stando mortem irruentem excipere,
& à statione suâ moriendo non corruere, an corpus ex-
animatum post mortem non occumbere? Vtrumque
profectò mirabile, utrumque diuinæ virtutis & gratiæ
est. Quis enim alius præter te (Domine) facere præualeret,
ut seruus tuus moriens, inuictâ orandi constantiâ anima-
tus, & ipso mortis articulo de cubili suo surgeret; & con-
tra mortis impetum, quasi contra fluminis aut fulminis
ictum, flexis genibus & erecto corpore staret; stans &
orans animam traderet; insuper & gleba cadaueris exa-
nimati (quod à cadendo dicitur) in terrâ non caderet?
Verè tua sunt opera, tua sunt ista miracula, Domine Iesu,
qui pauperes amas, & personam vlliùs non accipis; sed

in omni gente, in omni conditione & professione, qui-
cumque te timet & operatur iustitiam, acceptus est tibi.
Videntes itaque talia cuncti, qui eius honestissimam
conuersationem antea nouerant, immensas Domino
grates retulerunt, & cognoscentes quod verè seruus Dei
esset, cum magnâ deuotione & reuerentiâ sanctissimum
corpus eius honorificè sepelierunt.

CAPVT XXXIII.

*Monachus Ordinis Cisterciensis, orationi maximè, & lectioni
intendere solitus, videt primùm S. Ioannem Euangelistam,
tum Beatissimam Dei Genitricem Virginem Mariam, &
denique Christum ipsum Dominum sibi animam agenti
occurrentes.*

XXXIII. **I**N QVODAM Cisterciensis Ordinis mona-
sterio quidam honestæ conuersationis mona-
chus habitabat, qui dum esset in omnis religionis suæ
obseruantia seruus atque deuotus, maximè orationi atque
lectioni erat intētus, ita vt semper ad legendum vbicum-
que poterat, mirabili dulcedine traheretur; & fructum
deuotionis magis quàm deuotionē inquirens, ita in cā sicut
in omnibus diuitijs delectaretur. Appropinquante autem
horâ vocationis suæ cū grauius agrotaret, & oleo in-
firmorum iam inunctus esset, rogauit vt corpus eius in
præsenti lauaretur, & vestimentis in quibus sepeliendus
erat indueretur. Fratribus verò causantibus nouitatem,
& facere differentibus, cū in suâ petitione persisteret,
tandem quod volebat obtinuit. Quo factō, circumstan-

tibus ait; Reuertimini unusquisque ad officia vestra, quia modò moriturus non sum, sed die sequenti post prandium seruatorum. In crastinum ergo eadem quâ prœdixerat horâ cum iam vltimum spiritum traheret, conuenerunt vndique fratres ad muniendum exitum eius. Tunc ille diuino Spiritu illuminatus, exhilaratâ facie dixit; En modò ingreditur Beatus Iohannes Euangelista, & cum paululùm reticuiisset, iterum dixit; Ecce nunc venit Sancta Dei Genitrix Maria. Et post modicum interval- lum denuò dixit; Eia fratres, ecce iam venit Dominus Iesus Christus; & cum hoc dixisset, illicò cantare cœpit & imponere antiphonam illam dicens; *Subuenite*; ac ita cantando spiritum reddidit.

CAPVT XXXIV.

Fratri cuidam cum morte luctanti apparet demon simia specie, ei illudentis, & panni frustum subinde lambentis, quod ille absque Superioris licentiâ, de scirto suo scapulari assuerat.

XXXIV. QUIDAM alius monachus cum ad horâ vltimam deuenisset, iamque loquendi officium amisisset, vidit immûdum spiritum instar simiæ, sedentem in perticâ iuxta parietem positâ; vbi scapulare illius dependebat. Porro in ipso scapulari veteri & disrupto, isdem frater modicam panni scissuram sine licentiâ nuper assuerat; quam ille spiritus impurus suauiter attrahens, & sæpe deosculans, etiam linguâ lingebar, & manu palpabat. Quod cœm ille videret, ingemuit; & quia iam loquelam amiserat, protensione indicis indi-

cando, verbisque semirutis ac dimidiatis balbutiendo, quomodò poterat innuebat, vt derisorem pessimum amouerent. Illis verò mirantibus & diu percunctantibus quid diceret, aut quid intenderet, diuinà tandem miseratione recepit officium lingue, & ait; Numquid non videtis illum dæmonem obscœnum, sedentem in nostro scapulari, & ore spurcissimo lambentem pitatium illud, quod nuper in eo sine licentiâ consuere præsumpsi? Expellite ergo sceleratum, & tollite de indumento pitatium, ne mihi in finem calumniosus & impius iste derisor insultet. Cumque omnes intentè respicerent, & spiritum nequam quem ille conspiciabatur, videre non possent, amouerunt scapulare de loco, & protinus abiit pessimus exprobrator. Frater verò acceptâ pœnitentiâ rursus obmutuit, atque post paululùm in bonâ confessione decessit.

CAPVT XXXV.

Monachus præ febrim astu cucullam exutus, indutus est scapulare: quo in habitu cum esset mortuus, eius anime occlusa est paradisianna, donec illa corpori suo reddita & cucullam poposcer, & pro eâ abiectâ pœnitentiam sibi iniunctam accepit.

XXXV. FRATER quidam ægrotabat ad mortem, qui dum magnis februm astibus vreretur, ad releuationem ardoris exutâ cucullâ indutus est scapulari, & ita manendo spiritum exhalauit. Cumque post mortem duceretur vsque ad introitum paradisi, clausûre portarum portum, ipsumque excludere, dicentes; Numquid

Numquid isto sine cucullâ recipiendus erit in ordine vel requie monachorum ? Repulsus itaque remanebat foris, pauidus & trepidans ; metuens nimirum damnationis audire & subire sententiam. Cumque ductores eius pro illo rogarent, dicentes, cum excepto sermone hoc, virum extitisse probabilem, & sine querelâ inter alios conuersantem, iussus est ad humana redire ; acceptâque veniâ cum cucullâ protinûs remeare. Reuersus verò ad corpus, cuncta quæ viderat indicauit, induensque cucullam, & accipiens pœnitentiam, in pace migravit. Constat ergo monachicum habitum, in quo & forma Crucis exprimitur, si vita monachi teneatur, magnum mysterium continere.

CAPVT XXXVI.

De Abraham Abbate Prateæ in Biturigibus, qui adhuc iuuenis edoctus est, nihil quicquam, ne minimum quidem absque licentiâ usurpare: Iudeos ex factore discreuit: atque ob angelicam animi & corporis puritatem, ab ipsâ Dei Genitrice Virgine Mariâ, stupendis beneuolentiæ argumentis corroboratus est.

XXXVI. **P**ISSIMÆ recordationis Abraham, Prateæ quondam Abbas, qui (sicut aiunt) virginitatis florem largiente Christo seruauit vsque ad mortem; homo sanctissimus, ac singulari mansuetudine præditus fuit, iugumque Domini ab adolescentiâ vsque ad finem vitæ portauit. Qui dum adhuc esset ætate pariter & religione nouellus, modicam panni noui scissuram ad resar-

ciendam vestem in grabatulo suo sine licentiâ secretè recondidit. Sed cùm eam post paululum requisisset, & reuersato vndique stratu minimè reperisset, miratus abscessit; & remordente conscientiâ, furtiuam rapinulam priuatâ confessione quantociùs delere curauit. Post modicum verò temporis, cùm solus in coquinâ scutellas ablueret, ecce panniculus ille subitò per aerem lapsus, & velut aliquo portante iniectus est manibus eius. Quem cùm certissimè recognosceret, & porrectis quaquauesum obrutibus, neminem neque sursum neque deorsum aspiceret, manifestè comperit, ab immundo spiritu furatum fuisse, sed post confessionem retineri non potuisse. Quin etiam animaduertit quàm cauendum, quàmque timendum sit ab eiusmodi proprietatibus quamuis minimis, eis qui puram atque perfectam paupertatis professi sunt vitam; cùm etiam quædam sanctimonialis (vt legitur) propter exiguum sericum filum, quod sine licentiâ lectulo suo reposuerat, diaboli persenserit in morte calumniam.

Hic itaque vir bonus & pius, propter eximiam corporis & animi puritatem multas à Domino, atque Sanctis eius, præcipuè verò à Beatissimâ Dei Genitrice recipere solitus erat consolationes; ita vt eadem sanctissima Regina aliquando apparens in visione, nonnulla sibi ventura signaret; post dulcissima piissimæ visitationis alloquia, pudicissimum sui oris osculum castis eiusdem labris stupendâ dignatione imprimeret.

Quâdam verò nocte videbatur sibi cum perfidis Iudeis de Christianâ religione disputando configere. Cùmque diutiùs altereassent, subitò tantus fœtor ex eis

dem reprobis hominibus exhalans, nares eius infecit, ut præ acerbitate teterrimi odoris euigilaret. Excusso autem somno, per plurimos postea dies sensit eandem putoris immunditiam vigilando, quam antea senserat dormiendo. Non solum autem, verum etiam quotiens Iudæos alloqui, vel videre de proximo, quotiens domos eorum introire, vel ante eas transire causa poscebat, totiens eandem pessimam exhalationem sentire solebat. Porro ista quæ de memorato viro retulimus, ipso nobis secretius indicante cognouimus.

CAPVT XXXVII.

*Monachus Fontenensis, in ultimo morbo mira quædam videt,
& obitum suum prædicit, & diuino
splendore illustratur.*

XXXVII. **A**PVD Fonteneturum, quod est Cisterciensis Ordinis nobile monasterium, quidam eximie conuersationis monachus in extremis agonizabat. Quodam verò die sollempni cum ad Missam matutinalem omnes qui surgere poterant infirmi processissent, repente apparuit ei quædam persona splendido vultu & habitu reuerenda; quæ accedens ad lectulum cuiusdam alterius infirmi, adhortabatur eum plurimis verbis ut sequeretur se, introducendus ab eâ in locum serenissimum, totius amœnitatis & gaudij plenum. Verum ægroto faciem obnubilante, & tardum repidumque responsum ad ista reddente, Sanctus ille contempsit & pertransijt. Accedensque ad monachum supradictum,

fermonem eundem proposuit. Ille verò gratanter assurgens, atque ex omnibus medullis gratias agens, cum cum incontinenti subsequi vellet, nuncius ille cœlestis dedit ei mandatum, vt interim ita maneret; indicans etiam tempus & horam quo ad ipsum in proximo remearet. Cum ergo Sanctus ille disparuisset, curauit isdem infirmus innotescere fratribus cuncta quę viderat. Instante autem vespere, vocatis ad se seruatoribus suis ait; Præparate quę mihi ad sepulturam necessaria sunt, quoniam in istâ nocte migraturus sum. Verumtamen nolite circa me vigilare, neque solliciti sitis, quia ego vocabo vos opportunè, cum tempus aduenerit. Profundâ itaque nocte pausantibus vniuersis, cœpit ille clamare, dicens; Surgite & pulsate quantociùs tabulam, quia iam tempus meum impletum est. Contigit autem omnes illâ horâ infirmiorij extinctas esse lucernas. Surgentes itaque fratres viderunt subitò circa morientem, cum Luna minimè splenderet, tanti luminis splendorem, totam domum clarificantem, vt etiam in libro legere possent. Tandiu verò lux illa durauit, donec in multâ morâ lampades succensę essent; ita vt etiam plurimi de Conuentu qui priores aduenerant, eam præsentem adhuc inuenirent. Fratres verò videntes & audientes cuncta quę acciderant, exhilatati & consolati valdè, gratias Domino retulerunt, atque cum ingenti deuotione, sancti viri exequias celebrarunt. Porro ille alius ager qui inuitanti se nuncio cœlesti libenter acquiescere noluit, multo tempore post in ipso languore permansit, & vsque ad mortem, de letulo in quem descenderat non ascendit.

Hanc autem memorati fratris consummationem, sicut

eam venerabili Hugone Flauiniacensi, quondam eiusdem Fonteneti Priore audiui, fidei narratione perstrinxi. Et quoniam de eodem viro mentio incidit, placet huic loco inferere quiddam, quod venerabilis Vvillelmus de Spiriaco, Sancti BERNARDI nepos, & monachus prædicti cœnobij, nobis de eodem notificauit.

CAPVT XXXVIII.

Hugo Prior Fontenetiensis, magnæ religionis doctrinæque vir ipso Sancti Augustini festo die (prout optauerat) sanctè moritur: eiusque felix anima, occurrente cum cœlitibus alijs Sancto Augustino in cælum deducitur.

XXXVIII. **E**RAT igitur iste præfatus Hugo vir sapiens & benè morigeratus, religione feruens, virtutum gratiâ pollens, litterarum scientiâ præminens. Qui dùm esset omnium diuinorum eloquiorum assiduus investigator, præcipuè tamen librorum Sancti Augustini erat ardentissimus amator: ita ut eundem Sanctum miro affectu excoleret, & propter specialem quam circa illum habebat deuotionem, in eius festiuitate, ut sæpiùs fatebatur, mori desideraret. Verùm diuina clementia, quæ pia Sanctorum vota & aspirando præuenit, & adiuuando prosequitur, hunc famulum suum desiderij sui compotem fecit: quia in ipsâ Beati Augustini festiuitate, sicut præoptauerat, tam feliciter quàm fideliter è mundo migrauit. Facta est autem in ipsâ nocte huiusmodi reuelatio cuidam ipsius monasterij monacho religioso. Vidit enim processionem candidatorum de cœlo

venientium, ecclesiam introire, & circa corpus quod ibidem more solito seruabatur assistere. Porro vnus ex illis staturâ procerus, vultu & veste gloriosus, atque præfulgidus, accessit ad monachum illum, & cœpit cum eo loqui. Ille verò percunctabatur ab eo qui essent, & cuius rei gratiâ aduenissent. Cui Sanctus ita respondit; Isti quos vides, Angeli Dei sunt, & alij Sancti. Ego verò Augustinus Episcopus Hipponensis. Nostri quoque aduentus est causa, vt animam huius fratris deducamus ad sidera nobiscum. Expletâ autem reuelatione lætatur est videns, & glorificauit Deum, ipsumque Præsulem benedictum: intelligens nimirum, ac sciens quia verè honorabilis & gloriosus apparet in conspectu Dei, ille Sacerdos magnus, ille Doctor Ecclesiæ doctor illustris, & excelsus in verbo gloriæ Augustinus; qui deuotum sibi famulum, in die festiuitatis eius assumptum, sicut in vitâ fouere non desijt, ita in morte succurrere & secum ad gloriam perducere non tardauit.

CAPVT. XXXIX.

Pij Sacerdotis, in Alberipæ monasterio nouitij felix obitus, celestibus aliquot oraculis commendatur.

XXXIX. **S**ACERDOS quidam venerabilis, & vitæ honestate insignis, cum esset homo castus, & sobrius, & timoratus, operibusque pietatis semper intentus; maiori tamē puritatis obtinendæ gratiâ domui Alberipæ se reddidit, multumque desiderabat, suscepto habitu, fratrum collegio sociari. Verum eiusdem monasterij Abbas,

sciens eum virum iustum atque perfectum, cum esset valde necessarius cuidam sanctimonialium feminarum monasterio, in illâ vicinâ constituto, quibus ipse fideliter ministrando, etiam diuina mysteria celebrabat; dilata eius susceptione, multis precibus, licet inuitum, in ipso officio detinebat. Qui dum se molestiâ corporis quâdam vice grauari conspiceret, prædictum Albæripæ monasterium festinanter expetijt; susceptusque ad probationem, infra dies paucos Domino vocante migrauit. Et dum in extremis laboraret, duobus religiosus eiusdem loci fratribus ostensa est vna eademque reuelatio talis in ipsâ nocte, vno illorum de altero funditus ignorante.

Viderunt ergo beatorum spirituum turmam, immenso iubare coruscantem, & dulci melodiâ suauiter concinentem, de cælo descendere, atque per ampliorem frontis illius ecclesiæ fenestram intrare. Qui venientes in chorum monachorum, defuncti corporis quod ibi iacere videbatur, animam Domino sollempni officio commendabant, & diuinæ præconia laudis vsque ad cælum canoris vocibus attollebant. Cum igitur prædicti monachi huiusmodi visionem cernerent, pulsata est tabula pro illo nouitio moriente, iam iamque statum vltimum emittente. Surrexerunt itaque fratres, vt fratris exitum suis orationibus communirent. Factâ autem commendatione, & posito in ecclesiâ corpore, vnus ex duobus qui supradictam reuelationem acceperant, affectus magnâ deuotione, remansit ad vigilas cum alijs quibusdam, qui ad ipsum fuerant deputati: alter verò in dormitoriū rediens, ac sese recollocans iterum obdormiuit. Et ecce quædam persona reuerentissima apparuit

illi, minaciter arguens somnolentū, & dicens; Visquequò dormies, piger? En Sancti Angeli de cælo venientes circà defunctum fratrem excubias obseruant, necnon & socius tuus cum alijs vigilando & psallendo, funeri assistit; & tu miser in lectulo tuo stertis, atque inerti sopore deprimeris. Tunc ille exterritus à voce exprobrantis & increpantis, euigilauit; & exiliens de lecto, citiùs in oratorium venit, & psallentibus circà defunctum celeriter se adiunxit.

In crastinum autem cùm vtramque visionem Abbati retulisset, mirabantur vterque quinam poterat esse socius ille, qui dictus fuerat cum alijs vigilare. Post modicum verò cùm ille alius frater visionem quam viderat reuelasset, cognouerunt quia ipse fuerat, qui socij nomine fuerat designatus; pro eo scilicet quòd ad intuendam fratris illius glorificationem, cum altero fuisset admissus; vt in ore duorum testium staret, & credibile fieret istiusmodi verbum.

CAPVT XL.

In monasterio Fontis Mauriniaci, diœcesis Bituricensis, Robertus monachus, de beatâ morte quam quinto post die obiturus erat, diuinitus premonetur.

XL. **I**N DOMO Fontis Mauriniaci, frater quidam habitabat, nomine Robertus, qui illuc à Claraualle fuerat missus. Hic itaque vidit in visione Dominum Iesum Christum, & Beatissimam eius Genitricem, cum Beato BERNARDO Abbate stantes in quodam horto deliciarum;

deliciarum ; cuius amœnitatis & gloriæ tanta erat immensitas, vt locutione explicari non valeat. Ipse verò eminens stabat, & respectum diuinę miserationis medullitus flagitabat. Tunc piissima Mater ait ad Filium suum; Domine Fili, quid facturus es de isto paupere tuo ? Et Dominus ad eam ; Quicquid tibi placuerit, Mater. At illa respondit ; Volo igitur vt mittas eum in requiem tuam. Dixit autem Dominus ad eam ; Fiat ei sicut vis. Respondit ei Beatissima Virgo ; Et quando fiet istud? Dicit ad eam Dominus. Quintâ die veniat, & saluetur. Transactâ itaque visione, frater ille, quę viderat & audierat, cæteris indicauit ? & ingrauescente ægritudine quam antea tolerabat, quintâ die, iuxta sermonem Domini, migravit à corpore, & intrauit in requiẽ quam optabat. Huic autem fratres testimonium perhibebant, quod homo religiosus & filius pacis erat ; & quia dignus estimabatur, qui in gaudium Domini esset introducendus.

C A P V T X L I.

Margareta Audomarenfis, eximia forme puella, vt nuptias vitaret, admirando sed non imitabili facinore, nasi pirulam, cum superiore labro fibimet abscidit.

XLI. **P**VELLA quædam venerabilis, nomine Margareta, prudens ac speciosa nimis, nata de Sancto Audomaro in Flandriâ, cum à parentibus cogeretur ad nuptias, pertinaci animo recusabat; testificans illis, sese nunquam alicui nisi Christo nubere posse.

Illi autē è contrà modis omnibus insistebant : & quia pręces ac suadelas eorum non recipiebat , vim inferre parabant. Iamque desponsationis dies aduenerat & pręsenti-bus procis, ipsoque iuvene qui iugum matrimonij cum eā ducere cupiebat, puella de consensu requiritur. Illā verò penitens recusante , comminationes & verba grauias sibi à parentibus intentantur. Interim verò dum illi super huiusmodi responsione turbantur, & vanis inter se consilijs occupantur, virgo zelantis affectu pudori suo prouidens, & pulchritudini proprię , velut hosti pudicitię inuidens, in conclaui se recepit : arreptoque chalybe limato & acuminato, quem sibi parauerat, pirulam nasi suicum superiori labro potenti dextrā radicibus abscidit. Introgressis verò parentibus ad eam , labrum & nasum quibus se mutilauerat obtulit, & quasi his verbis allocuta est, dicens; En florida forma , en quod magis in me placebat. Tollite nunc, si vultis, & nouo ferte marito. Illi ergo cum talia cernerent, subito exclamantes , efferatisque planctibus omnia perturbantes , nimio dolore conterebrati & penę exanimati sunt. Sponsus verò , qui putabatur , & qui cum eo aduenerant, męsti atque confusi ad propria remearunt.

Igitur pater & mater magnam sibi ignominiam arbitantes, deturpatę filię sustinere conspectum atque conuictum, remotam à contubernio suo , seorsum in alio domicilio quod pauperum hospitali dicauerant, manere iusserunt. At verò puella, contemptu suo gaudens, Christi passiones & opprobria sitiens , non tantum cohabitare mendicis æquanimiter tulit , verum etiam infirmorum atque languentium pedissequam humilem ac seruam sese

alacriter obtulit. Erat ergo sollicita semper moribundis assistere, præparare cibos, reparare lectos, laciones & vulnera confouere, vlcera tergere, sordes ablucere, nullumque misericordix ministerium præterire.

His ita triennio ferè peractis, ne quid illi deesset in omni patientiâ & plenitudine meritorum, dispensante Domino percussa est vlcere lepræ iuxta desiderium suum. Quod cum multi aduerterent, & nullus ei diceret, dum eam molestare metuerent, mater in partem filiam traxit, & lurida tabis apparitionem innotuit. Quod cum illa audiret, tantâ protinùs exultatione corripitur, vt penè defectum cordis incurretet; & quasi repente vidisset cœlestem sibi ianuam aperiri, erupit in vocē iubilationis, & exclamans cum lacrymis, ait; Gratias tibi ago (Domine Iesu Christe) quia memores mei. Et nunc, Domine, fecisti mihi signum in bono, in quo certissimum tuæ miserationis argumentum accipio. Egressa itaque à comuni consortio hominum, ingressaque conuentum leproforum, ita se coram omnibus humiliabat, vt sola ibidem leprosa putaretur; ita omnibus seruiebat, vt sola incolumis videretur. Mirabantur omnes in eâ singularem humilitatem atque patientiam: omnes in eâ venerabantur excellentissimam sanctitatem, multumque de eius contubernio exultabant, quia Christum in eâ habitare non dubitabant.

Transacto itaque anno separationis suæ, placuit Altissimo deuotam sibi famulam cœlesti conuentui sociare: qui etiam dignatus est ei per Spiritum sanctum resolutionis suæ tempus signare. Quâdam itaque die eadem eam visitandi gratiâ mater aduenisset; & reuertentem, longè

aliquantùm á suo domicilio ipsa deduceret, tandem valfecit, & ait; Vade in pace, mater, & ora pro me, quia iam ampliùs non videbis faciem meam viuentis in carne. Mater tamen hæc audiens, non satís fidem adhibuit; eò quòd cerneret eam solito alacriorem, & nullum proximæ mortis indicium præferentem. post modicum verò temporis, cùm repentino incommodo ad mortem grauaretur, percepto viatico dominici Sacramenti, in sanctâ confessione spiritum emisit. Mater verò (sicut ipsa prædixerat) quamvis non longè maneret, ad horam exitus eius occurrere non valuit. Nos verò ista dicentes, indiscretam fortassis puellæ vehementiam, quâ sibi manus iniecit, non ita approbamus, vt imitabilem cæteris proponamus; sed ardentissimum diuini amoris affectum, & tuendæ pudicitæ zelum, in adolescentulâ virgine satís superque miramur, & veneramur.

C A P V T XLII.

De sanctimoniali, quæ oculos miro decore radiantes ipsa sibi exculpfit, vt pudori suo consuleret. Guillelmi Anglorum Regis nequitia, & infelix exitus.

XLII. **Q**UID AM Anglorum Rex, nomine Vvilelmus, homo carnalis & libidinosus, multùm opprimebat Ecclesias quæ erant in terrâ ditionis suæ. Facta est autem reuelatio huiusmodi, cuidam monacho, eximie sanctitatis viro. Vidit ergo Dominum Iesum Christum in throno sedentem, & Sanctorum multitudinem de Rege conquerentem, eo quòd illorum Ecclesias

in exterminium traderet. Respondens verò Dominus ait: Vsq̃ue ad dies triginta dabitur ei spatium emendandi; & si interim non correxerit, tunc demum subeat pœnas debite ultionis. Finitâ autem reuelatione, festinauit ille vir sanctus hæc eadem Regi insinuare. Quæ audire contempsit, & sanguini sanguinem addere non cessauit.

Post paucos itaque dies intrauit idem Rex in monasterium Virginum, in quo puellam elegantissimam esse famâ præconante compererat; quæ cum totius corporis floridâ venustate polleret, maioris tamen pulchritudinis gratia in oculis apparebat, qui veluti duo carbunculi in eius facie radiabant. Visâ itaque puellâ, captus est tyrannus in oculis eius; & facilego amore lasciuiens, præcepit Abbatissæ vt eam sibi ad lectum suum faceret in nocte præsentari. Alioquin minabatur sese illam violenter accipere, & totum perinde monasterium dilapidare. Quo audito Mater spiritalis ingemuit, & coreius conturbatum est valdè; cernens vtroque discrimen grauissimum imminere, si vel furibundi tyranni sæuitiam in excidium suæ domus incurreret, vel sponsam Domini (quod nefarium est) lenocinanti adultero prostitueret. Cumque turbationis suæ causam prædictæ virgini pallens & pauidunda detegeret, illa diuino Spiritu inflammata respondit: Æquo animo esto, Domina Mater, & noliturbari; sed omne negotium istud committe securo Deo & mihi. Tantummodò cura Principi nunciare, me esse paratam, vt ad ipsius lectum factò vespere veniam. Quid multa? Introducitur virgo generosa in thalamum adornatum, & Regis interim ibidem sola præstolatur ingressum. Tunc animatâ virtute mirabili, effossorium quod sibi iam para-

uerat arripit, & proprios inde oculos eruens, in disco reponit. Aduenienti itaque Regi nouum atque inopinatum ferculum præsentauit, & dixit; Eia (Domine mi Rex) ecce micantes gemmæ, quas ad iniuriam Christi in eius ancillulâ tanto desiderio concupisti. Intuete diligenter, & vide, utrûmne aliquando poteris tantâ pulchritudine satiari. Videns itaque Rex puellam sacram, defossis orbibus ita deformem atque cruentatam, vehementer exhorruit, & statim ab eâ resiliens, cum grandi confusione recessit.

Legitur in Anglorum gestis de illo Rege profano, quòd paruo tempore ante ipsius mortem, multa in regno eius aduersa contigerint, multaque de eius interitu visa atque prædicta fuerint. Hoc maximè horrendum, quòd visibiliter diabolus apparuit hominibus in saltibus deujs, transeuntes allocutus. Præterea in pago Beruesciræ, in villâ Hanstedæ, continuis quindecim diebus fons sanguinem tam vbertim manauit, vt vicinum vadum inficeret. Audiebat hæc ille, & garriebat; nec sua somnia de se, nec aliorum visa cutans. Edinerus nobilis historicus dicit, Sanctum Anselmum, quem idem Rex exulauerat, Marcenniacum venisse, vt Beati Hugonis Chyniacensis conscientia, querelas curarum suarum ingereret. Ibi cum de rege Vvillmo sermo volutaretur, præfatum dixisse Abbatē, proximâ nocte Regem illum ante Deum ductum & iudicatum, librato iudicio, tristem damnationis subiisse sententiam. Id quomodò nōset, nec ipse tunc exposuit, nec aliquis audientium requisuit.

CAPVT XLIII.

In Fontanis, monasterio de Ordine Fontis Ebraldi, monialis, socia post mortem apparens, magnâ quiete se potiri testata est; nondum tamen Dei conspectu frui, donec illa certo quæ designauit die se illi adiunxisset, vt ambæ pariter in gloriam reciperentur.

XLIII. **I**N monasterio sacrarum Virginum de Ordine Fontis Ebraldi, quod Fontanæ dicitur, dux sacræ Virgines ferè á cunabulis collocatæ, Christo nutriebantur. Quarum vna migrans á corpore, post paucos dies viuenti apparuit, dicens; Notum tibi facio (dilecta mi soror) quia magnâ quiete iam potior; sed tamen ad videndam faciem Domini, non potero sine te introduci. Præpara ergo te, & veni quantociùs vt simul Domino præsentemur. Prædixit autem ei & tempus obitus sui, quo ipsa demùm vitam finiuit.

CAPVT XLIV.

De Mariâ, Carmensis monasterij puellâ, quæ primùm in agrotis omni ope iuuandis diligentissima; exinde paralytica, tum lumine prophetico, tum alijs sanctarum animarum præclaris dotibus ac privilegijs & in morbo, & in obitu illustris fuit.

XLIV. **I**N P A G O Sueffionensi constat esse cœnobium, quod dicitur Carmus, de dicto Ordine Fontis Ebraldi, plenum Virginibus sacris. Erat ibi puella sanctissima, nomine Maria, quæ nouennis ingressa mo-

nasterium, decemnouennalis ætate migravit ad Dominum. Hæc verò plurimis annis infirmantium obsequio deputata, tantâ deuotione ac sedulitate omnibus seruiebat, vt iugem illius instantiam atque feruorem cunctæ mirarentur. Ad vltimum verò dispensante Domino, ne quid ei deesset ad meritum, paralytim incurrens, diutissimè languit; ita vt omni membrorum officio destituta, non modò de grabatulo surgere nequiret, sed nec pedem, nec manum erigere, nec fauces ad manducandum mouere valeret. Proinde parabatur ei apparatus sorbitiunculæ de farinâ, & ex quibusdam coctionibus liquamina suppurata, ad glutendum, magis quàm ad comedendum. Porro secundum multitudinem dolorum, quos in corpore patiebatur, multas consolationes in corde suscipiebat, multaque illi diuinitus reuelabantur. Quâdam siquidem vice vocauit infirmariam suam, & ait illi. Vade, obsecro. & dic illi sorori nostræ dilectæ, vt oret attentius pro matre suâ, quia modò defuncta est, eiusque suffragiis opus habet. Quod cum illa, nunciante infirmariâ didicisset, commota sunt viscera eius super obitu matris, & conuersa ad orationem, cæteras quoque sorores, vt secum pro eâ intercederent inuitauit: missoque celeriter nuncio, tandem agnouit quia die & horâ quâ prædictum fuerat, mater eius de mundo migrauerit.

Factum est autem aliquando, vt nocte profundâ quiescentibus vniuersis, vna de sororibus, in diuersorio vbi infirma iacebat, colloquentium ad inuicem tumultum audiret: vnde mirata surrexit, & venit exploratura quid esset. Cumque silenter accederet, vidit eundem locum immenso lumine coruscantem; & amotâ paululum cortinâ quæ

quæ ibi dependebat, conspicata est eamdem languidam, in sellâ residentem, quod nunquam facere solebat. Lectus verò eius erat in omni diligentia de nouo reparatus. Quod illa comperiens illicò perterrita redijt; & vocans infirmarias, ad videndum quod viderat, adduxit. Quæ cum simul aduenissent, inuenerunt ægrotam lecto repositam, & diligentissimè coopertam. In crastinum autem cum precibus & præceptis multum coacta fuisset, confessâ est tandem, duas ex sororibus monasterij antea defunctas, quarum nomina indicabat, ad se visitandam cœlitus fuisse transmissas; quæ vniuersum stratum eius versando refecerunt, & verbis consolatorijs afflictam releuarunt.

Igitur ancilla Christi, cum tam diuturno languore fuisset exhausta, tandem morte consumpta, collecta est ad populum suum. Porro eadem die quâ de mundo transiuit, facta est huiusmodi reuelatio, spiritali & sanctæ cuidam de sororibus illis. Vidit enim Beatissimam Dei Genitricem in eamdem domum descendere; & duas de sanctimonialibus ipsius monasterij iam pridem defunctis, cum eâ aduenire. Quas cum ipsa recognosceret, percunctata est de illâ tam venerabili Dominâ, quænam esset, & cuius rei gratiâ aduentasset. Illæ autem respondentes, dixerunt; Ipsa est Domina nostra, Regina cœlorum, quæ modò dignata est venire ad festiuitatem magnam, hic intus hodie celebrandam, quâ maior in Ecclesiâ istâ non accidit à multis retrò diebus & annis.

HERBERTI
TVRRIVM SARDINIÆ
ARCHIEPISCOPI,
DE MIRACVLIS
LIBER TERTIVS.

CAPVT I.

*Pontio monacho (qui postmodum & Abbas, & Episcopus fuit)
apparens post obitum quidam Grandisfiluz monachus,
magne vir perfectionis, mira quedam nonnulla ei de statu
suo reuelat.*

IN domo Grandisfiluz, (quæ vna est de
filiabus Claræuallis, in partibus Toloſanis)
constat ab initio multos fuisse spirituales
& magni meriti viros; de quorum numero
venerabilis & sanctus Pater Pontius exstat,
qui prius existens Abbas eiusdem loci, & postmodum
Clareuallensis, modò est Episcopus Clarimontis. Ipso
autem referente cognouimus, omnia ferè quæ de eadem
domo subiungimus. Erat ergo ibidem monachus qui-
dam magister nouitiorum, vir sanctitatis eximie, magnū
habens desiderium dissolui, & esse cum Christo. Hic
ergo in Cœnâ Domini sanctâ communione perceptâ,

cùm adhuc eandem Eucharistiam in ore teneret , facta est magna exultatio Dei in gutture eius , & nimio perurgēte desiderio, petiuit animæ suæ vt moreretur:& admouens gutturi suo digitum, huiusmodi orationem fudit ad Dominum. *Christe Saluator omnipotens , si tibi non displicet ista petitio mea, precor, & supplico vt per meatum gutturis huius non transeat á modo terrenus aliquis cibus.* Factâ autem oratione viribus corporis cœpit repente destitui, & die tertiâ, Sabbato Paschæ in Domino obdormiuit. Porro prædictus Episcopus, tunc eiusdem monasterij monachus, qui eum vnice diligebat, & infirmanti ac morienti sedulum ministerium deuotus impendebat, percunctatus est eum, vtrum corporali molestiâ grauiter premeretur. Ille verò respondit, se placidum ac tranquillum existere, & nihil sentire molestum, nisi tantum in gutture vbi digitum apposuerat, ibi se aliquantisper dolere dicebat. Tunc rogauit eum attentius, vt post mortem ad se reuenteretur, si ei licitum esset: & de ijs quæ circâ se gererentur, eum certificaret. Post paucos itaque dies redijt ad virum prædictum ille defunctus, magnâ claritate refulgens, & quasi cristallus, aut vitrum purissimum, toto corpore translucens. Dixit ergo ad eum, Notum tibi facio, carissime, quia miserante Domino susceptus sum in magnâ beatitudine. Corpus verò istud in quo me conspicias, collatum est mihi vsque ad diem regenerationis, quâ proprium recuperabo, incomparabili gloriâ præstantius atque præclarius isto. In hoc autem interim suauissimè requiesco, quod per omnia mihi accõmodum, & ita translucidum est, vt de singulis artubus, ac de cunctis partibus eius, quasi de oculis,

clarissimè cernam; & totum vndique corpus ita mihi sit, ac si esset oculus vnus. Apparebat autem in eiusdem mortui pede, cuiusdam obscuritas maculæ, de quâ & dixit: Macula ista quam cernis, contracta est á me per negligentiam meam; eò videlicet quòd ad laborem quotidianum aliquando segniter incedere solebam. Hæc & alia multùm miranda, prædicto Episcopo vir beatus innotuit, tandemque ab eo recedens, magnificè ædificatum, consolatumque dimisit.

CAPVT II.

Quidam à mortuis rediuiuus, inter alia dixit, à Beatissimâ Dei Genitrice Virgine Mariâ, Grandissilue monasterium ter diebus singulis visitari.

II. **V** M B E R T V S Pictauiensis, monachus Grandissilue, vir venerandæ humilitatis & sanctimonie, solitus erat narrare, quia dum esset in quodam loco qui eidem monasterio subiacebat, vir quidam sæcularis, laicus, & honestæ conuersationis, cum mortis ægritudinem incurrisset, ob fidei deuotionē ad eundem locum deferri se fecerit. Qui languore ingrauescente defunctus, & non multò post vitæ restitutus, multa quæ viderat enarrauit. Hoc vnum verò quod præcipuum est inter alia dixit: quòd scilicet Beata Dei Genitrix prædictum monasterium tribus vicibus in die visitaret; hoc est, tempore vigiliarum, Missarum, & Completorii.

CAPVT III.

Monachus Grandissilua in vigilijs dormitans, de choro extrahitur.

III. **E**RAT in eodem cœnobio vir quidam spiritalis, & magnâ gratiâ præditus, qui dum staret aliquando ad psallendum cum alijs in choro, graui somnolentiâ premebatur. Astitit autem ei quædam reuerenda persona, cuius vultum non agnoscebat: & excitans dormitantem, apprehendit eum per vestimentum á parte pectorali, & de choro extraxit. Qui dum traheretur, aperiens oculos, & videns eum, dixit; Quises, Domine, & cur ita me trahis? Ille autem respondit; Et tu, cur ita dormis? Ad dormiendum, an ad vigilandum, ad vigiliis surrexisti? Et cùm hoc dixisset, dimisit eum, & statim evanuit. Ipse verò in timore Domini excutiens á seipso somnum torporis & negligentie, curauit deinceps ad vigilandum cautior & promptior esse.

CAPVT IV.

Ignauus quidam, & ad vigilias somnolentus monachus, exterritur à demonibus.

IV. **A**LIVS quoque fuit in ipso monasterio monachus, nomine B. qui dum inuenili ac vegeto corpore robustus appareret, tamen remissiùs cæteris agebat; exhibens se ad opus manuum pigrum, atque ad vigilias somnolentum: Vnde etiam contubernalibus suis erat onerosus, & vbique de inertia notabatur; præ-

sertim in ecclesiâ, vbi negligentior inueniebatur. Quâdam itaque nocte, cum eum dormientem ad vigilias Præcentor monasterij solito seuerius excitasset, ille commoto animo surrexit, atque in dormitorium perrexit. Cumque ad necessaria domum accederet; ecce ad ostium, dæmonum turbo, cum ingenti strepitu & terrore aduersus eum clamans, & crebris vocibus iterans; Apprehendite, apprehendite illum. Quo audito, totus inhorruit, & fugam festinanter arripens, rapido cursu in ecclesiam redijt. Cumque venisset ad stallum suum, tremebundus atque hanelus, illicò defectum cordis incurrit; & corruens in terram sine motu & sensu, diutiùs velut exanimis iacuit. Sublatus autem in infirmitorium, cum ab illo terrore aliquantulum respirasset, percunctantibus fratribus indicauit quid sibi accidisset. Tali ergo diuinæ castigationis stimulo frater ille salubriter excitatus, curauit deinceps circà custodiam sui vigilantior ac promptior inueniri. Porro nouitius quidam, cum tunc in oratorio esset, eundem dæmonum strepitum & clamorem se audisse testatus est. Hoc nobis retulit Rogerius vir venerabilis & religiosus, eiusdem monasterij Superior, qui præsens interfuerat, & iuxta eundem fratrem in choro manebat.

CAPVT V.

*In Grandifiluâ multi monachi, breui tempore, letifero morbo
sublati, optimam se habere in cœlis repositam
gratiam demonstrant.*

V. **F**ACTA est aliquando in eodem monasterio mortalitas magna, ita vt infra duos menses quadraginta circiter & quinque fratres de medio tollerentur. Qui omnes ferè cum tanto pietatis desiderio dormitionem accipiebant, quasi iam cœlitùs præuidissent optimam se habere repositam gratiam. Et multi quidem ex eis præuiderunt, & præuiam accipere meruerunt. Quibus verbis vt fidem faciamus, exempli gratiâ pauca de plurimis referemus.

CAPVT. VI.

*Moriens monachus in Grandifiluâ, preparatam sibi gloriam
prægustat, hominum omnium merita transcendente.*

VI. **E**RAT ergo tunc ibidem quidam monachus probatissimæ conuersationis, qui in illâ mortalitate defunctus est. Hic itaque cùm ad horam vltimam deuenisset, pulsata est tabula post Completorium; & conueniēte fratres ad eius exitum muniendum. Cantantibus autem monachis circa illum Litaniam & psalmos; & ipse confortatus á Domino, voce quâ poterat, cum alijs psallebat. Explicitâ vero psalmodiâ, prædictus Abbas Pontius Conuentum iussit abire, eò quòd infirmum

psallentem aspiceret, & putaret eum adhuc aliquamdiu spiritum trahere. Quod cum frater ille vidisset, protensâ manu signauit Abbati vt faceret eos ibidem adhuc subsistere paululum, quia sciebat sese ad punctum in modico migraturum. Cernens itaque Abbas feruentissimum virum, quia propter regularis disciplinæ censuram, post Completorium etiam in mortis articulo silentium frangere nollet, præ gaudio sese continere non potuit; sed rupto ipse silentio, & præmisso *Benedicite* ait; Obsecro, dulcissime frater, quia video Dominum esse tecum, vt indices nobis si tibi reuelatum est aliquid de illâ beatâ spe quâ expectas; vt & nos valeamus in Domino respirare, & tibi pariter congaudere. Tunc isdem infirmus ait; Vt ad ea quæ poscitis, respondeam breuiter, sciatis me vidisse quæ loqui non licet. Verumtamen hoc vnum dicere possum, quod si omnium hominum merita solus ego transcenderem, necdum vtique dignus existerem ad futuram gloriam, quæ præparata & præmonstrata est mihi iamiamque abituro. Et cum hoc dixisset, obdormiuit in Domino.

CAPVT VII.

*Duorum in Grandisiluâ defunctorum apparitio, pro
superstitum salute.*

VII. **A**LIVS quidam laicus frater eodem tempore ibidem ægrotabat, qui moriendi desiderio tractus, iam per triduum sine cibo permanerat. Quidam autem venerabilis & honestæ conuersationis monachus, uapig

ibidem similiter in extremis agonizabat, qui eiusdem (ni fallor) monasterij cellerarius erat. Hic itaque cum iam spiritum emisisset, prædictus Stephanus ait infirmario suo; Præpara mihi refectiorem (dilecte mi frater) quia comedere me oportet. Siquidem cellerarius noster modò huc adueniens, & de immoderatâ ieiunatione me arguens, præcepit ut comedam. Infirmarius verò respondit Quid est (frater) quod loqueris? Cellerarius modò defunctus est; & tu dicis quia venit ad te, & iussit ut ederes. Respondit infirmus; Crede mihi (frater) quia venit ad me; & iam non est mortuus, sed mortem euasit, & uiuit in melius. Modò enim cum à me recederet, vidi illum intransentem in magni luminis claritatem, cuius radios fulgurantes reuerberatis obtutibus intueri non præualebam. Paratâ itaque refectiorem frater ille comedit, & post modicum tempus in sanctâ confessione spiritum exhalauit.

Huic autem morienti prædictus infirmarius supplicans postulauit, ut receptus in gloriâ pro se oraret, & sibi celerem commeatum à Domino impetraret. Ille verò respondit, suum ei non defuturum auxilium, dummodò liceret. Euolutis autem paucis diebus, apparuit eidem infirmario per visionem, & dixit; En ego in pace receptus à Domino, iam nunc reuertor ad te, opem laturus ex debito promissionis meæ; non tamen illam quam incautè petisti, sed quam tibi potius expedire cognoui. Recordare ergo quia dum adhuc esses in saeculo, illud tale piaculum commisisti, de quo nec dum per confessionem absolui meruisti. Confitere igitur, & poenitentiam age celeriter, quia si ante obitum per confessionem deletum non fuerit, post mortem insolubile permanebit. Euigi-

lans itaque frater, reduxit ad mentem illud graue delictū quod ante duodecim annos perpetrarat; sed ab ipsius memoriā, letali obliuione funditus abolitum erat. Accelerauit igitur confitendo & satisfaciendo liberari; & gratias agens Deo, manifestè cognouit quia non frustra Sanctorum suffragia expetuntur, nec paruipendendum est Confessionis Sacramentum, sine quo etiam tales ignorantia taliter imputantur.

CAPVT VIII.

B. Infirmarius pauperum, vir religiosissimus, videt paulo ante mortem Christum ipsum Dominum, & locum sibi in cælo præparatum.

VIII. **F**RATER quidam religiosissimus, in eodem tunc cœnobio degebat, nomine B. Hic in primordio conuersionis suæ dum peccatorum fuorum magnitudinem, & districti ludicis æquitatem attentius intueretur, tantā formidine motus est ut in desperationem propemodum laberetur. Quo comperto, præfatus Abbas exemplis & monitis multis ei persuadere conabatur, quia confessus & pœnitens quilibet, & quantumlibet reus, nunquam indulgentiā priuaretur. Et cum necdum ei hoc modo satisfacere posset, adiecit, & ait; Ego salutis tuæ fideiussorem me constituo; & anima mea pro tuā requiratur, dummodò obediens perseueres in Ordine isto. Hac ergo promissione frater ille magnificè roboratus, spiritum diffidentia à quo impugnabatur, penitus expugnauit, & exultans Domino cum tremore, misericordiam &

iudicium cantare deinceps consuevit. Qui cū esset nobilis genere, nullam tamen generositatem arbitrabatur nisi pro Christo pauperem fieri, & seruire pauperibus. Erat enim infirmarius pauperum in hospitio deputatus. Quibus officiosissimè superintendens, non sicut extraneis & mendicantibus seruebat, sed tanquam dominis suis, & tanquam membris Filij Dei. Si quem in eis morbidum, si quem vlcerosum, & vermibus scaturientem aspiceret, huic omnem pietatis operam impendens, ablucendo, tergendo, atque refocillando, quasi mater ægrotanti filio iugiter assisibat.

Dum hæc & similia Dei famulus agere non cessaret, contigit eum in prædictâ mortalitate migrare ad Dominum. Qui cū videret socios suos quotidie subtrahi, & ipse desiderabat desiderio magno dissolui, & esse similiter cum Christo. Obortâ verò febriculâ quadam, cū tenuiter ægrotare cœpisset, lecto decubuit. Cumque prædictus Abbas introisset ad visitandum illum, mirabatur quòd homo tam seruentissimus, tam leui occasione lecto detineretur. Vnde & subridens aiebat; Ne timeas frater B. quia modò non morieris, sed adhuc comesturus es nobiscum de fabis & oleribus nostris. Ipse verò respondit; Non timeo (Pater), non timeo, sed confido in Domino, quia minimè iam fraudabor á desiderio meo. Quid multa? febre crescente inunctus est oleo sancto. Inunctione factâ factus est statim in spiritu, & raptus in contemplatione, per multum temporis spatium iacuit sine sensu, & sine motu; ita vt penè mortuo similis videretur. Interim ergo aperti sunt ei cœli, & reuelatâ facie meruit videre gloriam Dei, adeò vt dicere posset; Vidi

Dominum facie ad faciem. Qui cùm ad se reuersus esset, interrogauit eum Abbas quomodò se haberet. Benè mihi est, inquit; benè sit & tibi. Et nunc, carissime Pater, absoluo te à debito sponsionis tuæ. Abbas autem pristinæ illius obligationis oblitus, nesciebat quid loqueretur. Tunc frater expressius commonefecit eum, & ait: Ergone excidit tibi quemadmodum olim salutis meæ responsalem te constituisti? Ab illâ igitur fideiussione securum te facio, quia de meâ saluatione per misericordiam Christi securus existo. Tunc Abbas sollicitè cœpit ab eo indagare, quonam modo id potuisset agnoscere. Quod cùm modis omnibus dicere recusaret, tandem constrictus ab illo præceptis & precibus multis, ista tandem effatus est. Quia virtus obedientiæ veritatem silere me prohibet, rem dicturus sum vobis, cui fortasse fidem dubiam adhibebitis. Sed vt testimonium hoc credibile faciam, scitote quia cum fine dicti, etiam finem vitæ accipiam. Nouerit ergo dilectio vestra, me licet miserum & indignum, Domino & Saluatori nostro fuisse præsentatum, & vidisse illum facie ad faciem; non tamen in suâ diuinitate, sed tantum in illâ beatissimâ humilitatis formâ, quam dignatus est pro nobis assumere. Ex cuius etiam sacratissimo ore audiui, quia omnes qui obediētes in isto Ordine vsque ad mortem perseverabunt, salutem æternam ab ipso sunt consecuturi. Fratres etiam nostros, qui de hac vitâ migrauerunt, in magnâ beatitudine pausantes aspexi; & meum ipsius locum quem cum ipsis fortitrus sum, Domino miserante præuidi. Cùm ergo ista dixisset, obmutuit, statimque felicem animam reddidit.

CAPVT IX.

Gaufridus Sorensis Episcopus, cum adhuc monachus esset in Claraualle, vidit celestium ordinum sollemnem supplicationem, in valetudinarium tendentem: qui Tecelini venerandi senis ac Sacerdotis anima egressum munisse crediti sunt.

IX. **V**ENERABILIS & sanctæ memoriæ Gaufridus, quondam Sorensis Ecclesiæ (quæ est in Sardinia) Pontifex, & monachus Clareuallensis; antequàm ad episcopatum promoueretur, cum esset aliquando in choro eiusdem cœnobij, visionem huiusmodi (sic ab eo secretè accepimus) beatis oculis videre meruit. Erat ergo processio Sanctorum splendida atque gloriosa, quæ à parte septentrionali basilicæ, quasi de cimiterio veniens, & coràm presbyterio transiens, recto itinere ad infirmitorium tendebat. Porro in ipsâ processione Acolyti, Subdiacones, Diacones, atque Presbyteri apparebant, qui per singulos ordines septeni atque septeni dispositi, alij ante alios ordine congruo incedebant. Acolyti verò stolis albis amicti, singulos cereos manibus præferabant, qui tamen ignei magis quàm cerei esse parebant. Verùm Subdiacones tunicæ pretiosæ, Diacones dalmaticæ fulgidæ decorabant, ipsosque Presbyteros planetæ olivæ insigniter adornabant: qui etiam singuli congrua ministerij sui vasa manibus baiulabant. Veniebat quoque post eos copiosa turba candidatorum, ordinatè similiter, & cum reuerentiâ. Ad vltimum verò Gloriosa Dei Genitrix Virgo Maria subsequebatur, quam beati Apostoli

Petrus & Iohannes dextrâ læuâque comitabantur. Ipsa autem tantâ venustate, vultu & habitu fulgurans radiabat, vt ex eius claritate tota basilica coruscaret. Porro spiritus qui ista reuelabat, loquebatur interim in corde videntis, & dicebat: Hæc est Regina cœlorum, hæc est Domina Angelorum. Transeuntes ergo ita sollemniter, vt dixi, ante altare, tandem per ostium quod ad infirmitorium vergit, de oratorio exierunt, & ita ab oculis intuentis euauerunt. Verùm in eodem infirmitorio, senex quidam venerabilis, & honestæ vitæ Sacerdos, nomine Tecelinus, diù languerat, qui tunc ad extrema deductus post modicum obiit. Vnde vir Dei qui hæc viderat, pro certo credidit, quòd ad indicium transitus & beatificationis illius, processio talis apparuit.

CAPVT X.

Admiranda nonnulla à Gaufrido Sorensi Episcopo, vel de eo diuinitus visa. Repertum ab eo Corpus Domini incorruptum.

X. **A**LIA quoque vice isdem Dei famulus, dum in Ecclesia staret cum alijs ad psallendum, conspiciatus est manifestè dæmonem instar simiæ, per medium chorum transeuntem. Cumque venisset ad eum ridicula bestia; cum indignantis oculo respiciens illum, atque despiciens, patulis naribus aliquamdiu hominem subsannabat. Qui postquam ab eo pertransiit, tandem egressa de choro, vterius non comparuit.

Factum est autem aliquando, vt isdem Dei famulus

circà gutturis partes graui molestiâ laboraret : eratque iam morbus inueteratus , & penè à medicis desperatus ; vnde etiam angustiabatur animo vehementer , pro eo maximè quòd arterijs ab ægritudine coartatis , psallendi in ecclesiâ vires amisisset. Proinde conuersus ad Beatum Bernardum , die noctûque cum multis lacrymis precabatur , vt cantandi gratiam , eius interuentu recipere mereretur. Quâdam igitur vice Beatus BERNARDVS ei per visionem apparuit ; & loco dolenti , manu suâ tangendo ac benedicendo , signum sanctæ Crucis impressit. Cumque vir Dei euigilasset , sanatum se esse reperiens , mirè ad cantandum conualuit , & nullum deinceps impedimentum ab eâdem ægritudine pertulit.

Alio quoque tempore contigit , vt quidam de intimis eius grauius ægrotaret , ita vt mori putaretur ; vnde prædictus vir nimis dolens , lacrymosis precibus exorabat ardentem Dominum pro recuperandâ salute dilecti. Astitit ei quidam per visionem , & ait ; En , frater ille pro quo sic affligeris , sanitati restituetur ; sed tamen alter quidam , quem æquè spiritualiter diligis , ipsius loco est migraturus. Illo igitur conualescnte , defunctus est in ipso tempore senex quidam venerabilis & sanctus , Renaldus de Cluniaco dictus , quem & ipsum miro affectu diligebat in Christo.

Præterea cùm pro matre defunctâ nimium foret sollicitus , & diuturnos aquarum exitus pro eâ deducerent oculi eius , multa siquidem collata est ei gratiâ lacrymarum ; flagitabat instanter à Domino , vt sibi de illâ reuelaret , vtrum in pœnis an in requie posita esset. Facta est autem vox diuinitus ad eum ; Cur importunis precibus ex-

torquere conaris, quod tuæ cognitioni minimè debetur. Tantummodò ora pro tuis, & saluabuntur.

Huic autem aliquando posito in oratione, per visionem vir quidam venerabilis apparens, anulum aureum digito eius imposuit; præfagium scilicet futuræ in proximo dignitatis. Nam in eodem anno (sicut ipse nobis innouit) assumptus est ad episcopatum Ecclesiæ Sorensis; quam septem annorum curriculo strenuè regens, & suam ipsius vitam in omni puritate custodiens, dignum sanctitatis exemplum posteris dereliquit.

Apropinquante autem vocationis suæ termino, quem solus Deus nouerat, egressus de Sardiniâ venit ad visitandum Claramuallem, cuius filius erat, & in quâ sepeliri magno desiderio desiderabat. Quam cum à longè intuitus esset, eleuatis oculis suspirauit in cælum; toto cordis affectu deprecans Dominum, ut si infra terminum esset moriturus, (tali siquidem spatio temporis, semper eandem domum vel vnâ vice visitauiet) nunquam ampliùs ab eâ separari permetteretur, ne fortè alibi consummari contingeret; & desideratâ sibi sepulturâ priuaretur. Ingressus itaque prædictum monasterium cum aliquamdiu sanus ibidem persistisset, tandem corripiente se acutâ valetudine, per dies aliquot ægrotauit; & ingruesscente morbo, ad extrema deuenit. Cumque fuisset inunctus oleo sancto, & inunctus cœlesti viatico, eadem horâ, immò eodem ferè momento, mirantibus vniuersis obdormiuit in Domino. Transiit autem circâ medium noctis, in festo Dedicationis ecclesiæ Clareuallensis. Porro venerabilis eiusdem monasterij Abbas, qui conscientie ipsius puritatem optimè nouerat, cum iam exanimatus

mati corporis oculos clauderet, cum magnâ pietate fidei exclamans ait: O dulcis ac venerande Pater, Deus omnipotens faciat me ad tuum consortium peruenire. Dum verò commendationis officium funeri impenderet, tanto pietatis affectu mouebatur, vt erumpentes lacrymas continere non posset; ita vt etiâ duos corde in fletum commoueret. Defunctus est isdem piissimus Pater anno gratiæ millesimo centesimo septuagesimo octauo, iuxtaque venerabilem Godefridum quondam Lingonensem Episcopum, in ecclesiâ Clareuallensi tumulatus.

Hic autem cùm ægrotare cœpisset, reuelatum est de eo cuidam ex fratribus ipsius monasterij, quia in proximo migraturus esset. Deinde post paucos dies, cùm isdem frater fratrum vigilijs interesset, vidit in mentis excessu stratum quemdam, fulcris mollibus diligenter aptatum, & niueis operimentis decenter ornatum, qui eidem Episcopo seruabatur. Nimirum signans requiem æternæ felicitatis, ad quam post modicum erat assumendus. Eâdem verò nocte quâ defunctus est, posito in ecclesiâ corpore, cùm signum ad vigilias pulsaretur, prædictus frater euigilans, cœpit illicò præfatum Episcopum ad mentem reducere. Statimque facta est vox in auribus eius, loquens ad ipsum de viro Dei defuncto, & dicens: Ecce nunc, à principio signi huius, recipiunt eum Sancti Dei omnes in consortium suum. Surgens itaque venit in chorum, & stabat cum alijs ad psallendum. Cumque celebrarentur matutinæ laudes, respexit, & vidit in parietibus templi, circâ defuncti corpus, quasi vnius horæ spatio, luminaria copiosa diuinitus accensa; ita vt præ multitudine numerari non possent. Quod dum frater ille conspiceret,

compunctus est valdè: & gratias agens Deo pro omnibus
 quæ viderat & audierat, ait intrâ se; Domine Deus virtu-
 tum, beatus homo qui sperat in te. Verè beatus iste Sanctus
 quem elegisti, & assumpsisti. Habitabit in atrijs tuis.
 Credo enim, atque confido, quia dignus est iam inter
 Sanctos & electos tuos adipisci per gratiam tuam, quie-
 tis beatitudinem, luminis claritatem. Expletis autem
 postea duobus mensibus, cùm isdem frater esset in choro,
 ad vigilias vigilans & psallens, subitò iterum venit in
 mentis excessum; & ecce apparuit ei prædictus Episcopus,
 induens se sacerdotalibus, & quasi præparans se ad Mis-
 sam celebrandam; ita vt isdem frater adiuuans eum,
 reuerfaret casulam super manus illius. Porro in eadem
 horâ cantabatur hic versus in ecclesiâ; *Et introibo ad al-
 tare Dei, ad Deum qui letificat inuentum meum.* Referebat
 isdem Sanctus quod cùm quamdam ecclesiam veterem
 ac ruinofam reparari præcepisset, & altare in ipsius præ-
 sentiâ dirueretur, reperit in ipso capsulam scabrosam ac
 veterem, Sanctorum reliquias continentem. Porro inter
 easdem reliquias, Corpus Domini repositum erat: quod
 ita sanum & integrum, ita mundum & candidum, & ab
 omni corruptione penitùs alienum inuentum est, ac si
 recentissimè ibi reconditum esset. Sanè in terrâ illâ nemo
 repertus est, qui eiusdem ecclesiæ vel altaris constructio-
 nem, aut consecrationem se vidisse recoleret. Viso tanto
 miraculo, vniuersi qui aderant glorificauerunt Deum;
 cognoscentes ipsum esse sacratissimum Corpus Domini,
 de quo veraciter scriptum est; *Non dabis sanctum tuum
 videre corruptionem.*

Psal. 42. 4.

Psal. 15. 10.

CAPVT. XL

*De Hungero, eiusque patre, & fratre Rodulpho, ad Ordinem
Præmonstratensem mirabiliter conuersis.*

XL IN TERRITORIO Meldis, vico qui dicitur
Aceium, erat quidam clericus, nomine Hungerus;
qui dum adhuc paruulus esset, fouebatur in gremio suo
mater sua. Quæ cum videret infantem nitidulum, &
floridâ facie vernantem, congratulans ait coniugi suo;
Vide, Domine meus, quàm elegantem infantem largitus
est nobis in indulgentiâ suâ Deus. Ille autem, vt erat
homo fidelis, & Deo deuotus, respondit; Verè pulcher
est infans, & pulcher clericus erit, si Deo Iesu Christo
placuerit. Quo illa audito, infremuit aduersus huiusmodi
vocem, & locuta est quasi vna de stultis mulieribus, di-
cens; Vx; quid dixisti, homo insane? Ergone filium
meum vnicum mihi auferes, & facies clericum? Absit,
absit, vt baculus senectutis nostræ, spes posteritatis
nostræ, clericatus officio destinetur. Vix illa sermonem
impleuerat; & ecce, repente percussus est puer epileptico
morbo, corruens & spumans inter brachia matris; &
tam durâ passione torquebatur, vt os eius ad aurem penè
verteretur. Quo viso mulier, nimio terrore concussa
expalluit, & clamans cum gemitu ait; Heu, heu (Domine
Deus) quàm malè locuta sum, & quàm peruersè egi! Ego,
ego sum illa flebilis, & misera, quæ tuam indignationem
promerui: nam iste paruulus innocens, quid peccauit?
Veritatur obsecro manus tua super caput ingratae & per-

fidæ parentis; tantummodò vt uiuat filius meus, & tuo
perenniter obsequio mancipetur. Mox igitur arrepto
itinere tulit puerum semiuiuum, & duxit ad monasterium
Virginum, quod dicitur Fontanis, ad duas leugas inde
remotum. Cumque spirantem adhuc infantulum, super
altare Beatæ Virginis Mariæ posuisset, cum clamore va-
lido & lacrymis orauit, dicens; Pijssima Dei Genitrix,
tibi commendo, & tibi reddo vnicum meum, vt tibi
uiuat, & tibi seruiat quamdiù vixerit, in ministerio cleri-
cali. Finitâ autem oratione, Beatissimæ Virginis inter-
uentione sanatus est puer, atque ab illâ epilepsiâ perfe-
ctè conualuit, quam sicut antea non habuerat, ita postea
nunquam habuit. Processu verò temporis, cum iam
litteris esset imbutus, & sacris Ordinibus applicatus,
monasterio, Beatæ Mariæ de Valle serenâ, haud procul
ab vrbe Sueffionensi, in Ordine Præmonstratensi, Deo
donante sereddidit: ibique per annos plurimos religio-
sissimè degens, vsque ad obitum perseuerauit. Pater verò
qui per pium inchoauerat votum, ad locum eundem
subsequutus est filium: vbi & ipse obedienter ac piè con-
uerfatus, tandem in bonâ confessione migravit ad Do-
minum. Præterea verò, eiusdem clerici germanus qui-
dam, nomine Radulphus, infirmatus est aliquando penè
vsque ad mortem. Et factus in agone, videbat se per
vallem quamdam tenebrosam atque profundam, cum
magno horrore descendere, & quasi in inferiora terræ
introire. Interim autem obuium habuit supradicti mona-
sterij Conuentum, cum suo germano. Cui etiam fratres
alij dicebant; Frater Hungeri, quare non liberas fratrem
tuum? Numquid non vides quomodò perit, descendens

ad infernum? Post hæc autem, cùm fuisset ad se reuersus homo, compunctus est nimis in verbo isto: & qui nihil omnino de conuersione antea cogitabat, accersito propinquo fratre, præscripto cœnobio per manum eius se reddidit: vbi etiam nunc superstes, vitam religiosissimam ac honestissimam ducit.

CAPVT XII.

*Aquis prefocatus infans, Beati Petri Apostoli altari impositus
reniuit: fit postmodum clericus, tandemque
monachus Cisterciensis.*

XII. **E**ODEM tempore, & vico, alius quidam clericus, supradicti etiam similiter carne propinquus; cùm similiter infantulus esset, & tutorum incuriâ soliuagus oberraret, casu in amnem modicum de ponte lapsus est. Erat autem fluuiolus angustus, & lutulentus. Cumque propellentibus vndis puer longius duceretur, caput eius in fundo æquæ, limo demersum erat, pedes verò quasi natantes super laticem ferebantur. Latuit ergo in aquâ diutius, antequàm sciri posset: ita vt interim iter dimidiæ leuæ confici valeret. Mater verò illius, cùm esset in penetralibus, quidpiam operis actitans, quasi iam præfago animo imminenti luctus conscia foret, cœpit intrâ semetipsam tædere, & mœsta esse. Moxque recordata pignoris sui, egressa est de conclau. Quod cùm in domo non reperisset, exclamauit, & dixit. Deus, & Sancta Maria, vbinam est filius meus? Veniens autem cum festinatione ad pontem, vbi corruerat infans, prospiciendo

circumquaque pertransiit, & eum videre non potuit. Inde quoque progrediens, discurrere cœpit per vicos & plateas, quæritans & percunctans de filio suo. Tandem verò reuerſa ad pontem, cùm super ripam fluuioli graderetur, vidit infantuli plantas super aquam fluitantes : caput autem infixum limo, tenaciter inhærebat. Quod illa deprehendens confestim rapido cursu proſiluit in amnem, extraxitque paruulum exſtinctum, & ad inſtar vtris tumefactum, atque diſtentum. Quem cùm pedibus erectis, capite deorſum premeret, aquoſitas magna quæ in ventrem illius influxerat, copioſâ manatione reſſuxit. Facto itaque concurſu populi, multi tulerunt puerum de manibus matris. Quem cùm in domum vellent deponere & ſepelire, illa omnino reſtiit, dicens ; Non inferretur in domum filius meus, donec in eccleſiâ Domino præſentetur. Conſido namque de ipſius ineffabili pietate, quia viuum & ſanum receptura ſum hodie filium meum. Abeuntes igitur illi, cùm paululùm proceſſiſſent, cœperunt reuerſi, dicentes ; Vt quid fruſtrâ fatigamur, cùm infantem mortuum videamus ; Numquid ille à mortuis eſt reuocandus. Mater autem nihilominus obſiſtebat, dicens, eum ad templum dominicum modis omnibus deferendum. Et cùm eos ita reuertentes, vſque ad quartam vicem omnimodò coeſiſſet, tandem ad eccleſiam peruenerunt, & ſuper altare Beatiffimi Petri Apoſtoli infantulum poſuerunt. Vbi cùm aliquamdiù iaciuiſſet, factâ oratione pro eo ad Dominum, ſubitò oſcitauit, & apertis oculis matrem ſuam vocauit. Mox ergo depoſitus de altari, appoſitam ſibi mammillam ſuxit, & per eandem baſilicam huc illucque deambulans, mirantibus vniuerſis rediuius & ſanus apparuit.

Viso itaque tali miraculo omnes lætabantur, glorificantes Deum, & Beatum eius Apostolum Petrum, cuius interuentu mortuum ad vitam rediisse crediderunt. Parentes igitur, ne tantæ gratiæ ingrati remanerent, eundem puerum Domino obtulerunt, & clericatus officio destinarunt. Præterea verò ipse infantuli genitor, Romanum iter cum magnâ deuotione arripuit, & Beato Apostolorum Principi coram corpore suo gratias referre curauit. Processu verò temporis, puer litteris est imbutus, & sacris Ordinibus applicatus. Hic etiam postmodum religionis habitum votiue suscipiens, & voto votum adijciens, vsque hodie viuit, cum timore Domino seruiens in Ordine Cisterciensi.

CAPVT XIII.

*Clericus desertor & apostata, letali morbo ad extrema deductus,
cùm tonsuram clericalem sibi restitui precaretur,
nullâ industriâ attonderi potuit.*

XIII. **I**N MAIORI Britannîâ, episcopatu Lincolniensi, haud longe à monasterio quod Parcum nominatur, quidam clericus exstittit, qui cùm iam Diaconus esset, abiectis Ordinibus sacris, etiam tonsuram deposuit. Postmodum autem, cùm mortali ægitudine pressus ad extrema venisset, confessus est tandem fuisse se clericum, ac diaconatus officio functum; & ductus pœnitentiâ, postulabat sibi restitui coronæ signaculum. Cùm ergo rasoria, forfices, cæteraque huiusmodi instrumenta, ad eum tonsurandum fuissent adhibita; nullâ arte, nullâ vir-

tute potuerunt eius crines incidi, nec coronæ circulus reparari. Mortuus est ergo præuaricator clericus absque signo clericali: & factus est in signum, & in exemplum terribile clericis desertoribus, atque apostatis.

CAPVT XIV.

*Monachus Clareuallensis infirmus, in obseruatione ciborum
& procuratione medicaminum superstitiosus: clementissime
Dei Matris providentiâ mirabili, & vires recipit, & mi-
niam sui curam deponit.*

XIV. **F**ERVNT, in cœnobio Clareuallensi nuper monachum exstitisse, qui quamvis homo bonæ voluntatis existeret, corpore tamen delicatus atque infirmus, in obseruatione ciborum, & procuratione medicaminum curiosus erat atque superstitiosus. Huic ergo per visionem apparuit Beata Dei Mater & Virgo Maria, ad portam oratorij posito, quæ pretiosum electuarium pixide portans, intrantibus in ecclesiam fratribus singulis, singula ex eo cochlearia dabat, & mirâ dulcedine gustantes reficiebat. Cumque prædictus frater accederet, ut & ipse de manu pijsimæ procuratricis, portionem alimoniarum cœlestis acciperet, illa repulit eum, dicens; Tu medicus sapiens, & curam tui sollicitè gerens, non nostro medicamine indiges. Vade itaque, vade, & cura teipsum sicut volueris, quoniam de his qui curam suam super Dominum iactant, cura est nobis. Quod cum ille audisset, erubuit, & petens indulgentiam, promisit ei quod amplius de seipso sese non intromitteret: sed totam vitam suam

suæ curam Deo & sibi committeret. Tunc illa misericorditer annuens, & pœnitenti veniam præbuit, & medicanti, salutiferæ pitantię pabulum impertiuuit. Gustatâ igitur benedictione dulcedinis, protinûs à suâ teneritudine & infirmitate frater ille conualuit; & contentus deinceps communibus alimentis atque subsidij, decorem & fortitudinem cum salute corporis pariter induit.

CAPVT XV.

De Alquerio Clareuallensi monacho, sui quidem contemporanei sed amore Christi in procurandis ægrotis, præsertim pauperibus, diligentissimo: qui de Christi vulneribus benedictione, & salutem promeruit.

XV. **F**VIT in eadem Ecclesiâ monachus quidam venerabilis, Alquerius nomine, vir religiosus atque spiritualis: sobrius in victu, humilis in vestitu, & durus admodum castigator corporis sui. Ita namque circumciscus ac temperans erat in his quę ad vsum corporeum pertinere videbantur, vt omni voluptate ac vanitate depulsâ, etiam necessarijs parcissimè vteretur. Hic mendendi peritiâ valenter expertus, cunctis indigentibus, artis suę operam pro viribus impendebat, se autem solummodò ab huiusmodi curâ excipiebat. Licet enim valitudinarius esset, ac debilis corpore; nunquam tamen acquiescebat, carnalem medicinam sibi met exhibere: & quamvis operam eius viri magnates, vel etiam capita Optimatum incessanter expeterent, & sæpiùs renitentem huc illucque distraherent, tamen super egenos & pauperes

magis intelligēs, omnimodam eorum seruitio sollicitudinem adhibebat. Nec modò ipforum ægritudines, liuorēque curabat, verum etiam necessitates (proutcumque potuisset) in indumentis, & alimentis studiosissimè procurabat. Porro languentium putridas carnes, & sanie defluentia membra, ita dignanter, ita diligenter proprijs manibus contrectabat, vt Christi vulnera fouere putaretur. Et verè sic erat; totum enim pro Christo faciebat, & totum sibi Christus imputabat, qui ait: *Infirmus fui, & visitastis me.* Vnde etiam ipse famulum suum secretis consolationibus sæpius visitabat, & in opus ministerij huius mirabiliter incitabat.

Math. 25. 36.

Quādam igitur vice vidit huiusmodi visionem in Claraualle. In primis itaque audiuit quasi quemdam nuncium cœlestem, præconariā voce clamantem; Ecce Christus venit, surgite, & occurrite Saluatori. Cumque omnes certatim ad videndum properarent, tunc & ipse cucurrit, & stetit in ostio claustrī, per quod eum venire sciebat. Igitur ingrediente Domino, accessit, & adorauit eum, flagitans vt acciperet benedictionem & misericordiam à Deo Salutari suo. Quā perceptā, cœpit eum attentius intueri, & miro pietatis affectu compatiebatur ei. Siquidem apparebat ei veluti dolens atque infirmus, confixus clauis, lanceā perforatus, ac si eādē horā de Cruce depositus esset; ita vt ex plagis copia sanguinis emanaret. Porro ipse Dominus linteolos mundos quasi corporalia tenens, eisdem vulneribus imprimebat, & cruore deterfo in terram eos proijciebat. Quos frater ille cum summā veneratione recolligens, ac nimīā deuotione deosculans, quasi redemptionem animæ suæ in sinu suo

repositos conseruabat. His & huiusmodi reuelationibus frequenter à Domino recreatus, non cessauit vsque in finem operari bonum ad omnes, maximè autem ad peregrinos & miseros ægrotantes.

Tandem verò cursu vitæ peractò, ad diem vltimum venit. Cumque venerabilis Pontius Abbas ad eum gratiâ visitationis accederet, quæsiuit ab eo quid ageret & quonam modo se haberet. Ille verò respondit; Benè, carissime Pater, benè omninò agitur mecum, quia vadens vado ad Dominum meum. Quid ergo? (inquit) corporalem molestiam ægrè non toleras, & mortis angustiam non formidas? Ego, inquit, omnia tranquilla, omnia læta considero, quia præuentus sum à Domino in benedictione dulcedinis, quæ omnem mihi mœrorem à corde, & omnem penè dolorem à corpore tulit. Respondens itaque Abbas, dixit ei; Age iam, dilecte mi frater, dic mihi obsecro propter Deum, si tibi diuinitus est aliquid reuelatum. Tunc ait illi. Modò antequàm huc introisseries, apparuit mihi misero licèt atque indigno, Dominus Iesus Christus, qui propitio ac sereno vultu, & signa beatissimæ passionis eius ostendens, ait? Ecce, peccata tua deleta sunt à facie meâ: veni ergo securus; veni & vide, ac deosculare vulnera mea, quæ tantùm dilexisti, & toriens confouisti. Tali ergo promissione firmatus, iam mori non timeo, quia reposita est hæc spes mea in sinu meo. Et scitote, quia proximâ nocte, (erat autem vigilia Beati Martini) migraturus sum, dum opus Dei celebrabitur in ecclesiâ, & tali horâ. Defunctus est igitur eâdem nocte, & tempore quo prædixit: iamque (vt verè confidimus) requiescit à laboribus vniuersis;

inuento nimirum Domino, quem suis manibus ex-
quisiuit.

CAPVT XVI.

*Cuidam fratri de peccatis suis turbato & contrito, ostendit
Christus, lacrymas & luctus pœnitentium
quanti estimaret.*

XVI. **F**RATER quidam de monasterio Clareual-
lenfi, dum pro peccatis suis, quibus Deum
nimis offenderat, gembundus & anxius incessanter
seipsum affigeret: totâ die ingrediebatur tristis & mœ-
rens, finem lamentis & fleibus interdicens. Quicûm in
tantâ cordis amaritudine diutiùs versaretur, nocte quâ-
dam vidit in visione Dominum Iesum Christum, sacer-
dotalibus ornamentis indutum, & Missam celebrantem.
Quotiens verò iuxta sacrificij ritum sese ad populû con-
uertebat, tollens in manibus suis calicem de altari, cunctis
qui aderant videndum offerebat. Porro in ipso calice
nihil aliud erat nisi lacrymæ, quibus Beata Magdalena
pedes eius in domo Simonis rigauerat. Cumque prædi-
ctus frater, secûs pedes Domini positus ista cognosceret,
percunctatus est eum, dicens: Obsecro (Domine) vt-
quid ostendis nobis calicem istum, cum lacrymis quæ
in eo sunt? Vt videant, inquit, & sciant vniuersi, quantum
mihi placet contritio cordis, & pœnitentiæ luctus; qui ad
exemplum pœnitentium tamdiù seruauit lacrymas huius
peccatricis, ad pedes meos flentis, & pœnitentis.

CAPVT XVII.

*Eidem fratri Christus Dominus spem venie, & misericordie
sue, alio mirabili viso ingessit.*

XVII. **S**VB eâdem verò tempestate, dum adhuc malorum suorum pœnitudine isdem frater seipsum quotidie maceraret, vidit in visu noctis, sese in lacu profundissimo fluctuantem, ac periclitantem. Cùmque iam euadendi spes nulla superesset, en subito affuit Saluator, ambulans nudis pedibus super aquas. Qui cùm ad eum peruenisset, leuauit in brachio, atque in sinu suo miserum, misericorditer, atque dignanter; sublatumque de aquis, posuit in prato virenti, & amœno. Quod cùm ille vidisset, illicò procidens ad pedes eius, præ immensitate lætitiæ, animo gestire cœpit; insatiabili desiderio sibi astringens, atque deosculans pia vestigia Saluatoris.

CAPVT XVIII.

Eiusdem argumenti visio, eidem fratri ostensa.

XVIII. **Q**VADAM verò die, cùm æstuantî animo nosse cuperet, utrùm à Domino indulgentiam consequi mereretur, cœpit ardēter insistere, gemitibus inenarrabilibus atque suspirijs diuinam pietatem obsecrans, & exoptans vt hoc ei aliquo modo innueretur. Sequenti itaque nocte, dum ita affectus fratrum vigilijs interesset, subito venit in mentis excessum. Et ecce, astitit

ei nescio quis nouaculam acutam, & quasi insensibilem per caput ipsius leniter ac suauiter ducens; qui etiam in momento, in ictu oculi, veluti rasit ei barbam, collum, & coronam. Verumtamen paucos pilos in vno tempore deferens, somnolentiæ vitium, quo frater ille quamuis inuitus, adhuc tamen grauiter premebatur, forsitan denotauit. His & huiusmodi consolationibus isdem frater releuatus, aspirante Domino didicit, in spem venire respirare.

CAPVT XIX.

In villâ territorij Tullensis, Domnomartino, Eucharistia cum sacra pixide, & corporali flammæ euasit, circumiectis omnibus rebus incendio absumptis.

XIX. IN TERRITORIO Tullensi, villâ quæ Dñus Martinus dicitur, quâdam vigiliâ Paschæ, cùm fortè deesset in ecclesiâ oleum ad lampades concinandas, posuerunt ante altare candelam accensam, vt ibi arderet totâ nocte. Quæ cùm fuisset in pauimento super absidam vnâ minùs cautè locata, casu inde lapsa, & vsque ad altaris crepidinem deuoluta est. Allambens itaque flamma, inuasit illicò pallam, atque combussit: & sæuiente incendio concremata sunt pariter vniuersa altaris operimenta, quibus tunc sollempniter & copiosè ornatum erat. Manè verò intrantes ecclesiam Presbyter atque ministri, vidère quæ circâ altare ignis effecerat, cunctaque reducta penitus in cinerem ac fauillas. Verumtamen Corpus Domini, cum pixide lignæ,

in quâ super altare, & super ipsa linteamina positum erat, ignis vndique sæuiens omnino non tetigit; adeò vt pannus etiam sericus, quo ipsum vasculum operiebatur, omnino appareret illæsus. Cumque Sacerdos, adhibita scopâ, cineres de altari colligeret, vt eas in loco mundo reconderet, reperit in eisdem (mirum dictu!) sacratissimum corporale, quòd inter altaris linteamina positum & obuolutum, putabat omnimodò cum eis esse consumptum. Quod cum protinùs displicasset; ita sanum & candidum prorsus apparuit, ac si diligenter in cistâ locatum fuisset. Quod cum vidisset omnis populus, lætati sunt valdè, mirantes & magnificantes omnipotentiam Redemptoris. Hoc nobis retulit quidam religiosus monachus Clareuallensis, qui eiusdem Presbyteri nepos, dum adhuc esset in sæculo, candelam illam ante ipsum altare accendit, & cuncta quæ acciderant ipse vidit.

CAPVT XX.

Eucharistiæ Sacramentum in arcâ reconditum, & in carnem conuertitur, & diuini luminis indicio proditur.

XX. **R**EFERENTE Christianissimo Rege Francorū Ludouico cognouimus, in pago Atrebatensi ante biennium tale quoddam de Corpore Domini accidisse miraculum. Diè sancto Paschæ mulier quædam ad ecclesiam eunti filio suo præcepit, vt postquàm communicasset, duobus paruulis suis domi remanentibus Corpus Domini secum asferre satageret. Qui iussu parentis exequi cupiens, duas oblationes sacras ignorante

Presbytero de sacrario tulit, atque attulit ei. Illa verò suscipiens eas, alteram communicaturis infantibus distipertuiuit, alteram institâ colligatam, diligenter in arcâ recondidit. Post paucos itaque dies vnus ex puerulis eius vidit immensa luminaria circâ eamdem arcam diuiniùs accensa, quæ totam domum ingenti claritate perlustrabant. Quod videns infantulus, matrem suam festinanter accersijt; verbo, digitóque demonstrans luminaria copiosa, quæ in eius oculis radiabant. Cumque mater intentè respiceret, & nihil penitùs videre præualeret, arcam illam positrâ clauis referare tentauit; sed nullâ virtute, nullâ funditùs arte præualuit. Vnde mirata, & obstupescata vehementer, properauit adducere Presbyterum ipsum ad tale miraculum intuendum. Qui cùm festinus adesset, & claritatem illam quam puer aspiciebat, videre non posset, illicò clauem illam de manu mulieris accepit, & sine vllâ difficultate arcam celeriter referauit. Quam cùm aperuisset, institam illam in quâ ligata erat Eucharistia, infectam sanguine reperit: & eamdem Hostiam sacrosanctam, manente figurâ panis, in specie carnis permutatam. Quo viso, Presbyter, & qui eum coerant, mirati sunt valdè; & adorantes deificum Corpus, cum honore & reuerentiâ ad ecclesiâ detulerunt, atque in sanctuario dignè collocauerunt.

CAPVT XXI.

*In pago Carnotensi, Hostie sacrosanctæ pars maior in carnem
mutatur.*

XXI. **E**ODEM quo suprà, referente cognouimus, quòd hoc anno in pago Carnotensi huiusmodi signum super eodem Sacramento contigerit. Sacerdos quidam dum Sacramenta offerret, inuenit ante fractionem Corpus Dominicũ, in speciem defactatæ ac pulcherrimæ carnis ex maiori parte mutatum; ita tamen vt euidenter eiusdem Hostiæ circulus & litteræ semper in eâ apparent. Verumtamen illa pars Hostiæ, quam inter digitos suos Presbyter tenuerat, solummodò panis speciem retinebat. Videntes itaque, Sacerdos & plebs vniuersa quæ aderat, rem tam mirabilem, obstupuerunt; & exultantes Domino cum tremore, ipsam Eucharistiam in sacrario collocauerunt; vbi etiam nunc in vase cristallino reposta, honorificè custoditur. Nuper verò cùm quidam Capellani & clerici supradicti Francorum Regis, viri fideles & honesti, huius rei veritatem nobis pro certo astruerent; affuit etiam vnus inter eos, qui teste Deo asseuerabat, se ipsam Eucharistiam eodem modo quo prædiximus, immutatam, proprijs oculis aspexisse.

CAPVT. XXII.

*Feriâ sextâ sacrificante Presbytero, Hostia eucharistica in
carnem, calix in sanguinem vertitur.*

XXII. **S**IMILE quoque miraculum de eodem Sacramento audiuius; sed quando vel vbi acciderit, incertum habemus. Quidam honestæ conuersationis

Presbyter, dum in quâdam sextâ feriâ sacrificaret, repertante perceptionem, Hostiam sacratam in similitudinem carnis esse conuersam, ipsumque Calicis Sacramentum in speciem sanguinis commutatum. Quod cum ille vidisset, nihil omninò exhorruit, sed totum fidei ore percepit. Cumque peractâ Missâ hoc ipsum quod acciderat, Episcopo suo reuelasset, increpauit eum Episcopus quòd tantum Dei munus sibi ad videndum minimè reseruasset. Sequenti verò feriâ sextâ cum itidem Missam celebraret, idem ei miraculum accidit, ipsumque Episcopo cernendum seruauit. Quod cum ille vidisset, cunctisque videndum exhibuisset immensas omnipotenti Deo gratias retulit, ipsumque Sacramentum veluti thesaurum incomparabilem, præcepit in ecclesiâ cum dignâ veneratione custodiri.

CAPVT XXIII.

Celebrante Missam sacrilego Sacerdote: peractâ consecratione, paulò ante quàm communicare vellet, Panis sacer è patenâ, & Sanguis è calice momento euauerunt.

XXIII. **V**IR honestus ac religiosissimus, Petrus Abbas Sancti Remigij Remensis, retulit in Capitulo Clareuallensi rem certissimè cognitam, quam in eodem anno euenisse asseuerabat: verumtamen personam cui res ipsa acciderat, quia non voluit infamare, noluit ex nomine designare. Ait ergo. Presbyter quidam secularis appellatus est ad Dominum Papam, & accusatus eoram eo de noxâ criminali. Qui cum ab eo interrogaretur,

etiam sub anathematis intentatione ; elegit potius excommunicari quàm veritatem de perpetrato crimine confiteri. Et quoniam legitimis attestationibus conuicti non poterat, dimissus est tandem velut innocens reus ; ipsius qui non fallitur, examini referuandus. Cùmque reuersum ad propria, conscientia grauiter remorderet, reliquit interim habitum, non animum sæcularem; ingressusque monasterium clericorum, professus est inibi vitam regularem. Qui cùm iam in eo plurimùm temporis peregisset, nolebat vlllo modo confiteri iustam illius excommunicationis sententiam, quâ à summo Pontifice innodatus erat, & tamen Sacerdotis officio incessabiliter fungi puniendâ temeritate præsumebat. Quâdam itaque die sacrificante illo ; & *Agnus Dei* iam dicto, cùm iuxta illius Ordinis consuetudinem, super patenam Corpus Domini posuit, & coram ipso modicè inclinando caput humiliasset, continuò se erexit vt solito more communicaret. Sed (quod est mirabile dictu) eâdem horâ angelico, vt fas est credere, ministerio sublatu est inuisibiliter panis ille cœlestis de patenâ, & de calice Sanguis. Quod cùm Presbyter ille conspiceret, turbatus & contritus illicò obstupuit : nimirum intelligens ac sciens, quàm iusto quamque tremendo iudicio Dei euenisset. Moxque celeriter adiens Patrem spiritualem, confessus est tandem compunctus & pœnitens impietatem suam, quam etiam ipso tacente iam cœli reuelabant.

CAPVT XXIV.

In vico Belesmo territorij Catalaunensis , Eucharistia ad moribundam feminam latenter transmissa, à maligno spiritu publicatur.

XXIV. **I**N territorio Catalaunensi, vico quem nuncupant Belesmum, erat ante septennium Presbyter quidam, nomine Vvilelmus, lubricus homo, multumque inhonestus. Ad hunc itaque veniens aliquando quidam laicus homo, rogabat eum pro quâdam pauperculâ parrochianâ suâ, quæ in rure proximo commanebat, ut eam citius visitaret, & morienti viaticum ministraret. Ipse verò, ut erat piger & negligens, ire recusauit; sed eidem laico Corpus Domini committens, ait; Vade, & dicito clerico illi qui in ipso viculo habitat, ut morientem feminam adiens, hanc ei Eucharistiam tradat. Erat autem nox. Abiens itaque homo cum dominico Sacramento, dum esset in itinere, reperit in ipsâ viâ iacentem spiritum immundum, & quasi mortuum aliquem sudario candido coopertum. Quem cum primò vidisset, inhorruit: moxque signo Crucis armatus, & sacri Corporis virtute confusus, declinauit paululum ab eo, & ita pertransijt. Tunc ille qui mortuus videbatur, repente surrexit, & clamans ad eum, dixit; Nisi ille quem portas tibi nunc præsidio esset, utique malo tuo huc aduenisses. Quo dicto, versipellis insidiator euauit; & ita nocenter innocens, atque inutiliter utilis fuit; qui non modò non potuit malignitatem explere quam vellet, verum etiam

cogente Domino confessus est veritatem , quam dicere nollet.

CAPVT XXV.

*Ad sceleratum hominem morti proximum allatâ Eucharistiâ
priusquàm eam ille perciperet , à demonibus in aëra
sublatus , & ad terram elisus est.*

XXV. **I**N prouinciâ Flandriæ , non multò antea tempore , terribile quid accidisse comperimus. Quidam carnalis atque peruersus homo , cùm morti appropinquasset , allatum est ei dominicum Sacramentum , vt communicaret. Quod cùm ille fuisset intuitus , illicò re percussis oculorum luminibus , quasi magno fulminis ictu vehementer infremuit : & vibrato corpore de lecto exiliens , raptu dæmonum eleuatus est supinus in aëra sursum : ac protinùs extra lectulum recidens , medius crepuit , & animam infelicem euomuit. Porro de manu Presbyteri , Corpus Domini excussum , & in eodem lectulo cadens , super linteum venit. Ipse autem Presbyter nimio terrore percussus , dementia incurrat. Qui etiam multo postea tempore superstes , nunquam sensum recuperauit : sed quasi bestia factus , quotidianam procurationem accipiebat de domo Comitum Flandrensis.

CAPVT XXVI.

Quidam Conuersus Becci, morti proximus, totius Conuentus precibus à demonum insultibus liberatur, & Sacramentis munitus, in bonâ confessione è viuis excedit.

XXV. **C**ONVERSVS quidam de fratribus Becci, quod est cœnobium Cisterciensis Ordinis in Normanniâ, cùm iam morti proximus esset, monebant fratres vt confiteretur, & sacram cõunionem acciperet, Quod ille vehementer abhorrens, pertinaci animo recusabat. Laborantes itaque fratres per vnus diei spatium vt hoc ei persuadere possent, cùm suam industriam nihil in hac parte prauallere cognoscerent, cõmuni consilio decreuerunt specialem pro eo in Conuentu facere obsecrationem. Congregati itaque in ecclesiâ cuncti fratres, multiplicatis letanijs & psalmis, in fletu & planctu Dominum exorabant, vt ita periclitantem animam illam, de profundo malorum eriperet, nec eam aliquatenus in tali damnatione mori permitteret. Expletâ autem oratione clamare cœpit infirmus, & dicere; Eia fratres, succurrite citiùs, & afferte dominicum Sacramentum; ne fortè iterum partes aduersæ veniant, & me inueniant imparatum. Aderat namque modò ingens dæmonum turba; à quibus vndique pressus, ita coartabar, vt nullum suggerentibus vobis possem dare responsum de salute meâ. Et ecce iterum fratres nostri, tam monachi, quàm Conuersi, in vnam aciem conglobati, cum magno impetu super dæmones irruerunt; & singuli singulos inua-

dentes, in manu potenti, & brachio excelfo, omnes penitus expulerunt, & me per Dei misericordiam liberarunt. Audientes itaque fratres, gaudio magno gauisi sunt; & abeuntes, in instanti, sacrosanctum Domini Corpus ei exhibuerunt. Ipse verò compunctus ac pœnitens, cum ingenti reuerentiâ & pietate communicauit; & protinùs in bonâ confessione spiritum emisit.

CAPVT XXVII.

Longipontis Conuersus, qui denarium vnum, & buculam vnâ absque licentiâ retinebat; perceptâ in Paschate Eucharistiâ, prunam ardentem præcordijs inieciſſe ſibi viſus eſt.

XXVII. **I**N monasterio Longipontis, Conuersus quidam denarium vnum, & vnâ buculam absque licentiâ peculiari, ab initio retinebat. Igitur die Paschæ, cum sacram oblationem recepisset, visum est ei quòd prunam ardentem præcordijs eius aliquis inieciſſet. Qui mox de oratorio exiens, suumque diuerſorium adiens, protinùs id quod acceperat, nausê perurgente reiecit in cineres, antequàm vas aliquod ad excipiendum apprehendere posset. Tunc accersito Abbate loci, confessus est delictum quod commiserat, & periculum præſens quod ex eo incurrerat. In crastinum autem Abbas cuncta quæ acciderant, in Capitulo ad fratrum audientiam retulit, & propter negligentiam sacræ communionis, communem pœnitentiam nobis qui aſſuimus iniunxit. Porro

Conuersus iisdem crescente ægritudine lecto decubuit,
& diutissimè postea languens, vtrùm deinceps conua-
luerit, incertum est nobis.

CAPVT XXVIII.

*Ad porcorum salutem Eucharistia in stabuli limine occultata,
diuinitus reuelatur, & magnâ ex parte in
carnem conuersa reperitur.*

XXVIII. **S**ANCTIMONIALEM quamdam fe-
minam nouimus, quæ magnis virtutibus
pollens, etiam prophetandi gratiam habere probatur.
Huic autem nuper Dominus apparens tale quid reuelare
dignatus est, dicens; Inhonestius me tractant fideles mei,
quàm Iudæi, siue pagani. Modò namque fecere me
porcarium, depositum tenentes in proximâ villâ Corpus
meum absconditè atque vilissimè in stabulo porcorum,
ne porci pestilentia aut mortalitate dispereât. Cùm igitur
ancilla Dei, verbum hoc in medium protulisset, continuo
cœperunt inuestigare diligenter, etiam cum intentione
anathematis, quis tantum sacrilegium perpetraffet. Videns
itaque reus quia iam latere non poterat, confessus est
tandem malum quod egerat, ostendens etiam in ostij
sulio foramen occultum, in quo dominicum Corpus
erat occultatum. Aperto igitur aditu reppererunt Ho-
stiam sacrosanctam, in similitudinē carnis iam ex magnâ
parte mutatam. Videntes verò fideles sanctum canibus
datum, & margaritam porcis appositam, grauiter inge-
muerunt, tollentesque sacrum de non sacro, cum timore
& reuerentiâ

& reuerentiâ magnâ ad ecclesiâ reportarunt; atque in sacrario dignè (vt dignum est) reposuerunt.

CAPVT XXIX.

Pauperculus rusticanus, exceptam in die Pasche, & ore tentam Eucharistiam cum vestimento suo insuisset spe subluuande inopia sue; ab eo postmodum ex morbo periclitante prodita, tota carnea inuenta est.

XXIX. SIMILITER in episcopatu Carnotensi, ante bisdenos annos tale quid accidisse cognouimus. Quidam rusticanus atque pauperculus homo, á nescio quo impostore maligno audierat, quia si dominicum Corpus secum assiduè circumferret, in modico tempore diuitijs abundaret. Accipiens itaque die Paschæ sacrosanctum Domini Corpus, integrum ore retinuit. Quod protinùs assuens in margine cappæ, multo secum tempore tulit; nec ei tamen aliquando paupertas & miseria defuit. Hic igitur tactus ægritudine letali, ad extrema deuenit. Cumque se morti propinquare conspiceret, tandem miser ad se reuersus, miserabili sensu experimento verum esse quod ait Apostolus quia *qui volunt diuites fieri, incidunt in temptationem, & in laqueum diaboli.* Dolens ergo & pœnitens, confessus est rapinam quam sacrilego ore petuaserat: indicans etiam corporale indignum, in quo dignissimum corpus repositum erat. Accipiens itaque Presbyter ipsam vestem, & corâ astante populo dissuens, inuenit Hostiam sacram, pristinâ quidem manente figurâ, in naturam & speciem carnis om-

1. Tim. 6. 9.

ninò conuersam. Quòd ubi nunciatum est Præfuli Car-
notensi, protinùs ad ipsum locum cum comitatu magno
venire curauit. Assumensque thesaurum illum incom-
parabilem, & ad urbem ipsam maximo cum honore
deferens, occurrente sibi clero & populo innumerabili,
in ecclesiam Beatæ Virginis Matris sollemniter intulit:
ibi que dignissimè conseruandum, decenter ac subli-
miter collocauit.

CAPVT. XXX.

*Apum alueari iniecta Eucharistia; post tres annos in summo
calathò integra & illæsa reperitur.*

XXX. **A**LIVS quidam ruricola, dum ad cuiusdam
fortiarij sibilos virulentos malè credulam
aurem applicuisset, persuasum est illi, quia si ore tenendo
dominicum Corpus, aluearijs insufflaret, apes inde
plurimùm profecturæ, & crebriora examina mitterent,
& vberiora mella conficerent. Perceptâ igitur Eucharis-
tiâ, & ore retentâ, ad apiarium venit. Cumque per
singulos calathos insufflando procederet, contigit vt
Hostia sacra, ab ore sufflantis elapsa, in vnum calathò-
rum per foramen intraret; quæ mox diuinitùs acta, su-
perius auolauit, ibique in superiori crate congruè locata
triennio latuit. Cumque peritus ille insibilator curiosiùs
intrò prospiceret, & eam minimè reperiret, contempsit
& abiit: ipsum tamen calathum, ne amoueretur, diligenti
curâ notauit. Post tres itaque annos correptus ægritudine
gravi, mortem in ianuis adesse cognouit: accersitque

Presbytero confusus & pœnitens, recognouit audaciam puniendam, quam superbè præsumpserat, ipsamque iacturam intolerabilem quam postea negligenter incurrerat. Percunctante autem Presbytero utrūne præsepium illud agnosceret, in quod Hostia cecidisset, respondit sese optimè scire, nec distulit in continenti ostendere. Tunc igitur effracto canistro, Presbyter, & qui aderant multi repperunt dominicum Corpus diligenter & honestè reconditum in superiori statu; ita prorsus integram atque decorum, ac si fuisset ibidem eâ die repositum.

CAPVT XXXI.

In Sardinia, cuidam Presbytero de panis alterius vite multa diuinitus reuelantur.

XXXI. **F**VIT in insulâ Sardinia, Sacerdos quidam honestæ conuersationis, qui etiam ibi præerat cuidam ecclesiæ parrochiali. Erat autem eadem ecclesia extra villam ædificata, atque ab omni hominum habitatione remota. Quâdam itaque vice cū Missam ibidem celebraret, horâ perceptionis inuenit Hostiam super corporale fractam, atque in duas partes à seipsâ diuisam, quam antea consecrauerat integram, & sanam. Quod ubi conspexit, turbatus & anxius, cum metu & admiratione sacrificium consummauit. Expleto autem ministerio, cæterisque dimissis, solus ibi remansit.

Egressus itaque foras, venit, & stetit in capite eiusdem basilicæ, dorso adhærens ad parietem, & facie versâ

contra Orientem. Qui dum ita positus ibidem aliquamdiu staret, & de re quæ acciderat, timidè ac sollicitè cogitaret, infremuit spiritu, & inhornuerunt subito pili carnis eius. Tunc irruente in eum nescio quâ virtute externâ, ita desigi atque artari cœpit, vt nullo modo posset inde moueri. Et ecce apertis oculis vidit innumeræ multitudinis turbas, equestres & pedites, coram ipso citatis gressibus transeuntes. Erant autem in eis homines promiscui sexus, diuersæ ætatis, & conditionis in quibus etiam multos deprehendebat, quos antea viuentes in carne cognouerat. Vnus ergo ex eis quondam sibi notus & carus, ad eum accessit, & fixo gradu cœpit cum eo familiariter loqui. Percunctante verò Presbytero quanam esset, aut quid etiam ageret tanta turbarum infinitas, respondit, animas esse carne solutas, quæ omnes varijs pro varietate culparum deditæ pœnis, ita semper discursu reciproco, longè latèque vagabantur in mundo. Quidam ex eis citiùs, quidam tardiùs liberandi erant, multorumque nihilominus pœnæ insolubiles permanebant.

Dum hæc ille loqueretur, perspiciens Presbyter vidit vnum ex eis ante se prætereuntem, de quo vehementer expauit, dicens; Vx mihi misero peccatori. Numquid iste est Dominus noster Balduinus, Pisanus quondam Archiepiscopus, de monasterio Claruallis assumptus? Respondit mortuus; Ipse est verè. Et Presbyter ad eum; Hicne ergo tantæ professionis monachus, & tantæ perfectionis Episcopus, deputatus est pœnis, quem nos autumabamus iam in cœlo gaudere cum Angelis? Ille verò ait; Pro certo agnosce, quia ipse est sanctus, celsique meriti homo, & magna est eius gloria coram Deo.

Sed quoniam propter ipsum inter Pisanos & Lucanenses populos diuturna iam guerra versatur, propterea differtur à requie, donec inter illos ad pacem discordia recocetur.

Dum hæc ergo dicerentur, ecce iterum quidam diues olim ac præpotens Miles veniebat; deferens in gremio suo argenti pondera magna, quibus onustus atque afflitus nimis incedebar. Quem cum Presbyter agnouisset, quæsiuit etiam de ipso, cur tali supplicio subiaceret. Respondens mortuus ait: Homo iste peruersus & impius, nimium carnaliter atque tyrannicè vixit; & idè sempiternis deputatus est pœnis. Hic aliquando Ierosolymam proficiscens, pecuniam istam secum detulerat, vt eam erogando, peccata redimeret, & amicos sibi de mammonâ iniquitatis conciliaret. Sed diabolo suadente, fraudauit animâ suam operibus pietatis; & secum, ad propria remeans, victualia pauperum reportauit; quæ sicut ex malo collegerat, ita quoque ad cumulum mali, in malum expendere non dubitauit.

Hæc illo dicente, ecce apparuit columna iubaris imnensi, vltra communem scilicet valentiam coruscantis, de cælo vsque ad terram porrecta, per quam animâ quædam angelico ductu ad sidera contendebat. Quod cum Presbyter ille vidisset, sciscitatus est iterum à suo collocutore quid esset. Ille verò respondit Ipsa est anima Constantini quondam Iudicis & Domini Turritani. Hæc autem per nouennium, ventis & pluuijs, algoribusque semper exposita, à die sui exitus vsque nunc in stillicidio domus suæ constitit; ibique suorum excessuum pœnas luit. Sed quia misericors & liberalis in pauperes exstitit, & iudicium iniuriarum patientibus fecit, insuper etiam de

malis quæc ommisserat, confessâ & pœnitens exijt, idcirco misericordiam á Domino consecuta, hodiernâ die meretur á malis omnibus liberari : & bonis omnibus satianda, ad æternam beatitudinem introduci.

Hæc, & similia multa, quæ longum est enarrare, prædictus Presbyter vidit : & de omnibus quæ quærebat, suus illû confabulator instruxit. Ad vltimum verò percunctatus est etiam de seipso. Cui ille respondit: Vt tibi quid postulas expediam breuiter ; scias te indubitanter hoc anno moriturum, & secundum quod egeris recepturum. Cùm hæc ille dixisset, protinûs ab eodem Presbytero vale dicto pertransiit, & tunc omnis apparitio illa pariter cum eo disparuit. Presbyter autem ad seipsum reuersus, & ex his quæ viderat vehementer affectus, mirabiliter in Dei timore profecit : & quamuis honestè antea viueret, postea tamen multò castigiùs vixit. Visionem autem quam viderat, quibusdam Religiosis ac sapientibus innotuit, & eodem (sicut audierat) anno de corpore exiens, in bonâ confessione migravit.

C A P V T XXXII.

Sarracena puella christiana religionis cupidissima, pro tuenda pudicitia, à Christiano sed flagitioso milite obruncata, in Martyrum canonem refertur ab Alexandro Papâ tertio.

XXXII. **O** PINATA res est valdè, & per Hispaniâ diuulgata, quam refero. Erat nuper in eadem regione, Sarraceni cuiusdam diuitis filia, quæ

in Christum fideliter credens, ad christianismum per-
tingere satagebat. Locuta est ergo cuidam militi Chri-
stiano, dicens: Nouerit dilectio tua, me in Deum tuum
sinceriter credere, & Baptismi gratiam ardenti animo
desiderare. Si ergo volueris me ad terram tuam ducere,
& facere Christianam, peculium magnum, quod penes
me habeo repositum tibi tribuam, & me ipsam quoque
in coniugem tradam. Quod si me forsitan habere no-
lueris uxorem, medietatem ipsius pecuniæ tibi dabo,
reliquam meo victui reseruabo. Igitur annuente milite,
& datis utrimque dextris de conseruandâ fidelitate, exi-
erunt latenter à sinibus paganorum, comitante eos pue-
rulo quodam, qui erat in obsequio eorum. Venientes
itaque ad quoddam castrum Militum templi, cum intrare
nequirent, (siquidem consuetudinis erat, fores eiusdem
municipij propter nocturnas insidias, eo tempore non
referari) diuenterunt in proximum frutetum: ubi copioso
igne accenso, comederunt & biberunt ex ijs quæ attule-
rant secum.

Expletâ autem refectiōe, miles ille furore libidinis
agitatus, cum illâ suâ consorte concumbere cupiebat.
Quod ipsa vehementer abhorrens, modis omnibus resti-
tit ei, dicens: Heus tu, bone Christiane, quid est quod
facere tentas, ut & te ipsum & me pariter perdas? Tu in
Christo renatus, ego gentilis: adhuc non licet nobis
inuicem commisceri. Aut ut scorto abuti me quæris.
Numquid idcirco parentum meorum temporalem con-
templi honorem & gloriam, ut me in terrâ alienâ prosti-
bulum faciam? Hæcine ergo est puritas christiana. quam
te docente, me assequi delectabar? Recordare obsecro

Domini Dei tui, & memeto quia in fide & veritate ipsius me honestè tractandam suscepisti. Habeas itaque reuerentiam Christo tuo, & ne velis captiuam illius tanto de-honestare ludibrio. Si me consortem tori habere volueris, sustine per modicum tempus, donec opprobrium paganitatis meæ fonte Baptismatis diluatur; & tunc legitimo fœdere sociemur. Sin autem (vt dixi) meum fortasse connubium aspernaris, portionem substantiæ meæ quæ te contingit habeto, & me Christo vacare permittito. Hæc illâ dicente, nihil ille mouebatur ad pietatem; sed libidine magis ac magis insaniens, minabatur ei necem inferre celeriter, nisi protinus eius imperio cōsenseret. Ipsa verò christiano more constantior, liberâ voce dicebat, se protuitione pudoris mortē potius eligere gloriosâ, quàm pudicitia prostituta ignominiosam redimere vitam. Tunc furibundus atque funestus miles, euaginato mucrone caput illius amputauit, proiectumque corpus in ignem ex magnâ parte combussit.

Verum superna iustitia de cœlo respiciens, non est passa diutiùs inultam remanere tantū ponderis impietatem. Statim namque pręparatus ad imperium Domini, egressus est de cauernâ draco terribilis, qui ad eundem locum concitè veniens, ac terrifico ore dehiscens, filium perditionis inuasit. Cùm ergo immanem illam belluam sibi defubito imminentem miser aspiceret, illicò totus inhorruit; & non habens resistendi fiduciam fugere cœpit. At verò bestia celeriter insequens, & consequens fugiētem, feralibus eum dentibus à dorso comprehendit: quem ad suam cauernam protinus pertrahēs, in vltionem tantę crudelitatis, morsu amarissimo deuorauit. Supra-
dictus

dictus verò puerulus ista considerans, nimio terrore concussus aufugit : & facto manè veniens ad castrum, cuncta quæ acciderant per ordinem enarrauit. Exeuntes itaque Templarij, spolia mortuorum, ipsumque beatissimæ Martyris corpus semiustum, cum capite reppererunt. Quod secum deferentes, cum deuotione & reuerentiâ sepelierunt. Postmodum autem missa pro eâ legatione etiam ad Dominum Papam Alexandrum, iudicatum est ab eo, vt in Ecclesiâ cum honore tumularetur, & quasi Martyr inter Martyres haberetur ; vtpotè quæ amore castitatis occubuit, & proprio sanguine baptizata, martyrij coronam Domino largiente promeruit.

CAPVT XXXIII.

Igneo Spectro deterrentur monachi Burlencurtis, à thesauro quem quidam somniarat, effodiendo.

XXXIII. **H**OMO quidam de villâ, quæ dicitur Lou-sa, in episcopatu Catalauni, cum sæpius somniasset, statuam quamdam ab antiquis temporibus in proximo luco humi latere reconditam, ipsamque à monachis Burlencurtis esse reperiendam ; curauit eisdem fratribus indicare huiusmodi visionem. Hoc autem sæpius faciens, tandem persuasit vt quærerent. Perrexerunt itaque sedecim fratres ad ipsum locum, præambulo somniatore : cœperuntque fodere in terram, spe fortunæ magis, quàm desiderio statux reperiendæ. At verò isdem locus in ingressu nemoris positus erat, cui etiam latissima campi planities extrinsecus adiacebat. Cumque paulu-

lùm excauassent, ecce apparuit eis in ipsâ planitie focus,
ad vnum milliarium remotus, qui veluti ardens facula
putabatur. Quem dum attentè conspicerent, viderunt
ad ipsos recto tramite dirigentem. Et quantò ampliùs
propinquabat, tantò amplior apparebat. Ibat igitur
focus accrescens, & proficiens in rogam: atque in
breui factus est clibanus ingens, aut aliqua domus ardens
in oculis eorum. Quem cùm terribiliter irruentem,
iam sibi de proximo imminere conspicerent, conturbati
& conterriti sunt vehementer; quid agerent, quòue fu-
gerent ab igne deuorante, penitus ignorantes. Vnum
autem in tanto discrimine remedium erat, diuinam im-
plorare clemētiam quæ sola succurrere poterat. Conuersi
igitur ad orationem, in tribulatione & angustia magnâ
Dominum precabantur, vt ab instanti morte liberarentur.
Tunc verò flammeus ille globus Domino imperante
cohibitus, substitit in medio campo, remotus ab eis quasi
vnius iugeris intervallo. Erat autem in aëre suspensus, &
veluti quatuor aut quinque cubitis à terrâ separatus. Qui
cùm aliquādiu ita immobilis perstitisset, tandē miserante
Domino, quā venerat remeavit, & remeando rarefcere
cœpit, atque ita paulatim deficiens, omninò disparuit.
Abeuntes itaque fratres, diabolicam statuam, cum suâ
fortunâ, tenebrarum. Principi reliquerunt. Iamque casti-
gati salubriter, & non mortificati, didicerunt sperare in
Domino, magis quàm in incerto diuitiarum. Scientes vtique,
incomparabiliter existere melius, strenuè operando
de labore manuum sustentari, quàm viuendo remissè de
mammonâ iniquo aut de anathemate Iericho velle locu-
pletari.

CAPVT XXXIV.

Margareta pia femina in episcopatu Rosqueliæ, à barbaro marito diu vexata, ac tandem crudeliter interfecta; & sacri cadaveris integritate, & alijs miraculis diuinitus illustratur.

XXXIV. **I**N episcopatu Rosqueliæ exstitit mulier quædam, mitis & humilis corde, nomine Margareta, magnâ simplicitate & innocentia prædita; quæ bonis operibus iugiter insistebat, & illatas sibi frequenter iniurias æquanimiter tolerabat. Huic autem vir impius atque crudelis erat, qui nequaquam se illi maritum & comparem, sed quasi tyrannum ac persecutorem dirissimum exhibebat. Siquidem odio habebat illam propter ipsius innocentiam ac simplicitatem; reputans eam fatuam & insipientem. Erat itaque semper infestus illi, totâ die conuiuijs appetens, verberibus atterens, multisque afficiens malis. Ipsa verò quasi non sentiens, & quasi non habens in ore suo redargutiones, malum in bono vincere satagebat; & cum ijs qui oderant pacem, pacifica erat. Præterea quædam mulier nequam, eiusdem (ni fallor) rustici soror, magna aduersus illam inuidiâ tabescebat, quæ ipsum fratrem suum ad eiusdem odium & infectionem iugiter inflammabat. Quâdam itaque vice cum vir ille malignus, præsentem atque suadente sorore innoxiam feminam usque ad mortem vapulasset, ac poenis eius inexorabili crudelitate adhuc saturari non posset, ad cumulum suæ damnationis adiecit ut eam morte multa-

ret. Resupinatam igitur inter duo fulcra, desuper eam validè compresserunt, & ita violentâ nece suffocauerunt. Cumque penitus extincta fuisset, miserunt laqueum in collo ipsius, & suspenderunt ad trabem in angulo domus.

Perpetrato itaque tanto piaculo, cœpit impius ille multator simulare luctum atque lamentum, planctûque funebri finitimos omnes inuitare ad planctum. Vnde complausis ad inuicem manibus vlulans & clamitans in excelsu, aiebat; Heu, heu, venite & condolete mihi, omnes amici & proximi. Venite, inquam, & videte, quomodò infelix & fatua vxor mea me absente, me ignorante, se perdidit; quomodò inuadente diabolo laqueo se strangulauit. Cùm ergo huiusmodi lamentis credulitatem populo falsarius nequam persuasisset, tunc eiicientes funus cum dedecore magno, traxerunt procul quasi mortuum canem, vsque ad oram maris: ibique littoreo sabulo modicè operientes, reposuerunt illud cum duobus latrunculis nouiter in eo suspensis, atque sepultis. Marini autem fluctus eidem loco frequentius illidentes, & superiectam mortuis arenam paulatim labefactantes, in proximam paludem reiciebant; ita vt ipsa corpora nonnullâ ex parte nuda apparerent. Expleto autem bienio, cùm quidam cœcus iuxta prædictum locum itinerando incederet, contigit vt manus & faciem loturus, ad ipsam paludem diuerteret. Statim verò vt ex eâdem vndâ oculos perfundere cœpit, miserante Domino curatus est, & visum recepit. Quod vbi ille persensit, illicò obstupescit vehementer, exclamauit, & dixit; Christe fili Dei, quid est quod accidit mihi; Ecce ego video mare, & aridam, & cuncta quæ circâ me sunt. Putasne in somniis

ista considero, an ita agitur in veritate mecum; Vnde ista lux cæco? vnde gaudium misero? vnde salubritas desperato? Cùm ergo perseuetante visu, reuerà cognosceret se esse sanatum, conuinuè lætabundus & laudans currere cœpit ante ductorem suum; veniensque ad proximam villam, nunciauit omnibus quæ sibi acciderant. Accurrentibus igitur cunctis ad ipsum locum, omnes malè habentes cùm in eamdē aquam descendissent, continuo sanabantur, à quacumque infirmitate detinebantur. Cupientes verò cognoscere vnde illa benedictio sanitatum, cœperunt effodere tumulos damnatorum.

Cùmque latronum morticina contingerent, tanta in eis putredo corruptionis apparuit, tamque intolerabilis fœtor ipsum aërem tabefecit, vt opilatīs naribus omnes penè fugerent. Moxque reiectum sabulum super immunda cadauera cumulo tenus congerentes, Beatæ illius Margarete corpus inuisere festinarunt. Quod cùm discooperuissent, ita à plantâ pedis vsque ad verticem incorruptum, ac venustum apparuit, vt viuenti potius quàm mortuo simile videretur. Non solùm autem; sed & tanta ex eo suauitatis fragrantia exhalabat, vt omni puluere pigmentario respersum putaretur. Inuentâ igitur pretiosâ margaritâ, tanti muneris largitori gratias retulerunt, præconia magna rependerunt; & educentes eam de lacu miseriæ & de luto fœcis, ad ecclesiam suam cum dignâ reuerentiâ portauerunt. Tunc verò comprehensus ipsius parricida, interrogatus est minis & tormentis. Et quia iam celare non poterat, confessus est omnem veritatem, audientibus vniuersis. At vbi nunciata sunt ista Præfuli, & Primoribus ciuitatis, venientes illicò clerus & populus

innumerabilis, venerabile pignus cum honore debito ad Sedem pontificalem detulerunt; atque in ipsâ maiori ecclesiâ, sollemni deuotione & gaudio collocauerunt. Ibi verò ad tumultum eius cateruatim confluunt vndique tam de vicinis, quàm de remotis partibus populi multi: tantâque ibidem miracula fiunt, vt præ nimîâ multitudine nequeant comprehendi.

CAPVT XXXV.

*Cacodemon, simulacri sui con fracti & combusti iniuriam
vltisci conatur.*

XXXV. **Q**UIDAM honestus frater de monasterio Fonteneti, ante conuersionem suam profectus est aliquando mercimonij causâ ad terram paganorum. Habebat autem comitem secum quemdam alium Christianum iuuenem. Dum ergo ibi demorarentur, contigit vt in quemdam lucum, spatiandi causâ, soli peruagarêtur. Cumque deuenissent in cuiusdam loci secreti amœnitatem, repperunt ibi quoddam simulacrum enorme, intrinsecus ligneum, extrinsecus pice linitum, quod veluti truncus ad stipitem arboris stabat erectum. Illuc ergo secretiùs adoraturi, aut etiam immolaturi, de villâ proximâ veniebant ij qui circâ nefandi numinis obsequium sese deuotiores, immò verò dementiores exhibebant. Succensi itaque fidei zelo Christiani iuuenes, execrabilem statuam in frustra comminuerunt, & protinùs igne supposito in fauillam & cinerem redegerunt. Quo facto fugam arripere maturiùs, ne fortè á

fanaticis cultoribus deprehensi , pœnâ simili punirentur. Neque enim tantæ adhuc erant constantiæ , vt hoc ausi fuissent in propatulo facere. Nocte verò sequenti cùm futurus ille Fonteneti Conuersus sopori membra dedisset, apparuit ei spiritus ille noctifer, instar idoli concremati piceus & niger ; & proiciens in oculis eius calidos cineres quos manibus præferebat , dixit ad eum : Ecce, tu heri combussisti me , & ego comburam te hodie. Eui-gilans verò iuuenis , dolorem magnum & cruciatum in oculis sensit, qui etiam longo postea tempore durans, grauiter eum afflixit.

CAPVT XXXVI.

Christianâ fide in Sclauoniam inductâ , diffugiunt ex eâ demones cum horrendo strepitu , velut exercitus prælio victi , & fusi ac fugati.

XXXVI. **I**N regione Sclauoniæ , quæ nouiter est ad fidem christianam conuersa magnâ ex parte, plurima iam Cisterciensis Ordinis monasteria constat esse fundata. Porro monachi illi qui ibidem Domino seruiunt, ob quotidianam conuersionem gentilium, baptizandi potestatem à summo Pontifice acceperunt. Factum est autem vt aliqui de fratribus illis, à quibusdam fidelibus inuitati, statuta die venirent ad vnâ de proximis villis, paganorum multitudinem in eâ baptizaturi, quæ nuper fide receptâ regenerationis gratiam flagitabar. Præcedenti itaque nocte antequàm illuc peruenissent, auditus est ibi sonus & fremitus ingens , quasi exercitus

grandis, toto tempore noctis per vicos & plateas eiusdem villæ perstreptentis; qui velut ab alio exercitu fortiter impugnatus, tandemque superatus, terga vertere, atque cum magnâ turbulentâ exire videbatur. Porro homines loci, recedentium strepitum & fugam communiter audientes, & personam aliquam non videntes, stupebant ac metuebant; nimirum ignorantes quæ ista nouitas esset, aut quid boni malique portenderet. In crastinum autem venientes monachi ad eandem villam, baptizauerunt ibi promiscui sexus turbam copiosam. Tunc verò cunctis fidelibus manifestè innotuit, quòd tumultus ille nocturnus nihil aliud exstitit, nisi dæmonum legiones, ab obsessis hominibus increpante Domino fugientes; qui beatorum Angelorum præsentiam, & sancti Spiritus aduentum sustinere non poterant. De quâ videlicet re multum in Domino consolati sunt vniuersi; præcipuè verò neophyti illi qui ab immundâ damnatione fuerant liberati.

CAPVT XXXVII.

Aspersione aquæ benedicta mulier gētilis excruciatâ, ad Christi fidem conuertitur.

XXXVII. **Q**UÆDAM mulier gentilis, cœtui fidelium mixta, casu aspersa est aquâ benedictâ. Quam sentiens, & multum abhorrens, protinus sensit dolorem & ardorem intolerabilem, ac si collo tenus fuisset immersa in caldariam aquæ bullientis. Quæ cum diutissimè cruciaretur, & inuocatis ad opem ruminibus idolorum, non modò incēdium corporis non minueretur,

minueretur, sed potius augetur; tandem vexatio dedit intellectum auditui, & cognouit in veritate quod non esset ei salus in dijs illis. Vnde inuocato nomine Saluatoris, & percepto lauacro salutari, salutem corporis & animæ sine morâ percepit: & ita fidelis effecta conuersa est fidelium turmis.

CAPVT XXXVIII

Rex Olauus (qui postea Martyr) cum per imprudentiam Dominicâ die virgam cultello dolaret, admonitus indoluit: & collecta scbedia cum in pœnam manui suæ imposita exussisset, à flammâ tamen illesus fuit.

XXXVIII. **Q**VADAM die Dominicâ gloriosus Rex & Martyr Olauus, cum virgulam vbi residebat inuentam, cultello quem in manu tenebat dolaret, immemor quod Dominica dies esset (obseruant enim in Noruegiâ cum magnâ diligentia dies festos, nec vltro aliquid magni vel parui facere præsumunt); vnus ex ipsis qui assistebant Regi, videns quia Rex Dominicâ die dolaret: nec tamen ausus apertè dicere quod Dominica dies esset, hac illum voce commonuit: Domine (inquit) Rex, cras erit secunda feria. Quâ commonitione Rex ad se reuersus, & quia virgam dolauerat Dominicâ die, vehementius dolens, & dolaturas virgæ collegit, & collectas super manum suam igne adhibito combussit. Quibus combustis, manus eius apparuit illæsa. Innouatum est illud miraculum, quod olim apud Babylonem in tribus pueris celebratum est. Ad consummandas virgæ particulas ignis vim naturalem habuit, nec omnino lædere valuit innocentis Regis manum.

CAPVT. XXXIX.


*Episcopus ridicula effutire solitus, apparet post mortē vlcerosi
ac tumidis labijs : & septem fratrum seruato per
dies aliquot silentio liberatur.*

XXXIX. **S**ANCTVS Hugo Abbas Cluniacensis, Episcopum quemdam sæpe reprehendendo commonuit, vt ridiculosa quæ malè consueuerat verba proponere, dimitteret: addens quòd nisi in præsentī vitam corrigeret, post mortem tumentibus labijs & spumeo ore deformis appareret. Episcopus non correxit. Defunctus est. Cuidam Sacerdoti apparuit & (vt Sanctus prædixerat) vlcerosi tumida labijs ora præferebat. Petit auxilium Patris flebiliter, quem piè corripientem audire noluit. Sacerdos refert Patri quod viderat: miseretur Abbas, & excessum eius septem fratrum silentio sanare festinat. Septem fratres eligit, quibus septem diebus pro Episcopo silere præcipit. Septimus transgreditur: silentium soluit. Redit Episcopus ad Sacerdotem, fractum silentium accusat, de transgressione conqueritur, de dilatatoris sanitate pro inobedientiâ septimi causatur. Audiens hoc Abbas, transgressionem inuenit, & septenarium alio silentio instaurat. Quo completo, tertio Præsul apparuit, gratias agens Abbati, pontificali indutus chlamyde, os sanatum ostendens.

F I N I S.

DIATRIBA
DE ILLVSTRI GENERE
S. BERNARDI
ABBATIS CLAREVALLENSIS.

P R A E F A T I O.

 L T R O quidem concesserim in eorum sententiam, qui super illâ Romani Breuiarij clausulâ, quâ S. Bernardus *honesto loco natus* dicitur, Sacram Rituum Congregationem adeundam putant. Etenim qui hæc legens, de Bernardi natalibus aliud nihil norit, facile illum opinetur plebeijs ortum parentibus; putâ agricolis, aut opificibus, alijstue eiusdem notæ; cùm tamen illum utroque parente fuisse constet perquam nobilem. Sanè veritas tum in omni historiâ elucere debet, tum in ijs maximè, quibus orbe toto catholicæ basilicæ personant, diuinis officijs: ne si ea alicubi neglecta appareat, ansâ præbeatur fidei hostibus calumniandi, & alias pariter sacrarum lectionum partes, quæ de mysterijs, rebusque ad salutem necessarijs pronuncient, vocandi in dubium. Adde, & hæc Bernardi natalium depressione, nonnullam viro sanctissimo, & de Ecclesiâ quam optime merito

iniuriam fieri, dum eius virtuti suus quidam splendor, ac sua veluti basis detrahitur, si verè prudens quisque existimat, virtutem nobilitati impositam, instamque, & altius eminere, & fulgere illustrius. At nolim friuolis rationibus, aut obscuræ fidei testimonijs adstrui sancti viri clarum genus. Rem totam diligentius excutiamus: in quâ ut certi aliquid ac solidi proferamus, primum illud nobis demonstrandum est, nobilem fuisse Bernardum: deinde equestris ordinis, quem illis temporibus *militiam* vulgò nuncupabant: adhæc antiquæ in eo gradu originis: denique & per matrem Aalydem (quæ Bernardi Montisbarri Dynastæ filia erat) ex antiquis Burgundiæ Ducibus prognatum.

SECTIO PRIMA.

Non est derivatum stemma Ordinis Cisterciensis à S. Bernardi insigni gentilitio.

BERNARDVM Barnabas de Montaluo, Mariana lib. 10. Historiæ Hispaniæ, cap. 12. Bonifacius Simonetta lib. 2. Historiæ suæ, & alij nonnulli è recentioribus, ortum volunt ex eâ Ducum Burgundiæ gente, cui caput fuit Rex Francorum Robertus: adeoque non Galliæ tantum, sed & Hispaniæ, & Lusitanæ Regum consanguineum prædicant, quo *Bernardo* (inquit Angelus Marique in Annalibus Cisterciensibus, anno Christi 1105. cap. 1. num. 4.) *cunctos Christianos Principes arcto sanguinis fœdere deuinciant.* Id verò probare se putant ex Ordinis Cisterciensis antiquis insignibus, quæ cum eadem ipsa

sint, quibus vfos constat veteres illos Burgundiæ Duces (nempe zonæ aureæ tres in parmâ cæruleâ, siue, vt nunc loquuntur, senæ fasciæ ex auro & cyano dextrorsus obliquatæ in margine purpureo) à Bernardo, qui ex Ducum illorum familiâ originem traxerit, cum morem opinantur deriuatum; vt nimirum antiqui Patres Cistercienses, qui Bernardum Ordinis sui non quidem primum auctorem, sed propagatorem agnoscerent, ac singularem patronum, gentilitia eius insignia pro suis haberent. At hæc referens Philippus à Sancto Iohanne Baptistâ, in Vitâ S. Bernardi Italicè à se conscriptâ, lib. 3. cap. 29. meritò negat, in sui stemmatis delectu spectasse Cistercienses ad alumnum suum Bernardum: sed potiùs ad illam Burgundiæ Ducum familiam, quorum maximè beneficijs atque auctoritate fundatus est, creuitque in gentem magnam eorum Ordo. Quod verò addit, Tecelino S. Bernardi patri ea fuisse familiaria insignia, quæ ad S. Bernardi effigiem expressit ante annos prope ducentos Hermânus Schedel in Chronico Chronicorum; videlicet in scuto nigro baltheum, auri & minij ductu gemino tessellatum (quæ plerique opinantur esse ipsamet vel S. Bernardi, vel abbatie Clareuallensis antiqua insignia) nos infra seorsim accuratiùs discutiemus.

SECTIO SECVNDA.

*S. Bernardi nobilitatem ostendit Humbeline sororis eius ;
itemque fratris , nempe Guidonis eius
fratris coniugis nobilitas.*

FERVNT Bernardo fratres quinque, soror vnica, utroque omnes parente hoc ordine geniti. Primo-
genitus fuit Guido : secundus Gerardus : tertius Bernar-
dus : quarta Humberga , de auia maternæ nomine,
siue Humbelina (nam hic illi fuit nascendi ordo , teste
Iohanne Eremitâ in Vitâ S. Bernardi) quintus Andreas:
sextus Bartholomæus : septimus & vltimus Niuardus.
His omnibus fors natalium , conditioque communis.
Non potuit nobilis germanæ non esse frater nobilis. De
Humbergâ, siue Humbelinâ Bernardi sorore hæc Guil-
lelmus Abbas, omni maior exceptione testis. *Soror quo-*
que eorum in seculo nupta, & in seculo dedita, cum in ditijs
seculi periclitaretur, tandem aliquando inspirauit ei Deus vt
fratres suos visitaret. Narrat deinde vt ad Claramuallem
veniens cum comitatu superbo, & apparatu, eoque à fratri-
bus increpita , & de vitâ ad matris communis Aalydis
exemplar componendâ seriò admonita , multis perfusa
lacrymis abscesserit : ac deinde subdit : *Struiebant omnes,*
adulescentulam nobilem, delicatam, subitâ mutatione in habitum
& victum, in medio seculi vitam ducere eremiticam. Vellem
Brittone antiquiorem scriptorem , qui cum illo diceret,
Humbelinæ maritum fuisse fratrem Ducissæ Lotharingæ.
Ariolari mihi nefas puto. Ad Guidonis vxorem tran-
seamus.

*Zib. 1. Vitæ
S. Bern. c. 6.*

Si in matrimonij (vt mos est) coniugum spectata est æqualitas, nobilis deprehenditur Guido ex coniuge nobili. Guillelmus Abbas lib. 1. Vitæ S. Bernardi, cap. 3. *Guido primogenitus fratrum, coniugio iam alligatus erat: vir magnus, & præ alijs iam in seculo radicans. Hic primò paululum hesitans, sed continuò rem perpendens & recogitans, conuersioni consensit: si tamen coniux annueret. Verùm id quidem de iuuenulâ nobili, & paululas filias nutriente penè impossibile videbatur. Et post pauca; Hæc denique iuxta morem ecclesiasticum separata à viro, interueniente parili voto castitatis, in cætum sanctimonialium transijt seminarum, religiois usque hodie seruiens Deo.* Bernardus Britto in suis Chronicis siue Annalibus Cisterciensibus, Guidonis uxorem hanc, filiam fuisse ait Comitis Florestensis. Forestensem fortasse, seu Foresiensem voluit dicere. Si sic habet, primæ igitur erat nobilitatis: cùm illis temporibus, Comitum familie ijs qui nunc sunt Principibus tantùm non æquarentur, Regesque ipsos aut consanguinitate aut saltem affinitate pleræque attingerent. Sed optandum esset, vt Britto assertionem suam aliquo antiquitatis testimonio firmaret. Mihi sat̃s est ad propositum, nobilem illam fuisse vel teste Guillelmo Abbate. Hanc, postquàm à viro in Cisterciensem Ordinem concedente separata est, opinor monialem factam in Iuliaco, seu Iulleio; quod primum monasterium exstructum esse excipientis nobilibus feminis, quæ Bernardi & sociorum exemplis sæculo renunciarunt, tradit Guillelmus Abbas lib. 1. Vitæ S. Bernardi, cap. 4. apud Surium die xx. Augusti; his ipsis verbis, quæ mirati sumus in nonnullis eiusdem operis editionibus prætermitti: nam eadem refert ex

MS. codice Iacobus Merlonus in editione Parisiensi anni 1645. operum S. Bernardi: nec dubium quin auctorem habeant Guillelmum Abbatem; qui tamen videtur ea Vitæ S. Bernardi iam à se in publicum emissæ, posteriùs (vt sæpe fit) inseruisse, vnde est quòd in multis exemplaribus non reperiuntur. Quia verò ex prædictis socijs eius (videlicet Bernardi) vxorati aliqui fuerant, & vxores quorū cum viris idem votum sanctæ conuersationis inierant, per ipsius sollicitudinem ædificatum est eis cœnobium sanctimonialium feminarum, quod Iullicium dicitur, in Lingonensi parochiâ: quod Domino cooperante magnificè satis excreuit, vsque hodie religionis opinione celeberrimum, & personis ac possessionibus dilatatum: sed & propagatum iam per loca alia, & non cessans adhuc ampliorem facere fructum. In Iuliacum ergo cùm secessisset illa Guidonis olim coniux circiter annum Christi 1113. aut 1114. eiūque nouo monasterio dedisset initium, post annos aliquot ex eo coloniam duxisse videtur in Pratum longum, vulgò *Pralon*, quatuoradmodum leucis horarijs distitum ab vrbe Diuione, Sombernionem versùs: eiusque cœnobij fundamenta iecisse circà annum Christi 1140. S. Bernardo Clareuallensi Abbate, & Godefrido Lingonensi Episcopo adiuuantibus. Id verò vt sentiam facit vetus loci traditio, certis etiam scriptis antiquis affirmata, fuisse in Prato longo Abbatissam S. Bernardi quamdā sororem, cuius in gratiam ei domui Fontanenses & Sombernionenses Domini bona plurima contulerint. Exstant horum beneficiorum testes antiquæ tabulæ, quas autographas diligenter excussimus: quarum ex vnis habetur, eam domum fundatam & ædificatam, præsentibus & curantibus inter cæteros Bernardo Clareuallensi

Clareuallensi Abbate, & Godefrido Lingonensi Episcopo. At cum Bernardo duæ tantum in sæculo dictæ sint sorores; Humbelina germana vnica, altera fratria, scilicet Guidonis eius fratris coniux, vulgò soror quoque nuncupata: & Humbelinam affirmet Guillelmus Abbas lib. 1. de Vitâ S. Bernardi, cap. 6. monialem factam in Iulleio: ibidemque mortuam testetur auctor Vitæ Beati Petri, Prioris tum Iuliacensis; piam animam Deo commendante inter alios ipso eius fratre S. Bernardo; restat ut Guidonis coniux, ea intelligenda sit Bernardi soror, quæ in Prati longi monasterio vitam egerit. Audiuimus præterea ex ore antiquæ Abbatissæ *de Pralon*, quòd cum ante aliquot annos, nimis depressum, eoque humidius oratorij solum, ingestâ materie aliquot pedibus attolli curaret (vnde tumulos quamplurimos moueri necesse fuit); inuentum esse in Beatæ Mariæ sacello plumbeum loculum, quo S. Bernardi cuiusdam sororis ossa concludi fama erat. Et habent in sacrario suo Prati longi sanctimoniales, B. Bernardi ipsa complura; inter quæ est Alba & Casula quibus indutus sacris operabatur: & calix ex argento deaurato, pateræ instar latus ac parum profundus, illique alteri persimilis, quem etiamnum Clareuallenses vt S. Bernardi ipsissimum calicem religiosè asseruant.

SECTIO TERTIA.

*Nec S. Bernardi germana, nec fratria, fuisse Cisterciensis
Ordinis moniales, sed Benedictine nigre.*

DIGREDIOR tantisper, vt quas & nobiles
& moniales asserui, illas in monialium statu Ordini
suo restituiam. Pendet nodi huius solutio ex naturâ

regulæ earum domorum in quibus illæ versatæ sunt. Humbelinam dixi, in Iuliaco & professam esse, & mortuam: coniugem porrò Guidonis, velatam quidem fuisse apud Iulleium, inde verò in Pratum longum translatam, ibi vitam clausisse. Est hodieque Prati longi monasterium, fuitque ab ortu suo Ordinis nigri Benedictinarum. Vnde est quòd eius loci moniales ante aliquot sæcula, in libello supplici ad Regem pro recuperandâ villâ Changeio, tunc alienatâ, esse se profitentur Ordinis S. Benigni Diuionensis, hoc est, Ordinis S. Benedicti, quem tunc tenebāt, tenenque etiamnum monachi Benigniani. Nec minùs id certum de Iuliaco; quippe fundato à Milone barri ad Sequanam Comite, & Guidoni Molisimensi Abbati attributo: & à monachis Molisimensibus benedictinis ad hanc usque diem administrato. Nam & beatus Petrus Prior Iuliacensis, qui Humbelinæ ibidem morienti adfuit, monachus erat Molisimensis, qui Sanctum Robertum è Cistercio Molisimum redire iussu comitatus est: & destructo Iuliacensi parthenone, quod ex illo solum restat sacellum cum titulo Prioratus, & ei annexis redditibus, nunc etiam ad Molisimensem abbatiam spectat. Ex quo mirum videri possit, vix esse rerum Cisterciensium scriptorem vllum, qui Humbelinam si non Cisterciensium seminarum primam institutricem, certè Ordinis Cisterciensis monialem fuisse non affirmet. Numquid vna vixit Humbelina Cisterciensis inter benedictinas? Aut si omnes in Iulleio moniales, Cistercienses fuere, numquid regi potuerunt à monachis Molisimensibus benedictinis, albæ à nigris, vt esset Iuliacum alieni capitis membrum? Prudenter sanè & piè fecerint Ordinis

Cisterciensis femina, si S. Bernardi sororem, eamque vitam sanctimoniam illustrem, sibi patronam adoptent; dum tamen illam, non Cisterciensem, sed Benedictinam fuisse fateantur. De suis exordiis si certi aliquid nosse volunt, intelligant, in pago *de Thart* (quod vnus dumtaxat horum itinere abest à Cistercio) fundari ceptum esse primum Cisterciensis normae puellarum asceterium sub Goceranno Lingonensi Episcopo, circa annum Christi 1125. perfectumque anno 1132. sub Guilenco eius successore; Abbatissâ Elizabeth, & Mariâ Priorissâ nouae congregationi praepositis. Hoc monasterium non negauerim ex Iuliacensi Benedictinarum deductum esse, sicut prius Cisterciense ex Molismensi; ut verè dixerit Guillelmus Abbas loco suprâ citato, Iulleium seu Iuliacum propagatum iam per alia loca tum cum ille scriberet. Et videtur Tartense monasterium, ut primum origine, ita ceterorum omnium eiusdem sexus atque Ordinis caput fuisse. Vnde in bullâ Innocentij Papae III. datâ anno Christi 1200. octodecim numerantur ad Tartum pertinentes abbatiae: quarum Abbatissas singulis annis, in festo S. Michaelis, ad abbatiam *de Thart* olim conuenire solitas esse ad Capitulum generale (cui praeerat Abbas ipse Cisterciensis, aut alius quis eius vice) testatur Guido Abbas Cisterciensis, abbatiam *de Thart* propriam filiam domus Cisterciensis appellans: ac verisimillimum faciens, quod ex Tarto, per octodecim illas eius propagines, cetera omnia, aut pleraque Cisterciensis Ordinis puellarum coenobia deriuata sint. Habuit sanè Tartenensis domus inter illustres moniales suas, etiam Adelheydem Lotharij Imp. sororem, Simonis I. Ducis Lotharingae

viduam, matrem Matthæi Lotharingæ Ducis, & fratris eius Balduini, ac sororis Agathæ Burgundiæ Comitissæ: quæ quidem Adelhays (vt testatur Matthæus Dux, eius filius ad annum 1142.) *mutatione dextere excelsi pauper rebus & spiritu, sanctæ conuersationis propositum & habitum susceperat, in Ecclesiâ & congregatione Tartensi.* Hoc quoque monasterium Tartense, quondam opibus & religione inclytum, nunc desertum est à monialibus, Diuionem transductis ex anno Christi 1623. Ità Iuliacum & Tartum, sanctimonialium dux illæ nominatissimæ domus, quas Molismensium ac Cisterciensium disciplinæ primi ætus protulerant, hodie nihil habent antiquæ religionis, præter tot sanctarum Virginum pios cineres, quos in æterni sponsi amplexus dies mundi suprema excitabit.

SECTIO QUARTA.

S. Bernardus ex patre equestris ordinis fuit, quem militiam tunc appellabant: & in eo gradu, antiquæ puræque originis.

FVIT olim militia ferè duplex; altera officij, seu ministerij, altera dignitatis & honoris. Ministerij militia, alia armata, alia urbana seu ciuilis. Armata rursus subdivisa in castrensem quæ aduersus hostem emittitur; & præsidariam, cui urbium arciumque committitur cura. Ciuilis triplex; palatina, quæ in familiâ Principis; togata seu forensis quæ in iudicijs; & litterata, quæ publicis rescriptis intenta. De quibus eruditè Carolus Loyseau lib. 1. de luribus officiorum, cap. 1. rectè admonens,

armis quoque succinctam esse militiam palatinam; sed
ferè ad pompam, non (vt quæ propriè armata dicitur) ad
rem gerendam.

Dignitatis suæ honoris militia, vix alia fuit apud
Romanos ab eius militiæ, quam officij diximus, superi-
oribus gradibus vel præfecturis; putà Tribunorum,
Primiceriorum, Senatorum, Ducenariorum, Biarchorum,
Circitorum, & aliorum officijs, de quibus Hieronymus
aduersus Iovinianum, & ceteri qui de re militari. Sed
apud gentes quæ Romanorum imperium per Europam
occuparunt, alia quædam fuit militia honoraria, quam
Galli *Cheualerie* vulgò nuncupant, quæ gradum quemdam
habet nobilitatis supra communem; planè vt Barones no-
stri, vel potiùs Equites torquati, (quos vocant *Cheualiers*
de l'Ordre) sic dicti à torque, suæ militiæ suæ equestris ordi-
nis insigni. Hanc media sæcula *κατ' ἐξοχὴν militiam*, &
qui ad eam prouecti essent, *Milites* dixere. Vnde est quòd
nobilissimos quosque viros, qui neque Comites, nec Du-
ces, nec Principes essent, passim Milites nūcupatos cernere
est in antiquis tabulis, in epitaphijs, in Necrologijs: immò
qui in Latinis scriptis Milites, eosdem ipsos in Gallicis
Cheualiers appellatos. Et hodieque in senatu Parisiensi,
vbi Senatorum omnium nomina Latine more maiorum
recitari quotannis solent, primus Præses *Militis* titulo
honestatur; cùm idem in alijs regni parliamentis dicatur
Gallicè *Cheualier*. Conferendæ huius militiæ varij apud
varias nationes fuerunt ritus, variaque insignia, quæ
meum non est hoc loco persequi. Duplex ad illam via,
genus, & res gestæ: patuit enim semper in omni benè
constitutâ republicâ, à Virtutis templo ad templum

Honoris transitus; quod vel ex Friderici II. Imp. rescripto intelligi potest (apud Petrum de Vineis lib. 6. Epistolarum, cap. 17.) quo Imperator quemdam Militem creat, de suâ Maiestate benè meritum, cuius pater Miles non fuerat, quanquam, inquit, *nostris Constitutionibus caueatur, quòd Milites fieri nequeant, qui de genere Militum non nascuntur*: intellige; nisi propriâ virtute, & rebus præclare gestis eam sibi à Principe gratiam promereâtur. Sanè sicut de consulatu dictum in Nouellâ Imp. Theodosij & Valentiniani, *tit. 46. de honoratis, & quis in gradu præferatur*, eo Augustos quoque fuisse decoratos, ita certum est, hac militiâ, etiam Comitum, ac Ducum, immò & Regum ipsorû filios ornari solitos. Itaque in Necrologio Benigniano ad VII. Kalendas Februarij, obijisse legitur *Henricus Miles, noster amicus*, non alius certè à Roberti Ducis filio, Roberti Regis nepote, patre Hugonis & Odonis Burgundiæ Ducum, necnon & Henrici Lusitanorum Regum parentis: cuius anniuersarium postridie, id est, VI. Kalendas Februarij celebrandum, eius filius Dux Odo I. in S. Sequani monasterio fundauit, certis in id officij annuis redditibus constitutis. Cur autem moriens Henricus solâ Militis appellatione ornatus est, ea fuit ratio, quia ante patrem Robertum Ducem è viuis excessit; alioqui Dux & censendus & appellandus, nisi Ducatum ab auo in nepotes transmittendum ipse patri decedens reliquisset. Sexcenta occurrunt similia illustrium, adeoque regiorum iuuenum exempla, qui & Milites creati, & dicti sunt cum id ætas & vitæ conditio tulit. Etenim Militum liberi, nobiles quidem omnes fuerunt, & militaris, siue equestris (ut nunc loquimur) ordinis; at non Milites, nisi

postquam per cingulum & gladium, alióque ritu Milites à Principe sunt effecti. Ipse Tecelinus, ex Milite post filios monachus, nullum nisi monachi titulum moriens tulit. Necrologium S. Benigni. *III. Idus Aprilis obiit Tecelinus monachus, pater Domni Bernardi Abbatis Clareuallis.* Sic & Bernardus ipse, nusquam Miles, quia ad vitam clericalem à puero destinatus; Militis tamen filius fuit, eoque cæteris Nobilibus vno saltem gradu prior.

Sed fuerunt horum Militum varij quasi ordines, si genus, seu nobilitatem ex militiâ deriuatam spectes. Quidam ex his noui homines, hoc est, primi è suâ progenie ob egregium aliquod facinus, & patriæ vel Principi nauatam operam, militiâ donati. Alij ex auorum Militum longâ serie progeniti. Hi si quatuor, aut plures maiorum suorum lineas, à paterno maternoque latere, in eo militiæ gradu stetisse approbassent, eo certè nouis Militibus, aut nouorum Militum filijs censcebantur nobiliores. Hoc nimirum fuit genus S. Bernardi, cuius pater Tecelinus à Guillelmo Abbate lib. 1. Vitæ, cap. 1. *vir antiquæ & legitime militia fuisse* asseritur. Cuius vim diâi non percepit Gallicus interpres, de Tecelino scribens, *qu'il passa beaucoup de tēps dans les charges de la guerre qu'il exerça dignemēt.* Quicquid enim sit de armatâ aut palatinâ militiâ, cui adscriptum Tecelinū nec asserimus, nec negamus, eas tamen voces ex illius sæculi vsu sic interpretamur, quòd Tecelinus nouus Miles non fuerit, aut è suâ familiâ in ordine illo primus, sed ex militaris gradus atorū longâ, perpetuâque serie ortus: quod Gallicè diceremus, *de l'ancienne cheualerie, sans tache ou mesalliance en son extraction de plusieurs lignes, ou de temps immemorial.* Atque hæc non

parum confirmarentur si pro certo haberetur, Tecelinum ortum fuisse ex nobilissimis & equestribus ordinis Dominis Castellionis ad Sequanam; ut asseruit Guillelmus Paradinus libro de antiquo statu Burgundionum, pag. 93. & 140. & lib. 2. Annalium Burgundix, pag. 189. fortasse ex Genealogiâ S. Bernardi, quæ descripta fuisse dicitur in Fontanensi abbatiâ, prope Montembarrum; in quâ Tecelinus ponitur filius Vverrici Comitis Castellionensis, frater autem Godefridi Episcopi Lingonensis, & Andreæ Militis templi: aliaque nonnulla inferuntur in S. Bernardi tum paterno tum materno stemmate, quæ maiori probatione indigerent ad fidem faciendam. Spectasse etiam potuit Paradinus Robertum de Monte in Appendice ad Sigeberti Chronicon, ubi ad annum 1115, S. Bernardum & *genere clarum*, & *Castellione castro Burgundie oriundum* facit; quæ fuit etiam assertio Vincentij Burgundi, vulgò dicti Bellouacensis, in Speculo Historiali, tom. 4. lib. 27. cap. 22. Baptiste Platinæ in vitis Pontificum, in Paschali II. Hartmanni Schedel in Chronico Chronicorum, edito Nurembergæ, 1493. fol. 198. Iacobi Philippi Bergomatis lib. 12. Supplementi Chronicarum, & Pauli Æmilij lib. 5. de gestis Francorum, in Ludouicis Crasso & Iuniore; quorum oranium dubia est assertio. Quamvis enim Castellione ad Sequanam per aliquot annos sub litterarum magistris versatus sit Bernardus adhuc puer, Fontanis tamen natum constat ex Guillelmo Abbate, & Iohanne Eremitâ in eius Vitis. Hinc tamen Paradino videtur nata occasio dicendi, Fontanas iuris fuisse ac dominij Castellionensium veterum Toparcharum; ut videlicet cum legeremus, S. Bernardum ortu & domo Fontanensem,

tanensem , eò quoque familiâ Castellionensem esse non dubitaremus. At nos infrâ de S. Bernardi Genealogiâ Fontenetenſi accuratiùs diſputabimus. Nobis nunc ſit ſatis Guillelmus Abbas , quo auctore conſtet , antiquæ & legitimæ virum militiæ fuiſſe Tecelinum.

Ad cuius etiam dignitatem illud accedit non exigui momenti, quòd in tabulis Hugonis II. burgundiæ Ducis, de cellâ Floriacenſiad Oſcaram pro S. Marcelli Cabilonenſis monaſterio datis anno Chriſti 1104. inter Proceres *Ducis familiares*, primo loco poſt Rainerium Ducis Dapiſerum cenſetur Teſcelinus idem, *agnomine Sorus*, ante Bernardum de Monteforti , Vvarnerium de Sumbernone , alioſque nobiliſſimos viros. Tabulas ipſas dabimus in Probationibus.

SECTIO QVINTA.

S. Bernardus per matrem Alayſiam de Montebarro, ex Comitibus Tornodorenſibus , immò & ex antiquis Burgundia Ducibus originem traxit.

DE S. Bernardi origine vt fidem facerent recentiores Secciónẽ primâ à nobis laudati , debuerant ex antiquioribus teſtimonium aliquod protuliſſe. Hoc nobis Deo fauente compertum eſt ex Chronico S. Petri Viui Senonenſis, & ex Iohanne Eremitâ in Vitâ S. Bernardi, quam vulgaris illius , & antiquioris quæ quinque libris conſtat, appendicem quamdam & ſupplementum eſſe voluit. Ordior à Iohanne Eremita , qui ſic ait de eius genere. *Beatiffimus igitur Bernardus , in pago Lingonenſi,*
Ecc

Fonzanis oppido patris sui , dignâ propagine oriundus fuit ; carnis quidem prosapia nobilis , sed culmine mentis nobilior. Genitor eius Tescelinus nomine ; genitrix verò Aelair , filia Bernardi Montis Barri domini , viri potentis , & magni secundum sæculi dignitatem , & ex antiquâ (sicut asserunt multi) Burgundie Ducum generositate trahens originem. Scribebat Iohannes, (Prior, ut videtur, Clareuallensis ; & ex familiâ, non ex vitæ solitariæ ratione dictus Eremita) ad Petrum Episcopum Tusculanum, & ad Herbertum ex monacho Clareuallis Turritanum in Sardinia Archiepiscopum ; annis plus minùs triginta post obitum S. Bernardi. Si iam tum multorum assertio erat, bernardi maternū genus ex antiquis burgundiæ Ducibus propagatum esse , quis hoc ipsum nunc prudenter negauerit ? Nec verò hinc sequi putamus , consanguineum fuisse Bernardum illorum burgundiæ Ducum , qui ex Roberto Rege orti sunt ; vel eorum qui nunc sunt, Hispaniæ , Galliæ , aut Lusitanie Regum. Nam illa verba (sicut asserunt multi) satis ostendunt, longiùs repetitam fuisse illam à Ducibus originem, quàm à Roberto Duce , Roberti Regis filio, qui non totis centum annis Iohannem Eremitam præcesserat : & dubium relinquit an ex Hugonis Magni genere, aut Richardi , aut Manassis , aut etiam priorum illorum quibus ex Regum munere atque arbitrio personale erat, & ad certum tempus , non autem perpetuum , ac multò minùs hereditarium officium Ducatus.

Iam originem S. Bernardi ex Comitibus Tornodorensibus, sic demonstro. Refertur in Chronico S. Petri Viui Senonensis , ad annos Christi , 715. 1065. 1113. & 1114. S. Ebbonem ex Comite Tornodorensi mona-

chum S. Petri Viui, indeque Abbatem, ac demum Senonensem Archiepiscopus sorores habuisse INGOARAM, & LEOTERIAM; quæ de suâ hereditate contulerunt monasterio S. Petri Viui, inter alia, Riçtiacum & Pauliacum villas: in quibus postmodum quartam partem BERNARDVS Miles, Montis Barri dominus, & HUMBERGA eius vxor, anno 1065. à Gerberto S. Petri Abbate receperunt. Sed & eorum filij, MILO, & RAINARDVS, censuales has villas, de manu Abbatum S. Petri Viui, post suos proauos tenuerunt; Milo quidem Pauliacum, quam Abbati Molismensi vendidit anno 1113. denariorum libris centum & quinquaginta, mox anno eodem monachus factus; Riçtiacum autem Rainardus.

Atque ex hoc Chronico Senonensi habemus primò, Milonem (quia ex anno 1113. monachus factus asseritur) non in Claraualle, vt quorundam opinio fuit, sed apud Cistercium, cum S. Bernardo, cuius erat auunculus, monasticum habitum suscepisse: vnde in Clareuallense primùm, tum in Fontenetenſe monasteria transiuit.

2. Humbergæ nomen (ex quo per *μῆμω* Humbelina) in S. Bernardi sororem ab auia maternâ deriuatum fuisse. Sic enim eam appellat auctor vitæ B. Petri Prioris Iuliacensis, cuius inter manus beatum spiritum illa efflauit.

3. Fuisse Humbergam S. Bernardi auiam maternam, aut certè eius coniugem Bernardum, ex Comitibus Tornodotensibus; vt qui in eorum alodo, nempe in Pauliaco & Riçtiaco villis partem saltem aliquam possederint: eum alioqui totas eas villas, Milo & Rainardus eorum

filij , (licèt Comitum Tornodorenſium non forent conſanguinei) de S. Petri Viui Abbatum beneficio , ſub cenſu poſſeſſiſſe potuerint.

4. Haud verè referri ex Chronico S. Petri Viui, à Petro Rouërio in Reomao, in Bernardo II. Abbate Reomaenſi XLI. pag. 183. Milonem de Montebarro, Rainardi filium fuiſſe : cùm id nuſquàm affirmetur in eo Chronico, & conſtet ex tabulis autographis Fontenetenſibus , Rainardi fratrem fuiſſe Milonem, & vtrique ſororem Alaydem quâ matre s. Bernardus genitus eſt : hos porrò omnes patre natos Bernardo, matre autem Humbergæ Montis barri dominis , partim habeatur ex Vitâ S. Bernardi, auctore Ioanne Eremitâ, partim ex Chronico S. Petri Viui ad annum 1065.

5. Montembarrum, & Montembardum promiſcûè vſurpari docet Chronicon S. Petri Viui citatis locis: eam-que toparchiam , Comitatus titulo, ſaltem per aliquod tempus præfulſiſſe ſignificat, vbi meminit litis motæ inter Comitem de Montebardo, & Clarembaudum de Capis vt mirum non ſit, iunctas tum fuiſſe affinitate , Montisbarri ac Tornodorenſem familias , cùm eodem vtraque comitiæ honore atque ordine cenſeretur. Atque hinc Ioanni Eremitæ, vel potiùs Roberto Abbati (qui S. Bernardi ſobrinus fuit) fides adſtruitur , afferentibus Alaydem de Montebarro, quâ matre hic natus eſt , de multorum ſententiâ ex antiquâ Burgundiæ Ducum generoſitate traxiſſe originem. Vnde etiam coniecturæ locus aperitur, illum Reges quoque ipſos affinitate contigiffè. Enubentibus enim priſco illo æuo regijs puellis , Regum-que fratribus natu minoribus, regis ipſæ profapia in Ducum

& Comitum familias effusa apparuerunt: adeò ut quamvis horum esset impar dignitas, tamen esset sanguis idem: quod videre est in Burgundia, Prouincia, Aquitania, Campania, alijsque ditionis Francicae seu Ducibus, seu Comitibus: qui penè omnes (ut norunt Genealogi) regijs consanguinitatibus gloriabantur.

SECTIO SEXTA.

De nobilitate Aalysie S. Bernardi matris, soluitur nodus ex eius die obitus ad Kalendas Septembres adnotato in Necrologijs Benignianis, in quibus absque ullo clari generis titulo, laica dumtaxat nuncupatur.

AALYSIÆ siue AALYDIS S. BERNARDI matris diem obitus designauit Henriquez in Menologio Cisterciensi quartam mensis Aprilis: eo nimirum argumento, quòd eam legisset excessisse è viuis ipsà S. Ambrosij festà die. Sanè quamvis Ambrosium Mediolanensem Romana Ecclesia præcipuè colat VII. Idus Decembris, quæ dies est ordinationis eius: illum tamen (ex Paulino in eius Vitâ, & alijs) obiisse constat Casario & Attico Consulibus, Christi secundum æram vulgarem anno 397. Sabbato sancto, quæ tum dies incidebat in quartam Aprilis: quam diem aliæ Ecclesiæ quamplurimæ Ambrosio festam agunt. Iohannes Eremita, relatu Roberti Abbatis, qui s. Bernardi consobrinus fuit, Aalydem refert obiisse festo die S. Ambrosij, cuius cultui impensè dedita erat. Guillelmus Flamengus, olim Canonicus Lingonensis, in Vitâ s. Bernardi septem libris Gallicè à se cons-

criptâ, Ambrosium hîc accipit *Doctorem*, adeoque Mediolanensem Episcopum. Flamengum Gundisaluus de Siluâ Lusitanicè reddidit. Hinc latè propagata opinio de obitu Aalyſiæ in S. Ambrosij Mediolanensis Episcopi, & Ecclesiæ Doctoris festum diem concurrente. At Sanctum hunc Ambrosium nusquam Iohannes Eremita vel Doctorem dicit, vel Mediolanensem. Alius fuit Ambrosius (frequentius *Ambrosinianus* appellatus) vici & castri Fontanarum Patronus, quem sollemnibus officijs à loci dominâ quotannis coli solitum longè est verisimilius, Huius Ambrosiniani natale etiamnum agitur, & post omnem memoriam actum est in parochiâ Fontanensi Kalendis Septembris; quod probant S. Stephani Diuionensis quingentis amplius abhinc annis confectæ tabulæ.

Nunc vide quid habeant Necrologia vetera benigniorum, apud quos matronæ sanctissimæ corpus sepulturæ traditum est. *Kalendis Septembris obiit Alaysa laica.* In altero exemplari legitur *Alaysa*. Ac ne dubites s. Bernardi matrem ipsam his designari verbis, scito, in ijsdem obituum libris multas adscriptas esse sanctimoniales: ex feminis laicis Cunigundem Imperatricem V. Nonas Martij; aliquot præterea Reginas, Ducissas, Comitissas: cæteras, quamlibet genere illustres, aut Militum (sine equestris ordinis virorum) vxores, *laicas* tantum nuncupari, & nihil suprà. Modestia hæc fuit præsci illius æui, & mos receptissimus. Vt nihil mireris, s. Bernardi matri nobilissimæ, & Tecelini Militis coniugi, solam hanc *laice* appellationem adscribi: ac iam ne dubites, diem primam mensis Septembris, Alaydi, siue Alaisæ

fuisse supremam. Quod & maximè ex eo confirmatur, quia cùm tam illustris matrona ad s. Benignum sepulta, in benigniano Necrologio non potuerit prætermitti: nullam tamen huius nominis feminam, vel quartâ Aprilis, vel Decembris septimâ, aut aliâ quavis die in duobus eius monasterij Necrologijs adnotatam reperire est, quæ non aut Ducissæ, aut sanctimonialis appellatione, aliouè caractere à s. bernardi genitrice distinguatur. Quis porò fuerit Sanctus ille Ambrosinianus, aut vbi terrarum vixerit, non ausim affirmare. Suspecta enim est mihi eius Vita, quam exhibet codex Fontanensis, vix ante octoginta annos conscriptus: in quo natus legitur in vrbe Sarmaticâ Iberiæ Asiaticæ, Episcopus Sarlatensis post Nicephorum, & denique multarum palmarum nobilis Martyr. Sarlatensem quidem episcopatum in prouinciâ burdegalensi institutum lego à Iohanne Papâ XXII. ex anno Christi 1317. Sarlatensem aliam sedem episcopalem in orbe Christiano non reperio, sicut neque urbem nomine Sarmaticam. Tantùm obseruo (vt iam monui) coli Fontanis Sanctum Ambrosinianum Kalendis Septembris, vt proprium loci Patronum; quamuis Fontanensis parochia sub S. Martini, vtpote antiquioris Patroni appellatione, inscripta legatur catalogis Ecclesiarum diœcesis Lingonensis: nimirum ab ædiculâ S. Martino dedicatâ, quæ adhuc superest sub colle Fontanensi, & castri seu vici totius ecclesia matrix olim fuisse dicitur. Ad hæc *S. Ambrosiniani* quasdam reliquias inclusas fuisse in altari, quod in cryptâ S. Stephani Diuionensis, Idibus Septembris, anno à Christi Incarnatione 1171. à Guichardo Lugdunensi Archiepiscopo consecratum est.

SECTIO SEPTIMA.

Confirmatur S. Bernardi genus illustre, ex eius familia varijs affinitatibus.

IONISVILLÆ Dominorum veterum quàm illustis fuerit familia, notius est quàm vt probatione indigeat. Omnium instar testium sit Iohannes Ioniwillæus, in Vitâ S. Ludouici Regis Comitem burgundiæ auunculum suum appellans. Is erat Iohannes ex Comite Cabilonensi Comes burgundiæ, & Dominus Salinensis, filius Stephani Burgundiæ Comititis, frater autem beatrix quâ Ioniwillæus matre natus erat. Persequens autem Albericus Trium fontium monachus Ioniwillensium Toparcharum affinitates cum Comitibus Iouiniacensibus, cum Dominis Vangionis riui, Asperimontis, Grandis prati, & alijs; ex eâ gente fuisse affirmat Hescelinam, vxorem Guidonis de Acromonte, qui Thesselini Fontanarum Domini frater vterinus fuit. Sic enim ait ad annum Christi 1109. Ipse Gaufridus prædictus, Ioneville Domini fratrē habuit Holdoinum nomine, qui in iuuentute mortuus tres paruulos reliquit; Galthereum videlicet, & Vricherum, qui sine liberis mortui sunt; & Hescelinam Dominam de Mulleio, quam quidam nobilis de Acromonte duxit, Guido nomine, Fulconis filius, de Sarcellis; & genuit Vverricum, patrem Galtheri de Mulleio. Iste Guido de Acromonte, fuit ex parte matris frater Thesselini Sori de Fontanis, qui fuit pater Beati Bernardi Clarenallensis Abbatis. Et habuerunt alios fratres, Holdoinum qui fuit auus Albrici de Esmancijs, & Haynorem de

Colombeo, patrem Abeleni. Item Guido fuit ex aliâ parte frater Ulrici, sub quo fundata est abbatia Morimundi. Non potuit nobilissimas tot familias Tecelinus aut consanguinitate aut affinitate attingere, si non & ipse fuit perquam nobilis. Qui porrò hic Sorus Alberico, idem Tecelinus Saurus in diplomate Hugonis II. burgundiæ Ducis ad annuñi Christi 1106. De halece Iulius Cæsar Scaliger, Exercitatione CXXVI. 2. Salinus, inquit, & fumo castigatus, à colore Soret vocatur in Galliâ, vocabulo Gothico: qui etiam in equino pilo mansit apud Italos: subruffum enim Sorum vocant. Ergo Tecelinus Sorus seu Saurus dictus; hoc est, subrufus, atque ut opinior, capillis barbâque ex aureo igneoque splendentibus. Nam & de s. bernardo Tecelini filio Gaufridus in eius Vitâ, lib. 3. cap. 1. Cæsaries ex flauo colorabatur, & candido: barba subrufa, circa finem vite eius respersa canis. Vide Ioannis Nicotij Thesaurum linguæ Francicæ, verbo Saure, & Saurir: & Menagium in Originibus, verbo Soret. Teutones subrufum Surich dicunt: vnde mihi coniectura, vocem hanc esse ex vnâ illâ è tribus veterum Gallorum linguis, quam eandem esse cum Teutonicâ alio in opere probauimus. Nunc ad eius posterum progrediamur.

Humbelinæ Tecelini filix, bernardi autem sororis legimus coningium, prolem nullam nouimus; haud sanè silentio transmittendam historico, cum de eius matronæ sæculari molliitie, post fratrum Clareuallensem increpationem penè in rigorem anachoreticum mutatâ, deque editâ ex mariti consensu apud Iulleium monasticâ professione loqueretur. Erant autem Guidoni Tecelini primogenito (vt ex Guillelmo Abbate retulimus) tenerâ

adhuc ætate filix cum ille in Cistercium se recepit: & quidem (vt ferunt) non plures duabus; quarum saltem in alteram paternas, auitasque opes deriuatas esse oportuit; alterâ fortasse matrem in monasterium consecutâ. Sanè ex his Guidonis filiabus vnâ, Abbatissam fuisse Monialium de Polengeio, Ordinis s. Benedicti, & Lingonensis diœcesis, intelligimus ex Chronico Clareuallensi hic à nobis edito, ad annum Christi 1183; & quando abbatia Burlencuriæ, quæ prius fuerat Benedictinarum, Cisterciensem Ordinem recepit, migrasse è Burlencuriâ in Polengeium de s. Bernardi licentiâ, Accelinam sanctissimam virginem, vnâ cum matre quæ beati Bernardi & Godefridi Lingonensis Episcopi consanguinea erat, *de villâ iuxta Firmitatem super Albam procreata*: filia fortasse Holdoini vel Haynonis, fratrum ex matre Tecelini Sori. At eiusdem Guidonis aliam quamdam filiam, Fontanensis toparchiæ heredem, nupsisse opinamur Bartholomæo de Sombernione, quem constat fuisse quoque dominum de Fontanis; nempe ex coniugis dote. Atque hinc s. Bernardi paternum genus varias in familias ad hanc vsque diem propagatum est. Nam quæ generis eiusdem in Tabulâ Fontenetenensi, ex Andréâ Tecelini fratre ad Comitum Tornodorensem, & Burgundiæ Ducum familias deriuata describitur posteritas, certis historiæ monumentis haud satîs consentiens reperitur.

Illi inquam, non quidem patris Guidonis iam tum monachi, sed aui Tecelini ex asse heredi, adeoque Fontanensi Dominæ, maritus fuit Bartholomæus de Sombernione; exinde per eius dotem Dominus de Fōtanis; cuius exstant

per hoc tempus monumenta in tabulis Tartensibus, Pratilongi, & S. Stephani Diuionensis. Sombernionensium perquam illustres erat familia: ut quæ in affinem sibi Ducum Burgundiæ gentem hereditate deueniret: non quidem per Guillelmum de Monteacuto, Hugonis III. Burgundiæ Ducis pronepotem (ut visum est Andreæ Duchesnio tom. 2. Burgundiæ) sed per Alexandrum Guillelmi filium, Hugonis eiusdem Ducis abnepotem, qui primus fuit à Ducum regio sanguine Sombernionensis Toparcha.

Duxerat videlicet Guillelmus pater eius *Iacquetam* Heruerij Sombernionensis Domini filiam, cum dote feudi *de Maalein*. Erat autem Herueio Sombernionensis (Galterij filio, Guidonis nepoti, Garnerij pronepoti) vxor *Maingerdis*, quæ & *Blancha*: ex quâ præter Iacquetam, etiam Ioannem filium susceperat. Moriens Herueius anno Christi 1239. Iacquetâ filiâ iam nuptui traditâ Guillelmo de Monteacuto, cum dote dominij *de Maalein*, Iohannem filium Toparchiæ Sombernionensis reliquit heredem sub curâ tutelâque Blanchæ matris. At Iohanne aliquot post annos extincto, cum tota hereditas Iacquetam spectaret: titulus tamen Dominiæ Sombernionensis cum administratione vniuersâ penes Blancham viduam restitit in omne eius vitæ tempus. Moritur interim Iacqueta mense Octobri anni 1259. (non alio quàm Dominiæ *de Malain* titulo ornata in Necrologio Buxeriæ) nec multò post illam Guillelmus eius maritus. Horum filius & heres Alexander de Monteacuto, solum præfert titulû Domini *de Maalein*, etiam anno 1265. immò vsque ad obitum Maingerdis seu Blanchæ auix maternæ: quâ demum è viuis excedente

ad annum 1272. tum primum ille Dominus Sombernionis & dici & esse cœpit, *tanquam heres dictæ Maingerdis propinquior ab intestato*, ut ipse merito loquitur. Constant ista maximè ex tabulis Buxeriæ, & Prioratus de Bonuau, quatuor ferè passuum millibus diffiti à Diuione, ibi passim designati sub nomine *Ecclesiæ Beatæ Mariæ de Valle Scholarium, iuxta Talant*. Atque ex his apparet, neque Guilelmum de Montecuto, neque Iacquetam eius coniugem Sombernione vmquam potitos; sed Alexandrum eorum filium dumtaxat, utroque parente amisso, eam denique adiisse hereditatem per obitum auix maternæ Maingerdis, seu Blanchæ, non ante annum Christi 1272. Atque hæc de Minorum Sombernionensium primariâ lineâ.

Aliò porrò deflexa est linea Sombernionensium, Minorum de Fontanis. Bartholomæo qui eam duxit, ex filiâ Guidonis Fontanensis Domini, fuerunt filij duo; Kalo, & qui de proau matris nomine appellatus est Theselinus. De Kalone sic Necrologium Benignianum. *XIII. Kalendas Septembris obiit Calo Dominus de Fontanis, noster amicus, qui dedit nobis partem suam de Magnomonte*. Kalonis (opinor) filius aut nepos fuit Garnerius Dominus de Fontanis, cuius plurima existât in Ecclesiis beneficia, usque ad annum Christi 1230. quem haud multum videtur prætergressus; cum ad annum 1234. legatur in quibusdam tabulis Pratiloni, *bonæ memoriæ Dominus Garnerius de Fontanis, Miles*; & iam ei successisse videatur anno 1232. Kalo Miles, filius Domini Vvillelmi de Salicibus, *de Sauz*; cuius existat epitaphium in suprâ memorato Prioratu de Bonuau, in quo appellatur Dominus Kalo de Sauz;

Miles, Dominus de Fontanis : & obiisse notatur pridie Kalendas Nouembris, anno Domini M. CC. LXX. Successisse autem videtur Kalo *de Sauz* auunculo Garnerio, Domino de Fontanis, improli, ipse filius sororis eius, Vvillelmo *de Sauz* matrimonio iunctæ. Kalonis *de Sauz* posteritas in familias transijt Toparcharum de Saffrà, de Sagneyo, de Clerone. Sed & memorantur Beato Bernardo vel consanguineæ, vel saltem affines familiæ de Noerij, de Granceyo, de Charneyo, aliæque in Burgundiâ nominatissimæ, & Baroniarum, aut Comitatum, aut Marchionatum titulis insignes; quarum pertexere accuratas genealogias mei non est instituti. Satîs ista sunt, vt intelligatur, Bernardum qui *honesto* dumtaxat loco natus dictus est, verissimè affirmari posse, non modò nobili ortum genere, sed etiam illustri.

F I N I S.

PROBATIONES
ET
ILLVSTRATIONES
EORVM QVÆ IN DIATRIBA DE
illustri genere S. BERNARDI Abbatis
Clareuallensis asseruntur vel
proponuntur.

1. *Ex Chronico S. Petri Viui Senonensis ad Annum
DCCXV.*



QUIT Dagobertus Rex iunior XIV. Kalendas Februarij, qui regnavit in Franciâ annis quinque &c. Temporibus istius Dagoberti, refulsit Sanctus EBBO Archiepiscopus (*Senonensis*) miraculis & nobilitate clarus. Fuit autem ex castro Tornodorenfi natus, & eiusdem pagi Comes & dominus: à parentibus tamen diuinâ providente clementiâ litteris ad imbuendum traditus; quibus, dante Deo, sodales omnes quos in scholis habebat superavit, & sapientiâ & eloquentiâ præcessit. Vbi autem parentibus orbatu est, ad regimen castri & pagi, quod sibi hereditario iure competebat adclamatus, latenter fugit, & in monasterio Sancti Petri Viui sub Abbatis imperio Deo militavit. In processu verò temporum mortuo ipsius loci Abbate, Abbas factus est. Postea autem obeunte GERICO Archiepiscopo,

auunculo suo , totius cleri & populi adclamatione , & consensu Regis, in pontificali Sede Sanctæ Mariæ, Sanctique Stephani Protomartyris locatus , claruit signis & virtutibus.

Ibidem post paucos versus. In illis diebus domna INGO-ARA Deo sacrata, soror s. Ebbonis , fecit testamentum de hereditate suâ beato Petro , quæ cumiacet in pago Tornodorenſi , domno Chrodolino tunc Abbate. Deſuncto autem Chrodolino, ſucceſſit ei Viraibodus ; cuius in tempore alia ſoror B. Ebbonis LEOTERIA , & Mummia ſimiliter Deo ſacrata, dederunt cunctam hereditatem ſuam beato Petro, viuente adhuc & confirmante beato Ebbone fratre ſuo. Iacent iſtæ duæ ſorores in cœnobio beati Petri, in oratorio Sanctæ Marię : vbi & ipſe ſanctus Abbo conſepultus, innumerabilibus poſt mortem claruit virtutibus.

Ad annum 1065.

Anno M. LXV. BERNARDVS Miles , & dominus caſtri Barrimontis, in Capitulo ſancti Petri Viui, & vxor eius HVMBERGA , competierunt & receperunt ab Abbate Gerberto , & à monachis eiufdem loci, quartam * de villâ quæ dicitur Riſtiacus, & de Eccleſiâ eiufdem * partem, villæ : ſimiliter & de villâ quæ Pauliacus vocatur.

Ad annum 1074.

Anno M. LXXIV. fundatum eſt Molifmenſe cœnobium.

Ad annum 1113.

Anno M. C. XIII. emit Abbas Molifmenſis villam quæ vocatur Pauliacus, de MILONE filio Bernardi de Monte Barro, dans centum quinquaginta libras denariorum. Quæ villa, cum appendicijs ſuis, eſt de donationibus

quas dederunt abbatiæ sancti Petri Viui Senonensis; INGOARA, & LEOTHERIA (sicut & Riëtia-cum); quæ ambæ fuerunt sorores Sancti Ebbonis. Dederunt etiam in pago Tornodorense, villam quæ vocatur FONTANAS, cum omnibus appendicijs, & adiacentijs: & in pago Lallinse Bagnolum, & suprâ memoratum Pauliacum, in cuius parochiâ sita est Molismensis abbatiæ. Audiens autem Abbas S. Petri Viui Arnaldus hanc emptionem, quam fecerat suprâdictus Abbas de Pauliaco villâ, quæ est alodus S. Petri Viui, adiit eum cum duobus monachis suis, Helduino scilicet Priore, & Girardo Cellerario, & calumniam fecit. Vnde respondit ei Abbas suprâdictus se locuturum cum Milone qui venderat, iam monacho (*hoc scilicet anno 1113. inter S. Bernardi socios Cistercium ingressio*) & cum alijs quorum consilio uti debebat: & responsurum se usque ad Rogationes quæ primæ futuræ erant. Factum est autem hoc in fine istius anni de quo agitur, VII. scilicet Idus Martij.

Pergit enarrare ad annum 1114. non conuenisse ad diem dictam Molismenses: ac Iosceranno Episcopo Lingonensi (cûm fortè Senonas aduenisset) questum esse Arnaldum Abbatem, tum de Abbate Molismensi, tum etiam de Rainardo de Monte Barro, qui censum de Riëtiano, simul & de Pauliaco (vnde res agebatur) plusquam per octo annos abstulerat. Sed varijs Molismensium tergiversationibus longius protractâ lite, tandem anno 1116. Ioscerannum Episcopum, in Synodo suâ autumnali disceptatâ causâ, eas villas & Abbati Molismensi, & Rainardo Montis Barri domino abiudicatas, Bernardo Abbati S. Iohannis de Prato (nempe Reomaensi) addixisse. Tunc autem exposulasse Rainardum de Monte Barro, & exclamasse, Ecclesiam Retiacensem se & antecessores suos plus centum annis censualem de manu Abbatum Sancti Petri Viui tenuisse: & eam vicepiscopali ab eo extortam

extortam, Abbatem monasterij S. Iohannis occupasse, Abbate Arnaldo monasterij S. Petri Viui hoc ignorante. *Reclamationes consequenter describit Arnaldi Abbatis, primum coram Episcopo Lingonensi, & Duce Burgundiæ, aliisque Proceribus, in conventu habito apud Castrilociū pro Comite de Montebardo, & Clarembaudo de Capis: deinde apud Senonas, coram Conone Episcopo Prænestino, Legato Apostolica Sedis: & denique coram Calixto Papâ II. usque ad annum 1120: nec aliud in eâ causâ decretum fuisse insinuat, deficiente & senio & viribus, ac anno demum 1124. abdicante Arnaldo Abbate.*

2. Tescelinus Sorus. Vvarnerius de Sumbernone,

1104.

Descripsit olim Petrus Naturalis ex tabulis Sancti Marcelli Cabilonensis.

NOTVM sit omnibus tam præsentibus quàm futuris, quòd HUGO Dux Burgundiæ, Odonis filius, calumniam faciebat de seruitute super quibusdam hominibus in obedientiâ Sancti Marcelli, quæ vocatur *Floriacus*. Vnde Prior Sancti Marcelli sæpius ipsi Duci, & prudentibus viris eius querimoniam fecit: donec temporum successione ad dñum Hugonem venerabilem Lugdunensem Archiepiscopum, * nomine similiter Hugonis nepotis ventum est: qui & ipse Prior prædicti loci, de eadem calumniâ sæpius conquestus est. Post multas querimonias contigit eundem Priorem, Hugonem videlicet, ad prædictam villam venisse, causâ placitandi cum quodam Milite, & in eadem villâ per quam transitus erat, Duci hospitium præbuisse. Vbi per prudentes viros, videlicet Iocerannum Cantorem Cabilonensis

Ggg

Ecclesiæ, RAINERIVM Ducis Dapiferum, TESCELINVM agnomine SORVM, Bernardum *de Monteforti*, & VVARNERIVM *de Sumbornone*, atque Milonē *de Frolles*, & Achar-dum *de Castellione*, & cæteros Ducis familiares, ipse Prior accessit ad Ducem, rogans eum vt calumniam prædictam derelinqueret, vt pater suus & ipsemet peccatorum suorum remissionē à Deo suscipere mereretur. Consilio ergo prædictorum suorum familiarium Dux ipse persuasus, & diuino terrore perterritus, recognoscēdo peccatum patris sui & suum, dixit se facturum quod Prior expetebat: tali tamen tenore, vt & in hoc sæculo aliquod terrenum munus acciperet, & in futurum pater eius & ipse æternam mercedem adquirerent. Dedit ergo ei Prior palefredum vnum, & ducentos solidos Diuionensis monetæ. Et insuper (quod ipse valdè desiderabat, & pro quo potius hoc placitum fecit) anniuersarium patris eius constitutū est fieri semper & in antea apud Ecclesiam Sancti Marcelli, à Priore & à cæteris fratribus qui ibi manserint: & pauperē vnum pro vtroque (patre scilicet & filio), & in supradictâ obedientiâ (videlicet Floriaco) omni tempore pasci. Hoc placito hinc inde concesso & firmato, accessit ipse Dux ad ecclesiam de Floriaco, tempore *Paschalis* Papæ, quartâ feriâ paschalis hebdomadæ: & videntibus & comprobantibus prænominatis viris, & alijs multis, stans ante altare, dimisit, & dereliquit, & dedit siquid iustè in dictâ calūniâ habebat: nec ampliùs quidquam quæreret super illos viros & mulieres, qui illo tempore viuebant, quorum nomina sunt hæc; Odilo, Vvarembertus, frater eius Stephanus, Gaußbertus, & cæteri ibidem denominati, cum vxoribus & sororibus eorundem, & totâ progenie

quæ procreata erat, & deinceps procrearetur ab illis. In eodem quoque placito Dux ipse præcepit Præposito suo, & tunc, & semper, ne in Floriaco teneret placitum ipse qui tunc erat Præpositus, nec aliquis successor eius. Scilicet si contingeret quòd aliquis de potestate Floriacensi, aliquam iniuriam hominibus Ducis vel homini faceret, Præpositus Ducis primùm ante Priorem veniret, ut ibi iniuria emendaretur, si fieri posset: sin autem, antequàm aliquod malum inde pro vindictâ fieret, ante Ducem causa tractaretur, vel ante illum cui Dux commendaret. Quòd si ille de quo Dux præcepisset, rem non diffiniret, iterum ea actio ante Ducem rediret. Præcepit etiam, & interdixit ne quis venatorum suorum, vel Bernarij sui, nec aliquis seruiens eius, in Floriaco quæstum nec violentiam faceret: nec Prior eiusdem loci, volentibus facere permetteret, nec aliquis rusticus eis daret. Et ut certum & ratum hoc placitum semper teneretur, sub testimonio Dei & Sanctorum, quorum ante altare stabat, videntibus cunctis qui aderant, genu flexo donec finiretur *Miserere mei Deus* in absolutionem peccatorum suorum & patris eius, susceptum librum posuit super altare, cum osculo pacis & veritatis. Confirmavit autem hanc chartam Hugo ipse, Dux Burgundiæ, fratre suo Henrico idem comprobante. Ita videlicet quòd in camerâ Diuionensis Abbatis, nomine Iarentonis posuit eam in manu venerabilis Archiepiscopi Lugdunensis suprâ nominati: laudantibus & consentientibus, Hugone Ducis Dapifero, Vvidone & Rainaldo de Grancei, Vualtero Conestabulo, & pluribus alijs: in præsentia Reuerendorum Episcoporum, Roberti Lingonensis. Berardi Matiscensis, & Hugonis Autissiodo-

rensis Abbatis:& in præsentia Hugonis Trecentis Comitiss,
& multorum Canonicorum Lugdunensium , Anno ab
incarnatione Domini millesimo centesimo quarto, Indi-
ctione XII. concurrente cum Bissextis, & Epactâ XXII.

3. Tecelinus Saurus , 1106.

Ex autographo S. Benigni Diuionensis.

ANNO Dominicæ incarnationis M.C. VI. quarto-
decimo Kalendas Martij , quo anno & die dominus
venerabilis Papa PASCHALIS Diuionensem consecrauit
ecclesiam, adhaerentibus & obsequentibus sibi *Richardo*
Albanense Episcopo, *Aldone* Placentino, *Leodegario* Viua-
riense, Domno *Roberto* Lingonensi, *Norgaudo* Eduensi,
post repositionem sanctarum reliquiarum in altari , Ego
HYGO Dux ammonitus à Dōno Papâ, promisi in sacratâ
manu eius , quod Diuionensem Ecclesiam in eâdem
quiete & libertate dimitterem , quâ dimiserat patruus
meus bonæ memoriæ HYGO *Dux & Monachus*. Dimisi
etiam & finiui quasdam exactiones & iniustitias quas
Officiales mei faciebant ; concedens vt omnes domus
monachorum dominicæ, ab omni inquietudine & iustitiâ
meâ, meorumque amodò essent liberæ. In burgo etiam
qui claustrum dicitur, concessi , vt si latrocinium factum
fuisset & clamor ad monachos & ministeriales eorum
deueniret, ipsi iustitiam planam facerent ; quod intelli-
mus LX. solidorum. Portagium quoque Diuionensis
portæ, quod pater meus de vino proprio Monachorum
Diuionensium vbi vbi consistentium donauerat, laudavi

& confirmaui, & portagium Belnensis castri de meo superaddidi. Quod ipse pro patre meo feceram de Plumba ijs, confirmaui: & idem feci de villare, hoc retento, quòd in anno duabus vicibus apud villare hospitarer. Hoc donum laude Magnatorum meorum factum, in manu domni Papæ posui, & frater meus HENRICVS laudauit. Testes, SAVARICVS *Verziacensis*, Valo Abbas de Latonâ, Rainerius Dapifer, Iosbertus vicecomes, Hugo de Granciaco, Hugo de Poliaco, TECELINVS *Saurus*, Hagono de Roccâ, Vualterius de Tilio, Vuidricus, Hugo frater eius, Aymo de Castro, Vuilleimus de Tylecastro, Benzo, Milo de Frollesio.

4. Henrici filij Roberti Burgundiæ Ducis Anniuersarium
VI. Kalendas Februarij.

*Ex tabulis Odonis I. Burgundie Ducis, quibus dat Gregoriæ Abbati
& monasterio S. Sequani quatuor farinarios, pro celebrandis
anniuersarijs aui sui Roberti, Henrici patrui sui, & fratris sui
Hugonis, 3. Idus Aprilis, 1093. Indictione I. Concurrente V.
Epactâ XX.*

HOC totum concedo, vt Anniuersarius agatur Ducis
ROBERTI, qui celebratur XII. Kalendas Aprilis:
& patris mei HENRICI, qui celebratur VI. Kalendas
Februarij: & fratris mei Hugonis, cuius fuit obitus III.
Kalendas Septembris.

5. Monumentum Clareuallense matris S. Bernardi.

Ex Chrysostomo Henriquez in Fasciculo Sanctorum Ordinis Cisterciensis, lib. 2. Distinctione 41. Cap. 4.

Item etiam ibidem iacet piæ recordationis nobilis Domina, & Deo deuotissima Aleydis, mater Doctoris egregij & Patris nostri B. Bernardi, primi Claræuallis Abbatis: quæ primò apud Diuionem sepulturæ tradita fuit in monasterio B. Benigni; postea verò, Domino volente & nobiscum piè agente, ad humilitatis nostræ excitandæ & ampliandæ deuotionem, translata est vsque Claramuallem, & coram altari Sancti Saluatoris collocata, anno Domini millesimo ducentesimo quinquagesimo, XIV. Kalendas Aprilis.

6. *Ex Menologio Cisterciensi Chrysostomi Henriquez, Pridie Nonas Aprilis.*

IN Galliâ Beata Aleydis, mater sanctissimi Patris nostri Bernardi, quæ in sæculo non sæculariter viuens, filios quos Christo genuerat instruxit pijsimè: & multis virtutibus ac sanctis operibus gloriosa, die & horâ à se prædictis, inter psallendum feliciter quieuit in Domino.

7. Chapitre IV. du premier Liure de la Vie de S. Bernard, composée en sept Liures par Guillaume Flameng, demeurant à Clercuaux, & iadis Chanoine de Lengres. Imprimée à Troyes par Iehan Lecoq, pour Mace Panthoul Libraire. Sans date.

De la saincte vie & trespas de la Mere Sain& Bernard.

A PRES certain temps, ainsi comme Sain& Bernard croissoit en aage & en grace enuers Dieu, & enuers toutes gens, & il vint d'enfance en adolescence (c'est en l'âge environ de XII. ou de XIV. ans) sa mere (AALET du Chasteau de Montbar) apres ce que elle eut bien & sain&ement nourry ses enfans, desia entrans au siecle; ainsi comme se elle eust tout parfaict & accomply ce que à elle appartenoit de faire, elle laissa ce monde, & s'en alla en la compagnie de nostre Seigneur. De laquelle ne faut mie taire, que apres ce qu'elle eut vescu long-temps avec son mary, iusement & honestement selon la foy & la loy de mariage; par plusieurs ans auant que elle trespasast, autant qu'estoit possible & licite à fême mise & étant sous la puissance & auctorité de son mary, & qui n'a pas la puissance de son propre corps, elle voulut mener & ensuivre la vie que elle auoit aprie à ses enfans, & de fait la mena. Car nonobstant qu'elle fust en sa maison, selon l'ordre & profession de mariage, & entre gens du siecle; si menoit elle vie de hermite & de religion: en mengeant peu & non mie viandes delicieuses: en vilité & humilité de vesture & de ses habits: en fuyant les delices, pompes, & vanitez du monde: en se soustrayant & esloignant en tant qu'elle pouoit des fais & des au-

ures & curançons du monde: en perseuerant en ieunes, en vigiles, & en oraisons: & ce que moins elle auoit, à cause de nō auoir fait profession, elle rachatoit & recompensoit en faisant aulmoynes, & autres œuures de misericorde, de toute sa puissance. Et ainsi mena ceste sainte vie, en prouffitant de iour en iours iusques au iour de sa mort. Et entre ses autres nobles & excellentes vertus, la deuote Dame auoit coustume de circuir & aller par les maisons, en querant songneusement les pures, & les malades: & leur donnoit de son propre ce que leur estoit necessaire. Elle auoit aussi tresgrant curançon & compassion des pures debiles & nonpuißans. Et ne vouloit point auoir d'ayde de seruiteurs ne de seruante, pour faire ou en faisant ces choses eys mais par soy mesme sans autre, les vouloit faire: & alloit elle mesmes à leurs maisons & pures habitations, & à chascun d'eulx donnoit ce dont ils auoient besoing. Par les hospitaulx aussi des eglises, tres deuotement elle visitoit, & charitablement seruoit les malades: en escurant leurs pots, en nettoyant leurs escuelles, en lauant leurs hanaps & leurs verres, & en leur ministrant la viande, & en faisant tr s'emblement toutes autres choses serviles, que seruiteurs & seruantes ont coustume de faire en seruant leurs maistres ou maistresses. Elle auoit aussi ceste coustume loüable & digne de memoire, que tous les ans au iour de la feste Saint Ambroise, elle faisoit assembler & venir vers elle à Fontaines tous les clerics qu'elle pouuoit trouuer: & en iceluy iour, en l'honneur de Dieu, & de la glorieuse Vierge Marie, du saint Docteur, & de tous les Saints, elle leur donnoit leur refectiō de vin & de viandes, solennellement. Finalement nostre Seigneur la voulant remunerer de l'honneur que tous les ans (comme dit est) elle faisoit au glorieux saint Docteur, luy reuela par quelque espace de temps deuant la feste
du

du Sainct, que en ce mesme iour de ladicte feste, qui approuchoit, elle trespaseroit. En quoy appert que elle fut participans de l'esperit de prophetie. La bonne Dame doncques ainsi certaine de son trespas, dist & declaira à son mary, & à ses enfans, et à toute sa famillo ce que luy auoit esté reuelé : dont il furent tous moult esmerueillez : et premierement ne vouloient croire que ainsi deust aduenir comme elle disoit : mais ils en furent entores plus esmerueillez, apres ce que ainsi fut accomply comme elle leur auoit dit. Car bien tost apres vint la vigille de ladicte feste : en laquelle vigille fut la Dame prinse d'une fièvre. Tellement que le propre iour de la feste, apres que la messe fut celebrée, elle requist et demanda tresdeuotement que le corps de nostre Seigneur luy fust apporté : et ainsi fust fait. En apres quand elle eut receu le Sacrement de S^{te} Vnction, & puis le precieux corps de nostre Seigneur, elle fist conuoquer et appeller tous les clercs. pour prendre leur refectiō ainsi qu'estoit de coustume. Et quant ils furent assis à la table, elle appella son premier fils Guy, et luy ordonna bien expresment, que tantost apres la refectiō finie, sans faillir il fist venir tous les clercs deuant elle. Lequel Guy tresbenignement obeissant à sa benigne et douce mere, incontinent apres ladicte refectiō appella les clercs tous ensemble, et fit ainsi que sa mere luy auoit ordonné. Et quant lesdits clers furent tous venus en sa presence, la tresdeuote seruante de Dieu, soy esioyssant en esperit, leur dist que l'heure de son trespas approuchoit, & se recommanda humblement à leurs prieres. Adoncques tous ensemble commencerent deuotement à prier Dieu pour elle, en disant pseumes & oraisons. Avec lesquels elle semblablement les disoit, & prioit Dieu moult deuotement tant que la parolle luy dura. Et quant plus ne peut parler, tellement que plus on ne pouoit ouyr sa voix,

Hhh

encores incessamment iusques au dernier soupir que elle rendit l'ame, mouuoit elle les leures & la langue, en loüant & priant nostre Seigneur, & en luy recommandant son ame. Finablement ainsi que les clers disoient la letanie, quant elle ouyt dire: Per passionem & Crucem tuam libera eam Domine; elle leua sa main dextre en soy signant du signe de la Croix: & en ce faisant elle rendit l'esprit à Dieu: tellement qu'elle ne peut remettre en bas sa main que elle auoit leuée; mais demeura en hault ainsi comme elle estoit, dont tous ceulx qui estoient presens s'en esmerueillèrent moult. Et fut la sainte Dame moult plorée; especialement des poures, des veufues, & des orphenins, de tous lesquels elle estoit mere & singuliere nourrice. Tantost par tout à l'entour fut sceu & publié son trespass. Et incontinent sans dilation vint à Fontaines le venerable Abbé de Saint Benigne de Dijon, nommé Gerannus: lequel requist & demanda moult affectueusement auoir le saint corps, en le reputant estre vn glorieux tresor. Et quant ce bon Abbé, tant pour la reuerence & honneur de sa personne, comme par le moien & la beniuolence des enfans de la bonne Dame, eut impetré ce qu'il demandoit: luy & ceulx qu'il auoit amenez avec luy, par affection de pitié plorans, receurent le saint corps comme vn tresor precieux, & reueremment sur leurs espaulles l'aportèrent iusques à Dijon. Et adonc vey tout le peuple de Dijon, qui s'estoit party pour aller audeuant d'eulx, avec les Croix & cierges, en grant ioye & veneration, vint au deuant: & ainsi fut ledit corps honorablement conduit, & acompaigné de tout le peuple iusques à l'eglise de Saint Benigne: en laquelle eglise fut la noble & sainte Dame ensepuelie en grant reuerence. Et depuis ledit venerable Abbé fit faire sur la sepulture de la dicté Dame six belles ymages, en memoire de ses six fils, les-

quelles y demurerent long temps: & (comme il est à croire) ils y furent iusques à la translation du sainct corps, quād depuis il fut apporté à Clerenaulx. Car l'an mil deux cens & cinquante, qui fut environ quatre uingts & dix sept ans apres le trespas de Sainct Bernard, par la voulenté de Dieu, pour tousiours ennoblir & magnifier Clerenaulx, & pour exciter ses habitans à plus grand deuotion, ledit corps de la saincte Dame fut transporté de Sainct Benigne audit Clerenaulx: là où, en l'eglise, & en la chapelle de Sainct Saulneur, qui est ou milieu de la carolle, tout à l'encontre & pres de la tombe Sainct Bernard, il fut honorablement mis & colloqué, le dixneuuesme iour de Mars: ainsi comme encores aujour d'huyl est reposant en icelle chapelle que l'en dit Saluatoris.

8. L'Epitafe de Dame AELIS ou AELET, mere de Sainct BERNARD, composé par le mesme Guillaume Flameng.



Clerenaulx en ceste sepulture,

Gist Dame Aelet, humble entre les haultaines;

Née à Montbar, ou print sa nourriture,

Puis espousa le seigneur de Fontaines.

Illec vesquit par ans & par semaines,

Soubs Tecelin son espoux sumptueux.

Mais en faisant ses actions humaines,

Auoit le cuer deuot & vertueux.

La noble Dame eut sept enfans,

Six fils & vne fille saige:

Tous victorieux, triomphans

Sur peché & sur vain v'saige.

La mere par son saint langage
 Leur donnoit admonition,
 Comme pour viure en hermitage,
 Ou entrer en religion.

Au createur les offroit humblement,
 L'un apres l'autre, ainsi comme ils naissoient.
 De son tetin bailloit nourrissement,
 Et d'autre lait iamaïs ne repaissoient.
 En ce faisant, la nature prenoient,
 Et bonnes meurs de la mere notable :
 Par quoy ensin vertueux deuenoient,
 Car arbre bon porte fruit profitable.

Ainsi se gouuernoit la Dame.

En forme de religieuse :

Qui seruant Dieu de corps & d'ame
 Estoit misericordieuse.
 Sa famille deuotieuse
 Soubs crainte de Dieu subsstenoit
 De viande non curieuse,
 Mais de gros mets la contentoit.

De ses enfans Sainct Bernard fut le tiers:
 Si en songea quant elle le portoit :
 Et touteffois elle ouyt volentiers
 L'interpreteur qui le vray luy comptoit.
 Car pour certain son songe denotoit
 Que ce seroit vn saint predicateur,
 Pour corriger le monde, qui estoit
 Plain de pechez, & preuaricateur.
 Dez lors elle diligent
 Sur Bernard l'enfant precieux.

Premier l'offrit & presenta
 A Iesu-Christ Roy glorieux.
 Et pour le rendre copieux
 En lettres & en sapience,
 A Chastillon lieu spacieux
 Le mist pour aprendre science.

Quand ses enfans furent grands & parfaits,
 Elle entendit à reigler sa maison:
 Continuant aumosnes & bienfais
 Veillant de nuyt en ieune & oraison.
 Ainsi viuant comme en religion
 Il pleut à Dieu pourueoir de son trespas,
 Pour luy donner sa retribution
 Auec les Saincts en celeste repas.

Si luy print vne enfermeté,
 Dont elle passa de ce monde,
 Et à Dieu sans difficulté
 Rendit son ame pure & monde:
 Car comme celle qui se fonde
 En totale deuotion,
 Par contemplation profonde
 Receut son extreme vñction.

Les gens d'Eglise auec autre mesnie,
 Clercs, Prestres, laiz, à son desinement
 Furent presens chantans la letanie,
 Comme il affiert au digne sacrement.
 Lors respondant de cuer deuotement,
 Et demonstans qu'elle estoit sainte Dame,
 Sur certain pas se signa humblement:
 Et ce faisant rendit à Dieu son ame.

Mais avant rendre l'ame à Dieu
 Elle fit de la Croix le signe :
 Et ne peut remettre en son lieu
 Sa main dextre noble & insigne.
 Ainsi trespasla la trespigne,
 En bonnes mœurs acoustumée :
 Qui en l'église Saint Benigne
 Reueremment fut inhumée.

Puis Saint Bernard ne cessa nuit & iour
 De remonstrier aux freres & amys,
 Qu'il conuenoit aller prendre seiour
 En lieu deuot, les biens mondains obmis.
 Mais André fut negligent & remis,
 Qui en ce temps bon cheualier estoit.
 Finablement quand beaucoup y eut mis,
 Sa mere vit qui les admonestoit.

Saint Bernard & André son frere,
 Parlant de la religion,
 Apres le trespas de leur mere
 En eurent clere vision.
 Qui de leur bonne intention
 Se sousfrioit deuant leurs yeulx,
 Et monstroït exhortation
 De proceder de bien en mieulx.

En l'an qu'on dit mil deux cens & cinquante,
 La sainte Dame avec Dieu exaltée,
 Pour nous causer deuotion plaisante,
 Fut de Dijon à Clereuaulx portée.
 Apres qu'on eut la place disposée
 En ce beau lieu, nommé Saint Saluateur,

*Par gens de bien y fut mise & posée
Pres de son fils Saint Bernard le Docteur.*

*Prions Dieu par deuotion
Qu'il nous gard de chose temere:
Et que par l'intercession
Tant du fils comme de la mere,
Face florir ce monastere
En toute vertu venerable.
Puis, apres cette vie austere,
Nous doyent sa gloire perdurable.*
A M E N.

2. Quadam S. Bernardi soror, Abbatissa Pratilongi.

Extrait de l'archine de l'Abbaye de Pralon.

VNE supplique des Abbessse & Conuent de Pralon, sans date, & au Roy qui n'y est pas nommé, telmoigne que ces Dames redemandent à sa Majesté leur grange de Changé, lors alienée : qui leur auoit esté donnée par les seigneurs de Fontaines leurs fondateurs, en contemplation, & pour l'assignal de la sœur charnelle de Saint Bernard, lors Abbessse d'icelle abbaye de Pralon.

10. *Tabule foundationis Iuliaci puellarum monasterij.*

EGO MILO Barri Comes, diuinis præuentus monitis,
 cunctis Christianis loricâ fidei, nomineque præcin-
 ctis manifestare cupio his meis præsentibus litteris, donû
 quod feci de *Iuliaco* Molismenti Ecclesiæ proprium: ut si
 quando tergiuersatione callidâ, totius bonitatis ignarus
 contrâ meum per posteros se erexit datum, scripto præ-
 senti deducto ad medium, veritati cedere suâ confusus
 importunitate perfidus sciat locum. Misericordiam verò
 Dei de ipsius quæso perpendite inenarrabili iudicio: quo
 memorati castri, scilicet Iuliaci quondam habitatores,
 quia hunc eundem dæmonijs quàm Deo aptare maluerunt,
 depopulationi submissi probantur: ac denuò, ut ita
 dicam, postpositione excoctum longissimâ per me hunc
 Dominus possessioni fidelium deputat. Prouidens igitur
 tam meæ quàm parentum meorû viuorum ac defunctorû
 salutem, trado *Iuliacum castrum*, quod fuit antecessoris
 mei, Comitis videlicet Milonis, Deo & sanctæ matri eius
 Mariæ Molismenti, cum omnibus appendicijs: sicut ea
 continet sancti Andreæ parochia quæ dudum defubtus
 fuerat constructa: laudè vxoris meæ & filiorum meorum.
 Nec solum quod de eâ in meâ manebat dominicaturâ,
 sed etiam quicquid de me tenentes dederunt vel daturi
 sunt ex eo Molismenti Ecclesiæ, laudo & confirmo. Eâ
 scilicet ratione & deuotione, ut isdem locus religiosus ex
 integro deferuiat feminis: & cuncta eis data à me vel ab alijs
 ut prædiximus facta, earum vtilitatibus & victui deputata
 permaneant: eademque mulieres sub ordinatione Molis-
 mensis

mensis Abbatis Deo seruire quietè valeant. Quorum victus & cōuersatio meâ petitione per dominum GVIDONEM Molisensem Abbatem, & eius conuentum sic constituitur : vt de proprio nutrimento & labore, hominūq; suorum culturâ, & eleemosynis fidelium in commune victum vestitumq; recipiant : seruos vel ancillas, ecclesias, aut decimas, villasq; non habeant; sed si ab aliquo vel aliquâ hæc eis data fuerint, Molisensi Ecclesiæ permaneant : aliud sanè mobile Iuliacenses teneant. Terra etiâ, si eis data fuerit alia quàm proprijs carrucis excolere non queant, Molisensi conceditur cœnobio. Quibus ad regimen sui tam corporum quàm animarum quatuor deputabuntur monachi per Molisensem Abbatem, qui eas ab omni peculiaritatis vitio atque vagatione secundum Dominum tueantur. Quorum si qua obierit, quæ fratribus Ecclesiæ Molisensis debetur oratio ac beneficium, & pro ipsâ persoluetur. Sed & siluatica eis indumenta præter coopertaria in perpetuum prohibentur.

De anno huius foundationis,

NOTATIO.

EVGENIVS Papa III. in bullâ anni 1145. ait, fundationem hanc Iuliacensis cœnobij, ab Episcopo Lingonensi Iosceranno fuisse roboratam. Inijt porro Ioscerannus anno Christi 1112. (ex Chronico S. Benigni ad Cyclos paschales), abdicauit 1125. die festo S. Mammetis. Videtur autem facta hæc fundatio anno ipso 1113. quo S. Bernardus cum socijs ingressus est Cistercium, aut non multò pōst : quod indicat Guillelmus Abbas lib. 1. Vitz S. Bernardi, cap. 4. apud Surium,

post illa verba ; & *ultra mare propagines eius*. Vbi refert, quòd cum ex focijs S. Bernardi vxorati aliqui fuissent, & vxores cum viris idem votum sacræ conuersationis iniissent; per ipsius sollicitudinem ædificatum eis est cœnobium sanctimonialium feminarum, quod *Illeium* dicitur, in Lingonensi parochiâ. Scio memorari in Chronico Senonensi Annam Abbatem Molismensem ad annum 1113. Sed ei potuit Guido successisse anno eodem, aut aliquo ex proximè sequentibus, sub cuius regimine Iuliacum castrum pijs feminis vanitatem sæculi abdicantibus deputatum est.

-
- II. Vvarnerius *de Subernum*, frater eius Bartholomeus, Herueius & Vvido filij eius, fundatores abbatix *Pratilongi*, tempore Sancti Bernardi.

Ex Autographo Pratilongi.

EGO GODEFRIDVS Lingonensis Episcopus notifico tam præsentibus quàm futuris, quòd VVARNERIVS *de Suberni*, laudantibus filijs suis HERVEIO & VVIDONE, dedit domui *de Praalun* in elemosinam, per manum venerabilis Abbatis BERNARDI *de Claraualle* & nostram, quando ædificata est eadem domus, vsuagium totius terre sue, in nemoribus ad faciendum marren, & pasnagium, & ad focos, & ad omnia necessaria domus : & piscationem in aquis suis : & pascua per totam terram suam. BARTHOLOMEVS etiam frater eiusdem *Warnerij*, hoc idem donum fecit de suâ parte, & fratris donum laudauit. Vvarnerius quoque *de Agè*, & Vvido *Garellus* similem donationem prædictæ domui in terris suis fecerunt. Et hoc totum post multum tempus recognitum fuit apud

præfatam domum in præsentia nostrâ. Huius rei testes sunt venerabiles Abbates Sancti benigni, & *Albertus* Sancti Stephani Divionensis, & Lambertus Canonicus & Sacrista Ecclesiæ Lingonensis, & Robertus Decanus *de Subernun*, & *Vviardus de Sancto Burri*.

12. Fundatio monasterij *de Tart* sanctimonialium diocæsis Lingonensis, quæ intra muros vrbis Divionis ex anno Christi 1623. sunt deductæ.

Ex autographo archini Tartensis.

IN nomine Patris & Filij & Spiritus Sancti. Benignus & omnipotens Deus, sanctæ Ecclesiæ caput & rector, ex quorundam fidelium suorum abundantijs, pauperum inopiam misericorditer supplet, vt in æternâ retributione, pauperum copia diuitum penuriam mercede repleat. Sed modernæ donationes, ad delendam mortis similatricem obliuionem vtiliter litterarum monumentis annotantur, vt in hoc quoque misericordia & veritas quodammodo salubriter sibi obuiare videantur. Iccircò præsentibus & futuris notificamus, quòd tempore GVILENCI Lingonensis Episcopi, HYGONE in burgundiâ Ducatum regente, sanctimoniales in loco qui dicitur *Tart* congregatæ sunt: & concessione ac confirmatione Lingonensis Capituli, Abbatissa nomine *Elizabet* eis prælata est, sub quâ quædam *Maria* priorum aliarum gessit. Rogatu ergo & etiam emptione ipsius Ducis, & *Mathildis* vxoris eius, *Arnulfus* Cornutus quidam Miles, cum vxore suâ nomine

Emilinâ (quæ ibi postea tumulata est) ipsum locum ipsis sanctimonialibus, per manum domni *Stephani* Abbatis Cisterciensis dedit, secundum determinationem prius factam domno *Christophoro*, siue domno *Goceranno* Lingonensi quondam Episcopo, in filiis & aquis, gurgitibus, terris cultis & incultis. Testes huius rei, *Simon de Virgeio*, *Hvo* filius Ducis, *Hymbertus de Fauernio*, & *Stephanus* filius eius, *Haymo Cayno* & *Villelmus* filius eius, *Hymbertus de Fossaio*, *Scotus*, & *Milo de Plouâ*, *Vvido de Verno*, *Hugo de Rupe* & *Vvido* filius eius, & *Aymo Rufus de Diuione*. Facta sunt hæc anno dominicæ Incarnationis M. C. XXXII. Indictione XI. Concurrente V. Epactâ I. Hoc donum fecerunt & concesserunt qui locum ipsum ab *Arnulfo* in feodo tenebant, *Lecelinus de Longocampo*, & *Aldo de Prunerijs*, & *Poncius* & *Hugo* fratres eius, necnon *Petrus de Plouâ* & vxor eius *Mabilia*, & omnes filij eorum. Laudauit quoque hoc ipsum & concessit *Paganus de Plouâ*, & post mortem eius *Droa* vxor eius, & *Odo* eorum filius. Ministeriales etiam ipsius loci hoc laudauerunt, *Hugo*, *Lanbertus*, *Aynbertus*, *Dominicus*, *Decani* & fratres cum sororibus suis & filijs; *Durannus* quoque *Maïor* & *Vnaldus* frater eius, vxoresque eorum & filij: necnon *Raynaldus Maïor*, & vxor eius & filij hoc laudauerunt, & *Letaldus* & frater eius, *Brutinus* & frater eius, *Vvido Perners* *Arnulfus Gorgia*, & alij clientes. Ipse denique *Arnulfus* ad augmentum eleemosynæ, rogante *Emelinâ* vxore suâ de cuius parte erat, decimas de *Robore* ipsis sanctimonialibus dedit, & piscatores de *Genleio*, piscationemque aquæ. Hoc donum factum est in manu *Elizabeth* Abbatissæ, & *Marie*

Priorissæ, coram Goceranno Episcopo, Hugone Duce & Odone filio eius, & Roberto de Crisfol, & Mauricio de Genle & filio eius Hugone, & Simone de Virgeio.

Sciant etiam omnes quod Galterius Sacerdos de Tart villæ, ipsius loci decimas prædictæ Ecclesiæ & sanctimonialibus dedit, laudante & iubente Guilenco Episcopo, & Arnaldo Diuionensi Decano; quatenus ibidem pro ipso memoria semper habeatur. Testes huius doni, Hugo Dux, & Matbildis: & Odo & Huo, & Henricus, & Raymundus filij eorum, & Aymo Rufus, & Villermus de Marrineio, & Huo Candart eius patruus.

Ego Hugo Dux Burgundix, litteris istis notifico & confirmo donum quod feci Deo & Sanctæ Mariæ, & eius sanctimonialibus de Tart, quatenus mei memoriam iugiter habeant. Dedi igitur eis, laudante vxore meâ & filijs, Odone, Huone, Raymundo, potestatem quæ vocatur Marmot, cum appendicijs suis, ad excolendum, & ad ea quæ eis fuerint necessaria. Huius rei sunt testes, Gosbertus Vicecomes, BARTHOLOMEVS de Fontanis, Gosbertus de Grancio, Aymo Rufus, Villermus de Marrineio, Villermus de Orguil, Odo Caynus, Petrus Gaberous.

ANNO TATIO.

CVM ex Chronico ad Cyclos paschales, anno 1125. Iocerannus ad festum S. Mammetis Lingonensem episcopatum dimiserit: ei que successerit Guilencus V. Kalendas Octobris: ex hac chartâ euidentis est, cœ iste Tarense monasterium saltem anno illo 1125. cum a huc Episcopus esset Iocerannus: perfectum autem ædificijs, & bonis (quod satis esset) locupletatum fuisse anno 1132.

13. *Matthæus Dux Lotharingia, intuitu Atheleidis matris sue, in Tartomionali effecta, certam salis mensuram apud Vicum annis singulis percipiendam, Tartensi monasterio attribuit: Bertâ eius coniuge, fratre eius Balduino, & Agathâ sorore laudantibus, anno Christi 1142.*

Ex autographo Tartensi.

1. Tim. 5. 8.

IN nomine sanctæ & indiuiduæ Trinitatis, Patris, & Filij, & Spiritus Sancti. Lex spiritualis & carnalis exigit ut pro amicis honesta faciamus, præcipuè pro eis quos nexu consanguinitatis & vinculo caritatis, artius post Deum diligere præcipimur & debemus. Apostoli sententia hæc est; Qui suorum, & maximè domesticorum curam non habet, fidem negauit, & est infideli deterior. Ego igitur MATTHÆVS diuinæ permissionis dono Lotharingorû Dux & Marchio, Notum facio omnibustam posteris quàm præsentibus, quoniâ inspirante gratiâ Spiritus sancti, erga obsequium venerabilis Ducissæ ATHELEIDIS matris meæ, præcordialem affectum intimæ dilectionis assumpsi; quæ mutatione dexteræ excelsi, pauper rebus & spiritu, sanctæ conuersationis propositum & habitum susceperat in Ecclesiâ & congregatione Tartensi. Inuitante itaque gratiâ & compassione gratissimâ dulcissimæ matris meæ; pro remedio animæ meæ, prædecessorum-que & successorum meorum salute; laude & concessione vxoris meæ BERTHÆ; consensu etiam, immò petitione fratris mei BALDVINI, & AGATHÆ sororis meæ, V. scilicet apud Vicum, ELIZABETH Abbatisæ, & sororibus Tartensis Ecclesiæ, in perpetuum regulariter promouendis, per

manum venerabilis Stephani Metensis Episcopi i lib erimâ
donatione concessi. Eo videlicet tenore, vt illas absque
vllò respectu, liberè & absolutè perpetuò possideant : &
pro hac elemosynâ, tam pro me , quàm pro animabus
patris mei & parentum meorum apud clementiam Dei
deuotius intercedant. Hanc denique donationem, ad si-
gnum & munionem perpetui monimenti, pontificali
testamento, sigillo , & anathemate decreuimus canonicè
& legitimè robotari : vt nullâ deinceps violentiâ, nullâ
successorum nostrorum calumpniâ valeat inmutari. Vtri-
usque etiam cõditionis & ordinis, tam clericorum quàm
laicorum , idoneos adhibuimus testes , sub assignatione
sigilli nostri, tempore necessitatis, recognoscendæ verita-
tis promptissimos defensores. Testes autem huius rei sunt,
Vualterus magister & Archidiaconus, Embertus Sacer-
dos *de Vico*, Gislebertus *de Espinal*, Iordanus medicus, Al-
bertus *de Romunt*, Gualterus *de Gisleberuiler*, Raimbardus
frater eius, Odovvinus *de Maylan*, Guelpho *de Melisei*,
Raynerus *de Nancei*, Arnulfus *de Giflerencurt*, Vrricus *de*
Arcu, Drogo *de Nancei*. De familiâ Sancti Stephani,
Gerardus *de Iuffey*, Guidricus frater eius , Richardus *de*
Rinportb, Albertus *de Ventosâ*, Albertus *de Siey*, Gualterus
de Vlira Mosellam, Teobaldus Pincerna, Bertrannus
de Castello, Haymericus *de Vsinul*, Nicolaus *de Portusalia*,
Iohannes *Botes de Vico*. De familiâ Ducis, Symon *de Par-*
reid, Gerardus Aduocatus *de Brueris*, Guarnerus frater
eius, Guillelmus *de Archis*, Folmarus *de Mucuns*, Petrus *de*
Aleiâ, Bertaldus *de Bithis*, Gualterus Præpositus *de Nancei*.
Imperante feliciter *Conrado* Rege , *Innocentio* papante,
Indictione v. Epactâ XXII.

14. *Fredericus* Tullensium Comes, & vxor eius *Havvidis* ratum habent anno Christi 1142. donum salis apud Vicum percipiendi, quod monasterio Tartenfi *Matthæus* Lotharingæ Dux paulò antè concesserat.

Ex autographo Tartenfi.

IN nomine sanctæ & indiuiduæ Trinitatis. Ego **FRE-**
DERICVS Dei annuente clementiâ Tullensium Comes
indignus, & vxor mea **HAVVIDIS**, providentes saluti ani-
marum nostrarum; & expectantes remunerationem à
Deo, Ecclesiæ Sanctæ Mariæ Tartenfi, & venerabili
Abbatissæ **ELIZABETH**, & sororibus ibi Deo amulatibus,
liberâ traditione donauimus V. sesses apud Vicum, per
manum Comitis **R. Barrensis**, & **Odonis de Mollem**; priùs
donatos eis à **MATTHÆO** Duce, & **BALDVINO** fratre eius,
& assensu sororis eorum **AGATHÆ**. Quia verò solent
plerumque mundanarum possessionum traditiones, suc-
cessorum calumpniâ transmutari; vt caueri possit, vtile
duximus, ad posterorum noticiam tenaciter commendari.
Quapropter prædictam donationem, quia eam in porti-
one nostræ hereditatis suscepimus, susceptam liberè dona-
uimus, sigillo nostro confirmauimus; adhibentes testes
idoneos, quorum auctoritate res firmata & stabilita per-
petuò maneat. Nomina autem eorum hæc sunt. **Stepha-**
nus maioris Ecclesiæ Decanus & Archidiaconus, **Hugo**
de Gundricourt Archidiaconus, **Albero**, **Bouo**, **RAINAL-**
DVS Comes Barrensis, **Henricus** frater Comitis **Frederici**,
Odo de Molem, **Falco de Mandatis**, **Hynfridus**, **Vlricus de**

Domno

Domno Martino. De ciuitate, Henricus Aduocatus, Henricus de *Cacenua*, Fulco de *Sancto Vedasto*. De Familia Comitum, Vualo de *Fontiniaco*, & Vviardus frater eius. Hoc actum est anno ab Incarnatione Domini M. C. XLII. Indictione V. Epactâ XXII.

15. Ex Actis in Capitulo generali, quod apud *Thart*, anno 1268. in festo S. Michaelis Archangeli celebratum est.

IN primis cum olim per Venerabilem Patrem Dominum Bonifacium, quondam Abbatem Cisterciensem, deliberatione prouidâ ordinatum fuerit, & statutum, vt Abbatissâ quæ aliquo rationabili casu detentæ, eo anno quo tenentur venire ad Capitulum generale de *Thart*, nequaquam venire potuerint, se per Priorissas aut alias moniales de suis domibus honestas cum litteris excusent: Statuitur quod Abbatissâ de *Mostellor*, quæ se nec per nuncium idoneum, seu per litteras excusauit: immo (quod deterius est) per tres annos continuos de Capitulo supradictò remansit sicuti inobediens & rebellis, stallum Abbatissæ non intret, donec domui de *Thart* fiteri personaliter presentata. Quæ nichilominus omni sextâ feriâ interim sit in pane & aquâ: & in sequenti Capitulo generali, à tenente supradictum Capitulum, nisi se legitime excusare potuerit, à regimine abbatiæ sicut rebellis & inobediens deponatur.

Item statuitur, vt omnes Abbatissæ & moniales, ad dictum Capitulum annis singulis venientes; quamdiu in conuentu fuerint, omnibus Horis & vigilijs in ecclesiâ cum alijs interesse personaliter non omittant.

16. Abbatia de Thart, monialium Ordinis Cisterciensis,
multarum aliarum caput.

Ex autographo Tartiensi.

EGO GUIDO dictus Abbas Cisterciensis, notum
facio præsentibus & futuris, quod ARNULFVS Cornutus,
& vxor eius AMELINA de assensu & emptione HVGONIS
Ducis Burgundiæ, & MALTHILDIS vxoris eiusdem, per
manum domni STEPHANI Abbatis Cisterciensis, qui-
busdam sanctimonialibus quæ se domui Cisterciensi
reddiderant, locum qui dicitur Thart, ad construendam
ibidem abbatiam dedit. Quo videlicet in loco idem
Stephanus Abbas Cisterciensis, abbatiam sanctimonia-
lium secundum instituta Cisterciensis Ordinis viuentium
constituit, & Abbatissam secundum formam Cisterci-
ensis Ordinis ibidem ordinauit. Sciant igitur omnes quod
præfata abbatia de Thart, propria est filia domus Cister-
ciensis: ita quod Abbas Cisterciensis plenam potestatem
habet corrigendi & ordinandi quæ ibi corrigenda & or-
dinanda inuenerit, tam in capite quam in membris: &
eligendi Abbatissam in eâ, & amouendi, secundum for-
mam Ordinis. Insuper omnes abbatia quæ ad ipsam
pertinent (hæ scilicet, Biauxmont, Estanchia, Polongies,
Beaufaer, Colonges, Valbaions, Corceles, Mosterlet, Cham-
benoit, Dreitenal, Moleise, Lesleche, Monaster, Boisero-
tes, Reynoth: insuper & abbatia de Lumine Dei, de Lude,
& Ulnis) & si quæ alia in posterum pertinebunt, ad curam
& ordinationem domus Cisterciensis iure perpetuo per-

tinent. Præterea sciendum, quòd supradictarum abbatiarum Abbatissæ, ad prædictam abbatiam de *Thart*, singulis annis in festo Sancti Michaelis, ad Capitulum generale, quod Abbas Cisterciensis vel perse, vel per aliquem cui vicem suam commiserit, tenet, debent convenire: præter eas quæ de indulgentiâ ipsius Abbatis Cisterciensis remanent. In quo generali Abbatissarum Capitulo, debent proclamationes secundum formam Ordinis, coram Abbate Cisterciensi, vel vicem eius agente fieri: & quæ corrigenda & ordinanda fuerint, ad arbitrium & dispositionem eius sine omni contradictione corrigi & ordinari.

ANNOTATIO.

HIC videtur fuisse Guido, huius nominis secundus, Abbas verò Cisterciensis XVI. ex anno 1190. in 1202. Exinde Cardinalis Episcopus Praenestinus, & Archiepiscopus Remensis, de quo sic Necrologium Cisterciense. III. Kalendas Augusti obiit Dominus Guido Remensis Archiepiscopus, quondam Abbas Cistercij. Quæ porro hic enumerantur subiectæ Tarto abbatia; hoc ordine recensentur in Bullâ Innocentij Papa III. data ad annû Christi 1200. Abbatiam insuper de Bellomonte, Abbatiam de Estanchiâ, abbatiam de Vlnis, abbatiam de Polungies, abbatiam de Benfaes, abbatiam de Colunges, abbatiam de Mustraloz, abbatiam de Cambenoit, abbatiam de Dreitaval, abbatiam de Lude, abbatiam de Moleise, abbatiam de Lafeleche, abbatiam de Monaster, abbatiam de Boisetoches, abbatiam de Remotls, abbatiam Sanctæ Marię de Burgil.

17. Vita S. Ambrosiniani Episcopi & Martyris.

Ex MS. parochiæ Fontanensis, propè Diuionem, cuius patro-
nus est S. Ambrosinianus, culturque
Kalendis Septembris.

I. FVIT quidam nobili prosapiâ satus, nomine *Agarus*, in vrbe Sarmatica, quæ est in partibus *Iberia*, regionis *Asiæ*: cui erat vxor, etiam nobilissima, nomine *Sanna*: ambo iusti, ambo Deum timentes & præcepta eius obseruantes; vix cum alijs frequentantes, ne forte verbo aut opère Deum offenderent. Tempore autem illo quidam tyrannus Rex idola colens, iussit omnes ad sacrificia cogi; renuentes, varijs tormentis, diuersisque cruciatibus plecti. *Agarus* ergo & *Sanna* videntes ferocitatem Regis, proposuerunt illinc quamprimùm egredi, & in
Math. 10. 13. aliam urbem proficiscî non immemores dicti Saluatoris, dicentis, Si vos persecuti fuerint in ciuitate vnâ, fugite in aliam. Venditis itaque omnibus, tandem *Artemitam*, in finibus *Armenia* eiusdê regionis *Asiæ* sitam sese receperunt. Vbi se priùs ad Beatissimi *Egidij* sanum conferentes, Deo gratias egerunt: deinde domumculam ementes, ibi consistere ac manere constituerunt.

II. Steriles ambo cùm per decênium iustè modestèque vixissent, eadê diuinitus prolem habuerunt; nec sine miraculo. Nam mulier quæ obstetricandiungebatur officio, vnus quidem oculi orbata lumine, interim dum puerum reciperet, lumen ipsa subinde recepit. Quod cùm illius diuulgatum est, atque verum compertum incolis

ciuitatis, cœperunt etiam contrà recentet nascentium legem, festiuus illum agere diem gaudijs; laudantes, & benedicentes Deum, qui facit mirabilia magna solus. Matronæ interea à parentibus postulantes quo vellent eum nomine vocari, aliud miraculum sunt experti. Pendens enim puer ad matris mammillam, quam primam vocem edidit, ista fuit; *Ambrosinianus*. Attoniti omnes, & nomen velut cœlitus allatum cernentes, dixerunt; *Ambrosinianus* fiat. Sicque delatus ad sacros latice, **AMBROSIANVS** vocatus est.

III. Transactis autem, vt Patriarcha Iacob, simpliciter domi puerilibus annis, cùm septimum ageret, liberalibus traditur disciplinis; sic, vt superiores industriâ, & inferiores se humilitate superaret. Et ne rerum affluentia, vt sit, vel ætatis leuitate aliquatenus insolesceret, omni studio sese tradidit, atque abstinentiæ. Nihil quippe voluptati consentiens corporeæ, creber in vigilijs, assiduus in orationibus, in ieiunijs præcipuus persistebat. Vix intrâ ecclesiam nisi orantem, vel extrâ nisi legentem deprehendisses, nisi imposita necessarij vsus utilitas impedisset. Quod suis nedum condiscipulis, sed & præceptoribus non mediocrem admirationem defererebat.

IV. Pollens itaque litteris & virtutibus *Ambrosinianus*, cùm iam bis senos attigisset annos, domum patris reuertitur; vbi paucis moratus diebus, omnibus renunciare & mundum relinquere proposuit: animaduertens tutum non esse cohabitare serpenti. Hinc valedicens parentibus, post longa itinerum spatia, tandem *Sarlatum* aduentauit: vbi à *Nicephoro* illius vrbis Episcopo benignè exceptus, plurimum adamatus, & denique ordinatus, eó virtutis, &

excellētiae venit, vt ceteros omnes in officij sui sedulâ profun-
ctione superaret. Insuper tantâ Episcopo est additus
pietatis ergò necessitudine, vt ne vno quidem pede ab eo
discedere liceret. Quadam autem nocte dumvterque per-
uigil in oratione & assiduâ lectione persisteret, accidit vt
Pontifex iam senio confectus lumen exstingeret. At
continuò vidit Angelum Dei manifestè lumen *Ambrosi-
niano* tribuere: vnde miratus; *Ambrosinane*, inquit, quid
hoc sibi vult? Cui respondit; Pater mi, gratia Dei.

V. Manè factò vocat Episcopus maiores vrbs illius. Qui-
bus cùm declarasset miraculum, ait *Ambrosinianum* episco-
patu dignissimum. Ex re tam nouâ attoniti omnes liberè
cōsentiunt, excepto illorum vno, cuius filius mortuo Pon-
tifice episcopale aucupabatur munus. Sed interim dissen-
tiens, volente Deo coram omnibus statim exspirauit. Ad
tam nouum spectaculum fit populi magnus concursus.
Monet *Ambrosianus* omnes, preces apud Deum suppli-
ces fundant: fundit & ipse; & tamdiu prostratus iacuit in
orâtionē, donec defunctus resurgeret à morte. Mirantur
omnes, ac summâ latentur exultatione: laudantes, & glo-
rificantes Deum, qui talem potestatem dedit hominibus.
Quo tandem factum est vt Diuus *Ambrosinianus*, licet
renuens, Sàrlatenſis Episcopus creatus sit.

VI. *Ambrosianus* ad summū episcopatus gradum eue-
ctus, eò sanctitatis, pietatis & iustitiæ venit, sibi vt æqualem
tunc temporis haberet neminem. Nam cæcis visum, surdis
auditum, & mutis loquelam restituit: insuper & multos à
dæmonibus vexatos coercuit: sicque eius sanctitatis fama
per omnes orbis prouincias percrebuit, vt omnes vnde-
quaque: eum inuisendi percupidi eò confluerent, & ad

eum adirent ob illa eius crebra miracula, quorum vel maximo desiderio tenebantur atque afficiebantur. Accurrunt & parentes eius, benedicentes Deum qui talem eis dederat prolem. At pius Pater cernens se tantos inire honores, prudenter imminenti sibi ambitionis periculo obuiam ire cupiens, certiorque factus à parentibus cuius ipse esset, & quorsum ipsi à patriæ finibus extorres & profugi essent, illuc remeare proposuit: atque Sarlato tandem discessit, cunctis mœrentibus, postquam de suo episcopatu sanctissimè disposuit.

VII. *Ambrosianus* Sarmaticam ingressus, euangelicam disputationem publicè aggreditur. Illicò fana destruuntur, deferuntur idola, passim coruscant & eriguntur allata Crucis trophæa. Interea rescitur, & Regi renunciatur, crucicolam quendam Sarmaticam aduentasse, qui diceret, Deos falsos suorum scelerum pœnas apud inferos luere; Christum autem, verum Dei filium ab omnibus coli debere. Perquiri iubetur: inuentus ligatur, cœditur, conspuitur; & sic obtutibus Regis præsentatur. Cui ille; Tunc ille es, quem fama vulgavit, Deorum sacratissimum cultum ausu sceleratissimo profanare; & Deum nescio quem colendum, à Iudæis crucifixum, publicè prædicare? Cui respondit; Audi sacratissime Rex; Noli putare eos Deos, sed potius dæmones: Deus enim vnus est, in cuius virtute verba salutis annuncio, & illi cunctos lucrificare cupio; quem & te cognoscere vtinam non puderet. Nisi ab eiusmodi stultitiâ, Rex ait, cessaueris, diuersis te faciam pœnis interimere. Ad quod nihil respondit.

VIII. Egressus à facie Regis athleta Dei, sequenti die intrepidus sanum idolis plenum ingreditur; quæ omnia

iussit disrumpi, & in puluerem comminui. Euaginato autem ibi euangelicæ prædicationis gladio, plusquàm tria millia hominum in fide solidauit, & baptisauit. Iterum capitur, verberatur, & iussu Regis in carcerem truditur, ut ibi inediâ deficeret. At Deus sui curam gerens famuli, misit Angelum de cœlis, qui eius nedum vulnera curaret, sed & ei cibum ministraret. Multis ergo diebus elapsis cernens Rex impius Sanctum Dei incolumē, irâ percitus dixit: Non parum tibi videtur iura nostra contempsisse? insuper & Deos nostros confregisse? Ex duobus vnum elige; aut sacrificare, aut turpiter mori. Si enim sacrificaueris, supra multa te constituam. At fortis athleta nec minis terretur, nec blandis verbis seducitur.

IX. Videns ergo tyrannus animi illius constantiam, iussit eum à tortoribus in equuleo suspendi, & pectinibus ferreis sacra eius latera perforari. Sal quoque iussit in vulnera plagatum aspergi. Sed inter hæc stat vir Dei immotus, dicens; quod non sunt condignæ passionēs huius temporis, ad futuram gloriam quæ reuelabitur in nobis. Tandem iussit impius Rex illum malleis, bacillisque ferreis tamdiu contundi, & comprimi, donec animam exhalaret. Quod ut factum est, anima eius inter angelicos choros niue candidior à Christiæolis visa est. Rex verò vllis nec parcere volens reliquijs, corpus eius canibus deuorandum exposuit; frustratus desiderio, plures alios fame penè peremptos adducere iussit. Sed interim cum ex illis vnus corpus exanguie olfactus esset, statim in rabiem versus est, & celeri gressu pergens ad Regem, ipsum momordit, ut ipse in rabiem etiam verteretur. Hoc cernentes qui à Beato *Ambrosiano* fuerant instructi, Deum

Deum laudauerunt, & corpus eius honorificè sepelierunt: insuper & ingentem basilicam in eius honore fundauerunt. Ad cuius tumulum confluunt vndique populi, sanitatis recuperandæ gratiâ; nec frustrantur: præstante hoc ad honorem famuli sui I E S V Christo Domino nostro.

18. S. Ambrosiniani festus dies Kalendis Septembris.
Bartholomæus dominus de Fontanis.

Ex parte 2. cap. XLIV. Tabularij S. Stephani Diuionensis.

QVONIAM refrigerante caritate abundat iniquitas, & paulatim diminuitur veritas à filiis hominum; ne contrà ipsam vnuquàm præualeat falsitas, litteris ipsis præsentium ac futurorum tradimus notitiæ, **BAR-THOLOMÆVM** dominum *de Fontanis*, in Capitulo Beati Stephani Diuionensis quondam venisse: & domino *Herberto* Abbate, atque *Uvarnerio* Præposito, cæterisque Canonicis ibi residentibus, iornalem quemdam terræ incultæ, ante portam sui castri positum, vt sibi suisque heredibus qui post se ipsius castri domini essent, censu- liter ab eis daretur, petiuisse. Quod dominus Abbas, laude & consensu totius Capituli illi concessit. Tali scilicet tenore, vt si ipse, vel successores eius censum debitum tempore constituto non redderent, excommunicarentur donec illud persoluerent. *In Kalendis igitur Septembris, die natali Sancti Ambrosiniani qui ibidem colitur*, sex num- mos constituerunt ei reddere vnoquoque anno. Huius rei, ex parte *Bartholomæi* sunt hi testes, *Vvido de Monroyr*,

Vvido de *Alta Villâ*, Paganus de *Chax*, Guido de *Eſchannâ* Milites. Robertus Maior ipſius, & Vaſſius frater eius, Vlricus, Vvarnerius. Ex parte autem Canonorum, Engalrannus miniſter eorum, Lanbertus *furnarius*, Girbertus tutor. *Et de Aqueductu*, Anſius, Amicus, & Iohannes frater eius, & alij plures.

19. *Reliquie Sancti Ambrosiniani.*

Ex eodem Tabulario.

ANNO ab Incarnatione Domini M. C. LXXI. Epacta I. ſolaris Cycli III. conſecratum eſt altare in cryptis Sancti Stephani, à domno Guichardo Lugdunenſi Archiepiſcopo, in honore Dei & ſanctæ eius Genitricis Mariæ, & Sancti Iohannis Baptiſtæ, & Sancti Blaſij, & Sancti Egidij, & Omnium Sanctorum. Poſitæ ſunt ibi reliquiæ de ligno Domini, de ſepulcro Domini, de ſepulcro Beatæ Mariæ & Sancti Petri Apoſtoli, de veſtimento Sancti Iohannis Baptiſtæ. De oſſe Sancti Laurentij, Sancti Leodegarij, Sancti Medardi, Sancti Ambrosiniani, Sancti Honorati. Eodem die, id eſt, Idibus Septembris conſecratum eſt cimiterium ab eo Archiepiſcopo ante eccleſiam Sancti Stephani.

NOTATIO.

HIC annus 1171. ductus eſt à Paſchate, vel à XXV. Martij, & æram Dionyſianam à Chriſti Natali inchoatam nouem ſerè menſibus anteuertit. Nam anno 1170. Dionyſiano fuit Epacta 1. Cyclus ſolis 3.

20. Rainerius Miles , frater Godefridi Lingonensis
Episcopi , 1141.

Ex autographis tabulis S. Eugendi Iurensis ,

IN nomine sanctæ Trinitatis, Patris & Filij & Spiritus-
sancti , GODEFRIDVS sanctæ Lingonensis Ecclesiæ
Episcopus Adoni venerabili Abbati monasterij Sancti
Eugendi, eiusque successoribus in perpetuum. Quotiens
ecclesiasticarum causarum diffinitiones, & pacis Eccle-
siarum firmitates in posterum fideliter conseruari deside-
rantur, operæ pretium est, vt rei veritas litterarum apici-
bus firmissimè annotetur. Quapropter ego *Godefridus*
sanctæ Lingonensis Ecclesiæ Episcopus , Notum fieri
volui sanctæ Dei Ecclesiæ fidelibus præsentibus , atque
futuris, qualiter calumnia Melundensium monachorum,
quam aduersus monachos sancti Eugendi Iurensis mo-
nasterij habuerant de Ecclesiis Barrensibus superioribus,
& inferioribus , annuente Deo sit terminata. Delegatis
enim nobis litteris, & venerabili fratri nostro *Hugoni* Altis-
siodorensi Dei gratiâ Episcopo à Domino sanctæ & vni-
uersalis Ecclesiæ summo Pontifice *Innocentio*, ex eiusdem
decreto, vtrique parti communicato consiliodiem exe-
quendæ iustitiæ constituimus. Ad quam cum vtræque
partes, Iurensium videlicet & Melundensium monacho-
rum , cum Abbatibus suis conuenissent , & allegationes
suas diligentissimè exposuissent: Iurensibus quoque Apo-
stolicis priuilegijs & Pontificalibus donationibus ac diffi-
nitionibus ius suum tuentibus: Melundensibus verò in suis
probationibus deficientibus , consilium habuimus vt ad

tantam controuerſiam diffiniendam cum vtriſque partibus, præſentiam domini BERNARDI Abbatis Clareuallensis adiremus. Habito igitur tanti viti, & aliorum viro-
rum religioſorum qui cum eo fuerant, conſilio, Nos qui ex commiſſo nobis officio fraternam pacem providere, & cuique Eccleſiæ ſuum ius conſeruare, necnon temerarias calumnias iuſtitix falce debemus reſecare; Atten-
dentes quidem Iurenſium iuſtitix effectum, Melundenſium verò defectum, calumniam illam tamdiù ventila-
tam ſuffocauimus, & Eccleſias illas cū appendicijs earum, vnde controuerſia agitabatur, Iurenſi Eccleſiæ ſine aliquâ refragatione in perpetuum conceſſimus poſſidendas :
Laudante tamen *Adalardo* Melundenſium Abbate in Capitulo ſuo, vbi erant *Raimundus* Prior, *Iordanis* Sub-
prior, *Garinus* Cellerarius, *Arembertus* Sacriſta, *Anſcherius* Cantor, *Gautherius* Medicus, & alij quamplures Melun-
denſes monachi. Hæc itaque ne ſucciduis temporibus aliquâ obliuione deleantur, litteris commendari præcepi-
mus, & ſigilli noſtri impreſſione ſignauimus. Quicum-
que igitur contrà hanc noſtri præſentis decreti paginam venire temptauerit, & Dei iram incurrat, & noſtri vin-
culo anathematis ſubiaceat, donec de præſumptione factâ dignè ſatisfaciat. Et quia in omnis cauſæ diffinitione
teſtes admittendi ſunt, huius rei teſtes ſunt Domnus BERNARDVS Clareuallensis Abbas, cuius providentiâ acta ſunt hæc. GUIDO frater eius, Magiſter *Anſelmus*,
Gautherius Trecentis, *Girardus* de monte ſalgio, *Ugo* de Riuierâ Canonici Lingonenſes, *Vuillermus* de Mar-
ziaco & *Iohannes* Canonici Lugdunenſes. *Rodolphus* Decanus de Barro, & *Iohannes* Capellanus ſancti Macuti.

Petrus Capellanus de barreuilla, *Petrus* Clericus filius vuidonis Conterij, *Robertus* filius Odonis Rufi, *RAINE-RIVS* Miles, *Frater Lingonensis Episcopi*, *Rainaldus* Nepos Hugonis vice Comitum, & *Leobandus* de Arienne ponte. Acta sunt hæc anno ab incarnatione Domini millesimo centesimo quadragesimo primo.

21. Guido de Sobernone, vxor eius Emengardis, nepos eius Oddo de Mirabel. 1149.

Ex Autographo Pratiloni.

IN nomine Domini, Ego ODDO Dux Burgundie, tam futuris quàm præsentibus notum fieri volo, quòd GUIDO de Sobernone, ecclesiam monialium Sanctæ Mariæ, quæ in fundo Moloonia cõstituta est, de vniuerso territorio quod in ipsâ Moloonia sui iuris fuerat, per manũ meam, vsque ad diuisionem territorij de Sauiniaco, & vsque ad diuisionem territorij de Balmetâ, diuisionemque terræ Mediolani: & versùs Choium vsque ad semitam, quæ ultra siluam de Agei venientes Mediolanum ducit: & versùs Magnum montem, vsque ad cryptam collis, quæ retrò secùs Sarratam est: cum laude EMENGARDIS vxoris suæ, & ODDONIS de Mirabel nepotis sui, sollemniter inuestiuit. Fide etiam in manu meâ promisit, quòd vsque ad imminentes Rogationes, vniuersos habitatores eiusdem territorij aliàs in terrâ suâ pacificè locaret: & ab ipsis, & ab vniuersis (sive sint monachi, sive sint laici) qui hactenus terram ipsam incoluerant, post terminum denunciatum, vacuam & liberrimam Ecclesiæ manciparet. Vin cas

autem, quas ibi rustici habent, aut moniales emerent, aut proinde censum conuenientem haberent. Portionem etiam molendini, quam ibi Huguerus habebat, aut moniales similiter emerent, aut inde censum congruum ab homine acciperent. Molendinum præterea quod apud *Choiun* ipse *Guido* calumniabatur, cum cæteris molendinis in vudadio concessit. Cùm autem & hoc & alia molendina redemerit, donationem vnius ipsorum molendinorum supradictæ Ecclesiæ perpetuò habendam annuit. Harum ergo donationum si quis defraudator vel imminutor exstiterit, me aduersùs calumniatorem, Ecclesiæ protectorem futurum precatus est: & vt rata & inconcussa supradicta omnia permaneant, sigillo meo chartam præsentem muniri summo opere est hortatus. Testes horum sunt, Ego ipse *Oddo* Dux Burgundiæ, *Guido Garrels*, *Herluinus de Torcenai*, *Garnerius de Agei*. *Petrus Dapifer de Castellione*, *Morellus de Clermont*, *Vvarnerius filius Maioris de Fluriaco*. Acta sunt hæc anno ab Incarnatione Domini M.C.XLVIII. Indictione XII. Epactâ VIII. Concurrente V. regnante Ludouico Rege, & Godefrido Lingonis Episcopo viuente.

22. *Bartholomæus de Subernon*, dictus *de Fontanis*:
Calo & *Theselinus* filij eius, 1154. *S. Antellus*
 ipse est *S. Antidius* Episcopus
Bisontinus & Martyr.

Ex autographo.

IN nomine sanctæ & indiuiduæ Trinitatis, Ego *HENRICVS* Dei gratiâ Eduensis Episcopus. Quoniam quod loquimur transit, quod scribimus manet, vtile ducimus

litteris manentibus annotari quod memoriarum posterorum expedit commendari. Notum sit igitur tam posteris quàm instantibus, quòd BARTHOLOMÆVS *de Fontanis*, CALO quoque & THESELINVS *filij eius*, Guigo Garellus & Odo filius eius, Domina Abba & Bartholomæus filius eius, die quâ *Theobaldus* Garellus in cimiterio *Molonia* sepultus est, Deo & Ecclesiæ Beatæ Mariæ *Moloniensis*, pro remedio animarum suarum, terragium de *Cutcellis* perpetuò liberè possidendum contulerunt. Eâ nimirum interpositâ conditione, quatinus prædicta Ecclesia annuatim eis tres sextarios persolueret; unicuique trium prædictarum personarum vnum sextarium; medietatem frumenti, alteram tremosij. Sciendum quòd eiusdem generi (prædicti *Theobaldi*) qui duxerant in vxores filias ipsius, tam ipsi quàm filix ipsum donum fieri voluerunt & laudauerunt: quorum vnus, Buirus scilicet *de Vietel*, sedem molendini sibi retinuit apud *Corcellas*; eo nimirum tenore, quatinus in constructurâ molendini ipse Buirus medietatem sumptus poneret, & quæstus & multaræ medietatem acciperet: Ecclesia verò residuum expensarum solueret, quæ lucri medietatem esset receptura. Præfata terra iacet sicut semita diuidit, deducens ab *Sancto Aptello* versus *Vnchè*. Præterea prædicti homines qui iamdictum donum fecerunt, benigno fauore eidem concesserunt Ecclesiæ quamdam partem terræ contiguæ sinagio *Sancti Antelli*. Hoc autem latere nolumus, quòd terragium atque decimationes memorati territorij eiusdem Ecclesiæ in iure proprio redigantur. Huius autem donationis & pacti testes fuerunt, Robertus Decanus *de Surbernon*, Nicholaus Sacerdos *de Molen*, Arnulfus Miles *de Scanne*,

Guido de *Curie*, Letholdus de *Vergi*, Petrus de *Sancto An-
cello*, Alemannus de *Subornon*. Scire etiam volumus quòd
ROBERTVS *Safredus*, Abba quoque frater eius, assensu
liberorum eorum, Stephani, necnon Iohannis, & Galteri
Sine terrâ, iuramento confirmarunt, supradictum donum
se tenturos. Huius denique concessionis & iuramenti testes
fuerunt, Petrus Sacerdos, Vvillelmus Medicus, Bartholo-
meus de *Subernon*, Chalo quoque & Theselinus filij eius, Guigo
Garellus, necnon Odo filius eius, Humbertus Garellus,
Guillelmus de *Hartheu*, Odo Berardus, Morandus Thuri,
Rainaldus Guido de *Subornon*, Barnuinus de *Dreâ*, Morellus
de *Claramonte*, Albertus de *Chace*. Vt autem hoc donum
inconuulsum perpetuò perseueret, præsentem chartam
fieri, factam caractere propriæ imaginis communiri, &
testium inscriptione corroborari decreuimus. Actum anno
Verbi incarnati millesimo centesimo quinquagesimo
quarto. Indictione II. Epactâ IIII. Concurrente quarto.

23. Gauterius dominus Sombernionis, Garnerius
frater eius, 1188.

Ex tabulario Buxeria, parte 1. chartâ 6.

EGO GAVTERIVS *Sombernionis dominus*, omnibus
notum facio quòd Haymo filius Humberti de *Moe-
lem* me præsentem dedit in eleemosynam fratribus de *Buxe-
riâ*, pro remedio animæ suæ & parentum suorum, sex
nummos censuales quos calumniabat pro territorio *trium
vallium*. Super hoc quidem promisit, se garantiam por-
tare contra vniuersos calumniam mouentes. Et inde
habuit

habuit vigintiduos solidos fortis monetæ Diuionensis de beneficio Ecclesiæ Buxerensis. Si autem ipse Haymo à garantiâ portandâ quoquo modo defecerit, ego & GARNERIUS frater meus, responsales sumus, quia de pecuniâ quam acceperat, viginti solidos præfatis fratribus reddet: nec eos ampliùs exiget ab eis, donec vniuersas calumnias perfectè extinxerit. Hoc laudauerunt *Hodierna* mater, *Guido* frater, *Petronilla* soror præfati *Haymonis*, apud *Sombernionem* in aulâ meâ ante cameram. Huius rei testes sunt *Martinus* Cellerarius, *Guido*, *Girardus* monachi Buxeriæ, *Garnerius* dominus *Montilionis*, Dominus *Varminus* & *Iohannes* filius eius *de Dreis*, *Humbertus de Eschannay*, *Marischorus* Præpositus *Sombernionis*, & plures alij. Et vt hoc ratum permaneat, rogatu vtriusque partis, sigilli nostri impressione muniuimus. Actum est hoc, anno ab incarnatione Domini M. C. octogesimo octauo, *Anserico* tenente abbatiam Buxeriæ, & *Hugone* gubernante Ducatum Burgundiæ.

24. *Girardus* li Broz, Dominus de *Asneriis*, filius Domini *Bartholomæi de Fontanis*. 1206.

Ex tabulario Buxeriæ, parte 12. chartâ 1.

EGO ODO Dux Burgundiæ omnibus notum facio, præsentibus pariter & futuris, quòd GIRARDVS li Broz, Dominus de *Asneriis*, recognouit in præsentia meâ, quòd Dominus BARTHOLOMÆVS de *Fontanis* pater suus, dederat & concesserat Ecclesiæ & fratribus de Buxeriâ in perpetuam eleemosynam pasturas per totum finagium de la Châlor, & de veteri molendino, & de

Mmm

genili, &c. ipse & *Margareta* vxor sua, domina de *Asnerius*, &c. Et quia hanc eleemosynam patris sui malè detinuerat, petiuit absolutionem à prædictis fratribus, & accepit. Huius recognitionis & laudis testes sunt *Bernardus* Abbas Fonteneti, *Hugo* Cellerarius, *Iohannes* de Montebarro monachi Fontenetenenses, *Bernardus* Dominus de Spissâ, *Acuns* Miles, *Tecelinus* de Nogento. Quod totum vt ratum sit, sigilli mei munimine robore præcepi, anno Verbi Incarnati M. CC. VI.

25. *Galterius* Dominus *Sombernionis*, cuius vxor *Iacoba*, filij *Arueius* & *Galterius*, Pater *Guido*, auunculus *Arueius*, auus *Garnerius*, 1208.

Ex tabulario Buxeriz, parte 12. chartâ 2.

EGO GALTERIVS Dominus *Sombernionis* notum facio præsentibus & futuris, quòd dederim fratribus *Buxeriz* in eleemosynam, medietatem *Prati de la Chalar*, laudantibus vxore meâ *IACOBA*, & filiis meis *ARVEIO* & *GALTERIO* : quamdiu tenuero gageriam Domini *Guidonis de Vennerè*. Laudavi etiam eis, & confirmaui omnia quæcumque ipsi possident vsque in præsens ex largitione eleemosynarum Domini *GARNERII* aui mei, & Domini *ARVEII* auunculi mei, & Domini *GUIDONIS* patris mei, & omnium antecessorum meorum; aut si qua de casamento eorum vel meo, eleemosynâ vel emptione acquisierunt. Vt autem hoc ratum permaneat, præsentem chartam sigilli mei impressione muniui. Actum est hoc, anno Incarnati Verbi M. CC. VIII.

26. *Garnerius de Fontanis, nepos Girardi Militis de Asnerijs. 1210.*

Ex Autographo Pratilingi.

EGO ODO Dux Burgundiæ, Notum facio tam præsentibus quàm futuris, quòd GIRARDVS Miles de Asnerijs, cognomento *li Broz*, laude & assensu vxoris suæ *Margareta*, dedit Ecclesiæ & Sanctimonialibus de Praalon, pro remedio animæ suæ, & antecessorum suorum in perpetuum eleemosynam omnia quæ habebat apud Eschannai: & quicquid habebat in duobus molendinis de veteri molendino: & quicquid acquirere poterunt in his quæ erant de suo casamento. Hanc autem eleemosynam laudauerunt nepotes ipsius Girardi, *Guido de Venerreio*, GARNERIUS de Fontanis, & multi alij. Testes verò sunt, *Villelmus Abbas Fonteneti*, Robertus Prior, & Odo monachus de Fonteneto, qui præsentibus fuerunt. Et vt hoc ratum sit, præsentem paginam sigilli mei auctoritate roboravi. Actum est hoc, anno ab Incarnatione Domini millesimo ducentesimo decimo.

27. *Galtherus Dominus de Sonbernon; vxor eius Iacua, fratres Garnerius & Guido, filij Arueius & Galtherus. 1210.*

Extrait de l'Original estant au Temple de Beaune.

EGO GALTHERVS Dominus de Sonbernon, Notum facio omnibus quòd consensu & voluntate vxoris
M m m ij

meæ *Iacque*, dedi, & in perpetuum liberè concessi, Deo, & fratribus Hospitalis Hierusalem, Domum Dei *de Sonbernnon*, cum omnibus pertinentijs quas tunc possidebam; & totum vsuarium in terris, pascuis, aquis, & nemoribus meis; sicuti & hominibus meis prædictæ domus liberè concessi: & vsuarium in nemoribus meis ad opus Domus Hospitalis Diuionensis. Præterea concessi dictæ domui, & fratribus, quidquid in terrâ meâ, & de feodo meo emptione seu electione acquirere poterint, præter villam & castrum. Tali videlicet conditione, quod Dux Burgondiæ in prædictâ domo quam dedi, per hospitalarios nullum dominium acquirere poterit. Hoc donum laudauit vxor mea *Iacque*; & fratres mei, Dominus GARNERIUS *de Montoillot*, & GUIDO Dominus *de Torcis*; & filij mei, *Arneius*, & *Galtherus*. Et vt hoc ratum magis permaneat, has litteras sigilli mei munimine roborauî. Actum anno Domini millesimo ducentesimo decimo.

28. *Herueius & Gauterius de Sombernione, filij Galteri & Iacobe.* 1217.

Ex tabulario Buxeriæ, parte 13. chartâ 1.

NOS VVILLERMVS Dei gratiâ Lingonensis Episcopus; Notum fidei volumus omnibus chartam istam legentibus vel audientibus, quod HERVEIUS filius Domini GALTERI de Sombernione, laudante & concedente fratre suo GAVTERIO, & Dominâ IACOBÆ matre suâ, eodem die quo pater suus in cimiterio Buxeræ fuit tumulatus; pro animâ patris sui, & omnium an-

decessorum suorum, dedit Deo, & domui Buxeriæ, & fratribus ibidem Deo seruientibus, in puram & perpetuam eleemosynam, quicquid habebat absque vlllo retinemento, in totâ decimâ de *Maelein*. Nos autem vt eleemosyna ipsa rata perseveret in perpetuum, ad petitionem dicti *Heruei*, ipsam eleemosynam approbamus, & eam sigilli nostri munimine confirmamus. Actum est hoc, anno Verbi Incarnati M. CC. XVIII.

29. *Herueius Dominus Sombernionis, patruus eius Garnerius; vxor Garnerij Aaliz, filia Agna monialis, filij Garnerius, Iohannes, & Gaucherius; Elizabeth vxor Garnerij iunioris.* 1220.

Ex tabulario Buxeriæ, parte 10. chartâ 12.

EGO HERVEIVS *Dominus Sombernionis*, Notum facio omnibus præsentem chartam inspecturis, quòd *Dominus GARNERIVS de Sombernon patruus meus*, in infirmitate quâ & defunctus est, me audiente & laudante, pro animâ suâ dedit Deo & Ecclesiæ Sanctæ Mariæ de *Buxeriâ*, in puram & perpetuam eleemosynam, quicquid habebat in decimâ de *Cormarrin*, in omnibus proventibus, & absque vlllo retinemento. Exceptis duobus sextariis frumenti, quos antea dederat filie suæ *AGNÆ moniali de Praalon*. Hoc laudavit Domina AALIZ vxor sua, & filij sui GARNERIVS, IOHANNES, GAVTHERIVS, & ELIZABETH vxor *Garnerij*. Et vt hoc ratum habeatur in perpetuum, præsentem chartam sigilli mei impressione muniui. Actum est hoc, anno ab Incarnatione Domini M. CC. XX.

Mmm iij

30. *Herueius Dominus Sombernionis*, 1225.

Ex tabulario Buxeræ, parte 13. chartâ 6.

EGO HERVEIVS *Dominus Sombernionis*, Notum facio omnibus præsentem chartam inspecturis, quod pro animâ mea, & pro animâ patris mei, & omnium antecessorum meorum, in puram & perpetuam elemosynam dedi Deo & fratribus *Buxeria*, duos modios vini puri ad vsum Missarum, in vineis meis *de Maeleim*, quæ sunt in territorio quod dicitur *Rooles*, annuatim capiendos, singulis annis tempore vindemiæ reddendos. Et ut hoc ratum habeatur, præsentem chartam sigilli mei munimine duxi roborandam. Actum est hoc, anno Verbi Incarnati M. CC. XXV.

31. *Garnerius de Fontanis*. 1230.

Ex autographo Prælongi.

EGO GARNERIUS *de Fontanis*, partim dominus *Blaiseij*, præsentium inspectu notum facio vniuersis, quod ego pro remedio animæ meæ, & antecessorum meorum, dedi & concessi in puram & perpetuam elemosynam, Deo & Beatæ Mariæ de *Praalon*, & sanctimonialibus ibi Deo seruientibus, terram in quâ sita est capella, & pressorium, & grangia sua de *Changeio*, pacifice possidendam. Dedi etiam eisdem sanctimonialibus vineam sitam iuxta dictam grangiam, & campum contiguum dictæ vineæ. Pro iamdictâ verò vineâ, annuatim duo solidi debentur censuales. Pro campo similiter duo

denarij mense Martio persoluendi. Præterea dedi dictis sanctimonialibus, per meam terram plenarium vsuagium ad pascendum greges & armenta domus de Changeio. Si verò alicui damnum intulerint, damnum restitutum fuerit tantummodò sine lege. Dedi insuper iamdictis sanctimonialibus, in tertijs de Blaseio, scilicet apud castrum, vnum sextarium bladi ad mensuram Sunbernionis, medietatem frumenti & medietatem auenæ, ad lampadem dormitorij iam supra dictarum sanctimonialium perpetuè seruendam. Et vt hoc ratum & firmum habeatur, sigillum Hugonis Decani Sancti Sequani præsentibus apponi feci. Dictum verò bladum tempore messis annuatim est persoluendum. Actum est hoc, anno gratiæ millesimo ducentesimo XXX.

32. *Garnerius de Fontanis, 1230. Otho & Kalo de Sauz, filij Vvillelmi de Sauz, 1231. Septembri. Elizabeth de Fontanis. Emeniardis Pratiloni Abbatis.*

Ex tabulatio Clareuallensi.

ANNO 1230. mense Februario GARNERIUS Miles *de Fontanis*, habens tertiam partem in dominio & in iustitiâ villæ & finagiorum de Fontanis, dat Clareuallensibus perpetuum vsuagium ad omne genus pecorum in pasturis suis villæ & finagij de Fontanis. Item partem tertiam Changeij & finagiorum. Laudantibus *Gertrude vxore Garnerij, & nepotibus Garnerio Blaseij, & eius fratre Pontio.*

Anno 1231. mense Septembri, OTHO & KALO fratres, domicelli *de Sauz*, filij Domini VVILLELMI

de Sauz, confirmant Clareuallensibus prædictas donationes ipsis factas à Domino Garnerio de Fontanis.

Anno 1223. mense Decembri, ELIZABETH *de Fontanis*, assensu liberorum *Guiardi & Adeline*, dat fratribus Clareuallensibus vineam in vâlle Corrant.

Anno 1235. mense Iulio, EMENTARDIS Abbatisa, & totus Conuentus *de Praalum*, de communi consensu, pro necessitate & vtilitate domus suæ, vendunt fratribus Clareuallensibus pro XL. libris Diuionensium, vineam suam sitam subtus Fontanas, versus castrum *de Talant*.

33. Kalo, & Otheninus, filij *Vvillelmi de Sauz*, 1232.

Ex autographo Pratilongi.

NOS Magister Robertus Capellæ Ducis, & O. Christianitatis Decani Diuionenses, Notum facimus vniuersis præsentis litteras inspecturis, quòd Dominus KALO Miles, & OTHENINVS frater eius, filij Domini *VVILLELMI de Sauz*, in nostrâ præsentia constituti, quitauerunt in perpetuum Abbatisæ & sanctimonialibus Ecclesiæ Beate Mariæ de Praaluns, quicquid dictæ sanctimonialibus habuerunt & tenuerunt apud Changeium in pasturagijs, & omnibus aliis rebus. Quitauerunt etiam eisdem sanctimonialibus in perpetuum, quicquid ipsi apud dictum locum de Changeio quoquo modo poterant reclamare. In huius autem rei testimonium, ad preces dictorum fratrum Kalonis & Othenini, præsentibus litteris sigilla nostra apposuimus. Actum anno Domini M. CC. XXXII. mense Nouembris.

34. Bone memoria Garnerius de Fontanis. 1234.

Ex tabulis Pratilongi.

NOS frater DROGO dictus Abbas, & Conuentus Clareuallis, Notum facimus vniuersis præsentis litteras inspecturis, quòd cùm bonæ memoriæ Dominus GARNERIUS *de Fontanis*, Miles, dedisset nobis in perpetuam eleemosynam, tertiam partem terrarum, arborum, ædificiorum, iustitiæ, & omnium quæ habentur apud locum qui dicitur Changeium; nos eandem eleemosynam admodiauiimus in perpetuum Abbatissæ & Conuentui *de Praalum*, pro vno modio bonæ & legalis auenæ, reddendo nobis à dictis monialibus, vel nuncio nostro, ad mensuram Diuionensem, annuatim, apud dictum Changeium in crastino Natiuitatis sanctæ Dei Genitricis Mariæ. Et, si fortè contingeret quòd dictum modium auenæ, dictæ moniales non soluerent loco & tempore supradictis, voluerunt & concesserunt, quòd nos quotienscumque hoc contigerit, tam ea quæ ipsis admodiauiimus, quàm ea quæ ex aliâ parte apud dictum Changeium, & apud Fontanas, in terris, vineis, ædificijs, rebus mobilibus & immobilibus habent, & de cætero habebunt, possimus saisire, & in manu nostrâ tenere, donec nobis præfatus modius auenæ, cum omnibus grauaminibus & damnis quæ pro dilatione solutionis eiusdem modij incurrerimus, nobis integrè fuerit persolutus. Et ipsæ moniales, de dictis damnis & grauaminibus simplici verbo Magistri domus nostræ de Diuione, qui pro tempore fuerit, credere tenebunt.

N n n

tur. Sciendum autem quòd neque de iis aliquid quæ ex parte nostrâ, vel ex aliâ parte tenent apud dictum Changeium & Fontanas alienare poterunt, nec extra manum suam ponere, præterquàm in manu nostrâ, dummodò nos de ijs quæ alienare voluerint in eisdem locis, tantùm eis dare voluerimus, quantum alia persona vel Ecclesia dare vellet. Quæ vt rata & firma semper maneant, præsentès litteras sigilli nostri munimine fecimus roborari. Actum anno gratiæ millesimo ducentesimo tricesimo quarto, mense Augusto.

35. *Hernerus Dominus Sombernionis, Blancha eius vxor, filius eorum Ioannes, 1239.*

Ex tabulario Buxerie, parte 13. chartâ 1.

EGO HVG0 Dux Burgundiæ, Notum facio vniuersis præsentem chartam inspecturis, quòd bonæ memoriæ HERVERVS *Dominus Sombernionis*, qui sepultus est in cimiterio *Buxerie*, dedit Deo, & Beatæ Mariæ, & fratribus *Buxerie*, in puram & perpetuam elemosynam, pro remedio animæ suæ & animarum antecessorum suorum; laude, voluntate, & assensu Dominiæ BLANCHÆ vxoris suæ, quinque familias hominum apud Maelein, cum omnibus bonis eorum, nihil sibi & heredibus suis in aliquo retinendo. Tandem dicta Domina *Blancha*, vxor quondam dicti *Hneri*, illas quinque familias hominum commutauit cum Abbate & Conuentu *Buxerie*, in dimidium modium bladi, medietatem frumenti & medietatem auenæ, ad

mensuram Sombernionis, annis singulis in perpetuum recipiendum in grangiâ Domini Sombernionis apud *Maalein*, sine contradictione alicuius personæ. Et exinde possessionem & dominium fratribus *Buxerie* tradidit tali modo, vt dictum dimidium modium habeant, teneant, & possideant, & ex eo faciant liberè, quietè, & licitè, iure proprietario in perpetuum, sine reclamatione heredum dicti *Herueri*, vel supradictæ *Blanchæ*, seu aliquarum aliarum personarum. Ità quòd quicumque pro tempore tenebit prædictam grangiam siue agriculturam Domini Sombernionis apud *Maalein*, soluet dictum dimidium modium vini fratribus *Buxerie*, non expectato vterius aliquo mandato Domini Sombernionis. Hæc omnia integrè obseruare, & nunquam contrà venire, & contra omnes defendere iurauit in manu Abbatis *Buxerie* dicta *Blancha* Domina Sombernionis. Promisit etiam & tenetur prædicta *Blancha*, quòd cum IOHANNES filius eius, quem habet à supradicto *Herueio*, ad ætatem congruam venerit, faciet eum prædictam eleemosynam concedere, laudare, & confirmare. Vt autem hæc eleemosyna rata & firma perseueret, ego *Hugo* Dux Burgundiæ præsentem chartam sigilli mei munimine roborauì. Actum anno Domini M. CC. XXXVIII mense Maij.

36. *Blanc' a D' mina de Sombernione*, 1242.

Ex tabulario *Buxerie*, parte 13. chartâ 3.

EGO *BLANCHA* Domina de Sombernione, Notum facio vniuersis præsentis litteras inspecturis, quòd
 Nnn ij

in præsentia meâ constituti Dominus Vvillermus *Fro-
munt*, & Petrus frater suus recognouerunt se dedisse &
concessisse Deo & Ecclesiæ Beatæ Mariæ de *Buxeriâ*,
& fratribus ibidem Deo seruientibus, in meram & per-
petuam eleemosynam, pro remedio animarum suarum,
medietatem cuiusdam prati sui, siti in territorio de *Va-
roilles*: & totam decimam quam in territorio de *Poussins*
habebant, & habere debebant, &c. In cuius rei memo-
riam & testimonium, ad petitionem vtriusque partis,
præsentis litteras sigilli mei munimine feci roborari.
Actum anno Domini M. CC. XLII. mense Maio.

37. *Guillermus de Monteacuto, Dominus de Maalein, &
Iacqueta vxor eius, 1255.*

Ex tabulario Buxeriz, parte 13. chartâ 4.

NOS GVILLERMVS de Monteacuto, Dominus de
Maalein, & ego IACQVETA vxor dicti Guillermi,
Notum facimus vniuersis præsentem chartam inspectu-
ris, quòd cùm viri religiosi Abbas & Conuentus *Buxerie*
haberent, & percipere deberent annuatim sex sextarios
bladi, ad mensuram *Sombenionis*, in grangiâ nostrâ
de *Maalein*, ex eleemosynâ bonæ memoriæ *Herneri*
quondam Domini *Sombenionis*; Nos videntes, prædi-
ctos Abbatem & Conuentum, & eorum mandatum,
ratione dictorum sex sextariorum labores non modicos
sustinere: nolentes de cætero ipsos super prædictâ elee-
mosynâ molestari, vel indebitè laborare; dedimus, con-
cessimus, & quitauiimus eisdem in excambium & per-
mutationem dicti bladi, in puram & perpetuam elee-

mosynam, furnum nostrum *de Saueranges*, cum omnibus iuribus & pertinentijs dicti furni, &c. Dedimus insuper, & concessimus supradictis fratribus *de Buxeriâ*, in meram & perpetuam eleemosynam, quicquid iuris habemus, vel in posterum habere debemus, de omnibus decimis & tertijs omnium territoriorum & sinagiorum villæ *de Saueranges*, &c. Confirmamus insuper, & laudamus fratribus *de Buxeriâ* omnes eleemosynas atque libertates, quas ipsis fratribus contulerunt *Domini de Sombernione*, in terris, nemoribus, pratis, aquis, pasturis & pascuis, ab initio foundationis dictæ domus *de Buxeriâ*, usque ad diem hodiernum. Et quia sigillum non habemus, sigilla venerabilium virorum, Hugonis Abbatis sancti Sequani, & Petri Archipresbyteri Flavigneij præsentibus litteris fecimus apponi. Actum anno Domini M. CC. LV. mense Augusto.

38. *Guillelmus de Monteacuto, vxor eius Iacqueta, Alexander eorum filius, 1259.*

Ex tabulario Buxeriæ, parte 13. chartâ 5.

NOS frater HUGO permissione diuinâ humilis Abbas sancti Sequani, & Iohannes *de Sauz* Decanus eiusdem loci Lingonensis Diocesis, Notum facimus omnibus præsentibus litteras inspecturis, quòd constituti propter hoc specialiter & personaliter in nostrâ præsentia GVILLERMVS *de Monteacuto Dominus de Maalein*, Domicellus, & ALEXANDER filius eius, prouidâ deliberatione quieti & saluti animæ IACQVETÆ quondam Domine *de Maalein*, relictæ dicti *Guillermi*, matrisque præ-

dicti *Alexandri* cupientes toto cordis desiderio providere : pro remedio & salute animæ prædictæ, & animarum antecessorum ipsius *Iacquetæ*, & suorum, dederunt & concesserunt in puram & perpetuam eleemosynam, Deo & Ecclesiæ Beatæ Mariæ de *Buxeriâ*, Cisterciensis Ordinis, & viris religiosis Abbati & Conuentui ibi Deo seruientibus (in quorum Ecclesiâ prædictâ traditur perpetuæ sepulturæ) dimidium modij bladi, frumenti & auenæ per medium, ad mensuram Sombornionis, de annuo & perpetuo redditu. Quem dimidium modium bladi prædicti, prænominati *Guillermus* & *Alexander* assederunt dictis Abbati & Conuentui, aut ipsorum mandato reddendum & deliberandum singulis annis in perpetuum de cætero, infra festum Omnium Sanctorum, super duo molendina eorum, sita super stannum Maalain: & super redditus & exitus molendinorum ipsorum, quorum vnum vocatur molendinum de la Rochete, & aliud, molendinum dou Mileu, &c. Propter hoc autem dicti Abbas & Conuentus tenentur singulis annis in perpetuum de cætero, die Martis proximâ post festum Beati Bartholomæi Apostoli, in eorum Ecclesiâ anniuersarium dictæ *Iacquetæ* facere, &c. In quorum omnium robur & testimonium, ad preces dictorum *Guillermi* & *Alexandri*, præsentibus litteris sigilla nostra apposuimus. Actum anno Domini M. CC. LVIII. mensè Octobris.

39. *Ex Necrologio Buxeria.*

DIE Martis post festum Bartholomæi Apostoli, Anniuersarium *Iacquetæ* Dominæ de Malano, qua

dedit nobis dimidium modium frumenti & auenæ per medium. Et debemus habere duplicem pīctantiam & generalem, vt in chartâ eiufdem continetur.

40. Alexander de Monteacuto, Dominus de Maelein. 1265.

Ex tabulario Buxeræ, parte 13. chartâ 8.

IE ALEXANDRES de Montagn, Sires de Maelein, fais
à sauoir à tous ces qui ces presentes lettres verront &
ourront, que ie por lou remede de m'arme & de mes ances-
fors, ay doné, quitté, & outroïé à Deu, & à Nostre
Dame, & à l'Abbé & Couant de la Boixere, queque droi-
ture que ie aye, ne atans auoir decy en auant, por raison
de fief, ne por nule autre chose quel qu'ale soit; sauue la
Iustice, la Seignerie, & la Garde, ensi com nos li auïens,
que i retenons an la terre que Messires Aubers de Sauigné
Cheualiers ai donée à Deu, & à Nostre Dame Sainte
Marie, & à l'Abbé & Couant de la Boixere, por lou re-
mede de s'arme, en aumogne perpetual. C'est à sçauoir dués
pieces de terre, lesques contiennent enuiron cinq iournaux
de terre, &c. Et por ce que ie n'ay seaux, à ma requeste
ay fait à mettre en ces presentes lettres, por ce qu'elles
aient force & vigour, lou seaul à l'onorable Baron Mon-
signor Iehan de Saux, Doyen de Saint Seigne, & lou seaul
à la religieuse femme Aaliz Abbasse de Praalon. Ce fu fait
en l'an Nostre Seignor mil & dous cens & soixante & cinq,
ou mois de Octambre.

41. *Calo de Sauz, Dominus de Fontanis: vxor eius Dan-
nez: Iohannes & Guillelmus eorum filij. 1267.*

Ex autographo B. Mariæ de Bonuau, iuxta Talant.

IN nomine Domini, Amen. Anno Incarnationis eius-
dem M. CC. sexagesimo septimo, mense Augusti, Ego
CALO de Sauz, Dominus de Fontanis, Miles, in bonâ
dispositione mentis existens, Notum facio omnibus
præsentes litteras inspecturis, quòd ego considerans &
attendens quòd nihil est morte certius, nihil incertius
horâ mortis; ob hoc ego diem extremæ messonis, ope-
ribus misericordiæ præuenire, & animæ meæ, & animæ
Dominæ DANNOT vxoris meæ providere cupiens; pro
remedio animæ meæ, & animæ vxoris meæ prædictæ, ac
antecessorum nostrorum; & etiam pro anniuersario meo,
& anniuersario dictæ vxoris meæ, singulis annis in Eccle-
siâ Vallis Beatæ Mariæ iuxta Talant perpetuò celebran-
do, dedi, concessi, & obtuli in eleemosynam & heredi-
tatem perpetuam, donatione factâ inter viuos, Deo &
Ecclesiæ Vallis Beatæ Mariæ prædictæ, & Priori ac fra-
tribus Ordinis Vallis scholarium ibidem Deo seruienti-
bus, quicquid habeo, & habere possum & debeo in vil-
lis, territorijs, & pertinentijs de Dez, & de Altauillâ, in
terris, noëtijs, mansis, censibus, tertijs, & in omnibus
rebus alijs quibuscunque. Et ex his omnibus & singulis
ego me penitus, & dictos. . Priorem & fratres per manum
fratris Girardi tunc Prioris Vallis Beatæ Mariæ corporali-
ter inuestiui & in verum dominium, & possessionem
corporalem veram & perpetuam induxi. Quæ omnia
&

& singula supradicta à Domino Hugone *de Patoes* Milite, & Renerio fratre suo in alodium liberum acquisiui, titulo legitimæ emptionis. Promittens bonâ fide, contra donationem, & concessionem prædictas de cætero per me vel per alium non venire, tacitè vel expressè: & ad hæc omnia tenenda & obseruanda perpetuò, meos heredes præsentès & futuros specialiter obligo. Quæ omnia & singula supradicta ego DANNEZ vxor dicti Domini Calonis, & nos IOHANNES & GVILLELMVS eorundem Domini Calonis & Domine Dannel filij, laudamus, volumus, & concedimus, & tenere ac obseruare perpetuò promittimus bonâ fide. Promittentes quilibet nostrum in solidum, quòd contra præmissa vel aliquod præmissorum, de cætero per nos vel per alios non veniemus, nec venire per alium faciemus, consentiemus, aut permittemus, ratione dotis, vel donationis propter nuptias, aut auoërix, seu conquestus, vel proprietatis, siue successionis, aut modo alio qualicumque. In quorum omnium testimonium & munimen, Nos *Calo, Dannez, Iohannes, & Guillelmus* prædicti, litteris præsentibus sigilla virorum venerabilium, Domini Petri Decani Capellæ Ducis, & Magistri Alberici Decani Christianitatis Diuionensis rogauimus & fecimus apponi. Actum anno & mense prædictis.

42. Au Prieuré de Bonuau, de l'Ordre du Val des Escho-
liers, à cinq quarts de lieues de Dijon, par delà Plom-
bieres, & après la montagne de Talant: en l'aisle droite
de l'Eglise, il y a vne tombe releuée sur quatre pilliers,

environ trois pieds de haut , par dessus le pauié , qui porte
cét Epitaphe sur les bords tout à l'entour.

ANNO DOMINI M. CC. SEPTVAGESIMO, II.
KAL. NOVEMBRIS OBIIT DOMINVS KALO
DE SAVZ, MILES, DOMINVS DE FONTANIS.
ORATE PRO EO, VT VITE SOLAMEN DET
SIBI CHRISTVS, AMEN.

Son Escu porte vne fasce au milieu, & trois oyseaux en chef.

43. *Alexander de Montecuto, Dominus Sombornionis. 1272.*

Ex autographo B. Mariæ de Bonuau, iuxta Talant.

GE ALIXANDRES de Montagu, Sires de Sombornon,
saz sauoir à touz cels qui verront & orrons cels pre-
sentes lettres , que de boné memoire Amiars, dite Blainche,
cui en arriers, Dame de Sombornon, qui morte est, eu sa
darriene volentié, estanz en bone disposition de pansée pieça
por le profit de s'arme, & por son anniuersaire faire chascun
an en l'Iglise dou Val Nostre Dame pres de Talant, de l'Or-
dre dou Val des Escholiers, dona & outroia à Dieu, & à
ladite Iglise, & au Priour & es freres dou dit Val Nostre
Dame, en pure & permaignable aumosne à touz iors mais,
comme cele qui faire le pot, tote sa partie des dismes de
Vilebarni, qui monoient de son chief, en toutes issues queles
que eles soient. En tel maniere que se icelle partie ne valoit
chascun an cent sols de Viennois, ele vôt & outroia que li
defaut fust acompliz des tierces dou dit leu, qui estoient &
mneuent de son chief si con ge affermois. Et ge hoirs de
ladite Amiart, dite Blainche, regardans & desirans le repox

de l'arme à celi dite Blainche, por ledit anniuersaire faire, & por quinze liures de Viennois, que li dit Priours, & li frere m'ont donées & païées en deniers nombrez, & desqueles ge me tieng por paiez, la dite aumosne lo voil, outroi, & confermoi: & promet por mon sairement corporelment doné sor seinz Euangiles, tenir, garder, deffandre, & garantir encontre toutes genz à touz iors mais iusque à drois: & que por moi ne por autrui ge ne vanra encontre, taisiblement ou expressement. Et à ce tenir & garder ge enloi mes hoirs, & les diz dismes, & les tierces: & voil que à ce tenir & garder ge & mi hoir soient contrainst à touz iors mais: aussi comme de chose auijie ou cogneue en iugement & en audience en la Court mon Seignor le Duc de Bergoinne. Ou tesmoignaige de laquelle chose ge ai sopplie & requis à mettre en cels lettres le seal de ladite Court mon Seignor le Duc, & le seal à benorable home mon Seignor Anxeri Arcediasere de Digenois en l'Eglise de Lengres. Ce est fait en l'an de grace mil. CC. & sexante & dore, ou mois de Marz,

44. Alexander de Monteacuto, heres propinquior ab intestato Maingerdis Domine Sombernionis. 1293.

Ex autographo Prioratus de Bonuau, iuxta Talant.

IN nomine Domini, Amen. Anno Incarnationis Ieiusdem millesimo ducentesimo nonagesimo tertio, mense Iunij, ego ALEXANDER de Monteacuto, Dominus Sombernionis, Miles, Notum facio vniverfis presentes litteras inspecturis, & auditoris, quod bona memoria MAINGERDIS diſſa Blanche, Domina quondam

Ooo ij

Sombornionis, in vltimâ suâ voluntate, ac in bonâ dispositione existens, dedit & legauit in puram & perpetuam eleemosynam, Deo, & Ecclesiæ, & fratribus Vallis Beatæ Mariæ propè Talentum, Ordinis Vallis Scholarium, pro remedio animæ suæ, & anniuersario suo annis singulis in dictâ Ecclesiâ faciendo, partem suam decimarum de Vilebarni, quæ mouebant de ipsius *Maingerdis* capite: in omnibus scilicet redditibus, & exitibus quibuscumque. Ita tamen quòd si illa pars dictatum decimarum annuatim non valeret centum solidos Viennensium annui & perpetui redditus, ipsa *Maingerdis* voluit, & concessit dictis fratribus, quòd defectus eisdem adimpleretur in tertijs dicti loci, quæ similiter erant & mouebant de capite dictæ *Maingerdis*. Quæ quidem omnia & singula supradicta, dicta *Maingerdis* facere potuit de iure & de facto; prout hæc omnia & singula supradicta confiteor firmiter esse vera. Et hæc omnia prædicta, amore Dei, & intuitu pietatis, ac etiam pro quindecim libris Viennensium, quas dicti fratres mihi dederunt & soluerunt in pecuniâ numeratâ, ego laudaui & confirmaui, tanquam *heres dictæ Maingerdis propinquior ab intestato*: ac etiam dictam donationem garantire promisi dictis fratribus & eorum successoribus contra omnes. Et cum pro necessitate meâ vendiderim, & in perpetuum quittauerim pro me & meis, Morello dicto *le Borne*, de Flaigneyo, omnia prædicta in donatione contenta, seu ea super quibus dicti centum solidi erant assignati & assignati; ita videlicet quòd dictus Morellus pro se & suis, ratione rerum eidem à me venditarum, dictis fratribus & eorum successoribus teneatur, annis

singulis & in perpetuum reddere & soluere tres sextarios frumenti ad mensuram Flauigneyi, in recompensationem omnium prædictorum, eisdem fratribus & eorum Ecclesiæ à dicta Maingerde donatorum, &c. *Dono etiam eisdem fratribus septem quartellos auenæ annui redditus, ad mensuram Sombernionis percipiendos, & leuandos annis singulis, & in perpetuum infra festum Beati Martini hyemalis, à percipientibus & leuantibus tertias meas de Sombernione, &c.* Actum in præsentia Hugonis de Cabilone Notarij Diuionensis, Domini Iohannis de Chaigniaco, & Domini Galteri de Comerrien, Militum, testium ad hoc vocatorum anno & mense prædictis.

45. *Aruerius Dominus Sumbrensis. Heruerius Dominus Safrarum. 1233.*

Ex autographo.

EGO ARVERIVS Dominus Sumbrensis, Notum facio vniuersis præsentibus litteras inspecturis, quòd post hoc quòd ego donaui dilecto, & fideli meo HERVERIO Domino Safrarum, feodum *de Socè*, ipse redemit de me gageriam quam ego tenebam in illo feodo, de centum libris Diuionensium : & hanc gageriam teneor dicto *Heruerio* & heredibus suis bonâ fide guarantire. Et vt hoc ratum sit & firmum, in huius rei testimonium præsentibus litteris sigillum meum apposui. Actum anno Domini M. CC. XXX. tertio, mense Martij.

46. *Gilla, relicta Heruei Domini Saffrarum. Guido eorum filius. 1249.*

Ex archiuo Regio Parisiensi.

Reuere[n]dissimo Domino suo TH. Regi Nauarræ, Comiti Campaniæ & Briæ Palatino, GILLA Domina Saffrarum, salutem & reuerentiam cum honore. Notum vobis facimus quòd Dominus HERVEVS Dominus Saffrarum, maritus noster, in reditu de marinis partibus, de præsentis sæculo transmigravit. Propter quod reuerentiæ vestræ supplicamus, humiliter rogando quatinus Dominum GUIDONEM Militem, filium nostrum, Dominum Saffrarum, recipiatis in homagium de feodo illo, de quo prædictus maritus noster in homagio vobis tenebatur. Nos verò dicto Domino Guidoni, filio nostro, Domino Saffrarum, ius nostrum plenariè acquitauimus, &c. Datum Sabbato post Epiphaniam Domini, anno Domini M. CC. XLIX.

47. *Euilo Comes de Salz, vxor eius Regina, filij eius Guido & Girardus, frater eius Willelmus.*

Ex Panchartâ Albæripæ, confectâ anno Christi 1135. tempore Vvilenci Lingonensis Episcopi.

EVILO Comes de Salz, laudante vxore suâ REGINA, & filiis suis GUIDONE & GIRARDO, & VVILLEMOMO fratre eius, similiter dedit quicquid in suprascriptis finagijs habebat, vel aliquis de illo tenebat: & extra, in omnibus terris suis omnes supradictas astantias.

48. *Vido Dominus de Sauz, vxor eius Elizabeth, liberi eius Bartholomeus & Beatrix. 1203.*

Ex tabulario Albæripæ.

EGO VIDO Dominus de Sauz, Notum facio præsentibus & futuris, me laudasse fratribus Albæripæ, consensu vxoris meæ ELIZABETH, & filiorum meorum BARTHOLOMÆI & BEATRICIS, si quid iuris habebam in illâ parte vauriæ de Archotoros, quæ est inter Praalais & aquam quæ de Viuex descendit in Albam: vnde inuestiti erant anno ab Incarnatione Domini M. CC. III. secundo die Aprilis; quod eis calumniabatur Simon Miles de Aspre, pro quadam conuentione quæ inter ipsos erat: scilicet quod, si prædicti fratres in iamdictâ parte vauriæ aliquid acquirerent, medietas esset Simonis; ita tamen quod prius redderet eis medietatem pretij quo illud emerant.

49. *Euilo Comes de Salz, Villermus frater eius, filius eius Guido.*

Ex tabulario Albæripæ.

NOTVM sit omnibus tam præsentibus quàm futuris, quod Rainaldus de Grancè, laudante vxore suâ Agnete, & EVILO Comes de Salz, laudantibus fratre suo VILLERMO & filio GVIDONE, dederunt Deo & Sanctæ Mariæ Vallis Saluatoris, & fratribus ibi religiosè viuentibus, in finagio Corilimontis omnes assensias, tam in terris

quàm in nemoribus , ad pascendum animalia , ad ædificandum domos , ad excolendam terram , & cætera vsualia , absque omni redditu & cultumiâ. Factum est hoc per manum *Vvilenci* Episcopi. Testes, *Iocerannus* olim Episcopus, *Godefridus* Prior de Claraualle , *Guido* Monachus de Claraualle, *Dauid* Canonicus Sanctorum Geminorum , &c. Hoc donum laudauit *Rainaldus* filius *Rainaldi* de Grancè , &c.

50. *Fratres Vallis Saluatoris dant seipsos Alberipæ.*

Ex tabulario Albæripæ.

EGO GODEFRIDVS Dei gratiâ Lingonensis Ecclesiæ Edictus Episcopus, tam futuris quàm præsentibus notum fieri volo, quòd fratres *de Valle Saluatoris* dederunt se , suamque possessiunculam Deo & Sanctæ Mariæ *de Alberipæ* , in manu domni Raimbaldi eiusdem loci Abbatis primi. Locum siquidem illum, scilicet Vallem Saluatoris , pater memorie *Robertus* Lingonensis Episcopus, cuidam clerico nomine *Guillermo* , natione Normanno, ad Dei seruitium ibidem faciendum, ædificandum donauerat: quem ille, & qui cum eo erant fratres, sub eo, & post eum ex tunc & deinceps , temporibus prædecessorum meorum Lingonensium Episcoporum Ioceranniarque *Vvilenci*, alijs decedentibus, alijs succedentibus, usque ad tempus nostrum nullâ eos perturbante calumniâ pacificè possederunt. Hunc igitur locum sæpèdictum, domui Dei *Alberipæ* & fratribus inibi Deo seruientibus, à supramemoratis fratribus datum, ego iustis ipsorum
petitio-

petitionibus non injustè annuens benignè concessi, & sigilli nostri auctoritate confirmaui. Quisquis igitur prædecessoris nostri supranominati Episcopi *Roberti*, & nostræ gratuitæ donationi obuiare præsumpserit, anathema sit donec inde congruè satisfaciatur.

51. *Evilo Comes de Sauz, vxor eius Regina, filij Guido & Girardus, frater Vvillermus.*

Ex tabulario Albæripæ.

AD conseruandam rerum gestarum memoriam, ego **GODEFRIDVS** Dei gratiâ Lingonensis Episcopus præsentium attestazione litterarum notum fieri volo quòd, &c. *VVILLERMVS de Sauz*, calumniabatur domui Albæripæ, & Vallis Saluatoris, aasentias & vsuaria in finagio *Corilimontis*, & pasturas in finagio *de Columbe*, dicens, fratres Albæripæ seu Vallis Saluatoris, aut eorum animalia, nulla omnino vsuaria in præscriptis finagijs habere debere. Vnde apud *Buxeroles* in præsentia nostrâ, constitutâ alterutrum reëctitudinem exquirendi die, prolata sunt in medium ab Abbate Albæripæ *Rainerio* duæ chartæ legitimæ, sigillo prædecessoris nostri *Vilenci* Episcopi Lingonensis munitæ, & testium annotatione roboratæ; in quarum alterâ continebatur scriptum, quòd *EVILo Comes de Sauz*, laude vxoris suæ *REGINÆ*, & filiorum suorum *GVIDONIS* & *GIRARDI*, & fratris sui *VVILLERMI*, dederat domui Dei Albæripæ, omnes aasentias in omnibus terris suis. Sunt autem istæ aasentix; in aquis scilicet ad piscandum, in siluis ad comburen-

dum, ad ædificandum, ad pastum porcorum & ceterorum animalium, absque reddito & custodiâ. Auditis igitur utrorumque causis, & diligenter examinatis, iusto iudicio iudicatum est, domui Dei Alþeripz, remotâ omni calumniâ debere constare omnia sicut chartæ illæ legitimè testificabantur. Testes horum sunt, Pontius Archidiaconus, Alnaldus tunc Decanus, frater Morelli. Dominus Odo de Grancè, Dominus Rainerius de Marefc.

52. *Guido de Sauz, olim Comes Lingonensis.*

Ex tabulario Ecclesiæ Lingonensis.

IN nomine Patris, & Filij, & Spiritus sancti, Amen.
 Notum sit omnibus presentibus & futuris, quod ego HVGGO Dux Burgundiæ, Comitatum Lingonensem, quem à GVIDONE *de Sauz* per commutationem accēpi, Ecclesiæ Lingonensis Episcopo, videlicet patruo meo GALTERO & eius in Episcopatu successoribus in eleemosynam dedi, ac habendum in perpetuum concessi, & eum in manu eiusdem *Galteri* guerpiui. Laudantibus filiis meis ODONE & ALEXANDRO: HENRICO etiam Comite Barri consanguineo meo, qui præfatum Comitatum à me acceperat in feodum; & fratribus eius, *Theobaldo*, *Rainaldo*, & *Hugone* hanc donationem confirmantibus & approbantibus; &, si quod ius in Comitatu illo à suis prædecessoribus habebant, præfatæ Ecclesiæ in eleemosynam concedentibus, & omnem inde calumniam deponentibus. Necnon etiam laudan-

tibus hanc eandem donationem, GUIDONE *de Sauz*, & filijs eius OTHONE & HENRICO, & liberis eiusdem Othonis. Testes sunt clerici, manassetus Lingonensis Decanus, Petrus Barrensis Decanus, Ebrardus Præpositus Sanctorum Geminorum. milites, Gerardus *de Reon*, Viardus *Moriers*, & Simon eius frater. Petrus de Barro Seruiens Henrici Trecentis Comititis, Bonius Præpositus Castellionensis, Petrus maior Castellionensis. Actum est hoc, anno ab Incarnatione Domini M. C. LXX. nono.

ANNO TATIO.

O Buit Galterus Episcopus, VII. Idus Ianuarias, *anno millesimo, centesimo, septuagesimo octavo pleno*, ut habet eius Epitaphium in Cartusâ Luuiniacensi, quam fundauit: hoc est, anno 1178. completo, adcoque incipiente 1179; cuius exordio à Christi natali deducto, pauló ante eius obitum datas oportuit præmissas tabulas. Necrologium Luuiniacense ad VII. diem Ianuarij, *Obijt Reuerendus in Christo Pater & Dominus, Dominus GALTERVS Lingonensis Episcopus, fundator noster, & frater: sepultus ex latere maioris altaris in Ecclesiâ nostrâ.*

53. Henricus filius Guidonis Comititis *de Sauz*, filij Euilonis. 1179.

Ex tabulario Albæripæ.

EGO GALTERVS Dei gratiâ Lingonensis Episcopus præsentibus & futuris notum fieri volo, quod HENRICVS filius GUIDONIS Comititis *de Sauz*, guerpiuit atque laudauit per manus nostram, domui Dei Al-

Ppp ij

beripæ iure perpetuo possidendum, quicquid prædictus pater eius, *Guido* scilicet, eidem domui donauerat aut laudauerat. Testes, *HUGO* Dux Burgundiæ, nepos meus, *Petrus* Decanus Barri, *Hunaldus* Capellanus noster, *Rainaldus* Cellerarius de *Claraualle*, *GUIDO* supradictus Comes eiusdem *HENRICI* pater, *Milo Delfosse*. Actum Castellioni anno Domini M. C. LXXIX.

Ex eodem tabulario.

54. **E**GO GALTERVS Dei gratiâ Lingonensis Episcopus, presentibus & futuris notum fieri volo, quòd *GUIDO* Comes de *Sauz* guerpiuit domui Dei *Albæripæ*, quicquid calumniabatur vel habere se dicebat in finagio d' *Arçfrait*: quod longè antè pater eius, *EVILLO* videlicèt Comes eidem domui in eleemosynam donauerat, & ipse *Guido* laudauerat. Laudauit etiam sæpèdictus Comes *Guido* præfatæ domni, vuageriam pratorum de *Perregnè*, quæ erant de casamento suo. Horum testes sunt, *Hugo* tunc Abbas *Fontineti*, *Rainaldus* Cellerarius *Clareuallis*, *Milo Delfosse* Miles. Hæc omnia laudauit *OTTO* filius Comititis.

Ex eodem tabulario.

55. **E**GO GALTERVS Dei gratiâ Lingonensis Episcopus, presentibus & futuris notum fieri volo, quòd *HENRICVS* filius *Vidonis* Comititis de *Sauz*, laudauit per manum nostram domui Dei *Albæripæ*, quod clamabat in *Arçfrait*, quod *EVVOLVS* Comes auus ipsius

Henrici, laudante filio suo prædicto *Vidone*, supradictæ domui longè antè in eleemosynam donauerat. Testes pro *Henrico* sunt, *Lucas Abbas Cariloci*, *Petrus Abbas Accincti*, *VIDO Comes pater Henrici*, *MILO Canonicus frater Comitum*. Anno M. C. LXX.

56. *Fundatio Ecclesiæ Collegiatæ de Sauz, per Guidonem Dominum de Sauz, 1197. laudante vxore eius Elizabeth, & filio Bartholomæo.*

Ex autographo Ecclesiæ de Sauz.

EGO GUIDO Dominus *de Sauz*, omnibus tam præsentibus quàm futuris notum facio, quòd pro salute animæ meæ, & patris & matris meæ, omniùmque prædecessorum meorum, & ELIZABETH vxoris meæ, filiorumque meorum, constitui in Ecclesiâ Beatæ Mariæ *de Sauz* Canonicos: & dedi eis liberè septem mansa in castello *de Sauz* in perpetuum possidenda, ad domos ædificandas conuenientia. Quas domos ita liberæ esse volo, quòd si aliquis ad eas confugerit priusquàm in eum manus iniecerint, vel res suas in eis posuerit, sub protectione eorum cum rebus suis tutus erit, nisi de forefacto magnæ iustitiæ fuerit comprobatus. Dedi etiam eis terras in vsum ipsorum proprium, ad culturam segetum vel propagationem vinearum excolendas. Præterea concessi eis quòd si aliquis Canonici in conductu suo aliquem acceperit; nec à me, nec ab hominibus meis, nec ab aliquo super quem potestatem habeam, conductus infringetur. Exposui etiam eis omnes aquas meas ad

piscandum. Concessi quoque eis, quòd si aliquis Canonici vinum suum ad vendendum dederit, & interim ad vendendum, vinum dari per edictum prohibeam (ne aliquis videlicet præter me vinum vendat) eidem Canonico licebit vinum vendere prætaxatum. Dedi etiam eis quatuor libras censuales in villâ castri, & in aliâ terrâ meâ: & omnes decimas bladorum meorum, & pecudum meorum: & quartam partem decimarum *de Sauz*. Porro Canonicis prænominatis concessi, quòd ipsi habeant apud *Sauz* mansa libera ad homines liberè retinendos, qui sub eorum potestate eligent remanere; ita quòd cum hominibus meis, in nemoribus & in aliis rebus ad castellum *de Sauz* pertinentibus vsum habeant plenarium & absolutum, liberi omnimodâ exactione meâ & hominum meorum. Præterea si quis hominum meorum, pratum aliquod, vel terram aliquam de quâ non habeam redditum, eis in eleemosynam dederit; vel aliquis Milium qui de me feodum teneat, siue in eleemosynam dederit, vel vendiderit, vel in vadimonio posuerit, hoc libenter concessi. Hæc omnia laudavit vxor mea ELIZABETH, & filius meus BARTHOLOMÆVS. Actum anno ab Incarnatione Domini M. C. XC. septimo.

Hanc fundationem anno eodem 1197. confirmavit *Garnierus* Lingonensis Episcopus: ac subinde *Rainaudus* Lugdunensis Archiepiscopus sine datâ: & denique *Celestinus* Papa III. Laterani, XI. Kal. Nouembris, Pontificatus anno septimo.

57. *Wido Dominus de Sauz, vxor eius Elizabeth, liberi Bartholomeus & Beatrix.*

Ex tabulario Albæripæ.

EGO VVIDO Dominus *de Sauz*, Notum facio præsentibus & futuris, me laudasse fratribus Albæripæ, consensu vxoris meæ ELIZABETH & filiorum meorum BARTHOLOMÆI & BEATRICIS, siquid iuris habebam in illâ parte vauriæ de Archotoros &c. vnde inuestiti erant anno ab Incarnatione Domini M. CC. III. secundo die Aprilis.

Ex tabulario Ecclesiæ de Sauz.

58. **E**GO GVIDO Dominus *de Sauz*, Notum facio præsentibus quàm futuris, me concessisse Canonicis meis *de Sauz*, quòd acquirant Ecclesiæ suæ, vel gaigeriâ, vel emptione, mediam partem decimarum *de Sauz*: videlicet partem G. *de Blaisè*, & partem R. *de Corporey*: nec alicui liceat præterquàm ipsis decimas illas acquirere, etiam heredibus meis, nisi ad opus Ecclesiæ suæ *de Sauz*. Et hoc laudauit & concessit Elizabetha vxor mea, & BARTHOLOMÆVS filius meus. Actum anno ab Incarnatione Domini M. CC. nono.

Ex tabulario Ecclesiæ de Sauz.

59. **G**VIDO Dominus *de Sauz*, ad petitionem & ad preces Dominæ ELIZABETH coniugis suæ in extremis laborantis, dat Ecclesiæ & Canonicis de Sauz, pro eius animæ remedio, centum solidos Stephanienfes in die Circumcisionis Domini annuatim persolvendos, Dominus BARTHOLOMÆVS, inquit, filius meus hanc eleemosynam laudavit supradictis Canonicis, & concessit. Actum hoc, anno gratiæ 1222.

Ex tabulario Ecclesiæ de Sauz.

60. **G**VIDO Dominus *de Sauz*, pro anniuersario Domini HYGONIS fratris sui, Canonici Lingonensis, dat Ecclesiæ & Canonicis de Sauz duo sextaria bladi singulis annis persoluenda: laudante filio suo BARTHOLOMÆO. 1222.

Ex tabulario Ecclesiæ de Sauz.

61. **G**VIDO Dominus *de Sauz*, pro salute animæ suæ, & ELIZABETH vxoris suæ, dat Capitulo & Ecclesiæ *de Sauz*, quatuor sextaria bladi. 1231.

62. *Iacobus Dominus de Sauz. Vxor eius Maria de Monte Sancti Iohannis.*

Ex tabulis Ecclesiæ de Sauz.

IACOBVS Dominus *de Sauz* cum MARIA vxore suâ fundat capellam S. Iacobi *de Sauz*, cum reditu sufficiente ad victum & vestitum vnius Presbyteri in dictâ capellâ deferuituri. Die Mercurij post festum S. Michaëlis in Monte Gargano, 1248.

Idem eodem die & anno dat Canonicis B. Mariæ *de Sauz*, quartam partem decimæ *de Sauz*: recipiens ab illis sexaginta libras Viennensium.

63. **E**GO IACOBVS Dominus *de Sauz*, Miles, Notum facio omnibus presentes litteras inspecturis, quòd ego diuinâ fauente gratiâ cupiens, in partibus transmarinis exequi votum Crucis; sponte, liberaliter, & benignè do, & cedo, atque quitto Canonicis *de Sauz* in perpetuum duas domos cum plaustis earum, &c. Vt eas teneant & possideant perpetuò ita liberas, prout auus meus, pater scilicet patris mei, eas eis contulit, &c. *Laudante Mariâ Iacobi coniuge, anno Domini 1248. mense Iulio.*

Idem eodem anno & mense, quartam partem decimæ *de Sauz*, tam grossæ quàm minutæ, posuit in manus Canonicoꝝ *de Sauz*, pro sexaginta & decem libris bonæ & legalis monetæ Stephaniensis, quas ab eis recepit.

64. **A**NNO Domini 1249. mense Martij, MARIA de Monte Sancti Iohannis, Domina Salionis, *quondam vxor Domini Iacobi in transmarinis partibus defuncti*, Domini Salionis : de eius mandato dat Ecclesiæ B. Mariæ de Sauz, duodecim minas bladi, medietatem consiliginis, & medietatem tremisagij, ad mensuram de Sauz, singulis annis in tertijs de Sauz percipiendas : eâ conditione vt ipsi Canonici teneantur, in dictâ Ecclesiâ ad altare in honore S. Iacobi constitutum, diebus singulis pro dicto Iacobo defuncto, & antecessoribus eius Missam vnâ per se vel per alium celebrare : exceptis diebus Dominicis, & festiuis, & eorum octauis, & octauis festorum nouem lectionum.

Hanc donationem seu foundationem anno Domini 1250. mense Aprili confirmauit IOHANNES de Passauant, Dominus de Sauz, qui tum MARIAM de Monte S. Iohannis, relictam Iacobi Domini de Sauz habebat vxorem.

65. *Guillelmus Dominus de Sauz, mater eius Maria, Marguareta vxor.*

Ex tabulis Ecclesiæ de Sauz.

GVILLELMVS Dominus Salionis, domicellus 1284. Octobri.

GVILLAVME sire de Sauz, Damoyseau, du consentement de MARGVERITE sa femme, donne aux Chanoines de Nostre Dame de Sauz sept quartaux de conseil,

à payer chacun an à la feste de Toussaints, pour le remede de l'ame de fut Dame MARIE sa mere, iadis Dame de Sauz, l'an de grace 1285. au mois d'Aoust.

GVILLERMVS Dominus de Salione, domicellus, & MARGVARETA vxor eius, Canonici Ecclesiæ Beatæ Mariæ de Salione dant quinque minas bladi, pro suo anniuersario annuatim faciendo. 1286. Februario. *Le seau est (ce semble) vn lyon rampant.*

Eodem mense & anno, idem GVILLERMVS domicellus, Dominus de Salione, condit testamentum suum, inter cuius executores primo loco nominat Pontium Militem, auunculum suum, Dominum de Ventoux. Apponi iubet inter alia sigilla, sigillum venerabilis hominis, carissimi auunculi sui, Domini Stephani, Domini de Monte Sancti Iohannis.

66. Philippus Dux & Comes Burgundie, Dominus de Sauz.

Ex tabulis Ecclesiæ de Sauz.

L'An 1442. 8. de Mars, PHILIPPE Duc & Comte de Bourgongne, ratifie les biens, droits, & privileges des Chanoines de Sauz, comme Seigneur propriétaire du Chasteau & Bourg de Sauz; qui à raison de ce transport de Domaine, se nomma, & se nomme encore aujourd'huy Sauz le Duc.

67. *Excerpta ex autographis archivi Dolani Camera rationum regiarum.*

De Ioannâ Cabilonensi, vxore Roberti filij Roberti II. Ducis Burgundix, & Agnetis filix S. Ludouici Regis.

MENSE Ianuario anni 1292. GVILLEMVS de Cabilone, Comes Autissiodorensis, & dominus Sancti Anniani in Biturigibus, assignat dotalitium vxori suæ ALIENORÆ filix Amedei Sabaudix Comitiss.

Eodem anno & mense Tornodorensis Comitatus Guillelmo transcriptus est à materterâ Margaretâ, Ierusalem & Siciliæ Reginâ, quæ & sequenti anno 1293. Tornodori Xenodochium fundauit, in quo ad mortem usque, raro exemplo, ægrotorum & pauperum se famulam exhibuit. *Ex tabulis Tornodorensibus.*

En l'an 1296. le Vendredy deuant la sainte Catherine, GVILLAYME Cuens d'Aucerre & de Tornuerre & Seigneur de S. Aignan en Berry, nomme & establit son Procureur, son pere IEHAN de Chalon, Comte d'Aucerre & Seigneur de Rochefort, à receuoir quatre mille liures de petits tornois, desquels noble bers AME' Cuens de Sauoye, son honore & ami fire estoit tenu à luy dois la Nativité S. Iehan Baptiste, pour raison du mariage de Damoiselle ALIENOR sa femme, fille dudit AME' Comte de Sauoye.

En Februrier de l'an 1299. GVILLAYME de Chalon, Cuens d'Aucerre & de Tonnerre, fait certain accord avec son ami Oncle ROBERS Duc de Bourgoingne.

ANNO 1308. ELIENOR de Sabaudia; vidua GVILIELMI de Cabilone, Comitiss Autissiodorensis, & postea

vxor DROCONS de Merloto, Domini de Sanctâ Herminâ, repetit iura sua dotalitia à IOHANNE de Cabilone focero suo, patre Guillelmi Comitis defuncti, tutore liberorum Guillelmi, nepotum suorum.

Anno eodem 1308. die XXVII. Iunij, PHILIPPVS Francorum Rex consentit vt DROCÔ de Merloto, Dominus de Sanctâ Herminâ, & vxor eius, relicta Guillelmi quondam Comitis Autissiodorensis, ius balli & custodix liberorum, quos de Guillelmo illa susceperat, transferant in eorum auum, nempe in IOHANNEM de Cabilone, Guillelmi patrem, Comitem Autissiodorensem & Dominum Rupisfortis.

Die X. Nouembris 1309. MARGARETA de Belloioco, vidua IOHANNIS de Cabilone, Comitis Autissiodorensis, & Domini Rupisfortis; interest homagio facto IOHANNI nepoti suo, & IOHANNETÆ nepti suæ, prædicti Guillelmi liberis.

Un tiltre daté en May de l'an 1311. qui declare que HVGVES Archeuesque de Besançon estoit Administrateur & Gouverneur general de IEHAN & IEHANNETTE de Chalon, enfans de Guillaume de Chalon, iadis Comte d'Auceurre, & de Torneurre, nepueu dudit Hugues Archeuesque, & fils de Iehan de Chalon, dit Comte d'Aucerre caionarriers, Seigneur de Roichesfort, & frere du mesme Archeuesque. Hugues de Neblans, sire de Cortenaix estoit tuteur desdits enfans.

A Chalon, le Mardy apres la Trinité, en l'an 1321. AGNES fille de Monsieur Saint LOVIS Duchesse, & EVDE son fils Duc de Bourgogne, d'une part : & d'autre part AME Comte de Sauoye, & IEHAN Comte d'Auxerre, traitent du mariage de ROBERT de Bourgogne, fils de ladite Du-

chesse, & frere dudit Duc, avec IEHANNE sœur dudit IEHAN, & fille de la fille dudit Comte de Sauoye. Presens Edouart de Sauoye, Aymé son frere, Guichart Seigneur de Beauieu, Louys de Sauoye, Seigneur de Wax. L'un des articles de ce traité fut, que Iehanne porteroit à son mary en dot, entre autres choses la Comté de Tonnerre.

En Septembre de l'an 1321. IEHANNE de Chalon, femme de ROBERT fils du Duc de Bourgongne, quitte toutes ses pretentions à son frere Iehan de Chalon Comte d'Aucerre & Sire de Rochefort, en consideration de ce qu'il luy auoit accordé la Comté de Tornurre pour son partage.

Le Dimanche auant la Natiuité Nostre Dame, en l'an 1325. ROBERT de Bourgongne, fils de Robert iadis Duc de Bourgongne, avec sa femme IEHANNE de Chalon, fille de Guillaume de Chalon, iadis Comte d'Aucerre & de Tornuerre, & Seigneur de S. Aignan en Berry, passent vn traité avec Iehan de Chalon, Comte d'Aucerre & Sire de Rochefort, frere de ladite Iehanne.

Le XXVIII. d'Aoust, 1344. Philippe de Vienne rend sentence arbitraire sur le different de IEHAN de Chalon sieur d'Arlay, & MARGVERITE de Merlou sa femme, d'une part : & IEHAN de Chalon Comte d'Aucerre & Sire de Rochefort d'autre part; touchant le dot de AELINORT de Sauoye, mere de ladite Marguerite, pour lequel estoit plaigé ledit Comte d'Aucerre, avec sa sœur Ieanne Comtesse de Tornuerre.

68. *Tabula anno 1126. data à Guilenco Lingonensi Episcopo, de fundatione Abbatie Morimundensis, iam antè, ex anno Christi 1114. factâ per Vlrîcum siue Odolricum Dominum de Acrimonte.*

Ex tabulario Morimundensi.

GVILENCVS ego Dei misericordiâ Lingonensis Episcopus, fidelis dispositor & ordinator beniuolus beneficiorum & eleemosynarum, quæ Morimundensi Ecclesiæ liberaliter collata cognoui, accedo testis & proprii sigilli impressione signator. Primùm laicus quidam, IOHANNES nomine, habitu & animo religiosus, locum Morimundi à Domino ODOLRICO *de Acrimonte*, & ab ADELINA nobilissimâ vxore suâ expetiuit & accepit. Protinus idem Iohannes ROBERTVM Lingonensem eo temporis Antistitem adiit: & interuentu meo acceptâ benedictione & licentiâ locum sibi datum, pro viribus & posse fideliter exstruxit. Post obitum verò eiusdem Anstitis, prædictus Iohannes fauore vsus LOCERANNI qui Roberto successerat in episcopatum; habens insuper consilium Domini Odolrici, locum susceptum Abbati & Capitulo noui monasterij * obtulit & cōcessit, pro emendatione vitæ melioris. Veniensque STEPHANVS noui monasterij Abbas, suscepit locum ab Odolrico & vxore eius, & ab Episcopo, & Capitulo Lingonensi: & designatum est ab Episcopo, Morimundi cimiterium, & benedictum. Postea Odolricus fretus animi sui liberalitate, cum consilio vxoris suæ locum adaugens, concessit terram quamdam, *Gualdinwillare* vulgariter dictam; perambulans ipse cum vxore suâ, & cum Nobilibus multis, & incolis *Fraxinetti*, dona-

* Cistercium
intelligit.

tiones suas certis determinationibus designans. Insuper omnibus feodis suis & alodijs propinquis & remotis concessit cum vxore suâ piscarias in aquis, & ligna ad ignem & ad varia opificia, & pascuale per terras, & in siluis ad opus animalium vsuaria. Omnes istas donationes concesserunt FVLCHO & RAINERIVS, & GERARDVS, filij *Odolrici*. Et horum omnium testes sunt mecum qui viderunt & præsentialiter audierunt, Hugo Miles *Lupa* vocatus, *Odolricus de Prouincherijs*, *Girardus Domnimartini*, Hugo de *Mosâ*, *Arlebaudus de Varennis*, *Rocelinus de Borbonâ*, &c. Et quoniam has terras, Morimundum videlicet & *Galdinuillare*, *Odolricus* à Comite Clarimontis feodaliter tenebat, prædictus Abbas ab eodem Comite in plenâ curiâ velociter impetrauit, &c. Tunc prædictus noui Monasterij Abbas, Abbatem in eodem loco constituit virum per omnia venerabilem, ARNALDVM nomine: præcipientis monachis vt Regulam Beati *Benedicti* quam didicerant, fideliter obseruarent. Deinde me eo temporis Decano & Archidiacono, in Episcopatum ordinante Deo succedente, *Odolricus* cum vxore suâ & prænominatis filiis: sicut à veteri Morimundo riuus veniens præterfluit, totam terram *Fraxineti* & *Galdinuillaris* vsque ad terminos *Romanis* & *Danbelini*, fratribus Morimundi perpetuo iure donando consecrauit. Omnes has donationes sub anathemate confirmo & corrobore, & Archidiaconis meis confirmandas trado. Signum Lamberti Thesaurarii. S. Iocelini Archidiaconi. S. Airardi Archidiaconi. S. Guidonis Archidiaconi. S. Fulconis Archidiaconi. S. Garnerij Archidiaconi. Anno ab Incarnatione Domini M. C. XXVI. Honorio Papâ, Lodoico Rege Franco-

rum,

rūm, Guilenco Lingonenſi Epifcopo. Ego Durannus Lingonenſis Notarius, ad vicem Fulconis Cancellarij dictaui & recitaui. Amen.

NOTATIO.

Ex Chronico Benigniano ad Cyclos Paſchales, Robertus qui ex anno 1077. Rainardo ſucceſſerat in Epifcopatu Lingonenſi, obiit anno 1110. Illi verò poſt duos annos ſuccedens Iocerannus, tandem anno 1125. abdicauit, & Guilencum ex die V. Kalendas Octobris Epifcopum poſt ſe reliquit. Ex quibus intelligitur, iam anno ſaltem 1110. & ante Roberti Epifcopi obitum, Iohannem illum in Morimundo fuiſſe Eremitam. Diem verò, & annum fundatæ ſub regulâ Ciſtercienciſ Morimundi Abbatiz definit vetus inſcriptio Tabularij Morimundenſis, primasque eius quatuor & viginti filias hoc ordine recenſet.

Abbatia Morimundi fundata eſt V. Idus Iulij, anno ab Incarnatione Domini milleſimo centeſimo quarteſimo. Abbatiarum verò quæ de Morimundenſibus monachis conſtructæ ſunt, numerus & ordo iſte eſt. Prima eſt Bellauallis. Secunda Criſta. Tertia Campus. Quarta Ebera. V. Theolocus, VI. Claruſons, VII. Berges, VIII. Bethania, VII. I. Bellumpratum, X. Sancta Crux, XI. Villers, XII. Coronatus, XIII. Scala Dei, XIII. Bellumdonum, XV. Bonuſons, XVI. Aquabella, XVII. Mons Sancti Georgij, XVIII. Francuallis, XIX. Vallisdora, XX. Siluacana, XXI. Briſenrz, XXII. Mons Dei, XXIII. Charrubium, XXIII. Eiſaie.

A quibuſdam autem harum, multæ aliæ per diuerſas terras, Deo operante ſunt diſſeminatæ.

69. *Rainerius Dominus Acrimontis, dona patris sui Vlrici
sive Odolrici Morimundensibus confirmat, 1148.*

Ex tabulatio Mörimundensi.

EGO *Humbertus* Dei gratiâ Lingonensis Ecclesiæ Decanus, notifico fidelibus cunctis, dona quæ Dominus *Rainerius Acrimontis*, fecit & recognouit Ecclesiæ Morimundensi coram nostrâ præsentia: astantibus Domino *Rainardo* & *Rainerio* nepotibus suis, & *Pontio* & *Iocelino* Archidiaconis Ecclesiæ nostræ, tempore quo Papa *Eugenius* ingressus est Lingones. Dona autem illa sunt quæ pater suus *VLRICVS* Morimundensi Ecclesiæ à constitutione illius contulerat. Vsuaria scilicet in aquis per omnem terram suam, & nemora ad ignes & ad matrimandum, &c. Testes *GERARDVS* frater eiusdem *Rainerij*, *Gerardus Bolmontis*, &c. Vxor etiam eius hoc ipsum concessit, &c. Hoc igitur donum vt firmum tutumque permanear, auctoritate nostrâ, & sigillo Capituli Lingonensis munimus & confirmamus. Anno ab Incarnatione Domini M. C. XLVIII. Concurrente quarto, Indictione XI. Epactâ XXVIII.

70. *Gerardus Sineterrâ, frater Rainerij Domini Acrimontis.*

Ex eodem tabulario.

NOTVM sit omnibus, quòd dominus *RAINERIVS* de *Acromonte*, pusillum terræ desuper Abbatiam, Beate Mariæ de Morimundo & fratribus inibi Deo ser-

uientibus in perpetuum dedit: tali tamen conuento, vt ibi iardinarium plantarent. Cui dono interfuerunt & testes sunt, GERARDVS *Sineterrâ frater prædicti Rainerij*, & Hugo Villicus *de Frasneto*, & filius eius Gerardus.

71. *Rainerij Domini Acrimontis fratres Ulricus Canonicus, & Gerardus Sineterrâ.*

Ex eodem tabulario.

EGO GODEFRIDVS Dei gratiâ Lingonenſis Episcopus, vniuersis fidelibus præsentibus & futuris notifico, & auctoritatis nostræ sigillo confirmo, quod RAINE-
RIVS Dominus *Acrimontis*, consensu & laude *fratrum suorum, Ulrici Canonici, & Gerardi Sineterrâ*, terram quamdam, sicut recta linea ipsius aggeris ducit & diuidit à cornu viridarij fratris Stephani vsque ad initium stagni noui, vbi fuerat pons cuius via ducebat *Blanchart*: totum quicquid infra istam diuisam versùs Morimundum continebatur, fratribus de Morimundo concessit, & iure perpetuo contulit, &c. Testes horum omnium Lambertus Abbas Belliprati, Rolandus Miles, *Gerardus & Ulricus* fratres ipsius *Rainerij*. Hoc autem totum concessit & laudauit filia eius *Agnes*.

72. *Molismensis Monasterij ampliatio.*

Ex tabulis Molismensibus.

EGO HUGO Comes Campaniæ, Comitis THEO-
BALDI filius, Notum volo fieri omnibus sanctæ Ec-

R r r ij

clesie fidelibus, presentibus & futuris, quod excellentiori
 ri usus consilio ampliare proposui Molisimensem Eccle-
 siam de meis proprijs redditibus: certissime sciens tanto
 me in celestibus partem habere potiolem, quanto eam-
 dem Ecclesiam amplius honorauerim. Trado itaque &
 concedo eidem Ecclesie de iuris mei possessione, iure
 perpetuo possidendam villam quæ *Rumiltacus* dicitur,
 cum potestate & iustitiâ eiusdem villæ post decessum
 meum, tam in nemoribus, quàm in agris, pratis, pascuis,
 & aquis, seruis & ancillis; præter uxorem Leobaudi de
 Trecis, & infantes eorumdem; & in omni usu consuetu-
 dinario, & in præfenti pro vestiturâ dimidiam partem
 reddituum. Dono etiam dictæ Ecclesie redditus vendi-
 tionis salis, id est, saligninij de Barro super Albam, & iu-
 stitiam saligninij si quis inde forisfecerit. Item dono in
 possessione Ilsenfi ea quæ pater meus donauerat: villam
 scilicet sancti Theobaldi *de Voluâ*, & duo molendina su-
 per ripam Sequanæ sita: culturam quoque meam ex in-
 tegro, quæ vulgariter *Cumina* vocatur: aliasque agrorum
 partes quæ attinent iuri meo: & pratium muro Trecensi
 adjacens, quod frater meus ODO Comes Ecclesie Sancti
 Quintini Trecensis dedit, do & perpetualiter tenendum
 concedo. Et apud Insulas furnum bannalem do & con-
 cedo. Item molendinum *de Largicurte*, sicut teneo: &
 quamdam culturam apud vallum *Valis coloris*: & tertiam
 partem in molendino, & tertiam partem in furno. Huic
 dono adieci & in territorio Remensi villam sanctæ Vval-
 burgis, quæ alio nomine Dyona vocatur, cum appendi-
 cijs suis, & iustitiam eius. Quæ omnia laudavit uxor
 mea CONSTANTIA Francorum Regis filia, & Comitissa

ADELA vxor fratris mei STEPHANI, cum filiis suis, nepotibus meis. Huic dono meo assensum præbuit *Manasses* Remensis Archiepiscopus cum clero suo, super his quæ ad eum pertinebant. Acta sunt hæc apud Trecas, IIII. Nonas Aprilis, anno ab Incarnatione Domini M. C. IIII. Indictione XII. Epactâ XXII. Concurrente V. *Paschali* Romano Pontifice præsidente, *Richardo* Albanensi Episcopo Apostolicæ sedis Legato, Trecis in generali Concilio de negotijs ecclesiasticis tractante, *Philippo* Rege Francorum regnante. Harum itaque possessionum donatio Molismensi Ecclesiæ solemniter à me facta, in Ecclesiâ Trecensi coram omni Synodo recitata, à dicto Cardinali est approbata: & à consedentibus Archiepiscopis, & Episcopis, & Abbatibus, & clericis generaliter collaudata: & ad corroborandam eam feci hos testes idoneos sufficientes in hac chartâ apponi. Sunt itaque isti. *Dasybertus*, *Radulfus*, *Senonensium*, & *Turonensium* Archiepiscopi: Episcopi verò *Tuo* Carnotensis, *Humbaldus* Autissiodorensis, *Hervenus* Niuernensis, *Marbodus* Redonensis, *Robertus* Lingonensis, *Norgaudus* Eduensis, *Hugo* Catalaunensis, *Philippus* Trecensis. Regnaudus Præpositus. Girardus, Iocelinus, Droco Archidiaconi. Abbates quoque, *Ilgondus* Maioris monasterij, *Lambertus* Pultariensis, *Radulfus* monasterij Cellensis, *Ozho* Arremarensis. Laici etiam, *Milo* Comes de Barro suprâ Sequanam, *Milo* Chacennaici dominus, *Wido* Vangionis riui dominus, *Gaufredus* Ottranni filius, *Rennerius* de Castellione. His ita in Trecensi Concilio gestis, & per excommunicationis sententiam, ne in posterum possint infringi, solemniter authenticatis, ego ipse cum illustribus viris, *Hugone Borello* Duce Burgun-

dix, *Wilhelmo* Niuernensi Comite, dicto Comite de Barro, *Airardo* Briniæ Comite, *Hugone* Risnelli Comite, *lofredo* Caluimontis domino, *Rogério* Ionisuillæ domino, *Pontio* Triagnelli domino, Molisium adueni pro negotijs meis & eorum tractandis: meque, & eos *ROBERTVS* primus loci illius Abbas cum monachis suis honorificè excepit. Post orationem verò ad magistrum altare accedens, astantibus dicto Duce & quatuor Comitibus & Baronibus prædictis, medietatem Rumiliaci quam in vitâ meâ antequàm Molisium venissem retinueram, & ibi post decessum meum dare disposueram, (nam aliam medietatem iam integrè possidebat Ecclesia) extracto de proprio digito anulo, & donum de totâ potestate Rumiliaci super altare ponens, eidem Ecclesiæ contradidi iure perpetuo possidendam; dictam scilicet potestatem: adiiciens quòd si quis de casamento meo eidem Ecclesiæ aliquid dare voluerit, liceat ei: ratumque hoc & firmum concedo in perpetuum permanere. Idipsum dicti, Niuernensis, Barri, Briniæ, Risnelli Comites, & dicti Barones mecum adsistentes, sic prædictæ Ecclesiæ de casamento meo concessisse me viderunt: & ipsi exemplo meo compuncti, meisque inducti precibus, singuli eorum vnà cum dicto Duce eidem Ecclesiæ concesserunt perpetuò possidendum, quicquid de eorum casamento, Ecclesiæ illius monachi quolibet modo in posterum sibi acquirerent. Testes inde sunt vnà mecum, *Walterius* Vicecomes de Clamiceio, *Hugo* de Tilio, *Andreas* Rameruci Comes dator & concessor Ecclesiæ de casamento suo quod alij, *Hugo* cognomine *Britto*, filius eius, *Gausfredus* Ottranni filius, *Lebaudus* & *Grimaudus* de Trecis, *THEOBALDVS*

puer, filius Comitis *Stephani* fratris mei. Adiecit autem huic concessioni suæ dictus Comes Barri, domans eidem Ecclesiæ aquarum suarum piscariam apud villam suam *de Verroil*. Ego quoque Ierosolymam postea tendens, Molisimum adij orationis gratiâ : ibique omnes homines cum vxoribus eorum & liberis, qui de potestate Rumiliaci Trecis morabantur, superiori dono addidi ; concedens saluamentum eorum omnium , quorum in potestate Rumiliaci capita sunt Ecclesiæ supradictæ : concedens etiam eidem possidendos eos, qui de eadem potestate manent Trecis vel Insulis ; ne quid ex eâ minuatur aut decidat ; præter Leobaudi vxorem & eius filios. Licet ergo dona hæc mea, & dictorum Principum, etiam dicti Ducis, Ecclesiæ Molisimensi non vno eodemque tempore collata ; volui tamen vniuersa in hac paginâ congeri ; & vt inconuulsa deinceps permaneant, sigilli mei impressione cum testibus superscriptis plenius confirmari. Si quid verò de donis patris mei, & fratrum meorum, & meis minùs hic scriptum fuerit quàm ius poposcit, nec ideo quæ memorabiliter scribi non potuerunt, & tamen dudum à meipso & ab eis data sunt Ecclesiæ, à confirmatione istâ remoueo ; sed sicut scripta ista inscripta quæ hæc tunc tenuit eadem Ecclesia, omnimodis fixa permanere decerno. Actum hoc & confirmatum apud Castellionem super Sequanam , anno ab Incarnatione Domini M. C. VIII. testibus his, *Willelmo* Nineruensi, *Airardo* Brinix , *Milone* de Barro, *Hugone* de Risnello Comitibus ; *Widone* Vvannelruci, & multis aliis. Ad hæc ego Comes THEOBALDVS dicti Hugonis auunculi mei vestigijs piè inhærens, cum Ierosolymam deuo-

tus tenderet, rogatu eius, sigillo meo confirmaui Ecclesiæ Molisimensi perpetuò possidendum quicquid ei ipse confirmauerat : & insuper quicquid de casamento meo ipsa Ecclesia quolibet modo acquisierit, eis gratanter concedens corroborauimus ; testibus his, *Milone* Comite de Barro, *Widone* Vangionis riui domino, & multis alijs.

73. *S. Bernardi Epistola XXXI. ad HUGONEM Comitem Campaniæ, Militem Templi factum.*

SI causâ Dei factus es ex Comite Miles, & pauper ex Sdiuite, in hoc profectò tibi, vt iustum est, gratulamur, & in te Deum glorificamus, scientes quia hæc est mutatio dexteræ Excelsi. Cæterùm quòd tua iucunda præsentia nobis ita, nescio quo Dei est subtracta iudicio, vt ne interdum quidem te videre valeamus, sine quo nunquam, si fieri posset, esse vellemus, hoc æquanimiter (fateor) non portamus. Quid enim? Possumusne obliuisci antiqui amoris, & beneficiorum quæ domui nostræ tam largiter contulisti? Vtinam ipse pro cuius amore fecisti, in æternum non obliuiscatur Deus. Nam nos, quantum in nobis est, minimè prorsus ingrati, memoriam abundantix suauitatis tuæ mente retinemus : & si liceret, opere monstraremus. O quàm libenti animo, & corpori tuo pariter & animæ prouidissemus, si datum fuisset vt simul fuissemus! Quod quia non est, restat vt quem præsentem habere nō possumus, pro absente semper oremus.

74. *Fundatio prima Abbatie Claraualis per Hugonem Comitem Trecentem, hactenus vulgo ignota.*

Ex autographo Clareuallensi.

IN nomine sanctæ & indiuiduæ Trinitatis incipit charta Comitis HVGONIS.

Notum sit omnibus præsentibus & futuris, quòd ego HVGON Comes Trecentis do Deo, & Beatæ Mariæ, & fratribus Claraualis, locum ipsum qui vocatur CLARAVALLIS, cum pertinentijs, agris, pratis, vineis, siluis, & aquis: nihil omnino mihi aut heredibus meis retinens. Vnde testes, Acardus Remensis, & Petrus, & Robertus Aurelianensis, Milites mei. Et sciendum quòd Gaufridus *Felonia* dar pasturas suas in finagio *de Iunencurt*, tam in bosco quàm in plano, omni tempore. Et si aliquod damnum intulerint animalia dictorum fratrum, solum capitale restituetur, sine emendâ. Hæc autem omnia dedi in præsentia supradictorum testium. Sciendum quoque est quòd Dominus LOSBERTVS *de Firmitate*, cognomine Rufus, & Dominus Rainaudus *de Perceris*, dederunt eisdem fratribus pasturam & vsuarium per totam terram suam: & præcipuè in aquis, siluis, pratis, in finagio *de Perrecin*. Huius rei testes sunt, Acardus Remensis, & Robertus, Milites mei. Item sciendum quoque est, quòd ego HVGON Comes Trecentis laudo & concedo eisdem fratribus, liberè & quietè possidere terram & silvam *de Aretelâ*. Has donationes confirmamus, ego LOSCERANNVS Lingonensis Episcopus, &
Ss

ego HUGO Comes Trecensis, de sigillo & anulo meo.

In priore sigillo exprimitur Iocerrannus Episcopus in cathedra sedens : in altero Hugo Comes.

75. *Hugo Comes Trecensis : pater eius Theobaldus, mater Adhelaidis, frater Odo, vxor Constantia. 1097.*

Ex tabulis Molisfmenfibus.

NOTITIÆ fidelium tam præsentium quàm futurorum tradere disponimus, quòd pratum quod est situm iuxta murum Trecensis ciuitatis, non longè ab Ecclesiâ sancti Quintini, quod in vitâ suâ ODO Comes, filius Comitit THEOBALDI dederat Ecclesiæ Molisfmensi, frater eius qui ei in honore successerat, Comes videlicet HUGO, in quadam festiuitate paschali curiam suam apud Molisfnum tenens, videlicet anno M. XC. VII. dominicæ Incarnationis, rogatu Roberti eiusdem loci Abbatis, non solum ipsum pratum, sed omnia dona quæcumque Comes THEOBALDVS pater eius, & ADHELAIÐIS Comitissa mater sua, frater quoque eius Odo Comes attribuerat Ecclesiæ Molisfmensi, libentissimè concessit. Dedit præterea ipse Comes hortolanum quemdam, custodem scilicet prati, cum vxore & liberis suis : omnes quoque redditus & iustitias, quæ iure in eo possidebat. Ex his verò omnibus prænominatis rebus testes existunt, *Wido* de Vangionis riuo, *Dudo* Catalensis ciuitatis Vicecomes, & multi alij. Hæc verò omnia prænominata, coniux eiusdem Comitit Hugonis CONSTANTIA

Philippi Francorum Regis filia, in camerâ Gauterij Beluacensis concessit præsentibus illis testibus, Gaufrido filio Ottranni, Odone Presbytero, cum multis alijs. Ut autem hæc omnia magis rata & authentica sint, præsentem Domino Gaufrido Ottranni misit ipsa Comitissa quendam nummum per dominum Niuelonem super altare sancti Quintini.

76. *Hugo Comes Tricassinus, Theobaudi filius, maritus Constantie.* 1100.

Ex tabulis Arremarensis.

HVGO Comes Tricassinus, THEOBAYDI nobilissimi Comitis filius, necnon & vxor eius CONSTANTIA *Philippi* Francorum Regis filia, de communi mortis sorte securi, & de vitâ æternâ solliciti, &c.

Adeunt namque Ecclesiam in honore Apostolorum Petri & Pauli consecratam, quæ vulgò *Arremari* monasterium dicitur, antiquitùs autem *Mansus Corbonis* vocabatur: cui pro salute animarum suarum iure hereditario dederunt possidendum, si quis ei de eorum beneficio siue Miles, siue seruiens aliquid dedit vel dare voluerit: & hoc quidem de omni terrâ eorum potestati subiectâ annuunt. Insuper & eidem Ecclesiæ dederunt quicquid apud *Altamripam* habebant, &c.

Actum est hoc anno ab Incarnatione Domini M. C. Indictione VIII. XII. Kal. Nouembris. Huius doni testes sunt. *Milo* Comes Barri, *Rainardus* Comes de Iuunia-co, *Andreas* Dominus Rameruci, *Guido* de Vangionis tiuo. *Ingelmerus* Præpositus Græcorum, &c.

Ss ij

77. *Hugo Comes Trecorum ad sepulcrum dominicum profecturus. 1113.*

Ex tabulis Arremarenfibus.

OMnibus Christi fidelibus tam præsentibus quàm futuris notum sit, quòd memorabilis *HUGO* Comes Trecorum, ad sepulcrum dominicum piâ deuotione profecturus, multis magnisque beneficijs quæ Arremarensi Ecclesiæ contulerat, adiecit rem diù multumque expetitam: iustitiam videlicet, quam circà *Desdam* habebat, extrà Quarantaniam scilicet, in monte Herberti, & Pruciaco, & Ruliaco, & Nouauillâ, & in omnibus alijs ad *Desdam* pertinentibus locis, &c. Inter testes *Milo Comes Barri*, *Airardus* frater eius Comes Brenix. Actum publicè Trevis in curiâ, anno ab Incarnatione Domini M. C. XIII.

78. *Arucius de Saffrà, filius Aruci & Comitissæ: frater eius Galcerus, vxor Gila.*

Ex autographo archiui Monialium de Pralon.

IN nomine sanctæ & indiuiduæ Trinitatis. Innotescat fidelibus vniuersis, cartulam istam inspecturis, quòd Dominus *ARVEIVS de Saffrà* concessit Abbatissæ & sanctimonialibus de *Praalun*, liberè & quietè possidendam tertiam partem decimarum segetum de *Saffrà*, in perpetuum possidendam: quam eadem sanctimoniales de dono patris sui *ARVEI* habent in eleemosynâ, pro animâ

Dominæ Comitissæ, matris prædicti *Arusi*. Ità quòd partem dictam decimarum ubicumque, & per quoscunque voluerint colligent. Dedit etiam prædictis sanctimonialibus locum vnum ad faciendam domum vnam in eadem villâ, in congruo loco & competenti, ad respectum Iohannis Capellani eiusdem villæ, & Guillelmi *Frosmund de Maalein*. Verùm si sanctimoniales, & fratres eiusdem abbatiæ, eleemosynam istam pignori obligare, vel vendere, vel alio modo à domo suâ alienare voluerint, non poterunt hoc facere nisi in manu Domini A. vel alicuius hominis sui, qui neque Miles, neque nobilis generis sit; vel Domus Dei *de Saffrá*, vel in manu prædicti I. Capellani. Hoc totum laudauit GALTERVS frater eius, & vxor eius GILA, quæ de domo *de Praalun* pro contractu illo habuit decem oues, & ipse A. centum solidos Diuionensis monetæ. Et vt ratum in perpetuum habeatur, prædictus A. sigillum suum huic scripto apposuit, & sigilla HAY. Archidiaconi Flauiniacensis, & H. Archipresbyteri Vieltelli, precibus suis interuenientibus apponi fecit. Actum est hoc, anno ab Incarnatione Domini M. CC. II. II. testibus istis; Ebrardo *de Flauincio*, I. *de Saffrá*, & Hay. *de Ts*, Reigmundo *de Grossobosco* Sacerdotibus; Guidone *de Bassi*, & Guillelmo *Frosmund de Maalein*, Militibus. Humberto *de Coium*. Sciendum prætereà, quòd in Canali non licet dictæ domui *de Praalun* decimam capere.

Sigillum Hærci Domini de Safrâ, quod de pergamena
 tæniâ pendet, medium inter sigilla Hay. Archidiaconi
 Flauin. & H. Archipresbyteri Vietelli.



79. Warnerius Sombrensis, Istiburgis vxor eius, horum
 filia Anna & Addila. Gozelinus de Somberton. Anno
 Christi 1020. Rotberti Regis XXV. Indictione III.

Ex autographo Benigniano.

IN nomine Patris & Filij & Spiritus sancti. Seruorum
 Dei est Ecclesiam Christi facultatibus proprijs ditare,
 ampliare, sublimare. Nisi enim ditaretur, non esset vn-
 de pauperes Christi recrearentur. Facite, inquit Chri-
 stus, vobis amicos de mammona iniquitatis, vt cum de-
 feceritis recipiant vos in æterna tabernacula. Huius igitur
 tabernaculi gaudia ego VVALO vocatus Comes, & fra-
 ter meus Vualternus, & VVARNERIVS Semberton atque
 Humbertus Aduocatus seu frater eius Girardus cogitan-
 tes, siue hoc quod etiam ipse Christus dicit, date elec-

mosynam, & ecce omnia munda sunt vobis: partem hereditatis nostræ, sitam ante portas Castri Sarmasie tradidimus Ecclesiæ sanctæ Mariæ, sanctique Benigni Martyris Christi. Terminatur autem ipsa terra ante valuas ipsius monasterij; in latum perticas agripennales xii. à parte Aquilonis; in longum perticas xxxiiii. à parte Orientis, in latum perticas xiiii. & dimidiam, à meridie in longum perticas xxxiiii. & dimidiam. Si verò nos ipsi aut aliquis parentum nostrorum concupiscentiæ stimulis incitatus, contra hanc donationem venire temptauerit, euindicare non valeat quod repetit; sed conuictus, loco cui calumniam inferre conatus est, centum libras auri persoluat. Si autem in suâ malitiâ perseverare voluerit, sciat se cum Iudâ traditore anathemate esse damnandum. Et vt donatio ista firma, stabilisque permaneat, manibus nostris subter firmauimus, fidelibusque nostris similiter firmari rogauimus.

Signum VVALONIS quondam Comitum & vxoris eius nomine IVDITH & filiorum eius *Aymonis* atque *Hugonis*. Signum *Walterij* fratris eius. S. VVARNERII & vxoris eius ISTIBVRGIS, & filiarum eius ANNE & ADDILÆ. Sig. *Humberti* Adaocati & vxoris eius *Ermentrude* & filij eius *Hileranni*. S. *Girardi* fratris eius. S. *Bertrade* sororis eius. S. *Teibaldi* nepotis eius. S. *Gothefridi*, S. *Gislerij*, S. *Arlebaldi*, item S. *Arlebaldi* clerici. S. *Tezelini* Rastelli, S. *Hugonis*, S. *Aldonis*, S. *GOZELINI de Semberron*. S. *Girardi*, S. *Gurberti*, S. *Algerij*.

Acta sunt hæc apud Sarmasie castrum publicè, anno ab Incarnatione Domini millesimo xx. regnante Rotberto Francorum Rege anno xxv. Indictione iii.

Ego Girbertus indignus Leuita ad vicem Domni Beraldi Cancellarij rogatus scripsi & subscripsi.

80. *Ex Necrologio S. Benigni Diuionensis.*

III. Idus Aprilis, obiit **TECELINVS** monachus, pater domni *Bernardi* Abbatis *Claraualis*.

XIIII. Kalendas Septembris, obiit **CALO** Dominus de Fontanis, noster amicus, qui dedit nobis partem suam de Magnomonte.

II. Kalendas Septembris, obiit **VVIDO** de Sumbernion Miles.

Kalendis Septembris, obiit **ALASYA** laica. *Hec est S. Bernardi mater, olim ad S. Benignum sepulta, quæ in recentiore necrologio scribitur Alaysa.*

V. Idus Octobris, obiit **EBALVS** Comes Salz.

XI. Kalendas Nouembris, obiit **ITISBURGIS** nostra amica, mater Abbatis nostri. *Hec est vxor Warnerij Somburnionensis.*

81. *Ecclesia Fontanensis S. Martini de Prato, in Campaniâ, cum capellâ superioris Fontanarum ville, 1120.*

Ex autographo S. Stephani Diuioneusis.

IN nomine summæ & indiuiduæ Trinitatis, Patris & Filij & Spiritus sancti. Quotiens ecclesiasticæ dispensationis officia synodalibus præceptis reformantur, & ad memoriam posterorum, bonorum prædecessorum laudes

&c

& benè gesta recitantur, exemplo caritatis & imitatione iustitiæ, de illis præcipuè quæ apud Religiosos & fidei domesticos nostris temporibus benignè conferuntur, dignum duximus iuxta consuetudinem antiquorum & nos fideliter indagare, & perfectionibus instrumentis pro liberatione tractare. Ego igitur IOCERANNVS diuino nutu Lingonensis Ecclesiæ Episcopus, cùm de statu & prouectu eiusdem matris basilicæ, vnà cum reuerentissimo totius cleri comitatu, in plenariâ Synodo generaliter tractarem, venerunt ad nos Diuionensis Ecclesiæ Sancti Stephani regulares Canonici, domnus GVALO Prior, & Religiosi alij; rogantes & obsecrantes, vt sicut ad nostrum episcopale ius pertinebat, de *Ecclesiâ Beati Martini de Campaniâ*, quam de iure Ecclesiæ suæ antiquitus fuisse diu reclamauerant, & de alijs rebus quas in nostro episcopatu, nostrâ & fidelium nostrorum dispensatione adquisierant, auctoritatis nostræ litteras faceremus, & proprii sigilli nostri impressione formatas confirmaremus. Quorum iustæ petitioni, Archidiaconorum nostrorum & eiusdem sacri conuentus consilio libenter adquiescentes, *Ecclesiam illam Beati Martini de Prato, quæ dicitur in Campaniâ, cum capellâ suâ quæ est in superiori Fontanarum villâ*, saluo iure Lingonensis Ecclesiæ, illis reddimus & concedimus. Ecclesiam quoque *de Gemellis*, cum capellâ suâ quæ est in villâ *de Picamgis*: & Ecclesiam *de Ormentiac*, quæ est in confinio ipsius Lingonicæ ciuitatis; cum duabus capellis suis, quarum vna *de Roseriis*, altera *de Maydo* Episcopi villâ esse cognoscitur, saluis nihilominus Lingonensis Ecclesiæ consuetudinibus, illis donamus, & perpetuo iure confirmamus, & per istius

chartæ instrumentum Archidiaconi nostris confirmandam tradimus. Signum *Guilenci* Archidiaconi. S. *Guarnerij* Archidiaconi. S. *Ayrardi* Archidiaconi. S. *Gocelmi* Archidiaconi. S. *Guidonis* Archidiaconi. Acta sunt hæc anno ab Incarnatione Domini millesimo centesimo vicesimo, *Calixto* summo Pontifice, *Lodouico* Francorum Rege, *Ioceranno* Lingonensis Ecclesiæ Pontifice. Ego *Durannus* Lingonensis Ecclesiæ Notarius, ad vicem *Fulconis*, primi scrinij & eiusdem Ecclesiæ Archicancellarij, scripsi, dictaui, & recitavi.

82. *Castrum de Saux transiit à priuatis dominis in manum regiam : vnde Ducibus Burgundiæ attributum, vulgò Saux le Duc capit nuncupari.*

Ex Galliâ Christianâ Claudij Roberti, in Diuione, in Roberto de Salione, inter Decanos Capellæ Ducis XXII.

Apparet ex tabulis, 1302. Parisijs mense Martio subsignatis, Philippum Pulcrum F. R. dare filio suo Ludouico primogenito (Regi postea, Hutini cognomento) hoc castrum Salionis; eâ lege, vt si is Ludouicus fieret Rex, aut si sine liberis decederet, illud ad Ducem Burgundiæ perueniret. Deinde alijs litteris, mense Maio 1303. Longicampi conscriptis claret, eundem Philippum Regem dare Roberto Burgundiæ Duci, Franciæ Camerario idem castrum, saluâ fide clientelari. Denique diplomate Ioannis de Cabilone, Episcopi 73. Lingonensis, dato Castellione ad Sequanam 1331. continetur transactio quædam inter ipsum Episcopum,

& Odonem Burgundiæ Ducem; quâ Dux hominum præstat Episcopo ratione huius castri, eodem modo quo Iacobus seu Iaquinus, olim dicti castri dominus, prioribus Episcopis illud præstiterat.

83. *Reliquiæ S. Ambrosiani.* 1203.

Ex tabulis Cartusæ Luuniacensis.

ANNO 1203. dedicata est Ecclesia domus inferioris, & altare consecratum à Domino *Helduino* Episcopo Lingonensi pridie Nonas Octobris. Inter reliquias inclusas in eâ Ecclesiâ, numerantur reliquiæ *de sanguine Sancti Benigni*, & reliquiæ Beatorum *Medardi & Ambrosiani*.

84. *Iohannes, Cecilia, & Guillermeta, liberi Humberti de Fontanis, & Bonæ eius reliquæ. Guillermus de Fontanis, Miles.* 1282.

Ex autographo familiæ de Saffra.

IN nomine Domini, Amen. Anno Incarnationis eiusdem millesimo cc. octogesimo secundo, mense Aprilis, Nos IOHANNES, CECILIA, & GVILLERMETA, liberi defuncti HVMBERTI *de Fontanis*, Notum facimus omnibus præsentibus litteras inspecturis, quod nos pro utilitate & necessitate nostrâ vendimus, concedimus, & in perpetuum quietamus Domino GVILLERMO *de Fontanis* Militi, hortum vnum situm apud Fon-

canas, inter hortum Belini *de Tyois*, & hortum Iohannis Maioris *de Fontanis*, pretio quinquaginta solidorum Viennensium: de quibus à dicto *Guillermo* recepimus & habuimus solutionem integram in pecuniâ numeratâ: propter quod, de prædicto horto nos penitus deuestientes, dictum *Guillelmum* & suos corporaliter inuestiuiimus. Hanc autem venditionem ego BONA, mater dictorum venditorum laudo & concedo. Insuper nos BONA, & venditores prædicti promittimus, & tenemur quilibet in solidum, sub obligatione bonorum nostrorum omnium, & per iuramentum nostrum corporaliter super sancta Dei Evangelia præstitum, prædictum hortum liberum penitus garantire dicto *Guillermo* & suis, perpetuè, contra omnes, in omni curiâ, proprijs nostris sumptibus: & facere, & præstare quicquid in causâ euictionis debet fieri & præstari: & in nullo per nos vel per alios contraire de cetero tacite vel expresse. Volentes nos compelli ad præmissorum obseruantiam, tanquam ex re adjudicatâ, per curiam Domini Ducis Burgundiæ, cæius iurisdictioni quoad hoc supponimus nos & nostros heredes. In quorum testimonium, litteris istis sigillum dictæ curiæ supplicauimus & obtinuimus apponi. Actum in præsentia Hugonini de Cabilone, Notarij Diuionensis; Humbeletti dicti *Chartrair*, & Martini filij Breconis, testium ad hoc vocatorum, anno & mense prædictis.

Sigillum Curie Diuionensis.

85. *Iohannes de Fontanis, Domicellus. 1276.*

Ex autographo familiæ de Saffrâ.

IN nomine Domini, Amen. Anno Incarnationis eiusdem M. CC. LXX. sexto, mense Decembris, ego *Hugoninus de Fluriaco*, Domicellus, filius defuncti *Guidonis de Fluriaco*, notum facio omnibus præsentibus litteras inspecturis, quòd ego pro utilitate & necessitate meâ vendo, concedo, & quicquid in hereditatem perpetuam, *IOHANNI de Fontanis*, Domicello, pro se & eius heredibus, tria sextaria frumenti, ad mensuram Sombernionis in quibus mihi tenebatur idem *Iohannes* de annuo redditu super tertias suas de *Aubigneto*, & quæ ab ipso *Iohanne* tenebam in feodum: pretio scilicet sexdecim librarum Viennensium: de quibus ab ipso *Iohanne* recepi & habui solutionem integram in pecuniâ numeratâ, &c.

86. *Herveus Dominus Saffrarum, 1232. Ianuario.*

Ex autographo Saffrensi.

EGO *HUGO* Dux Burgundiæ, notum facio vniuersis præsentibus litteras inspecturis, quòd ego vidi litteras carissimi patris mei *ODONIS* Ducis Burgundiæ, qui donauit & concessit in perpetuum *HERVEO* domino *Saffrarum*, & heredibus suis qui erunt domini de *Saffris*: quòd non poterat homines suos sub se mansuros retinere, nisi apud Belnam, & apud Diuionem. Et ego qui multum volo patris mei donum & concessum tenere, confirmaui,

T t t iij

laudaui, & promisi dicto *Herueo* & heredibus suis qui erunt domini *de Safrá*, quòd ego non possum homines suos sub me mansuros retinere, nisi apud *Belnam*, & apud *Diuionem*. Et vt hoc ratum sit, & firmum & stabile permaneat, prædicto *Herueo* præsentis litteras sigilli mei munimine tradidi roboratas. Actum anno Domini M. CC. XXX. secundo, mense Ianuarij.

87. *Beatrix relicta Guillelmi de Sauz Militis : Iohannes & Guillelmus eorum filij. 1265.*

Ex autographo Cameræ regiarum rationum *Diuionensis*.

NOS GUIDO Dei gratiâ *Cabalonensis* Episcopus, Notum facimus vniuersis præsentis litteras inspecturis, quòd in nostrâ præsentia propter hoc personaliter constituta Domina *BEATRIX*, relicta Domini *GVILLELMI de Sauz* Militis iam defuncti, recognouit coram nobis, se tenere & cepisse, laude & assensu *IOHANNIS* & *GVILLELMI* liberorum suorum, ab illustri viro *HVGONE* Duce *Burgundie* & suis heredibus, omnia quæ habet in parochiâ Sancti *Romoni d'Andenay*, & apud *Saprade*; tam ex parte suâ quàm ex parte dicti *Guillelmi* mariti sui iam defuncti; videlicet in terris, pratis, hominibus, aquis, pascuis, decimis, costumis, censuris, dominijs, iustitijs, & in omnibus alijs quibuscumque, pro viginti libris *Viennensium*. De quibus dicta B. Domina habuit & tenuit se coram nobis pro pagatâ, prout confessæ est coram nobis. Promisit etiam coram nobis dicta Domina, per iuramentum suum super sancta Dei Euan-

gelia corporaliter præstitum, omnia superius nominata tenere firmiter, & in perpetuum obseruare. In cuius rei memoriam & testimonium, Nos ad requisitionem dictæ Dominæ, *Iohannis & Guillelmi* liberorum eiusdem, dicto Duci præsentés litteras tradidimus, sigilli nostri munimine roboratas. Datum anno Domini M. CC. LXV. mense Maij.

88. *Bernard de Marey, Seigneur de Fontaines lez Dijon en partie, Marie de Fontaines sa mere. 1462.*

Tiré du thresor de l'Abbaye de Cîteaux.

L'An de l'Incarnation de Nostre Seigneur 1462. le XX. Liour de Feburier, le BERNARD de Mairey, Escuyer Sieur de Fontaines lez Dijon en partie, sçauoir fais à tous presens & à venir, comme de tres long temps i ay eu, & encore ay de present grande deuotion à Dieu mon Createur, à la glorieuse Vierge Marie sa mere, & aussi à Monseigneur Sainct Bernard; pour ce qu'il fut natif au Chastel dudit Fontaine, & partit de la Seigneurie dudit lieu: & que d'icelle Seigneurie & ligne ie suis issu & descendu. Considerant aussi, qu'en son ieune eage il fut receu Nouice, & fit profession en l'Eglise & Monastere de Nostre Dame de Cîteaux; à laquelle Eglise & Monastere, aussi de tres long temps i ay eu, & encore ay tres grande deuotion, &c.

En suite il donne à l'Abbé Humbert, & au Conuent de Cîteaux, la quartie partie du Chastel, forterelle, & forte maison dudit Fontaines, dans laquelle il auoit sa demeure; qui luy estoit escheuë d'ancienneté, à cause (dit-il) & par le

decez & trespas de feu Dame MARIE de Fontaines, iadis mere, dont Dieu aye l'ame, & aussi par partage fait avec les autres conſeigneurs dudit Fontaines. Item enuiron xxv. hommes ou ſujets qu'il auoit audit lieu. Item la quarte partie de la Mayrie, & de la Juſtice moyenne & baſſe qu'il auoit aulieu, ſinage, & territoire de Fontaines. Item vn Four bannal, & plufieurs pieces de vignes & terres arables, qu'il auoit au meſme territoire. Le tout à condition que leſdits Abbé & Conuent de Cîteaux, ſeroient tenus de conſtruire à leurs dépens audit Chaſtel de Fontaines vne Chapelle en l'honneur de Dieu & de S. Bernard, & d'y dire ou faire dire & celebrer vne Meſſe chaque Vendredy de l'année, à perpetuité, à ſon intention: & celebrer ſon anniverſaire en l'Egliſe de Fontaines pendant ſa vie, & apres ſa mort en celle de Cîteaux, le troiſième iour apres ſa feſte de S. Bernard.

Il ſemble que ce Bernard de Mairey, Seigneur de Fontaines en partie, ne ſuruequit guieres à cette donation; d'autant que ſon frere Alexandre, pretendanſt eſtre ſon heritier, ceda le droit qu'il pouuoit auoir à cette ſucceſſion, à Iean de Poiſtiers, Cheualier, Seigneur de Vadans, &c. le xxix. iour d'Auril, apres Paſques, comme nous dirons incontinent cy apres.

Dans l'obituaire de Cîteaux, ſe liſent les paroles ſuiuantes.

XV. Kalendas Septembris obiit Dominus Bernardus de Fontanis, qui dedit Eccleſiæ partem ſuam quam habuit in dominio caſtri de Fontanis: quam vendidimus, & pro eâ habuimus quadringentas libras Turonenſes.

Cecy eſt conforme à ce que les Abbé & Religieux de Cîteaux expoſerent en la requête qu'ils preſenterent à la Cour le dernier iour d'Auril 1614. contre les Fucillans, qui dez l'an 1613. auoient acquis par achapt le Chaſteau de Fontaines pour le conuertir en vne Eglife & Monaftere de leur reforme: diſans que le Duc de Bourgongne ne voulut conſentir à l'amortifſement des fonds ſuſdits, donnez à l'Abbaye

baye de Cisteaux par Bernard de Mairey : ce qui obligea lesdits Abbé & Religieux de Cisteaux de s'en deffaire pour la somme spécifiée en leur obituaire.

Bernard de Mairey ne suruesquit guieres à cette donation, qu'il fit le xx. Feburier de l'an 1462. qu'on comptoit alors depuis le iour de Pasques ; d'autant que le 29. Auril apres Pasques de l'an 1463. son frere Alexandre, pour lors Chastelain de Vadans, fit donation entre vifs, de toute la succession de son frere Bernard nouvellement trespaslé, à son bon maître & Seigneur Iehan de Poictiers, Cheualier, Seigneur d'Arcis, de Vadans, & de Souuans : pretendant la nullité de la donation faite aux Abbé & Religieux de Cisteaux par son frere Bernard ; puis qu'il se portoit pour son heritier. Or si Bernard de Mairey mourut entre le xx. Feburier & le xxix. Auril suivant, il ne mourut donques pas le xvi. 11. Aoust, auquel iour est marqué son obit. Mais ce iour fut celuy de l'anniuersaire par luy fondé, & attaché au xxi. 11. Aoust : d'où il faut croire que Messieurs de Cisteaux pour quelques raisons & pour la commodité de leur Eglise, iugerent à propos de l'anticiper de cinq iours.

89. *Milo de Fontanis, Burgensis Diuionensis : Iohannes de Fontanis, eius filius : Nazaria vxor Iohannis : Haymo clericus, & Iohannes eorum filij. 1237.*

Ex autographo Fratrum Prædicatorum Diuionensium.

EGO Haymo de *Asireyo* tunc Maior, & nos Scabini Communie Diuionensis, Notum facimus vniuersis presentes literas inspecturis, quòd Dominus MILO DE FONTANIS Burgensis Diuionensis, & IOHANNES DE FONTANIS filius eius, laude & assensu *Nazarie* vxoris dicti Iohannis, & *Haymonis* clerici, & *Iohannis* filiorum

suorum, vendiderunt, tradiderunt & concesserunt, venerabili Domina ALAIDI Ducissæ Burgundiæ, domum & tenementum quod habebant apud Diuionem supra ripam Sufionis, inter tenementum quod fuit Valeti & Renaudi de Mailleyo fratrum, & domum Lamberti de Besuâ: de quâ domo & tenemento se deuestierunt coram nobis dictus Milo & Iohannes filius eius, & prænominatam Ducissam corporaliter inuestierunt. Et promiserunt & tenentur dictus Milo & Iohannes hanc venditionem dictæ Ducissæ, eiusque successoribus contra omnes calumniantes, legitimè in perpetuum garantire. De pretio siquidem huius venditionis, videlicet de quinquaginta libris Diuionensium se tenuerunt coram nobis in numeratâ pecuniâ penitus & in integrum pro pagatis. Et sciendum quòd supradictam domum & tenementum emit dicta Ducissa ad construendam ibidem domum & ædificium ad opus fratrum de Ordine Prædicatorum. In huiusmodi autem rei testimonium, ad requisitionem dictæ Ducissæ, & ad preces dictorum Milonis, & Iohannis, & Nazarie, & Haymonis clerici, & Iohannis, præsentibus litteris sigillum dictæ communitatis fecimus apponi. Actum anno Domini millesimo cc. xxx. septimo, mense Iunij.

90. Odo Campaniensis, Raynaldi & Guillelmi Burgundiæ Comitum nepos.

Ex autographo Metropolitanæ Ecclesiæ Bisontinæ.

Humbertus Dei gratiâ Bisuntinorum Archiepiscopus, præsentibus, & futuris gestæ rei veritatem in

perpetuum. Officij nobis commissi sollicitudo nos instanti pungit aculeo, ad pacem & tranquillitatem Ecclesiarum studiosius vigilare. Eapropter quæ facta sunt, ad posteritatis notitiam sigilli nostri attestazione transmittimus. Igitur diutina querela inter Bisuntinam matrem ecclesiam, & ODONEM nepotem *Comitis Guillelmi*, de censuariis, quos nomine potestatis de *Quingey* petebat, hoc modo pacis perpetuæ finem sortita est. Venerabilis ODDO omnem illam calumniam de censuariis, siue iustam, siue injustam, pro animâ *auunculi sui Comitis RAYNALDI* præfatæ Ecclesiæ remisit, Roberto Præposito de *Quingey* præsentem & laudantem. Donauit etiam idem ODDO, & concessit eidem Ecclesiæ omnes illos censuarios, si qui de potestate de *Quingey* ad terram Canonicorum transierant, & eos qui in terrâ eorum resident & morantur. Item eos qui de potestatibus eorum exeuntes Bisuntij morantur, & melius sunt homines eorum, quàm alius domini. Hanc diffinitionem præfatus ODDO sigillo suo roborauit. Item Comes *Guillelmus* laudauit, & sigillo suo sigillauit. Si quis igitur pro istâ calumniâ vterius Bisuntinam Ecclesiam inquietauerit, excommunicationi subiaceat, & à Corpore & Sanguine Christi alienus fiat. Datum Bisuntij, anno M. C. LV. Indictione II.

91. Odo nepos *Guillelmi Comitis Matifconensis*.
Ex autographo Metropolitanæ Ecclesiæ Bisuntinæ.

QVIA terrenis impediētibz curis multa obliuioni tradimus, cō dignum memoriā memoriæ postero-
Vvu ij

rum tradere disponimus, Comitem G. Maticonensium, & filios suos *Stephanum*, & *Gerardum*, (vt melius, & rationabilius Hugo Præcentor in porticu rupis diuisit, & Landricus Decanus, & alij Ecclesiæ Canonici ad utilitatem suam intellexerunt) donum quod fecerat Odo nepos eius laudauisse, immò Bisuntinæ Ecclesiæ Beati Iohannis Euangelistæ concessisse. Testes, Senoricus capellanus qui hoc scripsit, Guido Abbas; Stephanus, & Guillelmus fratres de *Chayx*, Iohannes medicus, Ricardus Miles de *Arbosia*, Remigius de *Montebarri*, Herbertus & Henricus ciues Bisuntini, & Pontius aurifaber.

92. Odo Campanensis, Beatricis Imperatricis consanguineus. 1166.

Ex autographo Dolani archiui Comitum Burgundiæ.

IN nomine sanctæ & indiuiduæ Trinitatis, FRIDERICVS diuinâ fauente clementiâ Romanorum Imperator Augustus. Si imperialis clementia censuit ampliùs dignos honoribus, & magnis ditandos beneficijs quos fidei sinceritas, honestas morum, & inuariabilis deuotionis feruor commendabiles reddit, ODO CAMPANIENSIS dignè meruit honorari, qui genere clarissimus, BEATRICIS nobilissima consortis nostræ consanguineus, probitate & vniuersâ morum honestate conspicuus, tam meræ fidelitatis ac deuotionis ardore hactenus nobis seruiuit, vt integritatem famæ suæ nulla nota prauitatis obnubilet, vel luculentam faciem virtutum alicuius inhonestatis natus obfuset. Eapropter

omnium fidelium nostrorum in Burgundiâ tam futuro-
rum quàm præsentium nouerit industria, quòd nos vnâ
cum dilectissimâ consorte nostrâ *Beatrice*, permittimus
habere fidelissimum nostrum *Odonem Campaniensem*, om-
ni tempore vitæ suæ *Quingiacum*, *Lisiam*, *Lobium*, & hæc
omnia cum suis appendicijs sicut Comes *REINALDVS*
in vitâ suâ habere solebat. Hæc autem permissio talis
est, quòd nec ipse in vitâ suâ, nec post eius mortem
uxor eius, nec filij legitimi, nec filia, nomine feodi vel
hereditatis in his omnibus aliquid valeant reclamare:
sed liberè reuertantur ad Imperatorem, & Imperatri-
cem, & liberos eorum. Prædictus verò *Odo* villam iux-
rà *Dolam* quæ dicitur *Campus pagani*, allodium suum,
& quæcumque allodia acquireret in vitâ suâ in Imperio,
dedit nobis, & Imperatrici, & liberis nostris, & nomi-
ne feodi à nobis recepit, vt ipse in vitâ suâ habeat &
possideat iure beneficiâli, sicut *Portum*, & *Scanlin*,
quæ à nobis in beneficio habet: & post mortem eius,
legitimi filij eius & filia tam allodia, quàm feoda, no-
minatim *Portum*, & *Scanlin* nomine feodi à nobis, &
Imperatrice, & filiis nostris habeant & possideant. Si
autem contigerit prædictum *Odonem* sine legitimo filio
vel filiâ superstite decedere, omnia allodia quæ modò
habet, vel ab hac horâ in antea acquisierit in Imperio
nostro, & omnia feoda quæ habuerit de Comitatu,
specialiter autem & nominatim *Portum*, & *Scanlin*
ad manus nostras, & Imperatricis, & filiorum nostrò-
rum, & filiarum liberè absque omni retractatione te-
nenda, possidenda reuertentur, vt liceat nobis inde fa-
cere & ordinare absque omnium hominum contradi-

ctione quicquid voluerimus. Quod ut verius credatur,
 & in processu temporis inuiolabiliter obseruetur, præ-
 sentem inde paginam conscribi, & sigilli nostri im-
 pressionem insigniri iussimus: adhibitis idoneis testibus,
 in quorum præsentia hæc acta sunt. *Herbertus* Bisun-
 tinae Ecclesiae Electus. *Ardcius* Gebennensis Episcopus.
Petrus Tullensis Episcopus. *Hugo* Cluniacensis Abbas.
Euerhardus Thesaurarius Bisuntinus. *Aimo* capellanus.
Mattheus Dux Lotharingæ. *Ulricus* Dux Boëmiae.
Ludevvicus Comes de Phirteten. *Ulricus* de Hutningen.
Albertus Comes de Dilingen. *Heinricus* Comes de Naf-
 soyvâ. Comes *Stephanus*, & frater eius Comes *Girar-*
du. *Galcherus* de Salins. *Vvido* Abbas. *Girardus* de
 Fonuens. *Petrus* de Ceys. *Amedeus* Comes Montisbi-
 ligardis. *Gisfelbertus* Vicecomes Vesulij. *Richardus* Præ-
 positus. *Richardus*, & *Vvillelmus* de Scauys. *Girardus*
Strabun. *Gaymarus* de Cicun, & *Odolo*. *Amaldricus*
 de Iur. *Heinricus* de Sancto Quintino, & alij quam-
 plures. Signum domni *Friderici* Romanorum Impera-
 toris inuictissimi. Ego *Heinricus* Protonotarius vice *Wi-*
lelmi Viennensis Archiepiscopi, & totius Burgundiae
 Archicancellarij recognoui. Acta sunt hæc anno Do-
 minicæ Incarnationis M. C. LXVI. Indictione XIII.
 regnante Domino *Friderico* Romanorum Imperatore
 gloriosissimo, anno regni eius XIII. Imperij verò
 XII. Datum apud Dolam super flumen Dubium, VII.
 Kalendas Augusti.

93. Odo Champaneys de Chanlito. 1200.

Ex autographo Abbatiz Balernensis.

NOuerint præsentis, & futuri quòd ego MARGARITA Comitissa Burgundiæ, de consilio Comitis VVILELMI & nobilium virorum Vgonis de Chais, & Humberti de Muenet, & aliorum plurimorum, dedi Deo, & beatæ Mariæ de Balernâ, & fratribus ibidem seruientibus, pro faciendo anniuersario domini mei, Comitis Burgundiæ OTTHONIS, & antecessorum ipsius, & pro animâ meâ, vnum burgensem apud *Arbeys*, nomine Girardum de *Montaney*, cum liberis suis, & omnibus successoribus, & rebus, & possessionibus suis iure perpetuo, liberum sine aliquâ retentione, & vsagio, vel exactione. Actum anno ab Incarnatione Domini millesimo ducentesimo, in villâ de *Sentens*. Testes ODO CHAMPANEYS de *Chanlito*, Fromundus de *Tramelay* frater Archiepiscopi, ODO de *Aspromont*, & Petrus de *Mouprey*. Data per manum magistri Alexandri notarij, in manu Guidonis Abbatis.

94. Odo Campaniensis, frater Lodoici, terram Ierosolymitanam visitaturus. 1202.

Ex autographo Ecclesiæ S. Stephani Bisfontinæ.

NOtum sit omnibus, tam futuris, quàm præsentibus, quòd ODO CAMPANIENSIS terram Ierosolimitanam visitaturus, pro remedio animæ suæ, &

LODOICI fratris sui, & prædecessorum suorum, mansum Aymonis Grucel, cum tenore suo, & heredibus suis, apud Paygné, Bisuntinæ Ecclesiæ sancti Stephani liberè, & in perpetuum concessit. Huius rei testes sunt, Ricardus de Charvis, Pontius de Frites, Pontius de Mimirey, Tibertus de Montefalconis; Humbertus, & Odo, & Segnoricus de Quingé. Hoc autem factum est anno ab Incarnatione Domini M. CC. II. Epactâ XXV. Concurrente primo.

95. Hugo Comes Trecensis; Odo filius eius exheres.

Ex Petro Pithoëo in Comitibus Campaniæ.

EON, ou EVDES, selon la Genealogie de S. Arnoul de Mets, laquelle seule i ay suivy en cét endroit, n'ayant trouué mention de cettuicy ailleurs; sinon que ce soit celui auquel le Roy Loys donna le Chasteau de Vitry, apres qu'il l'eut prins sur le Comte Thiebault, qui est appellé en quel-
Cbronique nepueu de cét Eudes là: lequel au contraire l'Ab-
bé de S. Michel appelle nepueu de Thiebault.

HYON, ou **HVES** Comte de Troyes: lequel en la charte de Sarmoise, faisant mention de sa mere Alix, & de son frere Philippe, est intitulé Comte de Champagne; eut à femme Constance fille du Roy Philippe, de laquelle il fut separé pour consanguinité. Il eut encore vne femme, que quelques recommandises semblent appeller Lombarde: & eut vn fils nommé Huon, ou **EVDON**, qu'il exhereda, & vendit son Comté à son nepueu Thiebault. Et sa lit, qui allant outre mer (où il mourut le XIV. Iuin) il delaiissa cette seconde femme

femme enceinte. Cet Eudon seroit plustost celuy, qui en haine de ce, aida contre Thiebault le Roy Loys; lequel luy donna le chasteau de Vitry, qu'il auoit pris l'an 1143. car en ce temps le fils du frere aisné appelloit les enfans des puisnez, ses nepueux.

96. Hugo Comes Trecensis & Barrensis, Constantia eius vxor. Adela Comitissa, & eius filius Simon Barrensis Comes. 1101.

Ex tabulis S. Eugendi Iurenfis.

IN nomine sanctæ & indiuiduæ Trinitatis. Vt malè postulanti & ineptè, petitionem incongruam denegare; ita quoque dignè petenti, æquum est postulata annuere. Quapropter ego HUGO Comes Trecensis atque Barrensis, petitionibus tuis (Venerabilis Abba HVBERT) annuens, laudo & in perpetuum possidere concedo Ecclesiæ Sancti Eugendi Iurenfis, & monachis in monte Barri consistentibus, eleemosynam & dona quæ ibidem fecerunt ADELA Comitissa, & SIMON beate memoriæ Comes. Scilicet montem ipsum cum villulâ ibi ædificatâ: Areas, Corcellam, & terram de Columbâ, terram de Rufio, medietatem decimæ villarij subiecti: terram Sanctæ Libariæ, terram quâmdam apud Braye. Hæc omnia, cum hominibus, & ædificijs, & pertinentijs suis, præfatæ Ecclesiæ ab omnibus omnino exactiõibus, & coustumijs, & iustitijs in perpetuum dimitto libera: mihi nihil, & successoribus meis retinens. Dono insuper, atque indulgeo Ecclesiæ Sancti Stephani, & Sanctæ Germanæ, & monachis supradictis, laudante vxore meâ Constantiâ,

. X x x

Regis Philippi filiâ, omnes redditus illos qui mihi debentur in hominibus & possessionibus illis, quæ eis in eleemosynam datæ fuerint: & piscationem fluuij Albæ: & quòd in finagio prædicti castri nullus vmquam molendina batatoria, vel alia vsuaria faciat, nisi per prædictos monachos. Concedo etiam in molendinis quæ simul nobis sunt, partem illam quam emi ab Henrico & heredibus suis: & potestatem mutandi molendinarium. Et quia omnia ista inconuulsa & firma in perpetuum permanere volumus, litteris istis, & sigilli nostri impressione confirmari fecimus. Igitur quicumque sciens, hæc infringere præsumpserit, Dei iram incurrat in præsentis sæculo, & æternæ damnationi (nisi resipuerit) su biaceat in futuro. Acta sunt hæc Barro, anno ab Incarnatione Domini millesimo centesimo primo. Signum *Erardi Brenensis*. S. *Milonis* fratris ipsius. S. *Rogerij Ionisuille*. S. *Gausberti Dapiferi*, &c.

97. *Hugo Comes Campaniæ, mater eius Alaidis, frater eius Philippus Catalaunensis Episcopus. 1093.*

Ex tabulis S. Eugendi Iurenfis.

IN nomine sanctæ & indiuiduæ Trinitatis, Ego HUGO Comes Campaniæ, notum facio omnibus sanctæ Dei Ecclesiæ fidelibus tam præsentibus quàm futuris, quòd ego, & ALAIDIS Comitissa mater mea, PHILIPPVSQVE frater meus, sanctæ Dei Ecclesiæ Catalaunensis Episcopus, donamus in alodium Ecclesiæ Sancti Eugendi, & Sanctæ Dei Genitricis Mariæ, quæ construitur in loco

qui vocatur *Sermasia*, quidquid continetur à sede Hilduini vsque ad fluuium Saltis, &c. Præterea donamus, confirmamus, & volumus, quatenus villa quæ *Sermasia* vocatur, libera & absque vllâ inquietatione permaneat: villani quoque in eâ per supradictam Ecclesiam habitantes, liberi & ab omnibus sæcularibus consuetudinibus sint quieti solis monachis ibi Deo famulantibus seruiant & respondeant, &c. Volumus etiam, si hoc acciderit quòd homines prædictæ villæ, hominibus meis aliquam injuriam fecerint, homines mei clamorem faciant Priori eiusdem loci, & per iustitiam eius diffiniatur. Si verò villani Priori vel monachis aliquam injuriam fecerint, & per Priorem in rectitudinem se mittere noluerint; Prior nulli alij clamorem faciet nisi Comiti Vitriacensi, vel ministris eius; quia prædicta villa & omne nemus de dominio est Vitriacensi, &c.

Huic diplomati nullus est adscriptus annus: sed eius secuta mox confirmatio per Philippum Catalaunensem Episcopum, Hugonis Comitis fratrem, annum præfert Incarnationis Christi millesimum nonagesimum tertium.

98. *Simon Barrensis ad Albam Comes, dictus Comes Campaniæ.*

Ex Necrologio S. Eugendi Iurenfis.

III. Kalendas Octobris obiit SIMON Comes Campaniæ, monachus nostræ Congregationis.

XVIII. Kalendas Ianuarij obiit ODDO Comes Trecentis.

XL Kalendas Iulij obiit HUGO Comes Trecentis,

Xxx ij

V. Idus Ianuarij obiit THEOBALDVS Comes Blefensis, qui laudauit, & confirmauit, & sigillauit donationem quam fecit HVG O auunculus suus Ecclesiæ nostræ.

29. S. Bernardi auunculi, Rainardus Montisbarri castri dominus, Waldricus monachus, & Milo Conuersus.

Ex primâ magnâ chartâ Fontenetenfî, numero I.

OMnibus sanctæ religionis amatoribus, tam præsentibus quàm futuris, huius scedule testimonio intimare curauimus, quòd domnus RAINARDVS Montisbarri castri dominus, pro primâ foundatione nouæ abbatiæ Fontaneti, quam magnâ animi deuotione, laudante vxore suâ AANOLDE donauit Domino Deo, & Beatæ Mariæ, & fratribus in eodem loco in perpetuum Deo seruituris, & sub regulari obseruantia cum Dei auxilio ibidem victuris (pro animabus patris sui & matris suæ, & pro remissione peccatorum suorum; necnon & propter amorem domni BERNARDI Abbatis Clartuallis, nepotis sui, & fratrum suorum VVALDRICI monachi, & MILONIS Conuersi, qui eiusdem abbatiæ cum domno Martino Eremitâ primi ædificatores fuerunt) territorium Aringiarum; sicut duo fratres Rainaudus & Vvalo de Aringijs eandem terram liberè antea possederunt. Quam videlicet terram prædictus Rainardus comparauit, vel commutauit à quodam Milite suo Nariodo, cui eadem terra hereditario iure ex parte vxoris suæ, prædicti Rainaudi de Aringijs filix contingebat: eadem vxore Nariodi, nomine Gertrude, & sorore vxoris suæ nomine Mariâ laudanti-

bus. Hoc quoque cum magnâ beniuolentiâ laudauit domnus FERGANNVS Grinnionis Consul, & domnus Humbaudus de Turre, cum suâ vxore Hodiernâ, & Lebaudus de Grinnione, & vxor eius Maria, de quorum dominio eadem terra descendebar.

100. Verricus de Castellione.

Ex primâ magnâ chartâ Fontenetenſi, numero XLIII.

Hildreus de Lucennaco dedit Ecclesiæ Sanctæ Mariæ de Fonteneto, mansum vnum apud Flaciacum: unde sunt testes, Bartholomeus de Marmaniâ, VERRICVS de Castellione. Hoc donum laudauit Petrus filius eius, sub eisdem testibus, & sub istis, Humberto de Fanco, & Siguino de Tullione, & Radulpho de Fanco. Ipsum Hildreum in senectute eius, sub suâ curâ monachi receperunt.

Item ex secundâ magnâ chartâ, numero XXVII.

Haymo de Marmaniâ, tradens se ad monachandum, Abbati Fonteneti Vvilelmo, dedit in eleemosynam Ecclesiæ Fonteneti, reliquum terræ quod habebat ipse, & frater eius, & soror, versûs Saigniacum, &c. Inter testes, Radulphus Miles Templi, per cuius manum hoc actum est, &c. Actum est hoc Castellioni, in domo Vvirrici de Ponte, quæ est in Insulâ. Vnde sunt testes, prædictus Radulphus Templi Miles, Tecelinus nepos Vvirrici de Ponte.

101. *Girbertus de Montebarro, filij eius Tecelinus, & Girardus clericus.*

Ex primâ magnâ chartâ Fontenetenſi, num. XLIII.

GIRBERTVS de Montebarro, laudante filio eius TECELINO, dedit Eccleſiæ Sanctæ Mariæ de Fonteneto, pratum in loco qui dicitur *Pratum Deodati*. Huius rei testes sunt, Artaldus Canonicus Sedeloci, Petrus ſcriptor, Bruno filius Lamberti fabri de Sedeloco. Hoc donum laudauit poſtea GIRARDVS clericus filius *Girberti*: vnde sunt testes Petrus ſcriptor, & Symon clericus.

102. *Excerpta quadam ex primâ magnâ chartâ Fontenetenſi, ex XLVI. quibus conſtat tabulis ſparſim delibata.*

HVIUS rei testes sunt BERNARDVS Abbas Claræual-
lis, *Gothefridus* monachus, & *Gerardus* frater eiuf-
dem Abbatis, &c. *Rainerius de Rocâ*, & *Niuardus* frater
eius.

Sub alijs tabulis: Horum omnium donorum, quæ fa-
cta sunt in præſentiâ domni *Bernardi* Abbatis Claræual-
lis, sunt iſti testes; *Boſo* Decanus, *Eurardus* Sacerdos de
Campinolâ, BERNARDVS dominus *Montisbarri*, AN-
DREAS auunculus eius, *Niuardus* & *Rainerius* fratres.

GODEFRIDVS de *Sagniacô* dedit Sanctæ Mariæ Fon-
teneti quicquid terrarum habebat intrâ fines *Aringia-*
rum; laudante *Hugone* filio ſuo, præſente domno *Wilelmo*

eiufdem loci Abbate. Huius doni testes sunt, GOTHEFRIDVS qui fuit primus Abbas Fonteneti, Teobaldus Presbyter de Fraxino, & Rotbertus Miles de Sanctâ Columbâ, nepos eiufdem Gothefridi Militis.

Sub alijs tabulis; Huius rei testes sunt, de Militibus VVALTERIVS Conestabulus, tunc dominus Montisbarri, Niuardus frater eius.

Sub donatione Hugonis dapiferi; Hoc donum factum est apud Bussi, præfente VVIDONE monacho, fratre Abbatis Bernardi Claraualis.

Sub donatione Gisleberti Militis de Tilio; Hoc quoque laudauit BERNARDVS dominus Montisbarri, & soror eius MILESENDIS cum viro suo Rainerio.

LEOBAVDVS de Grinione, & Humbaudus de Rubeomonte, donauerunt in confinio duarum villarum, Bonefen scilicet & Curcellarum, Ecclesiæ Sanctæ Mariæ Fonteneti, de terrâ suâ, ad excolendam eam in pratum, secundum latitudinem cuiusdam prati domni TECELINI SAVRI, quod est contiguum eidem terræ, factâ diuisione in longitudinem, vsque ad alueum Branæ fluuij, &c. Huius rei testes fuerunt, Consul Grinionis Helirannus Fercannus, Gothefridus de Sagniaco, Iohannes de Montebarro, Girbertus de Castellione.

BERNARDVS Miles de Espiri cambiuit monachis Fonteneti, per manum domni Bernardi Abbatis Claraualis, laudante Wilelmo filio eius, nepote ipsius Abbatis, pratum quod Brolium dicitur, &c. Vnde sunt testes, Guilencus Lingonensis Episcopus, &c. Hoc etiam laudauit postea Richardus supradicti Wilelmi frater.

Ego STEPHANVS Heduenfis Episcopus, & nostræ

Ecclesiæ Conuentus, domno BERNARDO Abbati de *Claris vallibus*, locum quem vulgò Fontanetum appellant, in abbatiam construendam dedimus, &c.

GODEFRIDVS de *Saigniaco*, & Hugo filius eius, laudante Sarâ eiusdem Hugonis coniuge, dederunt Ecclesiæ Sanctæ Mariæ de Fonteneto, campum in costâ Alterius vallis ex parte Saigniaci, &c. Hoc donum laudauit Laura ipsius Godefridi filia, & Helyas filius Lauræ.

NOTATIO.

Villelmum de *Espiri*, seu de *Spiriaco*, S. Bernardi nepotem memoratum leges apud Herbertum lib. 2. de *Miraculis*, cap. 37. ex quo hausit auctor Additionum Exordij magni, Ordinis Cisterciensis. Non intelligo autem quâ ratione hic scribatur *Vvalterius Conestabulus dominus Montisbarri*, nisi matrimonio insitus est in eam familiam, ad quam iure hereditario spectabat Monsbarrus. Neque capio quorsum in eadem primâ magnâ chartâ appelletur *Rainardus Montisbarri castri dominus*, nisi vt *Vvalterius Conestabulus*, non castri eiusdem, sed burgi dumtaxat cognominis dominus designetur: quem scilicet sub Rainardo castri domino (cuius erat sororius) clientelari iure possederat: more illius æui, quo diuisis licet in plures coheredes Nobilium fundis, tamen toparchiæ primariam ius penès caput familiæ stabat. Cum igitur ex Iohanne Eremitâ in Vita S. Bernardi, Robertus ille ad quem est prima huius Epistola, matre natus sit, Alaydis S. Bernardi Genitricis sorore; eò coniecturâ feror, vt natus mihi videatur hic Robertus patre *Vvalterio Conestabulo*, qui ex dote coniugis, burgi Montisbarri dominus fuerit. Erat porro *Vvalterius*, non regni Franciæ, sed ducatus Burgundiæ Conestabulus; qui nimirum sub Ducis imperio, vtriusque militiæ Magistrum agebat.

103. *Conclusio prime magna chartæ Fontenetenſis, per diploma Stephani Eduenſis Episcopi, datum anno*

1136. & eius sigillo munitum.

STEPHANVS Dei gratiâ Eduenſis Episcopus dilecto ſibi in Chriſto fratri *Willermo* Abbati Fonteneti, cuiusque ſucceſſoribus regulariter ſubſtituendis in perpetuum. Deſiderium quod ad religionis propoſitum & animarum ſalutem pertinere monſtratur, auctore Deo effectus eſt proſequente complendum. Quocirca, dilecte in Domino frater *Vvillerme* Abbas, tuis rationabilibus poſtulationibus annuentes, monaſterium ipſum cui Deo auctore præſides, ſub ſanctæ Eduenſis Eccleſiæ, & noſtrę dignitatis tutelâ & protectione ſuſcipimus, & præſentis ſcripti patrocinio, ſigilliſque noſtri impreſſione communimus. Statuentes vt quęcumque bona ſeu poſſeſſiones præſatum monaſterium impreſentiarum poſſidet; tam ſcilicet ea quę in chartis præſentis membranę ſcripta continentur & de donis noſtris & de aliorum, quàm quę in futurum Deo præſtante poterit adipiſci, firma tibi tuiſque ſucceſſoribus & illibata permaneanr. Decernimus ergo vt nulli liceat idem monaſterium perturbare, aut eius terras auferre, vel ablata retinere, aut temerarijs vexationibus fatigare. Quod ſi quis ſcienſter contra huius noſtrę conſtitutionis paginam fecerit, niſi reſipiſcat, Dei & noſtrę auctoritate à communionem eum ſanctæ Eccleſiæ ſequeſtramus: ita vt & in præſenti à Corpore & Sanguine Domini alienus exiſtat, & in futuro diuini examinis ultioni ſubiaceat. Ego *Stephanus* Eduenſis Eccleſiæ

Yyy

Episcopus subscripsi. Ego Vvillermus Decanus SS. Ego Galterius Precentor SS. Ego Gaufridus Archidiaconus SS. Ego Siguinus Archidiaconus SS. Ego Girardus Archidiaconus SS. Ego Gauterius Dapifer & Abbas Sancti Stephani SS. Actum est hoc Edux, anno ab Incarnatione Domini M. C. XXXVI. Epactâ XV. Concurrente III. Indictione quartadecimâ.

104. *Gerardus de Castellione, sororius Teobaudi de Salinâ.
Hebalus Comes Salci castri.*

Ex secundâ magnâ chartâ Fonteneti, numero VIII.

TEOBAVDVS *de Salinâ* dedit Ecclesiæ Sanctæ Mariæ de Fonteneto in eleemosynam, quicquid habebat infra terminos Puteoli franci, &c. Huius doni testes sunt, ipse Dux HVG0 in cuius præsentia hoc totum factum est inter Frollesium & Vngiacum, HVG0 eiusdem Ducis filius, GARNERIVS *de Sumbernun*, RAINERIVS *de Rochiâ*, Iohannes de Quintiaco, *Gerardus de Castellione qui prædicti Teobaudi fuerat sororius*, Rainaldus Grancei castri dominus. Hoc donum laudauit & concessit vxor sèpèdicti Teobaldi Gundrea nomine, sed in palâm vocata Sibylla: vnde sunt testes, domnus Constantinus Vngiaci Abbas, & Girardus Canonicus, Robertus de Sancto Burri eiusdem Domini frater, &c. HEBALVS Comes Salci castri, Rainerius de Frolesio, Bertalphus & Herlebaldus de Granceio, Hugo de Vileflor, Haimo *de Salinâ*, &c.

105. *Hugo Dux Burgundiæ, castri Grinionis dominus: vxor
eius Matildis Ducissa.*

Ex secundâ magnâ chartâ Fonteneti, numero IX.

HVGO Dux Burgundiæ, laudante Ducissâ MATILDE
Hxore suâ, dedit in eleemosynam Ecclesiæ Sanctæ
Mariæ de Fonteneto, quicquid habebat apud Puteolum
francum. Descendebat autem idem locus de domi-
nio Grinionis castri, cuius ipse Dux erat dominus. Huius
doni testes sunt, *Tecelinus* Archipresbyter Aiennaci vbi
& hoc actum est. *Hugo Cauatgeia*, BARTHOLOMÆVS
de Sumburnun, Petrus de *Escaloio* Maior, Constantius
Præpositus Maueli.

106. *Nariodus de Montebarro: eius filij, Gualo, Bernardus,
& Rainerius Fonteneti monachus.*

Ex eâdem secundâ magnâ chartâ, numero XXV.

NARIODVS de Montebarro dedit Ecclesiæ Fonte-
neti in eleemosynam, laudantibus filiis suis *Gua-
lone* & *Bernardo*, totam terram quam habebat à gran-
giâ Flaciaci versùs Saigniacum. Sed hanc eleemosynam
fecit occasione *Rainerij* filij sui, quem Abbas *Vviller-*
mus ad monachandum suscepit.

107. *Godefridus de Castellione: vxor eius Gertrudis, filij Hugo & Nivardus.*

Ex eâdem secundâ magnâ chartâ, numero XL.

Godefridus de Castellione dedit Ecclesiæ Fonteneti in Eleemosynam, omnes assentias suas in omnibus terris & nemoribus suis. Huius rei testes sunt, dominus BERNARDVS Abbas Claruallis, Rainaldus Causalgeia, Virricus de Beleun. Hoc laudauit GERTRVDIS vxor eius, & filij eorum HVG0 & NIVARDVS.

108. *Girardus de Castellione, Eschaloij dominus: eius filius Milo.*

Ex eâdem secundâ magnâ chartâ, numero XLVI.

GIRARDVS de Castellione, dedit Ecclesiæ Fonteneti in Eleemosynam, quicquid infra terminos Puteoli-franci habebat. Terminos autem concessit, sicut Hugo de Valle Abonis iam Conuersus, per obedientiam Abbatibus *Willermi*, & concessionem Teobaudi de *Saliuâ* diuinit. Insuper monachis prædictæ Ecclesiæ, omnem de propriâ eorum terrâ quirituit decimam: quòd nunquam scilicet ab eis decimam de eorum terrâ, vel ab alio apud Puteolum acciperet. Testes sunt, HVG0 Dux Burgundiæ, ODO eiusdem Ducis filius, VARNERIVS de *Sumbernun*, RAINERIVS de *Rochiâ*, Iohannes de Quintiaco, Rainaldus dominus Grancei, &c. Postea autem, quia querela orta fuit inter homines Eschaloij,

& monachos, de terminis Eschaloiij & Puttoli; & inter Girardum & monachos, de communitate Bergerecarum; hoc modo pacificata est res, in presentia Domini Odonis filij Ducis, &c. Testes sunt, Abbates, BERNARDVS Clareuallensis, *Constantinus Vngiacensis*: Odo filius Ducis, &c. Deinde utriusque territorij meta, *Constantini Vngiacensis Abbatis arbitrio vel fixe, vel designata sunt.* Huic rei interfuerunt, Dominus ROBERTVS filius Ducis, post factus Eduensis Episcopus, Magister Robertus tunc clericus eius, Girardus de Castellione tunc Eschaloiij dominus, Lebaudus Ordeum Miles, &c. Hac omnia concessit & laudauit MILO filius Girardi de Castellione, sicut pater eius fecerat, & habuit de beneficio Fonteneti xx. solidos. Huius concessionis sunt testes, Dominus GODEFRIDVS Lingonensis Episcopus, Pontius eius Archidiaconus, Valterius Trecensis Canonicus, Milo Lisiniarum Decanus, VIDO Comes Barri, Thomas Miles eius, *Rainerius de Rochia, MATTHÆVS de Castellione, Rainerius de Pultarijs, Lebaudus Ordeum, Gislebertus de Tullione.*

109. *Andreas dominus Montisbarri, pater eius Bernardus, auus Rainardus.*

Ex autographo Fontenctensi.

IN nomine Patris, & Filij, & Spiritus sancti, Amen.
Ego GODEFRIDVS Dei gratia Lingonensis Episcopus, tam presentibus quam futuris notifico, ANDREAM Montisbarri dominum, filium BERNARDI filij RAI-
Y y iij

NARDI, in præsentia nostri recognouisse dona & concessiones, quas in eleemosynam abbatiæ Fonteneti contulerat. Sunt autem hæc. Tota videlicet pars illa nemoris Segestri, quæ est ad sinistram viæ quæ à planis eiusdem nemoris Naellam tendit, sicut lapidæ metæ inibi posite designant. Diuisio quoque terrarum inter Fontanas & Segestrum, sicut facta iamdudum fuerat in præsentia *Covatisse*, amice eiusdem *Andree*, ubi & lapidæ metæ posite sunt. Quicquid etiam proprii habebat iamdictus *Andreas* intra fines Plaaneti, nominatimque Tuschia. Et concessit acquirendum, siue eleemosinâ, siue pecuniâ ab hominibus ad se pertinentibus, qui aliquid iuris ibidem habebant, quicquid possent Fontenenses. Concessit etiam eisdem quicquid habebant ab *Oberto de Til*, quod ad se pertinebat. Concessit nihilominus ipsis quicquid de casamentis habebant suis, & quicquid acquirere possent seu eleemosynâ, seu pecuniâ. Simul & totius terræ suæ omnes aasentias, tam in nemore quàm in plano. Et ut aliqua de eis nominentur; nemus ad ædificandum, ad ardendum, ad pascionem porcorum, ceterorumque animalium pascuam: excepto quòd nemus Ialiaci non poterunt esartare ad agricolandum: ceteros verò vsus inibi habebunt. In terris quoque, & agriculturam, & omnibus animalibus pascuam. In aquis etiam piscaturam, propter forestam quæ est inter molendinum Pepini, & molendinum Sancti Iohannis. Postremò quicquid auus suus *Rainardus*, & pater suus *Bernardus* prædictæ Fonteneti abbatiæ dederant, & concesserant, sicut in chartis eorum continebatur, & ipse similiter *Andreas* concessit. Hæc igitur

omnia confirmantes, & proprii sigilli impressione communientes, Dei & nostræ auctoritate interdicimus, ne quis super his, Fontenetenfibus aliquam injuriam inferre præsumat: quòd si quis præsumperit, anathematis gladio eum percellimus, donec eisdem ipsis congruè satisfaciatur.

110. *Andreas Montisbarri dominus.*

Ex tabulario Fontenetenfensi.

EGO HENRICVS Dei gratiâ Eduensis Episcopus, tam præsentibus quàm futuris notum facio, quòd *Rogerus de Sinemuro*, laudante *Pontiâ* vxore suâ, concessit Ecclesiæ Fonteneti, in manu dilecti fratris nostri ARNAVDI Abbatis, totum integraliter chasamentum quod *Richardus de Curterabodi* ab ipso tenebat in finibus *Fra-xini*, quòd idem *Richardus* Ecclesiæ Fonteneti dederat. Retinuit autem idem *Rogerus* tantummodò homines qui de eodem chasamento erant: & habuit de beneficio Ecclesiæ decem libras. Actum est hoc per manum *ANDREÆ* Montisbarri domini, quem *Rogerus* fideiussorem dedit Ecclesiæ quòd hoc donum firmiter seruaret. Testes huius doni sunt, *Andreas* Montisbarri dominus, *Symon de Curtengi*, *Teobaudus* Prior Fonteneti, *Vvillermus de Scalleus*, *Vvillermus* Cellerarius, *Hugo de Curterabodi*, monachi Fontenetenfes.

111. *Andreae Montisbarri dominus.*

Ex tabulario Fonteneti.

EGO ANDREAS *Montisbarri dominus* testificor scire volentibus, quòd Viardus *de Seneueio*, & Iohannes frater eius, & Reinerius *de Chandoisel*, dederunt Ecclesiæ Fontenetenſi totam terram arabilem, quam habebant à Fonteneto vsque Marineium, &c. coram me, & Domino meo Anserico Montisregij, & Anserico Iuvene, Hugone quoque de Nigellis & Bernardo Nariodi, & Andréâ de Fontanis, &c.

Item ex autographo Fontenetenſi.

Ego GODEFRIDVS Dei gratiâ Præſul Lingonenſis; tam poſteris quàm modernis notiſco, quòd *Milo de Molifinis* Gotheſfridi filius, conceſſit monachis Fonteneti, aſſentias ſilvæ quæ *Pratee* dicitur, in finibus Fontanarum, in omnes eorum uſus, &c. Actum Montisbarri publicè, in manu *Arnandi* Abbatis, & per ANDRÆ *Montisbarri domini* manum, de cuius caſamento locus prænominatus eſt.

112. *Willermus de Sauz, vxor eius Hermengardis.*

Ex tabulario Fontenetenſi.

EGO Henricus Dei gratiâ Eduenſis Epiſcopus; tam futuris quàm præſentibus notum facio, quòd Hodierna vxor Humbaudi de Rubeomonte, dedit in elemoſynam Fontenetenſi Eccleſiæ, in manu *Arnandi* Abbatis,

Abbatis, pro animâ suâ & mariti sui, quicquid habebat in piscaturâ de Curcellis, quæ de capite suo erat: laudante Renardo domino Rubeimontis, de cuius feodo erat. Quod quidem Osmundus filius prædictæ Hodier-næ contradicere voluit. Sed certum est quòd legitimam eleemosynam facere poterat mater eius, de terrâ quæ de capite suo erat, & sine assensu ipsius. Testes sunt VVIL-
LERMVS de Sauz, & HERMENGARDIS vxor eius, Saissa vxor Gisleberti de Grifini, &c.

113. *Bernardus de Montebarro, Episcopus dominus, filius Heluydis.* 1210.

Ex tabulario Fontenetenfi.

EGO BERNARDVS de Montebarro, *Episcopus dominus*, Omnibus notum facio præsentibus & futuris, quòd piæ memoriæ HELVYDIS mater mea, in obitu suo dedit in puram eleemosynam, Ecclesiæ & fratribus Fonteneti, x. sextarios bladi, medietatem frumenti & medietatem auenæ, ad mensuram Episcopiæ singulis annis in tertijs de Corseinz circa festum Sancti Remigij capiendos. Dedit etiam iamdictæ Ecclesiæ fratribus viginti solidos censuales: scilicet in terrâ de Vasseio, & in terrâ de capite suo, ad iamdictum festum Sancti Remigij annuatim persoluen-dos. Hanc autem eleemosynam venerabilis matris meæ, laudavi & concessi supradictis fratribus Fonteneti: & in perpetuam memoriam, præsentì paginulæ sigillum meum apposui, anno Incarnationis dominicæ M. CC. X.

114. *Andreas dominus Episcopus, Bernardi filius, frater
Guidonis Canonici Lingonensis.* 1213.

Ex tabulario Fontenetenſi.

G Eduensis, *W.* Lingonensis, & *W.* Autissiodorensis Dei gratiâ Episcopi, omnibus præſentes litteras inspecturis, Salutem in Domino. Nouerint vniuerſi præſentes pariter & futuri, quòd cùm inter Abbatem & monachos Fonteneti ex vnâ parte, & nobilem virum *ANDREAM dominum Episcopus* ex alterâ, controuersia verteretur super hominibus, possessionibus, & tetris apud Marmaniam existentibus, quæ nobilis mulier *HYLA de Monte Sancti Iohannis*, & *IOHANNES* filius eiusdem, in perpetuam eleemosynam domui Fonteneti dederant & concesserant: quæ etiam à bonæ memoriæ *BERNARDO* patre eiusdem *Andree*, Abbas & monachi dicebant occupata fuisse. Et prætereà super trecentis marcis argenti, quas prædicti Abbas & monachi à præfato *Bernardo* prædicti *Andree* patre legatas fuisse asseriebant. Tandem nobis præsentibus, & nobilibus viris *Odone* Duce Burgundiæ & *Guidone* de Donipetrâ, & multis alijs, in hanc compositionis formam venerunt; quòd de trecentis marcis superius nominatis Abbas & monachi memorati medietatem habeant: reliquam verò medietatem *Andreas* superdictus. De rebus verò apud Marmaniam existentibus, de quibus erat controuersia, ita fuit statutum, quòd *GUIDO* frater *Andree*, Canonicus Lingonensis, res illas tenebit quamdiu vixerit: & post mortem ipsius *Guidonis*, ad Ecclesiam Fonteneti liberè & absque omni con-

traditione reuertentur. Tenebit autem res illas *Guido* præfatus nomine Ecclesiæ, ab Ecclesiâ Fonteneti. Actum anno Gratie Millesimo cc. xiii. mense Octobri.

Eodem anno & mense, hæc ipsa Odo Dux Burgundie proprio diplomate, iisdem verbis confirmauit.

115. *Guido Canonicus, filius Bernardi domini de Spiffiâ. 1220.*

Ex tabulario Fontenetenfi.

EGO HUGO Dei gratiâ Lingonensis Episcopus, Notum facimus præsentibus & futuris, quod GUIDO filius Domini Bernardi de Spiffiâ, Canonicus Lingonensis & Autissiodorensis, in præsentia nostrâ constitutus, concessit & quitauit Ecclesiæ & fratribus Fonteneti, quicquid habebat apud Marmaniam, tam in hominibus quàm in terris, & redditibus, & in omnibus alijs, pro decem & octo libris Pruuiensium: de quibus prædicti fratres Fonteneti tenentur reddere prædicto Guidoni x. libras, ad nundinas Barri; & ad nundinas Trekarum circa festum Sancti Remigij, viii. libras. Quod ut totum raturum habeatur, ad petitionem ipsius Guidonis & fratrum Fonteneti, præfens scriptum sigilli nostri munimine roborauimus. Actum anno dominicæ Incarnationis millesimo cc. vicesimo.

116. *Odo de Yssodun Comes Grinionis : vxor eius Matildis filia Raimundi, qui Hugonis II. Burgundiæ Ducis filius, Henrici porro Eduensis Episcopi frater fuit. 1165.*

Ex tabulario Fontenetenſi.

EGO HENRICVS Dei gratiâ Eduensis Episcopus, præsentibus & futuris notifico, querelam quam aduersus Ecclesiam Fonteneti mouebat *Odo de Yssodun Comes Grinionis*, de eleemosynâ fratris mei *Raimundi*, in præsentia nostrâ sic fuisse terminatam. Concesserat prædictus *Raimundus* fratribus Fonteneti pro animâ suâ, & antecessorum suorum, quicquid eius chasati de dominio Grinionis eis darent pro eleemosynâ de chasamento suo; sic tamen vt chasatum non perderet. Postea super hoc mouit querelam *Odo de Yssodun*, ad quem deueniat terra Grinionis, ex parte *Matildis* coniugis suæ, filiæ *Raimundi*. Vnde vtraque pars, *Odo* videlicet, & monachi ante me conuenerunt. Recognitum est, & legitimorum virorum irrefragabili testimonio comprobatum, hoc donum fecisse fratrem meum *Raimundum*, priùsquam prædictæ puellæ matrem duxisset vxorem, &c. Huic tam perspicuæ veritati prædictus *Odo* nolens ampliùs contraire, guerpiuit in manu *Hugonis* Fontenetenſis Abbatis omnem querelam, quam mouerat aduersus Fontenetenſem Ecclesiam, & eleemosynam tam legitime factam, ratam concessit, &c. Hæc omnia laudauit *Matildis* coniunx eius: vnde testes sunt, *Abraham Abbas de Prateâ*, &c. Actum est hoc apud *Saigniacum*, XVII. Kalendas Maij, & in crastino recognitum & confirmatum in

Capitulo Fonteneti, anno ab Incarnatione Domini millesimo C. LX. quinto.

117. *Matildis Comitissa Grinionis, Raimundi Comitissæ filia, 1196.*

Ex autographo Fontenetenensi.

EGO MATILDIS Comitissa Grinionis, Notum facio omnibus tam futuris quàm præsentibus, quòd omnia dona & eleemosynas, quas pater meus RAIMUNDVS Comes dedit & concessit Ecclesiæ & fratribus Fonteneti, laudavi, & concessi. Et concordiam quæ facta fuit inter patrem meum Raimundum, & homines de *Estalentâ*, & iamdictos Fonteneti fratres, certâ ratione perquisiui: & in rei veritate percepi, quòd ipse pater meus metas lapideas inter homines de *Estalentâ* & præfatos fratres posuerit; ne supradicti homines, vel animalia eorum, nec etiam porci, metas ab ipso. positas vllatenus transgrederentur. Cuius exemplum ego secuta, volo & præcipio vt firmiter ab omnibus in posterum teneatur. Assentias quoque *Mortuacæ*, quas pater meus eis concessit ad pecora sua adequanda, & ego in perpetuum concedo. Dedi etiam eis piscaturam stagni mei de *Estalentâ*; in vitâ meâ, tantummodò duobus diebus ac noctibus, ante Dominicam in Ramis Palmarum; & post mortem meam, duobus diebus ac noctibus perpetuò, ad procuracionem Anniversarij mei. Huius rei sunt testes, *Hubertus* Abbas Fonteneti, & totus eiusdem loci Conuentus, Odo Archipresbyter Tul-

lionis, Oliuerius *de Grinione*, Matthæus *de Eslex*, Pontius *de Chaacè*, & Milo frater eius. Rainerius *de Sanctâ Columbâ*, Teobaudus Præpositus *Montisbarri*, & multi alij. Quod totum vt ratum habeatur in perpetuum, sigilli mei impressione confirmaui, anno ab Incarnazione Domini millesimo centesimo nonagesimo sexto.

NOTATIO.

Alia complura extant Matildis Grinionis Comitissæ diplomata apud Fontenetenenses, data ad annos Christi 1195. & 1196. Cùm autem Duchesnius in Ducibus Burgundiæ, & Sammarthani in regiâ Genealogiâ, libro 38. scitè affirmant ex Roberto de Monte, ex Chronico Autissiodorensi, aliisque bonæ notæ scriptoribus, quadrigam fuisse hanc Matildem, aded vt per illos triginta annos, qui inter 1165. & 1195. fluxêre, quatuor maritis adhæserit; primùm Odoni de Yssodun, dein de Guidoni Comiti Niuernensi, postmodùm Petro Philippi Flandriæ Comitis fratri, & denique Roberto Drocensi; vel hinc opinari licet, illam, tot expertam fortunæ varietates, Grinionem se tandem ad primos thalamos recepisse: atque ibi solo Grinionensis Comitissæ titulo contentam, quod vitæ reliquum fuit piè exegisse.

118. *Matildis Comitissa Grinionis. Odo Comes Grinionis.*

1196.

Ex tabulario Fontenetenensi.

Notum sit præsentibus & futuris, quòd ego MATILDIS Comitissa Grinionis donaui Ecclesiæ Fonteneti, pro remedio animæ meæ, vineam quamdam quam ab Erardo in vadimonium pro ix. libris Diuionensium acce-

peram, quæ sita est in parrochiâ Saigniaci: tali pacto, quodd ex fructu vineæ Missarum officia celebrabuntur: quodd si quid residui fuerit inde tela emetur vnde corporalia fient. Concessi insuper, vt præfatam vineam liceat eisdem fratribus quoquo modo potuerint, adquirere. Promiserunt etiam mihi prædictæ Ecclesiæ Abbas & monachi, quodd si memorata vinea redempta fuerit, percepta redemptio tali deputabitur ædificio, quodd sicut supra conditum est, in iamdictâ ecclesiâ diuina celebrabuntur. Hæc omnia, & vniuersa de quibus inuestiti erant fratres Fontenetenenses, die quo hæc acta sunt laudauit & concessit Odo Comes Grinionis. Huius rei testes sunt, Odo Archipresbyter Tullionis, Oliuerius de Grinione, Renarius de Sanctâ Columbâ, Iosbertus de Masiaco, Galannus Præpositus. Vt autem hoc totum in perpetuum ratum habeatur, ego Matildis Comitissa Grinionis præsentem paginam sigillo meo roboravi. Actum anno Verbi Incarnati M. C. XC. VI.

NOTATIO.

Quem hic legis Odonem Comitem Grinionis, caue (mi lector) eundem ipsum existimes, quem anno 1165. Mathildis huius maritum prius vidisti. Soluta enim erat Mathildis hoc anno 1196. post quartas nuptias: primusque eius maritus Odo de Yssodun anno 1177. viuere iam desierat, si fides Chronico Roberti de Monte: & eius filium atque heredem cognominem Dux Burgundia, quia cognatus eius erat, *furtim abstulerat*. Cognatum dixit Robertus, in secundo & tertio gradu consanguineum, quod videre est in hoc schemate.

ODO II. Dux
Burgundia.

RAIMVNDVS Comes
Grinionis.

H V G O III. Dux
Burgundia.

MATILDIS Comitissa Grinio-
nis, uxor Odonis de Yssodun.

ODO de Yssodun iunior, Comes Gri-
nionis. Uxor ALAYS Montisbarri
domina.

RADVLPHVS Odonis patris heres,
ductâ MARGARETâ seu Sybellâ de
Courtenay moritur improlis: eiusque
toparchia ad Burgundia Ducum do-
minium reuertuntur.

Erat igitur Odo filius Mathildis (quem anno 1196. cum illâ Comitum Grinionis nuncupatum vides) secundus huius nominis inter Comites Grinionis, tertiùs verò inter Toparchas Yssodunenses: cuius, & coniugis Alaydis exstare ad annum 1190. priuilegia Yssodunensibus collata, asserit Duchesnius in hac Mathilde, Raimundi filiâ, Hugonis II. Ducis nepote. Et Alaydem opinor Andreæ Montisbarri domini fuisse filiam, qui ductâ Heluide Espissiz dominâ, Bernardo filio Espissiz maternam dotem, Alaydi filiz Montembarrum dederit. Quamdã enim è Montisbarri familiâ puellam, Comitum Grinionensis filio desponsatam esse, notauit auctor Tabulæ Genealogicæ Fontenerensis: cui, licet in aliis multis parum accurato, in hoc tamen fidem non negauerim; cum certum mihi sit ex antiquis Fonteneti tabulis, Bernardum Andreæ & Heluidis filium, tantum Espissiz domini, non etiam domini Montisbarri titulum vsurpasse.

Atque hinc deprehendere mihi videor, quâ viâ & Grinio & Monsbarrus ad Ducum dominium deuenierint. Nempe per obitum Radulphi improlis (de quo Albericus in Chronico)
qui

qui Montebarrum possederat ex Alaydis matris hereditate, Grinionem ex Matilde aviâ, nepte Hugonis II. Burgundie Ducis: qui Dux (vt constat ex secundâ magnâ chartâ Fontenetiensi, numero IX.) Grinionensi etiam Comitatu potitus fuerat post Helirannum Fergannum, cuius mentio in priore magnâ chartâ. Et hic Fergannus Comes, cuidam filiz rainardi Montisbarri domini fuisse videtur matrimonio iunctus; vt verè Andreas Bernardi filius, Rainardi nepos, amitam Comitissam, in Godefridi Lingonensis Episcopi tabulis habuisse referatur.

Pag. 547.

Pag. 548.

Pag. 550.

119. *Oliuerius de Grinione: vxor eius Floria: filij, Pontius & Hugo. 1191.*

Ex tabulario Fontenetiensi.

EGO *Gauterius* Dei gratiâ Eduensis Episcopus, Notum facio præsentibus & futuris, quòd *OLIVERIUS de Grinione* laudauit & concessit Deo & fratribus Fontenetiensis Ecclesiæ, omnes eleemosynas quas pater suus, & fratres sui, eidem Ecclesiæ fecerant. Simul & terram quæ dicitur Mont Arlant, in bosco, & in plano, &c. Hæc omnia laudauit *FLORIA* vxor Oliuerij, cum duobus filiis suis *Pontio & Hugone*, &c. *Inter testes* Iosbertus Abbas Fontenetiensis. Anno ab Incarnatione Domini M. C. XCI.

120. *Galterus Miles de Montebbarri: vxor Emengardis, cuius frater Odet, mater Gilla: Gilla liberi, Simon, Maria, & Aaliz. 1215.*

Ex tabulario Fontenetiensi.

EGO *Galterius* Dei gratiâ Eduensis Episcopus, vniuersis præsentem paginam inspecturis notum facimus,

A A A

quòd GALTERIVS Miles de Montebarri, dedit Deo & Ecclesiæ Sanctæ Mariæ Fonteneti, pro remedio animæ suæ & antecessorum suorum, in perpetuam donationem, omnia quæcumque iuris habebat in forestâ quæ est super eandem abbatiam : & quicquid iuris habebat in territorio eiusdem forestæ, vsque ad magnum chinum quod ducit Sanctum Iacobum. Recognouit etiam idem *Galterius* quòd nullus hominum suorum, neque aliorum aliquis, vsuarius debet habere in memoratâ superiùs forestâ. Hanc autem eleemosynam laudauit & approbavit bonâ fide, vxor ipsius *Galterij* EMENGARDIS, cum fratre suo ODET, de quorum capite erat : & mater ipsius *Emengardis*, GILLA nomine, & filius eius SIMON cum sororibus suis MARIA & AALIZ. Quod totum vt ratum sit, & firmum manere valeat in perpetuum, ad petitionem memorati *Galterij*, & vxoris suæ, & *Odonis* fratris eiusdem vxoris, præsentem paginam sigillo nostro iussimus roborari. Actum est hoc, anno ab Incarnatione Domini millesimo CC. quintodecimo.

121. *Excerpta ex alijs tabulis Abbatie Fonteneti.*

Ex secundâ magnâ chartâ, quæ constat numeris XLVII.
& terminatur in priuilegio Godefridi Lingonenfis
Episcopi sine temporis notâ.

N^Vmero XIII. Girardus de Eschaloio, sororius Girardi Canonici, laudante vxore suâ Rotrude, dedit Ecclesiæ Fonteneti quicquid habebat apud Puteo-

lum francum, & apud Vallem Abonis.

Numero XXIII. Ebrardus de Villenis dedit Ecclesiæ Fonteneti in eleemosynam, quicquid habebat à Saigniaco, in territorio Flaciaci & Saignisfel. *Inter testes* HII DE MONTEBARRO.

Huius magnæ chartæ varijs locis, decies minimum inter testes occurrit RAINERIVS DE ROCHIA.

GALO filius Nariodi de Montebarro.

Num. XXIX. Mauuaslet de Montebarro. Hugo filius eius. Robertus de Montebarro, frater Odonis Campaniensis. Rursus Odo Campaniensis inter testes numero XXXVII. Girardus de Castellione. Simon de Castellione, Mattheus de Castellione.

Ex autographis.

Ad annum 1174. Hugo Peccatum de Til dedit in eleemosynam fratribus Fonteneti, quartam partem in bosco & in plano, &c.

ANDREAS dominus Espissix: frater eius BERNARDVS domicellus, dominus de VI. anno 1232.

Frequens mentio villarum, de Fontanis in pago Duismienfi, & de Fontanis siccis.

Anno 1202. GIRARDVS li Broz de Asnerijs, & Margarita vxor eius dant aliquid monasterio Fonteneti. Octobri 1273. Alexander de Monteacuto, meminit Emeingiardis, dictæ Blanche, quondam dominæ Sombernionis, & d'Estez, tunc defunctæ.

Ex duobus tabularijs.

STEPHANO Eduensi Episcopo, G. Molismensis Abbas concedit locum, in quo frater Martinus Eremita morabatur; ut ibi fiat abbacia fratrum regularium, iuxta

institutionem S. Benedicti viuentium.

Tempore Henrici Eduensis Episcopi, & in eius tabulis, aliquoties testis ANDREAS Montisbarri dominus, & Calo de Grinione.

In tabulis Stephani Eduensis Episcopi, 1174. testis inter alios Brocardus de Montebbarri.

Odo de Marmaniâ, filius Bartholomæi Castellionis, & Elisabeth, in chartâ Gauterij Lingonensis Episcopi. BERNARDVS *de Espeßâ*, 1196. testis.

Gauterij Eduensis Episcopi tabulis, de dono Pontij de Chaaccio, & Milonis fratris eius, anno 1198. subscribunt Dominus BERNARDVS *de Montebarro*, & Rainerius de Saigniaco, Milites.

In chartâ Stephani Eduensis, & Galteri Lingonensis Episcoporum, 1173. mentio *Bernardi Nariodi*.

Anno 1202. in chartâ Gauterij Eduensis Episcopi, super donis Rainardi Militis de Curcellis, inter testes, BERNARDVS *dominus de Spißâ*.

Simeon de Montebarro Miles, 1209. in tabulis Haymonis Archidiaconi Flauiniacensis.

Anno 1198. testis inter alios BERNARDVS *de Montebarro*, in chartâ Gauterij Eduensis Episcopi, de concordia inter Fontenetenfes & Vngiacenses super quibusdam nemoribus.

NICHOLAS *de Mombar, Cheualier, en Iuin*, 1277.

HVGO *de Montebarro*, in chartâ Humberti Eduensis Episcopi, tempore Vilelmi Fontenetenfis Abbatis.

Mense Augusto anni 1282. HVO *de Saigneyo* Miles, de consensu Mariæ vxoris suæ, vendit quamdam vineam suam Abbati & Conuentui Fontenetenfi.

AALIZ Ducissa Burgundiæ litem diruiuit inter Fontenetenfes, & Arnulphum Militem de Eschalo, super quibusdam vſagijs & paſturis.

In tabulis *Aalydis* Duciffæ, 1227. menſe Auguſto, mentio Domini *Girardi de Sauz*; ſecundum cuius *por- guationem*, metæ quædam conſtituuntur inter *Eſchalo*, *Eſtalante*, & *Poiſeus*, arbitrio Geruaſij Capellani de *Eſtalante*.

122. *Iohannes Miles de Montebarro, filius Beatricis.* 1239.

Ex tabulario Fontenetenſi.

EGO HVGGO Dux Burgundiæ, Notum facio vniuerſis præſentes litteras inſpecturis, quòd IOHANNES Miles de Montebarro in meâ præſentiâ conſtitutus, recognouit ſe dediſſe in perpetuam eleemoſynam, Eccleſiæ Beatæ Mariæ Fonteneti, Richardum hominem ſuum de *Marmeniâ*, cum omnibus heredibus ſuis & tene-mentis. Dedit inſuper dictæ Eccleſiæ dictus *Iohannes* ſex iornellos terræ, ſitos ſuper viam quæ eſt ante domum *Conuerſarum de Marmeniâ*. Laudauit autem præfatus *Iohannes* eleemoſynam, quam fecit Domina BEATRIX mater ſua ſæpèdictæ Eccleſiæ Fonteneti, de duobus ſextarijs frumenti, & vno modio vini : quæ dicta Eccleſia Fonteneti percipiet ſingulis annis, in decimâ dicti *Iohannis* apud Corbeton. Et hoc totum promiſit prænominatus *Iohannes*, dictæ Eccleſiæ contra omnes perturbatores bonâ fide garantire. In cuius rei teſtimonium, ad petitionem ſupradicti *Iohannis*, præſentes lit-

teras sigilli mei munimine roboravi. Actum anno Domini millesimo CC. tricesimo nono, mense Iulij.

123. *Blancha Heruci domini Sonbernonis relicta.* 1242.

Ex autographo Fontenetenſi.

HVGO Dux Burgundiæ, omnibus præſentes litteras Inſpecturis, Salutem. Noueritis quòd in noſtrâ præſentiâ conſtituta nobilis mulier, dilecta & fidelis noſtra *BLANCHA* domina Sonbernonis, recognouit quòd defunctus *HERVEVS*, quondam maritus ſuus, dominus Sonbernonis, in extremis laborans, dedit & conceſſit in purâ & perpetuâ eleemoſynâ, pro remedio animæ ſuæ & antecellorum ſuorum, Deo & Eccleſiæ Beatæ Mariæ de Fonteneto, & fratribus ibidem Deo ſeruientibus, centum ſolidos Diuionenſium : & præcepit quòd aſſiderentur eiſdem percipiendi ſingulis annis in ſuâ terrâ de ſuo capite. Ipſa verò *Blanchâ* ſupradicta, attendens deuotionem mariti ſui defuncti, & volens ſatisfacere animæ ipſius, & antecellorum ſuorum, dictam eleemoſynam laudauit : & dictis fratribus Fonteneti, dictos centum ſolidos Diuionenſium aſſedit percipiendos ſingulis annis in prouentibus nundinarum Sancti Machuti de Sonbernone. In cuius rei teſtimonium, ad ipſius *Blanche* dominæ Sonbernonis petitionem, dictis fratribus Fonteneti tradi fecimus litteras, ſigilli noſtri munimine roboratas. Actum anno Domini M. CC. quadageſimo ſecundo, mense Ianuario.

124. *Emanians Dame de Sombernon, & d'Estez. 1271.*

Extrait du Chartulaire de l'Abbaye de Fontenet.

NOS GVILLAYMES humbles Abbez de Flauigny, & nos freres Estiennes Priours dou Val Nostre Dame pres de Talant, de l'Ordre dou Val des Escoliers, & Iei Symons Maistres de la maison de Saint Antoine d'Estez, façons sa-
 uoir à tous cels qui verront ces presentes lettres, que Madame EMANIARS, dite BLANCHE, Dame de Sombernon & d'Estez, en sa darrienne volonté, & en son testament, nos diz Guillaumes, Estiennes, & Symons dessus diz soumes exequutour; ha doné, quitté, & ottroyé an perdurable aumone, à Deu, & à l'Eglise Nostre Dame de Fontenoy, pour lou remede s'arme, & de ses ancessors, & por son anniuersaire faire, tout ce que ele hauoit, ou pooit ou de-
 uoit hauoir à Noigent, & ou terreoit de ladite ville, &c. Et noz dessus diz exequutour, la deuant dite aumone ha-
 uons vuntié & deliurée audiz Religions de ladite Eglise de Fontenoy, &c. Ce fu fait en l'an de grace Mil CC. se-
 xante & onze, ou mois de Septembre.

Alexandre de Montagu, Escuier, Sire de Sombernon & de Maanlayn, reconnoit le mesme, promettant de le gua-
 rantir. Au mois d'Octobre suiuant.

125. *Ex Necrologio Fonteneti.*

IV. Kal. Februarij, obiit Heluydis domina de Es-
 pissiâ.

VIII. Kal. Martij, obiit Dominus Guillelmus, domi-

nus de Espiffiâ anno Domini M. CCC. XXVI.

IV. Kal. Martij, obiit Dominus Rogerius de Mortuomari, Comes Marchiæ.

XV. Kal. Aprilis, Anniuersarium Honorij Papæ.

VI. Kal. Aprilis, obiit Dominus Robertus Dux Burgundiæ.

XII. Kal. Iunij, obiit dominus Stephanus Eduensis Episcopus.

XI. Kal. Septembris, obiit Eustachia domina de Melloro.

IV. Idus Octobris, obiit dominus Ebrardus Noruicensis Episcopus.

XVI. Kal. Nouembris, obiit Robertus Comes Tornodori.

XII. Kal. Nouembris, obiit Dominus Guido Eduensis Episcopus.

VII. Kal. Decembris, Anniuersarium Domini Iohannis de Espiffiâ, & fratrum suorum.

Nonis Decembris, Anniuersarium Iohannæ Comitissæ Flandriæ.

VIII. Idus Decembris, obiit Dominus Hugo Autisiodorensis Episcopus.

X. Kal. Ianuarij, Anniuersarium Reginæ Berengariæ, & sororis eius Comitissæ Campaniæ.

126. *Ex Necrologio Buxeriæ.*

XVII. Kal. Aprilis, Anno Domini M. C. XXX. tali die, fundatum fuit cœnobium istud Buxeriæ, cuius extiterunt primi fundatores nobilissimi Domini Sornbernionenses.

XIII.

XIII. Kal. Nouembris, Anniuersarium nobilis Heruei domini de Safres, omniumque successorum suorum.

X. Kal. Nouembris, absoluentur specialiter animæ Illustris Domini Raymondi, & Matildis Comitissæ Niuernensis, filiæ eiusdem.

127. *Annus primus ordinationis Rainerij, Alberipe Abbat*
is secundi, in cursu erat anno Christi 1158.

VI. Idus Septembris.

Ex tabulario Albæripæ.

Godefridus Lingonensis Episcopus dat monasterio Albæripæ, & fratribus ibi Deo seruientibus, *fundum totius sinagij de Amoreis, in quo (inquit) à prædecessore nostro pie memorie Episcopo Vilenco omnes assentias iam pridem possidebant, &c. Datum Alberipe, anno ab Incarnatione Domini M. C. LVII. & ordinationis domni RAINERII, Abbatis secundi ipsius Alberipe primo, VI. Idus Septembris.*

128. *Hugo Trecensis Comes, ex vulneribus suis percuratus.*

1103. 1104.

Ex autographis refert Camuzatus in Promptuario,
fol. 121. & 302.

IN nomine sanctæ & indiuiduæ Trinitatis, ego HUGO
Comes Dei gratiâ Trecensis, post vulnerum meo-
Bbb

rum nimis difficultum afflictionem, & eorumdem Deo medicante euasione, perpendens me in pluribus diuinam gratiam offendisse, pœnamque prædictam peccatis meis exigentibus me iuste promeritum: attendens longè maiorem promeruisse: de collato mihi beneficio à Domini benignitate, videlicet de redditu mihi sanitate, proposui in conferendis beneficijs aliquibus Ecclesijs, Domino gratias reddere, &c. Dedi igitur Ecclesie Beati Lupi Trecentis monasterij, libertatem domorum canonicarum. Videlicet ut nemo præsumat deinceps eas violare propter furem ibidem repertum, &c. Actum anno Incarnationis Domini M. C. III.

A N N O T A T I O.

Idem planè verbis præfatur in priuilegio simili, quod concedit Ecclesie Trecenti Beati Petri, & Sancti Saluatoris, anno Christi 1104. IV. Nonas Aprilis, Indictione XII. Opinor autem ea vulnera Hugoni Comiti inflicta cùm à partibus staret Henrici Imperatoris, in eo bello quod anno 1102. gestum est, inter hunc, & Robertum Comitem Flandrensem, de quo ad eum annum Sigebertus; Roberto (inquit) *Flandrensi Comite inquietante urbem Cameracum, Henricus Imperator contra eum proficiscitur: & aliquibus eius castellis expugnatis, asperitate instantis hyemis redire compellitur.* Meminere eiusdem belli Dodechinus, Chronicon Leodiense, Meyerus, & recentiores alij. Videtur enim stetisse ab Imperatore Hugo Comes, patris Theobaldi exemplo, de quo Hermannus Contractus ad annum 1054. Henricus Imperator *Moguntia paschale festum celebravit; ubi Theobaldus Orthonis ad eum de Gallijs veniens, & miles eius effectus, auxilium suum illi pollicitus est.* Natamque hinc Palatinorum Campanie Comitum dignitatem & appellationem de Imperatorum beneficio, non temerè suspicatur Petrus Pithœus in Commentario suo de Comitibus Campanie & Briz.

129. *Hugo Comes Treassinus, secundâ vice Ierosolymis reuersus, 1122.*

Ex Promptuario Nicolai Camuzati, pag. 286.

IN nomine sanctæ & indiuiduæ Trinitatis, Omnibus Christi fidelibus notum fieri volumus, quòd Dominus HUGO excellentissimus Comes Treassinus, dum secundâ vice Hierusalem pergeret, apud Eduam ciuitatem, in die festiuitatis Sanctorum Apostolorum Simonis & Iudæ, dedit & perpetualiter obtinere concessit Beatis Apostolis Petro & Paulo Arremarensis monasterij, & Ecclesiæ Sancti Iohannis Baptiste de Castello, quæ infra muros vrbis Treassinæ sita est, & monachis eis famulantibus, domno videlicet Abbati Gualterio, & successoribus eius, sextarium frumenti, sextarium vini, panem, vinum, & spatulam porci: quæ omnia singulis annis monachi Sancti Iohannis de Castello, soliti erant dare ad portam ciuitatis, quæ versùs abbatiam Arremarensensem posita est. Cùm verò à sancto dominico sepulero idem Comes redijt, dominus Abbas Gualterius præsentiam eius adiit, eumque humili prece rogauit, vt quod apud Eduam fecerat, hoc coram famulis suis, & coram legitimis testibus Treassinæ vrbis faceret & concederet. Quod beniuolè & amicabiliter fecit. Actum est hoc publicè, apud Treassinam urbem, in claustro Sancti Iohannis Baptiste de Castello, VII. Idus Octobris, id est, in die festiuitatis Sanctorum Martyrum Dionysij, Rustici, & Eleutherij, anno ab Incarnatione Domini M. C. XXII.

B b b ij

Concurrente VI. Epactâ XXII. pontificatus domni Papæ Calixti II. anno quinto, Indiēt. I. regnante Ludouico Rege Francorum, primo anno pontificatus domini Attonis Treassinæ vrbis Episcopi.

130. *Odo Campaniensis, vxor eius Sibylla.* 1137.

Ex autographo Abbatix de Aceyo.

ODO Campaniensis, & vxor eius SIBYLLA dederunt Deo & Sanctæ Mariæ Accincti, quicquid habebant in Curiâ Ambliæ. *Charta Humberti Bisonticensis Archiepiscopi, data anno Christi 1137. pro monasterio de Aceyo.*

131. *Garnerius de Fontanis, fundator Prioratus de Bonuau subtus Talentum, de Ordine Vallis Scholarium.* 1215.

Guillaume Paradin, au second liure des Annales de Bourgongne, page 265.

EN ce temps vint au monde vne nouuelle compagnie de gens Religieux, qui instituèrent vn Ordre, nommé du Val des Escholiers, auquel vn Gentilhomme d'auprès de Dijon, nommé GARNIER DE FONTEINES, donna la place & lieu de BONVAL Nostre Dame sous Talent, pour y sonder vn Prioré de cét Ordre nouveau : & le donna de plusieurs rentes, par le consentement & aduenu du Duc ODES, qui seella les donations & fondation dudit lieu de Bonual, de son seel. Ce fut en l'an de salut mille deux cens & quinze.

132. Iohannes Dominus Fontanarum. Enjarranz siue
Garnerius de Fontanis. 1220.

Ex autographo Bonzuallis subtus Talentum.

EGO frater *Theobaldus*, Baiuliæ Burzarum Præceptor humilis, notum facio præsentibus & futuris, quòd si ENIARRANZ de Fontanis, homo noster, vel eius heredes, de solutione trium sextariorum olei facti de nucibus, (quæ IOHANNES Dominus Fontanarum, filius Domini VVILLERMI de Sauz dedit in elemosynam Deo, & Beatæ Mariæ, & fratribus de Valle Scholarium, pro remedio animæ suæ, & matris suæ Dominæ BELOT, & antecessorum suorum) singulis annis in festo Omnium Sanctorum soluendorum pro sumptu vnius lampadis, aliquo tempore deficerent, fratres Militiæ Templi se tenerent ad quatuor iornalla terræ, quorum duo sita sunt in *arbud* iuxta castrum Fontanarum, & alia duo in finagio d' *Eschiré*; & ad vineam sitam in territorio de *Chasoil*; & ad tres solidos & sex denarios censuales: & nos de solutione dicti olei postea teneremur. In huius rei testimonium præsentibus litteris sigillum meum apposui. Actum anno gratiæ M. CC. XX.

133. *Septemfontium abbatia Ordinis Cisterciensis, filia Fonteneti, sub Willermo Abbate secundo Fontenctensi fundata.*

Ex secundâ magnâ chartâ Fonteneti, numero XXXVIII.

HAymo Miles de Marmanîâ, dedit Ecclesiæ Fonteneti pratum quod dicitur *Pratum Belet*, prope magnum pratum monachorum in valle Grinlonis. Accepit autem inde à monachis, terram & prata quæ habebant apud Marmaniam, & palefridum. Actum est hoc inter Montembarrum & Montemfortem, quando *Abbas Willermus* educebat abbatiam *Septemfontium*. Testes sunt, RAINERIVS de Rochâ, Gislebertus prædicti Haymonis auunculus. Teobaudus de Fraxino Presbyter. Odo Presbyter Curcellarum.

ANNOTATIO.

Septemfontium abbatiam Borboniensis agri & Ordinis Cisterciensis (nam sunt Præmonstratensium alix duz cognomines in Remensi & Lingonensi diœcesibus) vel hinc discimus filiam fuisse Fonteneti, hoc est, coloniam per *Willermum* Abbatem à Fonteneto deductam. Quod quando evenerit, quia ex his tabulis æchronicis colligi nequit, docet nos Claudius Robertus in Galliâ Christianâ: indicatum sibi scribens, haberi ex Bullâ Hadriani Papæ IV. datâ anno Christi 1136. fundarum fuisse id monasterium anno 1131. à VVICARDO & VVILELMO de Burbone.

134. *Armes des Comtes de Champagne.*

Extrait de Pierre Pichou, au liure 1. des Comtes de Champagne & Brie, page 493.

VOilà les sept qu'on pourroit iustement estimer auoir esté les vrais Comtes Pairs de Champagne. (Il auoit dit les Comtes de Joigny, de Rheteil, de Brienne, de Roucy, de Braine, de Grandprey, & de Bar sus Seinne.) Auquel nombre plusieurs ont voulu rapporter sept piéces d'or, contrepotencées en vne bande d'argent, qu'ils mettent en champ d'azur és armoiries de Champagne & Brie : lesquelles toutefois se blasonnent par les plus modernes, d'azur à bande d'argent, contrepotencées d'or à treize piéces. Mais le Roman du petit Seintre, auquel pour son ancienneté ie defere quelque chose en telles doutes, fait porter à vn lean de Champagne, d'azur à vne bande d'argent, à deux coslices ou fretaux d'or, potences contrepotencées (sans les nombrer autrement) à trois lambeaux de guelles, qui sont les marques de cadet, &c. Or quoy que les potences soient encore reconnues par tous en ces armes, si est-ce que i'ose dire qu'ès seaux de ces Comtes, mesmement en ceux du Roy Thiebaut & de la Roynie leanne (que i'ay veus en assez bon nombre) il y a trop plus d'apparence de fleurons en cette bande, que de potences. Mais ie n'ay entrepris de blasonner icy ces armoiries plus superstitieusement, me contentant de dire, que si ainsi est, il ne semble pas qu'elles soient du tout si anciennes que ces Comtes : estant bien certain qu'au commencement ils n'ont pas tant eu de Pairs de ceste qualité sous leur mouuance. Aussi y a-il

tresgrande apparence, que les entreprises d'outremer nous ont apporté la pluspart de ces armes & blasons : pour le moins en ont elles rendu l'usage plus commun, & depuis plus religieusement obserué, qu'il n'auoit esté auparauant.

135. Armes des Comtes de Champagne.

Extrait d'une lettre du sieur André Duchesne, adressée à Monsieur Nicolas Camusat, Chanoine en l'Eglise de Troyes, le penultième Nouembre 1624. & à moy communicquée par Monsieur Louys de Villeprouuée, Seigneur de Villette, Conseiller de sa Maieité, Esleu en l'Electiõ de Troyes.

Pour le seau de Champagne, potencé & contrepotencé, ie l'ay veu sur la tombe d'ALIX femme de THIBAVLT Comte de Champagne, fils d'EVDES second, en l'Eglise de Saint Pharon. Si ce n'est qu'on veuille dire que la tombe ayt esté faite long temps depuis sa mort. Mais ie l'ay encore veu en des seaux qui sont à Saint Martin des Champs, auant l'an 1230. Ce qui monstre que les potences procedoient de fantaisie. Et pense quant à moy que c'ayt esté vne brisure prise par vn cadet, & retenuë depuis par la posterité quand elle deuint l'aînée.

ADVIS AV LECTEUR.

S'il est vray que Henry le Large, qui dès l'an 1152. fut Comte de Champagne apres son pere Thiebaud le Grand, aye porté le premier dans ses armes les potences contrepotencées, comme l'asseure Monsieur Bonhomme en l'article qui va apres ceituy cy; il faut tenir pour certain que telles armes ne furent apposées au tombeau d'Aalys femme de Thiebaud le Vieil, & mere du Comte Hugues, que long temps apres son trespas, & depuis le regne de Henry le Large son arrierepetitfils.

136. Memoires de Monsieur Bonhomme, ancien Chanoine en l'Eglise Cathedrale de Troyes, touchant les Armes des Comtes de Champagne.

A nous enuoyez, en Septembre de l'an 1659.

I'Ay veu au thresor de nostre Chapitre de Troyes, le tiltre du Comte Hugues, cotté au liure du sieur Camusat, & les trois seaux y pendans. Le premier est dudit Hugues: Le troisieme est de Thybault son successeur, auquel il vendit les Comtez de Champagne & de Brie: & celui du milieu est de Henry le Large, fils de Thybault. Et qui sans doute y ont esté mis en diuerses années, pour la confirmation des priuileges portez en iceluy, en faueur dudit Chapitre de Troyes, suiuant le temps de leur regne. Ausdits trois seaux des trois Comtes successifs l'un à l'autre, il n'y a point de contreseel: & à chaque seel y est empreint vn homme à cheual, tenant de sa droite vne espée nuë, & de la gauche vn Escu sur son costé gauche, duquel on ne voit que le bord sur la poitrine: avec les inscriptions de chacun des trois autour du seel.

Sigillum Hugonis Comitis Palatini Trecensis.

Sigillum Theobaldi Comitis Palatini Trecensis.

Sigillum Henrici Comitis Palatini Trecensis.

Ils sont ainsi tous trois qualifiez Palatins: & pareillement les Comtes de Champagne suiuaus: iusques à Ieanne femme de Philippe le Bel: & ils auoient leur Palais dans Troyes, où ils tenoient leurs grands iours deux fois l'an, estans accompagnez des sept Comtes, & six Pairs leurs vassaux: & estoit le premier terme au lendemain de Quasi-

Cccc

modo, & le second au sixième d'Aoust ensuiuant. Et le contract dudit Philippe le Bel portoit, à condition que lesdits grands iours ne se tiendroient pas, pendant qu'on tiendrait ceux du Parlement de France.

Chacun de nos Comtes a porté en son Escu vn blason à sa fantaisie ; l'un à cause de sa mere ; les autres à cause de diuerses Terres & Comtez a eux auenuës, ou par mariage, ou par successions, ou par contractes de donations.

Pour vous dire que nos Comtes ont blasonnez leurs Escus diuersement ; le sçay que Herbert nostre premier Comte de Troyes, portoit l'Eschiquier d'or & d'azur l'an 902.

ROBERT apres 930. s'estant emparé de Troyes, porta pour blason vne Panthere d'or en vn Escu de gueulle.

D'autres en suite ont porté d'azur à vne bande d'argent & deux cottices d'or de part & d'autre. La bande d'argent chargée d'ondes d'eau, & les deux cottices aussi.

D'autres ont porté sur la bande d'argent & cottices d'or, des vignettes ondoyantes.

D'autres n'ont porté que des vignettes sur les cottices, & non sur la bande d'argent.

HENRY LE LARGE, fils de Thybault à la belle lignée, a porté le premier sur son Escu, d'azur à vne bande d'argent ; designant la riuere de Seine qu'il fit passer dans Troyes : deux cottices potencées & contrepotencées de treize pieces d'or, qui signifient les treize Comtes vassaulx dudit Comte de Champagne ; sçauoir de loigny Doyen des Comtes, de Bar, d'Auxerre, de Tonnerre, de Porcien, de Brienne, de Grandprey, de Rethel, de Marle, de Vertu, de Vicenne, de Buffy, & de Brie.

J'ay les prenuës en mon cabinet de tout ce que dessus. Et

sur le tombeau d'argent, que Marie sa femme, fille de Louys le Ieune, & d'Alienor fille de Saint Guillaume, Duchesse d'Aquitaine, qui sçauoit bien les Armes de son mary, sont grauez en or ces deux vers.

Principis egregios actus Maria reuelat,
Dum sponſi cineres tali velamine velat.

I'ay veu aussi vn grand ſeel en cire rouge, au threſor du Chapitre de S. Eſtienne, du Comte Henry le Large qui en fut le fondateur; où il y a vn contrefeel avec les potences contrepotencées, en petit: & au tour, l'inscription en viel langage François, Paſſauent le meillor.

HENRY ſon fils aiſné a porté de meſme: ſinon Cypre & Champagne en Eſcu myparti, comme Roy de Cypre à cauſe d'Iſabeau Reine ſa femme.

THYBAULT frere de Henry a porté d'azur avec la bande d'argent: & pour cottices de part & d'autre quatorze M Gothiques d'or: comme il ſe voit au tombeau d'argent que luy ſit dreſſer ſa veſue Blanche de Nauarre, fille de Sanche le Sage, & ſœur de Sanche le Fort: qui eſt à S. Eſtienne de Troyes, au Chœur, où ſont ces deux vers.

Hoc tumulo Blancha Nauarræ Regibus orta,
Dum Comitem velat, quo ferueat igne reuelat.

Et ſon Eſcu eſt en forme de cœur, d'autant que de ſon temps la ville de Troyes eſtoit ainſi compoſée.

THYBAVT III. du nom, ſurnommé le Poſthume, fils du precedent, & Roy de Nauarre depart ſa mere Blanche, a porté les armes qu'on vous enuoye dépeintes. Et THYBAVT & HENRY ſes deux fils (dont le dernier fut pere de lehanne, qui fonda à Paris le College de Nauarre, & fut femme du Roy Philippe le Bel) porterent de meſme.

Les Armes de Thybault le Posthume sont en ouale : qui signifie, Troyes auoir esté bastie & aggrandie en ceste forme, en l'an 1240. qu'il la fit resembrer à neuf. Et porte l'Escusson sur le tout vn ouale de gueulle, chargé de trois chasteaux d'or; qui sont les anciennes Armes de Troyes, d'où elle a pris son nom. Et il y auoit lors, le Chasteau du Roy, le Chasteau du Comte, & celui du Vicomte que i'ay veu démolir en l'an 1586.

Thybaut Roy de Nauarre (dont les Armes peintes estoient jointes à ce memoire,) dans vn ouale couronné, portoit escartelé. Au 1. de Nauarre. Au 2. de Champagne, avec les cottices potencées. Au 3. de Chipre. Au 4. de Brie, ou de Meaux, qui est, d'azur au lyon d'or rampant. Sur le tout, vn petit ouale de gueulle, à trois chasteaux d'or l'un sur l'autre.

137. La Seigneurie d'Espoisse dans la maison de Mello.

André Duchesne en l'Histoire de la maison de Chastillon sur Marne, liure 7. chap. 1. page 329.

LOVYS de Noyers trespassa aussi sans enfans enuiron l'an mille quatre cens neuf, & eut pour heritiere Marguerite de Noyers sa sœur, Dame de Pouilly & de Pré-Martin, mariée lors à Guy de la Trimouille, fils de Guillaume de la Trimouille Cheualier, & de MARIE DE MELLO Dame d'Espoisse & de Bourbonlancy.

Le mesme Duchesne en l'Histoire des Seigneurs de Couches, page 166.

IEAN de Montagu, Seigneur de Couches, d'Espoisse, & de Bellecure. Celuy-cy espousa IEANNE DE MELLO, fille de GYLLAUME DE MELLO Seigneur de Giury, &

d'Ysabeau de Bourbon, Dame de la Ferté-Chauderon sa femme. Laquelle Ieanne auoit esté mariée en premieres nopces à Eudes de Til, comme enseigne vn Arrest de l'an mille quatre cens vingt quatre. Elle eut de la succession de GIBAVT DE MELLO son ayeul sa Seigneurie d'Espoisse, qu'elle apporta à Iean de Montagu son second mary.

Extrait de la monstre faite à Sens, le Dimanche, xvii. iour du mois d'Aoust, l'an M. CCC. XLVIII. à moy communiqué par la courtoisie de Monsieur d'Herouual, Conseiller du Roy, & Auditeur en la Chambre des Comptes à Patis.

Monsieur GVILLAVME DE MELLO, Seigneur d'Espoisse, monté sur vn cheual bay baussent des quatre gembes, estéle deuant, ou pris de CC. liures tournois, marqué à la marque de la Ville, &c.

Item d'une quittance de l'an 1369.

Sachent tous que nous GIBAVT DE MELLO Sire d'Espoisse, Cheualier, auons eu & receu de Iehan le Mercier, Thresorier des guerres du Roy &c. la somme de soixante-sept liures dix souldz tournois, en frans xx. souldz tournois la piece. Dont nous nous tenons à content & bien payé. Donné à Roüen sous nostre seel, le vii. iour d'Aoust, l'an Mil CCC. LXIX.

138. Extrait de deux Lettres à moy escrites de Paris, xi. & xxviii. Nouembre 1659. par Monsieur du Bouchet Cheualier de l'Ordre du Roy, son Conseiller & Maistre d'Hostel ordinaire, & son Historiographe.

Certainement la terre d'Espoisse vint à Dreux de Mello, fils de Guillaume de Mello, & petit fils de Dreux de Mello
Cccc iij

Connestable de France, par son mariage avec Heluis de l'Orme, qui l'auoit eue de sa mere, nommée aussi Heluis. Et i'ay tiltre par lequel ce Dreux se qualifie Seigneur d'Espoisse dez l'an 1247. Ce fut son petit fils de mesme nom, qui eut pour femme Eustache de Lezignen, cousine germaine d'Edouard I. Roy d'Angleterre. Voicy l'ordre de ces descentes.

DREUX de Mello, Connestable de France,
mourut l'an 1218.

GVILLAUME de Mello, Seigneur de S. Bris,
mourut l'an 1248.

DREUX de Mello, Seigneur de Chasteauchinon, marié auant l'an 1247. avec HELVIS fille unique de HVGVES Seigneur de l'Orme, & d'HELVIS Dame d'Espoisse : suiuit S. Louys outre mer, & estant au camp deuant Damiette, ceda au Roy S. Louys l'an 1249. ce qu'il auoit à Loches & à Chastillon à cause de sen son oncle DREUX de Mello. Il mourut auant l'an 1252.

DREUX de Mello, Seigneur d'Espoisse, de Chasteauchinon, de l'Orme, & de S. Bris : estoit marié auant l'an 1259. avec la fille d'Anseric Seigneur de Montreal, & de Marie de Garlande : car cette année il demanda partage des biens de Marie de Garlande à Henry Comte de Grandpré, frere uterin de sa femme. Il vint en core en l'an 1269.

DREUX de Mello Seigneur de S. Bris, d'Espoisse, de l'Orme, & de Chasteauchinon 1276. espousa EVSTACHE de Lezignen, fille de Geoffroy de Lezignen Seigneur de Sainte Hermine, de larnac, & de Chasteauneuf, & de Jeanne Vicomtesse de Chasteleraut. Il vint encore l'an 1290. Il fut pere de DREUX de Mello, qui espousa Eleonor de Saouye, vesue de Guillaume de Chalon Comte d'Auxerre & de Tonnerre, de laquelle il eut deux filles, &c.

EVSTACHE de Lezignen fut cousine germaine d'EDOUARD I. Roy d'Angleterre, à cause d'ISABEAU d'Angoulême

qui fut grandmere de tous deux.

IEHAN I. Roy d'Angleterre,
premier mary d'Isabeau.

HUGUES X. Sire de Lezignan,
second mary d'Isabeau.

HENRY III. Roy
d'Angleterre.

GEOFFROY de Lezignan, mary de Jeanne
Vicomtesse de Chasteleraut.

EDOUARD I. Roy
d'Angleterre.

EUSTACHE de Lezignan, femme de
Dreux de Mello.

Ce Hugues, second mary d'Isabeau d'Angoulesme, fut aussi Comte de la Marche, & le X. du nom entre les Seigneurs de Lezignan, non le IX. comme a dit le sieur Duchesne, qui a ignoré le nombre de ces Hugues.

Voicy la preuue comment Dreux de Mello, mary de Heluis de l'Orme, estoit déjà qualifié Seigneur d'Espoisse en l'an 1247. Elle est tirée du thresor de la Cathedrale d'Auxerre.

H. Decanus, totumque Capitulum Autissiodorense, Salutem in Domino. Nouerint vniuersi quòd cùm nos emissemus à viro nobili DROONE de Melloto, Domino Espoissæ, Castricanini, & Vlmi, & HELVIDI vxore eius, laudante & consentiente venerabili Patre nostro GUIDONE Dei gratiâ Autissiodorensi Episcopo, burgum de Conchijs iuxta Varziacum: & omnia quæ ipsi habebant, tenebant, & possidebant apud Varziacum: sicut in litteris prædictorum Droonis & vxoris eius, & venerabilium Patrum Lingonensis & Niuernensis Episcoporum, & etiam in litteris prædicti Patris Guidonis Episcopi Autissiodorensis (de cuius feodo omnia prædicta à nobis empta dinoscuntur mouere) plenius continetur, &c. Actum anno Domini M. CC. XLVII. mense Junio.

La Seigneurie de l'Orme est en Niuernois, à deux lieues &

demie de S. Leonard, à dix lieuës d'Esposiffe, & à douze lieuës de S. Bris : & tomba dans la maison de Chalon Arlay par le mariage de Marguerite de Mel'lo.

139. Extrait de l'Histoire de l'Isle & Royaume de Cypre,
par Etienne de Lusignan Dominicain,
chapitre xxii.

HVGVES succeda comme aîné, à son pere Hugues Brun second, à la Comté de la Marche, & apres la mort de son frere Godefroy (surnommé A la grand dent) au Comté de Lusignan. Or est-il, que le Comte d'Angoulesme luy auoit promis sa fille vnique, nommée Ysabel : mais qu'estans allez à l'Eglise pour estre espousez, Iehan Roy d'Angleterre contraignit le Curé de la luy bäsler pour femme : ce qui engendra plusieurs scandales & guerres, lesquelles finalement s'appaiserent quand l'Anglois luy donna le gouuernement de Xaintonge. Apres la mort dudit Roy, la Roine Ysabel se maria à ce Comte Hugues, lequel lui auoit esté au commencement promis : & ainsi il obtint pour troisieme Comté, celle d'Angoulesme. Ceste Ysabel donques, bien qu'elle fust femme d'un Comte, ne voulut pour cela quitter son nom de Roine : tellement qu'à l'occasion de ce tiltre, son mari refusa de faire hommage à Alphonse Comte de Poictiers, frere de S. Loys Roy de France. Mesmes il en aduint de grandes guerres entre eux ; Alphonse estant aidé de ses freres, & ce Comte par Henry Roy d'Angleterre, &c. Il mourut laissant neuf enfans, Hugues Brun, Guidon, Godefroy, Aimeri, Guillaume, Agathe, Ysabel, Marguerite, & Alearde, tous procreez de la Roine Ysabel :
laquelle

laquelle en auoit eu quatre autres du Roy Iehan d'Angleterre, sçauoir est, Henry Roy d'Angleterre, Ysabel femme de Federic second Empereur, Iehanne Royne d'Escoffe, & le Duc de Lancastre &c. Godefroy eut la Baronnie de Iarnac & Châteauneuf: & de luy sont sortis deux enfans: à sçauoir, Godefroy qui succeda au Domaine du pere, lequel ayant espousé Peronelle Senille, Comtesse de Dreux, deceda sans enfans: & sa sœur (Eustache), qui fut mariée au Baron de Marle (c'est Dreux de Mello) dont est venu le Comte Iehan des Lyons Sieur de Arlay, & Amaury Sieur de Craon.

Monsieur Duchesne à la fin de son XII. liure de l'Histoire d'Angleterre, dit qu'Ysabeau d'Angoulesme eut sept enfans du Roy Iehan son premier mary: à sçauoir trois fils & quatre filles, qu'il nomme tous par ordre.

140. Extrait d'un Inuentaire de cent & douze tiltres, concernans les maisons de Saffre & de Fontaines, dressé à Beaune par F. de la Place, Notaire Royal, le 19. Novembre 1632.

1. **V**ieille lettre de l'an mille cent, ou se parle d'une AL-
LE TTE de Montbar, & de EVE de Chastillon,
Dames de Saffre & de Fontaines. Scellée, cottée Trente- 1100.
sept.

2. Vieille lettre de l'an mille cent sept, du mois de Ianuier,
concernant quelques affaires entre Henry & Simon de
Saffre freres, du corps de DIANE de Montbar, & de
OYTHO de Chastillon, Seigneurs de Saffre & de Fontaines, 1107.
Cottée Trente & vn

1129. 3. Vieille lettre en Latin, par laquelle GUY de Marrey & de Fontaines, reprend d'un Duc de Bourgogne les fiefs de Fontaines, de Marrey, & de Chastillon, en l'an mille cent vingt & neuf. Seellée, cottée Quatre-vingts & deux.
1147. 4. Autre lettre en Latin, de l'an mille cent quarante-sept, qui est un traité de mariage entre ARVIER de Saffre Chevalier, & MARIE de Marrey & de Fontaines, de l'autorité & consentement de ses pères & mere, & patrons nommez audit traité. Seellée, cottée Quatre-vingts & trois.
1180. 5. Une vieille lettre des fiefs de Saffre, écrite en Latin, au profit de Bernard de Saffre, sieur de Fontaines : datée de l'an mille cent quatre-vingts, cottée Treize.
1187. 6. Item une lettre en Latin, écrite en parchemin, touchant les fiefs de Saffre & de Fontaines faite par le Duc de Bourgogne à GVILLAVME de Saffre & de Fontaines, en l'an mille cent quatre-vingts sept : cottée Onze.
1200. 7. Item l'alliance de la maison de Foix avec celle de Saffre, de l'an mille deux cens. Cottée Six.
1200. 8. Item une lettre en parchemin écrite en Latin, concernant quelques accords entre ESTIENNE & BARTHELEMY de Saffre, sieurs de Fontaines proche Dijon, avec un nommé Jehan des Temples, de l'an mille deux cens, dixiesme May. Cottée Sept.
1200. 9. Autre lettre par laquelle appert, que JEAN de Fontaines donne tout son bien à GVILLAVME de Fontaines, pour se mettre en religion. Datée de l'an mille deux cens. Cottée Cinquante-trois.
1200. 10. Une lettre de l'an mille deux cens, où CONSTANTIN de Fontaines & ALLETTE de Montbar sont quelques accords ensemble. Cottée Cinquante-huit.

11. Une lettre de BERNARD de Fontaines, contenant transaction avec Guillaume de Marrey Seigneur de Fontaines en partie, du bien qu'ils auoient à Chastillon : en l'an mille deux cens. Côtée Soixante & vii. 1209.
12. Une lettre en Latin, par laquelle vne Blanche de France fait donation de portion de ses biens à HUST de Saffre, en l'an mille deux cens, Seellée de deux sceaux. Côtée Vingt. 1200.
13. Vne lettre en parchemin, de l'an mille deux cens & trois, au mois de Iuin, contenant vne donation faite par ALLETE de Saffre, Dame de Fontaines à plusieurs de ses enfans : cotee Neuf. 1203.
14. Lettre en Latin de l'an mille deux cens six, du IEHAN de Fontaines donne son bien à MARIE de Fontaines sa fille, & à son gendre Iean de Saffre : cotee Quatre vingts cinq. 1206.
15. Un viel papier en viel François par lequel IEHAN de Fontaines oblige ARVIER de Saffre à donner force biens aux pauvres : l'an mille deux cens vingt & sept. Côtée Quatre-vingts six. 1227.
16. Traicté de mariage en Latin, par lequel il appert que ARVIER de Saffre a espousé BEATRIX de Bourgogne, au mois de Decembre de l'an mille deux cens trente : Seellée, & cotee Quatre-vingts sept. 1230.
17. Lettre en Latin, écrite en parchemin, ou MILLORTE de Chastillon, Dame de Fontaines & de Marrey, fait accord avec son frere Oudor de Saffre, en l'an mille deux cens quarante-sept : Côtée Soixante-trois. 1247.
18. Lettre en Latin, de l'an mille deux cens soixante, par laquelle il appert que ALLETTE de Marrey, Dame de Fontaines, donna tout son bien à IOSEPH de Saffre son neveu, le sixième Octobre de l'an susdit : cotee Quarante-quatre. 1260.

1277. 19. Lettre en parchemin, contenant vn partage fait en l'an mille deux cens septante sept, entre Aruier & Estienne de Saffre, enfans d'OTHELIN de Chastillon, & d'ALLETTE de Montbar, Seigneur & Dame de Saffre & de Fontaines: seellée, & cottée Vingt-vn.
1302. 20. Lettre en parchemin, escrite en Latin, par laquelle il appert que Iean de Saffre fait partage de ses terres de Saffre & de Fontaines, avec ALLETTE de Fontaines, en l'an mille trois cens & deux, le treizième lanuier: cottée Trois.
1307. 21. Autre lettre escrite en Latin, laquelle contient quittance du mariage d'Alix de Saffre, femme de Iehan de Marrey, sieur de Fontaines, en Octobre de l'an mille trois cens sept: seellée, & cottée Soixante & treize.
1315. 22. Lettre en parchemin, en Latin, de l'an mille trois cens quinze, veille de S. Laurent, par laquelle appert que Iehan de Saffre interpelle ALIX Rolin sa mere, de luy monstrier en vertu de quoy elle s'immissen sa terre de Saffre. Seellée, & cottée Quatre-vingt.
1327. 23. Lettre par laquelle Aruier de Saffre partage ses biens avec GVILLEMOT de Marrey sieur de Fontaines, son Oncle, en l'an mille trois cens vingt & sept, au mois de Iuin, le Lundy apres la Saint Barnabé Apostre: seellée, & cottée Quarante-six.
1343. 24. Lettre en parchemin, en vieil François, où Iehan de Fontaines, & Aruier de Saffre, pour les successions de leurs freres mis en religion, se remettent à l'arbitrage de Gaston de Saux leur parent, en l'an mille trois cens quarante-trois, au mois de Mars. Seellée & cottée Soixante & seize.
25. Vieille lettre en Latin où PERNOT de Montbar fait la guerre à HVST de Saffre, qui appelle à son secours ses cousins

- de Fontaines & de Marrey, en l'an mille trois cens cinquante: & le Duc de Bourgogne assiste ledit Huf de Saffre. 1356.
Seellée en cire verte, cottée Quatre-vingts & dix-huict.
16. Lettre en Latin, qui est vne dispence de RICHARD de Fontaines, pour espouser, ALLETTE de Saffre, en l'an mille trois cens ostante quatre: eottée Cinquante-sept. 1384.
17. Lettre du Roy Charle, escrite en parchemin, par laquelle il promet de grands biens à Iehan de Saffre, sieur dudit lieu & de Fontaines: & à vn Edme de Saigny Cheualier, gendre dudit Iehan de Saffre: & à Philibert de l'Espinace, sieur de la Clese: en l'an mille trois cens quatre vingts & quatre. 1384.
Seellée, & cottée Dix-huict.
18. Lettre en parchemin, par laquelle GVILLAVME de Marrey, sieur de Fontaines a fait transaction avec Arnier de Saffre, pour la succession des biens de leur grand-mere: le iour S. André de l'an mille quatre cens & deux. Cottée Soixante-quatre. 1402.
19. Lettre en parchemin, par laquelle appert que Iehan Duc de Bourgogne, Nantes, Neuers &c, veut que HVE de Saigny, & TSABEL de Saffre, soient receus legitimes heritiers de tous les biens appartenans à BERNARD de Fontaines, sieur de Marrey & de Chastillon: du vingtième de Iuin, mille quatre cens & quatre. Cottée Quatre-vingts & douze. 1404.
30. La grosse du decret de la terre de Fontaines d'Ogny, Chenel, & Marrey, à requeste de Monsieur de Beauchamp, sur Pierre de Saigny. Lesdits biens achetez par OTHELIN de Cleron, beau-fils dudit Pierre de Saigny. Le vingt & deuxiesme Iuillet de l'an mille quatre cens & cinq. Cottée Cinquante-deux. 1405.

34. *Traicté de mariage entre Arnier de Cleron & Marguerite de Montbeliard, du mois de Ianuier de l'an mille quatre cents vingt & trois: costé Quarante-trois.*
1423. 12. *Partages faits entre Pierre de Saigny seigneur de Saffre, de la succession de BERNARD de Marrey son frere: du quatrième Februer, mille quatre cents soixante & treize. Costé Cinquante & vn.*
- 1473.

A D V I S A V L E C T E V R.

SI lestiltres inuentairiez comme dessus, se pouvoient trouver tous entiers, nous en eussions pu tirer de belles lumieres touchant la parenté de S. Bernard: mais Monsieur de Cleron, Baton de Saffre m'a assuré que les originaux de ces pieces luy auoient esté desrobés, ou bien (ce qui reuient au mesme) retenus par quelque personne de mauuaise foy, à qui illes auoient confiés sans en prendre vne assurance parefctie. Cependant on peut coniecturer de ce qui nous en reste, 1. Que la mere del'Abbé Robert (de laquelle lean l'Hermite dit, sans la nommer, qu'elle fut sœur d'Alethe mere de S. Bernard) est cete Diane de Montbar, femme d'Outho de Chastillon en l'an 1107. mentionnée au 2. article de cet extrait: car le temps, & le nom de la maison s'y accordent. Ce qui me fait presque renoncer à la coniecture que i'auois cy-deuant auancée en la page 544. que le pere de cét Abbé Robert soit V Vauthier, ou Gaubier Connestable de Bourgongne, qui auoit espousé vne sœur de la mere de S. Bernard, dotée du fief seruant de la ville de Montbar: à cause dequoy il auroit porté la qualité de Seigneur de cete ville: mais nous en produirons cy apres vne raison plus receuable. 2. Il semble qu'Eue de Chastillon, mentionnée cy dessus au nombre 1. soit la mere de Tececlin, ayant pour lors d'autres enfans de Foulques de Sarcelles, que le moine Albertic en sa Chronique luy donne pour second mary: & qu'en ce tiltre de l'an 1107. où il est parlé de Alette de Montbar (laquelle en ce cas seroit sa bellefile), il ayt esté traité du

partage entre les enfans d'Eue, du premier & second liè. Si cela n'est (car ie n'o'erois l'asseuret sans autre preuue) il y auroit bien de l'apparence qu'Eue de Chastillon fust la femme de Guy de Fontaines, frere aîné de S. Bernard; avec laquelle Alette de Montbar sa bellemere oust fait quelque traité pour le reiglement & assignal de son dot. Quoy qu'il en soit, ie tiens que l'une ou l'autre, c'est à dire, ou la mere de Tecelin, ou la femme de Guy fils de Tecelin, a esté de la maison de Grancey. Car au chasteau de Grancey il se voit encore vne vieille tour, qu'on nomme la tour de S. Bernard; d'autant que (comme porte la tradition immémoriale)ee Saint y a logé par plusieurs fois. Et la Chronique de Grancey, bien que fabuleuse en autres articles, n'est pas (ce semble) à mespriser quand elle assure, qu'une fille de la maison de Grancey fut Dame de Fontaines les Dijon, comme femme du Seigneur dudit lieu. 3. Il semble que ce Guy de Marrey, lequel en l'an 1129. reprit du Duc de Bourgongne les fiefs de Fontaines, de Marrey, & de Chastillon, fut le mary de Humberge, ou Humbeline, sœur de S. Bernard; & qu'il reprit celui de Marrey en son propre nom, & les deux autres ou au nom de sa femme (laquelle fut peut-estre heritiere de cinq de ses freres); ou au nom de ses nieces, deux ou plus, filles de Guy son beaufrere, lesquelles estoient succeissibles à leurs pere, mere, oncles & tantes, depuis qu'ils furent entrez en religion. 4. Que les maisons de Fontaines, de Saffie, de Montbar, de Marrey, & de Chastillon sur Seine, ont esté dez le siecle de S. Bernard unies ensemblement par estroite alliance; & en suite, presque toutes d'un mesme sang; ayans passé par fois les vnes dans les autres, bien que tousiours les tiltres (qui se prennent des chasteaux) en soient restez differens. Ce qui se peut encore dire des maisons de Somberton, de Saux, de Saigny, & de Cleron, pour le regard de la ligne paternelle de S. Bernard qui est Fontaines. Il ne faut toutefois conclure de ses alliances ce que dit Pierre de S. Iulien en ses Meslanges Historiques. page 478. que Fontaines les Dijon soit vn partage de Chastillon sur Seine; dequoy ie ne trouue en toute l'antiquité aucune preuue, qui soit receuable au jugement des plus senez,

141. Extraits des originaux de la maison de Saffre, & de Fontaines les Dijon.

A moy communiquez presque tous, par Messire Claude de Moisy Cleron, Cheualier, Baron de Saffre, & de Villyle Monfrier, issu de la ligne paternelle de S. Bernard.

1. ANNO Domini 1204. Gauterius Eduensis Episcopus facultatem concedit nobili viro Herueo de Saffrâ, erigendi capellam infra castrum suum apud Saffram: in quâ quotidie celebretur Missa, & cantentur vesperæ à Capellano, certis ab Herueo prouentibus annuis dotato.
2. GUIDO Miles: filius Heruci Domini Saffrarum, constituit dotem vxori suæ Aluiz, filix Domini Guillelmi de Tienges, Hugone Duce Burgundiæ consentiente. 1236. mense Decembri.
3. HERVIER Seigneur de Saffres partage ses enfans: Guy premierné: Heruier (à qui il donne entre autres choses tout ce qu'il a à Somberton mouuant du sie de Monseigneur Calle de Saux, & de ses hoirs): Hugues ou Huguenin, lehan, & Estienne, lesquels il substitue tous l'un à l'autre: reseruant les droits de sa femme encore viuante, & des boirs qu'elle pourroit auoir. Le tout autorisé par Ansiaux Euesque d'Ostun, en l'uin de l'an 1246. il n'y fait aucune mention de Fontaines.
4. IOHANNES de Saffris, Miles, Dominus de Campo Renaudi, Margarita eius vxor, frater eius Guido Dominus Saffrarum 1255. Februario.

5. IOHANNES de Saffris, Miles, Dominus Campi Renaudi, consentiente vxore suâ Margaritâ, vendit xxx. sextaria bladi, fratri & domino suo Guidoni Domino Saffrarum. 1255. Martio.
6. HERVEVS de Saffris, domicellus. Guillelmus de Saffris, Rector Ecclesiæ de Arneto, 1273. Octobri.
7. GVILLELMVS Dominus de Fontanis, domicellus, 1277. mense Octobri emit quandam peciam terræ arabilis, ab heredibus defuncti Humbelini Maioris de Fontanis, sitam in ipso finagio de Fontanis.
8. PARTITIO bonorum inter Herueum & Stephanum fratres, Guidonis Militis Domini Saffrarum filios, 1277. mense Nouembri.
9. *CONVENANCES & eschanges de Heruiers & Estienne, fils de Guyon Seigneur de Saffres, en Octobre de l'an 1279.*
10. GVILLERMVS de Fontanis, Miles 1282. mense Aprili.
11. IOHANNES Dominus de Fontanis, reaccipit in feodum à nobili viro domino suo Alexandro de Montecuto, Domino de Sombernione Milite, corueiam vnam sitam in finagio de Fontanis, 1284. Iunio.
12. MENSE Maio anni 1293. Ioannes Dominus de Fontanis, & Maria eius vxor, mutuas accipiunt ducentas libras Viennensium purorum & legalium, de proprijs denarijs maritagij Agnesotæ domicellæ, vxoris Gileti domicelli, eorum filij: ac pro eâ summâ certos fundos ei oppignerant, ab ipsâ & eius heredibus vsquo ad integram solutionem retinendos.
13. AGNES de Chartretes domicella, & maritus eius Giletus de Fontanis domicellus, filiam suam Margaritam emancipant, 1298. Dominicâ Bordarum.

14. ARVERIVS Miles , Dominus de Saffris : vxor eius Beatrix de Buxeriâ. Die Iouis, Vigiliâ Circumcisionis, 1299.] Erat iam annus 1300. à Natali Domini deductus. Sed Gallis annus 1300. à sequente dumtaxat Paschate erat inchoandus.
15. DANNOT filia Domini Iohannis de Fontanis, relicta Hemonini de Montoillot, 1302. mense Augusto.
16. MARGARITA relicta Hugonis de Buffons, domicella, vendit Domino Giloni de Fontanis fratri suo, quoddam terras suas sitas in finagio de Fontanis, 1306. Februario.
17. PACTIONES matrimonij inter Iohannem Militem, Dominum de Valle Olligniaci, & Heluidem de Saffris, relictam Domini Iohannis de Muxcio. Ibî meminit Heluidis Herueri Domini de Saffris patris sui, matris suæ Beatricis ; fratrum suorum , Guidonis Militis defuncti, ac Iohannis & Herueri Canonorum Lingonensium, 1306. die Iouis ante festum Omnium Sanctorum : & iterum triduo post, nempe Dominicâ ante idem festum, quod eo anno incidit in feriam tertiam.
18. TESTAMENT de Gilles Sire de Fontaines sus Dijon, du mois de Novembre de l'an 1312. par lequel il choisit sa sepulture aux freres Mineurs de Dijon , pres de son pere: nomme son heritier Huguenin son fils , & à son deffaut sans hoirs Guyot son autre fils : donne vne terre à sa fille Agnes nonnain de S. Iehan d'Ostun: appointe deux autres de ses filles nonnains, l'une à Lairè, & l'autre à Leudieu. Il nomme sa femme Agnes entre les executeurs.
19. AGNES Dame de Fontaines s'oblige, & se rend plaige de

Hugues Duc de Bourgogne, pour vne notable somme de deniers, 1313. le Dimanche apres l'Octave de S. Pierre & S. Paul.

20. FIT diuifio bonorum inter Iohannem & Heruerum de Saffris, fratres, Canonicos Lingonenses ex vnâ parte; & Heruerum, Iohannem, & Symonem eorum nepotes, filios Guidonis quondam Domini de Saffris, fratris prædictorum Canoniorum 1318. die Mercurij, iv. Aprilis. Ibi meminerunt Canonici matris suæ Beatricis defunctæ, quæ fuerat soror Simonis de Buxeriâ, eorum auunculi, Archidiaconi Diuionensis in Ecclesiâ Lingonensi, tunc defuncti. Sororis quoque suæ Heluydis de Saffris, quæ tum erat vxor Guillelmi Domini de Chastenayo.

21. Iehan sire de Choifuel Cheualier, & Iehan son fils, traictent du mariage de Damoiselle Iehanne de Choifuel, fille & sœur desdits Iehans pere & fils; avec Haruier de Saffres Escuyer: & pour toutes ses pretentions, tant du costé de seuse mere Aalys Dame de Choifuel, que du costé de Iehan son pere là present, luy donnent en mariage les villes & Seigneuries de Viuez, & de Moilleron lesquelles ils luy sont bonnes pour deux cens liurées de terre, chacune dix liurées vallant cent liures tournois. Le v. Iuin 1323.

22. Iehan & Haruier, freres, Chanoines de Langres, fils de Haruier iadis Cheualier Seigneur de Saffres, donnent leurs fiefs à Iehan & Symon leurs nepueux, enfans de Guy iadis Seigneur de Saffres, frere desdits Chanoines. Le Dimanche auant la S. Barnabé Apostre, 1323.

23. IEHANNE de Choifuel fille de Iehan de Choifuel, & d'Aalys sa femme & femme de Haruier Seigneur de Saffres, traicte des terres de Viuez & de Moilleron, que luy auoient assignées

- pour mariage son pere Iehan, & Gauthier fils dudit Iehan :
 & du droit de succession à iceux. Le second iour de Februrier ,
 1323.] En l'Eglise Romaine on comptoit desja 1324. de-
 puis le iour de Noel.
24. PARTAGE fait entre Heruier frere de Saffres, damoiseau, &
 Iehan son frere Chanoine de Langres, 1327. en luin, le
 Lundy apres la S. Barnabé.
25. TRAITÉ de mariage entre Hernier frere de Saffres, &
 Aaliz de Giffey, fille de Guillaume Seigneur de Giffey, &
 d'Aaliz de la Roiche iadis femme dudit Guillaume: en Océto-
 bre 1330.
26. SIMONETA relicta defuncti Hugonis Domini de Fon-
 tanis, mutuas accipit ducentas libras Turonenses à
 Guidone de Fontanis Canonico Lingonensi. Sabbato
 ante festum S. Magdalenes, 1339.
27. HUGO Dominus de Berâ Miles, & Symona de Pon-
 tescisso tunc eius vxor, & quondam vxor Hugonis
 Domini de Fontanis; profitentur Guidoni de Font-
 anis Canonico Lingonensi, fratri dicti Hugonis, se de-
 bere liberis ex illo susceptis mediam partem bonorum
 mobilium, dictorum Hugonis & Simonæ parentum
 suorum: & pro illâ mediâ parte mobilium, (quia vñ
 consumi poterant) se daturus centum viginti libras
 Turonenses, inter eos diuidendas quando à matris
 consortio separarentur. Die Veneris ante festum As-
 censionis dominicæ, 1340.
28. Testamentum Heruerij Domini de Saffris, Militis Ie-
 rosolymitani, factum die Sabbati ante festum Natiui-
 tatis S. Iohannis Baptistæ, 1349. Eligit sepulturam suam
 in ecclesiâ Beati Petri de Saffris, iuxta tumulum pri-

mat vxoris suæ. Dat aliquid Margaritæ & Halixdi sororibus suis, monialibus de Rubeomonte : Beatrix & Iohannetæ sororibus suis, monialibus de Polongeyo : Aalixdi & Iohannetæ filiabus suis, monialibus de Prælongs. Instituit heredes suos, Iohannem filium suum primogenitum ex priore coniuge, Militem Ierosolymitanum, pro medietate omnium bonorum suorum : & pro alterâ medietate liberos suos ex alterâ vxore tunc superstite. Executores testamenti sui dicit, Iohannem de Saffris Canonicum Lingonensem, & Simonem de Saffris fratres suos.

29. IOHANNES filius Herueri quondam Domini de Saffris, ex primâ vxore Iohannâ de Caseolo, tractat de suis iuribus cum nouercâ suâ Aalixde de Gisseyo, patris sui relicta, in Vigiliâ S. Laurentij, 1349 : commemorans conuentiones à se factas cum patre suo Herueto in Vigiliâ festi S. Clementis 1346. Rursus cum nouercâ suâ tractat anno 1349, Sabbato post festum S. Dionysij : & denique sequente anno 1250, die Lunæ, quæ erat Vigilia S. Laurentij.

30. IOHANNES de Saffris Decanus Lingonensis condit testamentum iv. Septembris, 1349. Instituit heredes, Iohannem nepotem suum Canonicum Lingonensem pro tertiâ parte ; fratrem eius Simonem de Saffris armigerum pro tertiâ parte ; & Iohannem filium Herueri quondam nepotis sui, aliosque huius Herueri liberos pro tertiâ parte. Sepelitur sequenti ix. Septembris, die Mercurij.

31. PACTONES matrimonij inter Iohannem de Saffris Militem, & Aalidem de blado (*de Bled*) filiam Odo-

nis Domini de Blado , relictam Guyoti de Gisseyo domicelli , 1350 , Septembri.

31. PROCES intenté & poursuivy es années 1350, 1351, & 1352, par lehan de Mussey , sire de Iours , aux heritiers instituez par le testament de sut Messire Iean de Saffres Grand Doyen de Langres, qui fut enterré l'an 1349. le viii. Septembre , iour de la Natiuité Nostre-Dame. Ce Doyen , fils d'Arnier seigneur de Saffre & de Beatrix sa femme, auoit eu pour frere Harnier Chanoine de Lengres , Guy Seigneur de Saffre, & pour sœur Eluis mariée deux fois du viuant de ses pero & mere : premierement à Iean de Mussey, duquel elle eut deux fils; à sçauoir, lehan de Mussey seigneur de Iours, & vn Hugue qui fut moine à S. Germain d'Auxerre. Et en secondes nopces à lehan seigneur du Val d'Olligny. Guy seigneur de Saffre auoit eu trois fils; Harnier, pere de lehan seigneur de Saffre, & de ses sœurs, lehan Chanoine de Lengres, & Simon de Saffre. Le Doyen lehan par son testament auoit nommé ses nepueux lehan le Chanoine, & Simon freres, ses heritiers, chacun pour vne tierce partie: & pour l'autre tierce, lehan seigneur de Saffre, & ses sœurs, enfans de son autre nepueu Harnier pour lors decedé. lehan de Mussey seigneur de Iours, pretendoit la moitié de l'hoirie du Doyen son Oncle. Le procez fut mené deuant Robert de Lugny, Chancelier de Bourgongne, & deuant plusieurs Seigneurs choisis arbitres, entre lesquels est nommé en l'an 1350. Eudes de Fontaines Cheualier.

33. ACCORD de lehan Sire de Saffres, Cheualier, fils de Harnier seigneur de Saffres, & de lehanne de Choiseuil, avec Aalix de Gisseysa belle-mere, remariée pour lors en secondes nopces à Guichard de Valote Cheualier; comme tuteursse de

Guillemote & Huguote de Saffres, ses aînées filles, qu'elle auoit eues dudit Harnier son premier mary. La date est du Mardy auant la feste de Nostre-Dame en Septembre 1351.

34. ADIIION, le premier iour de Mars 1353. dans l'Hofel de Eudes de Saulx, sire de Vantoux, ledit Eudes & Haymes de Dambirin Cheualier, esleus arbitres par compromis des parties, rendent sentence sur le reiglement des partages de la succession de fut Dame Simone de Pontaillés, entre Iehan de Fontaines, Robert, Richard, Isabeau, & Iehanne freres & sœurs, enfans de ladite Simone, qu'elle auoit eus de Hugues seigneur de Fontaines son premier mary, d'une part; & Iehan Dart Cheualier au Comté de Bourgongne, son dernier mary, & Iehanne, Marguerite, & Marie ses filles qu'elle auoit eues dudit Iehan Dart, d'autre part.

35. IOHANNES de Saffris Canonicus Lingonensis condit testamentum, die Martis xiii. Iulij 1365. Eligat sepeliri in ecclesiâ Lingonensi, in capellâ S. Andreæ, à sinistris tumuli Herueri de Saffris auunculi sui.

36. IEHAN Seigneur de Saffres Cheualier, vinoit en l'an 1367. le Mercredy iour de S. Mathei Apostre, & en l'an 1378.

37. HVGVE ou Huguette de Saffres, sœur de Iehan Seigneur de Saffres, estoit femme de Huguenin de Varannes, en May, 1371.

38. TRAICTE' de mariage entre noble homme Huot de Saigney Escuyer, & noble Damoiselle Isabel de Saffres, fille de Iehan Seigneur de Saffres Cheualier, & sœur de Philibert de Saffres. Le Mardy auant la feste de S. Vincent 1381.] C'estoit desia 1382. à compter depuis Noël à la façon de Rome.] Huot de Saigney auoit eu auparauant pour femme Isabeau de Blaissey, & auoit eu d'elle vn fils, nommé Philibert, desia pour lors

decedé, aussi bien que sa mere.

- 39 RICHARDVS erat Dominus villæ de Fontanis prope Diuionem, die Lunæ post festum Conceptionis Beatæ Mariæ Virginis, 1384.
- 40 HVGVE de Saffres, femme de feu noble homme Huguenin de Varennes Escuyer, cede la somme de dix francs d'or à son frere lehan de Saffres Cheualier, le Vendredy apres la feste de Toussaincts, 1385.
- 41 HVES de Saigney Cheualier, & Seigneur de Saffres à cause de sa femme Isabel, consent à l'assenssissement perpatuel d'une vigne de trente ouurées, sise au finage de Gressigny; fait à Mathie Crepel, dit Duret, & à Estiennose sa femme, par Messire lehan de Ville sur Arce, Seigneur de Gressigny en partie, & Marguerite de Saffres sa femme: le xxiv. iour d'Octobre, 1389.] Il semble que cette Marguerite fut sœur puisnée d'Isabel Dame de Saffres.
- 42 SAVVEGARDE donnée par le Bailly de Dijon, au nom du Duc de Bourgogne, à noble homme Guillaume de Marrey Escuyer, Seigneur de Fontaines les Dijon du chef de Damoiselle Marie sa femme; pour la manutention & conseruation de tous leurs biens & droicts, en la Seigneurie de Fontaines, & en toutes ses appartenances. Le xviii. Nouembre 1391.
- 43 ANNO Domini 1394. die Lunæ ante festum Corporis Christi, scribit de quodam negotio Stephanus Coquel Castellanus regius de Colchis, Viro nobili & potenti Domino Iohanni, Domino de Fontanis, Militi, Cambellano Domini nostri Regis.
- 44 ISABEAU qualifiée Dame de Saffres en partie, en Nouembre, 1396.
- 45 PARVN tiltre dasc du Vendredy, xiii. Feburier, veille de S. Valentin,

Valentin, 1399. il se preuue que Guyot de Saigny Escuyer, estoit frere de Huë de Saigny iadis Cheualier : que leur mere fut Marie de Bieuey : & que Huë de Saigny estoit ia decedé, delaisant vesue Isabel de Saffres iadis sa femme, avec Antoine & Catherine leurs enfans.

46. TRAICTE de mariage de Huguenin de la Perriere Escuyer, avec Katherine de Saingney, fille de feu Huë de Saingney Cheualier & de Dame Isabel de Saffres, presente à se traitéé dans lequel se fait le partage des biens de ladite Katherine, & de son frere Antoine de Saingney. Le 1. iour de May, 1401.

47. GUYOT de Saigny Escuyer, Seigneur de la Mote de Rouure sur Aube, & frere de feu Huë de Saigny Cheualier, fait accord avec Isabeau Dame de Saffres sa belle-sœur, comme tuteresse d'Antoine de Saigny son fils moindre d'age, & avec Huguenin de la Perriere Escuyer, & Katherine de Saigny sa femme, touchant quelque somme qu'il pretendoit luy estre deuë 1403.

48. ISABEL de Saffres, vesue de Huë de Saingney, reprend ses siefs de Jehan Duc de Bourgongne, Comte de Neuers, & Baron de Dangi. A Dijon, xx. Iuin, 1404.

49. LIEBAVD de Lugny Cheualier, & Isabel de Saffres, Seigneurs communs dudit lieu de Saffres, sont accord entr'eux, 1411.

50. GVILLAVME de Marey Escuyer, Seigneur de Fontaines les Talant à cause de Damoiselle Marie sa femme, fille heritiere du Seigneur de Fontaines Escuyer pour lors ia decedé; reconnoit tenir en sief & hommage du Duc de Bourgongne, la forte maison & fortresse dudit Fontaines, avec toutes les appartenances & dépendances de la mesme seigneurie; au dénombrement desquelles est faite mention d'une vigne, dite

la vigne de Saint Bernard. Coniointement il fait pareil hom-
mage audit Duc, du fief de Vernoul. Le xxii. May, 1413.

51. GVILLAVME de Marey, & Marie de Fontaines sa femme,
Seigneur & Dame de Fontaines les Dijon, traitent du ma-
riage de leur fille Amyote de Marey, avec Antoine de Sai-
gney Seigneur de Bissy les Pierres en partie. Le xxv. Iuin,
1418.

52. ALEXANDRE & Bernard de Marey, fils de Guillaume
de Marey, & de Marie de Fontaines, Seigneurs de Fontai-
nes, apres la mort de leur mere Marie, donnent assignal du
dot de leur sœur Amyote, iadis mariée avec Antoine de Sai-
gny Escuyer, Seigneur de Saffres en partie. Le xxviii. Iuin,
1424.

53. EN FEBVRIER de l'an 1429. Jehan de Champlite, Cheua-
lier, Seigneur de Vonges, au nom de sa femme Odote de Ma-
rey absente, partage l'hoirie de fut Damoiselle Marie de
Fontaines, iadis fille de Richard de Fontaines, & de Da-
moiselle Philippe de Saulx Seigneur & Dame dudit Fontai-
nes : avec Alexandre de Marey, & Bernard de Marey,
Escuyers, & Perrenote de Marey, freres & sœur de ladite
Odote, & tous enfans legitimes de noble homme Guillaume
de Marey, Escuyer, sieur de Giry & de Gippy au Comté de
Neuers, & de ladite Marie de Fontaines. Alexandre du
consentement & agreeement de Damoiselle Marguerite de
la Plethiere sa femme : & pareillement Bernard du consente-
ment & agreeement de Damoiselle Alais de Perron sa fem-
me. Ils partagent entre eux quatre la seigneurie de Fontaines,
& toutes ses appartenances, avec la terre d'Oigny pres de
S. Julien. Et leur sœur Amyote n'entre point en ce partage,
somme ayant receu ses appointemens de ses pere & mere

lors de son mariage avec Antoine de de Saigny des l'an 1418.
Il est fait mention dans ce traité, de la grosse tour de Fontaines, vulgairement diète La tour Monsieur S. Bernard : & du cellier ou chambre de la même tour dans laquelle fut né mondit sieur S. Bernard. Ils établissent Girard Boulon leur principal officier, & Maire de Fontaines.

14. ALEXANDRE de Marey Escuyer, Seigneur pour la quarte partie, de la sorteresse, ville, terre, seigneurie, & appartenances de Fontaines les Dijon, vend tout ce qu'il possédoit en ce lieu par droit d'aisnesse ou autrement, à Reuerend Pere en Dieu, Monsieur Iehan Rolin Euesque de Chalon sur Saone, pour la somme de cinq cens soixante quatre francs. Le xxii. Mars, 1434.

15. AMYOTE de Mairey, fille de feurent Guillaume de Mairey, Escuyer, & Damoiselle Marie de Fontaines, seigneur & Dame dudit Fontaines; autorisée de son mary Antoine de Saigny, Escuyer seigneur de Saffres & de Bissy la Pierre, en parties partage les biens de ses pere & mere, avec Bernard & Alexandre de Mairey ses freres; sa sœur Perrenote de Mairey, femme de Iehan de Chauanges, Escuyer, & Oudor; Iehan, & Huguette, freres & sœur, moindre d'ans, enfans de feu sa sœur Dame Oudote de Mairey, femme de feu Messire Iehan de Champlite, Cheualier, Seigneur de Vonges. Et accepte pour sa part de l'hoirie les terres, villes, chastelleries, & maisons fortes de Giry, de Gippy, Chastinges, & autres terres iadis appartenantes à ses pere & mere au Comté de Neuers : avec la iustice haute, moienne, & basse; les rentes, censés, railles, terres arables, vignes, prez, estangs, bois, riuieres, fours, moulins, bommes, femmes, mains mortes, espauës, & toutes autres redcuances & appartenances des.

dites seigneuries. Ce traité passe à Viteau, le xvi. iour du mois de Ianuier de l'an de l'Incarnation de nostre Seigneur 1438.

36. PIERRE de Beffromont Seigneur de Charny, traité avec Bernard de Marey de quelques droictz que ledit Bernard prétendoit auoir à la succession d'Anne de Saulx, femme dudit Pierre, le xiv. Ianuier, 1443. Ledit Pierre de Beffromont qualifié Comte de Charny en d'autres Lettres du v. Iuin, 1468. confirmatives des precedentes.
37. TRAICTE de mariage entre Antoine de Saigny Seigneur de Saffres, Damoiseau, & Katherine de Montbeliard. Le xx. Ianuier 1445.
38. BERNARD de Marey Escuyer, Seigneur de Fontaines, & Damoiselle Alix Perron sa femme, eurent proces pour vne querele, avec Madame de S. Julien & ses officiers. Le xxviii. Iuillet, 1446.
39. Pierre & Jehan de Saigny Escuyers, avec autorité & licence de leur pere, noble Seigneur Antoine de Saigny, Escuyer, seigneur de Saffres, font partage entre eux de l'hoirie de feu leur mere, Damoiselle Amyote de Mairey iadis Dame de Giry en Nivernois en partie: & coniointement des successions qu'ils esperoient d'Alexandre & Bernard de Mairey leurs oncles, freres germains de leur dite mere Amyote. Pierre de Saigny prend pour sa part l'hoirie de sa mere, à sauoir le bien du Nivernois. Jehan de Saigny se contente des successions à venir d'Alexandre & Bernard ses oncles: ne fust que les cheuances & seigneuries de leurs oncles vinssent à diminuer par fortune de guerre ou autrement: car en ce cas Pierre de Saigny recompenseroit son frere Jehan au plus pres de Grancey le chastel, par arbitrage de deux de leurs

pavens & amy. Ils se chargent tous deux de bien & honorablement marier Anne, lehanne, & Marie de Saigny leurs sœurs germaines. Fait le ix. iour de Mars, 1448.

60. AVTRE traité du xxvi. Avril, 1450. touchant l'hoirie de Damoiselle Amyote de Mairey; par lequel Pierre de Saigny son fils, qui avoit esté cy-devant partagé des biens que feu sa dite mere possédoit dans le Comté de Nevers; consent que si lehan, Anne, lehanne, & Marie de Saigny ses frere & sœurs, tous enfans de ladite Amyote, se trouvent désadvantages en ce partage; il soit tenu pour nul; & qu'ils rentrent tous dans la mesme communion de biens, en laquelle ils estoient auparavant; comme si aucun partage n'avoit esté fait entr'eux.

61. LE xii. MARS, 1458. (c'estoit desia 1459. à compter dez le iour de Noel, ou dez le 1. de Januier) se passerent les traictéz de mariage de Bernard de Bruillart Escuyer, avec Anne de Saigny; & de Ioffroy de Bruillart Escuyer, avec lehanne de Saigny: par accord & agréement de noble homme Erard de Bruillart Escuyer, seigneur de Aisanuille, & de Arcy sur Quehure, pere desdits Bernard & Ioffroy; & d'Antoine de Saigny Escuyer Seigneur de Saffres en partie, pere desdites Anne & lehanne; comme aussi de Pierre, lehan & Marie de Saigny, freres & sœur desdites Anne & lehanne, tous enfans d'Antoine de Saigny.

62. LE i. DECEMBRE 1462. se traicte le mariage de Marie de Saigny, sœur de Pierre & lehan de Saigny, avec Estienne de Ruffey; duquel mariage nasquit Katherine de Ruffey, mariée l'an 1482. le Dimanche, ix. Iuin à Pierre de Coublans, fils de Guillaume de Coublans Seigneur de Boussenois.

63. ALIXANDRE de Mairey Escuyer, Chastellain de Vadans,

- fait donation entre vifs à noble & puissant Seigneur Iehan de Poictiers Cheualier, sire d'Arcis, de Vadans, & de Souuans, de toute la succession de Bernard de Mairey son frere nouvellement trespasse: pour s'acquiter aupres de luy de la somme de cinq cens escus d'or, dont il luy estoit redeuable; & en consideration des grands secours, amitez, bontez, douceurs, & courtoisies inestimables qu'il auoit receues de luy. Le penultieme iour d'Auril, apres Pasques, 1463.
64. TRAICTE' de mariage entre Pierre de Saigny, fils d'Antoine de Saigny Seigneur de Saffres, & Roline de Choiseul, fille de Guillaume de Choiseul Escuyer, sieur de Clemon. Ledit traicté fait par ledit Antoine de Saigny, pere de Pierre, par Catherine de Montbeliard seconde femme dudit Antoine, & bellemere de Pierre; & par Iehan de Saigny sieur de Giry, frere dudit Pierre. Le xviii. Mars, 1466.
65. PIERRE de Saigny Cheualier, Seigneur de Saffres, de Mairey sur Tille, & de Monsson en partie. Le viii. Mars 1484.] Le mesme dit encore Seigneur de Fontaines en partie, le Marsdy xii. Iuin 1481. & le xxv. Feburier, 1485. & encore en Feburier de 1486.
66. BERNARD de Bruillard Escuyer, traicte de quel que somme d'argent du mariage de sa femme Anne de Saigny, seur de Pierre de Saigny Cheualier, Seigneur de Saffres & de Monsson en partie. Le Vendredy xvii. Octobre, 1483.
67. TRAICTE' de mariage entre Othenin de Cleron, fils de Simon Seigneur de Cleron, & Marie de Saigny, fille aisnée de Pierre de Saigny Cheualier, Seigneur de Saffres, & de Roline de Choiseul. Le xviii. Nouembre, 1487.
68. PIERRE de Saigny, & Roline de Choiseul traictent avec Othenin de Cleron, mary de leur fille aisnée Marie de Sai-

- gny, pour les mariages d'Anne & Jehanne aînée leurs filles : & pour les appointemens de Jehanne maisnée, & Marguerite leurs autres filles, lesquelles debuioient estre mises en religion. Le ix. d'Aoust, 1488.
69. PIERRE de Saigny Cheualier, & François de Ferrieres Escuyer, sont dits conseigneurs de Saffres, le second Iuillet, 1489.
70. PIERRE de Saigny, dit heritier de son pere Antoine, & de Jehan son frere, le Sambedy xxxi. Octobre, 1489.
71. FRANÇOIS de Ferrieres Escuyer, qualifié Seigneur de Saffres en partie, es années 1485. 1489. 1490.
72. ON TRAICTE le mariage de Jehanne de Saigny fille de Pierre de Saigny & de Roline de Choiseul, avec noble homme Girard de Chappes Escuyer, Seigneur de Romenay, demourant à Flaugny. Le i. Feburier, 1491.
73. TRAICTE de mariage d'Anne de Saigny, fille de Pierre de Saigny & de Roline de Choiseul, avec Warin de Saint Banffonem sieur d'Ymonuille, fils d'Ancellin d'Essey sieur de Saint Banffonem. Du xxiii. Octobre, 1493.
74. TESTAMENT de Pierre de Saigny Cheualier, Seigneur de Saffres en partie, fait le iv. Iuin, 1494; par lequel il institue ses heritiers vniuersels, noble Seigneur Otbenin de Cleron son beau fils, & Marie de Saigny sa fille, femme dudit Otbenin.
75. MARIE de Saigny femme d'Otbenin de Cleron, sœur de Marguerite & Guillette de Saigny Religieuses à Trisenon au Diocese d'Auxerre : toutes trois filles de Pierre de Saigny & de Roline de Choiseul, 1494.
76. LOVYS de Bracion Escuyer, Seigneur de Saffres en partie Le xxiii. Octobre, 1496.

77. *ROLINE de Choiseul, dite vesue de Pierre de Saigny, le ix. Feburier, 1496.*
78. *IEHANNETTE de Domprey Dame de Cleron, veuë de Simon de Cleron, constitué ses heritiers vniuersels Osbenin & Claude de Cleron ses fils : donnant pension à vie à Messire Simon de Cleron Abbé de Montbenoist & de Goille : & à Iehan de Cleron Chanoine de Besançon & Curé de Vercel, ses deux autres fils. Le xxii. Novembre 1497.*
79. *OTHENIN de Cleron originaire de la Comté de Bourgogne, naturalisé François par le Roy Louys XII. A Melun, en Septembre 1500.*
80. *OTHENIN de Cleron, qualifié Seigneur de Saffres, & de Fontaines en partie. Le vii. Septembre, 1500. & du depuis, le xxii. May, 1523.*
81. *LE viii. FEBVRIER de l'an de l'Incarnation de nostre Seigneur 1502, Noble & puissante Dame Marie Chambellan, Dame pour la moitié par indinis à Fontaines les Dion, (laquelle moitié auoit auparauant appartenu à Damoiselle Marguerite Rolin) femme de noble & puissant Seigneur Messire Guy de Rochefort, Cheualier, Chancelier de France, seigneur de Pluuot, l'Abergement, Rochefort, & Caseau, prit possession de ladite moitié de la seigneurie de Fontaines, par Procureur, qui fut Louys Seruant, Chastellain de Pluuot : lequel démit de leurs charges tous les anciens officiers : puis les reſtablit le mesme iour au nom de ladite Dame : & fut publiée ladite prise de possession dans les halles, en l'assemblée des officiers & de tout le peuple.*
82. *LOVYS de Brancion, mary de Iehanne Maillardet, fait eschange avec Othenin de Cleron seigneur de Saffres, de sa part de la seigneurie de Saffres, & de celle de Hiz en Auxois,*

Et encore de quelques autres de ses biens Et droicts, pour deux cens francs de rente. A Dole, le xxiii. Iuliet 1503.

83. IOHANNA de Saigny, ex Sacristâ Puteiorbis, eligitur eiusdem monasterij Abbatissa xxv. Iunij, 1504. Indictione vii; & confirmatur ix. Iulij per Vicarium generalem Iohannis d'Amboise Lingonensis Episcopi.] Hæc fuit soror natu minor cognominis Iohannæ, quæ iam ex anno 1491. Girardo de Chappes desponsata fuerat. Vide suprà ad numerum 72.
84. IEHANNE de Saigny, sœur de Marie de Saigny, Et vesue de feu Girard de Chappes Seigneur de Romanney; tutrice de Jacques, Iehanne, Et Katherine de Chappes ses enfans traitte avec Othenin de Cleron son beaufrere; luy quittant ce qu'elle pouuoit pretendre des successions de Pierre de Saigny Et Roline de Choiseul ses pere Et mere, moyennant vne certaine somme de deniers. Le xx. Decembre 1508.
85. DAME Catherine de Ruffey, vesue de noble homme Pierre de Coublan, Et Claude de Coublan son fils, font donation de la terre de Saigny proche Grignon, à Othenin de Cleron, Et à Marie de Saigny sa femme. Le xviii. Mars, 1511.
86. OTHENIN de Cleron traitte avec son frere Iehan de Cleron Seigneur de Belmont, pour les successions de feu leur mere Iehannette de Dompney, Et de Louyse de Cleron iadis leur tante; Et de Iehan de Cleron Chanoine de Besançon, Et de Claude de Cleron Seigneur de Scay iadis leurs freres. Le v. Iuin 1511.
87. IEHANNE de Saigny, qualifiée Dame de Beurizy, Et de Romanney, és années 1527. Et 1528.] Il semble qu'après la mort de son premier mary Girard de Chappes Seigneur de Romanney, elle se soit remariée à vn Seigneur de Beurizy.

88. *TRAICTE' de mariage de Pierre de Montigny Escuyer, Sieur de Chaumont le Bois, & de Barbe de Cleron par Othenin de Cleron pere de ladite Barbe, & par Iehan, Claude, & Guy de Cleron ses freres, apres la mort de Marie de Saigny leur mere. Le vi. Feburier 1529.*
89. *ON FAIT le traité de mariage de Chrestienne de Cleron, sœur de Claude & Guy de Cleron, tous enfans d'Othenin de Cleron & de Marie de Saigny; avec Ioachim Du Bois Escuyer, Seigneur de Posainges. Le xv. Septembre, 1533.*
90. *TRAICTE' de mariage de Guy de Cleron, fils d'Othenin de Cleron pour lors encore viuant, & frere de Claude de Cleron, & beaufrere de Pierre de Montigny; avec Philiberte de Moisy, fille de Iehan de Moisy et de Iehanne de Sainte Croix. Le xxii. Decembre, 1533.*
91. *BARBE de Cleron, vesue de feu Pierre de Montigny Escuyer et Seigneur de Chaumont le Bois, fait donation de tout son bestial, de deux liëts, et de quelques autres meubles, à Guy de Cleron son frere. Le v. Feburier, 1538.*
92. *Antoine de Cleron, femme de Iehan de Colombier Escuyer, Seigneur d'Oigny, quitte à son frere Guy de Cleron tout ce qui luy pouuoit aduenir des successions d'Othenin de Cleron et Marie de Saigny leur pere et mere, et de leurs freres et sœurs decedez; pour la somme de deux mille liures tournois. Le vi. Mars, 1541.*
93. *PHILIBERTE de Moisy, vesue reliëte de Guy de Cleron, en l'an 1544. xi. Mars est dite tutrice & administratrice des corps & biens de Ioachim & Bernarde ses enfans.*
94. *AV SECOND iour de Iuin de l'an 1560. se fait le traité de mariage de Bernarde de Cleron, fille de Guy de Cleron Cheualier, Seigneur de Saffres & de Belmont, & de Phi-*

liberte de Moïsy Dame de Villy le Monstier, avec François de Pontailly, fils de Louys de Pontailly: du consentement de Leonard de Pontailly, Cheualier de l'Ordre de S. Iean de Ierusalem, oncle paternel dudit François; & d'Antoine d'Oyselet Escuyer, Sieur de la Villeneuve, & Thomas de Cleremont Cheualier, Sieur de S. George & de Rupt, ses oncles maternels.

95. LE XXI. Septembre, 1561. se traicte le mariage de Ioachim de Cleron, avec François de Pracontal, fille de Laurent de Pracontal Seigneur de Souffe &c.
96. ARVIER de Cleron, Seigneur de Cleron & de Saffre en partie, fils de Claude de Cleron frere aîné de Guy de Cleron, partage par arbitres ce qu'il auoit à Saffre, avec son cousin Ioachim fils de Guy de Cleron. Le xxiii. Avril, 1567.
97. IOACHIM de Cleron fait son testament le xxvi. Octobre, 1567.
98. IOACHIM & Arvier de Cleron partagent l'hoirie de feu Chrestienne de Cleron leur tante. xi. Ianuier 1569.
99. FRANÇOIS de Cleron Seigneur de Ponsanges, & de Saffres en partie, emprunte quelques tiltres concernans la seigneurie de Gresigny, de Ioachim de Cleron Seigneur de Saffres, son Oncle. Le i. Decembre, 1583.
100. REPRISE de fief de la seigneurie de Fontaines par Humbert de Rochefort. Le second Iuin, 1584.
101. GVILLAVME de Damas ayant acquis depuis peu la seigneurie de Fontaines dudit Humbert de Rochefort, la reprend de fief du Duc de Bourgongne, le xiii. Iuillet 1587.
102. SE TRAICTE le mariage d'Antoine de Cleron, & de Philiberte de Damas par leurs peres, meres & autres parens: present entre autres François de Cleron Seigneur de Pon-

sanges, & de Saffre en partie. Le xxvii. Novembre, 1588. Antoine est dit fils de Ioachim de Cleron, & de François de Pracontal. Philiberte estoit fille de Iehan de Damas Seigneur de S. Riran, & de Magdeleine de Saulx.

103. TRAICTE de mariage d'Anne de Cleron, fille de Ioachim de Cleron & de François de Pracontal; avec Jacques de Chenu Escuyer, Seigneur de Souleaux, fils de François de Chenu, & de Marguerite de la Riviere. Le xxiv. iuillet 1596.

104. IOACHIM de Damas Sieur du Rouffet, le xxvii. Aurl de l'an 1602, reprend de fief la seigneurie de Fontaines, comme l'ayant acquise par decret sur Guillaume de Damas.

105. IOACHIM de Damas vend aux Reuerends Peres Feuillans le chasteau de Fontaines, l'an 1613. au lieu & place duquel ils ont basti du depuis vne eglise & monastere, avec aggreement de sa Maiesté, & de toutes les Puissances.

106. CONTRACT de mariage entre Messire Claude de Moisy Cleron, Cheualier, Baron de Saffre, & de Villy le Monstier, fils d'Antoine de Cleron & de Philiberte de Damas; & Dame Gabrielle Dauion, fille de Claude Dauion Cheualier, Baron de Poussay &c. & de Dame Anne de Marcocey. Le second Feburier, 1620.

107. AVTRE traicté de mariage dudit Claude de Moisy Cleron, Baron de Saffre, avec Dame Marguerite de Chaugy Rossillon, fille de Messire Guy de Chaugy Cheualier, Baron de Rossillon &c, & de Dame Diane de Chastelu. Le iiii. Mars, 1632.

142. Otho de Sauz, VVillelma eius vxor, filius primogenitus Guido. 1190.

Ex autographo S. Benigni Diuionensis.

Ego MANASSES Dei gratiâ Lingonensis Episcopus notum facio vniuersis, quia cùm inter Dominum OTHONEM *de Sauz*, & Petrum Abbatem Sancti Benigni Diuionensis controuersia verteretur, super molendino quodam quod in Villâ Comitis idem Otho contra ius eiusdem Abbatis ædificabat. Tandem ante præsentiam nostram conuenientes, tali modo pacificè composuerunt. Siquidem ipse Otho à nobis diligenter ammonitus, quicquid iuris in ipso molendino, siue aquæ cursu, habebat, vel habere se dicebat, totum sine aliquâ exceptione Deo & Ecclesiæ Beati Benigni in eleemosynam liberè concessit. Seruatorium verò piscium, quod ipse super idem molendinum construebat, sibi in vitâ suâ tantum retinuit; sed vt post decessum suum in ius & proprietatem iamdictæ Ecclesiæ veniat, testamenti traditione pro animæ suæ remedio dedit. Et quia in constructione iamdicti molendini multas expensas fecerat, dictum fuit à nobis, & ab vtraque parte receptum est, vt Abbas Domino Othoni xxii. libras Diuionenses daret; quod & fecit. Prædictam verò eleemosynam, tam molendini quàm seruatorij, fecit Dominus Otho in manu nostrâ; laude GVIDONIS filij sui primogeniti, & Dominæ VVILLELMAE vxoris suæ, & aliorum heredum suorum. Testes

sunt Domnus Petrus Abbas Befulx, VVido de Arc monachus Diuionensis, Arnaudus Decanus Casnedi, Oddo de Granceio Miles Templi. Actum est hoc, anno ab Incarnatione Domini M. C. XC,

143. Gile Sire de Fontaines. 1310.

Extraict de l'Inuentaire des tiltres de la Chambre des Comptes de Dijon.

ME

Gile Sire de Fontaines declare que le Duc de Bourgogne luy a octroyé, qu'il puisse faire creneler sa maison fort de Fontaines, laquelle il confessé estre du sief lige dudit Duc. 1310.

144. Jehan Seigneur de Fontaines pour la quartte partie: Robert son frere, aussi Seigneur de Fontaines pour la quartte partie: Simone leur mere Dame de Fontaines pour la moitié. 1350.

Copié sur l'original de la Chambre des Comptes de Dijon.

A Tous ceux qui verront & orront ces presentes Lettres. Je Jehans de Fontaines près Dyion, Escuiers, fais sauoir que ie hay promis foy & seruice à noble homme Monsieur le Comte de Roucy, Gouverneur de la Duchie de Bourgoigne par le Roy nostre Sire, aiant le bail doudit Duchie, & à cause doudit bail. C'est à sauoir de la quartte partie dou chasteaul de Fontaines: de toute la messerie doudit leu: et de la quartte partie de la iustice de Fontaines. En protestant d'esclarcir tous iours, se

aucunes autres chouses y hanoit , que en cest present esclarcissement ne fussent comprises. Et est à sauoir que Messire Jehans Darc Cheualiers , à cause de Madame Symone sa femme tient la moitie desdites iustice et Chasteaul : et Robers de Fontaines Escuiers mes freres la quarte partie d'yels. En tesmonniage de laquelle chouse , ie ay requis & obtenu le seaul de es causes , dequoy l'on vse à Dyion en la court Monsieur le Duc de Bourgogne, estre mis en ces presentes Lettres , faites & données à Dyion , le Semadi , iour de la Feste Saint Vincent , l'an de grace mil CCC. & cinquante.

ADVIS AV LECTEUR.

IE vois en ce tître deux choses à remarquer. La premiere, que Jehan de Fontaines se dit auoir toute la *messerie* dudit lieu, bien qu'il n'eust que la quarte partie tant du Chateau que de la iustice. Il estoit la premier né de trois fils & deux filles. Ses deux freres puisnez estoient Robert , & Richard ; & ses deux sœurs, Elizabeth , & Jehanne. Entant que premier né il estoit seul Seigneur en chef d'un fief dominant , qui ne releuoit que du Duc de Bourgogne. C'est , à mon aduis , ce que porte le mot de *messerie*. Et ses conseigneurs ne tenoient leurs parts du chateau , & de la iustice de Fontaines , que comme fiefs seruans , ou arrierefiefs , à raison desquels ils releuoient immediatement du Seigneur dominant. L'autre chose à remarquer , est que Simonne de Pontaillé leur mere , mariée en troisièmes nopces à Jehan Darc Cheualier Comtois , tenoit (ce semble) la moitié de la Seigneurie de Fontaines en arrierefief , au nom de Richard , Elizabeth , & Jehanne ses autres enfans , encore moindres d'age , comme tutrice & administratrice de leurs corps & biens. Ce Richard fut du depuis Seigneur en chef de toute la seigneurie de Fontaines : & Marie sa fille heritiere la porta en dot à Guillaume de Marey, d'ou elle passa avec le sang de la ligne paternelle de S. Bernard , dans les maisons de Sai.

gny, de Saffres, de Cleron, & autres des plus illustres de la Bourgongne, comme il se verra cy apres es Tables Genealogiques, que nous auons reseruées pour la fin de ce volume.

145. Richard Seigneur de Fontaines, Iehan son frere iadis Seigneur du mesme lieu : Agnez & Iehanne filles dudit Iehan. 1366.

Extrait del'original de la Chambre des Comptes de Dijon.

Richard de Fontaines Seigneur dudit lieu, ayant le bail & gouuernement de Agnez & Iehanne, moindres d'age, filles de feu Iehan de Fontaines son frere, confesse au nom & à cause desdites filles, tenir en fief & hommage de tresfouuerain, puissant, & excellent Prince Monsieur le Duc de Bourgongne, tous les biens & droits qu'elles possedoient es villes de Sauton, d'Aubigney, & de Feenay. Le Sambedy apres la Saint Barthelemy, l'an M. CCC. LX. & six.

146. Extrait d'une lettre de Monsieur le Baron de Saffre à Monsieur de Chasan Conseiller au Parlement de Dijon, escripte à Beaune le 24 Nouembre, 1632. cinq iours apres qu'on eut paracheué l'Inuentaire cy-dessus mentionné, en la page 585.

Puis que desirez prendre la peine de voir les anciens papiers de nostre maison, ie vous en enuoye l'Inuentaire, passe & fait par Monsieur de la Place. S'il y a quelques manquemens aux dates, c'est que les papiers sont si vieux que la plus grande

partie ils ne les ont pû lire: & ont mesme manqué à plusieurs, qu'ils n'ont pas mis sur l'Inuentaie.

ADVIS AV LECTEUR.

J'ay voulu icy rapporter ce témoignage irreprochable d'un Seigneur amy de la verité; afin que si dans les extraicts que j'ay produits de l'Inuentaie cy mentionné, il se trouue quelque defaut en la date des temps, ou bien és noms des personnes, on tasche de le redresser par quelque autorité plus certaine. En voicy vn exemple. Il est dit en la page 586. nombre 9. qu'en l'an 1200. Iehan de Fontaines voulant se mettre en religion, donna tout son bien à Guillaume de Fontaines. Cette date est contredite par plusieurs originaux rapportez cy-deuant, es pages 481. 523. & 525. qui nous apprennent que Iehan & Guillaume de Fontaines, freres, furent fils de Calon de Saux, Seigneur de Fontaines: & qu'ils viuoient es années 1267, 1276. & 1282. Ce qui me fait croire que si Iehan de Fontaines quitta ses biens à son frere Guillaume pour se faire Religieux, ce fut enuiron l'an 1280.

147. Ichannette de Saux, fille de Marie Dame de Sauz, 1285.

Extrait du Chartulaire de l'Eglise Collegiale de Nostre-Dame de Sauz le Duc.


Au mois d'Aoust de l'an 1285. IEHANNOTTE de Sauz, femme de Guyot Pleepape Escuyer, fonde en l'Eglise de Nostre-Dame de Sauz l'anniuersaire de sa mere MARIE iadis Dame de Sauz: ce qui est confirmé par GVILLAVME Sire de Sauz, frere de ladite Iehannotte.

148. Epitaphe de Marguerite Dame de Sauz , couché sur sa tombe plate deuant la chapelle de S. Anne en l'Eglise des Dominicains de Dijon. 1290.

CI. GIST. MADAME. MARGVERITE.
DAME. DE. SAVZ. FILLE. LE. CONTE.
DE. VIENNE. TRESPASSEE. L'AN. DE.
GRACE. M. CC. LXXX. X. OV. MOIS.
DE. SEPTEMBRE.

EN cette inscription le nombre de LXXXX. est partagé en LXXX. & X, suiuant la façon de parler du vulgaire, qui dit plus ordinairement quatre-vingts & dix, que nonante. Au reste j'ay veu tiltre du mois de Ianuier de l'an 1269. (c'estoit desia 1270. à compter comme l'on fait à present, depuis le iour de Noel, ou de la Circoncision) auquel Hugues Cuens de Vienne, & Sire de Paigney, fait mention de son amey fils & feal Guillaume d'Oiseler, mary de MARGVERITE sa fille. En suite dequoy ie tiens plus que vraysemblable, que cette mesme Marguerite, apres la mort de son premier mary Guillaume d'Oiseler, espousa en secondes nopces Guillaume Sire de Sauz : si ce n'est que nous voulions dire qu'elle ayt eu vne sœur de mesme nom qu'elle, ce qui est assez rare dans les familles. D'autant que ce Hugues fut le dernier des Comtes de Vienne : & nous ne lisons pas que Guillaume son oncle, & son predecesseur, qui tint la Comté de Vienne depuis la mort de son frere Henry decedé l'an 1233, ayt laissé aucune lignée.

FIN DES PREUVES.



APPENDIX

AD DIATRIBAM

DE ILLVSTRI GENERE

S. BERNARDI

CLAREVALLENSIS ABBATIS.

In quâ & Charta, Fontenerensis vulgò dicta excutitur, & baltheus argenti & coccini ductu gemino tessellatus quâ ratione ad S. Bernardum pertineat, ostenditur; & de totâ eius consanguinitate atque affinitate accuratiùs disputatur.

AD LECTOREM

PRÆFATIO,

De connexionione Appendicis huius cum Diatribâ, & eius Probationibus.



GENEALOGIAM aggressus hæc-
nus intentatam, nec me in eâ nihil
ignorare censui, nec Apostoli mo-
nito deteritus sum, quibusdam per
Timotheum denunciatis *ne intende-*
rent fabulis, & genealogiis interminatis,
quæ quæstiones præstant magis quàm ædificationem Dei, quæ est

1. Tim. 1. 4

Hhhh ij

in fide. Licuerit enim Chrysostomo, Pauli locum hunc interpretari de Hesiodi Theogoniâ, aliisque Gentilium fabulis; Ambrosio, de Iudæorum in eo genere deliramentis; Tertulliano, de Valentini hæresiarchæ somniis: nostri certè Bernardi genealogiam ista non petunt: aut emendandi sunt sacri codices, & contrarius ipse sibi est Spiritus sanctus, qui tot auorum ac proauorum series libris Geneseos, Paralipomenon, Iesu Naue, Iudith, aliisque canonicis Scripturis inseruit. Censoria quoque nota inuenda est Hieronymo, cuius hoc est epiphonema in Epitaphio Paulæ;

*Scipio quam genuit, Pauli sudere parentes,
Gracchorum soboles, Agamemnonis incluta proles,
Hoc iacet in tumulo. Paulam dixere priores.
Eustochii genitrix, Romani prima Senatus,
Pauperiem Christi, & Bethlemica rura secuta est.*

Scio quibus Celantiam suam præceptis idem informet
Epist. xix. Hieronymus; si tamen idem, & non Paulinus Nolanus, ut multis visum; Nulli te vnquam, ait, de generis nobilitate præponas; neque obscuriores quoque, humiliori loco natos, te inferiores putes. Nescit religio nostra personas accipere; nec conditiones hominum, sed animos suspicit singulorum: seruum & nobilem de moribus pronunciat. Sola apud Deum libertas est, non seruire peccatis: summa apud Deum nobilitas est, clarum esse virtutibus. Lego apud Hilarium Arelatensem, in viri nobilissimi, decessoris sui Honorati Panegyrico; Fastigium nobilitatis est, inter Dei filios computari: nec addere nobis quicquam ad dignitatem hanc, terrene originis decus, nisi contemptu suo potest. Nemo est in cælestibus clarior, quàm qui repudiato patrum stemmate, elegit solâ Christi paternitate cen-

seri. Spectetur per nos Bernardi natalium splendor, ut, quid ille præ Christi paupertate fastidierit appareat: fiantque animi, & humili loco natis, ut in Dei filiorum, quæ ad manum est conditione acquiescant; & genere claris, ut calcato auro fastu, ad christianarum virtutum solidam nobilitatem aspirent. Nihil nos interim puduerit huius argumenti, sed nostræ potiùs in eo pertractando inopiæ ac tenuitatis. Siquidem ex libris iam publico donatis vix quicquam ad hoc negotium luminis traximus: unde multorum archiuorum membranas consulere necesse habuimus; ad quarum latebras quia simul & semel nobis non licuit penetrare, ideò sudante prælo, & operis properantibus, quicquid in rem nostram casus obtulit, Diatribæ nostræ Probationibus tumultuariè illigauimus. Diuersæ notæ nummis, siue per species distinctis, siue in acervum promiscuè congestis, idem valor est, & pretium idem. Distinguet autem singula hæc Appendix, ut quantum opus erit, quò quidque pertineat intelligatur.

CAPVT PRIMVM.

Proponitur Tabula Fontenetenfis, S. Bernardi paternum & maternum genus representans.

Circumfertur hæc Tabula Gallico idiomate: quam, ut ad me peruénit, hîc tibi exhibeo, methodi causâ tres in partes diuisam.

Appendix ad Diatribam
PREMIERE PARTIE DE LA CHARTE
 de Fontenet.

GENEALOGIE DE S. BERNARD DV COSTE PATERNEL.

VERRICVS Comte de Chastillon, & Seigneur
 de Laigne, eut trois fils;

<p>ANDRE l'aîné, dit de Chastillon, apres le de- cez de sa femme se fit Cheualier de l'Ordre de Ierusalem. S. Bernard luy adressa l'épistre 1188. Il eut deux fils;</p>	<p>GODEFROY se-TECELIN troisiéme cond fils fut Reli- gieux, troisiéme Fontaines, né & ma- rié à Chastillon. Il eut Abbé de Fontenet, de sa femme ALETH & enfin Euesque de sept enfans, dont l'Or- dre sera déduit en la troisiéme partie de cette charte.</p>
--	---

<p>GODEFROY, qui donna droit d'usage par toutes ses terres à Fontenet: & de sa fem- me GERTRUDE eut deux fils;</p>	<p>GERARD de Chastil- lon, Seigneur d'Escha- lo, marié à la sœur du Seigneur de Saline, fre- re du Comte de Grancey, dont il herita: eut un fils</p>
--	--

<p>HVGVE, qui eut une fille</p>	<p>NIVARD, qui mou- rut sans hoirs.</p>	<p>M I L O.</p>
--	--	-----------------

N. mariée à un Seigneur de la maison de Tonnerre, auquel elle
 porta en dot le Bourg de Laigne.

Ils eurent plusieurs filles, dont l'une N. espousa ROBERT fils d'un
 Duc de Bourgogne: dont les ayans cause se sont conseruez la ville
 de Chastillon.

SECONDE PARTIE DE LA CHARTE DE

Fontenet.

GENEALOGIE DE S. BERNARD DV COSTE MATERNEL

Le Seigneur de Montbar eut quatre enfans;

- | | | | |
|------------------------|---|--|--|
| 1. REGNAULD
l'aîné. | 2. ALETH fem.
me de Tecelin,
mare de S. Ber-
nard. | 3. GALDRIC sci-
gneur de Tonillô
au territoire d'-
Antun, conuerti enuoyé Prieur
par S. Bernard se en l'Abbaye de
fit Religieux à Fontenet.
Cleruau. | 4. MILO Reli-
gieux à Cler-
uau. |
|------------------------|---|--|--|

ANDRE', qui en l'an 1210.
esponsa HELVIDE heriti-
re d'Espoisse, eut un fils

BERNARD, qui eut de son
mariage vne fille

BERNARDIN, qui eut vne
fille

N. mariée au fils du Comte
de Grignon.

N. mariée à DROGO de Mel-
lo, Seigneur de Chasteau-
Chinon, & de S. Pris l'an
1233. Leur fils de mesme nom,

Leur fille N. esponsa un RO-
BERT Duc de Bourgogne:
& vint par cette voye à la
Comté de Montbar au domai-
ne des Ducs, en l'an 1286.
sous le regne de Hugues Duc
de Bourgogne.

DROGO de Mello esponsa EVSTACHIA, cousine germaine du Roy
d'Angleterre Edouart. Elle mourut à Carthage, ayant suiuy son ma-
ry avec S. Louys: & voulut estre rapportée à Fontenet, où elle gist
avec un Epitaphe daté de l'an 1270.

TROISIÈME PARTIE DE LA CHARTE DE

Fontenet.

ORDRE DES SEPT ENFANS DE TECELIN ET
d'Aleth de Montbar.

1. GUY l'aîné fut marié. Sa femme résista d'abord à sa conversion;
puis y consentit, & se fit Religieuse. De ce mariage sont sortis plu-
sieurs filles.

2. GERARD, *suiuit les armes: & S. Bernard luy predict qu'il seroit klessé au costé, & que lors il desireroit estre Religieux.*
3. S. BERNARD, *dit de Chastillon.*
4. ANDRÉ, *qui resistant à se faire Religieux, eut une vision qui l'obligeant des'écrier le vois ma mere, il acquiesça au dessein de S. Bernard.*
5. BARTHELEMY, *le premier qui se conuertit apres son Oncle Galdric.*
6. NIVARD, *qui respondit à ses freres que le partage n'estoit pas bien fait.*
7. HUMBELINE, *sœur unique, mariée, puis moniale à Tuilly les Nonnains proche Molesme.*

Hec Charta, vt stylus prodit, vix ante ducentos abhinc annos descripta est. Quamuís autem ipsis qui nunc sunt, Fontenetenſibus ignota sit, Fontenetenſem tamen opinor dictam, quòd à quopiam Fontenetenſi monacho confecta fuerit, partim ex vulgari S. Bernardi vitâ, partim ex tabulis Fonteneti; sed ijs nec diligenter perlustratis, nec satís intellectis. Ego quicquid apud Fontenetum tabularum est his manibus versaui: earumque vel ectypa, vel saltem excerpta, quæcumque S. Bernardi genus spectarent, in Diatribæ Probationes transtuli. Ex quibus agnoscer Lector, tum quid ad veram eius genealogiam faciat, tum quid in eam Chartæ concinnator, de suo sensu, haud leuicū historicæ veritatis detrimento inculcarit.

CAPVT PRIMVM.

Werricus de Castellione, nec fuit Comes, nec pater Tecelini: ad cuius Tecelini genus nibiletiam pertinet Godefridus Gertrudis maritus, Hugonis & Niuardi pater; neque Gerardus aut Milo Castellionenses; sed fortasse ex eadem familiâ Euanurus.

Aliquot Galliarum Castelliones, qui nobilibus familijs fecerunt nomen, distinxit Duchesnius ipso initio Probationum Historiæ Castellionensis ad Matronam, quibus addi possent alij plures; nam & in Sequanis diuersos ab illis Castelliones nouimus vt minimùm quinque. De familiâ Castellionensi ad Sequanam in Burgundiæ ducatu & in Lingonibus, quæstio est num S. Bernardum & eius parentem protulerit, vti Chartæ Fontenetenensis primâ parte affirmatur.

Huius opinionis primus (quòd sciam) auctor fuit Robertus de Monte in Appendice ad Sigeberti Chronicon, ad annum Christi 1113. *Bernardus*, inquit, *iuenis egregius, scientiâ, moribus, & genere clarus vir, postmodum magnæ virtutis exemplar futurus, Castellione castro Burgundie oriundus, cum germanis fratribus, & aliis comitibus multis, Cistercij habitu religionis induitur, & miro religiositate seruire conuersatur.* Non ait ex familiâ Dynastarum Castellionensium oriundum fuisse Bernardum; quòd tamen existimarunt recentiores suprà à nobis laudati Robertum Pag. 408. sic interpretati, quòd eum & genere clarum & Castellione castro editum diceret: quasi non ex aliâ aliquâ Castellionensis castri nobili familiâ natus esse poruerit, quàm primariâ illâ quæ à Castellione nomen tulit. Appendicem suam perduxit Robertus ad annum 1210, apud S. Michaëlem in Tumbâ, siue in periculo maris, vbi Abbas præfuit. Procul ergo & loco à Castellione, & tempore à Tecelini natalibus; quod longè positus euenire solet, à scopo aberrauit.

Vide autem quid eum in errorem induxerit. Legerat in Libro primo de vitâ S. Bernardi, capite primo, quòd

Aleth de Montebarro Bernardum filium suum Deo dicatum, quàm citiùs potuit, in Ecclesiâ Castellionis (qua postmodum ipsius Bernardi operâ, à seculari conuersatione in Ordinem regularium Canonicorum promotus cognoscitur) magistris litterarum tradens erudiendum, egit quicquid potuit ut in eis proficeret. Deinde capite tertio, ubi de propositi sui socijs ab eo congregatis; *Erat enim eis Castellioni domus vna propria, & communis eorum, ubi conueniebant, & cohabitabant, & colloquebantur: quam vix ingredi aliquis audebat qui non esset de cœtu eorum.* Verùm si hæc ipsa verba propius inspiciantur, planè contrarium euincunt eius quod Roberto Abbati visum est, & Vincentio Beluacensi, ac Paradino, alijsque horum sectatoribus. Cùm enim præmisisset VVilhelmus Abbas, Bernardum Burgundiæ partibus, Fontanis oppido patris sui fuisse oriundum, mox cùm è nutritum & regularum curis excessisset, inde emissum ait, pater præsertim matris studijs, ut in Ecclesiâ Castellionensi litteris operam daret. Distant Fontanæ Diuionensis agrî à Castellione bidui penè itinere. Ibi Bernardus liberalium artium excultus disciplinis, concepto demum vitæ perfectioris consilio, eiusdem propositi socios aliquot sibi adiunxit. Erat illis domus propria, quam toto studiorum cursu per annos ferè quatuordecim à Bernardo fuisse inhabitatam, Castellionensium traditio est; & quæ à quadraginta circiter annis, regij pariter & ciuilis magistratus auctoritate Feuillantinis Patribus est attributa. In eâ domo Bernardus cum socijs clanculùm cœnus suos agebant, per sex admodum menses antequàm sese in Cistercium recipere, vix alio quocquam intrò admissis; ne nouum, & sanè audax, ac multas turbaturum familias consilium,

ante tempus in vulgusemanaret. Numquid hæc ipsa fuit, ut nonnulli meditantur, auita S. Bernardi domus, Castellionensium Procerum sedes, quæ populis è totâ ditione aduentantibus, quæ famulantium turbis, quæ matronarum etiam & puellarum gregibus circumflueret?

Sentio quid hîc reponant aduersarij: Tecelinum Bernardi patrem Castellionensi familiâ natum, traditionem esse Fontenetenensem, quæ Fontenetenſibus tabulis continetur. Si sic habet, vtrò concedo in eorum sententiam. Ostendat mihi vel apicem vnum ex eis tabulis, quo VVericum de Castellione, aut Comitem, aut Tecelini genitorem fuisse; quòue Godefridum & Girardum Castellionenses, Andream S. Bernardi auunculo, patre natos esse appareat. Leges in Diatribæ Probationibus VVericum de Castellione, VVericum de Ponte Castellionensem (siue idem est cum præcedente, siue ab eo diuersus); Godefridum Gertrudis maritum, Hugonem & Niuardum horum filios; Gerardum Theobaldi de Saliuâ sororium, Milonis patrem; Achardum, Petrum, Reinerium, Girbertum, Matthæum, de Castellione omnes. Quis eorum S. Bernardi, aut Tecelini vel verbo indicatur consanguineus? Memorantur in Fonteneti tabulis Rainardus Montisbarri Dominus, eiusque fratres Gualdricus & Milo S. Bernardi auunculi; Guido & Gerardus eius fratres; VVillelmus de Spiriaco cum Richardo fratre, eius nepotes; consobrina eius Milesendis, Rainerij coniux; aliquot etiam alij de eiusdem progenie: Castellionensium, qui plurimi de nomine appellantur, ne vnus quidem ad S. Bernardi aut Tecelini genus pertinere vllò modo significatur. Commotum est igitur asserere, fuisse hos origi-

ne ac familiâ Castellionenses , atque hoc ex Fonteneten-
sibus tabulis comprobati.

Non negauerim tamen, aliquid intercessisse affinitatis
inter Castellionensem & Fontanensem Tecelini familias.
Pag. 585. Constat enim, fundi quidpiam apud Castellionem posse-
disse Tecelini posteros : & coniectura est , Euam Castel-
lionensem , cùm quâ anno Christi 1100. (ex tabularum
Safrensium recensione) Aalyxiæ S. Bernardi matris non-
nulla pactio fuit, coniugem fuisse Guidonis , S. Bernardi
fratris primogeniti ; quæ domos aliquas aut agros de do-
minio Castellionensis familiæ , viro in dotem tulerit. Sed
coniectura hæc esto , vt dixi , non affirmatio , donec plus
nobis aliunde affulgeat lucis.

C A P V T T E R T I V M.

*Rainardi de Montebarro Andreas non fuit filius, sed ex Ber-
nardo filio nepos. Alter quoque fuit Andreas Rainardi frater ,
in Chartâ Fontenetenfi vel prætermisus , vel potius è materno
S. Bernardi genere in paternum translatus.*

Pag. 551.

ANDREÆ Domini de Montebarro mētio est in quibus-
dam tabulis Godefridi Lingonēsis Episcopi, nullo tē-
poris charactère notatis, quibus dona Fontenetenfi mona-
sterio à Milone de Molismis collata confirmat. Idemque
subscriptus legitur in tabulis Reomaensibus Godefridi
eiusdem Episcopi, datis anno Christi 1150, apud Petrum
Rouërium in Reomao , in Petro Abbate XLII. & in Illu-
stratione 138. Hunc porrò Andréam filium fuisse Bernar-
di qui Rainardo patre natus erat , docuit nos autogra-
phum diploma Godefridi Lingonensis Episcopi , absque
Pag. 549. temporis notâ, sed quod ex adiunctis datum videtur haud
procul anno 1160: quo diplomate testatur Episcopus ,

Andream Montisbarri Dominum, filium Bernardi filij Rainardi confirmasse omnia dona & priuilegia, quæ abbatix Fonteneti eatenus contulerat. Postremò, inquit, quicquid auus suus Rainardus, & pater suus Bernardus prædictæ Fonteneti abbatia dederant & concesserant (sicut in chartis eorum continebatur) & ipse similiter Andreas concessit. Perperam igitur Chartæ auctor Rainardo Andream & Bernardum filios assignauit.

Præterea tabulæ nonnullæ in autographo primæ magnæ chartæ Fontenetenensis descriptæ, his verbis clauduntur. Horum omnium donorum, quæ facta sunt in præsentia domni BERNARDI Abbatis Claraualis, sunt isti testes. Boso Decanus, Ewardus Sacerdos de Campinola, BERNARDVS Dominus Montisbarri, ANDREAS auunculus eius, Niuardus & RAINERIVS fratres. Auunculi appellationem, quam Latium vetus de solo matris fratre usurpauit, posteriora sæcula etiam de patris fratre, siue patruo intellexerunt. Qui ergo Andreas, Bernardi Rainardo patre nati auunculus nuncupatur, hunc Rainardi fratrem fuisse non dubitamus. Nec verò de alio accipiendam opinamur inscriptionem Epistolæ S. Bernardi 288. ad Andream auunculum suum, Militem Templi, quem Tecelini fratrem fuisse nullo probatur antiquitatis testimonio. Ne igitur vnum Andream S. Bernardi auunculum diffundere cogamur in duos, is Alethæ matris eius frater fuisse dicendus est. Cùm enim consobrini fuerint, Bernardus de Montebarro Rainardi filius, & S. Bernardus Alethâ matre natus: & Andream constet ex autographis Fonteneti tabulis, prioris illius Bernardi Montisbarri Domini fuisse auunculum; certè Bernardi vtriusque Andream non po-

Pag. 541.

tuit esse auunculus, nisi Rainardi pariter & Alethæ frater fuit. Quare, Andreas Miles Templi, è paterno S. Bernardi stemmate in maternum est restituendus.

CAPVT QVARTVM.

Godefridus Lingonensis Episcopus, non fuit frater Thecelini Sauri, sed Rainerij Militis, vel de Acrimonte, vel de Rochâ.

GVillelmus Abbas Lib. 1. de Vitâ S. Bernardi, Cap. 9. *Narrare, inquit, solet venerabilis Episcopus Lingonensis Godefridus, sancti viri & propinquus sanguine, & in conuersione socius, & extunc per omnia indiuiduus comes. Bernardus Abbas Bonæuallis Lib. 2. de Vitâ S. Bernardi, Cap. 5. Aderant ei in consilijs venerabiles fratres sui, aderat Godefridus Prior eiusdem loci, propinquus eius in carne & spiritu, vir sapiens & constans; qui etiam religionis & prudentiæ merito, postea in Ecclesiâ Lingonensi factus Episcopus, & sanctitatis formam retinens, & dignitatis in quâ est honorem non minuens, usque hodie ingrediens & egrediens laudabiliter perseuerat.* Propinquum dicunt carne & sanguine; propinquitatis neque gradum, neque lineam exprimunt. Charta Fontenetenensis Godefridum patris eius Thecelini fratrem facit: quod si esset, Godefridum certe hi auctores, S. Bernardi aut patruum, aut ex æui sui vsu auunculum dixissent.

Pag. 459. Alia igitur querenda est horum inter se siue consanguinitas, siue affinitas.

RAINERIUS Miles, frater Godefridi Lingonensis Episcopi memoratur in tabulis anni 1141. quibus Barrenses Ecclesiæ Adoni S. Eugendi Abbati ad iudicantur, contra Adalardum Abbatem & monachos Melundenfes. Hunc

Pag. 503. verò Rainerium, Dominum fuisse Acrimontis, filium
504. 506. Vlrici siue Odolrici, fratresque habuisse Vlricum Cano-
107:

nicum, & Gerardum Sineterrâ, docere nos videntur tabulæ abbatiæ Morimundi, cuius ille Odolricus fundator fuit. Si res ita se habet, affinitatem S. Bernardi cum Godefrido ostendet locus suprà à nobis relatus ex Chronico Alberici Triumfontium monachi. Guido enim de Acrimonte (qui uxorem duxit Hefcelinam Dominam de Mulleio, filiam Holdoini de Ioneuillâ) frater fuit uterinus Thecelini Sori de Fontanis, & Holdoini, atque Haynonis de Colombeo: frater autem ex patre tantum, Vlrici siue Odolrici Acrimontis Domini, cuius in fundo abbatia Morimundi posita est. Quare, cum Odolrico filium fuisse Rainerium constet ex tabulis Morimundensibus, si huic Rainerio frater fuit Godefridus, hi ceterè patrum habuerint Guidonem de Acrimonte, qui Thecelini Sori fratrem matruelis fuit. Et hæc fuerit Godefridi cum S. Bernardo propinquitas; quod eorum patres, verè quidem fratres non essent, communem tamen fratrem haberent Guidonem de Acrimonte, Vlrici fratrem patrualem, matrualem Thecelini: quæ est affinitas, non quidem legalis seu civilis seu canonica, sed popularis, ac iamptidem in vulgi vsu recepta.

Pag. 416.

Fateor dici hæc posse haud improbabiler. Ob stare nihilominus videntur tabulæ Morimundenses, quibus Godefridus Lingonensis Episcopus ratum habuit donum cuiusdam terræ, quam *Rainerius Dominus Acrimontis, consensu & laude fratrum suorum, Vlrici Canonici, & Gerardi Sineterrâ Morimundo concesserat*. Quomodo enim Episcopus in ijs tabulis, hos fratres suos esse ne verbo quidem indicauit? Fratrem igitur Godefridi Episcopi potius existimauerim fuisse *Rainerium de Rosâ*, qui duo-

Pag. 507.

Pag. 542.
543.

decies minimùm appellatur in primâ & secundâ magnis chartis Fontenetenlibus, memoraturque *Niuardi* frater, & maritus *Milefendis* S. Bernardi consobrinæ; quippe sororis Bernardi Montisbarri Domini, adeoque patre natæ Rainardo S. Bernardi auunculo. Idem *Rainerius de Rochâ*, seu *de Rochiâ* oëties subscriptus legitur inter testes magnæ tabulæ de fundatione Albaripæ, anno 1135. confectæ: amore opinor Cisterciensis instituti, ac præsertim Claræuallis (vnde Albaripa deriuata est) in quâ & fratrem, & cognatos atque affines plerosque habebat. Firmat autem coniecturam nostram, quòd Rainerius hic etiam frequentior interfuit donis in Fontenetenfes collatis, quibus primum Abbatem constat præfuisse Godefridum. Hæc si vera sunt (vt sunt sanè vero quam-simillima, proum cuique est Godefridum Episcopum agnoscere S. Bernardi *propinquum in carne & spirítu*; quia illos & propositi communis ratio, & quædam etiam sanguinis affinitas coniunxerat. Nam frater eius qui consobrinam duxerit, quamuis nullum ad gradum ciuilem aut canonicæ affinitatis pertineat; tamen hodie in vsu vulgi & censetur affinis, & dicitur: multòque magis in consuetudine id fuit S. Bernardi æuo, ante Concilium Lateranense anni 1215. cùm longè latiùs protenderentur affinitatum & consanguinitatum gradus, etiam in ordine ad matrimonia.

CAPVT QVINTVM.

Neptis Bernardi Montisbarri Domini, Comitissæ autem Grinionensis filia, non fuit vxor Roberti Burgundie Ducis; neque Montisbarri Comitatum in Burgundia Ducis dominium intulit, vt habet Charta Fontenetenensis pars secunda.

Multiplex hic labes in Chartâ Fontenetenensi. Roberti Burgundie Ducis, eius nominis secundi vxorẽ vnicam agnoscit historia, AGNETEM S. Ludouici Francorum Régis filiam; quæ illi copulata ex anno 1272. multos ei liberos genuit; eique mortuo die nonâ Octobris, anni 1309, ad annos octodecim superstes fuit. Deinde, vt non fuerit Agnes Roberti Ducis coniux, quomodò Bernardus Rainardi Montisbarri Domini filius, qui circa annum Christi 1130. in viuis fuit, neptem habere potuit ex filiâ Grinionenfi Comitissâ, tanto centum & quadraginta annorum interuallo adhuc superstitem?

Quod additur in Chartâ transisse Comitatum Montisbarri in dominium burgundie Ducum ex anno 1286, imperante Hugone quodam Duce burgundie, nihil veri continet. Nam per ea tempora titulo Comitatus non gaudebat Montisbarri toparchia: & anno illo 1286. Dux erat burgundie Robertus II: & iam multò ante Monsbarus Ducum ditioni accesserat, vt ostendit Petrus Rouërius in Reomao, Illustratione 138; vbi laudat tabulas quasdam Reomaenses anni 1235, ex quibus constat Hugonem IV. burgundie Ducem, Montisbarri iurisdictione tunc potitum, eamque per Præpositos exercuisse. Quod & confirmatur ex eiusdem Hugonis IV. testamento, dato ad annum 1272, quo vni ex suis liberis Montembarrum hereditario iure transcribit. Translati ad Duces. dominij

montisbarri tempus ac rationem infra aperiemus.

CAPVT SEXTVM.

Roberti Burgundi coniugis genus perperam edixit Charta Fontenetenfis.

HAnc coniugem ex patre Tornodorensem profert Charta ex matre porro, Hugonis neptem, proneptem Godefridi, abneptem Andreæ Castellionensis, quem S. Bernardi patrum facit. Omnia hic falsa, vt ex dictis intelligi potest: hoc loco tantum ostendo, malè hanc dari Roberto Burgundo vxorem. Etenim Roberto (de quo agitur) Roberti II. Burgundiæ Ducis filio coniux fuit IOHANNA DE CABILONE, filia Guillelmi de Cabilone, Autissiodorensis & Tornodorensis Comititis, atque Alienoræ siue Elienoræ filia Amedei VI. Sabaudia Comititis. Quippe Guillelmo maternâ hereditate obuenerat Comitatus Autissiodorensis, Tornodorensis porro ex Ianuario anni 1292. à materterâ Margaritâ, relictâ Karoli Andegauensis, Ierusalem & Sicilia Regis, & Comitissâ Tornodorensi; cuius pietatis illustre monumentum exstat Xenodochium Tornodori ab eâ fundatum, in quo & sepulta est. Ioannæ Guillelmi filia frater fuit Ioannes de Cabilone; cum quo sic diuisa est hereditas, vt fratris esset Comitatus Autissiodorensis, ipsa Tornodorensi potiretur: quem deinde anno 1321. pro dote attulit Roberto Roberti II. Ducis filio, Sancti verò Ludouici Regis nepoti ex Agnete matre, eius filiâ. Constant ista non tantum ex historiarum genealogicarum probis aliquot Scripturis, sed etiam (& multò certius) ex compluribus quas legimus, autographis tabulis. Ioannis & Ioannæ Cabilonensem mater Elienor Sabauda, post obitum Guillel-

mi coniugis, Drogoni de Melloto, Domino de Sanctâ Herminâ, circâ annum 1307. secundis nuptijs copulata est.

CAPVT SEPTIMVM.

Expenduntur quæ de duobus Drogonibus de Melloto, & horum iunioris coniuge Eustachid refert Charta Fontenetenfis: ac via aperitur quâ Espissia toparchiæ Montisbarri familiæ ad hos Drogones deuinit.

Bernardino Monsbarrensi (inquit Chartæ auctor) filia fuit, quæ Drogoni de Melloto anno Christi 1233. desponsata, alterum ei genuit Drogonem, maritum Eustachie, Regis Anglorum Edouardi consobrinæ: quæ in S. Ludouici comitatu virum secuta, obiit Carthagine, relicto in mandatis vt eius corpus ad Fontenetum reueheretur: ubi iacet cum Epitaphio præferente annum 1270.

Id quidem certum est, EUSTACHIAM Drogonis coniugem, fuisse Edouardi Regis consobrinam: in reliquis fides nulla. Nam fabulosus est Bernardinus de Montebarro; nec vlla vmquam stirpis huius puella in Drogonum de Melloto familiam enupsit. Rem altius repeto, & ex toparchiæ de Espissia per has familias transitu, illarum inter se affinitates sic explico.

Andræ Montisbarri Domino, Bernardi filio, Rainardi nepoti, vxor fuit Heluydis Espissie Domini (cuius Pag. 568. obitus VII. Kal. Decembris in Necrologio Fontenetenfi) vt opinor, filia heres. His parentibus natus est Bernardus Dominus Espissie, qui anno 1210. rata habuit dona, quæ mater eius Heluydis, IV. Kal. Februarij de functa Fontenetenfis contulerat: nec diu matri superstes, iam mor- Pag. 555.
554. 555.

Pag. 563.

tuus memoratur mense Octobri, 1213, reliâs tribus filiis, videlicet Andream (qui dominus erat Espissia adhuc anno 1232,) Bernardo domicello domino de Vi, & Guidone Lingonensi & Autisiodorensi Canonico. Sed vitâ functo seniore Andream, eius reliâ Heluydis Hugoni domino de Vlmo (de l'Orme) secundis nuprijs coniuncta est: eique genuit filiam cognominem Heluydem de Vlmo, per quam maritus eius Drogo de Melloto, dominus erat Espissia iam ex anno 1247; nempe post Andream, ut conijcere est, improlem, Bernardi vxoris suæ fratris vterini filium. Porro Drogo hic, primus è suâ familiâ Espissia Dominus, Drogonis Eustachia mariti non pater sed auus fuit, ut ex paginâ 581. intelliges, & ex breui hoc schemate.

HELUYDIS Domina Espissa duos habuit viros, ANDREAM Dominum Montisbarri, & HUGONEM Dominum de Vlmo.

Ex ANDREA viro priore

Ex HUGONE viro posteriore.

BERNARDVS de Montisbarro, Dominus Espissia Odonis secundi Comitis Grinioensis. 1210. 1213.

ALATS vxor

HELUYDIS de Vlmo, vxor DROGONIS de Melloto, per illam Domini Espissia iam anno 1247.

ANDREAS BERNARDVS GUIDO Dominus Espissia. 1213. Dominus de Vi. 1210. 1213. & 1220.

DROGO de Melloto, Dominus Espissia, cuius vxor filia Anserici Domini de Montreal. Adhuc viuebat 1269.

DROGO de Melloto, Dominus Espissia. Vxor EUSTACHIA de Lusignan consobrina Edouardi I. Anglorum Regis, per auiam paternam communem, Isabellam Engolismensem. Adhuc inueneras Drogo 1290.

Ex his videre est, Dominorum de Melloto illustrem familiam, maternæ S. Bernardi linæ affinem quidem fuisse, sed non consanguineam. De Drogonis Eustachiz mariti profectione transmarinâ in S. Ludouici comitatu, deque Eustachiz ipsius anno & loco obitus, fides esto penes Chartæ auctorem. Nam annus 1276. suprâ annotatus paginâ 582. eius nuptias non spectat, sed quiddam à Drogone de Melloto pro vindicandâ patrui Eustachiz nonnullâ hereditate gestum: ut recentiore Epistolâ me admonuit Vir Clarissimus Dominus Du Bouchet. Vidimus in æde Fontenetenſi, inter chorum & altare maius, à parte Euangelij, monumentum è nigro marmore quod Drogonis & Eustachiz coniugum esse dicitur: sed Epitaphium quod æræ laminæ marmori affixæ præferebant, his iam pridem auulsis nullum superest. Alij sunt natiui Chartæ Fontenetenſis non pauci: ac præsertim in ordine Tecelini & Aalyſiæ liberorum. Nam Humbelinam velut vltimo loco natam exhibet, quam aſſerit Iohannes Eremita, fratrem suum beatum Bernardum nascendi ordine consequutam, adeoque inter sex fratres mediam, ex illis tres ætate priores, totidem posteriores numerasse: Cæteros Chartæ defectus aperient quæ nos infrâ, purioribus ex fontibus hausta, de totâ S. Bernardi affinitate & consanguinitate dicturi sumus. Nunc igitur huius argumenti Tabulas aliquot proponamus, in quibus quæ hætenus vel in diatribâ, vel in eius Probationibus confusè & promiscuè sparsa sunt, facili perspicuèque ordine digesta colligantur.

Pag. 107.

CAPVT OCTAVVM.

Tabula I. paterni generis S. Bernardi, ex Alberico
Triumfontium monacho.

Locum ex Alberici Chronico suprâ dedimus paginâ
416. A Tecelini matre, S. Bernardi auia paternâ hanc
seriem cum illo sic deducimus.

N. Mater Tecelini duos habuit maritos,

Priorem N. ex quo

Alterum Fulconem de Sarcellis, ex quo

TECELINVS SORVS
Dominus de Fonta-
nis.

HOLDOINVS HAYNO GVIDO de Acromô-
de Co- te: cuius vxor Hrs-
lombes. CELINA Ionenillen-
fis, Domina de Mul-
leio.

S. BERNARDVS.

N. Holdoini pro-
les.

ABELINVS.

V VERRICVS.

ALBRICVS de
Esmancijs.

G ALTHERVS
de Mulleio.

His addit Albericus, *Fulconi* de Sarcellis, antequàm
Tecelini matrem sibi desponderet, alteram fuisse vxo-
rem, ex quâ natus est *Ulricus* siue *Odolricus* Dominus
Acrimontis, Fundator Morimundi. Huius porrò *Odol-*
rici tres filios memorant tabulæ Morimundenses; *Raine-*
rium Dominum Acrimontis, *Ulricum* Canonicum, &
Gerardum Sineterrâ: quibus quartus fortasse accessit *Go-*
defridus Lingonensis Episcopus; quod tamen certis de
causis minùs probatum nobis est Appendicis huius capi-
te quarto.

Ignoti nominis auiam paternam S. Bernardi, fuisse do-

mo & familiâ Granceianam coniectura est primùm ex Chronico Granceiano, quod etsi in multis fabulosum est, in hoc tamen haud spernendum videtur quòd ait, prisco quo de Granceiani Toparchæ filiabus vnam, fuisse ex marito Dominam de Fontanis. Nam in castro Granceio adhuc exstat vetusta turris, quæ dicta est post omnem memoriam & hodiè que dicitur *Turris S. Bernardi*; quòd ipse, dum cognatos suos subinde inuiferet, in eâ diuersatus fuisse credatur. Nihilominùs, cùm potuerit Guido S. Bernardi frater primogenitus, ex Granceianâ familiâ duxisse vxorem, quæ per illum fuerit Domina de Fontanis, in hoc dubio nolim definitè quidquam affirmare; sed tantùm cum disiunctione: nimirum quòd ex matre Tecelini, aut Guidonis vxore, alterutra fuerit aut Eua de Castellione, aut Granceiana; ita vt si prior fuit Granceiana, fuerit posterior Castellionensis; & vicissim, si prior fuit Castellionensis, altera fuerit Granceiana.

Cæterùm ex his Tecelini vterinis fratribus manasse videtur S. Bernardi consanguinitas siue affinitas cum matre Ascelinæ sanctitate claræ Virginis, que vt in Chronico Clareuallensi ex Gosvino refertur, *Beati Bernardi*, Pag. 87. & *Episcopi Godefridi fuit consanguinea, de villâ iuxta Firmitatem super Albam procreata*: itemque cum Iosberto Domino eiusdem Firmitatis ad Albam, cuius ille asseritur secundum carnem propinquus, Vitæ Libro 1. Cap. 9; in quo & primum signum fecisse dicitur nouus Abbas. Quòd si (vt verisimile est) iure propinquitatis obuenit Iosberto Firmitas, quam paucis antè annis possederat S. Simon ex Comite monachus S. Claudij seu S. Eugendi Iurensis; vel hinc deprehendere est Iosberti, adeoque S. Bernardi

genus perquam illustre; cùm S. Simonem constet, etiam Francorum, Anglorumque Reges, legitimæ originis sanguine contigisse; vti alio in opere nondum edito, pluribus à nobis demonstratum est. De Iosberto filio (opinor) potius quàm de parente cognomine accipiendum est illud tabularij Clareuallensis, quòd *ODD Campaniensis, & Sibylla eius vxor laudauerunt totam eleemosynam, quam Iosbertus de Firmitate dederat fratribus de Claraualle*. Cumque Iosberti huius magna existent in Clareuallenses beneficia, opinari licet, irrepsisse mendum in Historiam Pontificum Romanorum, & S. R. E. Cardinalium, Romæ anno M. DC. XXX. Typis Vaticanis editam, vbi habetur in Paschali Papæ II. pag. 461. monasterium Clareuallense *Roberti viris illustris impensâ fuisse ædificatum*. Reponendus enim videtur Iosbertus pro Roberto; cùm Roberti per illa initia de Clareuallensibus benè meriti, nulla in eorum tabulis fiat mentio.

CAPVT NONVM.

Tabula II. materni generis S. Bernardi.

Constat hæc Tabula, vti & sequentes alia; ferè ex ijs quæ præmisimus; cui tamen, vbi opus erit, nonnullarum eius partium breuem enarrationem subiiciemus.

Tabula pars prior.

1. BERNARDVS Dominus Montisbarri. HVMBERGA eius vxor.

2. RAINARDVS AALAYS DIANA ANDREAS Miles
Dominus Montis- vxor TECE- vxor OTHO- Templi.
barri. Vxor AA- LINI Sauri. NIS de CA- GVALDRICVS
NOLDIS. stellione. Dominus Tullionis,

3. S. BER- ROBERTVS MILO Prior Fon-
NARDVS Abbas Do- teneti ex Conuerso.
cum sorore & mus Dei.
quinque fratri-
bus.

Tabula pars altera.

2. RAINARDVS Dominus Montisbarri. Vxor AANOLDIS.

3. BERNARDVS Domi- N, vxor primùm FER- MILESEN-
nus Montisbarri. GANNI HELFRANNI DIS vxor REL-
Comitis Grinionensis; NERII de Ro-
postmodum RAIMVNDI chã.
de Burgundiã, item Co-
mitis Grinionensis: aut
certè eius socrus. Vide se-
quens caput decimum.

4. ANDREAS Dominus Mon-
tisbarri. Vxor HELVVIDIS
Espispa Domina, quæ postea
nupsit HVGONI de Ylmo.

MATILDIS Raimundi filia ex Agne-
te de Montepencerio secundâ eius
vxore; coniux autem O DONIS de
Yllodun Comitis Grinionensis.

5. BERNARDVS de Monte. ALAYS Montisbarri Domina, uxor
barro, Dominus Espiffia. Odonis de Tiffodun, Comitis Grinionen-
sis huius nominis secundi, Odonis I. &
Matildis filij.

ANDREAS Dominus BERNARDVS do. GUIDO Canonicus Lin-
Espiffia. micellus, Domi- gonensis & Autiffodo-
nus de Vi. rensis.

- Pag. 410. 1. BERNARDVM Montisbarri familiæ caput (quod
411. 412. quidem nouimus) indicauit nobis Iohannes Eremita,
423. 424. itemque auctor Chronici S. Petri Viui Senonensis : quo
etiam ex auctore compertam nobis esse eius coniugem
Humbergam, atque alterutrius originem ex Comitibus
Tornodorensibus, suprà monuimus in Diatribâ. Ab auo
materno S. Bernardus, ab auîâ soror eius Humbelina ap-
pellationes traxere. Hanc enim nontantùm Humbelinam
(vt vulgò creditum est) sed etiam Humbergam fuisse
nuncupatam, docuit nos verus auctor vitæ sanctissimi vi-
ri Petri Prioris Iuliacensis. Nec planè diuersa hæc nomi-
na, sed illud ex isto formatum eo more quo solent infan-
tium ac puerorum nomina, quadam adblandientium te-
neritudine amoris, diminutione molliori. Quare dubitan-
dum mihi non videtur, quin soror S. Bernardi, primùm
in Baptismo de auîæ maternæ nomine Humberga appel-
lata sit; ac deinde per infantis pueritiæque annos Hum-
belina dicta, postmodùm in matrimonio, & denique in
monasterio verum suum ac primitium Humbergæ no-
men receperit.
- Pag. 424. 2. RAINARDVS scribi debet, ex Chronico Senonensi,
440. 549. ex primâ magnâ Chartâ Fontenetenfi, & ex tabulis Go-

defridi Lingonenſis Epifcopi : qui malè in Fontenetenſi Genealogiâ Regnaldus ſeu Regnaudus. *Aanoldem* eius vxorem prima eadem Fonteneti magna Charta autographanos docuit. Ab his dumtaxat propagatum Monsbarrenſium Toparcharum genus, quod Tabulæ huius docet pars alterâ.

2. AALAYS ſiue AELAYS : utroque enim modo eam appellat Iohannes Eremita: quæ in Necrologijs Benignia-
 nis *Alaſya & Alayſa*: aliis paſſim Aalys, Alays, AElaydis, AEleth, Aleth: quæ idem ſonant, & eodem recidunt omnia. Hæc verè ſeptem liberorum dupliciter parèns, quia illos & mundo & Chriſto genuit.

Pag. 108.
435. 520.

2. DIANA vxor Othonis de Caſtellione, de familiâ Montisbarriad annum Chriſti 1107. ex Recenſione tabularum Saffrenſium : quæ niſi fallit, dianam opinor matrem fuiſſe Roberti Abbatis Domus Dei, ad Carum amnem in Biturigibus. Hunc enim S. Bernardi ſobrinum, matre ſcilicet natum quæ S. Bernardi genitricis ſoror erat, affirmat Iohannes Eremita : addens, quæ de Alaydis S. Bernardi matris obitu mirabili narrat, accepiffe ſe ex ore huius Roberti Abbatis, qui (inquit) *magis quàm ſexaginta ſeptem annis in monaſterio ſub iugo regularis diſcipline vixit.* His congruit quod & in vulgatâ S. Bernardi Vitâ, & in Exordio Ciſtercienciſi legimus, fuiſſe Robertum hunc S. Bernardi *ſecundum carnem propinquum* : vel apud Petrum Cluniacenſem lib. 6. Epift. 35. *ſanguine proximum.* Quod verò prima illa S. Bernardi Epiftola, *in medio imbre ſine imbre* ſcripta titulum præfert *ad Robertum nepotem ſuum* : aut Epiftolarum collectoris hallucinatio eſt; aut ea loquendi ratio ad illum morem pertinet olim viſitatiffimum (ut iam

Pag. 583.
590.

Pag. 109.

alij obseruauerunt) quo nepos dici solebat etiam patruelis, aut consobrinus, aut amitinus, si modò patrueli suo, aut consobрино, aut amitino esset ætate inferior, vel patre aut matre iunioribus genitus. Ex quo licet coniecere, Alayde S. Bernardi parente fuisse Roberti matrem ætate inferiorem: & Robertum cùm ad eum S. Bernardus scriberet, adolescentem, ac penè puerum fuisse intelliget, quisquis primam illam S. Bernardi Epistolam legerit, & Guillelmum Abbatem Lib. 1 de Vitâ S. Bernardi, capite vndecimo.

Pag. 541.
618.

2. ANDREAS Miles Templi, ad quem est Epistola S. Bernardi 288, auunculum eum prænotans: qui & auunculus dicitur Bernardi Montisbarri Domini, patre nati Rainardo S. Bernardi auunculo. Quas illi proles assignat Genealogia Fontenetenensis, nullo modo eum spectant,
2. GVALDRICVS. De hoc Vita S. Bernardi Lib. 1. Cap. 3. *Primus omnium Galdricus auunculus eius, absque dilatione aut hesitatione, pedibus (ut aiunt) iuit in sententiam nepotis, & consensum conuersionis: vir honestus, & potens in sæculo, & in seculari militia gloriâ nominatus: dominus castri in territorio Eduensi, quod Tuillium dicitur. Hic monendus es (mi Lector) duo esse castra in Æduis eiusdem ferè appellationis. Alterum Tillium in pago Alisienti, vulgo Til; alterum Tullium, quod in Tabulis Fontenetenensibus Tullio, vulgò Touillon, cuius olim possessor Gualdricus. In hoc Tullione est decanatus foraneus, siue archipresbyteratus Æduensis diocesis, numero XIX. Abest Tillium à Montebarro quinque circiter leucis horariis, Tullio vix duabus. Concessit Tullio in ditionem monasterij Fontenetenensis; at non Tillium, à quo denominati in hoc opere*

complures; & inter cæteros, ad annum 1174. *Hugo Peccatum de Til.* Vbi mirari licet viri humilitatem, qui se non tantum peccatorem cognominari voluit, ut alii permulti; sed *Peccatum*, quod solum à se habet homo; de animâ, de corpore, de alijs suis bonis omnibus Deo auctori debitor. Porro in primâ magnâ Chartâ Fontenetenſi asſeritur *Pag. 563.*
VValdricus hic iam tum monachus, cum fratre suo Milone Conuerso, & Martino Eremitâ, abbatix Fontenetenſis primus ædificator. *Pag. 540.*

2. MILONEM verò S. Bernardi auunculum, tunc Conuersum, si postmodum Priorem Fontenetenſem legis (quod ex nonnullis tabulis colligi videtur), caue existimes id muneris eum adhuc Conuersum gessisse; hoc enim in Ordine Cisterciensi nunquam licuit: sed pro certo habe, Milonem qui humilitatis affectu, primo suo in Ordinem ingressu, inter Conuersos profiteri voluerat, postea dignum à Præfectis iudicatum qui monachus fieret, etiam monachis apud Fontenetum, cui domui initium dederat, aliquamdiu præfuisse. Hunc ex anno 1113, abdicatâ sæculi vanitate, Cistercium in S. Bernardi comitatu se recepiſſe, colligimus ex Chronico Senonensi. *Pag. 414.*

CAPVT DECIMUM.

Enarratio alterius partis Tabula huius secunda; vbi de antiquis Comitibus Grinionensibus quadam notatu digna.

3. BERNARDVS Dominus Montisbarri, in tabulis Godefridi Lingonensis Episcopi asſeritur Rainardi filius, Andreæ verò pater. MILESENDIS quoque in primâ magnâ Chartâ Fontenetenſi huius Bernardi soror memoratur, & Rainerij coniux: quem (ut probabilius) putamus. *Pag. 549. 618. 543. 630.*
LIII iij

tamus Raincrium de Rochâ , eundemque fratrem Godefridi Episcopi ; unde huius affinitas cum S. Bernardo.

4. ANDREÆ vxor HELVIDIS Espissæ domina, quos illi filios genuerit, quosue Hugoni de Vlmo, cui secundis nuptiis copulata est; quâ item ratione per eius filiam cognominem, nempe *Heluidem de Vlmo*, Espissæ toparchia ad Drogonis de Melloto deriuata sit, suprâ iam satis explicuimus.

Pag. 581
581. 583.
635. 636.

De Comitibus Grinionensibus quæ olim illos cum familiâ Monsbarrensi affinitas coniunxerit, operosius est inuestigare. Citatæ tabulæ Godefridi Episcopi hæc habent. *Diuisio quoque terrarum inter Fontanas & Segestrum, sicut facta iam dudum fuerat in presentia Comitissæ ; amita eiusdem Andree ; ubi & lapideæ meta posita sunt.* Erat Andree, vt diximus, auus Rainardus, Bernardus verò pater: quare, Andree amita, Bernardi soror fuit, Rainardi porro filia. At unde Comitissâ, nisi à marito Comite ? aut cuius tandem Comitis vxor fuit, nisi Grinionensis, qui loco proximus Montisbarri castro, & multorum circa locorum primarius dominus ? Aringiarum territorium cum Rainardus Montisbarri dominus Fontenetenensibus contulisset, ratum id esse debuit Grinionensis Comitibus auctoritate & consensu : sic enim habet prima magna Charta Fontenetenensis, numero 1. *Hoc quoque cum magnâ beneuolentiâ laudauit dominus Fergannus Grinnionis Consul.* Sub alio dono Leobaudi de Grinione, & Humbaudi de Rubeomonte ; *Huius rei testes fuerunt, Consul Grinionis Helirannus Fercannus, Godefridus de Sagniac &c.* In hac ipsâ primâ Chartâ non semel appellatur Bernardus dominus Montisbarri: vt de Ferganno Grinionensi Comite

Pag. 540
541. 543.

suspiciari liceat, fuisse illum Rainardi generum, Bernardi sororium: & coniugis carissimæ intuitu seu rogatu, de eius consanguineis, Fonteneti vel monachis vel fundatoribus benè mereri studuisse.

Post Fergannum, rediisse constat Comitatum Grinionensem ad dominium Principis, nempe Hugonis II. Burgundiarum ducis. Hic enim laudante ducissâ Matilde uxore suâ dedit Ecclesiæ Fontenetenensi quicquid habebat apud Puteolum francum: qui locus (ut habent tabulæ) descendebat de dominio Grinionis castri, cuius ipse Dux erat dominus. Et translati huius domini non alia rationabilior causa occurrit, quàm quòd Fergannus vel improlis, vel absque prole masculinâ è viuis excessisset: quippe illa præsertim primariæ clientelæ feuda solis masculis à Principe mittebantur: hac tamen feminarum heredum plerumque ratione habitâ, ut quos maritos nactæ essent, illis ea prædia cum honorum titulis conferrentur.

Pag. 547.

Ad hæc certum nobis est ex tabulis Henrici Æduensis Episcopi, anno 1165. datis, Raimundum Hugonis II. ducis filium, & fratrem Episcopi Henrici, fuisse Comitem Grinionensem, etiam antequàm *Matildis matrem duxisset uxorem*: quæ Matildis matre nata Agnete de Montepencerio, paternum Comitatum Grinionensem Odoni de Issolduno in dotem tulit. Dederat enim Raimundus Comes Fontenetenensibus quicquid eius chasati de dominio Grinionis eis darent de chasamento suo: sic tamen, ut chasatum non perderet. Hæc igitur dederat iam Comes Grinionensis, nondum autem Agnetis maritus. Ex quo licet conijcere, collatum Raimundo ab Hugone patre Grinionensem Comitatum, cum ille Ferganni Comitris vel

Pag. 556.

relictam viduam , vel filiam sibi despondisset.

Pag. 543.
544.

Per id tempus, obseruatu dignum est exprimâ magnâ Chartâ Fontenetenſi, VValterium Conestabulum, Dominum fuisse Montisbarri; non castri (opinor) sed tantum burgi, seu villæ, & de beneficio primarij Domini Rainardi, seu Bernardi eius filij, qui castrum obtinebat. Id possessionis olim nobis visum est euenisse VValterio Conestabulo, ex eius coniugio cum aliquâ Rainardi sorore; & eâ fortasse quæ Roberti Domus Dei Abbatis mater fuit, ac S. Bernardi matertera. Sed alia nunc sese offert haud paulò verisimilior ratio; quòd Comitatum Grinionensem tunc obtinente Hugone Duce, ille eius militiæ Præfectus, missus ab eo sit ad aliquod tempus, in dominium vtile villæ Montisbarri; vt Ferganni olim Comitis relictæ, Bernardi Montisbarri Domjni sorori dotalitia iura vindicaret, in eius vel secundum coniugem, vel generum Raimundum refundenda. Ignosce, Lector, velut cæco, in hac monumentorum penuriâ, in his tenebris coniecturas tanquam umbras palpanti: & vbi certa non suppetunt, saltem vero similia æqui bonique consule.

Pag. 560.

5. DE ALAYDE, haud scio an in melius quid incurrerim. Huius nominis Grinionensem Comitissam, Odonis de Yssolduno iunionis coniugē suprà exhibuimus: quam & Andreæ Montisbarri Domini filiam, Bernardi autem de Montebarro, Espissæ Domini sorotem haud leui coniecturâ pronunciauimus. Quod monuit eruditus quidam amicus ex Rigerio in Chronico Lerinensi, fuisse Alaydem hanc primùm Archembaldi de Borbonio vxorem; tum hoc mortuo duxisse Odonem de Deols (vnde illam asserit & Odonis II. burgundiæ Ducis filiam, & Odonis

Odonis de Yssolduno iunioris coniugem) non me ab eâ
 quam proposui sententiâ dimouet. Fateor ego quidem,
 Alaydi huic Burgundæ maritum fuisse Archembaudum
 de Borbonio, eius nominis (vt Duchesnius numerat)
 septimum : nego illam eandem Odoni de Yssolduno iu-
 niori fuisse matrimonio iunctam, argumento triplici.
 Primùm ob nimiam illorum sanguinis propinquitatem ;
 cùm certum sit, Raimundi (qui auus erat maternus Odo-
 nis huius Yssoldunensis) fratrem fuisse Odonem Ducem ;
 adeoque Alaydem & Odonem Yssoldunensem fuisse
 in secundo & tertio gradu consanguineos ; quibus in gra-
 dibus nulla concessa esset incestum eluens dispensatio ;
 præsertim ante Concilium Lateranense anni 1213, cùm
 ad septimum vsque affinitatis aut consanguinitatis gra-
 dum vetita essent matrimonia. Secundò ob temporum &
 ætatum improprietatem. Nam Alays Archembaldum
 priorem virum amiserat ex anno 1169, cùm Odo de
 Yssolduno Matildis Burgundæ filius, adhuc esset sub
 nutricum aut gerularum curâ, certè pueriles annos non-
 dum excessisset. Id nos docet Matildis patruus Henricus
 Aduensis Episcopus, cùm eam Odoni de Yssolduno se-
 niori recens desponsatam, adhuc *puellam* nuncupat an-
 no 1165. Quanam igitur ratione Alays post quâdriennium
 Archembaldi relicta, Matildis patruelis suæ iunioris fi-
 lium adhuc infantulum sortiri coniugem potuit ? Tertiò
 denique, quia anno 1201. iam Alays inter Fontis Ebral-
 di moniales velata erat, vt videre est apud Duchesnium
 in Probationibus antiquæ familiæ Ducum Burgundionū.
 At anno 1212. Alays Odonis Yssoldunensis relicta, adhuc
 in sæculo degens, Radulphi filii sui testamento interfuit.

Pag. 556.

Siqua ergo fides habenda est Chronico illi Lerinenſi, capiendum illud opinor de Odone *de Deols*, qui patris Odonis de Yſſolduno iunioris conſobrinus ſeu patruelis fuerit, adeoque Alaydi ætate propior. Nam ut monet Duchefnius, Odo maritus Matildis, & iunioris Odonis pater, filius fuit Gaufridi, filij Odonis, fratris Radulphi *de Deols*: quare, in huius gentis genitali arbore, ramus familiæ Yſſoldunenſis, à ramo familiæ *de Deols*, in Odone Alaydis marito quartâ iam fiſſurâ erat diuiſus. Quarendus ergo eſt Alaydis Archembaldi relictæ ſecundus maritus in ramo *de Deols*, cuiusque fiſſurâ ſuperiore. Vnde etiam nonnulla apparet horum coniugum propinquitas, cuius mentio in Chronico Lerinenſi: in eo videlicet quòd Odo *de Deols* Radulphi vel filius, vel nepos, & eius cognatus Odo de Yſſoudun Comes Grinionenſis eius nominis primus, vxores habuerint Alaydem & Matildem patruelles.

Sto igitur in coniecturâ meâ, cuius cauſas paginâ illâ 360. aperui; videri Alaydem Odonis iunioris Comitæ Grinionenſis coniugem, de Montisbarri familiâ, Andree filiam, Bernardi ſororem: cuius ſiqua eſſet querenda cum marito affinitas, in eo appareret, quòd eſſet Odo Raimundi ex Matilde filiâ nepos, qui Bernardi Alaydis aui ſororem, aut eius fortasſe (ut diximus) filiam in matrimonio habuiſſet.

CAPVT VNDECIMVM.

Tabula III. *Sombornionenſem antiquam gentem in Ducum Burgundie regiam familiam deſiſſe oſtendens.*

Quia S. Bernardi paternum genus (quod à Fontanis appellationem habet) per Bartholomæum Soma-

bernionensē ad nostra vsque tempora propagatum fuisse constat (quā de re sequentes aliquot tabula fidem facient); pramonere iuuerit, ad Sombernionensis antiquae familiae decus, illam in veterum Burgundiae Ducum regium sanguinem, enubentis filiae heredis affinitate esse transfusam.

VARNERIVS anno Christi 1020: cuius uxor ISTIBURGIS, Anna & Addila filia, Gozelinus fortasse frater aut patruelis.

pag. 518. 520.

VARNERIVS, inter familiares Hugonis II. Burgundia Ducis, anno 1104. pag. 426.

VARNERIVS fundator abbatis de Aseran- *BARTHOLOMÆVS*
le, siue de Buxeris anno 1131, de quo videin Dominus de Fribanis,
Beatrice nostrae Cabilonensis, pag. 183; item cuius posteros dabunt
que abbatia monialium Pratslongi, pag. 442. Tabula sequentes.

HERVEVS, siue At- *VVIDO*, pronomine Rainaldus, de consensu
ucius, pag. 442. *EMENGARDIS* uxoris, Pratslongi monialium
fundos extendit, 1149. Obiit pridie Kal.
Septembris, pag. 442. 461. 520.

GAVTERIVS, annis *GARNERIVS* Domi- *GVIDO* Dominus
1188. 1208. 1210. nus de Montoillot. de Toreis, pag.
Obijt 1217. uxor illi uxor AALIZ, pag. 465. 468.
IACQVA, seu Iacoba. 468. 469.
pag. 464. 466. 467.
468.

HERVEVS, *GAVTERIVS*. *GARNERIVS*, cui *IOHANNES*, pag.
annis 1217. uxor *ELIZABETH*, 469
1220. 1225. pag. 469. *GAVTERIVS*, pag.
1232. 1233. 1242. Uxor *BLANCHA*, qua 469.
& Maingerdis marito superstes ab anno 1242 *AGNA* monialis de
ad 1272. pag. 468. 469. 470. 474. 475. 481. Franton, pag. 469.
483. 484. 485. 563. 566. 567.

IOHANNES. pag. JACQVETA, vxor GVILLELMI de Montecacuto, Domini de Maclein, qui Hugonis III. Ducis Burgundia pronepos fuit. pag. 476. 477. 478.

ALEXANDER de Montecacuto, Dominus Sombernionis, tanquam heres auia sua materna Blanca seu Maingerdis, propinquior ab intestato. pag. 477. 478. 479. 482. 483. 484. 563.

CAPVT DVODECIMVM.

Tabula IV. Sombernionenses Dominos de Fontanis recensens, vsque ad Mariam Richardi filiam & heredem.

Paterna S. Bernardi familia, hoc est, Fontanensis, à Guidone fratre eius primogenito, ad Claudium de Clerone baronem de Saffris hodie superstitem venit, per feminas heredes quinquies intercisâ. Harum prima fuit filia Guidonis, Bartholomæi Sombernionensis coniux. Secunda belota vxor VVilhelmi de Sauz. Tertia Maria de Fontanis Guillemo de Marrey desponsata. Quarta Amyota de Marrey, cui maritus fuit Antonius de Sagniacco, & de Saffris. Quinta & vltima Maria de Sagniacco, Othenino de Clerone matrimonio iuncta. Primam & secundam quarta hæc Tabula dabit, cæteras reliquæ ordine suo sequentes.

BARTHOLOMÆVS de Sombernone, Dominus de Fontanis per coningem N. patre natam Guidone S. Bernardi fratre primogenito: cuius soror memoratur in Chronico Clareuallensi Abbatisa de Polengio. pag. 445. 457. 463. 464. 465. 547. 87. 88.

KALO, cuius obitus TECELINVS. pag. GIRARDVS Li Bros, xiv. Kal. Septembris. 463. 464. Dominus de Asnerijs. Vxor MARGARITA 465. 467. 563.

BELOTA, vxor
Willelmi de
Sanz. pag. 573.

GARNERIVS nepos Girardi de Asnetijs. Domi-
nus Fontanarum pro tertiâ parte. Fundator
prioratus de Bonuau. subius Talenzum. Miles
Templi, unde dictus homo Templariorum. Vxor
Gertrudis. pag. 467. 470. 471. 473. 572. 573.

JOANNES, Do-
minus Fontana-
rum. pag. 573.

KALO de Sauz, Dominus de OTHO, siue
Fontanis. Obijt 1270. xxxi. Otheninus. p.
Octobris. Vxor DANNEZ, vel 471. 471.
Dannot. pag. 471. 471. 480.
481. 482.

HVMBERTVS. Vxor
BONA.

IOHANNES pag.
481. 525.

GVILLELMVS. pag.
481. 593. num. 7. 10.

JOHANNES pag. 523.
593. num. 11. 12.

CECILIA pag. 523. GVILLERMETA.
pag. 533.

GILETVS. Vxor AGNES
de Chartres. pag. 593.
num. 12. 13. pag. 594.
num. 16. 18. 19.

MARGARETA DANNOT vxor
Hugonis de Haimonini de Mon-
Buffons. pag. 594. toillot. pag. 594 num.
num. 16. 15.

HVGO. Vxor SIMONETA de Pontescisso,
qua illi genuit tres filios. & duas filias, de
quibus infra: & mortuo coninge nupsit se-
cundò Hugoni de Berâ: deinde Iohanni
Datt tertijs nuptijs copulata, tres ei fi-
lias peperit, Iohannam, Margaretam, &
Mariam. pag. 595. num. 26. 27. pag. 599.
num. 34. pag. 615.

MARGARETA. pag.
593. num. 13. p. 596. n.
27.

GFIDO Canonicus
Lingonensis. pag. 594.
num. 18.

AGNES monialis S. Jo-
hannis Augstodunen-
sis.

N. monialis de Lareyo.
N. monialis de Loco Dei.
pag. 593. num. 13.

JOHANNES. ROBERTVS. RICHARDVS. ELISABETH.	
pag. 599. nu. pag. 599. Vxor Philippa de pag. 599. num.	
34. pag. 614. nu. 34. pag. Sauz pag. 599. nu. 34. pag. 615.	
616. 615. 34. pag. 615. 616. JOHANNA p.	
	pag. 600. num. 39. 599. num. 34.
	pag. 602. pag. 615.

AGNES. JOHANNA. MARIA, Vxor GVILLELMI de
pag. 616. pag. 616. Matrey, de quibus Tabula VI.

Ad paginam 529, & ad annum 1237. notatus est Hugo de Fontanis *burgensis Diuionensis*; qui cum nec miles, nec domicellus nuncupetur; nec vlla eius reperiatur mentio in tabulis familiam Fontanensem spectantibus; illud opinamur vel à patriâ dictum *de Fontanis*, vel fortasse quòd alicuius ex Dominis Fontanensibus filius fuerit nothus, & ideo legitimis non accensendus.

Occurrent præterea complures Domini vel Dominae de Fontanis, in excerptis nostris ex Recensione tabularum Saffrensiū & Fontanensium, à paginâ 585. ad 590, quos huic nostræ Tabulae ex autographis confectæ inserere religio fuit, ne certa cum dubijs confunderentur. Quàm enim illa Recensio mendosa, ac tum in personarum appellationibus, tum in temporum notis deformata sit, supra monuimus paginâ 617.

CAPVT DECIMVM TERTIVM.

Tabula V. familie de Sauz, quæ Fontanensem spectat. *Quis*
Willelmus de Sauz, cuius vxor fuit Belota de Fontanis.

A Deò clara est inter Burgundiones familia *de Sauz*, vt digna videatur quam peritus aliquis genealogus iusto illustret volumine. Fabulari mihi quidem videntur,

& in verbo ludere; qui ei ab oppido vulgò *Saulieu*, Fauſti viri Conſularis pariter & Chriſtianiffimi ſede nomen inditum putant: Id enim caſtrum in Itinerario Romano *Sidolucus*; & in Actis Sanctorum benigni, Andochii, aliorumque eiufdem ſcholæ martyrū, quos ædibus ſuis Fauſtus altero poſt Chriſtum ſæculo benignè excepit, *Sedolocus* nuncupatur. Porò à villâ ſeu caſtello *de Sauz*, quod in *Ædus*, & in agro Alifiſienſi haud procul à Sinemuro poſitum eſt, ne illi quidem ſe appellatos putant, qui hodie ſe ex eâ familiâ prognatos profitentur. Vera igitur gentis huius origo, à caſtro eſt quod nunc vulgò *Sauz le Duc*, ex quo nimirum burgundiæ Ducum ditioni adiectum eſt; quod antiquis *Sals*, & *Sauz*, & *Salionem* dictum conſtat. Poſſis etiam *Salices*, vel *Salicem* efferre, poſt Philippum Pulchrum Francorum Regem, qui dato diplomate ad annum 1304. Guillelmum eius familiæ caput, *de Salice* nuncupavit: aut ad guſtum Ionæ referentis, Columbano & ſocijs nonum iam diem apud Anagrates eiborum penuriâ laborantibus, Carantocum Abbatē *Salicis* diuinitus admonitum, ſubſidio miſiſſe Marculfum Cellerarium ſuum cum vehiculis largo commeatu oneratis, per ſaltuum auia & opaca ſiluarum iumentis ductu diuino præeuntibus. *Salicis* enim nomine venire hîc putamus villam hodie *Sauz*, inter Veſulium & Luxouium mediam, à quâ diſtant Anagrates leucis horarijs ferè quinque.

pag. 499.
521.

De gente *de Sauz* pauca in præmiſſis ſparſimus; eodumtaxat ſpectantes vt appareret quâ ratione Fontaneniſis familia per Sombernionenſem inſita ei fuiſſet; nempe in VVilhelmo *de Sauz* belotæ de Fontanis marito, cuius genus (opinor) ſequens Tabula haud obſcurum relinquet.

EVILLO, qui & Ebalus, Hebalus, & Eubolus, Comes de Sauz, Vxor Regina pag. 486. 487. 489. 491. 492. 546. Obijt Comes V. Idus Octobris, pag. 520. VVILLELMVS pag. 486. 487. 489.

GUIDO qui Comitatum Lingonensem permutatione transtulit in Hugonem III. Burgundia Ducem; hic Galscio patrio suo Lingonensi Episcopo, eiusque successoribus dono dedit, pag. 486. 487. 489. 490. 491. 492. 493. GIRARDVS VVILLELMVS pag. 486. 489. 553. 569.

HENRICVS. pag. 491. 492. 493. OTHO. VVILLELMA vxor. pag. 491. 613.

GVIDO. Vxor ELIZABETH pa. 487. 493. 494. 495. 496. 613. HVGO Canonicus Lingonensis pag. 496. VVILLELMVS, cui ex BE-LOTA de Fontanis filij fuerunt Iohannes, Kalo, & Otho Tabulæ quararum censiti pag. 471. 472. 573.

BARTHOLOMÆVS. pag. 487. 494. 495. 496. BEATRIX. pag. 487. 495.

IACOBVS Vxor Maria de Monte S. Iohannis. pag. 497. Iacobo in transmarinis partibus defuncto, relicta eius Maria nubit Iohanni de Passauant. pag. 498.

GVILLELMVS. Vxor eius Margareta filia Comitiss Viennensis, sepulta apud Dominicanos Diuionenses, 1290. pag. 498. 499. 618. IOHANNETA. vxor GVI-DONIS Pcepape Scutiferi. 1285. pag. 617.

Pag. 516
565.

Girardum de Sauz, quem exhibent tabulæ Fontenenses ad annum 1227, consultò prætermisimus, de eius loco proprio incertus. Sic & Guillelmum de Sauz, cuius
VXOR

vxor Beatrix cum Iohanne & Guillelmo filijs memoratur ad annum 1265. Cum alioqui dubitare vix liceat, quin hi omnes aut Euilonis Comitibus, aut VVilhelmi eius fratris posteris annumerandi sint: sed cuius è duobus, vel quo gradu, obscurum. VVilhelmus alius *de Sauz*, & vxor eius Hermengardis, laudantur in tabulis Henrici Eduensis Episcopi, tempore Arnaudi Abbatis Fontenetenensis, pag. 553. Nec diuersus ab hoc fuisse videtur VVilhelmus is, qui tempore Godefridi Lingonensis Episcopi, & Rainerij Albæripæ Abbatis memoratur pag. 489. Nam ordinatum constat Abbatem Rainerium anno 1158, vt docet pagina 569. Abdicauit autem Godefridus Episcopus anno 1161. ex Chronico Clareuallensi, pag. 82. Quare, datum videtur diploma Godefridi haud procul anno 1159; quo in diplomate mentio est VVilhelmi *de Sauz*, fratris Euilonis Comitibus: & ex horum fratrum præiudicio, VVilhelmi *de Sauz* iunioris calumniæ refellitur. Vnde, VVilhelmum hunc iuniorem, prioris cognominis filium haud improbabilius statuimus. Sed adhuc propius querendus est nobis VVilhelmus Belotæ maritus, hac videlicet ratiocinatione.

Othonis *de Sauz* (cuius auus fuit Euilo, siue Hebalus Comes) liberorum mentio est in tabulis de Comitatus Lingonensis alienatione anno 1179. confectis. Hos ego liberos puto Guidonem Elizabethæ maritum, (qui eius Pag. 491. primogenitus asseritur in diplomate Benigniano, pag. 613.) Hugonem Canonicum Lingonensem, & VVilhelmum cui data in coniugem Belota de Fontanis, Iohannem, Kalonem, & Othonem siue Otheninum filios genuit; fortasse & Elizabetham de Fontanis, cuius liberi

Pag. 471.

Guiardus & Adelina in tabulario Claræuallis, ad annum 1223 : sed hoc non vsquequaque certum. Firmat verò nexum hunc, non tantum ratio temporis ; sed etiam nominatim quoad VVillelmum Belotæ coniugem, horum Otho filius ; cuius auctorem nomen inditum suadet æuò illo mos receptissimus, quo de auctorum nominibus nepotes plerumque appellabantur.

CAPVT DECIMVMQVARTVM.

Tabula VI. familie de Marey in S. Bernardi paternam lineam insitæ per Mariam de Fontanis.

Pag. 617.

HÆc Tabula (vti & præcedentes, & quæ mox sequentur) ex autographis dumtaxat à me inspectis confecta est, nullâ prorsus ratione habitâ Recensionis illius, de cuius dubiâ fide suprà monuimus. Mariam de Fontanis præfert in fronte, uxorem Guillelmi de Marey, per quam in plerasque Burgundiæ illustres familias paternæ S. Bernardi linea deriuata est : & huius Mariæ filius Bernardus de Marey, de S. Bernardi dæmo ac stirpe originem se traxisse gloriatus est.

1. *MARIA de Fontanis, Richardi Fontanensis Domini, & Philippæ de Sauz filia heres : uxor GVILLELMI de Marey ex anno vt minimum 1391, duos ei filios, & tres filias genuit. Horum hæc est series. pag. 600. num. 39. & 42. pag. 601. num. 50. pag. 602. num. 51. 52. 53. pag. 603. num. 55. pag. 615.*

2. *ALEXANDER de Marey primogenitus. Vxor MARGARETA de la Plethiere pag. 602. num. 52. 53. pag. 603. num. 54. 55. pag. 604. num. 59. pag. 605. num. 63.*

3. *BERNARDVS de Marey. Vxor ALAIS Perron. pag. 527. 528. 529. 602. num. 52. 53. pag. 603. num. 55. pag. 604. num. 56. 58. 59. pag. 605. num. 63.*

4. *AMOTA de Marey, uxor ANTONII de Saigny, de quorum*

- posteris erit. *Tabula sequens. pag. 602. num. 53. pag. 603. num. 55. pag. 604. num. 59. pag. 605. num. 60.*
2. *PETRENOTA, seu Petronilla de Marey, uxor IOHANNIS de Chauanges Scutiferi. pag. 602. num. 53. pag. 603. num. 55.*
2. *ODOTA de Marey, uxor IOHANNIS de Champlise, Domini de Vonges pag. 602. num. 53. pag. 603. num. 55.*
-
3. *ODO. pag. 603. num. IOHANNES pag. HVGVETA. pag. 55. 603. num. 55. 603. num. 55.*

Hæc familia de Marey sicut Dominorum Fontanensium stirpem latè propagauit, ita Fontanensem ipsam toparchiam ad externos transmisit. Etenim Alexander de Marey primogenitus, primarium ius suum in prædium illud nobile vniuersum, & insuper proprii dominiij quartam suam partem, Iohanni Rolin Cabilonensi Episcopo vendidit anno 1434. quingentorum sexaginta quatuor Francorum pretio. Deinde Bernardus de Marey, frater Alexandri, anno 1462. vi morbi ad extrema redactus, quartam suam partem de dominio castri Fontanensis cum omnibus adiunctis, Abbati Humberto & monasterio Cisterciensi donodedit cui largitioni Dux burgûdiæ cum assensum suum denegasset; ne scilicet feudum nobile in manum mortuam (vt loquuntur) deueniret; ea Fontanarum quarta pars à Cisterciensibus quadringentarum librarum Turonensium summâ vendita est: & quidem eidem ipsi (vt videtur) Cabilonensi Episcopo Iohanni Rolin; cum certum sit, dominiij Fontanarum medieta-tem postmodum à Margaritâ Rolin cognominis Episcopi consanguineâ, ad Mariam Chambellan, Guidonis de Rupeforti, Franciæ Cancellarij coniugem peruenisse. Exinde Fontanarum saltem ex parte Dominos reperimus

Pag. 608
num. 87.

Pag. 606.
num. 65.
pag. 608.
num. 80.
pag. 611.
num. 100.
101. pag.
612. num.
104.

Petrum *de Saigny*, Otheninum *de Cleron*, Humbertum *de Rupeforti*, Guillelmum *de Damas*, & Ioachimum *de Damas*. Verum quia per alias quoque manus versata est ea ditio, & hodieque (ut audio) in contentione est, omnes eius in solidum vel ex parte possessores, seu præsumptos, seu legitimos persensere meum esse non putavi: præsertim cum ad S. Bernardi genus nunc ista nullo modo pertineant.

CAPVT DECIMVMQVINTVM.

Tabula VII. familia de Sagniaco in Fontanensem insita per Amiotam de Marey, filiam Maria de Fontanis.

Pag. 564.

Sagniaci, seu Saigneyi, & ab eo loco nuncupatorum Nobilium virorum frequens est mentio in tabulis Fonteneti. Ibi ad annum 1282. refertur HVO de Sagneyo quamdam vineam suam, de consensu maritæ coniugis Fontenetenſibus certo pretio concessisse. Falluntur qui Huonis & Hugonis confundunt nomina, quæ distinxit superior ætas: unde in autographo S. Stephani Diuionensis, quod publici iuris fecimus, Hugonis bouins militis de Virgeio, & eius vxoris Engeluidis recensentur filij *Petrus clericus*, *Hugo dictus Bouins*, & *Huo*. Eiusdem familiæ & appellationis alius quidam (nempè HVO de Saigneyo) sequente sæculo, amissâ coniuge Isabellâ de *Blaisey*, & Philiberto ex eâ suscepto filio, Isabellam alteram ex familiâ de Saffris sibi despondit anno 1382: natuſque ex hoc coniugio Antonius de Saigneyo, Amyotam de Marey vxorem habuit, mariâ de Fontanis matre genitam. Hic nexus clarissimarum familiarum Sagniacensis & Saffrensis cum Fontanensi. Et de Saffrensi quidē proximè sequēs Tabula plura exponet, nunc de Sagniacensi pauca.

HVO de Saigny. Vxor eius secunda ISABELLA de Saffris ex
anno 1382. pag. 599. num. 38. pag. 600. num. 41. 44. 45. pag.
601. num. 47. 48. 49.

ANTONIUS de Saigny. Vxor AMIOTA CATHARINA, vxor
de Marey, filia Guillelmi de Marey, HVGONINI de la Per-
& Maria de Fontanis. pag. 602. num. tiere. pag. 601. num. 46.
53. pag. 603. num. 15. pag. 604. num. 47.
57. 59. pag. 605. num. 60. Secundam
uxorem duxit CATHARINAM de Mon-
scheligarde, ex qua nullos liberos tulit.

PETRVS eius	IOHANNES.	ANNA	IOHAN-	MARIA
coniux ROLI-	pag. 604. nu.	uxor BER-	NA, vxor	uxor
NA de Choi-	59. 60. 61.	NARDI de	GAVFRE-	Stephani
seul. pag. 604.		Bruillart.	DI de	de Ruf-
num. 59. 60. 61. pag. 606.	pag. 605.	Bruillart.	sey. pag.	
num. 64. 65. pag. 607. num.	num. 59. 60.	pag. 605.	605. nu.	
69. 70. 71. pag. 608. num. 77.	61. pag.	num. 59.	59. 60.	
	606. num.	60. 61.	1. 62.	
	66.			

MARIA ANNA vxor	IOHANNA ma-	CATHARINA de
uxor OTH-	ior, coniux G I-	Ruffey, vxor PE-
ENINI de de S. Banf-	RANDI de Cap-	TRI de Coublans,
Cleron, de senem, Do-	pis. pag. 607. nu.	filij Guillelmi de
quibus in mini d'Ymon-	72. pag. 609. nu.	Coublans Domini de
Tabulâ IX. nulle. pag.	84. 87.	Bouffenois. pag. 605.
607. num. 73.		num. 62. pag. 609.
		num. 85.

JOHANNA minor Abba-
tissa Puteiorbis ex anno
1504. pag. 609. num. 83.
MARGARITA, & GVIL-
LETA, moniales de Tri-
senon. pag. 607. num. 75.

IACOBVS. IOHANNES. CATHARI-
NA. pag. 609. nu. 84.

CAPVT DECIMVMSEXTVM.

Tabula VIII. familie de Saffris, desinens in Isabellâ Huonis de Saigneyo vxore.

QVoniam hodie hæc maximè familia, de S. Bernardi consanguinitate gloriatur, cuius & generosos animos egregiè refert; hac Tabulâ antiquum eius splendorem aperire consilium fuit; à primo (quod quidem nobis innotuit) eius capite iniens, finiensque in Isabellâ, quæ masculorum heredum ad se vsque tractatam seriem intercepit.

A Saffris, vel à Saffrà promiscuè in antiquis nuncupatur: cuius nominis quia sunt apud Burgundos nonnulli accipitres, qui & in Saffrensiū genilitio emblemate quinario numero videntur depicti; suspicio est, hæc esse de genere vocalium insignium (vulgò *Armes parlantes*); qualia norunt faciales ac genealogi non paucis familijs perquam illustribus conuenire. In diplomate Henrici Æduensis Episcopi, ad annum 1154. memoratur *Robertus Saffredus*, Abba quoque frater eius; necnon *Stephanus*, *Iohannes*, & *Galterus Sineterrâ*, eorum liberi; quorum quia obscura est connexio cum ARVEIO Comitissa marito, quem sequens Tabula primum exhibet, ideo à nobis consultò sunt prætermissi.

HERVEYS, qui & *Arucus*, & *Heruerius*, de Saffrà seu de Saffris, circâ annum 1185. Vxor eius *COMITISSA*; quam scilicet Comitissæ alicuius viduam, opinamur Herueo secundis nuptijs adhasisse. Sed huius Comitissæ neque nomen; neque genus produnt tabulæ. pag. 516. 517.

HERVVS II. obijt in reditu de marinis parti- *GALTERVS* pag. bus, anno 1249. Vxor eius *GILLA*. pag. 485. 517, 436. 516 517. 525. 592. num. 1. 2. 3. 4.

GVIDO. Vxor ALVIZ HERVEVS III. HVGO, IOHANNES
de Tiengcs. pag. 486. pag. 592. num. p. 592. Dominus de Cā-
pag. 592. num. 1. 3. 3 p. 593. nu. 6. num. 3. porainaudi.

HERVEVS IV. Vxor BEA- STEPHANVS. pag. Vxor Marga-
TRIX de Buxeriā pag. 593. 593. num. 8. 9. rita pag. 592.
num. 8. 9. pag. 594. num. num. 3. 4. pag.
14. 17. pag. 191. num. 20. 593. num. 5.
pag. 598. num. 32. STEPHANVS.
p. 591. num. 3.

GVIDO. pag. HELVIS primò nu- IOHANNES HERVEVS V.
594. nu. 17. 1a Iohannide Mu- Decanus Lin- Canonicus Lin-
pag. 595. xcio; secundò Io- gonensis. pag. gonensis. pag.
num. 20. 22. hanni de Valle Ol- 594. num. 17. p. 594. nu. 17.
pag. 598. ligniaci. pag. 594. pag. 595. nu. p. 595. num. 20.
num. 32. num. 17. pag. 595. 20. 22. pag. 22 pag. 598.
num. 20. pag. 598. 597. num. 30. num. 32.
num. 32. pag. 598. n. 32.

HERVEVS VI. IOHANNES CA- SIMON MARGARITA, &
Vxor prima IO- nonicus Lingo- pa. 595. AALYS moniales
HANNA de nensis. pag. 595. num. 20. de Rubecmonte.
Cascolo, secun- num. 20, 22. pa. 22. pag. BEATRIX & IO-
da AALYS de 596. num. 24. 597. nu. HANNET Amonia-
Giffeyo. Miles pag. 597. num. 28. 30. les de Polongeyo. pa.
fuit Ierosolymi- 28. 30. pag. 599. 357. num. 28.
tanus, p. 595. num. 35.
num. 20. 21. 23
pag. 596. num.
24. 25. pag.
597. num. 30.

EX I. VXOR.	JOHANNES Miles Ie-	AALTS, &	G VILLE LMA.
	rosolymitanus. Vxor	IOHANNE-	HVGOTA vxor
	AALTS de Blado. p.	TA moniales	Huguenini de
	597. num. 28. 29. 30. 31	de Pralon. p.	Varennis pag.
	pag. 598. n. 32. 33. p.	597. num. 28.	599. num. 33.
	599. num. 36.		37.

PHILIBERTVS, pag.
599. num. 38.

JSABELLA, de quâ vide
Tabulam VII.

Vnum te (mi Lector) hic monitum volo, in autographis, ex quibus hanc Dynastarum Saffrensiū Tabulam ferè à quingentis retrò annis deduximus, ne vnā quidem Fontanarum, aut Dominorum Fontanensium reperiri mentonem : cū tamen constent hæc autographa testaments, pactionibus matrimoniorum, bonorum partitionibus, & alijs idgenus scriptis in quibus Saffrensis familiæ possessiones, fundos, iura, dotes, aliaque rem eius spectantia passim recenferi necesse fuit. Hoc, inquam, te monco, vt vel hinc intelligas quā parum fidei mereatur Recensio illa Tabularum Saffrensiū, cuius excerpta quædam à paginâ 585. tibi exhibuimus : cū in eā frequentes occurrant qui Saffrarum simul, & Fontanarum Domini fuisse affirmantur. Negare tamen omnino non ausim, quin prioribus sæculis nonnulli utrâque simul toparchiâ potit sint, propter vtriusque familiæ insignium similitudinem. Aues enim prætulerunt in scuto gentilitio Saffrenses æquè ac Fontanenses Domini. Sed quia (vt iam monuimus) Saffrensis vocalis est hæc tessera, quæ familiam per aues cognomines designat, videtur illis primigenia, & apud illos nata. Quare, sicut Kalo de Sauz, Dominus de Fonranis, abiecto Leone au-

reo in parmâ ceruleâ (qui Dominorû *de Sauz* insigne proprium est) aues præfert in tumulto tanquam Fontanarum Dominus: sic & videri possunt deriuati à Saffrensisibus Fontanêses Domini, eò quòd à Saffrêsisibus acceptas aues, scutis suis impresserint. Sed ista coniecturis adscribi cupio, non certo argumento demonstratis propositionibus. Reliqua prosequamur.

CAPVT DECIMVM SEPTIMVM.

Tabula IX. familie de Cleron, cui Fontanensis per Sagniacensem & Saffrensem inserta hodiè que superest.

A Metropoli Sequanorum Vesontione tribus fere horarijs leucis, Ornacum inter & Quingeyum, Castellum est vulgò *Cleron*, cum ei appposito vico cognomine, à quo vetustæ & prænobili familiæ factum nomen. Hinc ortus OTHENINVS patre Simone *de Cleron*, matre Iohannâ de domprey, MARIAM de Sagniaco & de Saffris (quæ Mariæ de Fontanis erat proneptis) fortitus coniugem, posteros ex eâ reliquit, per quos ad nostram vsque ætatem, S. Bernardi paternum genus propagatum est. Inciderunt Mariæ Sagniacensis cum Othenino nuptiæ in annum Christi 1487: quo ex tempore, anno nimirum 1494, Petri *de Saigny* foceri sui scriptus est cum coniuge heres ex asse Exinde, nempe anno sæculari 1500, à Ludouico XII. Francorum Rege donatus est regni indigenarum prærogatiuâ: per quam homo externus non Saffrarum modò, sed & Fontanarum ex parte, & ditioris totius Sagniacensis, Grinioni proximæ quietus possessor fuit. Adhuc superstes erat Decembri anni 1533, & viuit etiamnum in posteris, quorum seriem exhibet

Tabula sequens.

SIMON de Clerone. Vxor IOHANNA de Dompney. pag.
608. num. 78. pag. 609. num. 86.

OTHEINVS. Vxor SIMON Abbas Mon- *IOHANNES Camni-*
MARIA de Saigny cibenediti, & Gol- *cui Bisontinus. pag.*
pag. 606. num. 67. lia. pag. 608. num. 78. 608. num. 78. pag.
68. pag. 607. num. CLAVDIVS Domi- *609. num. 86.*
74. 75. pag. 608. nu- *nus de Scay. pag.*
78. 79. 80. 81. pag. *608. num. 78. pag.*
609. nu. 84. 85. 86. 609. num. 86. 609. num. 86.
pag. 610. num. 88.
89. 90.

CLAVDIVS. GVIDO. Vxor IOHANNES. CHRISTIANA vxor
pag. 610. nu. PHILIBER- pag. 610. nu. IOACHIM I Du-
88. 89. 90. TA de Mol- 88. Bois, Domini de Po-
fy. pag. 610. BARBARA, fanges. pag. 610. nu.
num. 88. 89. vxor PETRI 89. pag. 611. nu. 98.
90. 91. 92. 93. de Mōigny. ANTONIA, vxor
94. pag. 910. nu. IOHANNIS de Co-
88. 91. lombier p. 610. n. 92.

ARVERVS. p. IOACHIMVS. Vxor FRAN- BERNARDA vxor
611. nu. 96. 98. CISCA de Pracontal pag. FRANCISCI de
611. num. 95. 96. 97. 98. 99. Pontescisso p. 610.
num. 9.

ANTONIVS. Vxor ANNA vxor JACOBI
PHILIBERTA de de Chenu. pag. 610.
Damas. pag. 611. num. 103.
num. 102.

CLAVDIVS, cuius prima vxor GABRIELLA dauion ex anno
1620: secunda MARGARETA de Changy Rossillon ex anno
1632. pag. 612. num. 106. 107.

Huic Claudio nunc sexagenario maiori, suscepta utroque ex coniugio proles multiplex, generosa indole maiores suos egregie refert: seseque morum integritate pariter ac suauitate, s. Bernardo consanguineo dignam probat.

CAPVT DECIMVMOCTAVVM.

Opinio de S. Bernardi gentilitio symbolo.

In scuto nigro baltheus, argenti (sive auri, ut nonnullis placet) & coccini ductu gemino tessellatus, qualem hic utcumque depictum vides, plerisque censetur ipsum S. Bernardi gentilitium insigne.



Hoc illi appingit Hermannus schedel in Chronico Chronicorū: hoc praeferūt quamplurimae Sancti eiusdem pictae fictaeque imagines, etiam antiquae: immò id ipsum spectare est non vno loco in Clareuallensis monasterij structuris, nouis aequè ac vetustioribus, ut haud vanà fide, ipso adhuc agente in viuis Bernardo, sacrae eius domus parietibus insculptum existimetur. Edmundus de Cruce, creatus Abbas Cisterciensis ex anno 1584, scuto

suo ex domesticis & Cistercij insignibus quadripertito ; medijs quadrantibus baltheum illum tessellatum imponi voluit ; S. Bernardi nimirum intuitu , cuius ad sacras exuias in Claraualle & sumpserat religionis habitum , & professionem fecerat. Hodièque mos inualuit , vt Ordinibus eiusdem Abbates ex monachis Clarauallis , vel qui Clarauallis (vt loquuntur) filiabus præsunt , hoc est , monasterijs è Clareuallensi propagatis , baltheum eundem , sicut in S. Bernardum venerationis indicem symbolicis suis stemmatibus intexant.

Quæ quidem Clareuallensium in sanctissimum suum Patriarcham religio non potest mihi non probari ; quippe cui fulciendæ satis esse possit pia opinio (& illa certè minimè imprudens) quòd ad illum eique vnice dilectam domum Clareuallensem ea insignia aliquo saltem modo pertineant. At Gallix Purpuratæ auctori Petro Frizon ægrè assentior , qui Petro de Fontanis , sub Calixto Papâ II. tituli S. Marcelli Presbytero Cardinali , velut S. Bernardi consanguineo idem stemma appingit. Priùs enim probandum illi fuerat , & id esse S. Bernardi gentilitium insigne ; & ex Fontanis in pomærio Diuionensi ortum esse Petrum illum Cardinalem , non ex aliâ eiusdem nominis familiâ , quas esse in Gallijs quamplurimas certò scimus. Frizoni indulserim libentiùs quòd Martino S. Stephani in Cœlio monte , quòd Stephano Prænestino , quòd Bernardo SS. Cosmæ & Damiani , quòd Henrico Albanensi , quòd Petro de Bar , S. Marcelli , Cardinalibus è Claraualle assumptis idem stemma adscripsit ; quanquàm prudentiùs à Ciaconio , Cabrerâ & Viêtorello in Pontificum & Cardinalium Vitis prætermissum.

Ceterum ne baltheum illum, S. Bernardi tesseram gentilitiam existimem facit ratio triplex. Prima, quod illius auro vix vlla fuisse putem eiusmodi stemmata, nisi fortè virorum Principum, aut Militum cum in armis essent, eaque non toti familiae communia, sed personalia ac propria, quibus à se invicem in expeditionibus distinguerentur: qualia certè nulla suspicari licet in Bernardo litterarum studijs à pueritiâ addicto, & parentum curis ad ecclesiasticas dignitates destinato. Nam (vt eruditis notum est) quæ nunc sunt gentilitiorum symbolorum leges, recentius emergere. Altera, quod nemo prudens sibi persuadeat, Bernardum mundi contemptu tam illustrem virum, qui totâ sæculi calcatâ vanitate in auios silvarum recessus sese abdiderat, sustinere potuisse vt sui generis splendorem, eremi suæ parietes loquerentur. Verum, inquires, id curarunt posterius ipso iam ad Superos translato. Itane vero? Tunc ignoras, non veteri tantum, sed etiam nouo monasterio exstruendo Bernardum præfuisse? in hoc translata priorum ascetarum demortuorum ossa, quinquennio ante illius obitum, anno Christi 1148, cum in ipsâ Claraualle S. Malachias Hiberniæ Primas animam ageret?

Sed esto: id curarint posterius quod Bernardus neglexisset. Hi porro Bernardo aut æquales aut suppare, quo tandem fato sic hallucinati sunt, vt hoc ei tribuerent quod ad eum nullo modo spectaret? Vix habuit ille (vt dixi) vel propria, vel familiaria insignia: ac si quæ habuit, quomodo non ea ad Dominorum Fontanensium sequentem seriem propagata sunt? Ecce KALO Dominus de Fontanis anno 1270. vitâ functus, in saxco tumulo scutum gestat

zonâ inscriptum in medio , tribus auiculis in summo : his addunt IOHANNES de Fôtanis, & GILETVS eius filius duas aues in imo scuto , vt in summâ sint quinque. Quiescit KALO in Bonaualle subtus Talentum; IOHANNES & GILETVS in æde Franciscanorum Diuionensium , defuncti alter post alterum haud procul anno 1300. En illorum quæ supersunt insignia.

S T E M M A

*Kalovis Domini
de Fontanis.*



*Iohannis & Gileti
de Fontanis.*



Nostra est igitur sententia , baltheum duplici lineâ tessellatum , insigne esse HVGONIS Trecensis Comitis , Clareuallensis abbatiæ primi fundatoris : quod à Bernardo Abbate ad perpetuam acceptorum benefactorum memoriam , sacra illius domus impressum parietibus , pia posteritas ipsi sanctissimo Abbati suo adscripserit. Rem totam , quia non levis momenti est , propius inspiciamus.

CAPVT DECIMVMNONVM,

Hugo Trecensis Comes, Clareuallensis monasterij fundator primus. Locus ipse longè ante Cisterciensis Colonia aduentum, Clarauallis vulgò dictus.

Nobilium ædium fundatores ad sempiternam memoriam aut inscriptione aliquâ, aut expressis eorum imaginibus, vel saltem symbolis atque insignibus designare, non Romanorum modò, aut Græcorum, sed & cæterarum ferè gentium mos fuit receptissimus. De Clataualle, omnium (penè dixi) totius orbis monasteriorum clarissimâ idipsum prouum est accipere. Quocircâ qui aliquot eius membris ab antiquo impressus apparet tessellatus baltheus, non nisi ad fundatorem referri potest. Quis porrò hic fundator fuerit, qui rerum Cisterciensium scriptoribus omnibus ignotus hætenus fuit, nunc à nobis accipe.

Clareuallis foundationem Theobaldo Campaniæ Comiti videtur adscribere Claudius Robertus in Galliâ Christianâ; *translationem cum fundatione confundens*, ut benè monet Angelus Manrique in Annalibus Cisterciensibus anno 1115. cap. 1. num. 43 conditam tamen Claramuallem ipse asserens, *incerto fundatore*. Nobis tamen nunc incertus non est, quem indicante Reuerendissimo Abbate cognouimus Trecensem Comitem HYGONEM. Tabulas foundationis descripsimus pag. 513. quibus dare se profitetur Deo, & Beata Mariæ, & fratribus *Clareuallis, locum ipsum qui vocatur Clarauallis, cum pertinentijs, agris, pratis, vineis, siluis, & aquis; nihil omnino (inquit) mihi, aut hereditibus meis retinens*. Nam si fundator est qui exstruendæ ecclesiæ fundum tribuit, ut passim docent Iurisperiti,

Pag. 511.

multò potius HUGO fundator censendus est, qui non modò fundum concessit ædificando Clareuallensi monasterio, sed etiam fructuosos fundos complures alendis in perpetuum eius asceterij monachis assignauit. Quare, meritò ad illum S. Bernardus Epistolâ xxxi. *Quid enim? (inquit) Possumusne obliuisci antiqui amoris, & beneficiorum quæ domui nostræ tam largiter contulisti? Vtinam ipse pro cuius amore fecisti, in æternum non obliuiscatur Deus. Nam nos, quantum in nobis est, minimè prorsus ingrati, memoriam abundantie suauitatis tuæ mente retinemus: & si liceret, opere monstraremus.*

Exstant sanè Principis huius viri (qui denique, ut ait ibidem Bernardus, ex *Comite Miles, & pauper ex diuite* effectus est) religionis ac munificentie erga Ecclesias præclara monumenta: præsertim erga Trecensem in Promptuario Nicolai Camuzati, & erga Molisimensem, atque Arremarensensem pag. 507. 514. 515. 516. 537. præmissarum Probationum.

Disce interim ex HUGONIS tabulis pro Clareuallensibus, minimè natum esse Claræuallis nomen ex horum in eam Vallem primo aduentu, quod recentioribus nonnullis placuisse video; sed iam tum eam vulgò nuncupari solitam Claramuallem, cum ipsis ab Hugone attributa est. Quod & perspicuum facit Guillelmus Abbas lib. 1. de Vita S. Bernardi, cap. 5. Cum enim ibi ait Claramuallem, dictam fuisse *antiquitus* Vallem absinthialem, vel eo satùs admonet, tum cum in eam Bernardus cum socijs coloniam duxit, iam pridem abolito Vallis absinthialis nomine, Claramuallem vulgò fuisse appellatam.

Cum igitur nobis constet, fundatorem esse domus
Clareuallensis

Clareuallensis Trecentem Comitem Hugonem : nec minùs certum sit, fulgere solita fundatorum insignibus portarum fastigia, fumariorum loricas, aliàsque ædium partes spectatissimas ; vel hinc licet colligere, Hugoni Comiti pro symbolo fuisse tessellatam illam fasciam diagonalem, Clareuallensibus structuris illigatam, quam S. Bernardi stemma gentilitium non pauci arbitrati sunt. Nec ideò tamen damnauerim piam eorum consuetudinem, qui eam fasciam pro quodam tam sancti viri monumento habent. Verè enim illa ad S. Bernardum pertinuit, quòd eam ipse sui erga Comitem Hugonem grati animi testimonium esse voluit, ac domui suæ Clareuallensi quasi tesseram impressit, quam omnes venerarentur siue eius alumni, siue filiarum filij : & in quâ vnâ tum matrem communem Claramuallem, tum etiam Bernardum communem institutorem parentemque agnoscerent.

Video quid hic opponi possit ; alia nimirum esse veterum Campaniæ Comitum gentilitia symbola : in parmâ cæruleâ baltheum argenteum, geminatis hinc inde æniolis aureis, tredecies ex aduerso alternatim patibulatis. Adhæc nunquam alibi apparere tessellatum illum baltheum pro Hugonis Comitis insigni. Sed nos non mouent ista, quibus constat ex annotatis paginâ 578, primum ex Campaniæ Comitibus Henricum cognomento Largum, patibulata illa quæ diximus insignia cum puro Baltheo argenteo gestasse. Præterea ante Henricum Largum diuersa fuisse Trecentibus seu Campaniæ Comitibus symbola, & singulis propria ferè singula. De baltheo tessellato fateor, nec illum, sed nec aliud quidquam spectari in Hugonis Comitis sigillis, quæ & in Claramualle, & in aliarum

præsertim Trecensium Ecclesiarum archiuis exstant
 quamplurima: nam in ijs expressus Comes in equo, sic
 scutum obliquat ut nihil in eo videri possit. Mihi satis est,
 proprium Hugonis Comitis symbolum hoc indicio de-
 prehendisse, quòd certissimè Clareuallensis monasterij
 primus fundator fuit: quòd baltheus tessellatus ad S. Ber-
 nardi familiam non pertinuit: quòd denique tot Claræ-
 uallis adium spectatissimis locis ab antiquo impressus,
 alium quemquam à fundatore spectasse nec potuit, nec
 debuit.

CAPVT VICESIMVM.

Annus & mensis fundatae Claraualis.

Pag. 505. **M**ihi dubium non est, quin anno Christi Dionysiano
 1114. mense Iunio inierit monasterium Clareual-
 lense: nam cœpit anni eiusdem mense Iulio, vndeci-
 mâ diē mensis, Morimundensis minor natu filia;
 quippe inter Cistercij filias numero quarta, cūm
 tertia ex ordine natalium censeatur Claraualis; His adde
 auctorem Chronici S. Mariani Autissiodorensis, qui hæc
 habet ad annum Christi 1114. *Eodem anno Claraualis fun-
 data est, cuius primus Abbas exstitit seruus Dei Bernardus, vir
 opinatissimæ sanctitatis præclarus; per quem sui temporis Ec-
 clesia in antiquum religionis decus restoruit.* Huius Chronici
 Collectanea edidit Trecis anno 1609. Nicolaus Camu-
 zat vir reuerendus, & de re publicâ litterariâ optimè me-
 ritus: edidit autem ex codice Pontiniacensi vsque ad an-
 num 1199. inclusiue; reliqua vsque ad annum 1217. ex
 codice Petauiano: monetque in dedicatoriâ, videri sibi
 auctorem eius operis Robertum vsque ad finem anni 1210,
 cui subscriptum est; *Hucusque perduxit Chronica sua frater*

Robertus : inde verò vsque ad finem, annumque Christi 1217. Hugonem eiusdem cœnobij S. Mariani Autissiodorensis Præmonstratensem monachum. At ego legi his oculis, in fronte antiqui ipsius codicis qui apud S. marianum asseruatur; *Incipit Prologus Magistri Hugonis in Chronicis suis*. Quo persuasus sum, huic Chronico non alium ab Hugone quærendum auctorem, qui milonis Abbatis sui iussu, ad annum vsque 1203. (in quo desinit) illud perduxerit : & cui postmodum appendicem adiecerit Robertus vsque ad annum 1210; inde anonymus quæ supersunt vsque ad finem, & annum 1217. Optandum esset vt integrum hoc opus, & suis omnibus absolutum numeris in publicum prodiret. Ex eo interim hîc obiter accipe, quæ de S. Bernardo scripsit ad annum 1153. Eodem anno dilectus Domini Bernardus, Clareuallensis cœnobij primus Abbas, aliorum quoque amplius quàm centum sexaginta monasteriorum pater, consummatis feliciter vitæ suæ diebus, & annis circiter sexaginta tribus expletis, XIII. Kalendas Septembris, inter filiorum manus obdormiuit in Christo: & ex illâ suâ Claraualle ascendit in montem claritatis æternæ. Sepultus est ante altare Beatissima Virginis Matris: ipsoque in tumulo, pectori eius superposita est capsula reliquias continens Beati Thaddæi Apostoli, quas eodem anno ab Ierosolymâ sibi missas, suo iusserat corpori superponi. De ipso sequentes versus scripti sunt.

Sunt clare valles, sed claris vallibus Abbas

Clarior, his clarum nomen in Orbe dedit.

Clarus auis, clarus meritis, & clarus honore,

Claruit eloquio, religione magis.

Clarâque mors, clarisq; cinis, clarumque sepulcrum,

PPPP ij

His tamen quæ de fundatâ anno 1114. Claraualle præmissus, obstant monumenta quædam Clareuallensia: primùm antiqui versus,

*Annus millenus ter quinis connumeratur,
Necnon centenus, vir sanctus quando creatur
Abbas.*

Deinde tabella S. Bernardi tumulo appensa, in quâ legitur; Anno Domini millesimo centesimo decimoquinto, in mense Iunio, missus fuit (S. Bernardus) cum fratribus germanis, & conuentu suo, ad locum istum qui nunc vocatur Claraualle: antea autem Vallis absinthialis dicebatur. Verùm, nisi me coniectura fallit, indicant versus illi consecrationem S. Bernardi in Abbatem, per manus Guillelmi de Campellis Catalaunensis Episcopi: quæ ante annum Christi 1115. facta esse vix potuit; cùm ante illam in Claraualle statuendæ essent, ac struendæ nouis hospitibus sedes. Quare, à primo eorum in Claramuallem aduentu, quod in anni 1114. Iunium incidit, monasterij foundationem adnotarunt Morimundensis & Autissiodorensis chronographi: Clareuallenses ab inauguratione Abbatis.

Supereft difficultas ex verbis Guillelmi Abbatis Lib. 1. de Vitâ S. Bernardi, cap. 7. Cùm inquit, missus nouiter Claramuallem Bernardus, ordinandus esset in ministerium ad quod assumptus erat, & sedes Lingonensis vacaret ad quam ordinatio ipsa respiciebat: querentibus fratribus cui eum ducerent ordinandum, citò de primo se obtulit bona fama venerabilis Catalaunensium Episcopi, opinatissimi illius magistri Guillelmi de Campellis: illucque eum transmittendum esse diffinitum est: sicque factum est. Quomodò enim vacabat Sedes Lin-

gonensis anno 1115. cum locerannum constet, ex anno 1112. in 1125. Lingonensem fuisse Episcopum, ut ex

Pag. 505.

Chronico Benigniano retulimus ? Sed responsio in promptu est, vacasse tum Sedem Lingonensem improprie; non quod nullus tunc esset Lingonensis Episcopus, sed quod anno illo 1115. abesset ab episcopatu suos fortasse in itinere ad limina Apostolorum, vel ad Synodos aliquas, quæ frequentes illis ipsis temporibus à Guidone Viennensi, Apostolico per Gallias Legato cogebantur.

CAPVT VICESIMVM PRIMVM.

Quo tempore confecta sint tabula Hugonis Comitis Trecentis de fundatione Claraualis: tres eius professiones, ad sepulcrum Domini: tituli eius pro tempore diuersi.

CONstitutâ Claraualis fundatione in mense Iunio anni 1114, haud statim consequens est, eo ipso tempore datas esse illas tabulas, quibus Hugo Comes domum Clareuallensem fundatam à se collato fundo, ac dotatam esse testatus est. Ex quidem tabulæ (quod erat æuo illo vsitatissimum) nullam præferunt temporis notam, quamvis autographæ, & Hugonis Comitæ ac loceranni Lingonensis Episcopi sigillis munitæ. Neque verò ipso fundationis exordio datæ fuisse videntur, quia colligunt & confirmant donationes aliquot à viris Nobilibus Clarauallicis factas, quæ ad prima eius initia referri vix possunt. Sic enim Fontenetenensis abbatiæ fundatio continetur in tabulis Stephani Eduensis Episcopi, datis anno Christi 1136; cum tamen constet eam multò antè, & quidem (vt ferunt) anno 1118. fuisse fundatam ac deductam ex eâ coloniam in Septemfontes, etiam quadriennio ante annum 1136. Et nos eundem morem obseruauimus in ta-

Pag. 574.

bulis foundationum Morimundi, Albæripæ, & ferè aliarum domorum Cisterciensis Ordinis; in quibus donationes pro primâ earum fundatione olim factæ, multis post annis colliguntur in chartam vnâ, quæ Episcopi alicuius priuilegio, adhibito eius sigillo concluditur & confirmatur.

Id porro factum esse nominatim in Claraualle, persuadet Hugonis Comitis profectio prima Hierosolymitana anni 1113; ex quâ in suum Comitatum rediisse vix potuit anno illo 1114, cuius in mense Iunio primam Claraualis fundationem constituimus. Ter siquidem Hugonem Comitem Ierosolymamiter aggressum esse comperimus. Primum anno 1113. quo Arremarensis quidam beneficij contulit, *ad sepulcrum dominicum piâ deuotione profecturus*, vt leges paginâ 516. Iterum anno 1121, vel haud multò antè: nam anno 1122. vii. Idus Octobris, *secundâ vice* Ierosolymis reuersus (vt te docebit paginâ 569. 570. 571.) Arremarensis, eorumque Abbati Gualterio multa dona asseruit, quæ paulò ante discessum, apud Edûam ciuitatem, in festo Apostolorum Simonis & Iudæ eis contulerat. Priorem ex his duabus peregrinationem impedire conatus erat Episcopus Carnotensis Iuo, datâ ad Hugonem Comitem Epistolâ ccxlvii. quâ de onere debiti coniugalis eum admonuit: posteriori enim superstes non fuit.

Tertia denique, & vltima Hugonis profectio Ierosolymitana, in quâ & Templariorum religiosæ militiæ sese addixit, colligitur ex Epistolâ S. Bernardi XXXI; incertusque est eius annus. Illud constat, adhuc eum anno 1124. versatum esse in Gallijs: ait enim Sugerius in Vitâ

Ludouici Grossi, palatinum Comitem Theobaldum, cum auunculo nobili Trecensi Comite Hugonē, stetit à partibus Henrici Imperatoris aduersus Ludouicum Francorum Regem, in eo bello quod inter illos gestum est ante Domini Papæ Calixti decessum: post quod Imperator infra anni circulum ē viuis excessit. Obiit autem Calixtus II. anno 1124. XIII. Decembris; Imperator 1125. XXIII. Maij. Quare, obtinuit bellum illud æstatem ferē, & autumnum anni 1124; præsertim verò mensem Augustum ex Appendice ad Sigeberti Chronicon. Post hoc bellum, quod Hugoni Comiti haud prosperè cessit, nihil ab eo in Galij gestum reperi: ac ne in Concilio quidem Trecensi (quod anno 1127. aut 1128. celebratum est) vllam eius mentionem deprehendi: vnde iniecta mihi suspicio est, non diù post annum 1124. illum tertio Ierosolymam contendisse. Eò postremum discessurus (si fides habenda Petro pithœo) Comitatum suum Theobaldo fratris sui Stephani filio vendidit, Odonem filium exheredauit, & quam (Constantiā iam pridem ob consanguinitatem dimissā) secundam coniugem duxerat, grauidam reliquit: obijtque in partibus transmarinis die mensis Iunij XIV. Ad hanc certē diem notatum est eius Anniuersarium in Ecclesiā S. Lupi Trecensis. At in Necrologio S. Claudij adscriptum legi illius obitum ad XI. Kalendas Iulias. Vide pag. 539.

Pag. 536.

Nunc ad quæstionem propositam paucis respondeo, datas esse ab Hugone Comite tabulas de fundatā & dotatā Claraualle, post eius reditum à primā peregrinatione Ierosolymitanā, priusquā aggredetur secundam; ad eoque inter annum 1114; & 1121; sed quo præcisè anno,

incertum.

Pag. 538.
539.

De titulis diuersis quos pro tempore assumpsit Hugo Comes, notatu digna res est, eum primò nuncupatum Comitem Campaniæ (& in fundatione Cellæ Sermasiensis ad annum 1093.) cùm tantùm esset Barrensis ad Albam Comes. Sic enim & S. Simon eius auunculus, *Comes Campaniæ* scribitur in Necrologio Iurenfi, qui Barrensis dumtaxat ad Albam Comes fuerat. Hugo deinde, Trecensis Comes dictus est, cùm in eum honorem Odoni fratri successisset. Postmodùm Trecensem simul & Barrensem Comitem se appellauit, vt eum suprà fratrem Odonem aliquid esse intelligeretur. Ad vltimum, Comitibus Campaniæ titulum recepit; eo nomine vtrumque, hoc est, Trecensem ac Barrensem Comitatum complexus; sicque inscribitur S. Bernardi ad eum data epistola. Eripse auctor fuit successoribus, vt abolito post vnionem Trecensis & Barrensis Comitatum nomine, *Comites Campaniæ* nuncuparentur. Quare, in sensu duplici, pro tempore diuerso Comitibus Campaniæ appellatio vsurpata est: priùs quidem pro Comite Barri ad Albam; postmodùm (cùm ille Barrensis Comitatus Trecēsi adiectus esset) pro Comite simul Trecensi & Barrensi; quā ratione Hugo primùm, deinde Theobaldus cognomento Magnus, & eum secuti Campaniæ Comites nuncupati sunt.

CAPVT VICESIMVM SECVNDVM.

Quid factum Odone Campaniensi, Hugonis Trecensis Comitibus filio exherede: & quomodò ille Burgundiæ Comitum familiam consanguinitate attigerit.

Hugonem Trecensem seu Campaniæ inclytum Comitem, Clareuallensis monasterij primum fundatorem

torem propius spectant secunda vxor, & quem ex eâ suscepit, Odo filius, quàm baltheus tessellatus, quem ha-

pag. 130.
531. 532.
535. 516.
565. 572.

denus illi pro symbolo vindicauimus. Ideò de Odone corollarium hoc Appendici nostræ appendimus.

Odonem Hugo parens Comitatu suo priuauerat, siue quòd ad id honoris ac muneris minùs idoneum cum iudicaret ob teneram eius ætatem; siue quòd nondum fortasse illi natus esset; (trans mare enim abiens, grauidam vxorem reliquisse dicitur); siue denique quòd ad rem domesticam, ac præsertim ad transmarini itineris sumptus pecuniâ indigeret, quam à Theobaldo fratris Stephani filio, sui Comitatus pretium tulit. Quidam tamen vsuarij fundi, illi à patre fuisse attributum, colligi videtur ex tabulario Clareuallensi, in quo legimus quòd *Odo Campaniensis, & SIBYLLA vxor eius, laudauerunt totam elemosynam, quam Iosbertus de Firmitate, dederat fratribus de Claraualle.* Sapit enim ista Iosberti donorum confirmatio primariam clientelam, cuius in beneficio esset dominus Firmitatis ad Albam. Et solent regij iuuenes, huiusmodi primoris iuris clientelaribus prædijs à supremo Principe donari; vt habeant simul, & cui pareant, modesti sui status; & quibus imperent sanguinis prærogatiuâ. Neque verò hic intelligi potest Odo senior, Hugonis frater, adeoque Odonis huius (de quo agimus) iunioris patruus: nam priorem illum Odonem & in Trecentis Comitatus honore Hugoni fratri iuniori decessisse, & annò Christi 1097, longè ante fundatam Claramuallem, viuere iam desisse certis ex monumentis comperimus.

Eadem Odonis Campaniensis vxor Sibylla, memoratur in tabulis abbatix Accincti, siue de Aceyo, Cister-

cienſis Ordinis, Biſontinæ diœceſis, ad annum 1137.

Tamen aſpiraffe Odonem ad Trecenſem patris Comitatum aſſerit Robertus de Monte, continuator Sigeberti, ad annum Chriſti 1143. vbi hæc habet. *Ludouicus Rex Vitriacum caſtrum Comitis Theobaldi capit; Vbi igne ad-moto eccleſia incenſa, & in eâ mille trecenta anime diuerſi ſexus & etatis ſunt igne conſumptæ. Super quo Rex Ludouicus miſericordiâ motus ploraffe dicitur, & hac de cauſâ peregrinationem Hieroſolymitanam aggreſſus à quibuſdam eſtimatur. Caſtrum verò Odoni Campanienſi contulit, nepoti Comitis Theobaldi; qui patrimonium ab ipſo ſibi ereptum, per Regem Ludouicum hac occaſione recuperare voluit. Erat Odo Theobaldi patruelis; ille Hugonis natu minoris, hic Stephani maioris natu filius: ideo hic auctor Odonem Theobaldi nepotem dixit; ex æui illius plurimorum uſu; quod monuit Pithoëus. Auctor Chronici S. Petri Catalaunenſis (tomo 1. Bibliothecæ Labbei) ad annum 1142. incendium Vitriaci refert.*

Sed non diu Odoni profuit Theobaldi Comitis à Rege Ludouico diſſenſio: inter hos enim, ſequenti anno redintegrata pax eſt, conciliatore S. Bernardo, qui id euenturum quinto antè menſe prædixerat, vt refert Gaufridus lib. 4. de vitâ S. Bernardi, cap. 3. Igitur Odo abiectâ ſpe recipiendæ hereditatis, nec ſibi tutum ratus diutius in Campaniâ verſari, ad auunculos ſuos Rainaldum & Guillelmum Burgundiæ Comites transfugit. Natus enim erat Hugoni Trecenſi Comiti ex eorum ſore: quæ ſi *Lombarda*, ſeu *Longobarda* nuncupata eſt, vt ex quibuſdam Schedis Pithoëus notat; id proprium illius vel nomen, vel cognomen, non patriæ deſignatio fuit. Idcir-

cò Odonem Campaniensem leges in antiquis tabulis ,
nepotem Guillelmi Comitis , Beatricis Imperatricis *consan-* ^{Pag. 536}
guineum : Rainaldum porrò Comitem (qui pater fuit Bea-
 tricis) Odonis *auunculum*. Guillelmo vxor fuerat Pontia
 de Treuâ , Rainaldo Agatha Lotharinga: neutra Campa-
 niensem Odonem consanguinitate attigit; vt dubium non
 superfit , quin Odo eâ matre sit genitus , quæ Rainaldi &
 Guillelmi soror fuerit.

Disces quoque ex ijsdem tabulis , possedisse Odonem
 in Comitatu Burgundiæ , iure beneficiario ex dono Co-
 mitum , Campum Pagani iuxta Dolam , Quingiacum ,
 Lislam , Lobium , Portum , & Scanlint sine Chanlitum
 quod hodie Camplitum vocant. Filios illi ex coniuge
 Sibyllâ natos opinor Lodoicum , & Odonem patricog-
 nominem , qui anno Domini 1202. terram Ierosolymita-
 nam aditurus , mansum Aymonis *Grucel* apud Paygné,
 Bisfontinæ S. Stephani Ecclesiæ dedit. An ex his propaga- ^{Pag. 535.}
 tæ sint in Burgundiâ familiæ quædam nobiles , quas ex
 Comitibus Campaniæ deriuatas nonnulli asserunt , alijs
 discutiendum relinquo.

CAPVT VICESIMVM TERTIVM.

*Corollarium de Andrea Espissiensis , S. Bernardi consanguinei
 professione in Orientem aduersus Mahometanos.*

IAm portus in conspectu erat, iam iamque applicaturus,
 vela collegeram , cum ecce perferuntur ad me litteræ
 ab amico , humanissimo viro & claro in paucis genealo-
 go Domino Du Bouchet , quibus ad me mittebat locum
 insignem ex Chronico Alberici Triumfontium mona-

chi, quo S. Bernardi familiam illustrari putaret. Nec im-
 merito: erat enim Andreas de Espiffiâ (cuius ibi mentio)
 abnepos Rainardi Domini de Montebarro, qui S. Ber-
 nardi auunculus fuit; vt intelliges ex Tabula maternæ li-
 nex S. Bernardi, quam paginâ 941. & 942. duximus. Et
 eius focer, atque itineris comes ab Alberico memoratur
 Iohannes de Arceis, quem Iacobus de Vitriaco Acconen-
 sis Episcopus Libro 3. Historiæ Orientalis, & in Episto-
 lâ ad Lotharingos, *virum venerabilem, & valdè strenuum*
 dixit: captumque à barbaris asseruit, cum Andreâ gene-
 ro suo; quem tamen ad suos reducem, anno 1232. adhuc
 superfuisse ostendimus ex tabulis Fontenetenfibus, pagi-
 nâ 563. Sic ergo Albericus ad annum Christi 1219.

*Expeditionem autem Crucesignatorum, ad partes transma-
 rinâs conduxerunt hoc anno Archiepiscopus Mediolanensis Hen-
 ricus, & Galtberus Episcopus Eduensis, Petrus Parisiensis
 Episcopus cum fratre suo Galthero regio Cancellario: Milo Be-
 luacensis Electus, cum Andreâ fratre suo: Herueius Comes
 Niuernensis: Hugo Brunus de Marchâ Pictaviæ Comes cum
 Herueio de Uerzone: Comes Milo de Barro super Sequanam,
 cum filio suo Galthero; & cum IOHANNÉ de Arceis, cum fi-
 liastro suo ANDREA de Espiffiâ. Ex parte Ducis Burgundiæ
 defuncti, Guido de Tilio, Pontius de Granceio. Comes Renal-
 dus de Castro in Angliâ, cum Sauarico de Mallcone. Fuerunt
 etiam multi alij boni Milites, qui omnes cum multis Romanis
 ante Damietam venerunt: quorum circiter decem millia Sarrac-
 enis congressi, detrimentum passi sunt, & afflictionem sustinue-
 runt; multis de ipsis, & eorum collegio, aut captis, aut oc-
 cis, aut per se mortuis. Capti fuerunt de nostratibus Iohannes
 de Arceis, & Galterus Camerarius, & Milo Beluacensis Electus.*

Qui huic bello interfuit Iacobus de Vitriaco, libro illo
 3. Historiæ Orientalis, captos vel occisos insignes viros
 his plures recenset: & in Epistolâ ad Lotharingos, *AN-*
DREAM de Espeisse captis annumerat. Dissuaserat certè,
 sed frustra, congressus pro tempore illo cum Sarracenis
 ex diuino oraculo S. Franciscus ibi præsens, de cuius re-
 bus cum Soldano gestis, pauca Iacobus Vitriacus Episto-
 lâ illâ extremâ, plura S. Bonauentura in eius Vitâ cap. 9,
 & Marinus Sanutus in Secretis fidelium Crucis, Lib. 3.
 parte ii. cap. 7. & 8. Eò autem venerat S. Franciscus mar-
 tyrij ardens studio; quâ palmâ potius non est, ad labo-
 res alios Dei providentiâ eum reseruante: qui tamen si
 causam fuisset rogatus negatæ sibi à Deo martyrij coro-
 næ; illâ (vt opinor) indignum sese affirmasset: eodem
 spiritu quo Franciscus alter labente quarto exinde sæcu-
 lo, Xauerus (inquam) Indiarum & Iaponiæ Apostolus;
 qui cælo iam receptus, Marcello Mastrillo ex vltimis
 difficillimi morbi angustijs admirabiliter ad virium firmi-
 tatem repenti traducto, præiit hæc verba. *Aue lignum*
Crucis. Aue Crux pretiosissima. Me tibi totum dedico in per-
petuum: & oro suppliciter, vt gratiam fundendi pro te sangui-
nem, quam Indiarum Apostolus Franciscus Xauerus, post tot
exantlatos labores consequi non meruit, mihi licet indignissimo
largiaris. Huiusmodi sanctis viris ad extrema quæque
 mortemque ipsam anhelantibus si quis fortè obloquatur,
 multatque potius Græco more accinat πολυχεονίαι; re-
 ferent illi haud cunctanter cum Ignatio Antiocheno ad
 bestias properante; *Ignoscite. Quid mihi profit, ego scio.*

Epist. ad
 Romanos.

FINIS.

FACULTAS SUPERIORVM.

EGO Thomas le Blanc, Præpositus Prouincialis Societatis IESV in Prouinciâ Campaniæ, potestate ad hoc mihi factâ ab Admodum Reuerendo Patre nostro Generali Gosvino Nickel: & iuxta priuilegium eidem Societati concessum à Regibus Christianissimis, Henrico III. 10. Maij, 1583; Henrico IV. 20. Decembris 1606; Ludouico XIII. 14. Februarij, 1611; & Ludouico XIV. nunc regnante, 23. Decembris, 1650; quo omnibus regni sui Typographis prohibent, ne libros ab eiusdem Societatis hominibus conscriptos, absque Superiorum eius permissione imprimant; Permitto vt *Petri Francisci Chiffetij Societatis IESV Presbyteri Diatriba de illustri genere S. Bernardi Abbatis Clareuallensis, cum Appendice, à designatis ex eâdem Societate viris eruditis lecta & probata, typis excudatur. Necnon & Odonis de Diogilo septem libelli de Ludouici Iunioris professione in Orientem; Vita S. Bernardi auctore Iohanne Eremitâ; Herberti Turrium Sardinia Archiepiscopi de Miraculis libri tres; & alia quedam Opuscula, duodecimi post Christum seculi historiam spectantia, ex manuscriptis codicibus ab eodem eruta, & nonnullis Notis seu Prefationibus illustrata. Et quidem à Philiberto Chavance, Typographo regio, & Bibliopolâ Diuionensi, ad sex proximos annos. In quorum fidem has litteras manu nostrâ subscriptas, & sigillo nostro munitas dedimus, diuione xv. Iunij, 1658.*

THOMAS LE BLANC.

Locus sigilli.

INDEX.

A.

- A** ALAYS mater S. Bernardi.
 105. & seq. 409. 413.
430. 431. 520. 641. 643.
 Alays Theobaldi Campania
 Comitris filia, uxor tertia
 Ludonici Iunioris, mater Phi-
 lippi Augusti. 133. 149.
 Absalon Dacorum Archiepis-
 copus. 86.
 Acra recipitur à Christianis.
89.
 Adelheys ex Ducis à Lotha-
 ringia monialis Tartensis.
403. 446.
 Alanus Episcopus Autissodo-
 rensis. 83. 85.
 Alardus Abbas Triumphontium.
86.
 Alexander Abbas Cisterciensis.
289.
 Alexander III. Papa. 82. 83. 85.
94. 385.
 Alvernensis Comes. 84.
 Aluifus Episcopus Atrebatensis.
4. 17. 18. 21. 29.
 S. Ambrosianus. 109. 413. eius
 Vita 452. festus dies 457. re-
 liquia 458. 523.
 Amiradus. 61.
 Ancherus Episcopus Soranus, ac
 deinde Turritanus Archiepis-
 copus. 85.
 Andreas Dominus Baldementi.
145.
 Andronopolis. 23. 30.
 Angelorum apparitiones, & be-
 neficia varia. 148. 150. 202.
208. 249.
 Animarum apparitiones. 147.
150.
 Antiochia. 40. 48. 70. 72.
 Antiochia minor. 61.
 Apostata pana. 359.
 Aqua benedicta virtus. 392.
 Archembaldus Barbonensis. 21.
33. 74.
 Arnulfus Luxouienfis Episcopus.
17. 43.
 Ascelina virgo; cuius mater fuit
 S. Bernardi consanguinea. 87.
 S. Augustini quadam apparitio-
 nes. 215. 216. 325.

B.

 Balduinus Cantuariensis Ar-
 chiepiscopus. 88.
 Balduinus Dominus de Gnisâ.
301.
 Balduinus Pisanus Archiepisco-
 pus. 380.
 Bartholomæus Cancellarius. 21.
33. 43.

INDEX

- Bellagrana dua. 4. 22.
 Berlo Abbas Sanguiniacensis se
 tradit S. Bernardo cum XXX.
 abbatijs. 82.
 S. Bernardus Crucem pradicat.
12. 13. 81. 189. interest co-
 mitijs Stampensibus 14. cari-
 tate insignis. 82. eius canoni-
 zatio & elcunatio. 84. eius mi-
 raculorum liber diuinitus
 seruatus. 96. 98. confabula-
 tiones inanes vitat. 113. 114.
 mortuos suscitatur. 120. 124.
 antiphonam Salue regina
 ab Angelis acceptam indu-
 cit in usus Ecclesia per Euge-
 nium Papam. 121. sequester
 pacis inter Comites Viennen-
 sem & Forenssem. 122. pradi-
 cit futura. 122. 125. 126.
183. 270. 271. 172. damones
 ab obsessis fugat. 127. 118.
 demonem monachi nigri spe-
 cie sibi apparentem confutat.
129. Roma degens suos Cla-
 reuallenses ter in spiritu in-
 uisit. 274. surdum & mutum
sanat. 275. suspensiosam tor-
 tori creptum in Claraualle
 attondet. 276. orantem
 Christus crucifixus solutus à
 Cruce brachijs amplectitur.
283. precum instantia &
 gemitibus multos ad Deum
 conuertit. 280. apparet mul-
 tis. 179. 180. 227. 232. 285.
 300. 312. eius genus illustre.
395. & seq. usque ad finem
 libri.
 Bituricensis conuentus. 1. 3. 11.
 Bocca abbatis in Hungaria. 86.
 Bogaria. 4. 18. 21. 26.
 Boricius. 23. 24. 25. 26.
 Brudusium. 26. 39.
 Burlencuria abbatis. 85. 87.
 C.
 Cantamerula oppidum. 275.
 Cantus S. Bernardi. 84.
 Caritas in proximos Deo grata.
361.
 Carmen se Fontisebraldi mona-
 sterium in pago Sueffionensi. 315.
 Carrezeda monasterium. 118.
241.
 Carinsia Vallis S. Petri. 295.
 Castellionensis familia quā ra-
 tione ad S. Bernardum perti-
 neat. 614.
 Castitatis amor. 118. 119.
329. 131. 382.
 Centuplum à Christo promissum.
104.
 Christi apparitiones mirabiles.
176. 208. 213. 223. 224.
252. 256. 258. 259. 263.
264. 266.
 Cisterciensis Ordo tempore schis-
 matis stat ab Alexandro III.
 legitimo Papā. 83.
 Claraualis fundata tempus.
674. Sic dicta est ab antiquo
 ante fundatam abbatiam.
672.

671. *Eius Ecclesia dedicatio.* 350. 174. 185. 390. 391.
84.
Claves prioratum suorum red-
dere soliti Priores morti pro-
ximi. 151.
Clastrum monasterium in Epif-
copatu Treurense. 186.
Clementinum Pratum. 117. 118.
Cleronensis familia S. Bernar-
do consanguinea. 665.
Colloquium Imperatoris cum
Rege Francorum, 1187. *Yuo-*
dij. 88.
Concilium Lateranense sub
Alexandro Papâ III. 85.
Constabulus Iuo de Niellâ. 33.
Conradus Rex Alemannorû. 23.
Constantinopolis. 31. 36. 47.
Corporis genus quoddam beatis
mentibus attributum, usque
ad generalem resurrectionem,
339.
Cruce signatur Rex Ludouicus
Junior Vexeliaci, cum multo
populo. 12.
Crucis amatores viri sancti. 685.
Cumani. 32.

D.

Danubius. 24.
Demon verba inania & scurri-
lia scribit. 144.
Demonum illusiones varia. 128.
129. 141. 148. 154. 155. 170.
171. 181. 184. 185. 214.
215. 225. 226. 245. 246.
247. 248. 311. 319. 341.
Demetria. 57.
Diogilum agri Parisiensis vil-
la. 1.
Dominicâ die vacandum ab ope-
re serui. 393.
Dormitans in vigilijs, de choro
extrahitur. 341.
Ducum aliquot Burgundia an-
niuersaria. 429.
Durachium. 39.

E.

Eclipsis Solis anno 1147. VII. Kal.
Novembris. 5. 47. 78. 79. 80.
Edessa, qua & Robes. 1. 3.
Emelina virgo. 85.
Ephesus. 58.
Epitaphia, Ludouici Iunioris Re-
gis. 90. *S. Bernardi.* 91. *Hu-*
gonis ex Abbate Pontinnacen-
si Episcopi Antisthodorsis. 91.
Sugerij Abbatis. 92. *Theobal-*
di Campaniæ Comitis. 93.
Eugenij Papa III. 93. *Kalonis*
de Sauz, Domini de Fonta-
nis. 482. *Margarita de Vien-*
na, Domina de Sanz. 618.
ESKilus ex Danorum Archiepis-
copo monachus in Claraualle.
86.
Esphisia familia. 553. *& seq.* 580.
581. 635. 683.
Essevon castrum. 55.
Eucharistia miri effectus, & vi-
siones in eâ ostensa. 173. 217.

INDEX

219. 221. 112. 354. 366.
167. 369. 370. 172. 371.
375. 376. 377. 378.
 Euerardus Presbyter Colonia. 89.
 Eugenius Papa III. 4. 12. 15. 40.
 Euerardus de Barris, Magister
 Templi. 33. 67.
 Euerardus de Bretoilo. 66.
 Extases quarundam monia-
 lium. 138.
 F.
 Fastradus Abbas. 82. 83. 178.
295.
 Firmitas Galcheri. 141.
 Fons apud Colombeium in Fossa,
 multis agrotis saluti est. 125.
126. 127.
 Fontanensis ecclesia prope Di-
 nionem. 520.
 Fontenetenensis abbatia. 540. & seq.
 Fontenetenensis Charta de genere
 S. Bernardi expenditur. 621.
 & seq.
 S. Franciscus praesens obsidioni
 Damietae. 685.
 Franco Abbas Domus Dei, mi-
 ratulis clarus. 306.
 Fridericus Dux. 76.
 Fundationes, Ecclesia collegia-
 ta de Saux. 499. Morimundi
503. Claraualis. 113.
 G.
 Garnerius ex Abbate Albaripa
 Clarenallensis, & postmodum
 Episcopus Lingonensis. 88. 89.
 Gaufridus Abbas Igniaci, Cla-
 rauallis, Fossanona, & Alta-
 cumba. 82. 83. 84.
 Gaufridus de Rancone, Moria-
 nensis Comitis nepos. 63. 66.
69.
 Gaufridus Soranus seu Sorensis
 Episcopus. 85. 149. 350.
 S. Georgij ecclesia Philippipoli
 extra urbem. 29.
 S. Georgij Brachium. 37. 38. 48.
 S. Georgius de Sisto. 10. 55.
 Geraldus Abbas Clarenallensis,
 occisus Igniaci. 83. 84.
 Gerannus, qui & Gerento & Ia-
 rento, Abbas S. Benigni. 111.
 Gerardus Abbas Euerbaci. 85.
 Gerardus de Farfa, sanctitate
 clarus. 307.
 Gislebertus Abbas de Hoilandā
 in Angliā. 84.
 S. Glodesindis. 87.
 Gloria caelestis reuelatio. 195.
 quinam statim post mortem in
 ea recipiantur. 197. 202. 205.
268.
 Godefridus Lingonensis Episco-
 pus. 1. 3. 11. 33. 39. 42. 43.
44. 82. 83. 85. 630.
 Gossuini Liber Miraculorum. 85.
87. 95.
 Graci Imperatoris adulationes
 & fraudes. 13. 19. 36. 38. 39.
 Gracorum errores & leuitas. 34. 35.
 Gregorius Papa VIII. 88.
 Grimionenses Comites. 556. 645.
 Guachernus de Montezaiio. 66.

INDEX

- Guido Abbas Molisimensis. 145.
 Guillelmi Anglorum Regis prae-
 ni mores, & infelix exitus. 332.
 Guillelmus Comes Matiscen-
 sis. 60.
 Guillelmus Comes Ninernensis,
 & postea Cartusianus. 4. 15.
 S. Gundricus eremita in Angliā.
83.
 Gunnarius Sardinia Tetrarcha,
 & monachus in Claraualle.
81. 172.
 H.
 Hatto Prior Molisimensis. 130.
151.
 S. Haymo Sauvigniensis monachus.
84.
 Henricus Abbas Alacumba, post
 Clareuallensis, & denique
 Cardinalis Episcopus Alba-
 nensis. 84. 85. 86. 88. 89.
 Henricus apostata, Manichaeo-
 rum Princeps. 277. 278.
 Henricus Regis frater, mona-
 chus in Claraualle, Archie-
 piscopus Remensis. 82.
 Henricus filius Comitis Campa-
 niae Theobaldi. 60.
 Herbertus Archiepiscopus Tur-
 rium Sardiniae. 82. 83. 85. 87.
94. 96. 101. 158. & seq.
 Hesternit ciuitas. 23.
 S. Hugo Abbas Cluniacensis.
394.
 Hugo Abbas Bonzuallis. 86. 87.
 Hugo prior Fontenetenfis. 325.
 Hugo Comes Trecentis, seu Cam-
 pania. 512. 513. 514. 515.
516. 536. 537. 538. 539. 569.
571. 671. 677.
 Humbergā, sine Humbelina S.
 Bernardi soror. 107. 148.
156. 398. 624.
 Hungaria 21. 22. 23. 24. 26.
 Hungaricus Rex. 24. 25. 26.
 L.
 Iconium. 32. 41. 48.
 Ierosolymitana terra eripitur
 Christianis. 88.
 Illiterati repente docti. 99. 209.
233.
 Imperator anno 1187. Cruce se-
 gnatur pro recuperatione Ter-
 ra sancta. 88.
 Insignia Ordinis Cisterciensis.
396. Comitum Campaniae.
575. 576. 577. 667. S. Ber-
 nardi. 667.
 Iohannes Prior Claraualis,
 idemque nomine Eremita. 85.
94. 95.
 Itinerarium Ludonici VII. Regis.
3. & seq.
 Iudaei exsaturati ab aliis discreti.
321.
 Iudicium temerarium castiga-
 tum. 224.
 Iuliacum puellarum monaste-
 rium. 145. 440.
 L.
 Lacryma paenitentium coram...

INDEX

- Deopresiosa.* 364. 365.
Landulfus nuncius Graci Impe-
ratoris. 69.
Laodicia. 59.
Lauiniacum. 275.
Legionensis urbs Iberia. 241.
Leo Abbas S. Bertini. 17. 18.
Licentia Superiorum, sine qua
rei vel minima usurpatio
damnatur. 319. 321. 375.
Lingonenses Comites. 486. 489.
490. 520. 546.
Lotharingia Duces aliquos. 403.
446.
Luceleburgi quiescit Schoce-
linus sanctitatis clarus. 192.
Lucius Papa III. 86. 94.
Ludonicus VII. Rex. 61. 11. 15.
69. 79. 77.
Lupar castrum. 83.
M.
Maander fluvius. 59.
S. Malachia obitus in clauan-
le. 81. canonizatio. 89. appa-
ritiones. 179. 227.
Manasses de Bullis. 66.
Manasses Lingonensis Episcopus.
89.
Manustra. 40.
de Marey familia, paterna S.
Bernardi linea insita. 658.
Maria Virginis Deipara appa-
ritiones & beneficia varia.
163. 166. 217. 206. 321. 340.
560.
de Meloso illustris familia. 580.
581. 585. 635. 636. 637.
Menardus Abbas de Morn. 285.
Mesa urbs. 15. 17. 21.
Metensis Episcopus. 55.
404.
Militia gradus nobilitatis. 404.
Milo de Nogentiac. 5. 61.
S. Milo Terruanensis Episcopus.
81. 82.
Modestia commendatio in vesti-
tu, etiam in morbo. 320.
Moneta cuprea. 26.
Montisbarri familia. 105. 409.
413. 414. 641.
Montisferrati Marquisus annu-
culus Regis. 44. 55.
Morianensis Comes annunculus
Regis. 44. 55.
Muliebres cantilena irrisa. 221.
222.
Multiplicatio frumenti. 154.
N.
Nicaa. 49. 50. 52. 53.
Nicanus lacus. 49. 52.
Nicomedia. 32. 44. 48.
Nimia sui curavedarguitur. 360.
Nit ciuitas. 23.
S. Norbertus. 82.
Nonn urbs. 21.
O.
Obitus felices piorum. 151. 165.
192. 196. 197. 199. 205. 211.
213. 230. 231. 232. 257.
298. 306. 318. 323. 325. 316.
328. 335. 345. 346. 349.
363.

INDEX

- Odo Campaniensis. 530. & seq. 572. 680.
 Odo de Diogilo. 1. 2. 3.
 Olauus Rex. 393.
 Orantibus affusi miri odores ac
 sapores. 234. 235. 236. 256.
 Otto Frisingensis Episcopus, frater
 Conradi Imp. 32. 61.
 P.
 Pabula Iulij Caesaris. 21.
 Paradisi porta aperta usque ad
 diem iudicii. 267.
 Patania. 21.
 Pergamus. 58.
 Petrus Prior Iuliacenſis. 132.
 Petrus Monoculus Abbas Clare-
 nallensis ex Igniacensi. 86.
88. 101.
 S. Petrus Tarentasiensis Archie-
 piscopus. 84. 86.
 Petrus Cardinalis Episcopus
 Tusculanus. 94. 97.
 Philadelphia. 56.
 Philippopolis. 23. 27. 29.
 Philippus Augustus. 86. 133.
 Philippus Comes Flandria. 89.
 Pincenati. 32. 33.
 Pena alterius vite. 179.
 Penitentia lenissima inuicta
 magno peccatori a S. Bernar-
 do. 101.
 Polongium. 87.
 Polychronia Gracorum. 34. 35.
 Poncius Abbas Claranallis, &
 postea Episcopus Claromonta-
 nus. 83.
 Porta Hungaria. 21.
 Prasagia futura pralationis.
296. 352.
 Promidentia Dei mira in Clare-
 nallenses. 116. 119.
 Psallentes celsius benedicuntur.
153.
 Purgatorium sine cruciatu. 335.
 R.
 Ratisspona. 21. 23.
 Renaldus Comes de Monçon,
 frater Episcopi Metensis. 32.
55.
 Riccii vadum. 145.
 Riccii Dominus Robertus. 146.
 Rixa inter Francos & Aleman-
 nos. 28.
 Robertus II. Dux Burgundia. 633.
 Robertus filius Roberti Ducis
 Burgundia. 634.
 Robertus Comes Perticensis, Re-
 gis germanus. 44.
 Robertus Abbas, Domus Dei, S.
 Bernardi consobrinus. 95.
109. 643.
 Robertus Abbas Claranallis post
 S. Bernardum proximus. 81.
82.
 Rodulfus Viromandensis Comes.
4. 17.
 Rogerius Apulia & Sicilia Rex.
13. 14. 15. 46. 81. 311.
 Romania 21. 48.
 S.
 Sacra Imperatorum. 13.
 Saffrensis familia. 662.

INDEX

- Sagniacensis familia.* 660.
Salionis, seu Salicis familia, vulgo de Sauz. 420. 652. 653. 654.
Samsen Remensis Archiepiscopus regni Administrator. 4. 17.
Sapor mirabilis leguminibus dininitus. 2. 53.
Satellia antiquis Attalia. 5. 59. 62.
Saurus vel Sorns Tecelinus, S. Bernardi pater. 417. 425. 428. 543.
Schismatis initia inter Alexandrum III. & Octavianum. 82.
Scurrilitatis pagina. 194.
Septemfontium abbatia, Fonteneti filia. 574.
Smyrna. 58.
Sombornionensis familia. 419. 650. 652.
S. Sophia. 36. 38.
Stamma. 26.
Stampensis conventus. 2. 3. 13. 14. 291. 292.
S. Stephanns Abbas Cisterciensis. 291. 292.
Sneffionensis Comes. 53.
Sugerius Abbas S. Dionysii. 3. 4. 6. 9. 15.
Summarij. 19.
- T.
- T. bula pulsari solita pro morientibus.* 148. 166. 168. 198. 207. 217.
Tartense puellarum monasterium Cisterciensis Ordinis primum. 403. 441. 449. 450.
- Tecelinus pater S. Bernardi, Dominus de Fontanis.* 105. 108. 520. 618.
Tentationes carnis discussa. 169. 212.
Tharsus. 40.
Theobaldus Campania Comes. 145. 143. 150. 156. 157. 270.
Theodericus Flandrensis Comes. 42. 60. 74.
S. Thomas Cantuariensis Archiepiscopus martyrium patitur. 83.
Trium Sanctorum Regum corpora Mediolano Coloniam translata. 81.
Tullensis Comes. Fridericus. 448. Turcia. 48.
- V.
- Vestis gloria.* 165.
Verdunum. 17.
Vexillum S. Dionysii. 15. 16.
Vexiliacum. 1. 11.
Virtus & vestitus asperitas mira in primis Clareuallensibus. 115. 117. 118.
Vinea excommunicatur, & iterum benedicitur. 123. 124.
Vitriaci clades, & deflagratio. 2.
Vvarenensis Comes. 31. 66.
Vvichardus ex Abbate Pontinnaci Archiepiscopus Lugdunensis. 84.
Vvircburgis. 21.
Vvormatia. 21.
Vxor pia à barbaro marito occisa miraculis clarec. 37.

INDEX

Y.

648.

Ysodenges cella in Alemannia. Tuodienſe Regis cum Imperatore colloquium. 88.

140.

Yſoldunenſis familia. 556. 559.

FINIS

Errata ſic corrige.

PAg. 13. verſu 11. *Vira.* lege *Vita.* p. 23. v. 28. *ingref-*
ſus & Hungariam. l. *ingreſſus eſt Hungariam,* p. 62. v.
5. *frudémque.* l. *fraudémque.* p. 99. v. 19. *idem.* l. *idem.* p.
121. v. 27. *peniteret.* l. *pæniteret.* p. 127. v. 6. *nomne.* l. *no-*
mine. p. 138. v. 3. *cobibntes.* l. *cobibentes.* p. 142. v. 23. *at-*
dorem. l. *ardorem.* p. 280. v. vlt. *clericis.* l. *clericis.* p. 323. v.
ante penult. *repidúmque.* l. *tepidúmque.* p. 352. v. 11. *Apro-*
pinquante. l. *Appropinquante.* p. 361. v. 9. *contempore.* l. *con-*
temptore. p. 445. v. 4. ante finem *cæiſſe Trtenſe.* l. *cæpiſſe*
Tartenſe. p. 461. v. 4. *vice Comitſ.* l. *Vicecomitſ.* p. 469. v. 8.
M. CC. XVIII. l. *M. CC. XVII.* p. 523. v. 8. *conſercatum.* l.
conſecratum. p. 574. v. penult. *fundarum.* l. *fundatum.* p. 598.
v. 20. *ſeigneur.* l. *ſeigneur.*

â, é, î, ã, A, B, C, D, E, F, G, H, I, K, L, M, N, O, P, Q, R,
S, T, V, X, Y, Z, Aa, Bb, Cc, Dd, Ee, Ff, Gg, Hh, Ii, Kk, Ll,
Mm, Nn, Oo, Pp, Qq, Rr, Ss, Tt, Vv, Xx, Yy, Zz, Aaa, Bbb,
Ccc, Ccc, Ddd, Eee, Fff, Ggg, Hhh, Iii, Kkk, Lll, Mmm,
Nnn, Ooo, Ppp, Qqq, Rrr, Sss, Ttt, Vuu, Xxx, Yyy, Zzz,
Aaaa, Bbbb, Ccec, Dddd, Eeee, Ffff, Gggg, Hhhh, Iiii,
Kkkk, Llll, Mmmm, Nnnn, Oooo, Pppp, Qqqq, Rrrr,

DIVIONE,
TYPIS
PHILIBERTI
CHAVANCE

M. DC. LX.



